

一五·一五五七 大方廣佛華嚴經疏鈔會本八〇卷(四八之二至七三)

唐于闐國三藏沙門 實叉難陀譯
 唐清涼山大華嚴寺沙門澄觀撰述

(弊十、煩一—煩十、刑一—刑十、起一—起十、翦一—翦十、頗一—頗八)

卷四八之一(弊十)	卷四八之二(煩一)	二四
卷四九(煩二)	卷五〇之一(煩三)	六三
卷五〇之二(煩四)	卷五一之一(煩五)	九九
卷五一之一(煩六)	卷五一之三(煩七)	一二五
卷五二之一(煩八)	卷五二之二(煩九)	一五五
卷五二之三(煩十)	卷五二之四(刑一)	一八二
卷五三之一(刑二)	卷五三之二(刑三)	二二三
卷五四之一(刑四)	卷五四之二(刑五)	二四九
卷五五(刑六)	卷五六(刑七)	二八四
卷五七之一(刑八)	卷五七之二(刑九)	三二六
卷五八之一(刑十)	卷五八之二(起一)	三五三
卷五八之三(起二)	卷五九之一(起三)	三八一
卷五九之二(起四)	卷六〇之一(起五)	四一二
卷六〇之二(起六)	卷六〇之三(起七)	四四四
卷六〇之四(起八)	卷六一之一(起九)	四七四
卷六一之二(起十)	卷六二之一(翦一)	五〇五

此土著述(其)

第 136 册

卷六二之二(翦二)	五一九	卷六二之三(翦三)	五三六
卷六三之一(翦四)	五五三	卷六三之二(翦五)	五七一
卷六四(翦六)	五八七	卷六五(翦七)	六一二
卷六六之一(翦八)	六三八	卷六六之二(翦九)	六五三
卷六七(翦十)	六六九	卷六八之一(翦一)	六九四
卷六八之二(翦二)	七一〇	卷六九(翦三)	七二六
卷七〇(翦四)	七四九	卷七一之一(翦五)	七七〇
卷七一之二(翦六)	七八五	卷七二(翦七)	七九八
卷七三(翦八)	八一七		



清刻龍藏佛說法變相圖

大方廣佛華嚴經疏鈔會本第四十八之一 弊十

唐于闐國三藏沙門實叉難陀 譯

唐清涼山大華嚴寺沙門澄觀撰述

如來十身相海品第三十四

初來意者前品總明果法此品別顯相德

弊十

近答前品身問遠答普光眼等六根非唯

眼等徧於法界而名具多相用難思議故

二釋名者如來十身標人顯德言相海者

依人顯相如來十身並如前釋福報奇狀

炳著名相相德深廣故稱為海故文云有

十蓮華藏微塵數相相體廣矣一一用徧

相用廣矣一一難思互相融入體用深矣

若此之相唯屬圓教標以十身故

如來十身考疏

文有四一標名二辨類三出體四辨因若準探玄宗中有佛相章八門分別一釋名二體性三種類四出因五積成六修時七建立八業用今四門中已具其要觀

佛三昧海經辯相有三類一略中略說有

三十二相二略說八萬四千相三廣說有

無量相如雜華經中為普賢賢首等說雜

華即此經異名 觀佛三昧下第二辨類即

明即第九經菩薩本行品第八佛告阿難

如來有三十二大人相八十隨形好金色

光明一一光明無量化身諸毛孔一切

變化及一切色略中略說者我今為此時

會大眾及淨飯王略說相好佛生人間示

同人相故說三十二相勝諸天故說八十

種好為諸菩薩說八萬四千諸妙相好佛

實相好我初成道摩竭提國寂滅道場為

普賢賢首等諸大菩薩於雜華經中已廣

分別釋曰略言即是經文二略三廣乃疏

取意釋之以前有略中略則必有略矣又

彼先說八萬四千今有十蓮華藏故對彼

為廣則徒經文從為諸菩薩說八萬四千
諸妙好相為第二段從佛寶相好我初成
道下為第三 三中初通權小示同於人端
段文亦分明 正不亂故次唯大乘菩薩修八萬四千波
羅蜜故後唯一乘一乘修無盡行故又初
化次報後屬十身十身之相海依主釋也

又初凡聖同見次唯地上後唯圓機然通

五位 三中下第二料揀依前三類三重料

教二即終教三即圓教其頓教以無相為

宗後二兼舉因顯宗言示同於人端正不

亂者俱舍說輪王相云相不正圓明故與

佛非等此明輪王有三十二相有三義不

及如來一處不正二相不圓三不明了今

正不亂即處異輪王其端正二字是明是

圓故示同人而勝人矣次唯大乘者即明

果相如因中斷八萬四千煩惱成八萬四

千波羅蜜復八萬四千相好無量壽觀經

云阿彌陀佛有一好復有八萬四千光明一

萬四千好一一好復有八萬四千光明一

一光明遍照法界念佛眾生攝取不捨即

此中等相也又初約化下二約三身十身

料揀若配三身二是報身三是法身若約

四身二由屬他受用報有分限故後即自

受用報及法又法身無相今前三身

後一屬十身十身必融三身故後其前二
又初約凡下三約機見料揀次唯地上者
他受用故上報化不同後唯圓機即屬圓
融不分地前地上故云然通五位此五位
者即三賢十聖等妙二覺六位之 若語其
中除果位耳若開十信即除等覺 若語其
體初以形色次即定慧後以無盡法界 若
其體下第三出體二即 若語其因後通純
定慧者以法門為相故

釋十

二

二 龍藏

雜如初會說故一一相果皆周法界前二

相因如喻你智度等論涅槃大集等經廣

如章說若語其因下第四辨因通純雜者

明前二相因者指廣有源喻伽四十九云

一切菩薩資糧皆感相好作業者宣說種

當知皆由淨戒為因若犯戒尚不得下賤

人身況佛相好若言各各業感如契經說

即是別因就中有一行感一相如云若諸

有情有所希冀隨其所樂正捨珍財感得

一毛孔一毛生身皮細滑等或多行感一

相如言於其父母種種供養於諸有情諸

苦惱事種種救護由往來等動轉業感得

足下千幅輪扣又由四種修事業感一切

相調決定修感足下善安住由委悉修感

千幅輪等由恒常修感纖長指等由無罪

修感餘相皮金色等又諸佛加行感異釋

日此即一行品類所感不同論云此相好

種性地有種子勝解行地修方便清淨增

上意樂地名得餘上意樂地轉勝清淨佛

地善淨無上即此相由所依性能任持故

由極殊妙令端嚴故說名隨好淨日從即

此相由所依下擇好義好義後品方用因

便此引其智論涅槃等經初會主水神處

已引若觀佛三昧海經次前明二品相後

云佛告阿難如來往昔無量無邊阿僧祇

劫以智慧火燒煩惱薪修無相定不作非

時證是故獲得如是相好一一相中無三

量化佛何況多耶釋曰此通後二相因三

宗趣者顯無盡相海為宗令修無盡之行

顯成為趣令修無盡之行顯成為趣

爾時普賢菩薩摩訶薩告諸菩薩言佛子今

當為汝演說如來所有相海

後正釋文文有三別第一誠聽許說二正

陳相狀三結略顯廣今初所以普賢說者

相海普周故令行普行獲普相故普賢本

是會主前說已窮此便說故或前品未經

來未盡更應別答國土等問故

普賢本是會主若此

下通不請之妨有二意通初意可知二或

前品末下二約五品答問通請先列國土

等十問前品答種種性問此下四品更答四

問餘之五問或在此品之前已答經來未

問所以略無別屬

第二佛子如來頂上下

正陳相狀略舉九十七相文通有五依

處二列名三體嚴四業用五結數或略不
 具至文當知或加成益業用中攝然名依
 體用以立皆以體用釋名或單從體用或
 雙從二隨文思之或名與體用義不相似
 者則是文略義舍耳細論一相各依一處

則為九十七段經自標次今以類例相從
 依十九處即為十九段始自於頂終至於

足斯即順觀相海斯即順觀者觀佛三昧
海經說觀佛相海有二

一總觀有三十二二別觀一一諸相就別
觀中復有二義一從頂至足輪名為順觀
二從足輪至頂名逆觀故云今是順觀據
善賢言應言順說為欲成觀是本意故名
為順觀即彼第九
經觀像品為九

佛子如來頂上有三十二寶莊嚴大人相

今初依頂中三初約處總標次其中下別
 列名相後佛子下總結為嚴今初寶莊嚴
 者通顯體嚴事實則云皆摩尼等為莊嚴

故亦顯智實圓淨嚴故一一相中皆有事
 理二嚴隨宜解釋大人相者大人之相故
 二別列中三十二相文各唯四以依處一
 種已總標故此處獨有三十二者理實應
 多為顯圓融一即一切故一頂中便具權
 教三十二數

若爾餘何不然顯頂尊勝故善生經云一
 切世間福不及如來一毛功德一切毛功
 德不及一好功德一切好功德不及一相
 一切相不及白毫白毫復不及無見頂相
 故知勝也此約相好相對明之若約人具
 有好為勝故相伏於人好勝諸天故餘處
 說好為微細若爾等者上正圓融此下通
妙謂有問言若表圓融何不
諸相皆具三十二耶答意可知此約相好
下亦是通難難云諸經論說伏於人故說
三十二相伏諸天故說八十種好故人中
輪王許有三十二相而無八十種好則好
善十

勝矣故為此通謂此約相體以對好體相
勝於好彼約人具則具好為勝亦如世人
一尺之面不及三寸之鼻三寸之鼻不及
一寸之目則相相相望以辨勝劣若有人
有三寸之鼻一寸之目更無餘相
則不及身總具多相為貴人矣

其中有大人相名光照一切方普放無量大
光明網一切妙寶以為莊嚴寶髮周徧柔軟
密緻一一咸放摩尼寶光充滿一切無邊世
界悉現佛身色相圓滿是為一

第一相中四者一列名名從用立二一切
妙寶下體嚴三一一下業用四是為一者
結數他皆倣此

一列名者謂此名能照一切方等下辨業用云一一咸放摩尼寶光等明知從用以立其名下諸大勢皆悉如是或從用立或從體得可

次有大人相名佛眼光明雲以摩尼王種種
莊嚴出金色光如眉間毫相所放光明其光
普照一切世界是為二

二中以摩尼下體嚴即釋光明義其光下
業用釋佛眼義佛眼無不照故餘並準思
毫相放光如現相品說雲義亦如初會

次有大人相名充滿法界雲上妙寶輪以為
莊嚴放於如來福智燈明普照十方一切法
界諸世界海於中普現一切諸佛及諸菩薩
是為三

次有大人相名示現普照雲真金摩尼種種
莊嚴其諸妙寶咸放光明照不思議諸佛國
土一切諸佛於中出現是為四

次有大人相名放寶光明雲摩尼寶王清淨
莊嚴毗瑠璃寶以為華藥光照十方一切法
界於中普現種種神變讚歎如來往昔所行
智慧功德是為五

次有大人相名示現如來徧法界大自在雲

菩薩神變寶燄摩尼以為其冠具如來力覺
悟一切寶燄光輪以為其鬘其光普照十方
世界於中示現一切如來坐於道場一切智
雲充滿虛空無量法界是為六

次有大人相名如來普燈雲以能震動法界
國土大自在寶海而為莊嚴放淨光明充滿
法界於中普現十方諸菩薩功德海過現未
來佛智慧幢海是為七

次有大人相名普照諸佛廣大雲因陀羅寶
如意王寶摩尼王寶以為莊嚴常放菩薩燄
燈光明普照十方一切世界於中顯現一切

諸佛衆色相海大音聲海清淨力海是為八

八中嚴內摩尼名意故不同如意

次有大人相名圓滿光明雲上妙瑠璃摩尼
王種種寶華以為莊嚴一切衆寶舒大燄網

充滿十方一切世界一切衆生悉見如來現
坐其前讚歎諸佛及諸菩薩法身功德令入
如來清淨境界是為九

次有大人相名普照一切菩薩行藏光明雲
衆寶妙華以為莊嚴寶光普照無量世界寶
燄普覆一切國土十方法界通達無礙震動
佛音宣暢法海是為十

次有大人相名普光照耀雲毗瑠璃因陀羅
金剛摩尼寶以為莊嚴瑠璃寶光色相明徹
普照一切諸世界海出妙音聲充滿法界如
是皆從諸佛智慧大功德海之所化現是為
十一

十一中如是皆從下辨業用因亦業用攝
次有大人相名正覺雲以雜寶華而為莊嚴
其諸寶華悉放光明皆有如來坐於道場充

滿一切無邊世界令諸世界普得清淨永斷一切妄想分別是爲十二

次有大人相名光明照耀雲以寶燄藏海心王摩尼而爲莊嚴放大光明光中顯現無量菩薩及諸菩薩所行之行一切如來智身法

身諸色相海充滿法界是爲十三

次有大人相名莊嚴普照雲以金剛華毗瑠璃寶而爲莊嚴放大光明光中有大寶蓮華座具足莊嚴彌覆法界自然演說四菩薩行其音普徧諸法界海是爲十四

十四用中云四菩薩行者瑜伽菩薩地云

一切菩薩略有四行一波羅密行二菩提

分法行三神通行四成熟有情行

次有大人相名現佛三昧海行雲於一念中示現如來無量莊嚴普徧莊嚴一切法界不

思議世界海是爲十五

次有大人相名變化海普照雲妙寶蓮華如須彌山以爲莊嚴衆寶光明從佛願生現諸變化無有窮盡是爲十六

次有大人相名一切如來解脫雲清淨妙寶

以爲莊嚴放大光明莊嚴一切佛師子座示現一切諸佛色像及無量佛法諸佛刹海是爲十七

次有大人相名自在方便普照雲毗瑠璃華真金蓮華摩尼王燈妙法燄雲以爲莊嚴放

一切諸佛寶燄密雲清淨光明充滿法界於

中普現一切妙好莊嚴之具是爲十八

次有大人相名覺佛種性雲無量寶光以爲莊嚴具足千輪內外清淨從於往昔善根所生其光徧照十方世界發明智日宣布法海

是為十九

十九云具足千輪者梵本云具千輻輪也
次有大人相名現一切如來相自在雲衆寶
瓔珞瑠璃寶華以為莊嚴舒大寶燄充滿法
界於中普現等一切佛刹微塵數去來現在
無量諸佛如師子王勇猛無畏色相智慧皆
悉具足是為二十

次有大人相名徧照一切法界雲如來寶相
清淨莊嚴放大光明普照法界顯現一切無
量無邊諸佛菩薩智慧妙藏是為二十一

二十一示身智二光俱顯智慧九

次有大人相名毗盧遮那如來相雲上妙寶
華及毗瑠璃清淨妙月以為莊嚴悉放無量
百千萬億摩尼寶光充滿一切虛空法界於
中示現無量佛刹皆有如來結跏趺坐是為

二十二

次有大人相名普照一切佛光明雲衆寶妙
燈以為莊嚴放淨光明徧照十方一切世界
悉現諸佛轉於法輪是為二十三

次有大人相名普現一切莊嚴雲種種寶燄
以為莊嚴放淨光明充滿法界念念常現不
可說不可說一切諸佛與諸菩薩坐於道場
是為二十四

次有大人相名出一切法界音聲雲摩尼寶
海上妙梅檀以為莊嚴舒大燄網充滿法界
其中普演微妙音聲示諸衆生一切業海是
為二十五

次有大人相名普照諸佛變化輪雲如來淨
眼以為莊嚴光照十方一切世界於中普現
去來今佛所有一切莊嚴之具復出妙音演

不思議廣大法海是爲二十六

二十六中莊嚴云如來淨眼爲莊嚴者此通十眼光照下顯業用亦通身智二光淨眼及光釋前普照現於嚴具是上輪義即法輪故

次有大人相名光照佛海雲其光普照一切世界盡于法界無所障礙悉有如來結跏趺坐是爲二十七

次有大人相名寶燈雲放於如來廣大光明普照十方一切法界於中普現一切諸佛及

諸菩薩不可思議諸衆生海是爲二十八

次有大人相名法界無差別雲放於如來大智光明普照十方諸佛國土一切菩薩道場衆會無量法海於中普現種種神通復出妙音隨諸衆生心之所樂演說普賢菩薩行願

令其迴向是爲二十九

次有大人相名安住一切世界海普照雲放寶光明充滿一切虛空法界於中普現淨妙道場及佛菩薩莊嚴身相令其見者得無所見是爲三十

次有大人相名一切寶清淨光燄雲放於無量諸佛菩薩摩尼妙寶清淨光明普照十方一切法界於中普現諸菩薩海莫不具足如來神力常遊十方盡虛空界一切刹網是爲三十一

從二十七至三十一並略無莊嚴亦由名中已含有故

次有大人相名普照一切法界莊嚴雲最處於中漸次隆起閻浮檀金因陀羅網以爲莊嚴放淨光雲充滿法界念念常現一切世界

諸佛菩薩道場衆會是為三十二十一

三十二先名次最處下體嚴此居頂極特

顯別處故云處中則知所餘皆繞此相略

不明耳漸次隆起者正顯其相智論第五

云如來頂有骨髻如拳觀佛三昧經云如

合拳即隆起之相也觀佛三昧者即第四

言尚應合拳即覆拳於頂上有隆起之相

也然此相能滅一切罪長一切福故佛頂

專勝正明於此即烏瑟尼沙雙念雙觀延

善住之壽滅地獄之苦不受七反畜生未

離人間

佛子如來頂上有如是三十二種大人相以

為嚴好

三總結為嚴

佛子如來眉間有大人相名徧法界光明雲

摩尼寶華以為莊嚴放大光明具衆寶色猶

如日月洞徹清淨其光普照十方國土於中

顯現一切佛身復出妙音宣暢法海是為三十三

第二眉間有一相自下並有依處故文皆

有五初依處二顯名三摩尼下體嚴謂此

相若收則右旋如覆瑠璃椀若展則具十

楞有大光明嚴唯一寶光具多色中表皆

空即是洞徹四其光下業用復出已下即

是法光故此光名從用而立五結數可知

則具十楞者亦觀佛三昧經第二廣說觀

白毫之相彼經先說白毫之因云從捨心

不慳不見前相不憶財物無所封著而行

布施剋眼持戒忍辱六度十力四無所畏

諸妙功德生次云我滅度後有諸弟子晝

夜六時能於一心中少分少分之中能須

臆間念佛白毫令心了無謬亂想分明

止住注意不息念白毫者若見相好若不

得見如是等八除九十六億那由他恒河

沙微塵數劫生死之罪佛告父王如來有

無量相好一一相中有八萬四千諸小相

好如足相好不及白毫少分功德釋曰故

應觀察况依此

經如是而觀

第十

十二

如來眼有大人相名自在普見雲以眾妙寶而為莊嚴摩尼寶光清淨映徹普見一切皆無障疑是為三十四

如來鼻有大人相名一切神通智慧雲清淨妙寶以為莊嚴眾寶色光彌覆其上於中出

現無量化佛生寶蓮華往諸世界為一切菩薩一切眾生演不思議諸佛法海是為三十五

第三眼第四鼻各有一相

如來舌有大人相各示現音聲影像雲眾色妙寶以為莊嚴宿世善根之所成就其舌廣長徧覆一切諸世界海如來若或熙怡微笑必放一切摩尼寶光其光普照十方世界能令一切心得清涼去來現在所有諸佛皆於光中炳然顯現悉演廣大微妙之音徧一切

刹住無量劫是為三十六

如來舌復有大人相名法界雲其掌安平眾寶為嚴放妙寶光色相圓滿猶如眉間所放

光明其光普照一切佛刹唯塵所成無有自性光中復現無量諸佛咸發妙音說一切法

是為三十七

第十

十三

第五舌有四相初一即舌廣長相於體嚴中宿善成者此舉因嚴偏此說因者令讚

演一乘故其舌廣長即語其體福德人至鼻權佛至髮際餘大乘中明現神足方至

梵世或覆三千今直語體便覆一切後如來下辨其業用演法釋音聲現佛釋影像

福德人者即智度論文或至梵世即法華經如來神力品爾時如來出廣長舌上至梵世或覆三千即阿彌陀云出廣長舌過覆三千大千世界說誠實言 二舌掌之相掌謂近根其光下顯業用光照諸

刹令應度者無俟觀破搏聚自曉但合塵

成何性之有

無俟觀破者金剛經云須菩
提於意云何三千大千世界

所有微塵是為多不須菩提言甚多世界
須菩提諸微塵如來說非微塵是名微塵
如來說世界非世界是名世界釋曰此段
論名第十色及衆生身搏取中觀破相應
行住處大意云衆生世界但攬塵成今從
處至細乃至極微皆無實體故云世界即
非世界今云無俟觀破者觀破但是假想
為未了者若了法本空不待觀破又彼云
搏取今云搏聚是義引耳什公云欲破極
微覺賢云以一故衆以衆故一微自無性
則為空矣
餘如前說

如來舌端有大人相名照法界光明雲如意

寶王以為莊嚴自然恒出金色寶篋於中影

現一切佛海復震妙音充滿一切無邊世界

一一音中具一切音悉演妙法聽者心悅經

無量劫玩味不忘是為三十八

如來舌端復有大人相名照耀法界雲摩尼

寶王以為嚴飾演衆色相微妙光明充滿十

方無量國土盡于法界靡不清淨於中悉有

無量諸佛及諸菩薩各吐妙音種種開示一

切菩薩現前聽受是為三十九

後二同在舌端或居左右或在上下觀文

業用但有展卷不同前則卷佛海於舌端

後則展諸佛於法界

第十

十四

如來口上齶有大人相名示現不思議法界

雲因陀羅寶毗瑠璃寶以為莊嚴放香燈燄

清淨光雲充滿十方一切法界示現種種神

通方便普於一切諸世界海開演甚深不思

議法是為四十

第六上齶一相上齶既有下亦宜然或是

梵本脫漏

如來口右輔下牙有大人相名佛牙雲衆寶

摩尼卍字相輪以為莊嚴放大光明普照法

界於中普現一切佛身周流十方開悟羣生是爲四十一

第七牙有四相謂左右上下四大牙故故佛涅槃四牙不碎輔頰也亦云頰車骨也

故佛涅槃者即後分經聖無麻潤品

如來口右輔上牙有大人相名寶皎彌盧藏雲摩尼寶藏以爲莊嚴放金剛香飲清淨光明一一光明充滿法界示現一切諸佛神力復現一切十方世界淨妙道場是爲四十二

二右輔上牙名彌盧者顯妙高故

第十一

十五

如來口左輔下牙有大人相名寶燈普照雲一切妙寶舒華發香以爲莊嚴放燈皎雲清淨光明充滿一切諸世界海於中顯現一切諸佛坐蓮華藏師子之座諸菩薩衆所共圍繞是爲四十三

如來口左輔上牙有大人相名照現如來雲清淨光明閻浮檀金寶網寶華以爲莊嚴放大皎輪充滿法界於中普現一切諸佛以神通力於虛空中流布法乳法燈法寶教化一切諸菩薩衆是爲四十四

四中有法乳等三同一演法約資法身名

乳照了萬境稱燈令其圓淨爲寶即演三

德涅槃之法亦成三德涅槃之益也

四中有法

乳者論第三十八云五想聽法一如寶二如眼三如明四大果功德五無罪想今云法燈合明眼二義大果即資法身無罪總明離過

如來齒有大人相名普現光明雲一一齒間相海莊嚴若微笑時悉放光明具衆寶色摩尼寶皎右旋宛轉流布法界靡不充滿演佛言音說普賢行是爲四十五

第八齒有一相

如來脣有大人相名影現一切寶光雲放闍浮檀真金色蓮華色一切寶色廣大光明照于法界悉令清淨是爲四十六

第九脣有一相上二各應分出上下放闍浮下體嚴以脣色赤好如初出紅蓮葉

故後照于下業用

如來頸有大人相名普照一切世界雲摩尼寶王以爲莊嚴紺蒲成就柔輒細滑放毗盧遮那清淨光明充滿十方一切世界於中普現一切諸佛是爲四十七

第十頸有一相

十六

如來右肩有大人相名佛廣大一切寶雲放一切寶色真金色蓮華色光明成寶燄網普照法界於中普現一切菩薩是爲四十八
如來右肩復有大人相名最勝寶普照雲其

色清淨如闍浮金放摩尼光充滿法界於中普現一切菩薩是爲四十九

如來左肩有大人相名最勝光照法界雲猶如頂上及以眉間種種莊嚴放闍浮檀金及蓮華色衆寶光明成大燄網充滿法界於中示現一切神力是爲五十

如來左肩復有大人相名光明徧照雲其相右旋闍浮檀金色摩尼寶王以爲莊嚴放衆寶華香燄光明充徧法界於中普現一切諸佛及以一切嚴淨國土是爲五十一

如來左肩復有大人相名普照耀雲其相右旋微密莊嚴放佛燈燄雲清淨光明充徧法界於中顯現一切菩薩種種莊嚴悉皆妙好是爲五十二

第十一肩有五相右二左三或亦脫也

弊十

十七

如來曾臆有大人相形如卍字名吉祥海雲
摩尼寶華以為莊嚴放一切寶色種種光燄
輪充滿法界普令清淨復出妙音宣暢法海
是為五十三

吉祥相右邊有大人相名示現光照雲因陀
羅網以為莊嚴放大光輪充滿法界於中普
現無量諸佛是為五十四

吉祥相右邊復有大人相名普現如來雲以
諸菩薩摩尼寶冠而為莊嚴放大光明普照
十方一切世界悉令清淨於中示現去來今

佛坐於道場普現神力廣宣法海是為五十

五

吉祥相右邊復有大人相名開敷華雲摩尼
寶華以為莊嚴放寶香燄燈清淨光明狀如
蓮華充滿世界是為五十六

吉祥相右邊復有大人相名可悅樂金色雲
以一切寶心王藏摩尼王而為莊嚴放淨光
明照于法界於中普現猶如佛眼廣大光明
摩尼寶藏是為五十七

吉祥相右邊復有大人相名佛海雲毗瑠璃
寶香燈華鬘以為莊嚴放滿虛空摩尼寶王
香燈大燄清淨光明充徧十方一切國土於
中普現道場衆會是為五十八

吉祥相左邊有大人相名示現光明雲無數
菩薩坐寶蓮華以為莊嚴放摩尼王種種間

錯寶燄光明普淨一切諸法界海於中示現
無量諸佛及佛妙音演說諸法是為五十九
吉祥相左邊復有大人相名示現徧法界光
明雲摩尼寶海以為莊嚴放大光明徧一切
刹於中普現諸菩薩衆是為六十

吉祥相左邊復有大人相名普勝雲日光
 摩尼王寶輪髮而為莊嚴放大光燄充滿法
 界諸世界海於中示現一切世界一切如來
 一切衆生是為六十一

吉祥相左邊復有大人相名轉法輪妙音雲
 一切法燈清淨香樂以為莊嚴放大光明充
 滿法界於中普現一切諸佛所有相海及以
 心海是為六十二

吉祥相左邊復有大人相名莊嚴雲以去來
 今一切佛海而為莊嚴放淨光明嚴淨一切
 諸佛國土於中普現十方一切諸佛菩薩及
 佛菩薩所行之行是為六十三

第十二會有十一相初一當中左右各五
 今初卅字正翻為吉祥海雲以依形立名
 故先標形相應迴安名下以屬體攝無違

前後左右可知

如來右手有大人相名海照雲衆寶莊嚴恒
 放月燄清淨光明充滿虛空一切世界發大
 音聲歎美一切諸菩薩行是為六十四

如來右手復有大人相名影現照耀雲以毗
 瑠璃帝青摩尼寶華而為莊嚴放大光明普
 照十方菩薩所住蓮華藏摩尼藏等一切世
 界於中悉現無量諸佛以淨法身坐菩提樹
 震動一切十方國土是為六十五

如來右手復有大人相名燈燄曼普嚴淨雲
 毗盧遮那寶以為莊嚴放大光明成變化網
 於中普現諸菩薩衆咸戴寶冠演諸行海是
 為六十六

如來右手復有大人相名普現一切摩尼雲
 蓮華燄燈而為莊嚴放海藏光充徧法界於

中普現無量諸佛坐蓮華座是爲六十七
如來右手復有大人相名光明雲摩尼燄海
以爲莊嚴放衆寶燄香燄華燄清淨光明充
滿一切諸世界網於中普現諸佛道場是爲
六十八

第十三手有十三相分三初九直語手相
右五左四者或左腕一或表右常用故而
前肩則右二左三相通正等右中六十六
云成變化網者光化爲網也

如來左手有大人相名毗瑠璃清淨燈雲寶
地妙色以爲莊嚴放於如來金色光明念念
常現一切上妙莊嚴之具是爲六十九
如來左手復有大人相名一切刹智慧燈音
聲雲以因陀羅網金剛華而爲莊嚴放閻浮
檀金清淨光明普照十方一切世界是爲七

十
如來左手復有大人相名安住寶蓮華光明
雲衆寶妙華以爲莊嚴放大光明如須彌燈
普照十方一切世界是爲七十一
如來左手復有大人相名徧照法界雲以妙

寶鬘寶輪寶瓶因陀羅網及衆妙相以爲莊
嚴放大光明普照十方一切國土於中示現
一切法界一切世界海一切如來坐蓮華座
是爲七十二

左中七十二云因陀羅網爲嚴者即是網
輓之相互涉入故

如來右手指有大人相名現諸劫刹海旋雲
水月燄藏摩尼王一切寶華以爲莊嚴放大
光明充滿法界其中恒出微妙音聲滿十方
刹是爲七十三

如來左手指有大人相名安住一切寶雲以
帝青金剛寶而爲莊嚴放摩尼王衆寶光明
充滿法界其中普現一切諸佛及諸菩薩是
爲七十四

次二左右指可知

如來右手掌有大人相名照耀雲以摩尼王
千輻寶輪而爲莊嚴放寶光明其光右旋充
滿法界於中普現一切諸佛一一佛身光燄
熾然說法度人淨諸世界是爲七十五

如來左手掌有大人相名燄輪普增長化現

辨十

字一

法界道場雲以日光摩尼王千輻輪而爲莊
嚴放大光明充滿一切諸世界海於中示現
一切菩薩演說普賢所有行海普入一切諸
佛國土各各開悟無量衆生是爲七十六
後二左右掌皆有千輪者輪殼輻輞三事

具足自然成就不待人功

如來陰藏有大人相名普流出佛音聲雲一
切妙寶以爲莊嚴放摩尼燈華燄光明其光
熾盛具衆寶色普照一切虛空法界其中普
現一切諸佛遊行往來處處周徧是爲七十
七

第十四陰藏一相猶如馬王

如來右臂有大人相名寶燈髮普照雲諸摩
尼寶以爲莊嚴放不思議寶燄光明彌布十
方一切法界與虛空法界同爲一相而能出
生一切諸相一一相中悉現諸佛自在神變
是爲七十八

如來左臂有大人相名示現一切法界海光
明彌覆虛空雲猶如蓮華清淨妙寶以爲嚴
飾放光明網徧照十方一切法界於中普現

種種相雲是爲七十九

第十五坐處二相

如來右脛有大人相名普現雲以衆色摩尼而爲莊嚴其脛與臚上下相稱放摩尼燄妙法光明於一念中能普示現一切寶王遊步相海是爲八十

如來左脛有大人相名現一切佛無量相海雲一切寶海隨順安住以爲莊嚴廣大遊行放淨光明普照衆生悉使希求無上佛法是爲八十一

第十六脛有二相左云隨順安住者脛多行動故須多寶隨順而嚴

如來右邊伊尼延鹿王臚有大人相名一切虛空法界雲光明妙寶以爲莊嚴其相圓直善能遊步放閻浮金色清淨光明徧照一切

諸佛世界發大音聲普皆震動復現一切諸佛國土住於虛空寶燄莊嚴無量菩薩從中化現是爲八十二

如來左邊伊尼延鹿王臚有大人相名莊嚴海雲色如真金能徧遊行一切佛刹放一切寶清淨光明充滿法界施作佛事是爲八十

三

如來寶臚上毛有大人相名普現法界影像雲其毛右旋一一毛端放寶光明充滿十方一切法界示現一切諸佛神力其諸毛孔悉放光明一切佛刹於中顯現是爲八十四

第十七臚有三相第三膊毛通於二臚若準晉經直云毛端則通身一切毛也義應如昔則處成十九

如來足下有大人相名一切菩薩海安住雲

色如金剛閻浮檀金清淨蓮華放寶光明普照十方諸世界海寶香燄雲處處周徧舉足將步香氣周流具衆寶色充滿法界是爲八十五

第十八足有十三相通分爲七初足下一相略無左右而晉經足跌之後別有足下千輻輪相此必合有故後品明足下輪相名普照王今經千輪之言乃在指間或以常明易知指間有異故舉之耳名安住者以足下安平一切著地不容針故

如來右足上有大人相名普照一切光明雲一切衆寶以爲莊嚴放大光明充滿法界示現一切諸佛菩薩是爲八十六
如來左足上有大人相名普現一切諸佛雲寶藏摩尼以爲莊嚴放寶光明於念念中現

一切佛神通變化及其法海所坐道場盡未來際劫無有間斷是爲八十七

二足上

如來右足指間有大人相名光照一切法界海雲須彌燈摩尼王千輻燄輪種種莊嚴放大光明充滿十方一切法界諸世界海於中普現一切諸佛所有種種寶莊嚴相是爲八十八

如來左足指間有大人相名現一切佛海雲摩尼寶華香燄燈鬘一切寶輪以爲莊嚴恒放寶海清淨光明充滿虛空普及十方一切世界於中示現一切諸佛及諸菩薩圓滿音聲卍字等相利益無量一切衆生是爲八十九

三足指間

如來右足跟有大人相名自在照耀雲帝青寶末以爲莊嚴常放如來妙寶光明其光妙好充滿法界皆同一相無有差別於中示現一切諸佛坐於道場演說妙法是爲九十如來左足跟有大人相名示現妙音演說諸法海雲以變化海摩尼寶香燄海須彌華摩尼寶及毗瑠璃而爲莊嚴放大光明充滿法界於中普現諸佛神力是爲九十一

四足跟

如來右足跌有大人相名示現一切莊嚴光第十明雲衆寶所成極妙莊嚴放閻浮檀金色清淨光明普照十方一切法界其光明相猶如大雲普覆一切諸佛道場是爲九十二如來左足跌有大人相名現衆色相雲以一切月皎藏毗盧遮那寶因陀羅尼羅寶而爲

莊嚴念念遊行諸法界海放摩尼燈香燄光明其光徧滿一切法界是爲九十三

五足跌

如來右足四周有大人相名普藏雲因陀羅尼羅金剛寶以爲莊嚴放寶光明充滿虛空於中示現一切諸佛坐於道場摩尼寶王師第十子之座是爲九十四

如來左足四周有大人相名光明徧照法界雲摩尼寶華以爲莊嚴放大光明充滿法界平等一相於中示現一切諸佛及諸菩薩自在神力以大妙音演說法界無盡法門是爲九十五

六足四周因陀羅尼羅者此云帝青

如來右足指端有大人相名示現莊嚴雲甚可愛樂閻浮檀清淨真金以爲莊嚴放大光

明充滿十方一切法界於中示現一切諸佛及諸菩薩無盡法海種種功德神通變化是為九十六

如來左足指端有大人相名現一切佛神變雲不思議佛光明月皎普香摩尼寶皎輪以為莊嚴放象寶色清淨光明充滿一切諸世界海於中示現一切諸佛及諸菩薩演說一切諸佛法海是為九十七

七足指端上六各左右為二文顯可知上來略列九十七相次第數名譯者安置既不說盡豈不盈百足下闕一脣齧不開設合此二六根皆辨耳何獨殊若加兩耳及足下一則圓百數以顯無盡豈不妙哉況此中所列於三十二尚有未盡豈普賢力不及百耶晉經有遺但九十四亦無次

第之數故知九十七數不在生情配屬諸

法上來略列下結釋料揀於中有四初總辨名數言譯者安置者以晉經無數故既不說盡下二明立理欲合盈百故言既不說盡者十蓮華塵不可說盡故況此中下三重以理成合成百義晉經有遺下四遮其傍救恐有救云如大慧百八豈要圓數凡立名數多有所表故今難云此有九十七即有所表晉有九十四復何所表昔表為是今表即非是故不應生情配屬若表亦須成九十八

佛子毗盧遮那如來有如是等十華藏世界海微塵數大人相一一分象寶妙相以為莊嚴

第三佛子下結略顯廣別說難周故須結略非略能盡故須顯廣一華藏塵相已無邊況十華藏則無盡無盡非普眼者安能觀歟既三十二相權實不同互有互無故不會釋

大方廣佛華嚴經疏鈔會本第四十八之一

音釋

廓苦郭切 頰古協切 鞞音漫 齟逆各切 柔輒切 輒而充切

也 密亦密也 緻互利切 鬘莫班切 熙怡切 怡怡切 眇許羈切

樂怡和 脣食倫切 頸居郢切 紺古暗切 眇深青

輻方六切 輻徒渾切 脛部禮切 眇市亮切

跟古痕切 是腫也

第十

二十七

大方廣佛華嚴經疏鈔會本第四十八之二 煩一

唐于闐國三藏沙門實叉難陀 譯

唐清涼山大華嚴寺沙門澄觀撰述

如來隨好光明功德品第三十五

初來意者前品明相此品辨好相好雖殊

煩一

俱用嚴身以答前身及眼等兼自在問好

依相有德劣於相故次明之劣德之用用

成頓益翻顯大相德難思矣

二釋名者如來標人表德隨好等顯德依

人隨好是體隨逐大相益姿好故光明者

用功德者德謂從好發光光能益物顯好

之德故以為名如來之隨好等亦如來有

隨好等通二釋也隨逐大相者即觀佛經意前品已引三宗

趣者明好勝德為宗令物敬修為趣

爾時世尊告寶手菩薩言佛子如來應正等

覺有隨好名圓滿王此隨好中出大光明名為熾盛七百萬阿僧祇光明而為眷屬

次釋又中二先略後廣略中二先標果好

二佛子我為下舉因對顯今初佛自說者

有一意故一僧祇因終此品果極故二皆

佛說二好用劣相而用難思恐物不信故

佛自說告寶手者亦有二義一說手隨好

彼主此門故二令當寶重起信手故有隨

好者總相舉也即足下之好與後名同故

德用周備故云圓滿攝益自在最勝名王

光名熾盛者如日具德由此復能攝諸眷

屬百萬等類多復云七者淨七支修七覺

照七地故照七地者一種性地二勝解行地三淨勝意樂地四止行

地從七地五決定地六決定地七到究竟地

佛子我為菩薩時於兜率天宮放大光明名

光幢王照十佛刹微塵數世界

第二舉因對顯者為顯勝故此有數重一

以相德深廣言不能備故置之說好二好

德復多以三十二相既有八十隨好十蓮

華藏之相好彌多矣且舉其一三一中置

勝但說劣者故明足下四足下一好復有

多光但說一光五果位一光亦不可說故

寄因顯因光成益三重頓圓况果一光如

是展轉况於諸相况復總說如來諸德果

海絕言亦斯義矣如是展轉者上有五重

其舉况亦合五重一以因一光况果一光

所越應云二果一光尚爾况果多光三足

下好光尚爾况餘好光四好光尚爾况於

一相五一如尚爾况於多相說文但有初

及後句餘可例耳復應更有二重謂六外

相尚爾况於內德七一德尚爾况於多德

故瑜伽四十九廣說舉况因說相好因竟

云又於此中以要言之一切有情攝聚量

等爾所攝聚能感如來一毛孔處乃至一

切所有毛孔隨入福聚能感如來一種隨

煩一

二

好乃至所有一切隨好隨入福聚增至百
倍爾所福聚能感如來相中一相乃至一
切所有諸相隨入福聚除白毫烏瑟膩沙
增至十倍增至百千倍爾所福聚能感如
乃至白毫增至百千倍爾所福聚能感如
來其頂上現烏瑟膩沙無見頂相乃至白
毫隨爾福聚增至百千倍爾所福聚能感
能感如來諸相隨好而不攝餘大法螺相
由此法螺隨如來欲發大音奉普能適告
無邊無際諸世界中所有有情如是無量

福聚資糧修證圓滿能感如來不可思議
無上無等過一切種種圓滿所攝自體下取
意引又此相隨好畧由三因說為無量一
時無量三僧祇修故二意樂無量緣無量
衆生利益安樂故三品類無量無量善業
差別故故云無量福聚能起如來諸相隨
好釋曰經中說所感之相論舉能感之因
而因果相成此文證知佛德難思可證前
後數節 文中二先光照分齊即前圓滿好
之文 煩二 三

中放光故不別標放處而非前光好具多

光故

彼世界中地獄眾生遇斯光者眾苦休息得
十種清淨眼耳鼻舌身意亦復如是咸生歡
喜踊躍稱慶

後彼世界下光所成益於中二先令離苦

淨宿善益

從彼命終生兜率天天中有鼓名甚可愛樂
彼天生已此鼓發音而告之言諸天子汝以
心不放逸於如來所種諸善根往昔親近眾
善知識毗盧遮那大威神力於彼命終來生
此天

後從彼命下轉報生天得聞法益於中初
示宿因謂昔近善友必聞普法成金剛種
心不放逸顯曾修行種諸善根通見聞等
次毗盧下顯其現緣後於彼下結因屬果
文從略故結屬生天理實息苦及淨眼等
皆由此因緣也是知佛光等照不種善因
無斯勝益何以一光頓成斯益無盡功德
之所顯故純盡法界之所流故非如權教

八十隨好但嚴於形生信而已此中略無

墮獄之因謂雖修乘戒行寬故謂雖修乘

引別有一解以全悟意往昔親近眾善和
識親近法華涅槃經等眾善知識心不放
逸顯曾修行依諸經修行後聞此經因該
果海果徹因源便生毀謗故墮地獄由聞
歷耳種金剛種以為宿因毘盧遮那大威
神力以為現緣因緣相資頓昇十地等據

此即非是戒緩墮於地獄故十地品云雖
此眾淨廣智慧甚深明利能決擇其心不
動如山王不可傾覆逾大海有行未久十
生五生解未得未有華嚴圓融之解隨識
而行不隨智聞此生疑墮惡道我慙是等

故不說此即是生疑墮地獄又偈讚品云
如來廣大身究竟於法界不離於此座而
適一切處若有聞此法恭敬信樂者永離
三惡道一切諸苦難釋曰定知不是戒緩
又出現品云如乾草積等須彌投芥子火

必燒盡供養如來少功德必令滅苦至濕
槃何以故性究竟故全悟雖是後輩不忍
見疏失於經意所以扶同拯教異於古
人緣疏已行不可改疏請後賢審詳

佛子菩薩足下千輻輪名光明普照王此有
隨好名圓滿王常放四十種光明中有一光
名清淨功德能照億那由他佛刹微塵數世

界隨諸衆生種種業行種種欲樂皆令成熟
阿鼻地獄極苦衆生遇斯光者皆悉命終生
兜率天

第二佛子菩薩足下廣辨但廣於因果難
說故文中亦二先廣淨宿善益後既生天

下廣聞法益今初摧下惡趣之苦放足下
輪光四十光者表四十位無不照故中有
一者置廣說略能照已下分齊過前隨諸
已下淨感成德故前光受清淨等名以重
况輕舉阿鼻耳

既生天已聞天鼓音而告之言善哉善哉諸
天子毗盧遮那菩薩入離垢三昧汝當敬禮
爾時諸天子聞天鼓音如是勸誨咸生是念
奇哉希有何因發此微妙之音是時天鼓告
諸天子言我所發聲諸善根力之所成就

第二廣聞法中長分爲六一略標勸誨二
爾時諸天子下聞已生疑三是時天鼓下
總示所因四諸天子如我說下正明勸教
五時諸天子聞是音下依勸詣佛六說是
法時下見聞益深前三可知

諸天子如我說我而不著我不著我所一切
諸佛亦復如是自說是佛不著於我不著我
所諸天子如我音聲不從東方來不從南西
北方四維上下來業報成佛亦復如是非十
方來

四中有四一以已喻佛無我無來

諸天子譬如汝等昔在地獄地獄及身非十
方來但由於汝顛倒惡業愚癡纏縛生地獄
身此無根本無有來處諸天子毗盧遮那菩
薩威德力故放大光明而此光明非十方來

諸天子我天鼓音亦復如是非十方來但以
 三昧善根力故般若波羅蜜威德力故出生
 如是清淨音聲示現如是種種自在諸天子
 譬如須彌山王有三十三天上妙宮殿種種
 樂具而此樂具非十方來我天鼓音亦復如
 是非十方來

二諸天子譬如汝下以他喻已顯來即無
 來文有三喻並顯可知然惡業善根是來
 因緣因緣無性故來即無來非先有法在
 十方中從彼來也故因緣者即是智慧智
 慧之法本非因緣云何念言有何因緣然惡業下
惡業下遮難釋文恐有難言地獄及身既由
惡業即從惡業中來前業成佛即從善根
中來何以並言非十方來故今釋云正由
從業即是從緣無性來即無來若不從緣
則有定性不得無來中論云若法從緣生
是即無定性若無定性者云何有是法即
因緣故空義耳故因緣者即羣暗引涅槃
二十一為證前疏已引彼經云智慧之法

不從因緣云何問於因緣今取此勢汝
諸天子何因向疑何因發此微妙之音
 諸天子譬如億那由他佛刹微塵數世界盡
 末為塵我為如是塵數衆生隨其所樂而演
 說法令大歡喜然我於彼不生疲厭不生退
 怯不生憍慢不生放逸諸天子毗盧遮那菩
 薩住離垢三昧亦復如是於右手掌一隨好
 中放一光明出現無量自在神力一切聲聞
 辟支佛尚不能知況諸衆生
 三諸天子譬如億那由下以已況佛難思
 之境合中舉手隨好者別舉顯勝上救下
頻一
 趣故舉足光今約現通故說手也
六
 諸天子汝當往詣彼菩薩所親近供養勿復
 貪著五欲樂具
 四諸天子汝當下正勸往詣誠不應留於
 中二先總誠勸

著五欲樂障諸善根諸天子譬如劫火燒須彌山悉令除盡無餘可得貪欲纏心亦復如是終不能生念佛之意

後著五欲下廣釋於中亦二先釋前誠有法喻合

頌一

七

諸天子汝等應當知恩報恩諸天子其有衆生不知報恩多遭橫死生於地獄諸天子汝等昔在地獄之中蒙光照身捨彼生此汝等今者宜疾迴向增長善根諸天子如我天鼓非男非女而能出生無量無邊不思議事汝天子天女亦復如是非男非女而能受用種種上妙宮殿園林如我天鼓不生不滅色受想行識亦復如是不生不滅汝等若能於此悟解應知則入無依印三昧

後諸天子下釋勸於中有六一順釋爲報

恩故二諸天子其有下反釋三諸天子汝等下示其恩相四汝等今者下勸往增善五諸天子如我天鼓非男非女下示法令修謂說二空非男女喻以顯人空不生滅喻以顯法空六汝等若能下勸修成益言無依印者既解悟無生則能所雙絕儻然靡據故曰無依以斯智印印定萬法不收不攝任心自安故稱三昧

時諸天子聞是音已得未曾有即皆化作一萬華雲一萬香雲一萬音樂雲一萬幢雲一萬蓋雲一萬歌讚雲作是化已即共往詣毗盧遮那菩薩所住宮殿合掌恭敬於一面立欲申瞻覲而不得見

第五依勸詣佛中分五一獻供不遇

時有天子作如是言毗盧遮那菩薩已從此

沒生於人間淨飯王家乘梅檀樓閣處摩耶夫人胎

二時有下聞其所在

時諸天子以天眼觀見菩薩身處在人間淨飯王家梵天欲天承事供養

三時諸天下觀見下生

諸天子衆咸作是念我等若不往菩薩所問訊起居乃至一念於此天宮而生愛著則爲不可時一一天子與十那由他眷屬欲下閻浮提

四諸天子衆下發心欲往

時天鼓中出聲告言諸天子菩薩摩訶薩非此命終而生彼間但以神通隨諸衆生心之所宜令其得見

五時天鼓中出聲告下教見佛儀於中二

先教識受生令捨曲見後教發心悔過令其必見今初由前不遇後觀下生不離有無情存彼此故示體用顯無生現生文中

有法喻合法中先誠其曲見後但以下示其正見是知佛化所生非歿生也先教識者涅槃

一十一說若見如來實王宮生納地生子雙林滅等是二乘曲見是知已下即淨名經觀衆生品舍利弗問天女汝於此沒當生何所天曰佛化所生吾如彼生日佛化所生非沒生也天曰東生猶然非沒生也

諸天子如我今者非眼所見而能出聲菩薩摩訶薩入離垢三昧亦復如是非眼所見而

能處處示現受生離分別除憍慢無染著煩一

二諸天子如我下喻三菩薩下合於中先明法身無生徧而叵見後而能下應無不生即處處皆有有感此中亦見何須更下閻浮離分別下顯應生之德拂其諸見以

無分別智而生非謂有選生處雖處王宮

而無憍慢諸天圍遶而無染著先明法身者區不可見

也故出現品云譬如法界遍一切不可見

取為一切諸佛境界亦復然過於一切非

一切非謂有者本行經說如來將欲下生

以淨天眼觀闍浮提何處堪我下生乃至

云唯有淨飯王家堪餘家不堪似有選生

處無分別智實無選擇即智之悲應物然

耳則選無所選第二諸天子汝等應發下教發心

悔過中三先標教悔次徵問其方後如法

正教夫欲悔過須識逆順十心謂先識十

種順生死心以為所治一妄計人我起於

身見二內具煩惱外遇惡緣我心隆盛三

內外既具滅善心事不喜他善四縱恣三

業無惡不為五事雖不廣惡心徧布六惡

心相續晝夜不斷七覆護過失不欲人知

八虜扈抵突不畏惡道九無慙無愧不懼

凡聖十撥無因果作一闡提夫欲悔過下先明所治之

病此即天台止觀之意今初但畧彼名若具云一自從無始聞識昏迷煩惱所醉妄計我人計我人故起於身見由身見故妄想顛倒由顛倒故起貪嗔癡故廣造諸業業則流轉生死二若內具煩惱外值惡友扇動邪法動惑我心倍加隆盛三者內外惡緣既具則能內滅善心外滅善事又於他善都無隨喜四者縱恣下七全同但八言虜扈者亦云跋扈皆不尊敬貌下結云是為十種順生死流昏倒造惡如廁蟲樂廁不覺不知積集重累不可稱計四次重五逆極至闡提生死治然而無際畔起十種逆生死心從後翻破一明信因果二自愧尅責三怖畏惡道四不覆瑕疵五斷相續心六發菩提心七修功補過八隨喜他善九念十方佛十觀罪性空今此三段文皆具有而為次不同向以起心之次第此以勝劣言故次起十種下二顯能治之藥彼云今欲懺悔應當逆此罪流用十種心翻除惡法先正信因果決定昇然業種雖久久不敗亡終無自作他人受果精緻善惡不生疑惑是為深信翻破一闡提心二自愧尅責罪人無羞無取習畜生法棄捨白淨第一莊嚴咄哉無鈞造斯重罪天見我罪是故

慙天無心見顯罪是故媿人以此翻破無
 慙千載長往幽途無命無資種苦海悠不
 深船筏安寄聖賢呵棄無所恃怙年事稍
 去風耳不奢豈可晏然坐待酸頭心大驚
 怖遺生老病尚不為急死事斷那得不驚
 怖怖心起時如履湯火六塵五欲不暇貪
 染如阿育王尊如於御床帝王閣旃
 陀羅朝朝一鉢鉢鉢鉢鉢鉢鉢鉢鉢鉢鉢
 五欲無一念受行者怖畏苦到懺悔不憚
 身命如野干死絕無念如彼怖王以
 此翻破不長惡道心四當發露不覆瑕
 賊毒惡草急須除之根露條枯源乾流竭
 若覆蕨罪是不良人迦葉頭陀令大衆中
 發露方等令向一人發露其處有癩覆
 實心治佛像前自求改革如德藏有癩
 諱相續心者一於死以此翻破復作若
 已更重作者譬如王法初犯得輕若更作
 則重初入道場罪則易滅更作難除若能
 吐之云何更嗽以此翻破常念惡事心六
 發菩提心者昔自安危人通惱一切翻
 廣起一兼濟通至虛空界七修功補過者
 破於一切處起惡心也善身口意策勵不
 三業造罪不討晝夜今善此翻破縱恣三
 休匪移山岳安填江海以此翻破善亦滅
 善不自隨喜亦不喜他今守護諸善方便
 增廣不令斷絕勝鬘經云守護正法攝受

諸天子汝等應發阿耨多羅三藐三菩提心

正法最為第一翻破無隨喜心今疏但云
 隨喜他善者取意對上耳九念十方佛者
 昔親狎惡友信受其言今念十方佛無
 等慈作不請友念無等智作大導師翻破
 願惡友心十觀罪性空者了達貪欲嗔癡
 之心皆是寂靜門何以故貪嗔若起在何
 處住知此貪嗔住於妄念妄念住於顛倒
 顛倒住於身見身住於我見我見則無
 住處十方諦來我不可得我心自空罪福
 無主深達罪福相遍照於十方今此空慧
 與心相應如日出時朝露皆失一切諸心
 皆是寂靜門樂寂靜故以此翻破無明昏
 暗是為十種懺悔過若不解此十心全不識
 滅四重五逆之過道場徒為苦行終無
 是非云何懺悔言勤修苦行是大涅槃近
 大益涅槃云若言勤修苦行是名懺悔近
 因緣者無有是處即斯意也別懺悔見罪
 中除滅重罪彼止觀中更有別懺悔見罪
 亦有十心翻破前中更約觀行別懺悔見罪
 心大意觀罪性空中意與下經文同不能
 繁引其中釋文此疏不廣及下釋經皆已
 暗用今皆併引使知來處亦分疏中主客
 之言向以起心者從微至著故翻破則從
 麤至細謂先起信心次生慚愧等如垢衣
 受垢先微後著洗濯之時先去麤垢後除
 細垢言此中則以勝劣言故者謂菩提最
 勝等故

今初標教誨中文有四節治其六夫一發
菩提心為懺所依以是行本攝眾德故首
而明之翻昔惡心徧布自安危人今悲覆
法界廣利有情一發菩提心者依菩提心懺方為真懺不發心懺非是真善故五十八經云忘失菩提心修諸善根是為魔業故以是行本下通不次妨

義如前說

淨治其意住善威儀

二淨治下令淨三業為能懺體淨治其意
是意止行住善威儀義通止作謂當發露
不覆瑕疵及斷相續心翻前六七

悔除一切業障煩惱障報障見障

三悔除一切下令懺四障即所滅之非謂
惑業苦業報二障約因果分異既懺報障
則怖畏惡道以翻不畏天子新從彼來故
不廣明於煩惱中利鈍分二邪見斷善最

可畏故別明見障又障所知亦見障故餘
如別說餘如別說者此有二事一明二障名體下疏更明二明別說見障即如向引止觀說也

以盡法界眾生數等身以盡法界眾生數等
頭以盡法界眾生數等舌以盡法界眾生數
等善身業善語業善意業悔除所有諸障過
惡

四以盡法界下運心普徧令無不盡由昔
起過既徧諸境今悔昔非故普運三業等
眾生界一一佛前及眾生前皆發露懺悔

類一

三

既人天凡聖皆對懺悔則自愧尅責翻無
慙愧由意徧運令身口徧頭即頂禮兼身
為總五輪著地此言徧者為以何徧故下
次言善三業徧此即修功補過翻縱恣三
業於一一佛前者佛為懺悔之主惡佛能除眾生是所觀對之境昔曾惱害故既

於人天者一一生象中有天一佛前即
聖聖天見我屏過人見我顯過故為慚愧
此一段疏用一段經而有二意一以過對
翻無慚愧二由意過運下亦以過對翻第
三業
回縱恣

時諸天子聞是語已得未曾有心大歡喜而
問之言菩薩摩訶薩云何悔除一切過惡

第二時諸天子下徵問其方上言猶略餘
義未盡故次徵之

爾時天鼓以菩薩三昧善根力故發聲告言
第三爾時天鼓下如法正教正教觀罪性
空兼顯妄計我人撥無因果外遇惡緣而

文分二先明發聲之因兼顯妄計者觀罪
性空正破妄計而
言兼顯者以有二意故一兼顯所治故下
三事皆是所治次下一一皆有能治謂勝
義空破妄計我人顯非斷常破撥無因果
對十方佛翻外遇惡緣二者觀空正破橫
計我人今加後二故云兼
也唯一性空破於三過

諸天子菩薩知諸業不從東方來不從南西

北方四維上下來而共積集止住於心但從
顛倒生無有住處菩薩如是決定明見無有
疑惑

後諸天子下正說教誨於中分五一別觀
業空二總觀四障三別觀見惑四對業觀
報五總結懺益今初業為報因三障首故
非先有體從十方來正顯空義但從顛倒
生釋空所以由業障海從妄想生故無自
性令此空慧與心相應則決定無疑能如
是知即名菩薩今初文也下出別懺業及
先懺所以非先有體下釋

經有二先釋不從東方等來無體性故即
是因緣生即空所以從顛倒生故成無體
性空義從由業障海下即普賢觀經引此
成上二義即一切業障海皆從妄想生若
欲懺悔者端坐念實相是也言今此空慧
與心相應者亦即普賢觀經將此釋今經
決定明見無有疑惑空慧相應斯慧決斷
故能如是知却釋菩薩字令天子懺悔乃
云菩薩如是者由見二空之理即為菩薩

故

諸天子如我天鼓說業說報說行說戒說喜
說安說諸三昧諸佛菩薩亦復如是說我說
我所說衆生說貪患癡種種諸業而實無我
無有我所謂所作業六趣果報十方推求悉
不可得

第二諸天子如我天鼓下總觀四障即天
鼓說法無說喻以喻俗有真無先喻中初
舉所治謂業報二障後說行等五即是能
治謂行善止惡喜他安他住定以喻俗有者即中論
意緣生幻有為俗無性空理為真後諸佛下合於中允隨
俗說有言我我所者即是見障說貪患癡
即煩惱障後而實下勝義實無有無二文
三障影略既無我所翻破第一妄計我人
有無二文者謂說有中界無報障說無之中界無煩惱從既無我下會前十心

諸天子譬如我聲不生不滅造惡諸天不聞
餘聲唯聞以地獄覺悟之聲一切諸業亦復
如是非生非滅隨有修集則受其報

第三譬如我聲下別破見惑見惑深險故
廣破之文有三喻一鼓無生滅隨聞喻

業雖無生隨修感報謂向觀業空為遣執

有若謂為空諸佛不化故今顯非斷無翻

破撥無因果若謂為空者中論云諸佛說空法為離於有見若復見有

空諸佛所不化故今顯下會上十心以是緣成無性之無故非斷無所以經言而受其報亦同淨名無我無造無受者善惡之業亦不亡

諸天子如我天鼓所出音聲於無量劫不可

窮盡無有間斷若來若去皆不可得諸天子

若有去來則有斷常一切諸佛終不演說有

斷常法除為方便成熟衆生

二聲無去來喻歸中道定有即常定無

則斷俱亦是二故雙破二見顯離斷常有定
即常者亦中論偈云定有則著常定無則
 著斷是故有智者不應著有無言俱亦是
 二者謂有無俱者則二見相違而亦不離
 亦斷亦常言故雙破二見者故經云諸佛
 不說有斷常法 文中先喻諸天子若有下合若有
 可來即常去而不來則斷故雖空不斷雖

有不常故雖空下亦中論偈論云雖空亦
 不斷雖有而不常罪福亦不失是
 名佛所說

諸天子譬如我聲於無量世界隨衆生心皆
 使得聞一切諸佛亦復如是隨衆生心悉令
 得見

三鼓聲隨心喻佛由心見遣其心外定
 執懺主令其真念十方諸佛翻破外遇惡
 緣令其真念者若不了唯心見從外來取
 色分齊豈知即心即佛若知念佛即生
 三無差別為真念佛善知識云念佛即是
 念心念心即是念佛無形相心無生滅
 心境一致故為真念

諸天子如有頗梨鏡名為能照清淨鑿徹與
 十世界其量正等無量無邊諸國土中一切
 山川一切衆生乃至地獄畜生餓鬼所有影
 像皆於中現諸天子於汝意云何彼諸影像
 可得說言來入鏡中從鏡去不答言不也諸
 天子一切諸業亦復如是雖能出生諸業果
 報無來去處諸天子譬如幻師幻惑人眼當
 知諸業亦復如是

第四如玻璃下對業觀報文有二喻一鏡
 像體虛喻雖有而無謂鏡像依鏡現像
 非去來果報業生何有來去二幻師惑眼
 喻業招報雖無而有又業亦如幻又幻
 非有無即中道矣又業亦如幻者重幻之
 義如前已引又幻非有
 無下上辨性空
 此下說中道
 若如是知是真實懺悔一切罪惡悉得清淨

第五若如是下總結懺益可知

說此法時百千億那由他佛刹微塵數世界中兜率陀諸天子得無生法忍無量不思議阿僧祇六欲諸天子發阿耨多羅三藐三菩提心六欲天中一切天女皆捨女身發於無

上菩提之意

第六見聞益深中二先明餘眾益以三昧

力聲普聞故

以三昧力普釋妨妨云此土完率天鼓說法云何益及百

千億等刹耶

爾時諸天子聞說普賢廣大迴向故得十地

故獲諸力莊嚴三昧故

後爾時下正辨當機益於中二先一重益

後其諸香雲下展轉益前中亦二先得法

益後以眾生下見佛益今初皆有故字義

似牒前為因則見佛為益而前來未有得

煩一

十地等處為何所牒是以晉經皆無故字

應言聞說普賢廣大迴向故便得十地獲

諸力莊嚴三昧上句得位下句成行分得

十力為莊嚴故

今初等者疏文有五一牒經義言似牒前為因者則

似由聞迴向及得十地并得三昧此三為因見佛為益二前來下出不合加故字所

以三是以下引古經為證四應言下正其經文五上句下釋文位即十地言下句成

行者即諸力莊嚴三昧分得十力下釋力義謂十力是佛果德今言得者即分得耳

以眾生成數等清淨三業悔除一切諸重障故

即見百千億那由他佛刹微塵數七寶蓮華

一一華上皆有菩薩結跏趺坐放大光明彼

諸菩薩一一隨好放眾生成數等光明彼光明

中有眾生成數等諸佛結跏趺坐隨眾生成心而

為說法而猶未現離垢三昧少分之力爾時

彼諸天子以上眾華復於身上一一毛孔化

作眾生成數等眾妙華雲供養毗盧遮那如來

十七

持以散佛一切皆於佛身上住

二明見佛益中三一明見因二即見下正
明見佛三爾時下敬心與供言以上者上
來持華詣佛猶未散故毛孔出華者已得
地位故華在最初故略舉之上所持中有
香蓋等故下見香見蓋並皆成益

其諸香雲普雨無量佛刹微塵數世界若有
衆生身蒙香者其身安樂譬如比丘入第四
禪一切業障皆得消滅

第二展轉益中二一聞香益二見蓋益並
依前供成今初有法喻合法中由脫障故
得解脫樂故喻四禪無八災患

若有聞者彼諸衆生於色聲香味觸其內具
有五百煩惱其外亦有五百煩惱貪行多者
二萬一千瞋行多者二萬一千癡行多者二

萬一千等分行者二萬一千

若有下合由滅障故得淨善根是爲益相
文中先顯所滅即八萬四千古有二釋一
云衆生煩惱根本有十然一感力復各有
十即爲一百計應分爲九品但上品重故
開爲三品中下輕故各爲一品合爲五百
復於內外境起謂自五塵爲內以他五塵
爲外一一各五百即爲五千別迷四諦則
成二萬并本一千則有二萬一千依三毒
等分成八萬四千經文自具二有云以十
惡爲本展轉相成一各十故成一百迷
自他五塵爲一千正迷十諦法門謂四諦
三諦二諦一諦或迷說成諦等十諦或迷
十善故成一萬然迷十諦空有不同分成
二萬或迷十善二諦亦分二萬并本一千

餘如經辨然二皆有理任情去取更有異

釋如賢劫經等非今經意或迷說成者即

義言十諦者即是十種觀察四諦謂一善

知俗諦二善知第一義諦三善知相諦四

善知差別諦五善知成立諦六善知事諦

七善知生諦八善知盡無生諦九善知入

道諦十善知一切菩薩地次第成就乃至

善知如來智成就諦今言說成者即論經

中第五成立諦名也以其第五觀於四諦

緣起集成故偏舉之隨言顯示故論中名

為說成也二皆有理者即疏會通並未見

於煩惱故後似約業故又迷十諦惑義

多故更有異釋者會通異釋九地已明

了知如是悉是虛妄如是知已成就香幢雲

自在光明清淨善根

後了知下能滅謂了惑本虛居然不生故

晉經云此諸煩惱皆悉除滅除滅故清淨

惑亡智顯即自在光明善根成就言香幢

雲者即九地善根至下當明

若有眾生見其蓋者種一清淨金網轉輪王

一恒河沙善根

第二若有眾生見其蓋下明見蓋益於中

二先正明得益二佛子菩薩住此下明攝

化轉益今初準晉經云種一恒河沙轉輪

聖王所植善根所謂白淨寶網輪王等是

則多箇輪王非一輪王之多善也梵本亦

然今初已下疏文有二先通釋清淨金網

則多箇者即寶網是一等取金網瑠璃等

多故有一恒沙非一輪王之多善者則以

舊經彈於今經今經云種清淨金網轉輪

梵本亦然者即以而言清淨金網者準瓔

珞上卷金輪在十迴向初地已上皆是瑠

璃輪而增寶數為別是知舊譯為寶網者

勝金網也故彼經云歡喜地百寶瓔珞七

寶相輪四天王一萬子為眷屬百法身為

百佛國土中化十方天下已後略無化之

分齊寶數一一增至第七地十三寶相輪

八地但云大應寶相輪九地云白雲寶相

輪十地云百萬神通寶光瓔珞無畏珠寶

相輪增至第七地者以初地七寶二地八

六地十二寶七地十三寶八地十一寶

已上不增寶數但云大寶相輪若順晉經

白淨之言則是九地即前香幢雲自在光

明若然彼但是所等則金網無失若順晉

成晉經謂今得十地成九地已上善根白

淨同白雲寶故即前香幢者引前行經證

成晉經晉有白字此前有雲字二經合成

總略白雲寶義若然下第三會取今經於

中又二先順晉經收今謂晉經得十地有

九地已下白淨寶等諸輪王善彼云白淨

寶網等等即等於金銀輪等若是能等為

金網則十地非金若以所等為金金等何

夫別晉經從九地向下等今經從十迴向

當中心上等故言無失則亦是多寶輪王

善根謂得金網等一恒河若取十地為清

沙輪王善根故云無失

淨金網正當十地以無畏珠為清淨義又

攝化分齊與上第十地攝報果同則證十

四一

地明矣故下此王放光遇者亦登十地若

十地下直顯金網一轉輪王多善根義以

三義證成一以無畏珠為清淨義二以攝

化分齊同十地義即後行經云住此轉輪

王位於百千億那由他佛刹微塵數世界

中教化眾生正同十地攝報果中所化分

齊三故下此以轉益文證成此王轉益

尚皆得於十地故知此王即是十地故彼

經云菩薩安住清淨金網轉輪王位亦復

如是則金網非所等正是十地但其金字

纓絡雖無餘經或有故金剛頂經廣說金

輪佛言一恒沙者謂從九地已還乃至十

住銅輪以此十地所化分齊比前如恒沙

矣故晉經云寶網輪王等等取前也一恒

第二別釋恒沙善根雖金輪為所等能具

義則不同一恒沙善根二經須一言九地

已還者正順晉經從二一

白淨九地向下等故

佛子菩薩住此轉輪王位於百千億那由他

佛刹微塵數世界中教化眾生

第二攝化轉益中二先明得位益後佛子

如得初禪下成德益今初有法喻合法中

二一

直明攝化分齊已如前釋

佛子譬如明鏡世界月智如來常有無量諸世界中比丘比丘尼優婆塞優婆夷等化現其身而來聽法廣為演說本生之事未曾一念而有間斷若有衆生聞其佛名必得往生

彼佛國土

喻中初化無間斷喻上法中教化衆生後若有聞名必生其國喻下合中遇斯光明獲十地位

菩薩安住清淨金網轉輪王位亦復如是若有暫得遇其光明必獲菩薩第十地位以先修行善根力故

後合中初句總合準晉經亦復如是下欠放曼陀羅自在光明之言今經影在後喻合中若直云得遇斯光前文無放光處為

遇何耶言得十地者此品總有三重皆得

十地故名展轉益一諸天子聞鼓說法得

十地二此天子毛孔出華蓋雲見者得輪

王位即是十地三輪王放光遇者復得十

地此三位皆齊等同時頓成各塵數多類

總是一隨好中一光之力餘光好等彌更

難說言以先修行善根力者顯頓益之因

因聞普法修普善故今經影在者出今經

禪喻合中經云菩薩摩訶薩住清淨金網

轉輪王位放摩尼普清淨光明是也若直

理成立

佛子如得初禪雖未命終見梵天處所有宮

殿而得受於梵世安樂得諸禪者悉亦如是

第二成德益中先喻後菩薩下合喻意云

欲界修得色定以欲界眼見色界境喻菩

薩頓證未轉凡身見十地境以法力故是

則三祇可一念而屆者明一攝一切故塵劫不窮一位者明一切攝一故如是遲速自在是此圓教非餘宗也

菩薩摩訶薩住清淨金網轉輪王位放摩尼

攝一

第十地位成就無量智慧光明得十種清淨

眼乃至十種清淨意具足無量甚深三昧成就如是清淨肉眼

二合中初正明得益後佛子假使下顯境分齊今初言得菩薩第十地者猶是牒前

合中以德依地成所以重牒不然則成兩

度放光各得十地言成就如是清淨肉眼者謂上諸德十眼皆依凡身肉眼而成故

就結之 猶是牒前者即是前明鏡世界喻

中合文云菩薩安住清淨金網轉輪王位亦復如是若有暫得遇其光明必獲菩薩第十地位以德依地成下出重牒

所以不然下 反以成立

佛子假使有人以億那由他佛刹碎為微塵

一塵一刹復以爾許微塵數佛刹碎為微塵

如是微塵悉置左手持以東行過爾許微塵

數世界乃下一塵如是東行盡此微塵南西

北方四維上下亦復如是如是十方所有世

界若著微塵及不著者悉以集成一佛國土

後顯境分齊者即顯肉眼境界廣大肉眼

尚爾餘眼玄妙不可說也文中三初假設

譬喻以顯境多次正明能見後結德有歸

今初分三初明一重廣大

寶手於汝意云何如是佛土廣大無量可思

議不答曰不也如是佛土廣大無量希有奇

特不可思議若有眾生聞此譬喻能生信解

當知更為希有奇特佛言寶手如是如是如

汝所說若有善男子善女人聞此譬喻而生
信者我授彼記決定當成阿耨多羅三藐三
菩提當獲如來無上智慧

二寶手於汝意下問答顯廣

寶手設復有人以千億佛刹微塵數如上所
說廣大佛土末為微塵以此微塵依前譬喻
一一下盡乃至集成一佛國土復末為塵如
是次第展轉乃至經八十反

三寶手設復下復積前數重顯廣大

如是一切廣大佛土所有微塵菩薩業報清
淨肉眼於一念中悉能明見亦見百億廣大
佛刹微塵數佛如頗梨鏡清淨光明照十佛
刹微塵數世界

第二如是一切下正明能見先見前廣刹
之塵肉眼能見已是超勝况一念耶次亦

見下明見多佛後如玻璃下明見之相無
心無來去矣

寶手如是皆是清淨金網轉輪王甚深三昧
福德善根之所成就

第三寶手如是下結德有歸歸輪王善差

別因果竟此品之末經來未盡此品之末者以說展

轉益竟應須結歸本光及隨好力并現瑞成益等今並無此明是未盡

大方廣佛華嚴經疏鈔會本第四十八之二

音釋

頗梨 梵語也此云水五千年 藉 子智切 巨
冰所成也頗音禾切 塵 二音
普火切 跋 蒲撥切 扈 後五切 邈 塵角切
不可也 跋 蒲撥切 扈 後五切 邈 塵角切

大方廣佛華嚴經疏鈔會本第四十九 頌二

唐于闐國三藏沙門實義難陀 譯

唐清涼山大華嚴寺沙門澄觀撰述

普賢行品第三十六

初來意者先通後別通謂二品明出現因

果故次來也亦名平等因果謂會前差別

因成此普賢之圓因會差別果成性起出

現之果又前約修生此約修顯故若爾何

以更無別問復何以差別果終而無瑞證

平等因竟便有瑞耶即以此義顯是會前

若更別問便有隔絕欲會前故不以瑞隔

普法希奇因果各瑞又前應有瑞經來未

盡故所以無耳

若更別問下別答三問初
答不問之難二欲會前故
不以瑞隔通前第二差別果終而無瑞難
三普法希奇下通第三平等因竟便有瑞
難又前應有下第二經來未盡答以第四
十八經終無結末故此後更合有經然此

但通第二前 別謂此品先因後果義次第

故亦遠答前第二會初所行問及不思議

品念請本願問故前雖已答下二深妙故

重明之亦猶相海隨好而妙中之妙古德

別為一段因果

前雖已答下二解妨文三
初正答重難謂先若未答

應須答之不思議品已答何須重答故為

此通二亦猶下引例三妙中之妙下重通

伏難謂有難言若例相海等但是重答何

以別為平等因果故為此通古德等者然

平等因果乃是古意為欲順古故為此通

若疏正意欲將五品皆答所成因果問已如

品初說 二釋名者初通顯二品義名依性

起修依性起用差別相盡因果體均故云

平等因果又因是果因果量周法界果是果

果境界如空因果俱盡未來利樂含識故

名出現

初通顯二品疏文有二先約平等
釋於中亦二先約同歸一理所以
平等依性起修約因起用約果相盡同真
所以平等後又因是果因下約二事交徹
故云平等以是得果不捨之因故云因是
果因依果起果之果故云果是果果如空

法界二別則品名普賢即標人顯法明此文影畧
 行法非次第法行者顯法非人品明所行非說人體德周法界為普至順調善曰賢
 依性造修曰行品明所行下塞彈苑公以彼釋云普者遍也賢者善也行者道也因也謂若依若正普遍法界塵毛為普具滿眾善德海為賢得道不捨
 因行為行後便廣引普賢三昧二品中釋普賢身周遍之義曾不說於行行之相故又以普屬人賢屬德故今彈云為然普賢行此以人取行非說普賢之身
 諸經多有其名品中雖廣今略顯十義以表無盡一求普謂要求證一切如來平等所證故二所化普一毛端處有多眾生皆化盡故三所斷普無有一惑而不斷故四所行普無有一行而不行故五所行理行普即上事行皆徹理源性具足故六無礙行普上二交徹故七融通行普隨一一行融攝無盡故八所起用普用無不

能無不周故九所行處普上之八門徧帝網剎而修行故十所行時普窮三際時念劫圓融無竟期故上之十行參而不雜涉入重重故善財入普賢一毛所得法門過諸善友不可說倍又上十行通收為二若

位後普賢則得果不捨因徹窮來際為普賢行以人彰法則普賢之行若位前位中普賢則以德成人但修普行即曰普賢亦則普賢即行但從行名故若獨位後普賢則普賢之行無施下位廣釋普賢如初會

辨然普賢行下別釋普行於中有三一標辨然普賢行下別釋普行於中有三一標辨然普賢行下別釋普行於中有三一標
 受持讀誦正憶念解其義趣如說修行當知是人行普賢行釋曰此即有名而相猶隱則受持讀誦是事行也正憶念通智行理行也普賢觀經名觀普賢行法經亦是持經禮懺坐禪皆其行耳故多有少辨行相故今辨之品中雖廣者長行與偈一皆是普賢之行猶散難見故復束之上之十行下三料揀於中有二先融通謂前

有圓融行布事理等殊今總融為一若不
 說事理等異無可融故畧述其十後方
 總融又上十行下約位重揀兼會六釋普
 賢位者已見上文若獨位後下二彈異釋
 即是前總中所破然後有二一破其獨用
 位後普賢故如前所引疏文二廣釋普賢
 下結成非說人體 三宗趣者亦先通後別
 兼示說人之處

通以二品明平等因果為宗會前差別為
 趣別以此品明平等圓因為宗成平等果
 無二為趣

爾時普賢菩薩摩訶薩復告諸菩薩大眾言
 佛子如向所演此但隨眾生根器所宜畧說
 如來少分境界何以故諸佛世尊為諸眾生
 無智作惡計我所執著於身顛倒疑惑邪
 見分別與諸結縛恒共相應隨生死流遠如
 來道故出興于世

釋文中二此品辨因後品明果前中亦二
 先長行直明後以偈重顯前中又二先止

說後瑞證今初亦二先明說因後佛子我
 不見下正陳今義前中亦二先標前少說
 徵釋所由今初普賢說者以人表法故言
 指向者一近指向前隨好品為障重地獄
 眾生略說隨好少分用故廣說難思二通
 指前所說之果為少分境界海絕言故三
 遠通差別因果雖有圓融之義以五位漸
 次因果殊分逐機就病未盡法源故名少
 分則顯下平等因果逐法性說因果圓融
 名廣大說二徵釋中徵意云何以前名少
 說釋文二意一者成上諸佛世尊所以出
 世者以眾生有無明等十過未宜廣說故
 先明差別等二者生後謂眾生既過滋多
 障累無盡則一治一切治一現一切現眾
 生無盡因果亦窮來際前之所隨由未盡

故十過者一者無明二作惡行晉經名諸

纏則亦是惑此二為總次六皆無明三計

我我所四著身見故六地云世間受身皆

由著我五三倒四倒等不能決斷六乖僻

正理七徧計分別八結縛常隨九隨生死

流義通業苦因流果流故十遠如來行邪

徑故此結成其失結縛等名如常所辨結

等者非唯易故指於常解然上經文早已

頻釋恐後學難尋今更出經云一無智

者即是無明此有八種十纏言八種者謂

一昏沉二睡眠此二障止雜集第七云謂

修止時昏沉睡眠為障於內能引昏沉故

三掉舉四惡作此二障觀論云於修觀時

掉舉惡作為障於外能引散亂故五慳六

成就此於自他利妨妬門中數數搖動行

人心故七無慚八無愧此二障尸羅論云

淨尸羅時無慚無愧為障由具此二犯諸

學處無羞恥故言十纏者更加念覆俱舍

頌云或十加念覆雜集論云數數增盛纏

繞身心故名為纏由此諸纏數數增盛纏

繞一切觀行者心於修善品能為障礙更

有五纏謂愛恚慢嫉慳經云結者雜集第

六問云結有幾種云何結耶何處結耶此

三答結有九種謂愛結恚結慢結無明結

見結取結疑結嫉結慳結應為頌曰愛恚

慢無明見取疑嫉慳論云愛結者謂欲界

貪恚結者謂於有情苦及順苦法心生損

害慢結者即七慢等無明結者謂三界無

知見結者即三見謂薩迦耶見邊執見邪

見取結者謂見取戒禁取疑結者謂於諦

理猶豫嫉結者謂耽著利養不耐他榮發

起心妬慳結者耽著利養於資生具其心

恡惜釋曰云何結何處結耶廣答如論

佛子我不見一法為大過失如諸菩薩於他

菩薩起瞋心者

第二正陳普賢行中二先明所治廣多後

是故諸菩薩下能治深妙今初既一惑成

百萬障則一障一切障義則惑惑皆然今

從重說文中三初標次徵釋後結成今初

總標瞋最重除瞋之外更徧推求無有一

惡如瞋之重故晉經云起一瞋心一切惡

千貪心不起一瞋以違害大悲莫過此故

菩薩善戒亦同此說言於他菩薩者若於

菩薩起瞋其過尤重以令菩薩發大行故

是以大般若中天魔見諸菩薩互相是非

過常大喜故晉經者以今經譯者為順文令人誤解故引三經以正其義

謂習禪者聞經不見諸法為大過惡便云惡本性空故云不見見則妄想雖是正理不順今經故引三經明是無惡過此為不見有耳決定毗尼者經但一卷優波離白佛言世尊或有欲相應心而犯於戒或有嗔相應心而犯於戒或有癡相應心而犯於戒何者為重佛言若有菩薩如恒河沙欲相應心而犯於戒或有菩薩由一嗔心而犯於戒因嗔犯者當知最重所以者何因嗔恚故能捨眾生乃至云所有諸結能生親愛菩薩於此不應生畏所有諸結能捨眾生菩薩於此應生大畏乃至云大乘之人因欲犯戒我說是不名為犯因嗔犯者名大過惡名大墮落於佛法中是大留難是以大般若下經於菩薩起瞋最重彼說魔見眾生互相是非亦生歡喜而非大喜若見菩薩互相是非則生大喜過於常善如二虎鬪小亡大傷二俱無益菩薩亦爾自他並損皆夫二利故

何以故佛子若諸菩薩於餘菩薩起瞋恚心即成就百萬障門故

二何以下微釋釋中二一總顯

何等為百萬障所謂不見菩提障不聞正法障生不淨世界障生諸惡趣障生諸難處障多諸疾病障多被謗毀障生頑鈍諸趣障壞失正念障闕少智慧障眼障耳障鼻障舌障身障意障惡知識障惡伴黨障樂習小乘障樂近凡庸障不信樂大威德人障樂與離正見人同住障生外道家障住魔境界障離佛障二正教障不見善友障善根留難障增不善法障得下劣處障生邊地障生惡人家障生惡神中障生惡龍惡夜叉惡乾闥婆惡阿脩羅惡迦樓羅惡緊那羅惡摩睺羅伽惡羅刹中障不樂佛法障習童蒙法障樂著小乘障不

樂大乘障性多驚怖障心常憂惱障愛著生死障不專佛法障不喜見聞佛自在神通障不得菩薩諸根障不行菩薩淨行障退怯菩薩深心障不生菩薩大願障不發一切智心障於菩薩行懈怠障不能淨治諸業障不能攝取大福障智力不能明利障斷於廣大智慧障不護持菩薩諸行障樂誹謗一切智語障遠離諸佛菩提障樂住眾魔境界障不專修佛境界障不決定發菩薩弘誓障不樂與菩薩同住障不求菩薩善根障性多見疑障心常愚闇障不能行菩薩平等施故起不捨障不能持如來戒故起破戒障不能入堪忍門故起愚癡惱害瞋恚障不能行菩薩大精進故起懈怠垢障不能得諸三昧故起散亂障不修治般若波羅蜜故起惡慧障於處非

處中無善巧障於度眾生中無方便障於菩薩智慧中不能觀察障於菩薩出離法中不能了知障不成就菩薩十種廣大眼故眼如生盲障耳不聞無礙法故口如啞羊障不具相好故鼻根破壞障不能辨了眾生語言故成就舌根障輕賤眾生故成就身根障心多狂亂故成就意根障不持三種律儀故成就身業障恒起四種過失故成就語業障多生貪瞋邪見故成就意業障賊心求法障斷絕菩薩境界障於菩薩勇猛法中心生退怯障於菩薩出離道中心生懶惰障於菩薩智慧光明門中心生止息障於菩薩念力中心生劣弱障於如來教法中不能住持障於菩薩離生道不能親近障於菩薩無失壞道不能修習障隨順二乘正位障遠離三世諸佛菩

薩種性障

二何等下徵列標雖百萬略列百門

古人寄位分五初障十信行二不樂佛法

下障十住行三不得菩薩諸根下障十行

之行四樂誹謗一切下障十向行五不樂

與菩薩同住下障十地行言口如瘞羊障

者此是耳根障以生邊地不聞法處故口

無所說舌根之障次下自明昔結云菩薩

萬行不過此五起一瞋心一切頓障此釋

非不有理如賊心求法豈獨障於地耶是

知通障一切信尚不起況後位耶又所障

法界如帝網重重能障同所亦皆無盡故

知百萬猶是略明古人寄位下二斤古釋

判定同此又所障下四
結成正義猶是古釋故有又言
疏意取此不欲局配故為正義

佛子若菩薩於諸菩薩起一瞋心則成就如

地二

是等百萬障門何以故佛子我不見有一法
為大過惡如諸菩薩於餘菩薩起瞋心者

三佛子若菩薩下結成可知

是故諸菩薩摩訶薩欲疾滿足諸菩薩行應
勤修十種法

第二能治深妙中二先正顯後結勸今初

文有六位位各十行初一始修後五成益

故後五段展轉依初是為初即攝後一治

一切治也說有前後得即一時今初分二

先標舉勸修

地三

九

何等為十所謂心不棄捨一切眾生於諸菩

薩生如來想永不誹謗一切佛法知諸國土

無有窮盡於菩薩行深生信樂不捨平等虛

空法界菩提之心觀察菩提入如來力精勤

修習無礙辯才教化眾生無有疲厭住一切

世界心無所著是爲十

後何等下徵列及結於中十法攝爲五對
辨五種修初二約人明謙敬修敬上愛下
故次二約法明真正修順教知事故次二
約心行明廣大修樂大行堅大心故次二

約智明增勝修內入果智外起勝辨故後
二約悲願明長時修衆生無盡悲此不疲
世界無邊願住不著故

佛子菩薩摩訶薩安住此十法已則能具足
十種清淨何等爲十所謂通達甚深法清淨
親近善知識清淨護持諸佛法清淨了達虛
空界清淨深入法界清淨觀察無邊心清淨
與一切菩薩同善根清淨不著諸劫清淨觀
察三世清淨修行一切諸佛法清淨是爲十
第二清淨者依前正修行時成離染故文

中二初躡前起後後徵數列名下皆倣此
例中十句次第從前十句而成一由不捨
衆生故達深法淨以衆生皆有佛性即妄
而真爲深法故二由敬上故能近三由不
謗故能護四由知無盡故了如空五由菩
薩行不離法界故深入六知菩提心等虛
空故無邊七觀察菩薩皆同此觀能入佛
力故名爲根八精修不懈故不著劫數九
由化無厭故觀三世衆生化未化等十由
願住世界能修一切佛法

佛子菩薩摩訶薩住此十法已則具足十種
廣大智何等爲十所謂知一切衆生心行智
知一切衆生業報智知一切佛法智知一切
佛法深密理趣智知一切陀羅尼門智知一
切文字辯才智知一切衆生語言音聲辭辯

善巧智於一切世界中普現其身智於一切
衆會中普現影像智於一切受生處中具一
切智智是爲十

第三廣大智者垢染既拂本智自明稱性
相知故云廣大亦從前十及次十而成然

有開合恐煩不配說者隨宜

亦從前十等者疏恐文繁

今當畧配其中名字有同初十有同次十
今且如次配於次十一由知深法了衆生
心行衆生心行最甚深故二由近友成勝
業報三由變法故知佛法四了達空界知
深理趣五深入法界成妙義持六觀無邊
心即是所詮故得能詮辨才演暢七具苦
薩行能隨心演八同善薩善故能普遍九
不著諸劫常現影像十順諸佛法具一切

智從次十生既如次第從初十生義同前
說上依不開若開合者如初二法皆是深
法則此開前合若此總持由於近友變法
而成則此合前開約理無方故云開合實
則如次義已周圓如三對前
二既然四五承前可以思準

佛子菩薩摩訶薩住此十智已則得入十種

普入何等爲十所謂一切世界入一毛道一

十二

毛道入一切世界一切衆生身入一身一身

入一切衆生身不可說劫入一念一念入不

可說劫一切佛法入一法一法入一切佛法

不可說處入一處一處入不可說處不可說

根入一根一根入不可說根一切根入非根

非根入一切根一切想入一想一想入一切

想一切言音入一言音一言音入一切言音

一切三世入一世一世入一切三世是爲十

第四普入者事隨理融本來卽入智了法

爾無境不通故身心皆入亦從前三生可

以意得非根者境識及理皆非根也

佛子菩薩摩訶薩如是觀察已則住十種勝

妙心何等爲十所謂住一切世界語言非語

言勝妙心住一切衆生想念無所依止勝妙

心住究竟虛空界勝妙心住無邊法界勝妙

心住一切深密佛法勝妙心住甚深無差別
法勝妙心住除滅一切疑惑勝妙心住一切
世平等無差別勝妙心住三世諸佛平等勝
妙心住一切諸佛力無量勝妙心是爲十

第五勝妙心者由前知法本融則事理無
礙應機成益名勝妙心從前四生亦可意
得

佛子菩薩摩訶薩住此十種勝妙心已則得
十種佛法善巧智何等爲十所謂了達甚深
佛法善巧智出生廣大佛法善巧智宣說種
種佛法善巧智證入平等佛法善巧智明了
差別佛法善巧智悟解無差別佛法善巧智
深入莊嚴佛法善巧智一方便入佛法善巧
智無量方便入佛法善巧智知無邊佛法無
差別善巧智以自心自力於一切佛法不退

轉善巧智是爲十

第六善巧智者由上事理無礙今則權實
決斷名善巧智有十一句後二合一餘皆
如次從前十成一卽言亡言爲甚深二無
依故廣大三如依空生色故能說種種四
住無二邊故證平等五了種智深密故了
差別六無差全同七若無疑惑則佛法莊
嚴八以平等成一方便九三世法約差別
門爲無量方便十由住佛力得知佛無邊
自力不退從前十既爾從前四段亦然如

類二
是展轉不離始修故隨一法具一切矣

佛子菩薩摩訶薩聞此法已咸應發心恭敬
受持何以故菩薩摩訶薩持此法者少作功
力疾得阿耨多羅三藐三菩提皆得具足一
切佛法悉與三世諸佛法等

第二佛子菩薩下結勸一行能具一切故
疾得菩提

爾時佛神力故法如是故十方各有十不可
說百千億那由他佛刹微塵數世界六種震
動雨出過諸天一切華雲香雲末香雲衣蓋

頌三

十三

幢旛摩尼寶等及以一切莊嚴具雲雨衆妓
樂雲雨諸菩薩雲雨不可說如來色相雲雨
不可說讚歎如來善哉雲雨如來音聲充滿
一切法界雲雨不可說莊嚴世界雲雨不可
說增長菩提雲雨不可說光明照耀雲雨不
可說神力說法雲雨如此世界四天下菩提樹
下菩提場菩薩宮殿中見於如來成等正覺
演說此法十方一切諸世界中悉亦如是
大文第二爾時佛下證成中一一現瑞證
於中先此界後如此下結通

爾時佛神力故法如是故十方各過十不可
說佛刹微塵數世界外有十佛刹微塵數菩
薩摩訶薩來詣此土充滿十方作如是言善
哉善哉佛子乃能說此諸佛如來最大誓願
授記深法佛子我等一切同名普賢各從普
勝世界普幢自在如來所來詣此土悉以佛
神力故於一切處演說此法如此衆會如是
所說一切平等無有增減我等皆承佛威神
力來此道場爲汝作證如此道場我等十佛
刹微塵數菩薩而來作證十方一切諸世界
中悉亦如是

二爾時至十方下諸菩薩證亦先此土後
如此下結通言授記深法者少用功力疾
得菩提故同名普賢者皆有此行故普勝
界者依此普法最爲勝故普幢自在者此

行成果高出無礙故

爾時普賢菩薩摩訶薩以佛神力自善根力
觀察十方洎于法界欲開示菩薩行欲宣說
如來菩提界欲說大願界欲說一切世界劫
數欲明諸佛隨時出現欲說如來隨根熟衆

生出現令其供養欲明如來出世功不唐捐
欲明所種善根必獲果報欲明大威德菩薩
爲一切衆生現形說法令其開悟而說頌言
第二以偈重顯中二先叙述後正頌今初
亦二先說儀後欲開下說意此有十意偈

中並具文顯可知

汝等應歡喜捨離於諸蓋一心恭敬聽菩薩
諸願行

第二正頌中百二十一頌分二前二十四
顯說分齊餘皆正辨普賢行相此是伽陀

與前長行綺互共顯普賢之行前是略明

十法展轉相生此則廣顯諸門略無展轉

又前多顯體此多辨用前中二初一誠聽

許說第二正顯頌中文三初總科二此是
伽陀者是孤起偈揀非祇夜不重頌

前三前是畧明
下揀二文別

往昔諸菩薩最勝人師子如彼所修行我當

次第說亦說諸劫數世界并諸業及以無等

尊於彼而出興如是過去佛大願出于世云

何爲衆生滅除諸苦惱一切論師子所行相

續滿得佛平等法一切智境界見於過去世

一切人師子放大光明網普照十方界思惟

發是願我當作世燈具足佛功德十力一切

智一切諸衆生貪恚癡熾然我當悉救脫令

滅惡道苦發如是誓願堅固不退轉具修善

薩行獲十無礙力如是誓願已修行無退怯

所作皆不虛說名論師子

餘正示分齊於中二前九頌許說過去菩薩行

於一賢劫中千佛出于世彼所有普眼我當次第說如一賢劫中無量劫亦然彼未來佛行我當分別說如一佛刹種無量刹亦然未來十力尊諸行我今說

於一賢劫下許說三世佛菩薩行於中二前三偈舉說時處前二時後一處

諸佛次與世隨願隨名號隨彼所得記隨其所壽命隨所修正法專求無礙道隨所化眾生正法住於世隨所淨佛刹衆生及法輪演說時非時次第淨羣生隨諸衆生業所行及信解上中下不同化彼令修習入於如是智修其最勝行常作普賢業廣度諸衆生身業

無障礙語業悉清淨意行亦如是三世靡不然菩薩如是行究竟普賢道出生淨智日普照於法界未來世諸劫國土不可說一念悉了知於彼無分別行者能趣入如是最勝地此諸菩薩法我當說少分智慧無邊際通達佛境界一切皆善入所行不退轉具足普賢慧成滿普賢願入於無等智我當說彼行後十一偈明所說行於中前四諸佛出世行即普賢行故名因果圓融後七菩薩三輪願智行即普賢行

頌二

十六

於一微塵中悉見諸世界衆生若聞者迷亂心發狂如於一微塵一切塵亦然世界悉入中如是不思議一一塵中有十方三世法趣刹皆無量悉能分別知一一塵中有無量種佛刹種種皆無量於一塵不知法界中所有

種種諸異相趣類各差別悉能分別知

第二於一微塵下正顯普賢行九十七頌
分二初六十七明即悲大智行後未安者
下三十頌即智大悲行今初有十種行一
初五頌明善入帝網行

深入微細智分別諸世界一切劫成壞悉能
明了說知諸劫脩短三世即一念衆行同不
同悉能分別知深入諸世界廣大非廣大一
身無量刹一刹無量身十方中所有異類諸
世界廣大無量相一切悉能知一切三世中
無量諸國土具足甚深智悉了彼成敗十方
諸世界有成或有壞如是不可說賢德悉深
了或有諸國土種種地嚴飾諸趣亦復然斯
由業清淨或有諸世界無量種雜染斯由衆
生感一切如其行無量無邊刹了知即一刹

類二

十七

如是入諸刹其數不可知一切諸世界悉入
一刹中世界不爲一亦復無雜亂世界有仰
覆或高或復下皆是衆生想悉能分別知廣
博諸世界無量無有邊知種種是一知一是
種種普賢諸佛子能以普賢智了知諸刹數
其數無邊際知諸世界化刹化衆生化法化
諸佛化一切皆究竟一切諸世界微細廣大
刹種種異莊嚴皆由業所起無量諸佛子善
學入法界神通力自在普徧於十方衆生數
等劫說彼世界名亦不能令盡唯除佛開示
二十七頌深入時處微細行
世界及如來種種諸名號經於無量劫說之
不可盡何況最勝智三世諸佛法從於法界
生充滿如來地清淨無礙念無邊無礙慧分
別說法界得至於彼岸

三世界及如來下三頌明了佛心祕密行
前一偈半攝前起後後一偈半正顯難了
能了

過去諸世界廣大及微細修習所莊嚴一念
悉能知其中人師子修佛種種行成於等正
覺示現諸自在如是未來世次第無量劫所
有人中尊菩薩悉能知所有諸行願所有諸
境界如是勤修行於中成正覺亦知彼衆會
壽命化衆生以此諸法門爲衆轉法輪菩薩
如是知住普賢行地智慧悉明了出生一切
佛現在世所攝一切諸佛土深入此諸刹通
達於法界彼諸世界中現在一切佛於法得
自在言論無所礙亦知彼衆會淨土應化力
盡無量億劫常思惟是事調御世間尊所有
威神力無盡智慧藏一切悉能知

四十偈了三世佛攝化行

出生無礙眼無礙耳鼻身無礙廣長舌能令
衆歡喜最勝無礙心廣大普清淨智慧徧充
滿悉知三世法

五出生下二偈六根無礙行

善學一切化刹化衆生化世化調伏化究竟
化彼岸世間種種別皆由於想住入佛方便
智於此悉明了衆會不可說一一爲現身悉
使見如來度脫無邊衆

六有三偈如化無方行

諸佛甚深智如日出世間一切國土中普現
無休息了達諸世間假名無有實衆生及世
界如夢如光影於諸世間法不生分別見善
離分別者亦不見分別無量無數劫解之即
一念知念亦無念如是見世間無量諸國上

一念悉超越經於無量劫不動於本處不可說諸劫即是須臾頃莫見脩與短究竟剎那法心住於世間世間住於心於此不妄起二非二分別衆生世界劫諸佛及佛法一切如幻化法界悉平等普於十方刹示現無量身十九知身從緣起究竟無所著依於無二智出現人師子不著無二法知無二非二

七諸佛甚深下十頌三世間自在行此中

玄妙宜審思之

此中玄妙者大經文理顯途多妙但文言浩博不能

具釋又理玄文易故令思之既云玄妙今重畧釋初偈法喻雙標能觀之智明機周

豎永次偈達二世間假名無實即是假觀三有一偈雙離分別及無分別以成空觀

四有一偈解念無念即中道觀又二即是觀三即是止四即雙運五不動遊利於器

界自在六融念劫於時自在上二事理雙遊七達二不二善會中道通二世間八結

三世間等回法界九結能通身十結能所不二上半無二遺二下半復遺無二若著

無二即是於二有能所故故知無二非二故無所著

故知無二非二故無所著

了知諸世間如燄如光影如響亦如夢如幻如變化如是隨順入諸佛所行處成就普賢智普照深法界衆生剎染著一切皆捨離而興大悲心普淨諸世間菩薩常正念論師子妙法清淨如虛空而興大方便見世常迷倒發心咸救度所行皆清淨普徧諸法界諸佛及菩薩佛法世間法若見其真實一切無差別

八六頌別明智正覺世間自在行

如來法身藏普入世間中雖在於世間於世無所著譬如清淨水影像無來去法身徧世間當知亦如是如是離染著身世皆清淨湛然如虛空一切無有生知身無有盡無生亦無滅非常非無常示現諸世間除滅諸邪見開示於正見法性無來去不著我我所

九如來法身藏下五頌非身示身行法身
藏者即前藏身普賢菩薩自體徧言亦同
此也

譬如工幻師示現種種事其來無所從去亦
無所至幻性非有量亦復非無量於彼大衆
中示現量無量以此寂定心修習諸善根出
生一切佛非量非無量有量及無量皆悉是
妄想了達一切趣不著量無量諸佛甚深法
廣大深寂滅甚深無量智知甚深諸趣菩薩
離迷倒心淨常相續巧以神通力度無量衆
生

十有六頌非量示量行

未安者令安安者示道場如是徧法界其心
無所著不住於實際不入於涅槃如是徧世
間開悟諸羣生法數衆生數了知而不著普

雨於法雨充洽諸世間普於諸世界念念成
正覺而修菩薩行未曾有退轉

第二即智之悲行中亦有十行一初四偈
無住攝化行

世間種種身一切悉了知如是知身法則得
諸佛身普知諸衆生諸劫及諸刹十方無涯
際智海無不入衆生身無量一一爲現身佛
身無有邊智者悉觀見一念之所知出現諸
如來經於無量劫稱揚不可盡

二有四偈非身現身行

諸佛能現身處處般涅槃一念中無量舍利
各差別

三一頌分布舍利行

如是未來世有求於佛果無量菩提心決定
智悉知如是三世中所有諸如來一切悉能

知名住普賢行

四二頌知佛大心行

如是分別知無量諸行地入於智慧處其輪不退轉微妙廣大智深入如來境入已不退轉說名普賢慧一切最勝尊普入佛境界修行不退轉得無上菩提

五三頌法輪深入行

無量無邊心各各差別業皆由想積集平等悉了知染汙非染汙學心無學心不可說諸心念念中悉知了知非一二非染亦非淨亦復無雜亂皆從自想起如是悉明見一切諸衆生心想各不同起種種世間以如是方便修諸最勝行從佛法化生得名爲普賢

六無量無邊下五頌了知根器行

衆生皆妄起善惡諸趣想由是或生天或復

墮地獄菩薩觀世間妄想業所起妄想無邊故世間亦無量一切諸國土想網之所現幻網方便故一念悉能入

七三頌了世業惑行

眼耳鼻舌身意根亦如是世間想別異平等皆能入一一眼境界無量眼皆入種種性差別無量不可說所見無差別亦復無雜亂各隨於自業受用其果報普賢力無量悉知彼一切一切眼境界大智悉能入如是諸世間悉能分別知而修一切行亦復無退轉

八五頌了達根境無礙行

佛說衆生說及以國土說三世如是說種種悉了知

九一頌知四種說法行而刹說等者略有

三義一約通力二約融通一說一切說故

三約顯理是說菩薩觸境皆了知故則觸

類成敬如香飯等九有一頌者即三世間則成六種若於三世各三世間則有九

種總一切說即是十義從而利等說者釋

義利及三世此義微隱故疏釋之言融通

者一塵即攝一切何得利中無說言顯理

者如色即顯質礙即顯緣生即顯無常即

顯無性等言則觸類成教者證顯理義如

前教體

中明

過去中未來未來中現在三世互相見一一

皆明了如是無量種開悟諸世間一切智方

便邊際不可得

十末後二頌三世攝化行平等因竟

大方廣佛華嚴經疏鈔會本第四十九

音釋

啞羊上倚下切音瘞
瘞不能言也

恒二

三三

大方廣佛華嚴經疏鈔會本第五十一 煩三

唐于闐國三藏沙門實又難陀 譯

唐清涼山大華嚴寺沙門澄觀撰述

如來出現品第三十七

初來意者前品明稱果之因此品辨如因

之果體雖平等不壞二相先因後果義次

第故亦為答前不思議品出現念故答第

二會所行問故會釋如前答第二會問者以不思議法品

中出現即第二會所行故二釋名者如來是有法之人

即三身十身之通稱出現是依人之法果

用化用之總名如來雖見上文對出現故

重辨十身皆有出現且寄三身以明然來

即出現為分人法曉喻分明故重辨之若

依法身如來者即諸法如義如理常現名

為出現故文云普現一切而無所現又云

體性平等不增減等若依報身乘如實道

來成正覺故曰如來本性功德一時頓顯

名為出現故文云如來成正覺時於一切

義無所疑惑普見一切眾生成正覺等若

依化身則乘薩婆若乘來化眾生成故曰如

來則應機大用一時出現文云以本願力

現佛身令見如來大神變又云隨其所能

隨其勢力於菩提樹下以種種身成正覺

等今以新佛舊成曾無二體新成舊佛法

報似分無不應時故即真而應應隨性起

故即應而真三佛圓融十身無礙故辨應

現即顯真成若依法身下三別釋然法身若約報上論法應云真如出

纏是法身出現今以出纏為報直就體上

故云如理常現餘二可知新佛舊成者以

報就法如出模之像像本舊成故無二體

新成舊佛者以法就報如金成像金像似

分以有未成像金故今成像竟似分二矣

前對是非異此對是非一非一即非異故

言似分竟無二體無不應時下第二真應
相對以辯融通法報皆真體上常用故即
真成應用不離體故即應而真三佛圓融
下第三結融三十謂以三佛收於十佛不
出三身三身既融十身即三自是以晉名
然無礙故辯應成下結成正義
性起性字雖是義加未爽通理以應雖從
緣不違性故無不從此法界流故以淨奪

頌三

二

染性即起故若離於緣性巨說故下加性
起菩薩表所說故妄雖即性不順性故今
以起義多含直云出現從性從因從真從
感皆出現故若唯辨應身出現非唯失前
二義亦未足顯深何能融前差別之果若

以來為現義則如來即出現持業釋也若
分人法三皆如來之出現揀餘出故是以晉名
下第二會品名二經品名即為二別先會
晉經初二句總標以將晉經用成前義故
有是以之言雖是義加者梵本無故以應
雖從緣下釋性起義順應現義於中總有
六義證成性起今初立理即不相違門然
出現義亦名緣起亦名性起若取相說覽

緣出現故名緣起謂由衆生業感如來大
悲而出現故八相成道從法性生故名性
起人以為緣無性緣起即名性起又淨緣
起常順於性亦名性起故云應雖從緣不
違性故無不從下第二引深論證成即相
成門明性成於緣故此性起自有二義一
從緣無性而為性起二法性隨緣故名性
起前段即初義今段即後義亦應云無不
還證此法身故此乃緣起能成性起即是
前義但前取無違今取相成是故此為相
成門也以淨奪染者第三即明相奪門亦
是通妨謂有問言性起唯淨緣起通染云
何緣起即是性起故為此通謂緣起有二
一染二淨淨謂如來大悲菩薩萬行等染
謂衆生惑業等若以染奪淨則屬衆生故
唯緣起今以淨奪染唯屬諸佛故名性起
若離於緣者即第四相即門亦是通妨以
謂有問言緣起約事性起約理如何相即
故為此通從緣無性方顯性起又由見緣
推知性起若離於緣復論何性離緣有性
是斷空故下加性起者即第五段引當經
證即以人表法門妄雖即性下第六以妄
隱真門亦是解妨云若緣即性妄本自
空當體即性何以不得染奪淨耶故為此
通淨緣順性染緣違故故瓔珞云始起一
想住於緣順第一義諦為善遠背為惡今
以起義多含直云出現下第二會通今經
則性起局性智現即起合緣性故曰多
合言從性者性起即法身從因者緣起緣
起即報身從真從感即是化身而從真約

頌三

三

佛通於緣性謂依法身而起於化名曰從
真從感約生即是緣起由上諸義故云多
舍第三宗趣平等出現為宗融差別果為
趣

爾時世尊從眉間白毫相中放大光明名如
來出現無量百千億那由他阿僧祇光明以
為眷屬其光普照十方盡虛空法界一切世
界右繞十匝顯現如來無量自在覺悟無數
諸菩薩眾震動一切十方世界除滅一切諸
惡道苦映蔽一切諸魔宮殿顯示一切諸佛
如來坐菩提座成等正覺及以一切道場眾
會作是事已而來右繞菩薩眾會

四正釋文文為七分一加分二本分三請
分四說分五顯名受持分六表瑞證成分
七偈頌總攝分今初有二光毫先加請主
後口光加說主前中三初光次加後益光

中有十分三一光出處眉間者表正道離
有無二邊故表無住道離真應二邊故白
毫者表所出現性無垢故能詮出現諸教
本故二放大下辨光各體如所說故三無
量下八段皆是光業初眷屬光即是因業
總攝諸法皆此生故四其光下舒業五顯
現下敬業六覺悟下覺業七除滅下止業
八映蔽下降伏業九顯示下示現業十作
是下卷業

入如來性起妙德菩薩頂

二入如來下正明加相所以加此菩薩者
如名所顯故性有二義一種性義因所起
故二法性義若真若應皆此生故亦有釋
云此之妙德即是文殊說此法門加性起
稱此釋無違大理以文殊大智為能顯普

賢法界爲所顯共成毗盧遮那之出現故
亦是解行滿故佛出現也從頂入者是加
持相妙智之極方能顯故

時此道場一切大衆身心踊躍生大歡喜作
如是念甚奇希有今者如來放大光明必當
演說甚深大法

第三時此道場下加益中二先大衆同欣
知法將被故

爾時如來性起妙德菩薩於蓮華座上偏袒
右肩右蹠合掌一心向佛而說頌言

二爾時下妙德領旨知令求說主故於中
二先長行身心致敬蹠者跪也

正覺功德大智出普達境界到彼岸等於三
世諸如來是故我今恭敬禮

已升無相境界岸而現妙相莊嚴身放於離

垢于光明破魔軍衆咸令盡

十方所有諸世界悉能震動無有餘未曾恐
怖一衆生善逝威神力如是

虛空法界性平等已能如是而安住一切含
生無數量咸令滅惡除衆垢

苦行勤勞無數劫成就最上菩提道於諸境
界智無礙與一切佛同其性

後偈頌讚請十偈分二前五讚後五請前
中初一總讚申敬餘四別讚放光中有讚
因讚果讚用等文並可知

導師放此大光明震動十方諸世界已現無
量神通力而復還來入我身

決定法中能善學無量菩薩皆來集令我發
起問法心是故我今請法王

今此衆會皆清淨善能度脫諸世間智慧無

邊無染著如是賢勝咸來集

利益世間尊導師智慧精進皆無量今以光

明照大眾令我問於無上法

誰於大仙深境界而能真實具開演誰是如

來法長子世間尊導師願顯示

後五中初一自叙得益即是領旨次偈領

眾意請次偈歎眾堪聞次偈叙佛令請後

偈正求說主已領佛意故不請佛

爾時如來即於口中放大光明名無礙無畏

百千億阿僧祇光明以為眷屬普照十方盡

虛空等法界一切世界右繞十匝顯現如來

種種自在開悟無量諸菩薩眾震動一切十

方世界除滅一切諸惡道苦映蔽一切諸魔

宮殿顯示一切諸佛如來坐菩提座成等正

覺及以一切道場眾會作是事已而來右繞

菩薩眾會入普賢菩薩摩訶薩口其光入已

普賢菩薩身及師子座過於本時及諸菩薩

身座百倍唯除如來師子之座

第二口光加說主者示所請故文中三初

光次加後益今初亦十一出處口放者表

教道傳通故二光明令得無礙辦不畏大

眾及深理故餘如前辨二入普下加中入

口者教以口傳故如佛說故加普賢者是

普賢行之果故所證法界由理顯故三其

光入下明益中唯除如來揀師資故

頌三

六

爾時如來性起妙德菩薩問普賢菩薩摩訶

薩言佛子佛所示現廣大神變令諸菩薩皆

上歡喜不可思議世莫能知是何瑞相普賢

菩薩摩訶薩言佛子我於往昔見諸如來應

正等覺示現如是廣大神變即說如來出現

法門如我惟忖今現此相當說其法說是語時一切大地悉皆震動出生無量問法光明

第二爾時下本分中三初徵事而問次引

例以答答即是本後說是語下表瑞證成

顯說希奇纔聞其名已有徵故大地動者

頌三

大法將顯大惑將傾故出問法光者冥加

智慧助發請故

時性起妙德菩薩問普賢菩薩言佛子菩薩

摩訶薩應云何知諸佛如來應正等覺出現

之法願爲我說佛子此諸無量百千億那由

他菩薩衆會皆久修淨業念慧成就到於究

竟大莊嚴岸具一切佛威儀之行正念諸佛

未曾忘失大悲觀察一切衆生決定了知諸

大菩薩神通境界已得諸佛神力所加能受

一切如來妙法具如是等無量功德皆以來

集佛子汝已曾於無量百千億那由他佛所

承事供養成就菩薩最上妙行於三昧門皆

得自在入一切佛祕密之處知諸佛法斷衆

疑惑爲諸如來神力所加知衆生根隨其所

樂爲說真實解脫之法隨順佛智演說佛法

到於彼岸有如是等無量功德善哉佛子願

說如來應正等覺出現之法身相言音心意

境界所行之行成道轉法輪乃至示現入般

涅槃見聞親近所生善根如是等事願皆爲

說

第三時性起下請分中有長行與偈前中

四一總舉法請二佛子此諸下歎衆堪聞

三佛子汝已下歎說主具德四善哉下標

章別請前二可知三中別歎十事一供多

佛必曾聞故二成妙行會已修故三定自

在有所依故四親證入故五知教道故六除他疑故七上力加故八審根器故九能隨說故十順智到彼岸得意深故有如是下總結既有說德堪宜說故第四標章別請中初句讚善躡前三段後列十事以顯

無盡一如來出現之法此是總相總集多緣成出現法法舍持軌餘九是別初三即三業祕密四境即智之所緣亦分齊境五依境修行通因通果六成菩提道七成轉法輪八應必示涅槃九若存若亡見聞皆益備斯九事一化始終有云初一所依之法餘九能依之德亦有斯理如是下結請時如來性起妙德菩薩欲重明此義向普賢菩薩而說頌曰

善哉無礙大智慧善覺無邊平等境願說無

量佛所行佛子聞已皆欣慶
菩薩云何隨順入諸佛如來出興世云何身
語心境界及所行處願皆說
云何諸佛成正覺云何如來轉法輪云何善
逝般涅槃大眾聞已心歡喜

若有見佛大法王親近增長諸善根願說彼
諸功德藏衆生見已何所獲

若有得聞如來名若現在世若涅槃於彼福
藏生深信有何等利願宣說

第二爾時下偈請十偈分三初一讚德標

請頌前第三段次四舉法別請頌第四段

此諸菩薩皆合掌瞻仰如來仁及我大功德
海之境界淨衆生者願爲說

願以因緣及譬喻演說妙法相應義衆生聞
已發大心疑盡智淨如虛空

如徧一切國土中諸佛所現莊嚴身願以妙音及因喻示佛菩提亦如彼

十方千萬諸佛土億那由他無量劫如今所集菩薩衆於彼一切悉難見此諸菩薩咸恭敬於微妙義生渴仰

願以淨心具開演如來出現廣大法

三有五偈歎德勸請通頌後三段於中初偈總讚請次二偈勸說之方以法深難領故請說因喻次一偈半歎衆堪聞末後半偈結請所說淨心顯無說過具演文義周

圖

爾時普賢菩薩摩訶薩告如來性起妙德等諸菩薩大衆言佛子此處不可思議

第四說分大分爲二初別答十問後佛子如來以一切譬下總以結酬今初十段答

前十問各有長行偈頌一一具十今初答出現之法長行中二初標告歎深

所謂如來應正等覺以無量法而得出現

二所謂下隨義別顯於中三初法說深廣

酬前因緣二佛子譬如下喻明深廣雙酬

因喻後佛子至知如來出現下總結成益

結上十喻初中分三謂標釋結今初總標

多因成出現果

何以故非以一緣非以一事如來出現而得

成就以十無量百千阿僧祇事而得成就

頌三

二何以釋於中二先徵以總釋後何等

爲下徵數別明今初先反釋緣約能成之

緣事即所成因體後以十下順釋向言無

量乃是總相今明有十箇無量以顯無盡

理實則有百千阿僧祇數無量此十無量

皆徧十喻言百千者古人云以十無量入中十喻成百以後結中十句一一結前百門爲千其中更有別義方成無量今以下列十中門門皆云無量則不俟相入是知百千之言但是數之總稱耳

何等爲十所謂過去無量攝受一切衆生菩提心所成故過去無量清淨殊勝志樂所成故過去無量救護一切衆生大慈大悲所成故過去無量相續行願所成故過去無量修諸福智心無厭足所成故過去無量供養諸佛教化衆生所成故過去無量智慧方便清淨道所成故過去無量清淨功德藏所成故過去無量莊嚴道智所成故過去無量通達法義所成故

二徵數別明中一始發大心誓期出現故

頌三

十二

此心何相二明上求勝志三明下化慈悲四行以續願此行謂何五明不出福智六別顯福嚴七別明智嚴八淨前功德九嚴前智慧所謂方便道教道證道無住正道助道一道二道等皆莊嚴故十窮究法源真實智故

佛子如是無量阿僧祇法門圓滿成於如來三佛子如是下結中既皆過去積因多法圓滿令二利果一時出現故出現言通真通應

佛子譬如三千大千世界非以一緣非以一事而得成就以無量緣無量事方乃得成第二喻明深廣中十喻各三謂喻合結喻酬譬喻合酬因緣故文云非以一緣一事而得出現又前法說多約徃因此中含文

多約現緣十中一大千與造喻此喻為總
 總喻眾緣以成出現故云以無量緣等下
 說雲雨皆此所覆初喻中四一總辨多緣
 二別顯緣相三顯被因起四性相結成今
 初先反後順緣即因緣如眾生業及風雨

等事即事相謂如所持水及宮殿等

所謂與布大雲降覆大雨四種風輪相續為
 依其四者何一名能持能持大水故二名能
 消能消大水故三名建立建立一切諸處所
 故四名莊嚴莊嚴分布咸善巧故

二所謂下別顯中先雲雨上雲後風輪下
 持一能持者若無此輪雨無停處二水若
 不減礙起天宮三水雖已減假此成立謂
 減一節水起一重天如嚴冬急流重重冰
 結四雖起總處無別莊嚴故須第四

如是皆由眾生共業及諸菩薩善根所起令
 於其中一切眾生各隨所宜而得受用

三如是皆由下顯彼因起謂上雲等略由
 二因一眾生外增上業言共業者謂多有

情應生此界共業同變於中有四句謂共

中共等 一眾生者揀異內異熟業謂多有
 情者即唯識論釋初能變中處之
 一字論云所言處者謂異熟識由共相種
 成熱力故變似色等器世間相即外大種
 及所造色雖諸有情所變各別而相相似
 處所無異如眾燈明各遍似一釋曰此釋
 共變之義相相似名共論又云誰異熟識變
 為此相有義一切所以者何如契經說一
 切有情業增上力共所起故有義不許乃
 至云經依少分說一切言諸業同者皆共
 變故釋曰此揀通局即今疏文疏依此義
 云應生此界故下經云各隨所宜而得受
 用若不應生豈安樂界所有眾生變為此
 界之穢土耶於中有四者即唯識第一引
 喻加論說共不共中各有二種共中二者
 一中共不共如山河等宅及鬼所見為水火
 二中共不共如已田宅及鬼所見為水火
 等即於彼境非互用也不共中二者一不
 共中不共如眼等根唯自識依用之緣境
 非他依故二不共中共如自浮塵根他亦

受用故根 二菩薩善根此有二意一約同
即不耳

居謂地前菩薩二約能化謂隨諸衆生應
以何國起菩薩根等便修彼因以取彼國

故有衆生類即菩薩佛國令於其中下顯

受用果謂先成器界後起衆生依之而住

如俱舍婆沙等辨一約同居者地前菩薩
十三

以善業共變此土二約能化者即淨名意
能化菩薩非自業成以大悲故取土攝生
及衆生之類皆淨名經並如世界成孰品
引謂先成器界者俱舍十二云壞從獄不
生至外器都盡成劫從風起至地獄初生
論釋云謂成劫中初一劫起器世間後十
九劫起有情漸住壞中後劫壞於器界前
十九劫有情漸捨二十中劫初劫唯滅後

劫唯增然此二時等中十八成
壞時量法爾先成必在後壞 各隨所宜

者謂水族衆生得水受用等又人羅刹宮

殿無礙菩薩衆生淨穢同居

佛子如是等無量因緣乃成三千大千世界

法性如是無有生者無有作者無有知者無

有成者然彼世界而得成就

第四佛子如是下性相結成中先結前生

後後法性如是下正結此句爲總此法性

言通於性相無有生下別顯性空亦遮其

妄計謂非真性微塵等生非自在梵王等

作無神我能知上三顯能作空無有成者

顯所作空雖能所俱空不礙相有故云而

得成就如是無礙爲法性如是

如來出現亦復如是非以一緣非以一事而

得成就以無量因緣無量事相乃得成就所

謂曾於過去佛所聽聞受持大法雲雨因此

能起如來四種大智風輪何等爲四一者念

持不忘陀羅尼大智風輪能持一切如來大

法雲雨故二者出生止觀大智風輪能消竭

一切煩惱故三者善巧迴向大智風輪能成

就一切善根故四者出生離垢差別莊嚴大智風輪令過去所化一切衆生善根清淨成就如來無漏善根力故如來如是成等正覺法性如是無生無作而得成就佛子是爲如來應正等覺出現第一相菩薩摩訶薩應如是知

次合中略不合第三顯彼所因以次下二喻自別合故合四輪中前三是因後一二利果滿因圓果滿佛出現故一品之內多以依喻正者非唯義類相似實則外由內變故令外器全似於內是以上云菩薩善根所起衆生共業所生等華藏品中已略開顯一品之中下總顯喻意復次佛子譬如三千大千世界將欲成時大雲降雨名曰洪霖一切方處所不能受所不

能持唯除大千界將欲成時佛子如來應正等覺亦復如是與大法雲雨大法兩名成就如來出現一切二乘心志狹劣所不能受所不能持唯除諸大菩薩心相續力佛子是爲如來應正等覺出現第二相菩薩摩訶薩應

如是知

第二洪霖大千喻此之雲雨即前喻中與雲降雨正喻出現法門廣大難知周十方故言心相續力者若約信受但是圓機堅種相續能受深旨若約具受則八地已上得無盡陀羅尼方能受持乃至十地方受如來雲雨說法是以文言除大菩薩由初義故但揀二乘廣大難知者下結文疏以十句各結一喻文皆暗用可以意得復次佛子譬如衆生以業力故大雲降雨來

無所從去無所至如來應正等覺亦復如是
以諸菩薩善根力故興大法雲雨大法雨亦
無所從來無所至去佛子是爲如來應正等
覺出現第三相菩薩摩訶薩應如是知

第三雲雨無從喻菩薩善根如生共業感

彼出現法雲法雨機感而現非先有一方
所從彼而來機謝而去亦非歸至舊所故

體無生滅體無生滅下結
文結第三也

復次佛子譬如大雲降霖大雨大千世界一
切衆生無能知數若欲算計徒令發狂唯大
千世界主摩醯首羅以過去所修善根力故
乃至一滴無不明了佛子如來應正等覺亦
復如是興大法雲雨大法雨一切衆生聲聞
獨覺所不能知若欲思量心必狂亂唯除一
切世間主菩薩摩訶薩以過去所修覺慧力

故乃至一文一句入衆生心無不明了佛子
是爲如來應正等覺出現第四相菩薩摩訶
薩應如是知

第四大雨難知喻喻深非心境故古云教
廣行大因深果遠故非預二乘亦不乖理

但是大機即世間主無能所行即能知之

復次佛子譬如大雲降雨之時有大雲雨名
爲能滅能滅火災有大雲雨名爲能起能起
大水有大雲雨名爲能止能止大水有大雲
雨名爲能成能成一切摩尼諸寶有大雲雨

頌三

十六

名爲分別分別三千大千世界佛子如來出
現亦復如是興大法雲雨大法雨有大法雨
名爲能滅能滅一切衆生煩惱有大法雨名
爲能起能起一切衆生善根有大法雨名爲
能止能止一切衆生見惑有大法雨名爲能

成能成一切智慧法寶有大法雨名為分別
分別一切衆生心樂佛子是為如來應正等
覺出現第五相菩薩摩訶薩應如是知

第五大雨成敗喻況佛滅惑成德喻中初

一即壞界之時三即以水止水合中初二

滅惑成福次二滅障成智即止觀雙運後

一權智照機又無二同二乘無三同外道

無四增無明無五非種智此即分上總中

法雨令差

復次佛子譬如大雲雨一味水隨其所雨無

量差別如來出現亦復如是雨於大悲一味

法水隨宜說法無量差別佛子是為如來應

正等覺出現第六相菩薩摩訶薩應如是知

第六一雨隨別喻喻佛一味隨器隨器即

合前差別

復次佛子譬如三千大千世界初始成時先

成色界諸天宮殿次成欲界諸天宮殿次成

於人及餘衆生諸所住處佛子如來出現亦

復如是先起菩薩諸行智慧次起緣覺諸行

智慧次起聲聞善根諸行智慧次起其餘衆

生有為善根諸行智慧佛子譬如大雲雨一

味水隨諸衆生善根異故所起宮殿種種不

同如來大悲一味法雨隨衆生器而有差別

佛子是為如來應正等覺出現第七相菩薩

摩訶薩應如是知

第七勝處先成喻喻佛勝緣先濟德文中

先正明後佛子譬如下牒以釋疑先成由

業力法異由機殊不乖第六一味

復次佛子譬如世界初欲成時有大水生徧

滿三千大千世界生大蓮華名如來出現功

德寶莊嚴徧覆水上光照十方一切世界時
 摩醯首羅淨居天等見是華已即決定知於
 此劫中有爾所佛出與于世佛子爾時其中
 有風輪起名善淨光明能成色界諸天宮殿
 有風輪起名淨光莊嚴能成欲界諸天宮殿
 有風輪起名堅密無能壞能成大小諸輪圍
 山及金剛山有風輪起名勝高能成須彌山
 王有風輪起名不動能成十大山王何等爲
 十所謂佉陀羅山仙人山伏魔山大伏魔山
 持雙山尼民陀羅山目真隣陀山摩訶目真
 隣陀山香山雪山有風輪起名爲安住能成
 大地有風輪起名爲莊嚴能成地天宮殿龍
 宮殿乾闥婆宮殿有風輪起名無盡藏能成
 三千大千世界一切大海有風輪起名普光
 明藏能成三千大千世界諸摩尼寶有風輪

起名堅固根能成一切諸如意樹佛子大雲
 所雨一味之水無有分別以衆生善根不同
 故風輪不同風輪差別故世界差別

第八事別由因喻喻佛成辦大事德亦是
 德殊由智喻喻中分三初蓮華表佛總中
 略無名出現者表佛現故而言大者準五
 卷大悲經第三云有千葉故光照十方者
 金色光也言爾所佛者有千枝華表千佛
 故故劫名賢賢善多故餘多同此二佛子
 爾時下風輪起處者即有力遙持廣前建
 立風輪三佛子大雲下結因有屬準五卷
大悲者
 經云阿難何故名爲賢劫阿難此三千大
 千世界劫欲成時盡爲一水淨居天子以
 天眼觀見此世界唯一大水見有千枝諸
 妙蓮華一一蓮華各有千葉甚可愛樂彼
 淨居天子因見此華心生歡喜踊躍無量
 而皆讚言奇哉希有奇哉希有如此劫中
 當有千佛出興於世以是因緣遂名此劫
 號之爲賢我滅度後當有九百九十六佛

頌三

十六

佛子如來出現亦復如是具足一切善根功德放於無上大智光明名不斷如來種不思議智普照十方一切世界與諸菩薩一切如來灌頂之記當成正覺出與於世佛子如來出現復有無上大智光明名清淨離垢能成

三

十九

如來無漏無盡智復有無上大智光明名普照能成如來普入法界不思議智復有無上大智光明名持佛種性能成如來不傾動力復有無上大智光明名迥出無能壞能成如來無畏無壞智復有無上大智光明名一切

神通能成如來諸不共法一切智智復有無上大智光明名出生變化能成如來令見聞親近所生善根不失壞智復有無上大智光明名普隨順能成如來無盡福德智慧之身為一切眾生而作饒益復有無上大智光明

名不可究竟能成如來甚深妙智隨所開悟令二寶種永不斷絕復有無上大智光明名種種莊嚴能成如來相好嚴身令一切眾生皆生歡喜復有無上大智光明名不可壞能成如來法界虛空界等殊勝壽命無有窮盡

二合中亦三先合蓮華表佛喻於中一切善根功德合上大水徧滿放於下合生蓮華謂不斷種性如華表佛故普照十方合上光照十方與諸菩薩下合知佛當出第二佛子下合風輪起處喻此十智光次第

合前所成唯果德能成通因果又能成即實之權所成唯差別之德故下結云同一

體等次第合前者一清淨離垢光合善淨光明風輪此約能成若約所成義類

亦同此一能成如來無漏無盡智合成色界色界離於欲過故如無漏四禪不壞如無盡也二普照光合淨莊嚴風輪三持佛種性合堅密無能壞四迥出無能壞合勝

高輪五一切神通合不動輪六出生變化
合安住輪七普隨順合莊嚴輪八不可究
竟合無盡藏九種種莊嚴合普光明藏十
不可壞合堅固根其所成德可以意取所
成唯果德唯釋於法如無漏無盡智不傾
動力等皆果德也能成通因果者如持佛
種性一切神
通皆通因果

佛子如來大悲一味之水無有分別以諸眾
生欲樂不同根性各別而起種種大智風輪
令諸菩薩成就如來出現之法佛子一切如
來同一體性大智輪中出生種種智慧光明
佛子汝等應知如來於一解脫味出生無量
不可思議種種功德眾生念言此是如來神
力所造佛子此非如來神力所造佛子乃至
一菩薩不於佛所曾種善根能得如來少分
智慧無有是處但以諸佛威德力故令諸眾
生具佛功德而佛如來無有分別無成無壞
無有作者亦無作法佛子是為如來應正等

覺出現第八相菩薩摩訶薩應如是知

第三佛子如來下合結因有屬於中三一
結因即能成之智合上一味之水風輪不
同此輪由一節水減一重輪生如澄水並
今推能成由一味大悲二佛子一切下結
果即所成之大智從一實之智隨權而生
合上風輪差別故世界差別三佛子汝等
下結緣即由眾生異合上以眾生善根不
同兼釋外疑於中又三初牒前正理一解
脫味即能成之水水具二義悲及解脫二

文影略種種功德通能所二智二眾生念

言舉外疑情然感應之道略有三義一互

相成二互相奪三緣成性空今眾生以緣

奪因純推佛力失因緣義

自力為因佛力為緣餘可思準

以緣奪因者此
中化生以眾生

三佛子此非下如來為釋

於中初以因奪緣一向言非次但以下爲說正義初句因緣相成後而佛下有二義一成上因緣雖隨衆生心無分別二成第三義了性空故緣成故無成無成故無壞所成既空何有能成作者及作法耶

復次佛子如依虛空起四風輪能持水輪何等爲四一名安住二名當住三名究竟四名堅固此四風輪能持水輪水輪能持大地令不散壞是故說地輪依水輪水輪依風輪風輪依虛空虛空無所依雖無所依能令三千大千世界而得安住

第九四輪相依喻况佛體用依持德亦廣建立風之別義喻中二先明能持之風有四者一一時持水名安住二多時不動名常住三與劫齊量四體性堅密是以俱舍

云假使有一大諾健那以金剛輪奮威懸擊金剛有碎風輪無損其量廣無數厚十六洛又彼但有一與此不同二此四下四輪相依準俱舍論次上水輪厚八洛又洛又億也次上更有金輪厚三億二萬由旬

然其世界或說三輪成謂風水金或說五

輪謂下加虛空上加大地今欲稱法合成

四輪則地中含金亦地故

大諾健那者此云雷形也其量廣無數厚十六洛又是俱舍頌上二句云安立器世間風輪最居下

佛子如來出現亦復如是依無礙慧光明起

佛四種大智風輪能持一切衆生善根何等

爲四所謂普攝衆生皆令歡喜大智風輪建

立正法令諸衆生皆生愛樂大智風輪守護

一切衆生善根大智風輪具一切方便通達

無漏界大智風輪是爲四佛子諸佛世尊大

慈救護一切衆生大悲度脫一切衆生大慈
大悲普徧饒益然大慈大悲依大方便善巧
大方便善巧依如來出現如來出現依無礙
慧光明無礙慧光明無有所依佛子是爲如
來應正等覺出現第九相菩薩摩訶薩應如
是知

頌三

二十二

二合中先合能持四風有配四攝義則少
似既合以如來出現則成太局今謂一未
信入者以四攝普攝示以正理二已信受
者建立教法三已入法者令其成行四已
成行者令其得果二佛子下合四輪相依
一慈悲合地能厚載故二方便合水曲隨
器故出現合風力能持故無礙合空如空
無礙故故淨名云其無礙慧無若干故文
意雖但取展轉相依不妨有似其事若準

偈中慈悲之前有一切佛法以泥樹林則

頌三

二十三

五重相依

故淨名云者即菩薩行品經前
已頌引令更畧示因說香飯爲

佛事竟便明諸佛功德平等云阿難汝見
諸佛國土地有若干而虛空無若干也汝
見諸佛色身有若干
其無礙慧無若干也

復次佛子譬如三千大千世界既成就已饒

益無量種種衆生所謂水族衆生得水饒益
陸地衆生得地饒益宮殿衆生得宮殿饒益
虛空衆生得虛空饒益如來出現亦復如是
種種饒益無量衆生所謂見佛生歡喜者得
歡喜益住淨戒者得淨戒益住諸禪定及無
量者得聖出世大神通益住法門光明者得
因果不壞益住無所有光明者得一切法不
壞益是故說言如來出現饒益一切無量衆
生佛子是爲如來應正等覺出現第十相菩
薩摩訶薩應如是知

大方廣佛華嚴經疏鈔會本第五十二 頌四

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩摩訶薩欲重明此義而說頌言

十力大雄最無上譬如虛空無等等境界廣大不可量功德第一超世間

第二偈頌三十七頌分三初十四頌歎深

許說次二十二頌頌上十喻後一頌結說

無盡不頌上文今初分二前十一頌歎深

難量後三頌誠聽許說今初亦二初偈總

歎頌前標告不思議言後十別歎即次第

頌前總結十一句亦第九偈頌九十二句

結既結喻今此亦即通頌前喻則性相

雙明此中多就性說古稱性起彌復有由

十力功德無邊量心意思量所不及人中師

子一法門衆生億劫莫能知

一無邊量即無量義

十方國土碎爲塵或有算計知其數如來一

毛功德量千萬億劫無能說

二一毛巨量即廣大義

如人持尺量虛空復有隨行計其數虛空邊

際不可得如來境界亦如是

三空際叵得即無生義然唯此第三偈似

頌第五如空第六偈似頌第三無生滅然

取義不同故皆案次

或有能於剎那頃悉知三世衆生心設經衆

生數等劫不能知佛一念性

四不能知者離心識故

譬如法界徧一切不可見取爲一切十力境

界亦復然徧於一切非一切

五徧於一切非一切者即如空義

真如離妄恒寂靜無生無滅普周徧諸佛境界亦復然體性平等不增減

六體性平等即平等無我義

譬如實際而非際頌四普在三世亦非普導師境界亦如是徧於三世皆無礙

七前徧諸刹此徧三世文綺互耳

法性無作無變易猶如虛空本清淨諸佛性淨亦如是本性非性離有無

八無變易故盡後際

法性不在於言論無說離說恒寂滅十力境界性亦然一切文辭莫能辯

九離言說故無二無對

了知諸法性寂滅如鳥飛空無有跡以本願

力現色身令見如來大神變

十本願現身故能成益

若有欲知佛境界當淨其意如虛空遠離妄想及諸取令心所向皆無礙

是故佛子應善聽我以少譬明佛境十力功

德不可量為悟眾生今略說

導師所現於身業語業心業諸境界轉妙法輪般涅槃一切善根我今說

第二誠聽許說中分二初一誠聽勸修淨

意如空總以喻顯下二句別顯一離妄取頌四

如彼淨空無雲翳故斯即真止二觸境無三

滯如彼淨空無障礙故斯即真觀此觀不作意以照境則所照無涯此止體性離而

息妄故諸取皆寂若斯則不拂不瑩而自淨矣無淨之淨則闡踏佛境矣此為心要

謂後學思行總以喻顯下此中有後二偈深止觀宜審思之

許說分齊於中初半偈結前生後後偈半

正示分齊牒舉十門略無行者三業攝故

闕正覺者導師中攝或復略無

譬如世界初安立非一因緣而可成無量方

便諸因緣成此三千大千界

如來出現亦如是無量功德乃得成刹塵心

念尚可知十力生因莫能測

譬如劫初雲澍雨而起四種大風輪眾生善

根菩薩力成此三千各安住

十力法雲亦如是起智風輪清淨意昔所廻

向諸眾生普導令成無上果

如有大雨名洪澍無有處所能容受唯除世

界將成時清淨虛空大風力

如來出現亦如是普雨法雨充法界一切劣

意無能持唯除清淨廣大心

譬如空中澍大雨無所從來無所去作者受

者悉亦無自然如是普充洽

十力法雨亦如是無去無來無造作本行爲

因菩薩力一切大心咸聽受

譬如空雲澍大雨一切無能數其滴唯除三

千自在王具功德力悉明了

善逝法雨亦如是一切眾生莫能測唯除於

世自在人明見如觀掌中寶

譬如空雲澍大雨能滅能起亦能斷一切珍

寶悉能成三千所有皆分別

十力法雨亦如是滅惑起善斷諸見一切智

寶皆使成眾生心樂悉分別

譬如空中雨一味隨其所雨各不同豈彼雨

性有分別然隨物異法如是

如來法兩非一異平等寂靜離分別然隨所
化種種殊自然如是無邊相

譬如世界初成時先成色界天宮殿次及欲
天次人處乾闥婆宮最後成

如來出現亦如是先起無邊菩薩行次化樂

寂諸緣覺次聲聞眾後眾生

諸天初見蓮華瑞知佛當出生歡喜水緣風

力起世間宮殿山川悉成立

如來宿善大光明巧別菩薩與其記所有智

輪體皆淨各能開示諸佛法

譬如樹林依地有地依於水得不壞水輪依

風風依空而其虛空無所依

一切佛法依慈悲慈復依方便立方便依

智智依慧無礙慧身無所依

譬如世界既成立一切眾生獲其利地水所

住及空居二足四足皆蒙益

法王出現亦如是一切眾生獲其利若有見

聞及親近悉使滅除諸惑惱

第二頌前十喻即為十段初喻四頌以是

總故餘九各二今初文二前二頌總顯多

緣後二頌別顯緣相其第九喻合云方便

依智者智即頌前出現然初無礙慧是佛

實智中二皆權於中智即知事方便隨機

合上即權實無礙對初即悲智雙游

如來出現法無邊世間迷惑莫能知為欲開

悟諸含識無譬喻中說其譬

三結說無盡

佛子諸菩薩摩訶薩應云何見如來應正等

覺身

第二別答出現九門先明身業後八依故

長行中二先標舉

佛子諸菩薩摩訶薩應於無量處見如來身
何以故諸菩薩摩訶薩不應於一法一事一
身一國土一衆生見於如來應徧一切處見
於如來

後佛子諸菩薩下釋相於中三初就法總
明次約喻別顯後就法總結然總中五徧
通喻中十身結中十句別結十喻亦同前
出現今初分四一總教廣見二何以故徵
其所由三諸菩薩下反釋所以四應徧一

切下順以結酬就反釋中總舉五法法是
所知法界及調伏法事是調伏衆生行事
故晉經名行身即是正國土是依生是所
化四順結中應翻上五成五無量界身為
能徧四為所徧一徧法界二徧調伏界三

徧調伏加行界四徧世界五徧衆生界唯

有五界非是略也唯有五界者結示正義非是畧也彈於古釋古

云應有十句但文畧耳故今彈之第二佛子譬如下約喻

別顯中明如來出現有十種身一周徧十

方身二無著無礙身三普入成益身四平

等隨應身五無生潛益身六圓迴等住身

七無心普應身八窮盡後際身九嚴利益

生身十嚴好滿願身此即八地十身而為

次不同一法身二智身三威勢四菩提五

莊嚴六意生七化八力持九福德十願四

是菩提者初成先照故偈云日光出現故

五莊嚴者一一毛孔隨好光明以莊嚴故

餘文並顯顯此十身舉十喻沉一一喻中

文各有三謂喻合結明如來者疏文有四一正科經文二此即

下會釋十身三四是下隨難重釋四一一一
下釋文此亦古德同迷之處不知此十即

十身故

佛子譬如虛空徧至一切色非色處非至非不至何以故虛空無身故如來身亦是徧一切處徧一切衆生徧一切法徧一切國土非至非不至何以故如來身無身故爲衆生故示現其身佛子是爲如來身第一相諸菩薩摩訶薩應如是見

頌曰

七

今初虛空周徧喻況周徧十方身故下結云以其心無量徧十方故喻中先直示後微釋微云至不至別何得俱耶以一無身釋上二義由無身故無可得至亦以無故無所不至如色中空空若有身身即質聚便礙於色如鐵入水水不入鐵今由無身故徧入色中法準喻知此以事空以況理空理空即是法身故經偈云佛以法爲身

清淨如虛空故爲衆生下此釋外疑

復次佛子譬如虛空寬廣非色而能顯現一切諸色而彼虛空無有分別亦無戲論如來身亦復如是以智光明普照明故令一切衆生世出世間諸善根業皆得成就而如來身無有分別亦無戲論何以故從本已來一切執著一切戲論皆永斷故佛子是爲如來身第二相諸菩薩摩訶薩應如是見

第二空無分別喻況無著無礙身故經結云所行無礙如虛空故空無分別不礙顯色智無分別不礙利生

復次佛子譬如日出於閻浮提無量衆生皆得饒益所謂破闇作明變濕令燥生長草木成熟穀稼廓徹虛空開敷蓮華行者見道居者辦業何以故日輪普放無量光故佛子如

來智日亦復如是以無量事普益眾生所謂
滅惡生善破愚為智大慈救護大悲度脫令
其增長根力覺分令生深信捨離濁心令得
見聞不壞因果令得天眼見殺生處令心無
礙不壞善根令智修明開數覺華令其發心

成就本行何以故如來廣大智慧日身放無
量光普照耀故佛子是為如來身第三相諸
菩薩摩訶薩應如是見

第三日光饒益喻喻普入成益身普入法
界故喻合皆有總別釋成合中別內有十
種益合前八句初二合初句世出世異故
三拔四流之苦與出世之樂拯二乘沉定
水之苦與菩提樂皆變濕令燥之義四道
品通長三乘草木五信有二義一成上義
信能增長一切法故二合成熟信能必到

頌四

八

如來地故六七二句合廓徹虛空一得見
聞四諦因果智二得三明十力智如空有
日廓淨照徹故八有二義令心無礙成上
徹空不壞善根成下蓮華如赤蓮華不遇
日光翳死無疑三乘善根若遇智日則便

不壞九正合開華上已開不壞今未開今

開十合後二句發菩提心即見大道成就

本行是辦家業

初二合初句世出世異故
者謂初二句皆合破暗作

明初句滅惡生善即世間破暗作明惡即
黑暗善即明故後句破惡為智即是出世
破暗作明三拔四流之苦即大慈救護大
悲度脫合變濕令燥四流是濕出世是燥

定水是濕菩提是燥不沉定水故道品通
長下合上生長草木三乘草木即藥草喻
品三草二木
初會已引

復次佛子譬如日出於闍浮提先照一切須

彌山等諸大山王次照黑山次照高原然後

普照一切大地日不作念我先照此後照於

彼但以山地有高下故照有先後如來應正等覺亦復如是成就無邊法界智輪常放無礙智慧光明先照菩薩摩訶薩等諸大山王次照緣覺次照聲聞次照決定善根衆生隨其心器示廣大智然後普照一切衆生乃至邪定亦皆普及爲作未來利益因緣令成熟故而彼如來大智日光不作是念我當先照菩薩大行乃至後照邪定衆生但放光明平等普照無礙無障無所分別

第四日光等照喻喻平等隨應身由住真際故無私平等文中二先正喻後重舉釋疑前中黑山喻緣覺者無法空之光故不出功德故不同菩薩十大山王表十地故高原喻聲聞者不生佛法蓮華故大地一種通舍三聚取決定能生處喻正定聚得

緣方生喻不定聚砂鹵等地喻邪定聚然亦不捨故皆等照高原喻聲聞者淨名第一生蓮華早濕淤泥乃生此華如是聲聞諸結斷者於佛法中無所復益煩惱泥中乃有衆生出佛法矣前亦已引故法華經法師品內穿鑿高原亦况聲聞

佛子譬如日月隨時出現大山幽谷普照無私如來智慧亦復如是普照一切無有分別隨諸衆生根欲不同智慧光明種種有異佛子是爲如來身第四相諸菩薩摩訶薩應如是見

後釋疑云日光是一佛智萬殊豈爲同喻釋云豈不向說但隨山地有高下耶故知但隨衆生智慧不同佛無私智無若干也未違前喻又既約機說異則照高未能兼下照下而猶照高又若捨化先捨於小次捨於中唯菩薩高山盡日蒙照思之
又既約機

者如照高山未照黑山若照黑山即照高山謂說華嚴是照高山二乘不預說阿舍等菩薩常聞等餘例可知又若捨化下約會權歸實然經但有先照高言無有後照高山之語今以義求必有之矣會權歸實先業人天非出離故如平地落照次捨聲聞今自悟故如高無光次捨緣覺今起悲故如黑山掩曜次捨三乘歸一乘故如山乘夕陽故先大後小即從本流末於一佛乘分別說三等捨小歸大即攝末歸本則

二義皆具

復次佛子譬如日出生盲眾生無眼根故未曾得見雖未曾見然為日光之所饒益何以故因此得知晝夜時節受用種種衣服飲食令身調適離眾患故

第五日益生盲喻佛無生潛益身有目者觀非是獨為生盲不見亦未曾滅以潛益故

如來智日亦復如是無信無解毀戒毀見邪命自活生盲之類無信眼故不見諸佛智慧

頌云

十一

智

十一

日輪雖不見佛智慧日輪亦為智日之所饒益何以故以佛威力令彼眾生所有身苦及諸煩惱未來苦因皆消滅故

合中二先略後廣略中五事皆盲而無信為總故云無信眼故此即涅槃闡提三罪

無信斷善即一闡提無解毀見即謗方等

毀戒邪命即犯四重禁作五逆罪此四至

惡猶有佛性亦為饒益令離苦集事皆盲

等者亦通外難謂有問言五事皆盲何不

言無解眼等答意可知此即涅槃下會涅槃第九初明三罪最重有涅槃因不說闡

提後聖行品下又闡提云一闡提人雖斷

善根猶有佛性故總收之此四明至惡不

捨言三罪者一謗方等經二犯四重三作

五逆罪此三未必極無因果揆無因果即

一闡提今離苦集者現在身苦為苦果也

及諸煩惱未來苦因義兼感業上二皆集

佛子如來有光明名積集一切功德有光明名普照一切有光明名清淨自在照有光明

名出大妙音有光明名普解一切語言法令
 他歡喜有光明名示現永斷一切疑自在境
 界有光明名無住智自在普照有光明名永
 斷一切戲論自在智有光明名隨所應出妙
 音聲有光明名出清淨自在音莊嚴國土成
 熟衆生佛子如來一一毛孔放如是等千種
 光明五百光明普照下方五百光明普照上
 方種種刹中種種佛所諸菩薩衆

後佛子如來下廣顯中二先能益光後所
 益衆今初二先列十光後結分齊今初十
 中初三成二莊嚴慧中二句一普照事一
 照淨理次三成三慧初二成聞慧後一成
 思修後四成四智大圓鏡智無住普照故
 平等性智絕戲論故妙觀察智隨應演故
 成所作智嚴土化生故佛子下結數分齊

以日有千光故結云千實乃無數五百照
 下者五位自分行五百照上者五位勝進
 行

其菩薩等見此光明一時皆得如來境界十
 頭十眼十耳十鼻十舌十身十手十足十地
 十智皆悉清淨彼諸菩薩先所成就諸處諸
 地見彼光明轉更清淨一切善根皆悉成熟
 趣一切智住二乘者滅一切垢其餘一分生
 盲衆生身既快樂心亦清淨柔軟調伏堪修
 念智

煩四
 十二
 二其菩薩下所益中有四初益菩薩二益
 二乘三益生盲四益惡趣菩薩有二種益
 一益圓機頓證佛境二益權機令熟權趣
 實諸處謂五眼等諸地謂種性地等二乘
 生盲可知

地獄餓鬼畜生諸趣所有衆生皆得快樂解脫衆苦命終皆生天上人間佛子彼諸衆生不覺不知以何因緣以何神力而來生此彼生盲者作如是念我是梵天我是梵化是時如來住普自在三昧出六十種妙音而告之

頌四

十三

言汝等非是梵天亦非梵化亦非帝釋護世所作皆是如來威神之力彼諸衆生聞是語已以佛神力皆知宿命生大歡喜心歡喜故自然而出優曇華雲香雲音樂雲衣雲蓋雲幢雲幡雲末香雲寶雲師子幢半月樓閣雲

歌詠讚歎雲種種莊嚴雲皆以尊重心供養如來何以故此諸衆生得淨眼故如來與彼授阿耨多羅三藐三菩提記佛子如來智日知是利益生盲衆生令得善根具足成熟佛子是爲如來身第五相諸菩薩摩訶薩應如

是見

四地獄下光蓋惡趣文有六段一拔苦與樂二佛子下因起邪見三是時下慈音示正四彼諸下迴邪報恩五如來下佛與授記六佛子下結光利益此中諸益多同隨好

復次佛子譬如月輪有四奇特未曾有法何等爲四一者映蔽一切星宿光明二者隨逐於時示現虧盈三者於閻浮提澄淨水中影無不現四者一切見者皆對目前而此月輪無有分別無有戲論佛子如來身月亦復如是具有四奇特未曾有法何等爲四所謂映蔽一切聲聞獨覺學無學衆隨其所宜示現壽命修短不同而如來身無有增減一切世界淨心衆生菩提器中影無不現一切衆生有

瞻對者皆謂如來唯現我前隨其心樂而為
說法隨其地位令得解脫隨所應化令見佛
身而如來身無有分別無有戲論所作利益
皆得究竟佛子是為如來身第六相諸菩薩
摩訶薩應如是見

第六月光奇特喻佛圓迴等住身謂等
住三世無增減故合中四法者一圓智映
二乘二常身示延促三由器見有無四所
見無向背初及後二皆圓迴義菩提器者
堪受菩提之人觀意生身若心海澄清矣
念都寂則真見佛矣

復次佛子譬如三千大千世界大梵天王以
少方便於大千世界普現其身一切眾生皆
見梵王現在已前而此梵王亦不分身無種
種身佛子諸佛如來亦復如是無有分別無

十四

有戲論亦不分身無種種身而隨一切眾生
心樂示現其身亦不作念現若干身佛子是
為如來身第七相諸菩薩摩訶薩應如是見
第七梵王普現喻佛無心普應身不分
而徧故

復次佛子譬如醫王善知眾藥及諸咒論聞
浮提中諸所有藥用無不盡復以宿世諸善
根力大明呪力為方便故眾生見者病無不
愈彼大醫王知命將終作是念言我命終後
一切眾生無所依怙我今宜應為現方便是
時醫王合藥塗身明呪力持令其終後身不
分散不萎不枯威儀視聽與本無別凡所療
治悉得除差

十四

十五

第八醫王延壽喻佛窮盡後際身喻中
二先彰現德後彼大下呪力持身

佛子如來應正等覺無上醫王亦復如是於無量百千億那由他劫鍊治法藥已得成就修學一切方便善巧大明呪力皆到彼岸善能除滅一切衆生諸煩惱病及住壽命經無量劫其身清淨無有思慮無有動用一切佛事未嘗休息衆生見者諸煩惱病悉得消滅佛子是爲如來身第八相諸菩薩摩訶薩應如是見

合中亦二初合現德於中初合用藥無不盡次修學下合呪力爲方便後善能下合見者病愈二及住下合呪力持身用前呪藥持住多劫故略不重明藥呪能持復次佛子譬如大海有大摩尼寶名集一切光明毗盧遮那藏若有衆生觸其光者悉同其色若有見者眼得清淨隨彼光明所照之

處雨摩尼寶名爲安樂令諸衆生離苦調適佛子諸如來身亦復如是爲大寶聚一切功德大智慧藏若有衆生觸佛身寶智慧光者同佛身色若有見者法眼清淨隨彼光明所照之處令諸衆生離貧窮苦乃至具足佛菩提樂佛子如來法身無所分別亦無戲論而能普爲一切衆生作大佛事佛子是爲如來身第九相諸菩薩摩訶薩應如是見

第九摩尼利物喻佛嚴利益生身而寶利貧即嚴刹故各有體用可知

頌四

十六

復次佛子譬如大海有大如意摩尼寶王名一切世間莊嚴藏具足成就百萬功德隨所住處令諸衆生災患消除所願滿足然此如意摩尼寶王非少福衆生所能得見第十寶王滿願喻佛相嚴滿願身

如來身如意寶王亦復如是名為能令一切衆生皆悉歡喜若有見身聞名讚德悉令永離生死苦患假使一切世界一切衆生一時專心欲見如來悉令得見所願皆滿佛子佛身非是少福衆生所能得見唯除如來自在神力所應調伏若有衆生因見佛身便種善根乃至成熟為成熟故乃令得見如來身耳佛子是為如來身第十相諸菩薩摩訶薩應如是見

合中先正合後佛子佛身下釋疑於中初

雖合喻已是釋疑謂有疑云若念皆見今何不見故云少福不見次疑云亦有貧下薄福何以得見釋云除可調者

以其心無量徧十方故所行無礙如虛空故普入法界故住真實際故無生無滅故等住

三世故永離一切分別故住盡後際普願故嚴淨一切世界故莊嚴一一佛身故

第三以其心無量下就法總結十句次第結前十身其有難者前已會釋

爾時普賢菩薩摩訶薩欲重明此義而說頌言

第二頌中有二十偈次第頌喻各二偈譬如虛空徧十方若色非色有非有三世衆生身國土如是普在無邊際

諸佛真身亦如是一切法界無不徧不可得見不可取為化衆生而現形

譬如虛空不可取普使衆生造衆業不念我今何所作云何我作為誰作

諸佛身業亦如是普使羣生修善法如來未曾有分別我今於彼種種作

譬如日出闇浮提光明破闇悉無餘山樹池
連地衆物種種品類皆蒙益

諸佛日出亦如是生長人天衆善行永除癡
闇得智明恒受尊榮一切樂

譬如日光出現時先照山王次餘山後照高
原及大地而日未始有分別

善逝光明亦如是先照菩薩次緣覺後照聲
聞及衆生而佛本來無動念

譬如生盲不見日日光亦爲作饒益令知時
節受飲食永離衆患身安隱

無信衆生不見佛而佛亦爲興義利聞名及
以觸光明因此乃至得菩提

譬如淨月在虛空能蔽衆星示盈缺一切水
中皆現影諸有觀瞻悉對前

如來淨月亦復然能蔽餘乘示修短普現天

人淨心水一切皆謂對其前

釋

大

譬如梵王住自宮普現三千諸梵處一切人
天咸得見實不分身向於彼

諸佛現身亦如是一切十方無不徧其身無
數不可稱亦不分身不分別

如有醫王善方術若有見者病皆愈命雖已
盡藥塗身令其作務悉如初

最勝醫王亦如是具足方便一切智以昔妙
行現佛身衆生見者煩惱滅

譬如海中有寶王普出無量諸光明衆生觸
者同其色若有見者眼清淨

最勝寶王亦如是觸其光者悉同色若有得
見五眼開破諸塵闇住佛地

譬如如意摩尼寶隨有所求皆滿足少福衆
生不能見非是寶王有分別

善逝寶王亦如是悉滿所求諸欲樂無信眾
生不見佛非是善逝心棄捨

大方廣佛華嚴經疏鈔會本第五十二
音釋

燥 蘇到切 乾燥也 廓開也 苦郭切 澍降注也 朱成切 萎於為切

依怙 怙侯古切 怙倚恃也 頤切 依梁几切 踞切 奮方問切 揚也

大方廣佛華嚴經疏鈔會本第五十一之煩五

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩應云何知如來應正等覺

音聲佛子菩薩摩訶薩應知如來音聲徧至

普徧無量諸音聲故應知如來音聲隨其心

樂皆令歡喜說法明了故應知如來音聲隨

其信解皆令歡喜心得清涼故應知如來音

聲化不失時所應聞者無不聞故應知如來

音聲無生滅如呼響故應知如來音聲無主

修習一切業所起故應知如來音聲甚深難

可度量故應知如來音聲無邪曲法界所生

故應知如來音聲無斷絕普入法界故應知

如來音聲無變易至於究竟故

第三出現語業長行有標釋結釋中三初

就法略說二約喻廣說三以法通結昔人

亦以初十為百後十通前十為千此亦可

通今更一解後結則容通結中十中十則

別喻初十但小不次耳今初圓音之義略

啓四門一叙昔二辨違三會通四正釋前

三非要廣在別章但正釋文自舍眾妙第

出現語業一叙昔有三義一云諸佛雅是

第一義身永絕萬像無形無聲直隨機現

無量色聲猶空谷無聲隨呼發響然則就

佛言之無音是一約機論之眾音非一而

言一音圓音者良由一時一會異類等解

隨其根性各得一音不聞餘聲不亂不昏

顯是奇特故名一音音過十方隨機熟處

無不聞故名為圓音非謂如空遍滿無別

韻曲經云隨其類音普告眾生斯之謂也

二云就佛言之實有色聲其音遍滿無所

不遍但無五音四聲等異無異曲故名為

一音無不遍故名為圓音但是圓音作增

上緣隨根差別現眾多聲猶如滿月唯一

圓形隨器差別而現多影亦如長風隨其

眾聲聲有各種經言佛以一音演說法眾

生隨類各得解三云如來於一語業之中

演出一切眾生言音是故令彼眾各聞

已語非是如來唯發一音但以語業同故

名為一音所發多故名為圓音如舍支聲
 尚多音齊發況如來耶二辯遠者上來三
 解偏取皆失初第一義無形無聲非音義
 故但隨他音非自音故第二唯是一語無
 多音故一不即多豈為圓音有則多亦應
 有無則一亦須無何得一有而多無耶第
 三雖但是多又無一故若語業同一切眾
 生豈一音耶故並非也三會通者上但責
 偏不謂全夫合上三義方是圓音之義耳
 謂多即一若多不即一則非一音一復即

多若一不即多即非圓音二即是空空即
 是二若二不即空是所執故不無性故非
 圓非一空不即二非音非圓故鑄融無礙
 即是圓音此中三義謂初是無生滅義次
 一是無邪曲義後一是普至義是知得文
 正義則傍收無遺不得正意並為乖理
 有十音以顯無盡各上句標下句釋一普
 徧者即隨類音然有二義一約體廣無聲

不至故云普徧無量音聲斯則人天等異
 萬類齊聞上云眾生隨類各得解二者隨
 前一一之音皆能獨徧如目連不究其邊
 二隨樂欲音謂趣舉一一類音能隨樂欲
 說種種法上經云如來於一語言中演說

無邊契經海^五又云佛以一妙音周聞十方
 國眾音悉具足法雨皆充徧通證前之二
 義三隨根解音謂即上說中隨說一法大
 小各聞故云隨其信解寶積云佛以一音
 演說法眾各各隨所解四隨時音謂即

上大小之法令聞不聞皆自在故云不失
 時亦兼隨聞一法欣憂不同寶積云或有
 恐畏或歡喜上四多約即體之用是圓音
 義後六多約即用之體顯一音義謂五外
 隨緣叩我無生滅六內集緣成何有主宰

七甚深者欲言其一則萬類殊應欲言其
 異一體無生又欲言其一隨一音中能具
 多音故上云一切眾生語言法一言演說
 盡無餘欲言其異即上多音唯令聞一故
 下喻云譬如天鼓發種種聲懈怠諸天唯

聞無常覺悟之音故甚深也八純稱法界

九橫入無斷十豎歸一極此十圓融一味

是如來圓音四釋文者在文可見但初一

音演說法衆生隨類各得解皆謂世尊同

其語斯則神力不共法釋曰此即詞無礙

解以辯一音三四皆引寶積亦即淨名寶

積長者子偈讚一音次上所引第二偈云

佛以一音演說法釋曰此即法無礙解云

一音也第三偈云佛以一音演說法或有

悉畏或歡喜或生厭離或斷礙斯則神力

不共法釋曰此即義無礙解三一音也此

十圓融下是知或謂無聲隨叩發響或謂

結成上義

唯一直聲無宮商等異皆大地之一塵耳

是知或謂下第三結彈古說但結前二以

其第三可入正故皆大地下約收以結則

此一塵不離地界積多小塵可成大地積

其多義以為圓音若約斥彈異說之微豈

佛子菩薩摩訶薩應知如來音聲非量非無
量非主非無主非示非無示

第二佛子菩薩下約喻廣說中三初結前

生後次徵後釋今初收上十聲要不出三

約相則廣無量約體則無主宰約用則有

顯示今並雙非以顯中道謂莫窮其邊故

非量隨機隨時有聞不聞故非無量多緣

集故非有主純一法界生故非無主當體

無生故無能示巧顯義理故非無示

更以四句明體用無礙謂一以用從體由

體無不在故能令上十類皆徧一切非唯

徧聲亦徧一切時處衆生如來法界等雖

復於色等皆徧恒不雜亂若不等徧則音

非圓若由等徧失其音曲則圓非音今不

壞曲而等徧不動徧而差韻方成圓音二

以體從用其一音皆具含真性三用即

體故上十類聲皆不可得唯第一義永離

所執故法螺恒震妙音常寂名寂靜音如

空谷響有而即虛若不即虛非但失於一音亦不得圓融自在四體即用故寂而恒宣若天鼓無心而應一切長風隨竅萬吹不同若不徧同非但失於能圓亦非真一梵音隨緣自在名為如來圓音妙音非是

心識思量境界

何以故佛子譬如世界將欲壞時無主無作法爾而出四種音聲其四者何一曰汝等當知初禪安樂離諸欲惡超過欲界衆生聞已自然而得成就初禪捨欲界身生於梵天二

曰汝等當知二禪安樂無覺無觀超於梵天衆生聞已自然而得成就二禪捨梵天身生光音天三曰汝等當知三禪安樂無有過失超光音天衆生聞已自然而得成就三禪捨光音身生徧淨天四曰汝等當知四禪寂靜

類

超徧淨天衆生聞已自然而得成就四禪捨徧淨身生廣果天是為四佛子此諸音聲無主無作但從衆生諸善業力之所出生佛子如來音聲亦復如是無主無作無有分別非入非出但從如來功德法力出於四種廣大音聲其四者何一曰汝等當知一切諸行皆悉是苦所謂地獄苦畜生苦餓鬼苦無福德苦著我我所苦作諸惡行苦欲生人天當種善根生人天中離諸難處衆生聞已捨離顛倒修諸善行離諸難處正人天中二曰汝等當知一切諸行衆苦熾然如熱鐵丸諸行無常是磨滅法涅槃寂靜無為安樂遠離熾然消諸熱惱衆生聞已勤修善法於聲聞乘得隨順音聲忍三曰汝等當知聲聞乘者隨他語解智慧狹劣更有上乘名獨覺乘悟不由

師汝等應學樂勝道者聞此音已捨聲聞道
修獨覺乘四曰汝等當知過二乘位更有勝
道名爲大乘菩薩所行順六波羅蜜不斷菩
薩行不捨菩提心處無量生死而不疲厭過
於二乘名爲大乘第一乘勝乘最勝乘上乘
無上乘利益一切衆生乘若有衆生信解廣
大諸根猛利宿種善根爲諸如來神力所加
有勝樂欲希求佛果聞此音已發菩提心佛
子如來音聲不從身出不從心出而能利益
無量衆生

第二微意云前言無量等今何雙非第三
舉喻廣釋其大意云性相無礙體用相即
故約法難顯寄喻以明十喻即爲十段段
各有三謂喻合結今第一劫盡唱聲喻喻
前第六無主喻中言法爾者俱舍第二云

生無色界有二種因一因力謂近習及數
習故二業力謂上界後報業果欲至故若
生色界則有三因謂加法爾力但器壞時
法爾有聲故然四種音非是一時初二火
劫將壞欲界及初禪時三即水災壞二禪
時四即風災欲壞三禪時四聲各別故非
無主但從緣生故非有主合中明佛欲壞
生死世間亦有四聲說五乘法
佛子是爲如來音聲第一相諸菩薩摩訶薩
應如是知

復次佛子譬如呼響因於山谷及音聲起無
有形狀不可觀見亦無分別而能隨逐一切
語言如來音聲亦復如是無有形狀不可觀
見非有方所非無方所但隨衆生欲解緣出
其性究竟無言無示不可宣說佛子是爲如

來音聲第二相諸菩薩摩訶薩應如是知

第二響聲隨緣喻喻上第五無生

復次佛子譬如諸天有大法鼓名為覺悟若諸天子行放逸時於虛空中出聲告言汝等當知一切欲樂皆悉無常虛妄顛倒須臾變

頌五

七

壞但誑愚夫令其戀著汝莫放逸若放逸者墮諸惡趣後悔無及放逸諸天聞此音已生大憂怖捨自宮中所有欲樂詣天王所求法行道佛子彼天鼓音無主無作無起無滅而能利益無量衆生當知如來亦復如是爲欲覺悟放逸衆生出於無量妙法音聲所謂無著聲不放逸聲無常聲苦聲無我聲不淨聲寂滅聲涅槃聲無有量自然智聲不可壞菩薩行聲至一切處如來無功用智地聲以此音聲徧法界中而開悟之無數衆生聞是音

已皆生歡喜勤修善法各於自乘而求出離所謂或修聲聞乘或修獨覺乘或習菩薩無上大乘而如來音不住方所無有言說佛子是爲如來音聲第三相諸菩薩摩訶薩應如是知

第三天鼓開覺喻喻第九無斷絕聲徧入法界化無斷故喻合各三一能開覺二開覺益三結用歸體二當知下合中三者初合能開覺別有十一聲義分四節而有二意一初二通五乘次六通三乘次一通第一第二乘後二唯大乘二者初一節人天餘三節配三乘次無數下合開覺益後而如來下合結歸體由不住方等故上能普徧是以莊嚴論云若佛音聲是有法非非法者不能徧至十方反此故能

若佛音聲下釋曰此

非法言卽是真
理爲非法耳

復次佛子譬如自在天王有天姝女名曰善口於其口中出一音聲其聲則與百千種樂而共相應一一樂中復有百千差別音聲佛子彼善口女從口一聲出於如是無量音聲

當知如來亦復如是於一音中出無量聲隨

諸衆生心樂差別皆悉徧至悉令得解佛子是爲如來音聲第四相諸菩薩摩訶薩應如是知

第四天女妙聲喻喻第三隨信解聲多音
隨樂故

復次佛子譬如大梵天王住於梵宮出梵音聲一切梵衆靡不皆聞而彼音聲不出衆外諸梵天衆咸生是念大梵天王獨與我語如來妙音亦復如是道場衆會靡不皆聞而其

音聲不出衆外何以故根未熟者不應聞故其聞音者皆作是念如來世尊獨爲我說佛子如來音聲無出無住而能成就一切事業是爲如來音聲第五相諸菩薩摩訶薩應如是知

第五梵聲及衆喻喻化不失時熟者必聞
卽以根熟爲衆

復次佛子譬如衆水皆同一味隨器異故水有差別水無念慮亦無分別如來言音亦復如是唯是一味謂解脫味隨諸衆生心器異

故無量差別而無念慮亦無分別佛子是爲如來音聲第六相諸菩薩摩訶薩應如是知

第六衆水一味喻喻無邪曲聲從法界生
一體性故

復次佛子譬如阿那婆達多龍王興大密雲

徧閻浮提普霑甘雨百穀苗稼皆得生長江河泉池一切盈滿此大雨水不從龍王身心中出而能種種饒益衆生佛子如來應正等覺亦復如是興大悲雲徧十方界普雨無上甘露法雨令一切衆生皆生歡喜增長善法滿足諸乘佛子如來音聲不從外來不從內出而能饒益一切衆生是爲如來音聲第七相諸菩薩摩訶薩應如是知

第七降雨滋榮喻歡喜聲稱根增長故離佛無聲不從外來離機無聲不從內出復次佛子譬如摩那斯龍王將欲降雨未便即降先起大雲彌覆虛空凝停七日待諸衆生作務究竟何以故彼大龍王有慈悲心不欲惱亂諸衆生故過七日已降微細雨普潤大地佛子如來應正等覺亦復如是將降法

雨未便即降先興法雲成熟衆生爲欲令其心無驚怖待其熟已然後普降甘露法雨演說甚深微妙善法漸次令其滿足如來一切智智無上法味佛子是爲如來音聲第八相諸菩薩摩訶薩應如是知

第八漸降成熟喻無變聲以皆至究竟故上先照高山以顯頓圓此先小後大即是漸圓將降法雨者思欲說一也未便即降者恐破法墮惡道故先興法雲是說方便方便含實如雲含水

復次佛子譬如海中有大龍王名大莊嚴於大海中降雨之時或降十種莊嚴雨或百或千或百千種莊嚴雨佛子水無分別但以龍王不思議力令其莊嚴乃至百千無量差別如來應正等覺亦復如是爲諸衆生說法之

時或以十種差別音說或百或千或以百十或以八萬四千音聲說八萬四千行乃至或以無量百千億那由他音聲各別說法令其聞者皆生歡喜如來音聲無所分別但以諸佛於甚深法界圓滿清淨能隨衆生根之所宜出種種言音皆令歡喜佛子是爲如來音聲第九相諸菩薩摩訶薩應如是知

第九降靈難思喻喻上甚深聲雖多差別皆於甚深法界之所流故

復次佛子譬如娑竭羅龍王欲現龍王大自在

在力饒益衆生咸令歡喜

第十徧降種種喻喻普徧聲非唯普徧四

洲亦徧出多雷音喻中有總別結

從四天下乃至他化自在天處與大雲網周而彌覆其雲色相無量差別或閻浮檀金光

第五

十

明色或毗瑠璃光明色或白銀光明色或玻璃光明色或牟薩羅光明色或碼碯光明色或勝藏光明色或赤真珠光明色或無量香光明色或無垢衣光明色或清淨水光明色或種種莊嚴具光明色如是雲網周而彌布既彌布已出種種色電光所謂閻浮檀金色雲出瑠璃色電光瑠璃色雲出金色電光銀色雲出玻璃色電光玻璃色雲出銀色電光牟薩羅色雲出碼碯色電光碼碯色雲出牟薩羅色電光勝藏寶色雲出赤真珠色電光赤真珠色雲出勝藏寶色電光無量香色雲出無垢衣色電光無垢衣色雲出無量香色電光清淨水色雲出種種莊嚴具色電光種種莊嚴具色雲出清淨水色電光乃至種種色雲出一色電光一色雲出種種色電光復

於彼雲中出種種雷聲隨衆生心皆令歡喜
所謂或如天女歌詠音或如諸天妓樂音或
如龍女歌詠音或如乾闥婆女歌詠音或如
緊那羅女歌詠音或如大地震動聲或如海
水波潮聲或如獸王哮吼聲或如好鳥鳴轉
聲及餘無量種種音聲既震雷已復起涼風
令諸衆生心生悅樂然後乃降種種諸雨利
益安樂無量衆生從他化天至於地上於一
切處所雨不同所謂於大海中雨清冷水名
無斷絕於他化自在天雨簫笛等種種樂音
名爲美妙於化樂天雨大摩尼寶名放大光
明於兜率天雨大莊嚴具名爲垂髻於夜摩
天雨大妙華名種種莊嚴具於三十三天雨
衆妙香名爲悅意於四天王天雨天寶衣名
爲覆蓋於龍王宮雨赤真珠名涌出光明於

阿脩羅宮雨諸兵仗名降伏怨敵於北鬱單
越雨種種華名曰開敷餘三天下悉亦如是
然各隨其處所雨不同

從四天下別中有五一雲二電三雷四風
五雨此與賢首品文有影略思之

雖彼龍王其心平等無有彼此但以衆生善
根異故雨有差別

後雖彼下結

佛子如來應正等覺無上法王亦復如是欲
以正法教化衆生先布身雲彌覆法界隨其

辨五

主

樂欲爲現不同所謂或爲衆生現生身雲或
爲衆生現化身雲或爲衆生現力持身雲或
爲衆生現色身雲或爲衆生現相好身雲或
爲衆生現福德身雲或爲衆生現智慧身雲
或爲衆生現諸力不可壞身雲或爲衆生現

無畏身雲或爲衆生現法界身雲

合中亦有總別結別中亦有五前四各有佛子一以身合雲有覆陰等故即菩提等十身中有四身名異義同一即願身願生兜率故第四即意生身隨意所生同世色

頌五

十一

故八即菩提身具佛十力成菩提故九即威勢具四無畏能伏外故亦可十力降魔爲威勢無畏爲正覺有正覺義故餘六名義俱同

佛子如來以如是等無量身雲普覆十方一

切世界隨諸衆生所樂各別示現種種光明電光所謂或爲衆生現光明電光名無所不至或爲衆生現光明電光名無邊光明或爲衆生現光明電光名入佛祕密法或爲衆生現光明電光名影現光明或爲衆生現光明

電光名光明照耀或爲衆生現光明電光名入無盡陀羅尼門或爲衆生現光明電光名正念不亂或爲衆生現光明電光名究竟不壞或爲衆生現光明電光名順入諸趣或爲衆生現光明電光名滿一切願皆令歡喜

第二合電光不出通明無畏

佛子如來應正等覺現如是等無量光明電光已復隨衆生心之所樂出生無量三昧雷聲所謂善覺智三昧雷聲熾然離垢海三昧雷聲一切法自在三昧雷聲金剛輪三昧雷聲須彌山幢三昧雷聲海印三昧雷聲日燈三昧雷聲無盡藏三昧雷聲不壞解脫力三昧雷聲

第三以三昧合雷聲者略有三義一若秋之雷蟄蟲藏匿若入三昧諸惡不行二若

春之雷則發蟄開萌猶彼三昧發生功德
三雷是雨之先相三昧是說之先兆十名
思而釋之

佛子如來身雲中出如是等無量差別三昧
雷聲已將降法雨先現瑞相開悟衆生所謂

從無障礙大慈悲心現於如來大智風輪名
能令一切衆生生不思議歡喜通悅

第四以大智合風者以後得智觀機警覺
加被令成法器故

此相現已一切菩薩及諸衆生身之與心皆
得清涼然後從如來大法身雲大慈悲雲大
不思議雲雨不思議廣大法雨令一切衆生
身心清淨所謂爲坐菩提場菩薩雨大法雨
名法界無差別爲最後身菩薩雨大法雨名
菩薩遊戲如來祕密教爲一生所繫菩薩雨

大法雨名清淨普光明爲灌頂菩薩雨大法
雨名如來莊嚴具所莊嚴爲得忍菩薩雨大
法雨名功德寶智慧華開敷不斷菩薩大悲
行爲住向行菩薩雨大法雨名入現前變化
甚深門而行菩薩行無休息無疲厭爲初發

心菩薩雨大法雨名出生如來大慈悲行救
護衆生爲求獨覺乘衆生雨大法雨名深知
緣起法遠離二邊得不壞解脫果爲求聲聞
乘衆生雨大法雨名以大智慧劔斷一切煩
惱寬爲積集善根決定不決定衆生雨大法
雨名能令成就種種法門生大歡喜

第五此相現已下以說法合雨於中初結
前標後所謂下別有十法者一將成正覺
念相欲盡聞斯法雨便細念都忘得見心
性等虛空界法界一相始本無二契同諸

佛平等法身故云說法界無差別

一將成正覺者

即起信論意數段論文參而用之論云如菩薩地盡一念相應覺心初起心無初相以遠離微細念故得見心性心即常住名究竟覺今取意釋云將成正覺言念相欲盡者即微細念也此念亦名生相即論三細之一論云一無明業相以依不覺故心動說名為業動則有苦果不離因故釋曰此念即細中之細今無此相云細念都亡言得見心性者即上論文言等虛空界法界一相者即論釋本覺之文論云所言覺義者謂心體離念離念相者等虛空界無所不適法界一相即是如來平等法身依此法身說名本覺釋曰今畧取二句彰所顯本覺言始本無二者即所成始覺彼論釋前說名本覺後云何以故本覺義者對始覺義說以始覺者即同本覺故始覺義者依本覺故而有不覺依不覺故說有始覺又以覺心源故名究竟覺不覺心源故非究竟覺釋曰今疏取意故云始本無二言契同諸佛下結成上來無二之義平等法身即前本覺故云 二 出胎已後坐道場說法界下以經帖成

前後更無身故名最後法雨名遊戲等者

此有二義一開為二謂遊戲是神通大用

祕教即心智所契二合為一令於祕教出

沒自在故云遊戲言祕教者即詮如來三

德涅槃故涅槃經云祕密藏安住於此能

建大事神通作用故名遊戲在法華經以

體從用名如來知見深固幽遠名為祕密

雖初心同稟而窮究在斯故亦為說

三德涅槃

者涅槃章明在法華者涅槃約理知見約智知見有性非無有理涅槃亦有般若之德非無有智涅槃乃是攝用從體但稱涅槃以為所證法華經明以體從用但名知見故法華論釋開義云開者無上義即雙開菩提涅槃示法身同即唯約理悟約菩提即是於智明具理智況知法無性豈非理耶故今疏云以體從用等深固幽遠者即法華經法師品文云此法華經藏深固幽遠無人能到今佛教化成就菩薩而為開示釋曰幽深深固名為祕密雖初心下解妨妨云法華經除諸菩薩眾信力堅固者又三根聲聞初發大心皆稟法華如來知見何要此位方為說耶故為此通約究竟故為等覺說實 三 一生所繫者謂如則此法通被始末 三 一生所繫者謂如彌勒更一下生故所以更一生者由微細無明能障所知故今為說令淨彼細惑成

種智普照上三皆等覺位

所以更一生者第二會初已廣

分別四灌頂菩薩即十地受職位十方諸佛

法水灌頂墮在佛數能受如來大法雲雨

令具佛功德智慧廣作佛事為莊嚴故

五得忍菩薩若取忍淨八地已上將止此

忍勸滿福智不斷悲故若取初得有說初

地即得為說信等功德後後圓淨十地地

智一一開發不斷二利故

有說初地者六地已引即仁王

云若得信心必不退進入無生初地道為

說信者即初地淨治地法信慈悲捨無疲

獸知經論了世法堅固力慚愧莊嚴供養

佛也後後圓淨者釋經寶字以此十法淨

治地障地地漸淨故云後後十地地智者

即釋智慧華開敷不斷二利者不斷大悲

行等地地之中有二利故六住向行三即三賢位令其

入證真如現前依此變化為甚深門而勝

進不息

七初發心者通信初發心及信滿發心既

發上求下化之心令依願行故上皆已得

本位故並為說勝進上位之法

此下二門通有二意一約初求顯說說其

自乘二約已住密說密授大乘如緣覺中

約自乘說則因謝非常果續非斷逆觀非

有順觀非無為離二邊雖離二邊而不壞

自乘之果約密十二因緣即是中道中道

者名為佛性故曰甚深緣起是為上上智

觀故得不壞佛解脫果故

中道等者初二會中已廣分別

為上上者亦涅槃文六地已引九聲聞中二者一顯說由

彼厭患苦集故說人空智劍斷之二約密

說應以法空斷一切惑故名大劍

應以注空者此

有二意一以法空揀於人空照惑無本無

斷斷故二言一切者兼斷所知亦煩惱故

十為二聚眾生故云集善根者其邪定聚

未堪法雨未定今得為成熟已定今增種

種法門

佛子諸佛如來隨衆生心雨如是等廣大法
雨充滿一切無邊世界佛子如來應正等覺
其心平等於法無恡但以衆生根欲不同所
雨法雨示有差別是爲如來音聲第十相諸
菩薩摩訶薩應如是知

三佛子諸佛下合上結中有二佛子初合
結數後合心等以釋外疑

大方廣佛華嚴經疏鈔會本第五十一之一

音釋

竅 詰弔切 直立切
穴也 蟄蟲藏也

大方廣佛華嚴經疏鈔會本第五十二 煩六

唐于闐國三藏沙門實叉難陀 譯

唐清涼山大華嚴寺沙門澄觀撰述

復次佛子應知如來音聲有十種無量何等

為十所謂如虛空界無量至一切處故如法

界無量無所不徧故如衆生界無量令一切

心喜故如諸業無量說其果報故如煩惱無

量悉令除滅故如衆生言音無量隨解令聞

故如衆生欲解無量普觀救度故如三世無

量無有邊際故如智慧無量分別一切故如

佛境界無量入佛法界故

第三復次佛子應知下通結十喻皆無分

量文顯可知

佛子如來應正等覺音聲成就如是等阿僧

祇無量諸菩薩摩訶薩應如是知

爾時普賢菩薩摩訶薩欲重明此義而說頌
言

第二偈頌頌上十喻喻各二偈

三千世界將壞時衆生福力聲告言四禪寂

靜無諸苦令其聞已悉離欲

十力世尊亦如是出妙音聲徧法界為說諸

行苦無常令其求度生死海

譬如深山大谷中隨有音聲皆響應雖能隨

逐他言語而響畢竟無分別

十力言音亦復然隨其根熟為示現令其調

伏生歡喜不念我今能演說

如天有鼓名能覺常於空中震法音誠彼放

逸諸天子令其聞已得離著

十力法鼓亦如是出於種種妙音聲覺悟一

切諸羣生令其悉證菩提果

自在天王有寶女口中善奏諸音樂一聲能出百千音一一音中復百千

善逝音聲亦如是一聲而出一切音隨其性欲有差別各令聞已斷煩惱

譬如梵王吐一音能令梵眾皆歡喜音唯及

梵不出外一一皆言已獨聞

十力梵王亦復然演一言音充法界唯需眾會不遠出以無信故未能受

譬如眾水同一性八功德味無差別因地在器各不同是故令其種種異

一切智音亦如是法性一味無分別隨諸眾生行不同故使聽聞種種異

譬如無熱大龍王降雨普洽閻浮地能令草樹皆生長而不從身及心出

諸佛妙音亦如是普雨法界悉充洽能令生

善滅諸惡不從內外而得有

譬如摩那斯龍王興雲七日未先雨待諸眾生作務竟然後始降成利益

十力演義亦如是先化眾生使成熟然後爲說甚深法令其聞者不驚怖

大莊嚴龍於海中淫於十種莊嚴雨或百或

千百千種水雖一味莊嚴別究竟辯才亦如是說十二十諸法門或百或

十至無量不生心念有殊別

最勝龍王娑竭羅與雲普覆四天下於一切

處雨各別而彼龍心無二念

諸佛法王亦如是大悲身雲徧十方爲諸修行雨各異而於一切無分別

佛子諸菩薩摩訶薩應云何知如來應正等覺心佛子如來心意識俱不可得但應以智

頌六

二

無量故知如來心

第四出現意業先身次語後意義次第故
長行中二先徵起後正釋釋中三初約法
總辨二寄喻別顯三總結勸知今初言如
來心意識俱不可得者約體遮詮也但應

以智無量故知如來心者寄用表詮約體
釋此疏文有三初總釋文意就心即是王
就王辯體智則是所約所明用體則表詮
不違故但遮詮用則相可照著故寄表詮
然用亦有遮詮同體故無分量故若一向
遮則無由顯妙故寄表詮以辨玄極而言
寄者謂寄所顯王寄用顯體又用及心所
皆有遮義今但
寄表以顯於深然此一云古有多說一云

識等有二一染二淨佛地無彼有漏染心
心所而有淨分心及心所果位之中智強
識劣故於王上以顯染無約彼智所以明
無量若必無王所依何立故成唯識第二
引如來功德莊嚴經云如來無垢識是淨

無漏界解脫一切障圓鏡智相應則有王

明矣言轉識者智依識轉非轉識體佛地
者唯有八識心王及二十一心所即通行
五別境五善十一也果位之中下解妨有
徵問云若爾則王所俱有何以王上言不
可得故此釋云果位之中識劣故云不可
得智強故云智無量言識劣者以二分中
但有淨故不同衆生分別強故言智強者
無惡慧故決斷勝故若必無王下第三反
以成立智是心所若無心王智何所依故
成唯識下第四引證言是淨無漏界者漏
即垢染既言無垢識則有識矣又云圓鏡
智相應明有心王與所相應非所獨立是
故結云有王明矣言轉識下第五重通妨
難謂有難言既言轉八識成四智明知唯
智無識故今釋云智依識轉等言依識轉
者識為主故智非王故然唯識轉有三師
義今並用之此是一師上智強識劣亦是

一云以無積集思量等義故說心等巨
得就無分別智以顯無量非無心體故攝
論第八云無分別智所依非心非思義故
亦非非心為所依止心種類故以心為因
數習勢力引得此位名心種類上之二解

俱明心意識有一云無積集下此義有三
 名意分別名識今果位中八不積集種子
 而起現行七不思量第八為我而言等者
 等取前六又不分別諸境所以爾者以皆
 與四智相應故言無耳非不有彼無集第
 八無思第七無分別六是故結云非無心
 體故攝論下第二引證非心非思義故者
 明八非積集七非思量等亦非非心下第
 三遮救恐有難云若非心義無分別智應
 依於色故今顯云所依之王非全無體此
 上總標有也次心種類下釋成有義謂是
 心為種類言此位者即是果位謂以集起
 等心為因引得果位淨八識故不可名為
 非心也如無表色依表色生故得名色據
 此亦得名無集起心等上之二解下第二
 結前生後明結前二是法相宗生後一解
 是法性宗問二俱是有復有何別答前釋
 有淨無染後釋有體無用故不同也然二
 義相成以無思等故說無染以一云佛果
 無染故說非積集思量義等
 實無心意識及餘心法云不可得唯有
 大智故言智無量故知如來心故金光明
 經及梁攝論皆云唯如如及如智獨存
 佛地論中五法攝大覺性唯一真法界及

四智菩提不言更有餘法一云下即第三
 法性宗先正明可知故金光下第二引證
 論當第三論云此中自性身者即法身也
 釋論云唯有真如及真上之二宗徧取皆
 如智獨存名為法身
 妨若依前有未免增益亦不能通不可得
 言又此淨分此何不說彼無垢識而得說
 耶經何不言染不可得若依後義未免損
 減亦不能通知佛心言既云以智無量知
 如來心不言無心可知明非無心矣又心
 既是無智何獨立非唯連上二論亦違涅
 槃滅無常識獲常識義若二義雙取未免
 相違若互泯雙非寧逃戲論若依前下初
 義以不得即有即空故成增益後亦不能
 下明違於文以文但云心意識俱不可得
 不言染不可得故又此淨下第二縱破縱
 許淨有染無經何不言有淨分也彼無垢
 下第三遮救二句疏文遮其兩教上句恐
 彼救云淨相難說故不言之故今遮云彼
 莊嚴經何得說有無漏識耶豈非是淨下
 句恐彼救云經言臣得意在於染故亦遮

云經何不言染不可得若依後義下二明
 法性宗妨於中有二先明違義以空礙有
 故云損滅亦不能通下二明其違文文中
 既言智無量故知如來心不言知如來智
 明知假智知心則有矣何得言無又心
 既是一無下第二縱破縱汝心無智有亦
 二過一違義心王最勝尚說為無智無所
 依豈當獨立如無君主何有臣下二非唯
 下明其違文言上二論者即唯識攝論言
 涅槃滅無常則通五蘊故經云憍陳如因

滅無常色而獲常色受想行識亦復如是
 既有常識則有心矣若二義雙取下第二
 谷破二宗成四勝故此亦遮故謂有教云
 上之二宗偏取不可合豈過耶故云合則
 相違以其定謂有無非即有之無即無之
 有故若爾互泯雙非可乎故今答云寧逃
 戲論以無 若爾何以指南今釋此義先會
 詮當故 前二宗後消經意今初若後宗言唯如智

者以心即同真性故曰唯如照用不失故
 曰如智豈離心外而智別有如是則唯如
 不乖於有前宗以純如之體故有淨心心
 既是如有之何失是知即真之有與即有
 之真二義相成有無無礙

今初文下初別會二宗即分為

二先會法性宗意云心即是如智即如智
 離心無如則知有如已有心矣况即體之
 用故稱如智即周之體即是真如一如一明
 珠珠體即如明即如智豈得存如亡於心
 矣前宗以純如下會法相宗意云即如之
 有有豈乖如如境即靈則有心無失是知
 即真下二通會二宗即真之有是法相宗
 即有之真是法性宗兩不相離方成無礙
 真佛 後消經意者言不可得者以心義深
 心矣

玄言不及故寄遮顯深言但以智知如來
 心者託以心所寄表顯深故晉經云但知
 如來智無量故知心無量後消經下二釋經文於中有三初畧明即雙標遮表故晉經下二引證雙證遮表既言知心無量則有心矣言無最失
 云何深玄欲言其有同如絕相欲言其
 無幽靈不竭欲言其染萬累斯亡欲言其
 淨不斷性惡欲言其一包含無外欲言其
 異一味難分欲謂有情無殊色性欲謂無
 情無幽不徹口欲辯而辭喪心將緣而慮
 亡亦猶果分不可說故是知佛心即有即

亡亦猶果分不可說故是知佛心即有即

無即事即理即王即數即一即多心中非
 有意亦非不有意意中非有心亦非不有
 心王中非有數亦非不有數數非依於王
 亦非不依王一一皆爾圓融無礙則令上
 諸義各隨一理不爽玄宗云何深下初明
 偏語不能盡理
 畧有四對一有無者即別對二宗事即理
 故非有理不失事故非無二添淨對即法
 相宗淨約絕相染約契性言不斷性惡者
 善惡同以心性為性若斷性惡則斷心性
 性不可斷亦猶闡提不斷性善三一異對
 通對二宗即體之相能包即相之體一味
 四情非情對亦對二宗即用之體同色即
 體之用微幽言無殊色性者即起信論云
 以知色性即智性故說名智身以知智性
 即色相故說名法身遍一切處又梵行品
 云知一切法即心自性故情非情性皆何
 異體是知佛心下三總具性相不可別彰
 皆雙融前二宗之法心中非有意下四明
 不即不離故難顯說言非有者是不即義
 二相別故亦非不有是不離義無二體故
 又非有者以無二體互攝盡故亦非不有
 者二相不壞言寄表顯深者既心不可以
 力用交徹故智知且託智以稱歎智是心所尚以十喻

明玄則所依之心玄又玄矣故十喻之末
 皆結為心之相

然佛尚不說凡何敢思有因緣故輒憑教

理以示玄宗望無咎其繁而不要也然佛
 尚不

說下第四謙退結成佛尚不說者即此經

云心意識皆不可得是不說也釋迦掩室

於摩竭淨名杜口於毘耶皆佛不說也果

海離言唯證相應皆不可說有因緣故者

即四悉檀因緣則得無說之說耳

譬如虛空為一切物所依而虛空無所依如

來智慧亦復如是為一切世間出世間智所

依而如來智無所依佛子是為如來心第一

相諸菩薩摩訶薩應如是知

第二譬如下寄喻別顯舉十大喻以喻如

來十種大智十智體用非一非異亦文各

有三謂喻合結今初虛空無依為依喻喻

佛無依成事智合中謂諸乘之智依佛智

生如十地云此十地智皆因佛智而有差別離佛智外無所依學而佛智果滿更不依他豈不依心及依理耶豈不向言王所無二耶良以佛智照極無有智外如為智所依故智體全如若有所依不名如智不

依心者次設難也依心約法相宗依理約法性宗良以佛智下釋依理義於中有四初正釋即迴向經云無有智外如為智所入亦無如外智獨存則智依矣何言無依如及如如智但引前句謂彼難云上言唯如依理難故但引前句謂彼難云上言唯如故今釋云智外無如故無所依然彼迴向經文自有三意一約如體性空故智外無一真體安得智外更有如耶三約事無礙舉一全收今但用前二意以亦猶淨名酬難竟後意即第四舉况之中亦猶淨名云法隨於如無所隨故亦猶淨名者二引約性相相對此約如智相對義非全同義勢相相似故云引例言法隨於如者法即一切法如之義由法即如言無所隨故者經自釋隨如之義由法即如言無所隨故者云無所隨故若有所隨能所未泯豈得隨如又法外有如法非如矣故無所隨方曰

隨如此中亦爾若有所依智外有法能所未忘不名如智如外有智智亦不如故得引文殊般若云若無境界則無所依文殊者三引證也文義全同故得引證即大般若曼珠室利分光明覺品已引今當更引經云若知我性即知無法若知無法即無境界若無境界即無所依若無所依即無所住釋曰今但要無對佛智外無法可得依之言故但引一對

以一切法即佛智故况佛智外下第四舉契理無依心境雙寂即理事無礙之義已通前難况今約事事無礙舉一全收即迴向中第三意也佛智稱真收法界盡差別之事皆隨於理在佛智中况所證如掌在智外此約相入門下句云以一切法即佛智故者釋上無法可得約相即門佛智即即佛智也

復次佛子譬如法界常出一切聲聞獨覺菩薩解脫而法界無增減如來智慧亦復如是恒出一切世間出世間種種智慧而如來智無增減佛子是為如來心第二相諸菩薩摩訶薩應如是知

第二法界湛然喻佛體無增減智即轉

釋前依依者依此出故雖出諸智亦不減

少菩薩解脫成佛智時亦不增足以同體

均故如上海中板喻即轉釋者謂疏意明初喻為總舍下九喻

故下喻中節節指初今以第一喻云虛空為一切法所依喻佛智為一切世出世智

所依故今釋之云得為依依彼出故雖出諸智者如山出雲山亦不減菩薩下如谷

納雲谷亦不增海中板喻即十行品

復次佛子譬如大海其水潛流四天下地及

八十億諸小洲中有穿鑿者無不得水而彼

大海不作分別我出於水佛智海水亦復如

是流入一切眾生心中若諸眾生觀察境界

修習法門則得智慧清淨明了而如來智平

等無二無有分別但隨眾生心行異故所得

智慧各各不同佛子是為如來心第三相諸

菩薩摩訶薩應如是知

第三大海潛益喻佛體均益生智即雙

釋前依及出生義謂與眾生心同體故義

曰潛流穿鑿自心得智慧時即是見他佛

智是曰依之出生又由體同令外佛加持

資其念力亦是流入

復次佛子譬如大海有四寶珠具無量德能

生海內一切珍寶若大海中無此寶珠乃至

一寶亦不可得何等為四一名積集寶二名

無盡藏三名遠離熾然四名具足莊嚴佛子

此四寶珠一切凡夫諸龍神等悉不得見何

以故娑竭龍王第六以此寶珠端嚴方正置於宮

中深密處故

第四大寶出生喻佛用與體密智釋上

能生以何義故而能生耶具四寶故喻中

有三初總明出處體用次徵列寶名後結

其深勝合三同喻

佛子如來應正等覺大智慧海亦復如是於
中有四大智寶珠具足無量福智功德由此
能生一切衆生聲聞獨覺學無學位及諸菩
薩智慧之寶何等為四所謂無染著巧方便
大智慧寶善分別有為無為法大智慧寶分
別說無量法而不壞法性大智慧寶知時非
時未曾誤失大智慧寶

列名中衍英諸公皆云初證道智斷惑障
二助道智斷智障三不住道智捨於報障

上三自利四利益衆生智即利他行此釋
亦無大過果地具此三道能令學者入菩
薩地故今更一解若直就文文自明顯今
以法相收之即四智菩提此釋下總明果
地具此三道下
為其通釋恐有難云助等
是因何將釋果故為此通一大圓鏡智以

頌六

十一

龍藏

離諸分別名無染著所緣行相微細難知
不忘不愚一切境相名巧方便一大下二
唯識論以為疏文心無染著巧方便智寶
為大圓鏡智論云一大圓鏡智相應心品
謂此心品離諸分別所緣行相微細難知
不忘不愚一切境相性相清淨離諸雜染
純淨圓德現種依持能現能生身土智影
無間無斷窮未來際如大圓鏡現衆色像
釋曰觀上論文自分主客但云不忘者二
常現前故不愚者不迷暗故餘義可知
即平等性智觀一切法若為無為自他平
等名善分別論云二平等性智相應心品
謂此心品觀一切法自他有
情皆悉平等大慈悲等恒共相應隨諸有
情所樂示現受用身土影像差別妙觀察
智不共所依無住涅槃之所建立一味相
續窮未來際釋曰由昔因中執有我故自
他不等今由我無故皆平等言一味者一
無漏味餘義可知由涅槃故此識恒共悲
智俱三即妙觀察智此智善觀諸法自相
共相無礙而轉故說無量法而不壞法性
無量法者即攝觀無量總持定門等而言
說者兩大法兩斷一切疑故論云三即妙
觀察智相應

心品謂此心品觀察諸法自共相無礙而轉攝觀無量總持定門及所發生功德珍寶於大眾會能現無邊作因差別皆得自在兩大法雨斷一切疑令諸有情皆獲利樂釋曰攝謂攝藏觀謂觀察四即成所作功德珍寶即六度道品等

智知機知時作所應作故論云四成所作智相應心品謂

此心品為欲利樂諸有情故普於十方示現種種變化三業成本願力所應作事釋

曰四智廣義初會已明今以疏有故復重引令知主客

若諸如來大智海中無此四寶有一衆生得入大乘終無是處此四智寶薄福衆生所不能見何以故置於如來深密藏故

三若諸如來下合前深勝於中先用勝

體深此中用勝喻在總中此中體深同法

華髻中明珠不妄與人然約下智不及故

稱密藏不全同喻故涅槃中明有密語而

無密藏同法華下七喻之中此當第六如安樂行品明一乘圓智居佛心頂

以權覆實如在髻中開權為解前亦已引然約下者釋上密義故法華云我以無數

方便種種類六因緣譬喻言詞演說諸法是非思量分別之所能解唯有諸佛乃能知之所以者何諸佛世尊唯以一大事因緣故出現於世釋曰種種說法皆為一乘衆生不知故云秘密故涅槃下引證亦如前引

此四智寶平均正直端潔妙好普能利益諸

菩薩衆令其悉得智慧光明佛子是為如來

心第四相諸菩薩摩訶薩應如是知

後此四智寶平均下明體勝用深平均正

直即平等性智大慈悲等共相應故故曰

平均一味相續名為正直二端潔即大圓

鏡智端者純淨圓德現種依持故潔者性

相清淨離諸雜染故三妙好即妙觀察智

四普能利益即成所作智此約別配今以

四智圓融故四德亦該四寶况四智乃十

中之一則求異餘宗純淨圓德者純即無雜淨即離染圓者滿

義現行功德之依種子功德之持自性明善名為清淨有漏末七云離諸雜染餘如

前釋今以四智下二解妨妨云何以持法
 相宗釋法性義故為此通謂彼四智迢然
 不同今一具四豈得同耶先將四寶以况
 四智此即別義於一寶上復具四德即况
 融義况四圓融十中之一豈
 得言同欲顯包融故用之釋

大方廣佛華嚴經疏鈔會本第五十二之三

頌六

十三

音釋

鑿疾各切

大方廣佛華嚴經疏鈔會本第五十一之三 煩七

唐于闐國三藏沙門實叉難陀 譯

唐清涼山大華嚴寺沙門澄觀撰述

復次佛子譬如大海有四熾然光明大寶布
在其底性極猛熱常能飲縮百川所注無量

煩七

大水是故大海無有增減何等為四一名日

藏二名離潤三名火燄光四名盡無餘佛子

若大海中無此四寶從四天下乃至有頂其

中所有悉被漂沒佛子此日藏大寶光明照

觸海水悉變為乳離潤大寶光明照觸其乳

悉變為酪火燄光大寶光明照觸其酪悉變

為酥盡無餘大寶光明照觸其酥變成醍醐

如火熾然悉盡無餘

第五珠消海水喻喻佛滅感成德智由有

前智無智不生由有此智無惑不斷又前

則橫具四智此則豎具四智皆是釋前為

依之義喻中二先總明體用後佛子此日

藏下別顯用相此為極教了說而起世婆

沙等說阿毘地獄在下火氣上吞銷鑠海

水蓋是少分方便之說而俗典云以沃焦

石消海水者或測度而知或見寶不辨謂

之石耳又云注尾廬壑者但見其消以名

之耳第五珠消海水喻釋疏文中

分二先明智斷不同後又前下橫豎

分別一佛果中具有四智名橫菩薩歷位

具於四智名豎言皆是下即虛空無依為

依喻中之一義也而起世下起世即經婆

沙即論皆同俱舍俱舍云此下過二萬無

間深廣同上七捺落迦八增皆十六而俗

典者山海經說又云注下亦如彼說莊子

秋水篇亦明
佛子如來應正等覺大智慧海亦復如是有
四種大智慧寶具足無量威德光明此智寶
光觸諸菩薩乃至令得如來大智何等為四

所謂滅一切散善波浪大智慧寶除一切法
愛大智慧寶慧光普照大智慧寶與如來平
等無邊無功用大智慧寶

合中亦二先合總明體用

佛子諸菩薩修習一切助道法時起無量散

善波浪一切世間天人阿脩羅所不能壞如

來以滅一切散善波浪大智慧寶光明觸彼

菩薩令捨一切散善波浪持心一境住於三

昧又以除一切法愛大智慧寶光明觸彼菩

薩令捨離三昧味著起廣大神通又以慧光

普照大智慧寶光明觸彼菩薩令捨所起廣

大神通往大明功用行又以與如來平等無

邊無功用大智慧寶光明觸彼菩薩令捨所

起大明功用行乃至得如來平等地息一切

功用令無有餘佛子若無如來此四智寶大

光照觸乃至有一菩薩得如來地無有是處
佛子是為如來心第五相諸菩薩摩訶薩應
如是知

後佛子諸菩薩修習下合別顯用相然此

四智古德有配四三昧初是大乘光明三

昧智二是集福德王三是賢護四是首楞

嚴此釋配定可爾案次乖理以第三名智

光普照故若將初為三以三為初乃順文

理別顯用相下疏文分三初叙昔有三師

論釋即靈辯法師此三昧名即唯識第九

理教行果智光明定謂此能發照了大乘

在集無邊攝如王勢力無等雙故三賢守

定謂此能守世出世間賢善法故四健行

秤定謂佛菩薩大健有情之所行故攝論

第八意亦同此首楞嚴者是梁論名即健

行義然是梵言此云一切事畢竟又英法

師云初定空智除不善障二除著禪障三

除煩惱障四除所知障賢首云初能除流

散難染業二能除味定著靜障三能除根

本無明障四能除盡今更一解標其所成

成果智障與前大同

即是四定約能成智應別立名又將豎配諸位尤異昔解謂一佛以即事而真智治於地前成初四地今得賢守定以此三昧能守世出世間賢善法故前三地爲世四地爲出世既了即事而真則即散而定二以即體之用智治四地未能起用今得五地入俗成集福德王定三以平等無垢智治五地雖能隨俗未得平等今得六七地般若大光功用後邊成光明定四以平等無功用智治七地功用今入八地乃至佛果得首楞嚴定所作究竟故果既具四因亦通修且約相顯爲此豎配不可偏局今更

一解下三中正義於中有二先總所成即是四定者如唯識論定爲能發智爲所發四智卽是所成今明佛具四智今諸菩薩能具四定故智爲能成定爲所成豎配之相下別當具謂一佛以下第二別釋一智中文皆有初三舉能成智二治於下治

所破病三今得下顯所成德

復次佛子如從水際上至非想非非想天其中所有大千國土欲色無色衆生之處莫不皆依虛空而起虛空而住何以故虛空普徧故雖彼虛空普容三界而無分別佛子如來智慧亦復如是若聲聞智若獨覺智若菩薩智若有爲行智若無爲行智一切皆依如來智起如來智住何以故如來智慧徧一切故雖復普容無量智慧而無分別佛子是爲如來心第六相諸菩薩摩訶薩應如是知

第六虛空舍受喻喻佛依持無礙智亦釋前依義上但云依猶通外依他力今明體徧普容是則五乘等智皆是如來大智中物肇公亦云夫聖人虛心冥照理無不統懷六合於曾中而靈鑒有餘鏡萬有於方

寸其神常虛即斯義也璧公亦云下即存中文云然則玄道在乎妙悟妙悟在於即真即真則有無齊觀有無齊觀則彼已莫二所以天地與我同根萬物與我一體同我則非復有無異我則非於會通所以不出不在而道存乎其間矣何則夫至人虛心冥照理無不統懷六合於胃中而靈靈有餘鏡萬有於方寸而其神常虛等今但引兩對足顯經意

復次佛子如雪山頂有藥王樹名無盡根彼藥樹根從十六萬八千由旬下盡金剛地水輪際生彼藥王樹若生根時令閻浮提一切樹根生若生莖時令閻浮提一切樹莖生枝葉華果悉皆如是此藥王樹根能生莖莖能生根根無有盡名無盡根佛子彼藥王樹於一切處皆今生長唯於二處不能為作生長利益所謂地獄深坑及水輪中然亦於彼初無狀捨

第七藥王生長喻喻佛窮劫利樂智喻中

四初顯體用二彼藥樹根下別顯用相三類七此藥王下得名所由四佛子下揀其非處五先揀後收收者亦不默故晉經云不捨生性

佛子如來智慧大藥王樹亦復如是以過去所發成就一切智慧善法普覆一切諸眾生界除滅一切諸惡道苦廣大悲願而為其根於一切如來真實智慧種性中生堅固不動善巧方便以為其莖徧法界智諸波羅蜜以為其枝禪定解脫諸大三昧以為其葉總持辯才菩提分法以為其華究竟無變諸佛解脫以為其果

合亦四段而文不次初合總顯體用有六一以悲願菩提合根此為諸佛之本深難拔故文有四弘二依實智所生方便為莖

能幹事故菩提體故三依前二智分爲諸
度旁陰爲枝四戒定息熱別受業名五辯
才道品等親生菩提開發爲華六果可知
上六亦可豎配地位而下別顯用相既云
一切菩薩故但從通釋四戒定者此中唯
定下合別顯用相

中有淨
戒頭地

佛子如來智慧大藥王樹何故得名爲無盡
根以究竟無休息故不斷菩薩行故菩薩行
即如來性如來性即菩薩行是故得名爲無
盡根

二一佛子越次合得名所由窮未來際故
云究竟無休得果不捨因故云不斷菩薩
行由此故得因果交徹展轉相生

佛子如來智慧大藥王樹其根生時令一切
菩薩生不捨衆生大慈悲根其莖生時令一

頌七

六

切菩薩增長堅固精進深心莖其枝生時令
一切菩薩增長一切諸波羅蜜枝其葉生時
令一切菩薩生長淨戒頭陀功德少欲知足
葉其華生時令一切菩薩具諸善根相好莊
嚴華其果生時令一切菩薩得無生忍乃至
一切佛灌頂忍果

三一佛子却合前別顯用相深心樂修善
行即前方便淨戒亦能息熱相好如華爲
嚴文多影畧者爲分能所成故文多影畧
者能成即
如來悲等所成即菩薩悲等如在佛爲方
便在菩薩爲深心在佛禪定爲葉在菩薩
淨戒頭陀爲葉在佛即是菩
提爲果在菩薩即無生忍等

佛子如來智慧大藥王樹唯於二處不能爲
作生長利益所謂二乘墮於無爲廣大深坑
及壞善根非器衆生溺大邪見貪愛之水然
亦於彼曾無厭捨佛子如來智慧無有增減

以根善安住生無休息故佛子是為如來心
第七相諸菩薩摩訶薩應如是知

四一佛子合揀非器亦先揀後收無為正
位一墮難出故喻深坑又無悲水取灰斷
故如彼地獄邪見撥無貪愛浸爛皆喻於

水不容善根又闕土緣非生處故後收言

無厭捨者上據現惡闕緣今生厭怖直進
一乘故除二處而同有佛性久久當成故

不厭捨是知現惡明無則無惡必有是知現惡

等者即生公意生公忍死待得大經以證
大義如何至今猶不信耶廣如玄中今當

重釋言現惡明無者正作闡提無因果
故無惡必有者由撥無因果之惡故無今
無此惡是則有矣故應問言煩有新作一
闡提不復有闡提後生信不若有新作未
作之時有佛性不若未作時有作時無者
佛性可斷若先無者則不由於闡提無也
本自無故後生信心亦復如是若有佛性
佛性及可生之法前則本有今無此則本
無今有若發信心亦無性者此亦不干闡
提故無故知但是約於長時未成果善抑

言無耳謂抑令恐怖使發大心未作故涅
闡提今其莫作故皆訪物何定言無
槃云一闡提人雖復斷善猶有佛性若能

發心非闡提也法華云決了聲聞法餘諸
聲聞眾亦當復如是結云根善安住者常

住大悲故故涅槃下引證此引二經先引

成上不捨邪見水輪初意即第九經玄中
已引今復略明經云彼一闡提雖有佛性

而為無量罪垢所纏不能得見如蚕處繭
則有而非無三五經云斷善根人以現

在世煩惱因緣能斷善根未來佛性力因
緣故還生善根亦其文也若能發心者即

二十六經高貴德王菩薩品經云善男子
一闡提輩若遇善友諸佛菩薩聞說深法

及以不遇俱不得難一闡提心何以故斷
善根故一闡提輩亦得阿耨多羅三藐三

善提所以者何若能發於菩提之心則不
名為一闡提也法華云下二引法華亦有
二文以證定性二乘皆成佛義一即法師
品藥王汝當知如是諸人等不闡法華經
去佛智甚遠若聞是深經決了聲聞法是
諸經之王聞已諱思惟當知此人等近於
佛智慧釋曰既言決了聲聞法明昔淨名
等經聲聞如根敗之士其於五欲不能復
利及如焦穀芽佛名經說如焦穀芽雖逢
春陽無希秋實及深密等說於定性不得

成佛三乘聖人心皆猶預今皆作佛故云
 決了第一經云菩薩聞是法疑網皆以除
 千二百羅漢悉亦當作佛故云決了復恐
 人云千二百外定性聲聞即不作佛故引
 次文即五百弟子授記品初千二百人悉
 皆求記如來先授陳如作佛次授五百未
 後偈云其五百比丘次第當作佛同號曰
 普明轉次而授記我滅度之後某甲當作
 佛其所化世間亦如我今日國土之嚴淨
 及諸神通力菩薩聲聞眾正法及像法壽
 命劫多少皆如^{頌七}上所說迦葉汝已知五百
 自在者餘諸聲聞眾亦當復如是其不在
 此會汝當為宣說釋曰據此非唯列千二
 百則靈山之會萬二千人五千拂席增上
 慢者應是聲聞不願靈山法華勝會者今
 此會中聲聞菩薩轉為授記餘如空中
 有引向所揀證無佛性及定性義不觀次
 後不捨之言況第十喻平等共有減損佛
 性恐毀謗一乘願諸後學當誠慎之無滯
 權說有引向來下即舉邪顯正謂法相師
 定性趣寂二乘不觀已下破其妄引疏有
 三節初指經中却收之義二引第十等有
 喻意三減損下以理結勸謂唐三藏創自
 西廻薦福寺有一人大德不肯修敬後因
 見日三藏遠涉流沙廣取經論誠曰勸勞
 然減損佛性增足煩惱未知與聖意相應

不言減損佛性者以五性之中唯一性半
 有佛性耳謂菩薩性及不定性之半以不
 定性容有無故餘三性半一向言無謂一
 無種性人二定性聲聞三定性緣覺言一
 半者即不定性中或無是也恐謗一乘者
 以罪怖之然法華經特稱妙者以佛昔說
 三乘五性今法華云一乘一性謂一切眾
 生有如來知見更無餘性故惟一乘涅槃
 亦云佛性者名為一乘以凡是有心定當
 作佛故唯一乘法華又云唯此一事實餘
 二則非真終不以小乘濟度於眾生又第
 四云平等大慧彼疏自立一乘為宗而其
 立義定有五性却以一乘而為方便此豈
 不是謗一乘耶謗一乘罪法華具明事不
 可輕如增上慢不信不
 輕皆作佛言即為謗耳
 復次佛子譬如三千大千世界劫火起時焚
 燒一切草木叢林乃至鐵圍大鐵圍山皆悉
 熾然無有遺餘佛子假使有人手執乾草投
 彼火中於意云何得不燒不答言不也佛子
 彼所投草容可不燒如來智慧分別三世一
 切眾生一切國土一切劫數一切諸法無不
 知者若言不知無有是處何以故智慧平等

悉明達故佛子是為如來心第八相諸菩薩摩訶薩應如是知

第八劫火燒盡喻喻佛知無不盡智由此佛智更無所依

復次佛子譬如風災壞世界時有大風起名曰散壞能壞三千大千世界鐵圍山等皆成碎末復有大風名為能障周市三千大千世界障散壞風不令得至餘方世界佛子若令無此能障大風十方世界無不壞盡如來應正等覺亦復如是有大智風名為能滅能滅一切諸大菩薩煩惱習氣有大智風名為巧持巧持其根未熟菩薩不令能滅大智風輪斷其一切煩惱習氣佛子若無如來巧持智風無量菩薩皆墮聲聞辟支佛地由此智故令諸菩薩超二乘地安住如來究竟之位佛

子是為如來心第九相諸菩薩摩訶薩應如是知

第九劫風持壞喻喻佛巧令留惑智非但能斷亦復能留謂佛有斯巧授與根未熟未具萬行菩薩令留潤生之惑由此留惑

惑方至盡得一切智不同二乘不為菩提

心期速出廣明留惑潤生具如別章廣明留惑

者即義理分齊別有一門

復次佛子如來智慧無處不至何以故無一眾生而不具有如來智慧

第十塵舍經卷喻喻佛性通平等智文中四謂法喻合結今初所以知佛智徧者無一眾生不有本覺與佛體無殊故以上言潛流則似佛智徧他眾生今顯眾生自有故云徧耳此有三意一明無一眾生不有

則知無性者非衆生數謂草木等已過五
性之見則知無性下反成上義即涅槃經云除墻壁瓦石皆有佛性故無佛性則非衆生凡是有心定當作佛則無一不有以一切人皆有心得即知言無佛性者則無心也無心寧異瓦礫此是二者衆涅槃一性之宗故云已過五性
生在纏之因已具出纏之果法故云有如

來智慧非但有性後方當成亦非理先智

後是知涅槃對昔方便且說有性後學尚

謂談有藏無沉聞等有果智誰當信者二

衆生下二明因有果智揀勝初義但有佛性於中有二初正立中謂遠公等釋涅槃經言因性本有果性當成今因有佛智佛智非因故超前也所以有者因果二性無

二體故若因無異性果是新生便有始故
新生有始佛性非常住故非但有性者第
二正揀前義於中有二一揀因果不同謂
前義意如木中有火性鑽方生火乳有酪性
緣具成酪今此中意果尚本有況於因性
況當有耶亦非理先者二揀理智兩別若
唯理智為先有者則第一義空不名智慧
理智異故無漏智性本自有之不應理故
大智光明非本有故智後生者果無常故
能證所證成二體故是知涅槃下第三結

會勸信謂涅槃終極會昔有餘十二
多說三乘五性之教機習已久難可頓移
且說有心皆有佛性一經前後奪合離
而其明言凡是有心定當作佛後學尚謂
者即大乘法師法華疏意彼意涅槃經言
一切衆生皆有佛性總談皆有欲獎衆生
實而明之亦有無者藏在一切總有之中
言通別類異者通相皆有別揀有無無有
不同不應一類沉聞衆生者即
舉今宗結成難信勸令信耳
三彼因中

之果智即他佛之果智以圓教宗自他因

果無二體故不爾此說衆生有果何名說

佛智耶斯則玄又玄矣非華嚴宗無有斯

理三彼因中下第三自他交徹謂諸凡夫
性一身豎論他佛在凡自他橫辯故更玄
也不爾此說下以理成立自他平等謂此

章中舉其十喻以辯佛智忽引衆生有佛
智者何名為說諸佛心耶明知是說衆生
心為佛矣斯則
玄下結歎歸宗

但以妄想顛倒執著而不證得

次但以下釋疑云涅槃云佛性者名為

智慧有智慧時則無煩惱今得佛智那作

衆生釋中先順答前義謂倒故不證豈得言無如壯士迷於額珠豈謂膚中無寶

士者即涅槃第八如來性品比經第七佛告迦葉善男子譬如王家有大力士其人眉間有金剛珠與餘力士捐力相撲而彼力士以頭抵觸其額上珠尋沒膚中欲自覺知是珠所在其處有瘡即命良醫因珠瘡治時有明醫善知方藥即知是瘡

入皮即便停住是時良醫尋問力士汝額上珠為何所在力士驚答大師醫王我額上珠乃無去耶是珠今者為何所在將非幻化憂愁啼哭是時良醫慰諭力士汝今不應生大愁惱汝因關時嘆悲憂感珠陷入體故不自知是時力士不信醫言若在皮裏膿血不淨何緣不出若在筋裏不應可見汝今云何欺誑於我時醫執鏡以照其面珠在鏡中明了顯現力士見已心懷驚怖生奇特想上心經文下合文廣以意引之謂以良醫喻之善友煩惱為皮膚佛性為寶珠不知為失或盡乃得證知了了如彼力士於明鏡中見其寶珠薦福解云貧女金藏通喻凡天不知佛性此喻菩薩二乘觀心之首隱其佛性已發三乘心名為王家以未入佛家故有觀心力名為士中道佛性之珠在其心間與鏡力觀於俗境名為相鏡觀心取境名頭抵觸取相隱理名沒膚中以相求理不能得見名不知所在取相見空名之為瘡訪友為命

醫佛為良醫煩七知佛性珠取其空相名知是瘡因珠入體定得之性在上相內名珠入皮即便停住是時良醫下問性所在相覆真性故力士不知所在先因發心將非虛說名將非幻化恐無性流轉名憂愁啼哭次佛慰云言性不失汝與妄競性隱無我名珠入體在於皮裏因本有理有理性相名影現於外汝觀空等時其心猛利如真患感因斯陷入故不自知此上有性不見喻二乘是時力士下拒教不信喻若在皮裏膿血等者謂在凡身若等相中有漏不淨性淨應出何緣不見若筋等者若是真不信是時良醫下依教見性喻珠在鏡中明了顯現者定得之性惟大涅槃聖教能顯如鏡照面了了分明力士見已者衆生則聞見十住則日見餘可知也

若離妄想一切智自然智無礙智則得現前

後若離下反以理成謂若先無離倒寧有既離倒則現明本不無如貧得珠非今授與是以涅槃恐不修行故云言定有者則為執著恐不信有故云若言定無則為妄語乍可執著不可妄語自然智自覺聖智

也無礙智者始本無二絕二礙也如實得

法華第四五百弟子授記品說繫珠喻領

解得記經云譬如有人至親友家醉酒而

臥是時親友官事當行以無價寶珠繫其

衣裏與之而去其人醉臥都不覺知起已

遊行到於他國為衣食故動力求索甚大

艱難若少有所得便以為足於後親友會

遇見之而作是言吐說丈夫何為衣食乃

至如是我昔欲令汝得安樂五欲自恣於

某年月日以無價寶珠繫汝衣裏今故現

在而汝不知勤苦憂惱以求自活甚為癡

也汝今可以此寶貿易所須常可如意無

所乏短下合可知然繫有二一約結緣則

因解為珠為說為繫煩惱昏醉少有微解

故曰繫珠五道求樂為勤力艱難證小淫

禁不求大果云得少為足後闍法華為會

佛子譬如有大經卷量等三千大千世界書

耳則不全同喻今疏取天性繫珠以成本

有故云非今授與是以淫禁下以淫禁經

結成上義執著過輕不可言有妄語過重

不可言無况無著而知決須有矣始本無

二者此有二意一則眾生本有佛智是則

本覺不礙始覺如是而證名無礙智二者

斷障顯了則無

頻惱所知二礙

寫三千大千世界中事一切皆盡所謂書寫

大鐵圍山中事量等大鐵圍山書寫大地中

事量等大地書寫中千世界中事量等中千

世界書寫小千世界中事量等小千世界如

是若四天下若大海若須彌山若地天宮殿

若欲界空居天宮殿若色界宮殿若無色界

宮殿一一書寫其量悉等此大經卷雖復量

等大千世界而全住在一微塵中如一微塵

一切微塵皆亦如是時有一人智慧明達具

足成就清淨天眼見此經卷在微塵內於諸

眾生無少利益即作是念我當以精進力破

彼微塵出此經卷令得饒益一切眾生作是

念已即起方便破彼微塵出此經卷令諸眾

生普得饒益如於一塵一切微塵應知悉然

第二喻中二光明大經潛塵以喻上文妄

纏佛智大經卷者佛智無涯性德圓滿也
 書各稱境者智如理故潛一塵者畧有三
 義一妄覆真故二小舍大故三一具多故
 一切塵者無一眾生不具佛智故後時有
 一人下出經益物喻上離妄現前

頌

十四

佛子如來智慧亦復如是無量無礙普能利
 益一切眾生具足在於眾生身中但諸凡愚
 妄想執著不知不覺不得利益爾時如來以
 無障礙清淨智眼普觀法界一切眾生而作
 是言奇哉奇哉此諸眾生云何具有如來智
 慧愚癡迷惑不知不見我當教以聖道令其
 永離妄想執著自於身中得見如來廣大智
 慧與佛無異即教彼眾生修習聖道令離妄
 想離妄想已證得如來無量智慧利益安樂
 一切眾生佛子是為如來心第十相諸菩薩

摩訶薩應如是知

第三合中亦二先合大經潛塵無量無礙
 普能利益合上書寫多事眾生身及妄想
 俱合上塵後爾時如來下合出經益物如
 來合上一人智眼合上天眼是知不信眾

生等有佛智智眼未開復何可恠然如來
 藏等經說有九喻喻如來藏為如青蓮華
 在泥水中未出泥水人無貴者又如貧女
 而懷聖胎如大價寶垢衣所纏如摩尼珠
 落在深廁如真金像弊衣所覆如庵羅樹

頌

十五

華實未成亦如稻米在糠糲中如金在鑛
 如像在摸皆是塵中有佛身義與此大同
 也如來藏下二引例釋成言九喻者如來
藏經具有九喻一二不同餘經或有一
二三四多少不定故致等言言如來藏經
者即如來在王舍城耆闍崛山成佛十年
後方說之與大比丘百千人菩薩六十恒
河沙云爾時世尊於梅檀重閣正坐三珠

而現神變有千葉蓮華大如車輪其數無
 量色香具足而未開敷一切華內皆有化
 佛上界虛空彌覆世界猶如寶帳一佛蓮
 華放無量光一切悉變其千光華內一切
 故須臾之間皆悉變其千光華內一切
 佛結跏趺坐各放無數百千光明於此
 刹莊嚴殊特一切大衆歡喜踊躍云金剛
 慧菩薩問佛下為答云我以佛眼觀一切
 衆生貪欲恚癡諸煩惱中有如來智如來
 眼如來身結跏趺坐儼然不動善男子如來
 切衆生雖在諸趣煩惱身中有如來藏常
 無染污德相備足如我無異又善男子如
 譬如天眼之人觀未數華便得顯現如是
 來身結跏趺坐除其萎華已欲令開敷為
 善男子佛除煩惱顯現佛性善男子諸佛
 說經法滅除世間若不現佛性善男子諸佛
 法爾若佛出世若不現佛性善男子諸佛
 之藏常住不變但彼衆生煩惱覆故如來
 出世廣為說法除滅塵勞成一切智如來
 喻之後皆有偈文二復次善男子譬如淳
 密在巖樹中無數羣蜂圍遶守護時有一
 人巧智方便先除彼蜂乃取其蜜隨意食
 用惠及近遠下取意合蜜喻如來藏隨
 煩惱人喻如來除蜂喻離皮積貪愚輕賤
 次善男子譬如來除穢穢未離皮積貪愚
 謂為可棄除穢穢未離皮積貪愚輕賤
 煩惱米喻如來見說法除煩惱淨一切
 智於諸世間為最正覺四復次善男子譬
 如真金墜不淨處隱沒不現經歷年載真
 金不壞而莫能知有天眼者語衆人言此

不淨中有真金寶汝可出之隨意受用法
 舍利不能開發此珍寶藏一切衆生亦復如
 者不能知見力無所畏大法寶藏在身如
 是如來不知見力無所畏大法寶藏在身如
 內不聞諸佛出興于世為開身內如來法
 量無礙辯才為大施主六復次善男子譬
 藏無礙辯才為大施主六復次善男子譬
 如善男子我以佛眼觀諸衆生如來寶藏在
 善男子我以佛眼觀諸衆生如來寶藏在
 無明殼內猶如果種在於核內善男子彼
 如來藏清淨無極大智慧聚妙寂泥洹名
 為如來應正等覺七復次善男子譬如
 人持真金像行詣他國經險路懼遭劫
 奪裹以弊物令無識者此人於道忽便命
 終於是金像棄捐曠野行人躡跡咸謂不
 淨得天眼者見弊物中有真金像即為出
 之善男子譬如聖女王貧賤醜陋衆人所惡而
 懷貴子當為聖女王四天下此人所不知經
 歷時節常作下劣生賤子想合有來寶
 藏九復次善男子譬如鑄師鑄真金像既
 鑄成已倒置於地外現樵黑內像不變開
 模出像金色晃曜合云有來寶過去恒河
 足下校量功德受持此經供養過十由旬
 沙現在諸佛造恒河沙七寶臺高十由旬
 日如沙如來乃至恒河沙七寶臺高十由旬
 恒河沙如來乃至恒河沙七寶臺高十由旬
 經乃至佛喻與青蓮在泥喻大上之九喻初
 蓮華有佛喻與青蓮在泥喻大上之九喻初

全墮不淨處與摩尼墮深淵中大同而
 此如金在鑛如蜜在山中除多大有與
 次者此取圓意略舉十耳山中有靈又
 塵中佛性小異故略無之又此所引為
 圓融自凡至聖具舍諸義故亂引之若
 佛性論具釋九喻雖不引如來藏經而
 此經喻次全同各別有意廣如佛性論
 鈔中已引言餘經或有二三等者淫
 勝鬘等經皆說不能具引金鍊之喻淫
 第十有文云復次善男子譬如金鑛淘煉
 滓穢然後銷鎔成金之後價直無量善
 子聲聞緣覺菩薩亦爾皆得成就同佛
 性何以故除煩惱故如彼金鍊除諸滓
 以是義故一切衆生同一佛性無有差
 以其先開如來蜜藏後成佛時自然得
 如彼長者知乳一相何以故以斷無量
 惱故釋曰以是長者多牛乳一色喻後
 轉以喻顯第五經中有雪山甘藥喻全
 淳蜜在巖窟餘有多喻不能具引大價
 尼垢衣所纏者即楞伽第二疏當第五
 云爾時大慧菩薩摩訶薩白佛言世尊
 多羅說如來藏自性清淨轉三十二相
 於一切衆生身中如大價寶垢衣所纏
 來之藏常住不變亦復如是而陰界入
 衣所纏貪欲患癡不實妄想塵勞所污
 切諸佛之所演說釋曰此中大慧引昔
 說下難同外道說我佛下答不同外道
 是虛妄無有真實如來說如來藏有時
 空無相無願實際法性法身涅槃自性
 生不滅本來寂靜自性涅槃如是等句

如來藏等餘經
 所有可略言也

佛子菩薩摩訶薩應以如是等無量無礙不
 可思議廣大相知如來應正等覺心

大文第三總結上來十喻初總明無依為

依二能出生三能潛徧四橫具四智五豎

具四能六體廣包含七用無終竟八知無

不盡九巧能攝持十處處具足前九直語

佛智後一乃融自他此十圓融畧顯佛智

之相寄顯如來之心未盡佛心一毫故應

更以無量無礙等知也

未盡故應更下正釋經文由經云如是等

無量相知如是指前等即等後更明別義

此結有四一無量二無礙三不可
 思四廣大並遍上十及所不說

爾時普賢菩薩摩訶薩欲重明此義而說頌

欲知諸佛心當觀佛智慧

第二偈頌二十二偈分二初兩句約法總顯

佛智無依處如空無所依眾生種種樂及諸方便智皆依佛智慧佛智無依止

餘頌上喻於中初喻一偈半後一四偈餘

八各二偈並顯可知

聲聞與獨覺及諸佛解脫皆依於法界法界無增減佛智亦如是出生一切智無增亦無減無生亦無盡如水潛流地求之無不得無念亦無盡功力徧十方佛智亦如是普在眾生心若有勤修行疾得智光明如龍有四珠出生一切寶置之深窵處凡人莫能見佛四智亦然出生一切智餘人莫能見唯除大菩薩如海有四寶能飲一切水令海不流溢亦復無增減如來智亦爾息浪除法愛廣大無

有邊能生佛菩薩下方至有頂欲色無色界顯七

一切依虛空虛空不分別聲聞與獨覺菩薩

眾智慧皆依於佛智佛智無分別雪山有藥

王名爲無盡根能生一切樹根莖葉華實佛

智亦如是如來種中生既得菩提已復生菩

薩行如人把乾草置之於劫燒金剛猶洞然

此無不燒理三世劫與刹及其中眾生彼草

容不燒此佛無不知有風名散壞能壞於大

千若無別風止壞及無量界大智風亦爾滅

諸菩薩感別有善巧風令住如來地如有大

經卷量等三千界在於一塵內一切塵悉然

有一聰慧人淨眼悉明見破塵出經卷普饒

益眾生佛智亦如是徧在眾生心妄想之所

纏不覺亦不知諸佛大慈悲令其除妄想如

是乃出現饒益諸菩薩

大方廣佛華嚴經疏鈔會本第五十一之三

音釋

度量度徒落切 量龍張切 無觀觀古丸切 胡官切 狹劣
 狹侯次切 隄也 須臾臾羊朱切 須也 靈之茂切 衆
 也 清泠泠丁切 鄒切 髻計音 疲厭疲音 厭切 衆 愴
 也 鑿良刃切 鑿也 蘇蘇音 蘇切 蘇各切 縮所六切 漂沒漂音 沒切 浮也
 也 醜盧各切 醍醐醍音 醍切 醍各切 醜杜奚切 醜切 醜各切 糲糲音 糲切 糲各切
 也 姜姜音 姜切 姜各切 鑛鑛音 鑛切 鑛各切 撲撲音 撲切 撲各切 療療音 療切 療各切 沃焦沃音 焦切 沃各切
 鎔鎔音 鎔切 鎔各切 銷銷音 銷切 銷各切 鎔鎔音 鎔切 鎔各切

大方廣佛華嚴經疏鈔會本第五十二之 頌八

唐于闐國三藏沙門實叉難陀 譯

唐清涼山大華嚴寺沙門澄觀撰述

第五明出現境界正顯分齊之境兼辨所緣之境依初義者前約智以顯心此正明

智用分齊依後義者前明能知今辨所緣

由所緣無邊故顯分齊難思分齊難思故

方窮所緣之境二義相成如函蓋相稱依初義以下對前二義以辨來意

佛子菩薩摩訶薩應云何知如來應正等覺

境界

文中長行分三謂標釋結

佛子菩薩摩訶薩以無障無礙智慧知一切

世間境界是如來境界知一切三世境界一

切刹境界一切法境界一切衆生境界真如

無差別境界法界無障礙境界實際無邊際境界虛空無分量境界無境界境界是如來境界

釋中二先法後喻法中亦二先廣取所緣

顯分齊境後近取諸心以況佛境前中又

二先列所緣無邊後顯分齊無量今初先

今以無障礙智為能知者非此不能量佛

境故後正顯所緣文有十句一通舉所化

二化時三化處四化法五所化人六七八

三皆明所證於中真如語其體常一味故

云無差別法界生法所依故云無礙實際

是窮事至實故云無邊九化處分齊後一

徧通若約二諦境前五為俗次三為真九

通真俗事空理空俱是空故後一雙非顯

前九境即同無故若約三諦空即是真三

真爲中道若以五界攝之初三是世界無量四即調伏及調伏加行界五即衆生次三即法界餘二雙非

佛子如一切世間境界無量如來境界亦無量如一切三世境界無量如來境界亦無量乃至如無境界境界無量如來境界亦無量如無境界境界一切處無有如來境界亦如是一切處無有

二佛子如一切下顯分齊無量中先約十境以顯分齊境智相稱故皆無量後約無境顯其非有乃至真如皆不可得故是以諸境雲興而常寂也如無旣爾如真如等無變易等亦然

佛子菩薩摩訶薩應知心境界是如來境界如心境界無量無邊無縛無脫如來境界亦

頌八

二

無量無邊無縛無脫何以故以如是如是思惟分別如是如是無量顯現故

第二佛子至應知心下近取諸心以況佛境於中二先正明後徵釋今初無量無邊語其相用廣大無縛無脫明其體性深寂

次徵意云何以將心況於佛境釋意云菩薩自心隨思即顯故無分量佛境亦爾隨機顯現若身若智何有量耶智假思顯則性無縛脫不爲相縛後無脫故

佛子如大龍王頌八隨心降雨其雨不從內出不

從外出如來境界亦復如是隨於如是思惟三

分別則有如是無量顯現於十方中悉無來處佛子如大海水皆從龍王心力所起諸佛如來一切智海亦復如是皆從如來往昔大願之所生起

第二佛子如大龍下喻顯有三喻前二喻無縛無脫後一喻無量無邊無量無邊通前二段今初前明降雨無從喻正喻無縛脫既無來處有何縛脫耶後明海水從心喻喻無縛脫所因水從心力爲因非定內外智從昔願緣起故來即無來

佛子一切智海無量無邊不可思議不可言說然我今者略說譬喻汝應諦聽

第二海水宏深喻喻無量無邊中三先標章誠聽

佛子此閻浮提有二千五百河流入大海西拘耶尼有五千河流入大海東弗婆提有七千五百河流入大海北鬱單越有一萬河流入大海佛子此四天下如是二萬五千河相續不絕流入大海於意云何此水多不答言

甚多佛子復有十光明龍王兩大海中水倍過前百光明龍王兩大海中水復倍前大莊嚴龍王摩那斯龍王雷震龍王難陀跋難陀龍王無量光明龍王連澍不斷龍王大勝龍王大奮迅龍王如是等八十億諸大龍王各雨大海皆悉展轉倍過於前娑竭羅龍王太子名閻浮幢兩大海中水復倍前佛子十光明龍王宮殿中水流入大海復倍過前百光明龍王宮殿中水流入大海復倍過前大莊嚴龍王摩那斯龍王雷震龍王難陀跋難陀龍王無量光明龍王連澍不斷龍王大勝龍王大奮迅龍王如是等八十億諸大龍王宮殿各別其中有水流入大海皆悉展轉倍過於前娑竭羅龍王太子閻浮幢宮殿中水流入大海復倍過前佛子娑竭羅龍王連兩大

海水復倍前其娑竭羅龍王宮殿中水涌出
入海復倍於前

二佛子此閻浮下喻顯三佛子此大下法
合喻中三初別顯水多文有四節一四洲

水二龍王雨水三宮殿出水四娑竭王兼

雨兼出皆後後倍前以顯深廣

其所出水紺瑠璃色涌出有時是故大海潮
不失時

二其所出下通顯水相涌出故潮上速為
寶消故潮下此為極說

佛子如是大海其水無量眾寶無量眾生無
量所依大地亦復無量

三佛子如是大海下通顯無量兼水有四
佛子於汝意云何彼大海為無量不答言實
為無量不可為喻佛子此大海無量於如來

智海無量百分不及一千分不及一乃至優

波尼沙陀分不及其一但隨眾生心為作譬

喻而佛境界非譬所及佛子菩薩摩訶薩應

知如來智海無量從初發心修一切菩薩行

不斷故應知寶聚無量一切菩提分法三寶

種不斷故應知所住眾生無量一切學無學

聲聞獨覺所受用故應知住地無量從初歡

喜地乃至究竟無障礙地諸菩薩所居故

第三合中二先合水無量佛智一念即無

窮盡況盡三際周乎十方重重重重安可

喻顯二佛子至應知如來下合通顯無量

非唯智為佛境菩提分等皆分齊境也智

海合水餘合寶等並顯可知

佛子菩薩摩訶薩為入無量智慧利益一切

眾生故於如來應正等覺境界應如是知

大文第三總結即結云知意不知佛境安
能利生

爾時普賢菩薩摩訶薩欲重明此義而說頌
言

如心境界無有量諸佛境界亦復然如心境
界從意生佛境如是應觀察

第二偈頌五偈分二初一頌法說

如龍不離於本處以心威力澍大雨雨水雖
無來去處隨龍心故悉充洽

十力牟尼亦如是無所從來無所去若有淨

心則現身量等法界入毛孔

餘頌前喻亦二初二合頌前二喻同喻無

縛脫

如海珍奇無有量衆生大地亦復然水性一
味等無別於中生者各蒙利

頌八

六

如來智海亦如是一切所有皆無量有學無
學住地人悉在其中得饒益

後二頌大海宏深喻但頌通顯無量餘文
略無

第六出現之行前明分齊境智無邊今彰

運用則悲智無盡雖智海已滿悲無息故

雖智海下二通妨謂有問言行在因中今
果何有釋云行雖無量總不出二謂智與
悲智行已圓自利滿故而運即智之悲利
他不息若爾何以下文說真如行答此即
果滿之行將說悲智無礙
之行故說真如行之本耳

佛子菩薩摩訶薩應云何知如來應正等覺

行

長行中二先標舉後釋相

佛子菩薩摩訶薩應知無礙行是如來行應

知真如行是如來行

釋相中三初雙標二行次雙釋二行後雙

結二行今初義有多舍一無礙行者即理
 之事行真如行者即事之理行前即行相
 後即行體又前是即智之悲後是即悲之
 智前即真之俗後即俗之真融而無礙為
 如來行

佛子如真如前際不生後際不動現在不起
八
 如來行亦如是不生不動不起

第二佛子如真如下雙釋中二先釋真如
 行後釋無礙行令初真如之名言合法喻
 文中有三初牒名以解明體絕三際故同

真如契如成行行即如也過未非緣故不
 生不動現在離緣故非起也
真如之名者
 經云如真如
 前際不生等即以真如喻佛行也若佛行
 契如行即是如故即是法過未非緣者過
 去緣已謝未來緣未會故曰非緣由非緣
 故過去無可生未來無可動現在雖在緣
 中不與緣合故云離緣故迴向中明通在
 三世不同三世通在一切而非一切故緣

雖起滅而
 湛然無起

佛子如法界非量非無量無形故如來行亦
 如是非量非無量無形故

二復舉法界無形明雙非契中是知實相
 等皆如來行

佛子譬如鳥飛虛空經於百年已經過處未
 經過處皆不可量何以故虛空界無邊際故
 如來行亦如是假使有人經百千億那由他
 劫分別演說已說未說皆不可量何以故如
 來行無邊際故

三舉鳥飛虛空喻釋非量義非量有二一
 行廣無量故云如來行無邊際故二即事
 同真便無分量故以空喻既無有量何有
 無量若謂無量即是量故雙非永寂為如
 來行故心彌虛行彌曠終日行而未嘗行

故涅槃云復有一行是如來行所謂大乘

大般涅槃若謂無量者雖量有無量故故

楞伽云無心之心量我說為心

量謂以無心量而為是者還是心量耳故

心彌虛句明無量不礙量終日行句明量

即無量涅槃下即十一經遠公有二釋一

云辨行所依謂如來先成之德修習趣入

亦可五行是其教行顯性成行是如來行

顯如來性以成行故意云此一即是證行

證性而成行故

佛子如來應正等覺住無礙行無有住處而

能普為一切衆生示現所行令其見已出過

一切諸障礙道

第二佛子如來應正等下釋無礙行文中

二先約法總明後以喻別顯今初智無所

住悲示所行即悲智無礙自無二礙令他

無礙皆無礙行也

佛子譬如金翅鳥王飛行虛空迴翔不去以

清淨眼觀察海內諸龍宮殿奮勇猛力以左

右翅鼓揚海水悉令兩闕知龍男女命將盡

者而搏取之如來應正等覺金翅鳥王亦復

如是住無礙行以淨佛眼觀察法界諸宮殿

中一切衆生若曾種善根已成熟者如來奮

勇猛十力以止觀兩翅鼓揚生死大愛水海

使其兩闕而撮取之置佛法中令斷一切妄

想戲論安住如來無分別無礙行佛子譬如

日月獨無等侶周行虛空利益衆生不作是

念我從何來而至何所諸佛如來亦復如是

性本寂滅無有分別示現遊行一切法界為

欲饒益諸衆生故作諸佛事無有休息不生

如是戲論分別我從彼來而向彼去

二別以喻顯中二喻初金翅闕海喻喻即

智之悲後日月無思喻喻悲不失智

佛子菩薩摩訶薩應以如是等無量方便無

量性相知見如來應正等覺所行之行

第三佛子至應以如是下雙結二行性結

真如相結無礙

爾時普賢菩薩欲重明此義而說頌言

譬如真如不生滅無有方所無能見大饒益

者行如是出過三世不可量

法界非界非非界非是有量非無量大功德

者行亦然非量無量無身故

如鳥飛行億千歲前後虛空等無別眾劫演

說如來行已說未說不可量

金翅在空觀大海關水搏取龍男女十力能

拔善根人令出有海除眾惑

譬如日月遊虛空照臨一切不分別世尊周

行於法界教化眾生無動念

第二偈頌有五前三頌真如後二頌無礙

佛子諸菩薩摩訶薩應云何知如來應正等覺成正覺

第七出現菩提圓行之果故對緣造修必

有成正覺故圓行之果下明來意有二上約真菩提辨來意對緣造修

下約應菩提以辨來意文中三謂徵起釋相總結徵

言正覺略顯五門一釋名晉名菩提存其

梵語此翻為覺正揀二乘成異菩薩初會

已顯又單語菩提但是所覺之道今云成

者即理智契合之名

二明體性攝論云二智二斷為菩提體智

論云菩提頌八菩提斷俱名為菩提十若依此經

通一切法如文具之二辨體者此引二論二互相成攝論第九

智論第三二智即根本後得二斷即斷煩惱所知此經圓宗故通一切下云得一切

法量等三輪自他平等因果三辨種類或

文徵如是等義故通一切說唯一如智契合無二相故淨名云夫如

者不二不異故或開為二大品明有性淨
 菩提及修成故亦名性淨方便淨也或分
 為三約三乘故如十地論或開為四涅槃
 云下智觀者得聲聞菩提乃至上上智觀
 得佛菩提又四智菩提亦是四義或分為
 五如大品智論說發心等或具明十如離
 世間品唯十為圓是此所辨三除前二四
 除前三五除前四餘皆兼通同教一乘之
 所攝故若業用所現則無所不收三辨種
類於中
 有二先正辨夫如者不二不異即彌勒章
下當辨意涅槃云下智觀等六地已引或

分為五者智論五十八云一發心菩提無
 量生死中發阿耨多羅三藐三菩提心故
 名菩提因中說果二伏心菩提斷諸煩惱
 降伏其心行諸波羅密三明心菩提觀三
 世諸佛法本末總別相分別得諸法實相
 謂般若波羅密四出到菩提於涅槃中得
 方便力故不若若滅一切煩惱見一切佛
 得無生法忍出三界到薩婆若五無上菩
 提坐道場斷習氣得呵耨多羅三藐三菩
 提或具十者即五十九經十種成如來力

為十菩提頌八經云佛子菩薩摩訶薩有十種
 成如來力何等為十所謂一超過一切眾
 魔煩惱業故成如來力二具足一切菩薩
 行遊戲一切菩薩三昧門故成如來力三
 具足一切菩薩廣大禪定故四圓滿一切
 白淨助道法故五得一切法智慧光明善
 思惟分別故六其身周遍一切世界故七
 所出言音悉與一切眾生心等故八能以
 神力加持一切故九與三世諸佛身語意
 業無有殊異於一念中了三世法故十得
 善覺智三昧具如來十力故成如來力是
 為十若諸菩薩具此十力則名如來應正
 等覺句皆有成如來力言此十菩提多
 同今經唯十為圓下第二料揀先示別教
 後三除下約同四明業用文有十門而體
 教門揀而收之 用參顯各隨別義立目今統收之謂緣二
 諦斷二障證二空起二智印羣機現萬像

具十身徧十方周於毛端微塵等處通因
 及果業用無邊具如文顯四明業用者以
下科經有其十
 門兼體相用今唯辨用 五者辨相即當釋
 有其十耳不出下文 文略辨十門一總明體相二即現萬機三
 體相甚深四三輪平等五因果交徹六體

離虧盈七相無增減八用該動寂九周于法界十普徧諸心十門之中亦可當門別釋

佛子菩薩摩訶薩應知如來成正覺於一切義無所觀察於法平等無所疑惑無二無相無行無止無量無際遠離二邊住於中道出過一切文字言說

今且以初為總餘九為別別雖九門而釋十義初釋第一二釋第十謂舉初該後三從第二次第解釋第十一門釋八九二義至文當知釋文顯然不應異解今初總明具有十門皆舍體相用三一寂照為菩提體故云於一切義無所觀察一切義者真俗境也觀極於無觀故淨名云不觀是菩提離諸緣故如海無心而能頓鑒非無所

了故晉經云解一切義二經合明義方圓妙解即是觀觀即無觀既觀念斯寂無惑習種無觀是體照斷為用合之為相離諸有觀則有緣無緣則絕觀如海下釋文以成上義非無所了下成上觀極於無觀義謂觀智之極謂之無觀無彼分別取相之觀非無甚深無分別觀故晉經下合明二

經應云解一切義無所觀察改於為解義則圓足譯經之人見下文有知衆生心故此但明無觀之義既觀念下上明成智即無分別智今明斷障即斷煩惱無觀是體下結成具三無觀是體者無念體也照智是上無分別智斷即是向無惑習種合為相者謂寂照無二為菩提相猶如明鏡無心為體鑑照為用合為其相亦即禪宗即體之用自知即用之體恒寂寂不二為心之相二等同萬法為

菩提體謂智與理冥同一圓覺故云於法二等而不失照決斷分明云無疑惑既無所疑即所知永寂上二已攝攝論之體二等同萬法者釋經於法平等無有疑惑即是下文三輪平等上二已攝攝者初是實智斷煩惱障二是權智斷所知障三一成一故二句中已具二智二斷體也

切成不見生佛有異故云無二以知一切

衆生即菩提相故亦是能所不二淨名云

不二 是菩提離意法故 三一成者釋經無二即是下文因果

交徹於中有二一明生佛不二即成一

切成故下釋云如來成正覺時於其身中

普見一切衆生成正覺等暗引淨名一切

衆生即菩提相即菩提相于何不成二明

能所不二即下釋中皆同一性聞引淨名

不二 是菩提離意法故法即是所意即是

能良以心境同一性故生佛

亦然此章淨名皆彌勒章

四總指前三

體相衆生寂滅是菩提滅諸相故

釋經無相即是下文體離虧盈下釋云成

與不成常無增減菩提非相非相故由

寂滅故無有虧盈寂滅即是無相義

故引淨名云滅諸相故釋於寂滅

五即

心行處滅湛然不遷亦是不行是菩提無

憶念故

五心行處滅者釋經無行即是下

文相無增減故云湛然不遷釋云

若無有相

則無增減

六雖覺而常定不住定故

釋經無止以不住定故即是下文用該動

寂下釋云住善覺智三昧而現多身由不

住止故

能動用

七有二義一橫徧十方廣無量故

二體無生滅絕分量故

七有二義者釋經

于法界此中有二下釋亦二一明一毛合

於多佛周遍法界即是此中初義又云如

來成正覺身究竟無

生滅故即第二義

八亦二義一豎一念

成無際畔故二一得永常無後際故心無

初相冥符於理無前際故

八亦二義者釋

文普通諸心下釋亦二一云菩薩應知自

心念念常有佛成正覺即此豎無際畔二

下釋云何以故諸佛如來不離此心成正

覺故即第二意念念應即是化身一得永

常即是報身心無初相下契同法界身然

此一句即起信論云菩薩地盡覺心初

起心無初相以其遠離微細念故得見心

性心即常住名究竟覺下云不離此心即

冥符理義然覺心初起心無初相自有二

意一者覺是能覺心是所覺心是初相即

業相是微細念最初迷真不覺心動今無

此相二者覺心合明謂正覺心起無能起

相故與理冥若有起相不合理故正取此

意故云心無初相真符於理義兼於前以

無細念故無覺相由依法相化身有始有

終報身有始無終法身無始無終今符於

理報亦無始故云始覺同本覺無後始本

之異名究竟覺故云無前際故則無始也

無終同於上句無後際耳法報既

融即體之應念念無斷三身融矣

九離邊

契中晉經此前有無縛無脫並含在二邊

之內謂若染若淨若縛若脫有無一異等

斯邊皆離不徧住著故曰離邊非見有邊

邊即中故無中無邊方住中道九離遠契中下釋經

遠離二邊住於中道即是下文普通諸心

下釋云廣大周遍無處不有不離不斷無

有休息入不思議方便法門疏又有二先

釋離邊後釋住中今初經云離邊未知何

是故舉晉經及取下釋舉舉四種以等一

切染淨約惑縛脫通感業有無通事理一

異約心境何以有此謂成善提既離細念

顯現法身智慧純淨若為此見未免是邊

故上經云非若道眼今了於感體性本空

一切世彼非證道眼今了於感體性本空

後無所淨故離二邊又染淨交徵故無住

著是曰離邊縛脫者謂昔常被感業繫縛

流轉無窮今得菩提釋然解脫若為此見

即是住邊若提智了本自無縛於何有解

無縛無解則無樂厭故得離耳有無上言

通事理者若昔謂感有今了感空昔謂心

空今知妙有又真樂本有失而不知妄苦

本空得而不覺今日始知空者妄苦有者

涅槃若如是知並未離遠又煩惱業苦本

有今無善提佛身本無今有等皆三世有

法善提之性不屬三世故三世有無皆是

邊攝真智契理絕於三世故離有無之二

邊等一異有第八二一者心境不了十四則二契合

則一亦成於邊二者生佛有異今了一性

亦名為邊今正覺了此中無有二亦復無

有一大智善見者如理巧安住故離此邊

而言等者謂斷常來去生滅依正雖是二

法皆稱焉邊又二與不二亦名為邊今契

於中道然通妨難生下契中謂有難言若

離於邊未免於邊有取捨故釋云不偏住

著名曰離邊非見有邊而可離也謂不偏

住染染性空故性即淨故不偏住淨若無

有染則無淨故淨相離故同染性故染淨

交徹安可住耶智契此理故曰離邊故言

非見有邊邊即中故復有難云有邊即有

中故次答云無邊無中方住中道此有二

意一頓上答謂誠如所言無邊無中故曰

中道若有中邊非真中也二反上答謂中

道有二一者相待則離邊住中二者絕相

即邊而中相待而空則有邊中無邊無中

為真中矣相待絕待尚是相待得意亡十

言言不盡矣歷上染淨等一一皆然十

總顯離言上九寄言顯深未盡菩提之奧

故收歸性離今亡言契之十總顯下釋經

言說即是下文體相甚深斯則上

九寄言顯深今善提離言顯深

知一切眾生心念所行根性欲樂煩惱染習

舉要言之於一念中悉知三世一切諸法佛子譬如大海普能印現四天下中一切衆生色身形像是故共說以爲大海諸佛菩提亦復如是普現一切衆生心念根性樂欲而無所現是故說名諸佛菩提

第二知一切衆生下印現萬機即海印三昧文中三初法一念知三世名一切智次喻即舉海印以喻菩提無心頓現三合言無所現者有三義一無心現故如海二所現空故如像三無別體故如水與像不可分異自體顯現故名爲覺起信論云諸佛如來離於見想無所不徧心真實故即是諸法之性自體顯照一切妄法有大智用斯即無思顯照同體之境爲菩提相用故上文云於一切義無所觀察無所現者一無心現約止

二所現空約觀三無別體約止觀契合又
一約心二約境三心境兩實又一約智二
約理三理智冥契就第三義中疏先正釋
自體顯現者通妨謂有難言若無別體何
能普現衆生心行故答云自體顯現如珠
有光自照珠體體喻心光喻於智心之
體性即諸法性照諸法時是自照耳故引
起信文甚分明然論問曰虛空無邊故世
界無邊世界無邊故衆生無邊衆生無邊
故心行差別亦復無邊如是境界不可分
齊難知難解若無明斷無有心想云何能
了名一切種智答曰一切境界本來一心
離於想念以諸衆生妄見境界故心有分
齊以妄起想念不稱法性故不能決了諸
佛如來離於見想無所不遍心真實故即
是諸法之性自體顯照一切妄法有大智
用無量方便隨諸衆生所應得解皆能開
示種種法義是故得名一切種智釋曰疏
但引中間以證自體顯照前後可知故不廣引

佛子諸佛菩提一切文字所不能宣一切音聲所不能及一切言語所不能說但隨所應方便開示

第三佛子諸佛菩提下性相甚深性離言故理圓言偏故

佛子如來應正等覺成正覺時得一切衆生
 量等身得一切法量等身得一切刹量等身
 得一切三世量等身得一切佛量等身得一
 切語言量等身得真如量等身得法界量等
 身得虛空界量等身得無礙界量等身得一
 切願量等身得一切行量等身得寂滅涅槃
 界量等身

第四佛子如來應正等下三輪平等釋上

於法平等諸法故意輪等故何所疑哉

意輪等者緣上標章云於法平等無有疑惑故文中二先別舉身

等後類結顯多今初有十三身前六等事

次三等理次一等事理事事無礙後三等

因果略舉十三故結云無量皆言量者是

所等之分量皆言等者即能等之三輪等

有二義一等彼事理之量二者等彼事理

之體所以等者彼諸理事十七即我所證能所
 冥合彼尚即我等之何難是以聖人空洞
 無像物無非我會萬物以成已也是以聖人下三

結成五旨即肇公涅槃無名論通古中文
 由前窮源中云非衆生無以御三乘非三
 乘無以成涅槃然必先有衆生後有涅槃
 有始必有終而經云涅槃無始無終湛若
 虛空則涅槃先有非復學而後成也釋曰
 此文以修得難今涅槃有始終義以涅槃
 無始終難其修得故為此通古答云無行
 名涅槃至人空洞無像而物無非我會萬
 物以成已者其唯聖人乎何則非理不聖
 非聖不理而為聖者聖不異理也故天
 帝曰般若當於何求善吉日般若不於
 色中求亦不可離色中求又日見緣起為
 見法見法為見佛斯則物我不異之効所
 以至人戡主機於未兆藏冥運之即化總
 六合以鏡心一去來以成體古今通始終
 同窮本極末莫之與二浩然大均乃曰涅
 槃釋曰彼雖明涅槃亦以能證所證契合
 故物我一體今雖約菩提亦取能所一體
 故得用其文耳

大方廣佛華嚴經疏鈔會本第五十二之
 音釋

奮迅 奮方問切 金翅 翅矢利切 搏擊 補各切
 撮子 活切 關 毗亦切 嫡 丁歷切 正
 爪取也 關開也 嫡長日嫡

大方廣佛華嚴經疏鈔會本第五十二之二 煩九

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子如所得身言語及心亦復如是得如是等無量無數清淨三輪

煩九

後佛子如所得下類結可知

佛子如來成正覺時於其身中普見一切衆生成正覺乃至普見一切衆生入涅槃

第五佛子如來成正覺下明因果交徵釋上無二同一性故文中三初標次皆同下

釋三知一切下結

今初八相之中略舉其二故云乃至此文正同淨名云若彌勒得菩提者一切衆生皆亦應得一切衆生即菩提相彌勒示迷此旨但謂理詰之言不知真得菩提實如

所詰此文正同下第二會淨名於中有三子說不退轉地之行淨名難云為從如生得校記耶云云若以如生得校記者如無有生若以如滅得校記者如無有滅一切衆生皆如也一切法亦如也衆聖賢亦如也至於彌勒亦如也若彌勒得校記者一切衆生亦應校記所以者何夫如者不二不異若彌勒得阿耨多羅三藐三菩提者一切衆生皆亦應得所以者何一切衆生即菩提相若彌勒得滅度者一切衆生亦當滅度所以者何諸佛知一切衆生畢竟寂滅即涅槃相不復更滅釋曰今正釋成正覺義故但引菩提若據經文云乃至入涅槃則有亦當滅度之義故今具引耳彌勒示迷下第二出彼經意既為補處何理不窮寄於受屈以悟時聽耳言但謂理詰之言者即是迷相然迷有二意一約彌勒受難云一切同如而我獨得校記誠乖理也故云理詰之言二者彌勒不受難云理雖一如行滿得記何得以理而難事耶故云理詰不知真得者三正會釋淨名非曰妄詰真實菩提誠乃一得一切得耳則受難不受難俱迷此理若顯不迷應對淨名質如所言我已見生又前章以我等彼故得記作佛入涅槃竟又前章以我等彼故編同彼量今明以彼等我故全現我中是知一性平等反覆相成又前章下三對前揀異則前是普徧

此是廣容言一性平等反覆相成者前章
 明平等此章明一性故下釋中皆同一性
 由平等故唯是一性由一性故何不等耶故云相成
 此中之成爲理
 爲事若是事成何以釋云同一性故若是
 理成何以此云成正覺耶入涅槃耶此是
 華嚴大節圓宗之義不對諸宗難以取解

然諸衆生若於人天位中觀之具足人法
 二我小乘唯是五蘊實法大乘或說但心
 所現或說幻有即空人法俱遣或說唯如
 來藏具恒沙性德故衆生即在纏法身法
 身衆生義一名異猶據理說更有說言相
 本自盡性本自現不可說言即佛不即佛
 等若依此宗舊來成竟亦涅槃竟非約同
 體此成即是彼成然諸衆生下二別釋即
 五教意兼人天爲六
 若爾何以現有衆生非即佛耶若就衆生
 位看者尚不見唯心即空安見圓教中事

如迷東謂西正執西故若諸情頓破則法
 界圓現無不已成猶彼人悟西處全東若
 爾諸佛何以更化衆生不如是知所以須
 化如是化者是究竟化如是化者無不化
 時故下結云大悲相續救度衆生若就衆
 生下一

解釋此中意云以理融通不可作理事別
 解若爾下三以能難所佛既了達何用化
 耶不知如是知下四釋化之由如是化下五
 結成真化言無不化時即常化也故引相
 續正成
 隨門不同種種有異約成佛門一
 常恒
 切成也隨門不同下第三結劍即類結餘
 門雖有多且畧分四一約性即
 一真法界二約相即無盡事法三約性相
 交徹顯此二門不即不離四以性融相德
 用重重初約性門者問體是佛不答是應
 成四句一是一佛性身無所不至故經云
 性空即是佛故二非佛絕能所覺爲其性
 平等一真法界非佛非衆生故三亦佛亦
 非佛以法性身無自性故四雙非性與無
 性雙泯絕故經云無中無有二無二亦復
 無三世一切空是則諸佛見二就相門乃
 有二義一情二非情真心隨緣變能所故
 然此二門各分染淨謂無明熏真如成染
 緣起真如熏無明成淨緣起染成萬類淨

至成佛以修淨緣斷彼染緣方得成佛依此二義則生佛不同於淨緣中因果因有純雜果有依正若約純門隨一菩薩盡未來際唯修一行一皆然若約雜門萬行齊修盡未來際若約因門盡未來際常是菩薩若約果門盡未來際常是如來經云為眾生故念念新成等正覺若雙辯二門盡未來際修因得果若約雙非盡未來際非因非果便同真性前之二門雙具悲智雙融心境第三性相交徹門中曲有四門一以性隨相同第二門二會相歸性同第一門三雙存無礙具上二門依此則悲智雙運性相齊驅寂照雙流成大自在四互奪雙亡則性相俱絕沒同果海無成不成第四以性融相門相雖萬差無不即性性德包含全在相中以性融相相如於性今上諸門皆無障礙因果交徹純雜相融是事相參重重無盡今就性門四句之內是即佛門不取餘三就相門中約有情門是淨非染是果非因是一分義非此所用

疏文微門佛則性相雙融生則會相歸性今經正約第四以性融相一成一切皆成謂以佛之淨性融生之染以佛一性融生之多令多染生隨一真性皆如於佛已成佛竟非唯有情會萬類相融為佛體無不皆成故肇公云會萬物而成已者其唯聖人乎文云故至人空洞無像物無非我以佛之性融於物性同佛皆成以物之性融物之相故令三業等於萬類即今經意而非餘門故云隨門不同今是成佛門也頌

教多同約性四門終教即同性相交微始教有第二幻有即空同會相歸性但唯心現多情成佛是約性相相融以情之性融無情相以無情相隨性融同有情之性故說無情有成佛義若以無情不成佛義融情之相亦得說言諸眾生不成佛也以成與不成情與無情無二性故法界無限故佛體普周故色空無二故法無盡性故十身圓融故緣起相由故生界無盡故因果周徧故速離斷常故萬法虛融故故說一成一一切成也非謂無情亦有覺性同情成佛若許成佛此成則能修因無情變情情變無情便同邪見餘義具如前後廣說又此眾生乃是像上之模令其去模則自見已佛亦見他成如第十段又此眾生者四前同佛心塵中經卷下同第十普徧諸心以見自成即見他成同下自心念念常有

佛成
正覺

皆同一性所謂無性無何等性所謂無相性無盡性無生性無滅性無我性無非我性無眾生性無非眾生性無菩提性無法界性無虛空性亦復無有成正覺性

二釋中先總釋同一無性故得現成妄性

本虛生元是佛真性巨得非今始成故皆

成也二釋中者此有三意一云同一無性

故得現成者謂既無二性佛證一性

得成佛故生隨一性皆成佛矣二云妄性

本虛生元是佛者生自有妄見生非佛佛

了妄虛生何非佛三真性巨得非今始成

者若有可得今得成佛證性巨得佛非始

成佛非始成佛本是佛佛之本佛何異生

佛是故一成一一切皆成亦可說言若不一

成佛門故故一切皆成佛也

無何等性同菩提性故後釋所無有十二

句前四通生及佛次四約眾生後四唯約

佛非獨妄空真有亦非妄有真空以性融

相法界圓現故由此無性說成正覺後釋

下疏文有二先消文言非獨妄空等者揀

宗顯別妄空真有法相宗說論計是空圓

成有故涅槃經說生死是空涅槃不空三

論中云妄說為有真諦空故今十二句生

是故文云亦復又攝十二總為六對一能

相所相對謂染相淨相相待有故念念之

盡緣所盡故煩惱永盡本自盡故又攝十

成對也一能相所相對者相為所相盡即

能相所相法體即是為不出染淨言相

待有故者釋成無義染待淨有故無染相

淨待染有故無淨相是故經云無相性也

言無盡性者盡即能相生滅染淨全是有

為然生滅四相畧有二種一刹那盡云念
如煩惱性盡以性空門顯無滅義 二生
滅對約凡則本自不生即涅槃相不復更
滅故約佛菩提非始生故何有滅耶二生
凡則緣生故本不生性淨涅槃本來寂滅
故不更滅此對皆淨名意前約滅惑此約
滅若由滅惑苦則菩提生故今遣之言約
佛菩提非始生者性淨菩提非始修得何
耶 三我非我對有緣無主故我尚不可
得非我何可得諸法實相中無我無非我
故 三我非我對以緣破我以我遣非我言
諸法實相中下以實相門雙 四緣非緣對
遣上二即中論文前已煩引

攬緣生故緣尚不可得故四緣非緣對象生是緣攬緣無
性故無眾生非眾生為非緣緣尚五能所
不可得非緣何可得即相待破
證對能證菩提因所證故所證法界由智
顯故五能證所證對並因緣門雙破能所
故上經云知菩提性從緣起入添法
界非六合不合對虛空非合因有顯故所
遠逆

以性無成覺是合理智契合即為緣起故

非有也六合非合對虛空無體不與物合亦以因緣顯無虛空成正覺者能

所契合亦用緣門釋無正
覺故一合相非一合相

知一切法皆無性故得一切智大悲相續救
度眾生

三結中物物無性故成種智證斯同體而

起大悲一得永常故云相續又只由不知

無性故教化不絕物物無性下疏有二意一由證無性故得成佛

無性即是大悲之體故得起悲又只由
下二由生不知佛證無性故化令知

佛子譬如虛空一切世界若成若壞常無增

減何以故虛空無生故諸佛菩提亦復如是六
若成正覺不成正覺亦無增減何以故菩提
無相無非相無一無種種故

第六佛子譬如虛空下明體離虧盈釋上
無相虛空無生故體無增減菩提無相成

不寧殊

佛子假使有人能化作恒河沙等心一一心
復化作恒河沙等佛皆無色無形無相如是
盡恒河沙等劫無有休息佛子於汝意云何
彼人化心化作如來凡有幾何如來性起妙
德菩薩言如我解於仁所說義化與不化等
無有別云何問言凡有幾何普賢菩薩言善
哉善哉佛子如汝所說設一切眾生於一念
中悉成正覺與不成正覺等無有異何以故
菩提無相故若無有相則無增無減佛子菩

薩摩訶薩應如是知成等正覺同於菩提一相無相

第七佛子假使下明相無增減釋上無行湛然不異行豈能遷文中三初舉喻問答以化現無形喻成不異化多心者喻修多類因化成多佛喻證多果次普賢下讚善以合三佛子下結此生後

如來成正覺時以一相方便入善覺智三昧入已於一成正覺廣大身現一切衆生數等身住於身中如一成正覺廣大身一切成正覺廣大身悉亦如是佛子如來有如是等無量成正覺門是故應知如來所現身無有量以無量故說如來身為無量界等衆生界

第八如來成正覺時下用該動寂釋上無止不滯定故文中四初舉所依三昧覺不

滯寂故名善覺覺彼一相故用為方便二入已下顯一身之用既以一相為方便則物皆一相故一即現多三如一下類顯餘身如來成正覺時布身雲於法界一一皆是廣大之身並如一身之現四佛子下總

結多門謂上來所現一定為門餘定亦爾

定門既然悲智總持等門亦爾故有無量

界矣是謂高而無上廣不可極是謂高而無上者顯

高廣義比及下大包天地等皆是肇公涅槃無名論位體中文彼云經言菩提之道不可圓度高而無上廣不可極淵而無下深不可測大包大地細入無間

佛子菩薩摩訶薩應知如來身一毛孔中有一切衆生數等諸佛身何以故如來成正覺身究竟無生滅故

第九佛子至應知如來下明周于法界釋上無量無量有二一廣多無量一毛含多

徧法界故二無分量皆不生故文中三初

明一毛含多釋以不生故

此與前段分有分異又此唯現佛即類

相望前通多類即異類相入又前則住體

徧應此則如理而舍亦如理而徧此與下後揀異

第八有三重揀一約能現前身爲有分此毛爲無分故二又此下約所現揀前通多類者但言現身此云現佛故三又前下約義相揀前住體徧應者即緣起相由門由住緣起一佛身體徧應一切成多類故此則如理下是法性融通門法性如空有其二義一則廣大無所不包故譬如虛空具舍衆象二則體性周徧故喻云譬如虛空徧至一切色非色處一毛含多即唐容義徧法界毛即善徧義

如一毛孔徧法界一切毛孔悉亦如是當知無有少許處空無佛身何以故如來成正覺無處不至故

二如一毛下類顯多毛但容毛處即是毛孔次微意云身契無生可許能舍法界虛

空無有能契何能亦舍釋云無處不至則

無非佛身矣是謂大包天地細入無間是謂

大包下一毛廣容即大包天地多身入毛即細入無間

隨其所能隨其勢力於道場菩提樹下師子

座上以種種身成等正覺

三隨其下釋疑云若爾何以要就覺樹

釋云隨機所能受耳是知坐菩提樹多身

頓成尚曰隨宜有頂鹿園豈爲真極是知

舉况顯勝有預即是權教中說真成之處鹿園即是八相化身轉法之處今於此成

即於法界無盡處轉

佛子菩薩摩訶薩應知自心念念常有佛成

正覺何以故諸佛如來不離此心成正覺故

如自心一切衆生心亦復如是悉有如來成

等正覺

第十佛子至應知自心下明普徧諸心釋

前二門即分爲二初正明普徧釋上無際
 念念常成無際畔故後廣大下總結雙非
 釋上遠離二邊住於中道今初亦二先指
 一心後如自心下例一切心中先標次
 徵後釋釋云不離者有二義一衆生身心
 即佛所證故二全即佛菩提性故此即他
 果在我之因非約因人自有佛性此文正
 辨佛菩提故此文正辨者成上非約因人
 有性是佛性義今說佛菩提
 而言衆生心有之者即他
 果佛在我因人之內耳
 廣大周徧無處不有不離不斷無有休息入
 不思議方便法門

後總結雙非不離不斷釋有二意一不離
 結上無處不有不斷生下無有休息二不
 離者生佛非異故不斷者生佛非一不同
 衆生可斷壞故是名入不思議方便法門

是以不得意者作衆生患故是不可設作
 佛思是亦不可即亦不可非即亦不可當
 淨智眼無取諸情

佛子菩薩摩訶薩應如是知如來成正覺

第三總結即最後佛子今依此知映前十
 門無幽不盡離此何有真菩提耶

爾時普賢菩薩摩訶薩欲重明此義而說頌
 言

後偈有六頌前十門初二次第頌初二門
 次三如次頌六七八後一通頌四五十
 以同是普現頌九無量義故其第三門十但顯離
 言故略不頌

正覺了知一切法無二離二悉平等自性清
 淨如虛空我與非我不分別總明體相
 如海印現衆生身以此說其爲大海菩提普

印諸心行是故說名為正覺 印現萬幾

譬如世界有成敗而於虛空不增減一切諸

佛出世間菩提一相恒無相 體離虧盈

如人化心化作佛化與不化性無異一切衆

生成菩提成與不成無增減 相離增減

佛有三昧名善覺菩提樹下入此定放衆生

等無量光開悟羣品如蓮敷 用該動寂

如三世劫刹衆生所有心念及根欲如是數

等身皆現是故正覺名無量 六通領四五九

佛子菩薩摩訶薩應云何知如來應正等覺

轉法輪

第八明出現轉法輪得大菩提理必轉授

長行中三初標徵次釋相後總結

佛子菩薩摩訶薩應如是知如來以心自在

力無起無轉而轉法輪知一切法恒無起故

燒九

十一

以三種轉斷所應斷而轉法輪知一切法離
邊見故離欲際非際而轉法輪入一切法虛
空際故無有言說而轉法輪知一切法不可
說故究竟寂滅而轉法輪知一切法涅槃性
故

就釋相中二先顯體用後顯所因今初分

三初法次喻後結勸今初文有九句減數

十也皆先標後釋前五顯體性寂寥後四

辨相用深廣前中一能轉心二所轉體三

所得果四能詮教五所顯理 今初等者明轉法輪然法

輪義廣如別章而今畧以三門分別一釋
名二出體三轉相今初然俱舍論亦名梵
輪如來大梵之所轉故言法輪者法即執
持輪者如帝王輪從喻得名畧有四義一
圓滿義具較輻輳軸等體用周備故二摧
壞義摧壞煩惱如摧禾伏等三鎮遏義已
伏煩惱令勢轉遠故如鎮已伏四不定義
從見至修修至無學從自至他他信至解
解至行果等轉者說也故總釋云流演圓
通名之為輪自我之彼故名為轉若別說

者畧有四義轉謂動也顯也運也起也動
宣言教顯揚妙理運聖道於聲前起真智
於言後圓權障惱名轉法輪釋曰此四約
教理行果如其次第下出轉體不出四故
出體轉相 夫轉法輪不過此五今皆即事
在文具之 契真一能轉心者由知法無起故正轉法
時不起心念言我轉授前人名心自在如

是方為真能轉也

天轉法輪者此五即是
出體亦是轉相且第二

出體者大小諸教有多差別今以大乘貫
通諸說體總有五輪自性謂擇法覺支
正見正知等通見修無學或取八聖道具
輪輻轂輞故正見思惟如教是根本故正
語業命說名為輞由教有故正念勤定說
名為輞攝錄餘故二者法輪因謂能生後
聖道諸教聞思修等諸經論中多說佛教
為法輪故三法輪眷屬聖道助伴五蘊諸
法四法輪境聖道所緣四諦因緣三性等
理五法輪果謂因道所證菩提涅槃無為
等果大乘法師收取五體不出教理行果
意明二即是教四即是理一三皆行五即
是果今經五句即攝此五能轉心即是
眷屬二即是性三即攝第五四即第二五即
第四若以教理行果攝今五者後三可知
初一是行二所詮理亦是行攝三轉約於
見修等故又此五句即是轉相第三轉相
者喻仰九十五說由五種相轉法輪者當

知名為善轉法輪一者世尊為菩薩時為
得所得所緣境界二者為得所得方便三
者證得所應得識四者得已以他相續令
於自證深生信解五者令於他所證深
生信解今經五句即攝彼五即第四令
他信解二即第二三即第三四即第五
即第一會釋可知但言所得方便者即以
三周正轉見修無學隨其次第知見現觀
名得方便瑜伽又說三周行相名得所得
之方便也然上出體與其轉相皆大乘意

細尋二門多有相似或應為一彼是法相
之所宗師且順於彼以今一五攝彼二五
今皆即事者揀實異權 二所轉體者即示
名數則同意旨懸隔

勸證名為三轉此三名輪者摧障惱故言

離邊者若有惑可摧未離於常無惑可摧

寧免於斷今永離斷常等邊方為真能斷

所應斷知與證修亦然

二所轉者一示相
轉二勸修轉三作
證轉第一示相轉者諸佛世尊正證諸法
隨何等器而指示之如轉四諦言此身是
苦業惑為集此滅為滅能滅為道示因緣
等真理妙智例皆同此當爾之時生聖慧
眼由示依去來今世有差別故如其次第
得眼智明覺非於四諦別起四智由真見
相名智明覺非於四諦別起四智由真見
道唯一利那不同小乘上下別觀依詮證

滅說通三世非是滅諦通三世有第二勸
修轉者如說四諦云此是苦汝當知此是
集汝當斷此是滅汝當證此是道汝當修
亦生眼智明覺若轉因緣真實法等例此
可知第三作證轉者如轉四諦云此是苦
我已知此是集我已斷此是滅我已證此
是道我已修亦生眼智明覺四行轉餘例
此然其三轉尊者妙音八正為轉唯是見
道以橋陳那見道生時說名已轉若通相
說諸有聖道皆名法輪顯宗論說三轉即
是三道謂初是見道二是修道三是無學
道如橋陳那名已轉者已初轉故大乘法
師意取彼義若成實師初轉生聞慧次生
思慧後生修慧無十二行唯作一期行相
此言却通以說陳如即得初果未經修道
何有初果第十六智是修道故又初雖示
是苦集等未勸知斷何因成果若示勸轉
已得果竟何用引已而為證耶是以見道
通於三轉義却長也況通諸法皆有示勸
及與證耶故今經中始成正覺演大華嚴
轉一乘輪亦具三矣大乘見道唯在初地
則彼地前應非如來轉法輪矣若別配二
道者第二轉者謂是有學以其妙慧如實
通達我當於後猶有所作應當備知若諦
應當永斷集諦應當作證滅諦應當修習
未修道諦如是有四種行相如前應知第
三轉者謂是無學以得盡智無生智故言
所應作我皆已作謂我已備知未知苦諦
乃至廣說我已修習未修道諦亦有四行
例皆可釋曰此即大乘諸師別配三轉

屬於三道而言證者是彼自證非佛證也
然今經文即是三轉中道法輪永離邊見
亦具說於知斷證修即是三所得果者由
大乘無作四諦已申轉體三所得果者由
斷惑故得離欲際由證性空本無可離斯
際亦遣得果等四四能詮教者理假言詮
今了本寂滅不可說故則終日言而未嘗
言也

五所顯理謂即寂滅今了性淨涅槃法本
不然今則無滅方為究竟之滅是知其輪
本來常清淨也是知其輪者即暗引淨名
寶積云三轉法輪於大千
其輪本來常清淨古來多釋今取
即事之真性淨之理為法輪體也

以一切文字一切言語而轉法輪如來音聲
無處不至故知聲如響而轉法輪了於諸法
真實性故於一音中出一切音而轉法輪畢
竟無主故無遺無盡而轉法輪內外無著故
後四相用深廣中一觸言皆輪廣也二即

用而寂深也下二亦深亦廣三一即多而無主四即橫豎而恒虛謂橫則無遺無所不轉故豎則無盡窮未來故而不着內外則深廣無涯矣故後四段明相用深廣則迥異餘宗為不壞相畧引餘釋耳

佛子譬如一切文字語言盡未來劫說不可盡佛轉法輪亦復如是一切文字安立顯示無有休息無有窮盡佛子如來法輪悉入一切語言文字而無所住譬如書字普入一切事一切語一切算數一切世間出世間處而無所住如來音聲亦復如是普入一切處一切衆生一切法一切業一切報中而無所住一切衆生種種語言皆悉不離如來法輪何以故言音實相即法輪故

第二佛子譬如下喻中文有二喻一文字

無盡喻喻第九無盡二徧入無住喻喻六七八用而常寂故於中有法喻合合中二先合普入一切以上法中但云入一切言故今明入餘法則觸類皆法輪豈同三乘但用佛聲為輪等耶一切衆生種種下正

合前文入一切語前五易故略不喻之豈

三乘者揀實異權而言等者就佛聲中揀尋常言如問晴雨安慰弟子等亦非法輪唯取轉法文要令他斷惑見理方明法輪今此乃至教重深玄一則不論斷不斷等說即名輪故經云如來所轉妙法輪一切皆是菩提若能聞已悟法性如是之人常見佛二者尋常之言亦是法輪如來無有散亂聲故言不虛發如涅槃說如來一切語言皆名轉法輪故三者能令三界所有聲聞者皆是如來音故四者不揀聲與非聲遍於法界皆法輪體况復一多交徹相映融即豈同三乘之法輪哉

佛子菩薩摩訶薩於如來轉法輪應如是知

第三佛子下結勸可知

復次佛子菩薩摩訶薩欲知如來所轉法輪

應知如來法輪所出生處何等爲如來法輪所出生處佛子如來隨一切衆生心行欲樂無量差別出若干音聲而轉法輪佛子如來應正等覺有三昧名究竟無礙無畏入此三昧已於成正覺一一身一一口各出一切衆生數等言音一一音中衆音具足各各差別而轉法輪令一切衆生皆生歡喜能如是知轉法輪者當知此人則爲隨順一切佛法不如是知則非隨順佛子諸菩薩摩訶薩應如是知佛轉法輪普入無量衆生界故

第二復次下顯法輪所起因於中三先辨輪所起因因機差故若離物機佛無說故次佛子如來下明因所起輪物旣爲力不同教須適宜差別於中說法所依之定名者無礙辯才無所怯畏得究竟者唯佛有

故後能如是知下結其得失及第三總結文並可知

爾時普賢菩薩摩訶薩欲重明此義而說頌言

如來法輪無所轉三世無起亦無得譬如文字無盡時十力法輪亦如是

如字普入而無至正覺法輪亦復然入諸言音無所入能令衆生悉歡喜

佛有三昧名究竟入此定已乃說法一切衆生無有邊普出其音令悟解

一一音中復更演無量言音各差別於世自在無分別隨其欲樂普使聞

文字不從内外出亦不失壞無積聚而爲衆生轉法輪如是自在甚奇特

偈有五頌分二初二偈頌法輪體用後三

偈頌法輪所因

大方廣佛華嚴經疏鈔會本第五十二之二

音釋

詰 契吉切
問也

過 阿葛切
遮止也

大方廣佛華嚴經疏鈔會本第五十三之三 煩十

唐于闐國三藏沙門實又難陀 譯

唐清涼山大華嚴寺沙門澄觀撰述

第九出現涅槃轉化既周安住祕藏為物

示滅故次明之然大涅槃蓋眾聖歸宗冥

會之所寂寥無為而廣大悉備形名絕朕

識智難思轉化既周躡前起後安住祕藏

文具二故然大涅槃下二總明大旨以顯

深玄多用華公涅槃無名論有十演九折

十演者一開宗二位體三超境四妙存五

辨差六會異七明漸八動寂九通古十玄

得九折者一數體三微出三搜玄四難差

五責異六詰漸七識動八窮源九考得開

宗為初次一折一演折為有名之難演即

無名之答共相研義顯無名旨今多用者

亦顯肇公憑此經故今初大旨多用開宗

言衆聖歸宗真會之所者總顯深廣包含

無外故論云九流於是乎交歸衆聖於是

乎真會謂三乘賢聖必會其中猶於百川

朝宗于海寂寥無為者顯深也而廣大悉

備者顯廣也形名已下復拂深廣之迹朕

者迹也兆也論云夫涅槃之為道也寂寥

虛曠不可以形名得微妙無相不可以有

心知故淨名云不可識今以無名強名亦為

五別今以無名下第三開章別釋此句總

為食油蟲無有名字強立名字善男子是

大涅槃亦復如是無有名字強立名字位

體云有餘無餘者蓋是涅槃之外稱應物

之假名耳而存稱謂者封名志器像者耽

形名也極於題目形也盡於方圓方圓有

所不寫題目有所不傳焉可以名於無名

而形於無形者一釋名涅槃正名為滅取

哉則無名亦假一釋名涅槃正名為滅取

其義類乃有多方總以義翻稱為圓寂以

義充法界德備塵沙曰圓體窮真性妙絕

相累為寂而言大者橫無不包豎無無初

際此約三德涅槃若約義開略明三義一

者體大自性清淨故二者相大方便修淨

累亡德備故三者用大化用無盡故般者

入義性入真入示現入故若圓融無礙即

大涅槃一釋名者若具梵云摩訶般涅槃

應地在言正名為滅者取其義類乃有

多方者即生公釋遠公同此言多方者或

云不生或云無作或云無起亦云無為亦云無相或云不滅或云寂靜或曰安隱或名解脫皆是義翻法華序品長行之中便於中夜入無餘涅槃次即云佛滅度後偈中又云佛此夜滅度明知古德正翻為滅亦云滅度超度四流故總以義翻者即唐三藏等在義周圓而言大下先總後別總以橫豎釋如題中涅槃二十一云譬如虛空不因小空名為大空涅槃亦爾不因小相名大涅槃釋曰此即絕待當體受名若

約義開下別釋曰三大釋三大雖通本有修成欲分三異性淨約體圓淨約相用修成兼合三身下對三大亦有那字般字沒在圓寂之中今無那字以般釋入梵語出息名為安那梵言入息名為般那那是息義欲明此章具足真應三四涅槃故對三大別釋三入性入即淨淨涅槃真入即是圓淨示入即方便淨速公約已證說一就實論入息化歸真名入三唯就應真應相對辨入息化歸真名入三唯就應現捨有為道趣入無為故名為入若約二圓融者若不圓融三入各別法相宗故二出體性涅槃既妙絕常數恬怕希夷雖迥出百非而靡所不在今以義求不出三法即摩訶般若解脫法身以為其體所以三者翻三雜染故成智恩斷故成法門法性

煩十

二

應化身故能證大智冥所證理累永寂故然此三種不離一如德用分異即寂之照為般若即照之寂為解脫寂照之體為法身如一明淨圓珠明即般若淨即解脫圓體法身約用不同體不相離故此三法不

縱不橫不並不別如天之目如世之伊名秘密藏為大涅槃二出體性者疏文分二後體用無礙初中妙絕常數者即第十九常數融治二儀滌蕩為有均天人一同異內視不已見返聽不我聞未常有得未常無得今取此言總數深音恬怕希夷者恬和也怕靜也夷平也亦開宗中言彼云然則有無絕於內稱謂淪於外視聽之所不暨四空之所昏昧恬焉而夷怕焉而泰九流於是乎交歸衆聖於是乎真會斯乃希夷之境太玄之鄉而欲以有無題榜標其方域而語其神道不亦邈哉雖迥出下明體用無礙亦開章中文云真冥杳杳誰見誰曉彌綸靡所不在而獨曳於有無之表今反用之今以義求下初正出體性然遠公亦以三法為體與此小別一色二心三非色非心滅無常色獲得常色等故擇

滅無為廣如前說亦非全要不欲繁叙言
 今以義求者取其深義三德為體則身智
 常住無不包合故所以三者下出三所以
 於中有二一翻對說三二當體辨三今初
 釋三迴向具對十義今畧有三翻三雜染
 者煩惱為般若煩惱即菩提菩提即是涅
 槃之中般若德也翻於結業以為解脫翻
 苦依身即是法身心體離念本注身故故
 三雜染即是斷法身是思法身兼應物思
 智解脫是斷法身是思法身兼應物思
 德三成三身般若法門身法身是法性身
 解脫為應化身作用解脫亦解脫故若真
 應對一別從真三德起今從通義應身但
 德脫德攝能證大智下二當體明三然為
 解脫師總有四釋先總釋云身是能證身
 福法師總有四釋先總釋云身是能證身
 般若是智慧火解脫則煩惱等滅此三法
 合名證涅槃言四義者一云身是自受用
 身餘二即金剛心後智斷二德二云身即
 法身法身即如如摩訶般若即如如智解
 脫即是一切餘究竟盡故法身為所證般
 若為能證解脫為離障三云佛身者即法
 性有佛身義作二所依故有智慧慧通照
 法界光明故有解脫云此三釋中初順經
 三亦不相離彼自結云此三釋中初順經
 意欲明報身是常涅槃不減身故四云身
 者色身四智為般若解脫準前釋曰上之
 四解初約報身二約法身此二約真四通
 真應三即約理為性淨三德今疏舉第二
 義者欲顯圓具通因果通真通應應即

常身即法身故應即是法况自受用自受
 用體亦全法性法身但約在纏出纏異故
 能證一義理無不收然此三種下三融通
 故舉有法喻結法中通因通果理具此三
 無礙淨三德能如是知即名字三德依此
 即性淨三德能如是知即名字三德依此
 修觀即觀行三德初住分證如來究竟直
 就出纏法身即具三德故不別義故此三
 法下結成涅槃具三德故不別義故此三
 切衆生及以我弟子四部之衆悉皆安住
 祕密藏中我亦復當安住是中入於涅槃
 何等名為祕密之藏猶如伊字三點若並
 則不成伊縱亦不成如摩醯首羅面上三
 目乃得成伊亦非若別亦不得成我亦如
 是解脫之法亦非涅槃如來之身亦非涅
 槃摩訶般若亦非涅槃如來之身亦非涅
 槃我今安住如是三法為衆生故名入涅
 槃為福釋曰若非將喻類法喻文中不足
 一云解脫之法亦非涅槃等喻中應云唯
 故夫證涅槃須有能證身須有智慧火煩
 惱等滅此三法合名證涅槃若唯身亦非
 涅槃唯般若亦非涅槃唯解脫亦非涅槃
 此三各別未非斷證亦非涅槃亦非涅槃
 成若智者意謂法身本有次修般若後
 縱證即證也謂法身本有次修般若後
 得解脫則是縱義以經生越世彌亘淨法
 故如縱三點橫者三法異體同時如三列
 一法今摩訶般若一體別乃各居一處但用

聖明此三日縱舉一辨二日並故云般若
 非者般若中已攝二故三德若異亦非
 樂即雙合橫別一異體即合於別異體
 同時即合於橫故上云三點若別不得
 成伊已合橫別也亦可橫即是並對縱為
 橫對別為並故經但有三句於義成四而
 總釋云今三俱不思議焉可縱俱不思議
 焉可橫俱不思議焉可非一非一非一
 別意云即一而三即三而一非一非一
 照三一焉可作一三三等思若作體一用別
 而明尚未免於並別也然有云伊字如品
 字有云如倒書品字後義為正由此見異
 古德解義取捨不同或一德在上二德在
 下或謂二德在上二德在下不得意西
 方伊字二點在上二點在下不可二目在
 一目上如來恐人誤作此解故以天目轉
 喻伊字則不得定一二上下但取不可縱
 橫及並別耳若定說言一上二上非唯義
 理不得圓妙致令二喻自互相違謂梵字
 樣者此西伊字三日之一當於音間

為此其狀也諸公何惑言祕密者以深妙
 故遠公釋云昔隱不說故名祕密權教所
 覆故復名藏故下文云十一部中所不說
 者名之為藏又於其中包含諸德亦名為
 藏薦福釋云皆非二乘境界故名祕密二
 賢皆是對昔顯密今明深妙當體祕密
 三顯種類雖理無不統義類塵沙今自匿
 之寬略分一兩或唯說一即大涅槃或說

有二自有三門一餘無餘二性淨方便淨
 三真與應或分為三此有二種一約三乘
 二即自性真應或分為四一自性清淨涅
 槃二有餘依三無餘依四無住處有餘無
 餘義通大小今唯說大於三種內不明二
 乘餘皆具論融而無礙為大涅槃如文具
 之非獨應滅今自狹下三明明類餘無餘
 二義一有宗云涅槃體一約時不同得二
 名字言體一者於此宗中煩惱業思以道
 力故應起不起擇滅無為是涅槃體此體
 是一約對身智得二名字身智未盡說前
 涅槃以為有餘身智盡竟向前涅槃轉名
 無餘非身智滅即名涅槃以此身智起已
 謝滅是無常故若斷因故令後不起是非
 擇滅故非涅槃二依成實涅槃體二生死
 因盡名一涅槃生死果盡名二涅槃由有
 宗中要道親斷方稱擇滅身口二業及生
 死果非道親斷故不取之成實由斷煩惱
 餘不起故見修斷故亦得擇滅故名涅槃
 然望大乘皆名有餘有餘變易故若依大
 乘遠公自有四別一云二死因盡名曰有
 餘二死果盡名曰無餘二云分段因果盡
 名曰有餘變易生死盡名曰無餘三云分

段因無果及變易因盡名曰有餘變易果滅
 名曰無餘四云唯就變易果為二分
 因果屬小乘故若依金光明約三身說
 身品云善男子依此二身一切諸佛說有
 餘涅槃究竟盡故依此三身一切諸佛說
 切涅槃究竟盡故依此三身一切諸佛說
 住涅槃無有別故何故不住涅槃離於
 法身無念滅不故數現以二身假名
 不實念滅不故數現以二身假名
 法身不爾是故二身不住涅槃法身者不
 二故不住生死依三身故說不住涅槃準
 上經文法身即是自受用身常在靈嚴佛
 土一切餘者是煩惱習分段變易皆
 盡華公若依唯識云一有餘依涅槃謂即
 真如出煩惱障雖有微苦所依未滅而障
 永寂故名涅槃二無餘依亦滅眾苦未寂
 出生死苦煩惱既盡餘依亦滅眾苦未寂
 故名涅槃釋曰此通大小而說真如為體
 即異小乘論下料揀云如何善逝有餘
 依則雖無實依而現似有苦依盡說無
 餘依非苦依在說有餘依是故世尊可
 具四釋曰此答為有餘依故云非苦依在
 後明以無漏蘊為二德亦名非苦依在
 二性淨者亦名二德亦名非苦依在
 不同相並如初地示說分齊中辨性本淨
 故從因方便之所顯故作用善巧故亦是
 體用餘如別章二即自性者上明真應自
 性合其二佛約淨今開自性通於染淨或
 分為四即唯識論云一本來自性清淨

淨樂謂一切法真如理雖有容塵而本性
 淨具無數量微妙功德與一切法不一不
 空離一切相平等共有與一切法不一不
 異唯真聖者自內所證其性本寂故名道
 斷唯真聖者自內所證其性本寂故名道
 樂二有餘依三無餘依具如上說四無住
 處涅槃謂即真如不生所障大悲般若常
 所輔翼由斯不住生死涅槃樂有情窮
 未來際用而常寂故名涅槃樂有情窮
 有初一二乘無學容有前三唯我世尊獨
 言具四下疏結文用此四也有餘無餘四
 下三通相料揀非獨應減揀於異釋四
 彰業用囊括終古導達羣方靡不度生靡
 不成就故涅槃云能建大事則出現法門
 皆斯用也然諸門廣義備於別章略在文
 具得中言也彼云故能囊括終古導達羣
 方亭毒蒼生珠而不漏汪哉洋哉何莫由
 之哉故梵志曰吾聞佛道厥義弘深汪洋
 無涯靡不成就廉不度生然則三乘之路
 開真偽之途辨賢聖之道存無名之致願
 矣釋曰彼後結歎無名今畧不舉二故涅槃
 樂今引證前後已引三則出現下結成深
 廣今以出現為總門則涅槃當其一德若
 涅槃為門出現為總門則涅槃當其一德若
 門下指廣在文攝皆涅槃出矣四然諸
 諸妙故云畧在文攝皆涅槃出矣四然諸

佛子菩薩摩訶薩應云何知如來應正等覺
般涅槃

第五釋文中二先徵起後正顯

佛子菩薩摩訶薩欲知如來大涅槃者當須
了知根本自性

正顯中十一顯十一體性真常二德用圓備三出

沒常湛四虧盈不遷五示滅妙存六隨緣
起盡七存亡互現八大用無涯九體離二
邊十結歸無住然斯十段隨義雖殊皆合
體用互相交徹顯大涅槃今初分三初舉

法勸知二如真如下指理同事三何以下
釋顯同相今初根本自性者即下所列真
如等十為真應涅槃之根本故體即自性
清淨涅槃以出二礙名方便淨為真涅槃
大悲應物亦自此流故名為本以是本故

但了真如即了涅槃今初根本者此三行
流已具上列一二三
四諸涅槃矣
思之可見

如真如涅槃如來涅槃亦如是如實際涅槃
如來涅槃亦如是如法界涅槃如來涅槃亦
如是如虛空涅槃如來涅槃亦如是如法性
涅槃如來涅槃亦如是如離欲際涅槃如來
涅槃亦如是如無相際涅槃如來涅槃亦如
是如我性際涅槃如來涅槃亦如是如一切
法性際涅槃如來涅槃亦如是如真如際涅
槃如來涅槃亦如是

二指理同事中皆云如者如即同義能同
涅槃通真及應所同如等即自性涅槃故
上句皆有涅槃之稱

真應無本應非不生何出現之為妙故以
本該末以體顯用今皆圓寂為大涅槃真
應

無本下為顯文意先反顯真應涅槃若無
自性涅槃為本皆非不生而其涅槃由性
淨顯共許不生而應涅槃皆謂生滅故今
特說應無性淨安得不生後故以本下順
顯以性淨本該真應末真望性淨亦稱末
故真與性淨二俱為體該應化用皆為無
住三德 所以列十名者欲明究竟妙道窮
涅槃 理盡性無不同故德無盡故十名已如前

釋於中後二加際言者窮真於無真為真

如際等故 所以釋十所由究竟妙道者
即無名論難差中文云有名
曰涅槃既絕國度之域則超六境之外不
出不在而立道獨存斯則窮理盡性究竟
之道妙一無
差今取意引

何以故涅槃無生無出故若法無生無出則

無有滅

三釋顯同相者向言亦如是者云何如耶
故云如真如等不生滅故何以不生以但
了因所顯非生因所生故既無有生亦非
出障始既無生則永常不滅是知玄道存

煩十

於妙悟妙悟在於即真即真則生滅齊觀
齊觀則彼此莫二所以真如與我同根法
性與我一體真既不滅應滅寧真是知涅
槃名滅者乃在於無滅者矣 是知玄道下
二結成正義
言妙悟者即能契由能契即真方得成此
所契即真即是性淨即妄即真生無生矣

豈非齊觀齊觀一味能所兩冥故全真性
以為我體真既湛然故知雙林應滅非滅
以常住故言無滅者本寂滅故然此亦即
妙存中文上意業中用其一半彼已具引
今側用兩句謂云天地與我同根萬物
與我一體今順經文真如等為涅槃本
佛子如來不為菩薩說諸如來究竟涅槃亦
不為彼示現其事

煩十

九

第二佛子如來不為下明德用圓備者如
來之身色相圓備常現大機前故文中先
標舉後微釋標中約人顯實云不為菩薩
明說永滅是為二乘迹盡雙樹並為凡小
據此亦名揀異灰斷

何以故為欲令見一切如來常住其前於一念中見過去未來一切諸佛色相圓滿皆如現在亦不起二不思想

後徵釋中文有二重初釋之中自有二義一令稱實見受用身即同法身常住其前

涅槃云涅槃不空者謂有善色常樂我淨

故因滅無常獲此常故涅槃不空者遠公引此證色為體今

亦一二於一念下令見三際應用亦即是

常故云皆如現在涅槃云吾今此身即是

常身法身下開梅檀座佛塔見三世佛無

涅槃者楞伽亦云無有佛涅槃無有涅槃

佛亦不起二不思想者遠離覺所覺故謂

既知幽靈不竭妙色湛然三際大均何生

滅之動靜故不起二也亦不取此一常故

無不二也梅檀座塔前皆已引妙色湛然者六卷泥洹經純陀歎佛云妙

色湛然常安隱不為時節劫數遷大聖曠劫行慈悲獲得金剛不壞體餘可知何以故菩薩摩訶薩永離一切諸想著故

下重徵釋微意云菩薩何以能不起想釋云菩薩由了法空本無想著故既無心於動靜終不謂佛常與非常

佛子諸佛如來為令眾生生欣樂故出現於

世欲令眾生生戀慕故示現涅槃而實如來

無有出世亦無涅槃何以故如來常住清淨

法界隨眾生生心示現涅槃

第三佛子諸佛如來下出沒常湛謂涅槃

無為而無所不為無不為故能建大事不

礙出沒以無為故住淨法界體常湛然不

礙出沒故顯迹為生即是有餘息迹為滅

即是無餘故餘無餘乃應物之假號耳體

性常湛故存不為有亡不為無是知寂然

不動未嘗無為應迹無方未嘗有為豈可

隨於見聞以滯殊應之迹第三等者經又

之跡後而實如來下明常湛之本疏分五

段解釋如文是知寂然下四結成相融上

句體不礙用下句用不礙體豈可隨於下

五結渾感情然此五段多用無名第二位

體論云其為稱也因應而作顯跡為生息

跡為滅生名有餘減名無餘然則有無之

稱本於無名無名之迹于何不名是以至

人原夫能天能人者豈天人所能哉果以

非天非人故能天能人耳其為治也應而

不為因而而不施因而而不施故施其之廣應

而不為故為莫之大為莫之大乃返乎小

成施莫之廣乃歸乎無名又下云意謂至

人寂怕無兆隱顯同原存不為有亡不為

無何則佛言吾無生不生雖生不生無形

不形雖形不形以知存不為有經云菩薩

入無盡三昧盡見過去滅度諸佛又云八

於涅槃而無般涅槃以知亡不為無亡不

為無故雖無而有存不為有雖有而無雖

有而無故所謂非有雖無而有故所謂非

無然則涅槃之道果出有無之域絕言象

之運斷矣子乃云聖人患於有身故滅身

以歸無勞勤莫先於有智故絕智以淪虛

無乃乘於神極傷於玄旨者哉上一段論

文義理連環但觀所引自見疏意其結彈

文亦彼章末云惑者居見聞之域尋味應

之迹乘執規矩以擬大方欲以智勞至人

形患大聖謂捨有入無因以名之豈謂採

微言於聽表拔玄

根於虛壞者哉

佛子譬如日出普照世間於一切淨水器中

影無不現普徧衆處而無來往或一器破便

不現影佛子於汝意云何彼影不現為日咎

不答言不也但由器壞非日有咎佛子如來

智日亦復如是普現法界無前無後一切衆

生淨心中佛無不現心器常淨常見佛身

若心濁器破則不得見

四佛子譬如日出下虧盈不遷先喻後合

然法身無像故無器而不形聖智無心故

無感而不應像非我有自彼器之虧盈心

非我生豈普現之前後復合然法身者疏

文章後意次彼論云經云法身無像應物

而形般若無知對緣而照萬機頓赴而不

捷其神千難殊對而不于其慮動若行雲

止猶谷神豈有心於彼此情係於動靜者

乎既無心於動靜亦無像於去來去來不以像故無器而不形動靜不以心故無感而不應然則心生於有心像出於有像像非我出故金石流而不燃心非我生故日月而不動紛紛自彼於我何為所以智周萬物而弗勞形光八極而無患益不可盈損不可虧寧復病瘡中遠壽極故攝論第十頌云衆生罪不見如月於破器徧滿諸

世間由法光如日是以經言非日咎也持戒器破定水無依善提器破智水寧止無

信清珠故心水渾濁何由見佛耶故攝論下引證

釋先舉論後是以下會釋經文論云此頌顯示顯現甚深在喻可知合者釋論云衆生心中無著摩他清淵定水佛影不現非如來咎如說如來是真妙道即無漏影有感斯現生盲不觀釋下半云諸佛法日放契經等光徧照有情世間有緣教光斯現如日流光然此中雖明現身即是三德涅

槃所流大用亦涅槃攝若爾寧殊出現之身出現身以法身為門而論真應非無般若解脫二德智慧日身無不照故永離戲

第十一

十二

論即解脫故醫王之喻即示滅故然此文下第三揀定亦展轉通妨於中有三初正揀定恐有問言今說法身何名涅槃故此釋云大般涅槃必具三德此即法此有般若寧異身餘之二德從法身流此有般若寧異菩提若分相說菩提為能證智唯是修生涅槃是所證理唯約修顯故涅槃中說菩

提必從生因所生涅槃必從了因所顯此

般若下三對菩提揀解脫無濫故不揀之若分相下釋於中有二先明分相即唯識

後有二一唯識第十釋轉依果云四所轉得此彼障故令其相顯覆令不顯真聖道生斷

障施設故體即是清淨法界二所生得謂大菩提此雖本來有能生種而所知障礙

故不生由聖道力斷彼障故令從種起名得菩提起已相續窮未來際此即四智相

應心品故大乘法師云理凝本有離纏而之鴻源三明若攝相說菩提是即理之智

之妙本矣

若即理之智不礙寂滅菩提智性本有亦

是性淨涅槃修顯亦方便淨隨一為門則

皆收盡即大涅槃真菩提也今以涅槃收

之非唯菩提反身前後諸用皆從三德所

流能建大事若攝下後明攝相文有四別

離智無理如珠之明如明之珠故般若云

覺法自性離諸分別為菩提故則有理矣

涅槃中有般若德故智性本有下二約本

有修生相攝則性淨但名涅槃方便淨者

方名菩提今明二淨俱通上二今疏但顯

別說所無故於菩提說性淨等上說菩提

如虛空故世界成壞無增減故涅槃經說

修習常住二字為滅相者我於其人為般

涅槃彼中宣說本隱今顯法常名常方便

修生報常名住修此二字為大涅槃寂滅

之相大般涅槃獨顯其心故佛證

之為般涅槃故知各具方便性淨

佛子若有眾生應以涅槃而得度者如來則為示現涅槃而實如來無生無致無有滅度

第五佛子若有眾生下示滅妙存既為物

示滅即體無滅示滅下滅既是示即無滅

是無名第四章名彼論云聖人處有不有

若無不無居無不無故不無於無處有不

有故不有於有故能不出有無不在有無

怕爾無朕斯為妙存然出沒常湛薰明於

出今但無滅故不同也

佛子譬如火大於一切世間能為火事或時

一處其火息滅於意云何豈一切世間火皆

滅耶答言不也佛子如來應正等覺亦復如

是於一切世界施作佛事或於一世界能事

已畢示入涅槃豈一切世界諸佛如來悉皆

滅度

第六佛子譬如火大下隨緣起盡有喻合

結合中以機喻薪以涅槃喻火眾生善根

未熟可熟者成正覺以熟之如為火事若

所應度者皆已度竟則現般涅槃寂無所

為如火息滅故法華云佛此夜滅度如薪

盡火滅然現滅現生皆是涅槃大用故攝

論第十名涅槃如火既起滅在緣則益不

可盈損不可虧云云自彼非佛然也

合中有四

初正釋文引法華者以法華中諸師異解今將此文楷定彼義然現滅下二彰其大意明生與滅皆涅槃故既起滅下結成當住亦是無名位體中義第四已引

佛子菩薩摩訶薩應如是知如來應正等覺
大般涅槃

復次佛子譬如幻師善明幻術以幻術力於三千大千世界一切國土城邑聚落示現幻身以幻力持經劫而住然於餘處幻事已訖隱身不現佛子於汝意云何彼大幻師豈於一處隱身不現便一切處皆隱滅耶答言不也佛子如來應正等覺亦復如是善知無量智慧方便種種幻術於一切法界普現其身持令常住盡未來際或於一處隨衆生心所作事訖示現涅槃豈以一處示入涅槃便謂一切悉皆滅度佛子菩薩摩訶薩應如是知

如來應正等覺大般涅槃

第七復次佛子譬如幻師下存亡互現由

順機故此滅彼存非如來身不能長久前

喻約見滅見成此喻約常見不見第七存亡互現

隨機見故

復次佛子如來應正等覺示涅槃時入不動三昧入此三昧已於一一身各放無量百千億那由他大光明一一光明各出阿僧祇蓮華一一蓮華各有不可說妙寶華葉一一華葉有師子座一一座上皆有如來結跏趺坐其佛身數正與一切衆生數等皆具上妙功德莊嚴從本願力之所生起若有衆生善根熟者見佛身已則皆受化然彼佛身盡未來際究竟安住隨宜化度一切衆生未曾失時第八復次下大用無涯謂正示涅槃而便

分身無邊窮於來際不動三昧者究竟寂滅也由寂無動故無所不動耳涅槃受純

陀供處大同於此而佛數少順機不同故

第八至大用無涯疏文有二先釋文即無

名論動寂云聖人無為而無不為無為故

雖動而常寂無不為故雖寂而常動雖寂

而常動故物莫能一雖動而常寂故物莫

能二物真能二故逾動逾寂寂物莫能一故

逾寂逾動所以為即無為無為即為動寂

雖殊而莫之可異也涅槃等者即舉同揀

異彼第十經大衆問品云爾時一切菩薩

摩訶薩天大福德能令如來受取最後無

哉純陀成大福德能令如來受取最後無

上供養而我等輩無福所致所設供具則

為唐捐爾時世尊欲令一切衆望滿足於

自身上一一毛孔化無量佛一一諸佛各

有無量諸比丘僧是諸世尊及無量衆悉

皆現身受其供養釋迦如來自受純陀所

奉設供爾時純陀所持糈糧成熱之食摩

伽陀國滿足八斛以佛神力悉皆充足一

切大會爾時純陀見是事已心生歡喜踊

躍無量一切大衆亦復如是釋曰彼經雖

言無量化佛但云受大衆供無此重重等

衆生數盡未來際此但約文以明優劣非

當時化不能普周亦以彼證無盡化現皆

涅槃

用

大方廣佛華嚴經疏鈔會本第五十二之三
音釋

華藥 藥如壘切華 跌 音夫 跏跌 屈足坐也

大方廣佛華嚴經疏鈔會本第五十二之四 刑一

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子如來身者無有方處非實非虛但以諸

佛本誓願力衆生堪度則便出現菩薩摩訶

薩應如是知如來應正等覺大般涅槃

第九佛子如來身者下體離二邊身若是

實有不可滅身若是虛何能起滅若有方

所此現彼無由非實故起滅無恒由非虛

故能無不現無方所故感處即形本願力

故化周法界隨堪度故見則不同第九體離二邊

亦即彼起境中意彼中有名先微出云諸
最妙道之本為有為無果若有也雖妙非
無雖妙非無故則入有境界若無也無則
無差無而無差則入無境總而括之即而
究之無有異有而非無無有異無而非有
者明矣而曰有無之外別有妙道非有非
無謂之涅槃吾聞其語矣未即於心也第
五超境答云然則有無雖殊俱未免於有

佛子如來住於無量無礙究竟法界虛空界

真如法性無生無滅及以實際為諸衆生隨

時示現本願持故無有休息不捨一切衆生

一切利一切法

第十佛子如來住於下結歸無住上來九

門初門多顯其體餘八皆體用雙明今此

分二初至實際通結九門之體後為諸衆

生下通結八門之用隨時示現正顯於用

本願力故顯何所因無有休息皆窮來際

不捨已下明用分齊誰獨非涅槃而欲捨

之耶第十至結歸無住結上九門皆歸無住涅槃於中有二先釋經文即是結

前之義言誰獨非涅槃而欲捨之耶者即
倒用玄得中文彼以第九考得難云經云
衆生之性極於五陰之內云得涅槃者
五陰都盡譬猶燈滅等下結意云云至則
五陰不都盡陰若都盡誰得涅槃故玄得
答云且談論之作必先定其本既論涅槃
故不可離涅槃而語涅槃也若即涅槃以
與言誰獨非涅槃而欲得之耶意云即涅
槃故更不可得下引淨名衆生即涅槃相
此明一體故無可得今言一體故無可捨

衆生即涅槃若捨是則初住實際故不住
衆生即捨涅槃也

生死後不捨衆生故不住涅槃由雙住故
能俱不住前即大智後即大悲般若常所
輔翼爲無住涅槃自性涅槃衆生等有二
乘無學容有前三唯佛世尊獨言具四故

就無住總以結之即安住涅槃建大事也

是則初住下二歸無住於中有四初正結
無住無住涅槃前已具引由雙住下二出
無住所以經中是住今乃結歸無住者由
若不實際安能不住生死若不安住大
悲安能不住涅槃然則亦由俱不住故而
能俱住今此順文經是俱住結歸無住故
但用住以成無住前即大智下三別舉成
無住因即唯識文自性涅槃下四釋歸無

住之意涅槃有四何以但歸無住無住涅
槃唯佛得故皆是論文具如上引即安住
下是涅槃經

爾時普賢菩薩摩訶薩欲重明此義而說頌
言

如月舒光照法界器壞水漏影隨滅最勝智

日亦如是衆生無信見涅槃

偈文有六初偈頌第四

如火世間作火事於一城邑或時息人中最
勝徧法界化事訖處示終盡

次頌第六

幻師現身一切剎能事畢處則便謝如來化
訖亦復然於餘國土常見佛

次頌第七

佛有三昧名不動化衆生訖入此定一念身
放無量光光出蓮華華有佛

佛身無數等法界有福眾生所能見如是無數一一身壽命莊嚴皆具足

次二頌第八

如無生性佛出與如無滅性佛涅槃言辭譬喻悉皆斷一切義成無與等

後偈頌第十初句無生之生次句無滅之

滅次句結歸涅槃無名後句結其大用無

盡此二無礙是無住義餘不頌者含在此

中初句無生者如無生性無生也佛出與成也下句例如後句一切義成故為大用上三句是體第四句是用故云餘不頌者含在此中者不出體用故

佛子菩薩摩訶薩應云何知於如來應正等

覺見聞親近所種善根佛子菩薩摩訶薩應

知於如來所見聞親近所種善根皆悉不虛

出生無盡覺慧故離於一切障難故決定至

於究竟故無有虛誑故一切願滿故不盡有

為行故隨順無為智故生諸佛智故盡未來際故成一切種勝行故到無功用智地故

第十明出現見聞親近所生善根前九門

出現一期始終今明於上見聞功深益遠

獎物進修文中三初徵起次正顯後結示

就正顯中分二先明見聞信向益後見聞

不信益前中先法後喻法中先總後別今

初見等如後喻合中後出生下別即示不

虛之相有十一句不出智斷恩德思之第十

出現見聞不出智斷恩者初三句標三德果初句智德般若滿故次句斷德解脫滿

故次句思德法身究竟故次二句總成上三三俱願滿皆不虛故後六句復釋上三

初三句釋上無盡覺慧不盡有為此成事智隨順無為此生理智此二因圓生諸佛

智即是果滿次二句釋上究竟大悲恩德窮未來故種智行成得法身故後一句釋

上斷德得至佛地無障可斷故解脫功用故故上出現意業中云得如來地息一切

佛子譬如丈夫食少金剛終竟不消要穿其身出在於外何以故金剛不與肉身雜穢而同止故於如來所種少善根亦復如是要穿一切有為諸行煩惱身過到於無為究竟智處何以故此少善根不與有為諸行煩惱而共住故

第二喻中三喻喻其三德初少服金剛喻喻於智德智慧破惑如金剛故以有智慧者必無煩惱故不共住

佛子假使乾草積同須彌投火於中如芥子許必皆燒盡何以故火能燒故於如來所種少善根亦復如是必能燒盡一切煩惱究竟得於無餘涅槃何以故此少善根性究竟故
第二少火燒多喻喻斷德性究竟者了惑本寂故

佛子譬如雪山有藥王樹名曰善見若有見者眼得清淨若有聞者耳得清淨若有嗅者鼻得清淨若有嘗者舌得清淨若有觸者身得清淨若有眾生取彼地土亦能為作除病利益

第三藥王徧益喻喻恩德種種利生故文中先喻後合

佛子如來應正等覺無上藥王亦復如是能作一切饒益眾生若有得見如來色身眼得清淨若有得聞如來名號耳得清淨若有得嗅如來戒香鼻得清淨若有得嘗如來法味舌得清淨具廣長舌解語言法若有得觸如來光者身得清淨究竟獲得無上法身若於如來生憶念者則得念佛三昧清淨
二台中二先明為六根境界益合上藥王

徧益六根皆通在世滅後滅後亦有見故

況憶念等實性論中亦明如來與菩薩為

六根境界大同於此實性論者論有四卷此當第一是成就自

利利他偈云諸佛如來身如虛空無相為諸勝智者作六根境界示現微妙色出於

妙音聲令觀佛戒香與佛妙法味使覺三昧獨令知深妙法

若有衆生供養如來所經土地及塔廟者亦

具善根滅除一切諸煩惱患得賢聖樂

後若有衆生下明遺迹之益合上取彼地

土所經土地猶通現滅其塔廟者唯約滅

後亦同法華乃至舉一手等皆已成佛道

亦同法華者即第一經前已引竟

佛子我今告汝設有衆生見聞於佛業障纏

覆不生信樂亦種善根無空過者乃至究竟

入於涅槃

第二佛子我今告下明不信益者此明益

深如來秘密藏經明罵藥服之得力罵沉

燒已還香罵佛猶勝敬諸外道若爾豈無

罵罪罵罪非無今語遠益故法華云跋陀

婆羅等罵常不輕千劫於阿毗地獄受大

苦惱畢是罪已還遇常不輕菩薩教化涅

槃喻以毒塗之鼓欲聞不聞無不死者故

菩薩之名起自聞謗之日謗尚遠益沉深

信耶况解行耶况證悟耶弘持之者勉思

此文如來秘密藏者具云大方廣如來秘密藏經此即下志大迦葉問唯願說

是如來秘密藏法佛言迦葉於汝意云何汝謂我行菩薩道時所捨手足頭目耳鼻

皮肉骨髓血及妻子畧說乃至一切財物處處逼惱於菩薩者是諸衆生不墮地獄

畜生餓鬼及諸惡趣何以故奉行菩薩行時志意淨故及大誓願淨戒衆故於諸衆

生大悲純至及堅忍故以大慈故大功德法故牢強精進向大乘故息心淨故大願

饒益故不喜自樂故其有衆生觸燒菩薩毀罵之者菩薩德故不墮惡道迦葉我今

引喻以明斯義迦葉猶如病人良醫後藥而是病人故罵是藥及與良醫先毀以後

乃服此藥，迦葉於意云：何藥以罵故不為藥耶？病不除耶？不也。世尊雖復跋闍不為藥，而能除病如是。迦葉菩薩如藥及彼良醫，不生恭敬，種種觸惱，然是菩薩純淨志意，無有缺減。又舉大寶珠，有大勢力，有人毀罵，不失寶力。又罵明燈，燒之亦能除。闍言罵沉者，義引彼云：罵赤梅，檀以手槌打，連燎棄之，為作何香？迦葉答言：作梅檀香。又云：如人抱執，莫穢棄之，以華看供養。是人有何等氣？答有穢氣。佛言：供養外道，但有見畏地獄畜生，餓鬼等，畏淫樂喻者，即第九經如來性品。南亦第九即菩薩品。文云：譬如有人以雜毒藥，用塗大鼓，於眾人中，擊令發聲，雖無心欲聞之，皆死。唯除一人不橫死者，不橫死者，即一闍提釋曰：彼經猶揀闍提，此意取不從聞以喻不信而得益耳。法華不輕可知。菩薩之名者，亦即此卷答云：云何未發心而名為菩薩？如日光明，諸明中，大大涅槃，光能入眾生諸毛孔，故眾生雖無菩提之心，而能為作菩提因緣。迦葉問言：云何未發心而作菩提因緣？次如來舉夢中見羅刹喻，初聞不信，夢中羅刹令其發心，云汝若不發菩提心者，當斷汝命。寤已發心，或於一塗續復憶念發菩提心，即大菩薩也。生公云：菩薩之名，起自闍提之日。

佛子菩薩摩訶薩，應如是知於如來所見聞親近所種善根，悉離一切諸不善法，具足善

第一三六冊 大方廣佛華嚴經疏鈔會本 一五·一五五七

法

第三佛子至應如是下結示可知

佛子如來以一切譬喻說種種事，無有譬喻能說此法，何以故？心智路絕，不思議，故諸佛菩薩但隨眾生心，令其歡喜，為說譬喻，非是究竟。

第二佛子如來下總以結酬揀喻異法上來性起，請說因喻普賢依請，明十出現，皆借象取譬，意顯佛旨深玄，深玄之旨尚不可以智知，豈言象之能及故，令外忘言象。

內絕思求，則庶幾於出現之旨。豈言象之能及，即周易舉者，所以在意得意而忘象，第二會已引則庶幾下庶幾，即周易繫辭云：顏氏之子其殆庶幾，有不善未嘗不知，知而未嘗復行。注釋云：殆者近也，庶者非也，幾者事動之微也。謂聖人見幾，賢人庶幾，今令幼學賢也。

賢也。

一八七 龍藏

佛子此法門名爲如來祕密之處名一切世間所不能知名入如來印名開大智門名示現如來種性名成就一切菩薩名一切世間所不能壞名一向隨順如來境界名能淨一切諸衆生界名演說如來根本實性不思議究竟法

列一

八

大文第五佛子此法門下顯名受持分於中分二先長行後偈頌今初準晉經此前有諸菩薩發二種問謂何名此經云何奉持今但有答即分爲二先顯名後佛子此法門下明受持令知總名尋名求旨識受持法依之修持故今初有十名分爲五對一內深外絕對爲內證三德祕藏故外則凡小不能測故二證寂開智對三現果成因對謂性淨萬德即是佛種今十門出

現即示現義四越世順佛對世尚不知安能破壞此十通是佛分齊境五淨機演實對知生佛同源則能淨故隨緣不變之性諸佛本故而性相無礙因果圓融爲不思議過此更無爲究竟法前九別義後一總該

佛子此法門如來不爲餘衆生說唯爲趣向大乘菩薩說唯爲乘不思議乘菩薩說此法門不入一切餘衆生手唯除諸菩薩摩訶薩第二明受持中二先辨定法器後是故菩薩下舉益勸修今初有法喻合法中二先標器非器非器不爲所謂權小乘可思議乘歷次修故名餘衆生是器則爲所謂圓機不揀凡聖趣向大乘揀於小乘不思議乘揀於權乘一運一切運十信滿心即攝

列一

九

諸位圓融無礙名不思議乘後此法門下
明受非受釋上為不為有圓信手能受眾
行故上為之權小於斯不盡能受是故不
為法集經云是經雖行閻浮提於能信深
法者常住如是眾心手中行亦有以信

解行證皆有手義以後後破前前亦是一

法集經者經有六卷即第六卷末云善
理男子是法門多行於娑伽羅龍王世界
多行帝釋住處多行阿那婆達多龍王處
然後行閻浮提中常於諸佛所護眾生中
行於直心不謬曲眾生中行於能信
深法者常在如是眾心手中行

佛子譬如轉輪聖王所有七寶因此寶故顯

示輪王此寶不入餘眾生手唯除第一夫人
所生太子具足成就聖王相者若轉輪王無
此太子具眾德者王命終後此諸寶合於七
日中悉皆散滅

第二喻可知

佛子此經珍寶亦復如是不入一切餘眾生
手唯除如來法王真子生如來家種如來相
諸善根者佛子若無此等佛之真子如是法
門不久散滅何以故一切二乘不聞此經何
況受持讀誦書寫分別解說唯諸菩薩乃能
如是

第三合中以經合七寶者若無此法非真
佛故生如來家合第一夫人所生太子如
來相者初心頓行佛行故散滅有二義一
不能信受則教不行故二不能修行則行
不行故般若論云法欲滅時者修行滅故
下釋散滅所由可知般若論者即金剛般若
須菩提白佛言世尊頗有眾生得聞如是
言說章句生實信不佛告須菩提莫作是
說如來滅後後五百歲有持戒修福者於
此章句能生信心以此為寶當知是人無
量佛所種諸善根論云為欲得言說法身

住處故經云正法欲滅時者謂修行漸滅時應知

是故菩薩摩訶薩聞此法門應大歡喜以尊重心恭敬頂受何以故菩薩摩訶薩信樂此經疾得阿耨多羅三藐三菩提故

第二舉益勸修中三初畧標釋二佛子設

有下廣釋所由三佛子至成就如是功德

下總結成益

佛子設有菩薩於無量百千億那由他劫行六波羅蜜修習種種菩提分法若未聞此如來不思議大威德法門或時聞已不信不解不順不入不得名為真實菩薩以不能生如來家故

就廣釋中二先反顯後順釋今初若不依此教縱多劫修行尚非真實況能疾得菩提此中設有之言似當假設望慈氏讚善

財言餘諸菩薩於百千萬億那由他劫乃

能滿足菩薩願行今善財一生則能淨佛

刹等斯則舉權顯實非假設也若實有此

不信人者為在何位文無定判義當三賢

以入證聖必信圓故若約教道三祇亦未

入立所以凡夫頓能信者宿因聞熏為種

別故今更不信當來豈聞若約教道者即古十立意然歷

三祇設未究竟亦已入位何以得言未入

立耶是故上云若約教道施設三祇教既

未真則成佛義亦非真也教不實故若約

正道三祇修行必已就證修權既深則入

若得聞此如來無量不可思議無障無礙智

慧法門聞已信解隨順悟入當知此人生如

來家隨順一切如來境界具足一切諸菩薩

法安住一切種智境界遠離一切諸世間法

出生一切如來所行通達一切菩薩法性於

佛自在心無疑惑住無師法深入如來無礙境界

第二若得聞下順釋中二先明聞信生家益後佛子聞此法已則能下信聞成行益今初先明聞信後當知下成益生如來家為總餘句為別別中一以如境為家無性論云生如來家者謂佛法界於此證會故名為生二以行法為家具家法故三以俗境為家世親釋云由此能令諸佛種性不斷絕故四遠離非家五以佛行為家十住毗婆沙第一云今此菩薩行如來道相續不斷故廣如彼釋六菩薩法性為家亦是佛種性故亦同如來一如境故七淨當佛家八住本佛家九總明因果事理無礙家前六自分家後三勝進家前來初住見心

列一

十二

性故故名生家四地寄出世故生道品家八地無功用故生無生法忍家今此通三兼顯凡夫解心亦名生家因果無礙故性無攝論即第六論若世親釋云由此能令諸佛種性不斷絕故十住毘等者此即第二釋初地常生如來家文云初地心生必能常集諸善根不休息故名為常生如來家如來家者即是佛家下廣釋如來義意以涅槃實相四諦三空等皆名為如智慧到彼故名為來結云如來者所謂十方三世諸佛是諸佛家名如來家今是菩薩行如來道相續不斷名生如來家釋曰具如來道即佛行也

佛子菩薩摩訶薩聞此法已則能以平等智知無量法則能以正直心離諸分別則能以勝欲樂現見諸佛則能以作意力入平等虛空界則能以自在念行無邊法界則能以智慧力具一切功德則能以自然智離一切世間垢則能以菩提心入一切十方網則能以大觀察知三世諸佛同一體性則能以善根

迴向智普入如是法不入而入不於一法而有攀緣恒以一法觀一切法

第二信聞成行益十句分爲五對無礙一

即觀不礙於止二見佛不礙入法三智行

法界不礙起福四智不染世不礙悲入五

體絕三世不礙用而迴向不入而入釋上

入義不於已下復釋不入而入智體即如

如外無法而可攀緣故無可入心行處滅

寂然無入不失照用故恒以一如而觀諸

法故名而入此二無礙方爲真入又一即

是如便於一中已見一切

佛子菩薩摩訶薩成就如是功德少作功力

得無師自然智

第三總結可知

爾時普賢菩薩欲重明此義而說頌言

見聞供養諸如來所德功德不可量於有爲中終不盡要滅煩惱離衆苦

譬人吞服少金剛終竟不消要當出供養十

力諸功德滅惑必至金剛智

如乾草積等須彌投芥子火悉燒盡供養諸

佛少功德必斷煩惱至涅槃

雪山有藥名善見見聞躡觸消衆疾若有見

聞於十力得勝功德到佛智

第二偈頌即屬第十見聞之益不頌顯名

受持顯名受持後文自頌此頌應在揀法

異喻之前以前長行鈎鎖顯名亦是見聞

益故若迴此偈於現瑞後與後偈相續文

理甚順四偈分二初一頌法說後三如次

頌前三喻

爾時佛神力故法如是故十方各有十不可

說百千億那由他世界六種震動所謂東踊
西沒西踊東沒南踊北沒北踊南沒邊踊中
沒中踊邊沒十八相動所謂動徧動等徧動
起徧起等徧起踊徧踊等徧踊震徧震等徧
震吼徧吼等徧吼擊徧擊等徧擊雨出過諸
天一切華雲一切蓋雲幢雲幡雲香雲鬘雲
塗香雲莊嚴具雲大光明摩尼寶雲諸菩薩
讚歎雲不可說菩薩各差別身雲雨成正覺
雲嚴淨不思議世界雲雨如來言語音聲雲
充滿無邊法界如此四天下如來神力如是
示現今諸菩薩皆大歡喜周徧十方一切世
界悉亦如是

大文第六現瑞證成於中二先現瑞後證
成今初先此界後類通動刹等數皆廣多
者應難思故

是時十方各過八十不可說百千億那由他
佛刹微塵數世界外各有八十不可說百千
億那由他佛刹微塵數如來同名普賢皆現
其前而作是言善哉佛子乃能承佛威力隨
順法性演說如來出現不思議法佛子我等

十方八十不可說百千億那由他佛刹微塵
數同名諸佛皆說此法如我所說十方世界
一切諸佛亦如是說

二是時十方下證成中二先果人證後因
人證所以具二者法玄妙故因果交徹之

刑一

十五

法故因圓果滿之法故前來諸會唯菩薩
者唯因行故發心品中唯果證者果之本
故初心成佛難信受故隨義各別所以互
無唯斯具二今初分四一現身二而作下
讚說三佛子我等下引說證成兼明結通

所說一說一切說故

佛子今此會中十萬佛刹微塵數菩薩摩訶
薩得一切菩薩神通三昧我等皆與授記一
生當得阿耨多羅三藐三菩提佛刹微塵數
衆生發阿耨多羅三藐三菩提心我等亦與
授記於當來世經不可說佛刹微塵數劫皆
得成佛同號佛殊勝境界我等爲令未來諸
菩薩聞此法故皆共護持如此四天下所度
衆生十方百千億那由他無數無量乃至不
可說不可說法界虛空等一切世界中所度
衆生皆亦如是

四佛子今此會下舉益證成於中四一得
因位果滿益一生得菩提故神通三昧即
十通十定故二佛刹微塵下得發心益與
遠記者不期速成故又前明一生即多之

一此辨多劫即一之多既一多圓融何定
劫數妄生多劫智日不遷苟執短長未期
成佛同號佛殊勝境者緣佛出現境故三
我等下護持久遠益四如下結益廣徧
爾時十方諸佛威神力故毗盧遮那本願力
故法如是故善根力故如來起智不越念故
如來應緣不失時故隨時覺悟諸菩薩故往
昔所作無失壞故今得普賢廣大行故顯現
一切智自在故

第二爾時十方下因人證於中四一明集
因前果人證承前現瑞之因故畧不叙今
此顯因果別故廣出集因文顯可知
十方各過十不可說百千億那由他佛刹微
塵數世界外各有十不可說百千億那由他
佛刹微塵數菩薩來詣於此充滿十方一切

法界

二十方各過下明現身雖來自十方而周徧法界則來即無來矣

示現菩薩廣大莊嚴放大光明網震動一切十方世界壞散一切諸魔宮殿消滅一切諸

惡道苦顯現一切如來威德歌詠讚歎如來

無量差別功德法普雨一切種種雨示現無量差別身領受無量諸佛法

三示現菩薩下辨其德用十句文顯

以佛神力各作是言善哉佛子乃能說此如來不可壞法佛子我等一切皆名普賢各從普光明世界普幢自在如來所而來於此彼一切處亦說是法如是文句如是義理如是宣說如是決定皆同於此不增不減我等皆以佛神力故得如來法故來詣此處爲汝作

證如我來此十方等虛空徧法界一切世界諸四天下亦復如是

四以佛神力下發言誠證皆同普者普法同故界佛名異者不失主伴故普光明者常寂光土無不徧故佛名普幢自在者本智高出無所不推事理無礙故兼示結通所說

爾時普賢菩薩承佛神力觀察一切菩薩大衆欲重明如來出現廣大威德如來正法不可沮壞無量善根皆悉不空諸佛出世必具一切最勝之法善能觀察諸衆生心隨應說法未曾失時生諸菩薩無量法光一切諸佛自在莊嚴一切如來一身無異從本大行之所生起而說頌言

大文第七爾時普賢下以偈總攝文中二

先叙意後正頌前中二先說儀後欲重下
 辨意欲重顯前十門出現故文有十句句
 各一門而約利生為次不等一成正覺二
 即法輪三是見聞生善此三正顯益故四
 即出現之法是前總門五即是心約智顯
 故六即圓音七即境界境界無量生光亦
 多八即涅槃動寂自在大般涅槃為佛莊
 嚴故九即是身約本說一故十即是行果
 中說因故
 一切如來諸所作世間譬喻無能及為令眾
 生得悟解非喻為喻而顯示
 如是微密甚深法百千萬劫難可聞精進智
 慧調伏者乃得聞此祕奧義
 若聞此法生欣慶彼曾供養無量佛為佛加
 持所攝受人天讚歎常供養

此為超世第一財此能救度諸羣品此能出
 生清淨道汝等當持莫放逸

後正頌中四頌初一頌說分中結酬以此
 總包十段意故後三頌顯名受持初句顯
 名餘皆勸持且分為三初偈歎深難聞次

一偈明聞由多善後偈舉勝勸持然此一

品文旨宏奧能頓能圓究眾生之本源罄
 諸佛之淵海根本法輪之內更處其心生

在金輪種中復為嫡子妙中之妙玄中之
 玄並居凡類之心小功而能速證安得自

欺不受長淪生死之中今聞解能欣尤須
加一

自慶昔善出現品竟

大方廣佛華嚴經疏鈔會本第五十二之四

音釋

興許救切以積子智切踊余隴切

鬘莫班切

鼻推氣也積聚也踊跳也

大方廣佛華嚴經疏鈔會本第五十三之一 刑二

唐于闐國三藏沙門實叉難陀 譯

唐清涼山大華嚴寺沙門澄觀撰述

離世間品第三十八

初明來意來意有三一分來前明修因契

果生解分則於法起解今明託法進修成

行分則依解起行義次第故二會來者前

會因圓果滿生解之終此會正行處世無

染通於始終故次來也三品來者前品出

現之果殊勝今明依依彼起行圓融故次來

也雖一分一會一品是同所對既殊來意

亦別

第二釋名亦有三別一分名者沒彼位名

但彰行法欲顯行位無礙前後圓融故以

名也

二會名者約法不異分名約處名三會普

光明殿之會第七重會會終歸始故雖越

四天同為生解之會今復重會通對彼分

始終依解成行故會普光而前分生解差

別故寄歷處以顯淺深今分起行圓融故

一會並收因果亦表成行不離普光明智

故此中不隔餘處何有重會之義若約次

第前時後時即是重義若約圓融就義名

重故不動前二而升四天二七相望亦何

所隔明知約義亦猶燈光涉入無礙亦似

燈炷重發重明約人名普慧普賢問答之

會第七重會下釋意明第七已曾重會故

今名三會而便明七八俱會普光而有

差別而前分下解妨文有二妨初有伏難

即重會不同妨謂有問言一種重會何以

前歷多會此唯一會答有二意一前約解

故須多今約行故須一以頓起故二前約

行布故歷位不同今約圓融故一會頓起

在文可思此中不隔餘處何有重會之義

即第二顯重會不成妨若約下答有二人前
 意一約行布不壞相違約時圓融下二就
 於此講續前豈非重耶若約初標可知故
 圓融門約義明重於中有三初標可知故
 不動下次及難以成謂汝向問意云第二
 至第七中隔四會故得名重第七第八中
 無有隔何得名重今謂第二望第七亦不
 越何者既不起覺樹而身四天天覺樹
 定是一時第六他化天後即說第七曾何
 隔越則二七不隔亦得名重今七八不隔
 何不名重明知約義者結成七八重會皆
 是約義而言不動前二者文中雖云不起
 覺樹以普光近覺樹故不別言之實則不
 起前二頓昇四天也亦猶燈光下第三以
 喻明也光雖涉入隨燈有異時處雖一約
 義不同以約圓融一時頓演故為此通亦
 以燈姓下復以喻顯前喻燈異光重此則
 燈一光異燈一喻於一處光重喻三會不
 三品名有二一得名二釋名今初又二

一異名下文十義至彼當辨有別行本名
 度世經度即離義又有別行名普賢菩薩
 答難二千經此就能離人法受稱答難二千經者
 準度世品普智菩薩白言世尊諸來菩薩
 遠者無礙中下之士各懷猶豫各心念言
 事物繁鬧不知何事可捨可奉願佛分
 佛歡善哉當為汝說佛言普智用有二故

故問二百答以二千問二百者有神貪身
 計有吾我內有外有無則有權慧開化無際
 皆除吾我內外有無則有權慧開化無際
 答二千者十方一切皆來集會其心各異
 意行不同違者聞要則以至道不能違者
 為演多辭曉諭文說牽攀義旨自所觀形
 以喻其意乃得解慧此經乃在遍字函中
 文只六卷長行文畢後有二百三十二頌
 義甚 二正辨本稱總由超絕世染故受其
 富贖

名別有三義一約法二約行三約位約法
 之中先世後離世有三類一約事相有二
 世間謂器及有情此約依正分之二約麤
 細亦二一有為世間二無為世間此約分
 段變易分之以變易非三有攝名之無為
 故勝鬘云有為生死無為生死然麤細雖
 殊體不出二三約染淨有三於初二中加
 智正覺示同世間不同世故如地論辨二
 明離者離有二義一性離世間性空即是
 出世間故二明事離行成無染故力林頌

云三世五蘊法說名為世間彼滅非世間如是但假名滅通二義於事離中有似離真離分離全離次下當辨二約行者略為四句一隨二離三俱四泯言隨者凡夫沉溺世蘊非離非隨二乘無悲不能隨世雖離非真菩薩能隨方為真離故以隨釋離二離者有大智故了世性離處而不染亦異凡小三俱者悲故常行世間智故不染世法既以世與性離無二為其境故以悲智無二為其行境行融通有其三句一悲無不智則世無不離是以常在世間未曾不出二智無不悲故離無不世是以恒越世表無不遊世三雙融故動靜無二唯是一念所謂無念無念等故世與出世無有障礙四俱泯者謂境既世與性離形奪兩

亡故令悲智俱融二念雙絕又由境行相由形奪齊離則絕待離言融前四句皆無障礙方為真離世間也三約位者凡夫染而非離二乘分離非真謂果離分段因唯事離非今所明菩薩具上真行可得名離而非究竟唯佛為離故經云佛常在世間而不染世法然今文中備六位之行即是行離行所依位即是位離故若事若理若因若果皆名離也世間性空者即是淨名不二法門分別世間故敬禮無所觀二明事下引十行偈義則可知度世品云品名度者一切衆生閉在世間刑二五陰六衰之所覆蓋纏綿生死不能自拔以權方便智度無極消去五陰捐棄六衰不計吾我不在生死不住滅度譬如日月晝夜演光權慧如是忽然無跡德如虛空然今文中者就別得名中二一上別顯三義二次下會釋經文明具三義若事若理下即是總結然若事即前事離若理即前性離此正約法因果即熟結行位也

二釋名者約法事離無他受稱離非世間

即相違釋若約性離通持業釋約行四句
 前三句俱通持業相違二事理離故泯句
 並非六釋亦可持業泯即離故然此釋名
妙則妙矣
 易則易焉故不委釋第三宗趣頓彰六位理事二離
 為宗令體性離頓成真離究竟為趣

爾時世尊在摩竭提國阿蘭若法菩提場中
 普光明殿坐蓮華藏師子之座

第四釋文長科十分一序分二三昧分三
 發起分四起分五請分六說分七結勸分
 八現瑞分九證成分十重頌分今初有三

一器世間圓滿義如前釋二妙悟下智正
 覺世間圓滿三與不可說下眾生世間圓
 滿

妙悟皆滿二行永絕達無相法住於佛住得
 佛平等到無障處不可轉法所行無礙立不

思議普見三世身恒充徧一切國土智恒明
刑二
 達一切諸法了一切行盡一切疑無能測身
 一切菩薩等所求智到佛無二究竟彼岸具
 足如來平等解脫證無中邊佛平等地盡於
 法界等虛空界

二中明佛二十一種殊勝功德廣引諸論
 已見升兜率品今但略明初句為總具下

二十一種功德故云妙悟皆滿二中明佛
下既指前

釋有疑當尋彼
疏鈔不繁重舉後二行下別於中前四自

利餘皆利他前中一智德二斷德三恩德

四作用平等德今初二行永絕即於所知

一向無障轉功德佛地經名不二現行不

字此宜言無即永絕義謂佛智德離所知

障非如聲聞極遠時處等有不知故有知

不知即是二行今無不知故云永絕二達

無相法則於有無無二相真如最勝清淨
能入功德彼經名趣無相法趣謂趣入即
此達義然無相法體即真如無彼有無二
相故名無相諸法中最淨無客塵令自他
入勝於二乘名最勝清淨三住於佛住者

即無功用佛事不休息功德世親云謂住
佛所住無所住處此即釋經於此住中常
作佛事無有休息此即解論四得佛平等
即於法身中所依意樂作事無差別功德
謂諸佛有三事無差一所依智同二益生
意樂同三報化作業同故云平等五到無
障處則修一切障對治功德世親云謂一
切時常修覺慧對治一切障故此明覺慧
爲能治一切障即二障爲所治六不可轉
法即降伏一切外道功德謂教證二道他

不能動故七所行無礙即生在世間不爲
世法所礙功德謂利衰等八法不能拘故
八立不思議即安立正法功德謂安立十
二分教餘不能思故九普見三世即授記
功德謂記別過未皆如現在故十身恒充

滿一切國土即一切世界示現受用變化
身功德謂二種身徧二種國故十一智恒
明達一切諸法即斷疑功德謂自於一切
境善決定故能決他疑十二了一切行即
令入種種行功德二釋攝論易故不解意
云徧了一切有情性行隨根令入故十三
盡一切疑即當來法生妙智功德謂聲聞
言其全無善根如來知其久遠微善後當
生故十四無能測身即如其勝解示現功
德謂隨諸有情種種勝解現金色等身雖

現此身而無分別如末尼等故無能測十五一切菩薩等所求智即無量所依調伏有情加行功德謂由無量菩薩所依爲欲調伏諸有情故發起加行佛增上力聞法爲先獲得妙智異類菩薩攝受付囑展轉

列二

七

傳來相續無間而轉由此證得一切菩薩等所求智意云佛智爲一切菩薩等所求故十六到佛無二究竟彼岸即平等法身波羅蜜多成滿功德平等即無二義無二法身爲波羅蜜多所依十七具足如來平等解脫即隨其勝解示現差別佛土功德此中解脫即是勝解隨物勝解所宜如來勝解能現金銀等土佛佛皆然故云平等十八證無中邊佛平等地即三種佛身方處無分限功德世親云謂佛法身不可分

限爾所方處受用變化亦不可說爾所世界十九盡於法界即窮生死際常現利樂一切有情功德二十等虛空界即無盡功德謂佛實智如空無盡故今經缺最後窮未來際總別合有二十一句義如前說然佛地攝論約受用身此約十身所以知者處摩竭提國是變化土而歎受用功德明知二身二國本相融故不要地前地上則五位通見故

與不可說百千億那由他佛刹微塵數菩薩摩訶薩俱皆一生當得阿耨多羅三藐三菩提各從他方種種國土而共來集

第三衆生世間圓滿中二先舉數歎德後其名下列名歎德前則多人具德後則勝人具德前中二先舉數揀定

前則多人者以舉多數次

即歎故後列普賢諸
勝上人而歎德故

悉具菩薩方便智慧

二悉具菩薩下歎具勝德分三初總標二

所謂下別顯後成就下總結

所謂善能觀察一切衆生以方便力令其調

伏住菩薩法善能觀察一切世界以方便力

普皆往詣善能觀察涅槃境界思惟籌量永

離一切戲論分別而修妙行無有間斷善能

攝受一切衆生善入無量諸方便法知諸衆

生空無所有而不壞業果善知衆生心使諸

根境界方便種種差別悉能受持三世佛法

自得解了復爲他說於世出世無量諸法皆

善安住知其真實於有爲無爲一切諸法悉

善觀察知無有二

別中十九句皆不出方便智慧分二前十

歎自分德後於一念下九句勝進德今初
前八皆有慧方便依體起用故前五以善
能爲句首六知空不壞業果七知根器別
明識病八持法化之後二明有方便慧皆
即事歸實

於一念中悉能獲得三世諸佛所有智慧於

念念中悉能示現成等正覺令一切衆生發

心成道於一衆生心之所緣悉知一切衆生

境界雖入如來一切智地而不捨菩薩行諸

所作業智慧方便而無所作爲一一衆生住

無量劫而於阿僧祇劫難可值遇轉正法輪

調伏衆生皆不唐捐三世諸佛清淨行願悉

已具足成就如是無量功德一切如來於無

邊劫說不可盡

後勝進中初句總明速成果智餘皆果智

之用及後總結文並可知

其名曰普賢菩薩普眼菩薩普化菩薩普慧菩薩普見菩薩普光菩薩普觀菩薩普照菩薩普幢菩薩普覺菩薩如是等十不可說百千億那由他佛刹微塵數皆悉成就普賢行願深心大願皆已圓滿一切諸佛出興世處悉能往詣請轉法輪善能受持諸佛法眼不斷一切諸佛種性善知一切諸佛興世授記次第名號國土成等正覺轉於法輪無佛世界現身成佛能令一切雜染衆生皆悉清淨能滅一切菩薩業障入於無礙清淨法界

第二列名歎德中二初列名結數二皆悉下歎德文有十句初總餘別別中一契理願圓普眼滿故二攝法上首為普化故三受持正法有普慧故四不斷佛種普見有

性故五知佛化儀光普徹故六示現成佛觀見無故七淨染機照其源故八摧他障有智幢故九證法界覺法性故上之九句別明則初句為願餘八為行通說則皆普賢願宿誓今滿故如十大願並普賢行現緣所作故故總句云成就行願又此十句十人通具文云皆悉成故亦句顯一人之德當釋名故故總句為普賢餘九如次前已配釋餘九如次者如前一契理願圓即是釋德普眼滿故即是屬人二攝法上首即是顯德為普化故即普化菩薩三受持正法即是顯德有普慧故即是等菩薩刑二

爾時普賢菩薩摩訶薩入廣大三昧名佛華莊嚴

大文第二爾時普賢下三昧分普賢入者是會主故說普行故佛華嚴者萬行披敷

嚴法身故即以法界行門心海為體持無

限故說法成行發起為用依此能故佛華嚴下

釋佛華嚴三昧華者菩薩萬行也以因能感果故言如華嚴者行成果滿契合相應

垢障外消證理圓潔隨用讚德故稱嚴也

三昧者理智無二交徹豁融彼此俱亡能所斯絕故亦可華即是嚴理智無礙故華嚴即三昧以行融離見故華即是嚴一行

頓修一切行故華嚴三昧即多而不礙一故華嚴即三昧以定亂雙融故三昧即華嚴理智如故晉經云一切自在難思議華嚴三昧勢力故此即據行為言名華嚴三昧如賢首品

入此三昧時十方所有一切世界六種十八

相動出大音聲靡不皆聞

大文第三入此三昧時下明發起分先明

地動警群機故後顯出聲令闡法故前皆

有加而無發起此有發起而無加分者前

表解可從他故有他加此表行由已立故

自力發起又表行依解起無別法故不加

攝解成行亦須入定聖旨多端不可一準十一

前皆有加下上界釋文此下對前料揀然有二意前意自他對說後意亦通伏難難

云前釋入定云為受佛加故今無佛加何須入定故為此通結云多端不可例難

然後從其三昧而起

大文第四然後從下起分三義如前

爾時普慧菩薩知眾已集問普賢菩薩言

大文第五爾時普慧下請分分三初標問

意二佛子下正顯問端三善哉佛子下結

請願說今初當機眾集說法時至此為問

意何以前來諸會先問後定今乃翻此此

有二意一說儀無定前表重法感而後應

此明悲深觀機欲說眾既已集故先入定

令知說主二約所表則前明從相入實以

成正解此中依體起用以成正行故不同

也普慧問者稱法界慧能發行故一人問

者行獨已成非如解故

佛子願爲演說何等爲菩薩摩訶薩依何等爲奇特想何等爲行何等爲善知識何等爲勤精進何等爲心得安隱何等爲成就衆生何等爲戒何等爲自知受記何等爲入菩薩何等爲入如來何等爲入衆生心行何等爲入世界何等爲入劫何等爲說三世何等爲知三世何等爲發無疲厭心何等爲差別智何等爲陀羅尼何等爲演說佛何等爲發普賢心何等爲普賢行法以何等故而起大悲何等爲發菩提心因緣何等爲於善知識起尊重心何等爲清淨何等爲諸波羅蜜何等爲智隨覺何等爲證知何等爲力何等爲平等何等爲佛法實義向何等爲說法何等爲持何等爲辯才何等爲自在何等爲無著性

何等爲平等心何等爲出生智慧何等爲變化何等爲力持何等爲得大欣慰何等爲深入佛法何等爲依止何等爲發無畏心何等爲發無疑惑心何等爲不思議何等爲巧密語何等爲巧分別智何等爲入三昧何等爲徧入何等爲解脫門何等爲神通何等爲明何等爲解脫何等爲園林何等爲宮殿何等爲所樂何等爲莊嚴何等爲發不動心何等爲不捨深大心何等爲觀察何等爲說法何等爲清淨何等爲印何等爲智光照何等爲無等住何等爲無下劣心何等爲如山增上心何等爲入無上菩提如海智何等爲如寶住何等爲發如金剛大乘誓願心何等爲大發起何等爲究竟大事何等爲不壞信何等爲授記何等爲善根迴向何等爲得智慧何

等爲發無邊廣大心何等爲伏藏何等爲律
儀何等爲自在何等爲無礙用何等爲衆生
無礙用何等爲刹無礙用何等爲法無礙用
何等爲身無礙用何等爲願無礙用何等爲
境界無礙用何等爲智無礙用何等爲神通
無礙用何等爲神力無礙用何等爲力無礙
用何等爲遊戲何等爲境界何等爲力何等
爲無畏何等爲不共法何等爲業何等爲身
何等爲身業何等爲身何等爲語何等爲淨
修語業何等爲得守護何等爲成辦大事何
等爲心何等爲發心何等爲周徧心何等爲
諸根何等爲深心何等爲增上深心何等爲
勤修何等爲決定解何等爲決定解入世界
何等爲決定解入衆生界何等爲習氣何等
爲取何等爲修何等爲成就佛法何等爲退

刑二

十三

失佛法道何等爲離生道何等爲決定法何
等爲出生佛法道何等爲大丈夫名號何等
爲道何等爲無量道何等爲助道何等爲修
道何等爲莊嚴道何等爲足何等爲手何等
爲腹何等爲藏何等爲心何等爲被甲等
爲器仗何等爲首何等爲眼何等爲耳何等
爲鼻何等爲舌何等爲身何等爲意何等爲
行何等爲住何等爲坐何等爲卧何等爲所
住處何等爲所行處何等爲觀察何等爲普
觀察何等爲奮迅何等爲師子吼何等爲清
淨施何等爲清淨戒何等爲清淨忍何等爲
清淨精進何等爲清淨定何等爲清淨慧何
等爲清淨慈何等爲清淨悲何等爲清淨喜
何等爲清淨捨何等爲義何等爲法何等爲
福德助道具何等爲智慧助道具何等爲明

足何等為求法何等為明了法何等為修行
 法何等為魔何等為魔業何等為捨離魔業
 何等為見佛何等為佛業何等為慢業何等
 為智業何等為魔所攝持何等為佛所攝持
 何等為法所攝持何等為住兜率天所作業

刑二

十四

何故於兜率天宮歿何故現處胎何等為現
 微細趣何故現初生何故現微笑何故示行
 七步何故現童子地何故現處內宮何故現
 出家何故示苦行云何往詣道場云何坐道
 場何等為坐道場時奇特相何故示降魔何
 等為成如來力云何轉法輪何故因轉法輪
 得白淨法何故如來應正等覺示般涅槃
 第二正顯問端中有二百句其別行度世
 經別作六番問答番番之中皆先問次答
 後動地現瑞顯益證成古來諸德皆依彼

文用科此經以為六段初二十句問十信
 行二從發普賢心下二十句問十住行三
 從力持下三十句問十行之行四從如寶
 住下二十九句問十迴向行五從身業下
 五十句問十地行六從觀察下五十一句

問因圓果滿行其第四段中句雖三十以

無礙用一句是總標虛句故此有五十一

句以無礙用者次下別問衆生無礙用等

十問下文各以十句答之其無礙用句

即用衆生無礙用等此經總三編說六位

刑二

十五

此當第二約行說也以普賢行該六位故
 故度世經初請云唯願解說諸菩薩行從
 始至終令無疑故彼經雖不配於信等既
 云從始至終末後復明成佛則知決是六
 位之行此經所以不問答相間者意取位
 中之行不取位故如下圓融若尅定約位

何殊差別因果此經上下及本業經等判於六位皆以信未入位十住為首謂三賢十聖等妙覺故今何不開等覺而取信耶此有深意彼及此前意在於位取位成說今此意明於行故十信之行正居行始等

覺之位有其三義或攝屬前十地勝進或攝屬後即名佛故或別開位無垢地故今為說行攝屬因圖之中故五十一句唯後四句屬妙覺位餘皆等覺若爾此中依言依菩提心等豈非發心住耶此難尤非第

二段初發普賢心豈非發心住耶十信之初豈無發心耶故賢首云菩薩發意求菩提非是無因無有緣等正是發心所依不究斯旨空張援據此經下上直科釋今出明言三遍說者一差別因果是於中五一正下法界品寄位修行為第三遍故此為

第二既云此約行說則知前約解說後約證說也故度世下二引證證其二義一證約行云諸菩薩行二證六位云從始至終彼經雖不下三遍伏難恐有難云既云始終何必配信等故為此通此經所以四會今經亦是通妨妨云彼中別問答縱許配位此中通問何得例彼故為此通此經上下五會異釋即破刊定於中有二先叙彼問即刊定問然其問意不問十信從十住問亦為六段謂前四三賢十聖後二

即等妙二覺則今六段盡皆不同謂以信為住以住為行以行為向以向為地以地為等覺以因圖果滿為妙覺此判既乖即知苑公於此一品經不解一句以判六段盡皆錯故此有深意下二疏為會釋即答其問也於中有五一總明為行故初有十信等覺之位下釋不開等覺所以雖舉三義而取第三別開但攝在第六因圖之中若圖中下三即出刊定救義欲令初是問十住故此難尤非下四破所引之文不得

文意不究斯旨下五結彈援者註引也引文不當義旨全乖故上判其不解一句以信為住明不解信亦不解住以住為行明不解行亦不解住等故一品經不解一句善哉佛子如是等法願為演說

爾時普賢菩薩告普慧等諸菩薩言

大文第六爾時普賢菩薩告下說分中二

先總告二佛子下正答答前門二百問問
一答十以顯無盡成其二千普賢勝行故

英公云雲興二百問瓶瀉二千酬英公云

九會禮讚第八會云法門當再席法兩更
滂流懸河二百問瓶瀉二千酬一心窮性
海萬行炳齊修五位因成滿八相果圖釋
周今畧舉二句復改懸河作雲興字

此二千略為五門一約因果二分行位三

顯普別四明統收五辨行相前問例此今

初有四一約大位前五為因後一為果或

後四門為果餘皆是因二約細辨一一皆

徹佛果故諸文末皆結得佛是則二千並

通因果三或總屬因普賢位行示成佛故

四或皆屬果下文多云雖得成佛不斷菩

薩行故普賢行位通向
四門是果之義二分行位者亦有

四義一東行成位分成六分故二總屬位

收以行並是位中行故三總屬行普賢行

刊二

十七

體不依位故四一行徧六位位通修故

如此無礙方為普賢行然文正顯後二以

攬行成位位虛行實故故問答併舉不分

六者意在此也

三普別者謂一行相必徧一切然恒不雜

不雜故別義殊分必徧故普義該攝猶如

錦文眾色成文常普常別縷縷交徹非如

繡成行法亦爾即普是別即別成普皆無

障礙若爾此則普別具足何以獨名普賢

行耶非謂守普而不能別亦非作別而失

於普實謂能別而不壞普故名普賢行也

又普必有別但語一別未必有普如一縷

非錦非是錦中縷故若爾此則下上正釋
普別此下通妨後非

謂守普下解釋釋有二意一別不失普故
名普賢不名別賢二又普必有別下明別
不必普普能攝別故名普賢如一縷下出
別無普以縷外之縷或別不必普則有縷

未必有錦有錦必有其縷兼成
前義別不失普是普中別故 四統收攝

者復有四重一以位收位六位各各收一切位故一位即具二千為萬二千行也上云一地之中具足一切諸地功德二以門收門即二百門一一各收一切門即成二

百二百為四萬行三以行收行一行具一切行則有二千箇二千行成四兆行四以略攝廣此二千行下頌結云如大地一塵以此一塵之略說不離十方之廣地是故攝廣亦無不盡此乃等無極之法界越無

際之虛空下頌云虛空可度量菩薩德無

盡斯之謂矣

此乃等下結歎

佛子菩薩摩訶薩有十種依何等為十

五辨行相即隨文釋釋寄相別即分六段今初二百句答前信行二十句問文分三

別初九門明自分行滿二入諸菩薩下八

門勝進行圖三差別智下三門明二行究

竟今初一門一類即為九段首明依者起

行所依故謂依託菩提心等成萬行故賢

首品云菩薩發意求菩提非是無因無有

緣等然二百門多分五別一總標二徵數

三列釋四結數五顯修勝益或缺後二或

缺第五至文當知今此依中文具有五初

二可知

今初一門下文中有四初總標二首明下辨初門來意三然二百下總科諸段四今此下正釋經文

所謂以菩提心為依恒不忘失故以善知識

為依和合如一故以善根為依修習增長故

以波羅蜜為依具足修行故以一切法為依

究竟出離故以大願為依增長菩提故以諸

行為依普皆成就故以一切菩薩為依同一

智慧故以供養諸佛為依信心清淨故以一切如來為依如慈父教誨不斷故是為十

就列釋中十句各先標名後釋義一依菩提心者十皆名依已為眾行之首而菩提心復是十中之初以是萬行之本故貫二

刑二

十九

千之首釋云不忘失者忘失菩提心修諸善根則是魔業故依斯不忘能成萬行此句為總二上雖內有勝心若外不依善友行亦無成故大聖謂善財言求善知識是無上菩提最初因緣釋云如一者若不心行符契豈為我友三若不增修善根遇友何益四隨所修善須到彼岸五非獨十度觸境皆通上四自利六願七行並通自他上皆依法後三依人八勝侶智同九十唯佛究竟為所依處故淨心供養以成福德

長稟慈訓以成智嚴又前五自分後五勝進六廣菩提心七廣三四五後三廣第二四結可知不忘失菩提心下即五十八經若諸菩薩安住此法則得為如來無上大智所依處

五顯修勝益者由依上十成佛大智為一切所依斯為勝益豈得不修故亦名勸修佛子菩薩摩訶薩有十種奇特想何等為十所謂於一切善根生自善根想於一切善根生菩提種子想於一切眾生生菩提器想於一切願生自願想於一切法生出離想於一切行生自行想於一切法生佛法想於一切語言法生語言道想於一切佛生慈父想於一切如來生無二想是為十若諸菩薩安住此法則得無上善巧想

第二奇特想者前依因緣以成諸行今依勝想以攝善根翻妄想源次所依故並出常想受奇特名即上文中常欲利樂諸眾生等利益之想也十中一以他善同己者隨喜於他情無彼此故互為主伴相資益故同體性故即我所行故自他相即故四六願行亦然二一毫微善皆是佛因故法華中舉手低頭皆已成佛三下至闡提皆有佛性故五思益云知離名為法故七諸性相法佛所證故文殊云我不見一法非佛法者皆不可得故諸軌儀法皆佛所流涅槃云外道之法亦如來正法之餘故八因言契理而理非言故名言道九佛以覺他圓滿故為慈父十如來即諸法如義故無有二益中無想之想名善巧想一毫之善者迴

同已釋故文殊云我不見一法下即大般若曼殊室利分前亦已引涅槃云者初卷宗中已引文意

佛子菩薩摩訶薩有十種行何等為十所謂一切眾生行普令成熟故一切求法行咸悉修學故一切善根行悉使增長故一切三昧行一心不亂故一切智慧行無不了知故一切修習行無不能修故一切佛刹行皆悉莊嚴故一切善友行恭敬供養故一切如來行尊重承事故一切神通行變化自在故是為十若諸菩薩安住此法則得如來無上大智慧行

列三

三

第三十種行依勝想之解造修大行想唯在心行通三業空想不行亦無成辦即上文中修學處也釋中唯九者準晉本此脫第三善學一切戒具十為五對一下化上

求二止惡進善三妙止深觀四修因嚴刹
五敬友事師

佛子菩薩摩訶薩有十種善知識何等爲十
所謂令住菩提心善知識令生善根善知識
令行諸波羅蜜善知識令解說一切法善知
識令成熟一切衆生善知識令得決定辯才
善知識令不著一切世間善知識令於一切
劫修行無厭倦善知識令安住普賢行善知
識令入一切佛智所入善知識是爲十

第四善知識者行起必依善友故次明之
未知善令知未識惡令識故凡所順益皆
我善友故十皆益也上云即得親近善知
識是

佛子菩薩摩訶薩有十種勤精進何等爲十
所謂教化一切衆生勤精進深入一切法勤

精進嚴淨一切世界勤精進修行一切菩薩
所學勤精進滅除一切衆生惡勤精進止息
一切三惡道苦勤精進摧破一切衆魔勤精
進願爲一切衆生作清淨眼勤精進供養一
切諸佛勤精進令一切如來皆悉歡喜勤精
進是爲十若諸菩薩安住此法則得具足如
來無上精進波羅蜜

第五精進者行友既具必須策勤於此十
事離身心相而進修不雜故上云勤修佛

功德

附三

三

佛子菩薩摩訶薩有十種心得安隱何等爲
十所謂自住菩提心亦當令他住菩提心心
得安隱自究竟離忿諍亦當令他離忿諍心
得安隱自離凡愚法亦令他離凡愚法心得
安隱自勤修善根亦令他勤修善根心得安

隱自住波羅蜜道亦令他住波羅蜜道心得
安隱自生在佛家亦當令他生於佛家心得
安隱自深入無自性真實法亦令他入無自
性真實法心得安隱自不誹謗一切佛法亦
令他誹謗一切佛法心得安隱自滿一切
智菩提願亦令他滿一切智菩提願心得安
隱自深入一切如來無盡智藏亦令他入一
切如來無盡智藏心得安隱是爲十若諸菩
薩安住此法則得如來無上大智安隱

第六心得安隱進成二利故獲心安自利
故智心安利他故悲心安即上文增上最
勝心中中初一行本次二離過一無諍三
昧離一切諍二越凡小凡謂凡夫愚即愚
法小乘次二進善次三證入一入位二入
法三入益謂諍有二義一麤言此非佛說

等其過彌大二細謂說不契實其過則微

若無細諍證實方能後二因圓果滿得益

中究竟安隱謂菩提涅槃

即是益也

三入益者以得證實方無細諍

佛子菩薩摩訶薩有十種成就衆生何等爲

十所謂以布施成就衆生以色身成就衆生

以說法成就衆生以同行成就衆生以無染

著成就衆生以開示菩薩行成就衆生以熾

然示現一切世界成就衆生以示現佛法大

威德成就衆生以種種神通變現成就衆生

以種種微密善巧方便成就衆生是爲十菩

薩以此成就衆生界

第七成就衆生者上通明二利心安今別

明利物成就故上云則能慈愍度衆生然

有二義一以此十通用成就一切衆生二

各成一類衆生謂一成就慳貪貧窮衆生
 二成恃形色嬌慢衆生三疑法四佞戾五
 貪愛六樂二乘七不樂嚴刹八不欣佛果
 九邪歸依十邪智狡猾以經中十法如次
 成就

佛子菩薩摩訶薩有十種戒何等爲十所謂
 不捨菩提心戒遠離二乘地戒觀察利益一
 切衆生戒令一切衆生住佛法戒修一切菩
 薩所學戒於一切法無所得戒以一切善根
 迴向菩提戒不著一切如來身戒思惟一切
 法離取著戒諸根律儀戒是爲十若諸菩薩
 安住佛法則得如來無上廣大戒波羅蜜

第八戒者欲成就衆生須自止惡行善十
 中若忘菩提心乃至諸根犯境皆名破菩
 薩戒故上云堅固大悲心則不破也此十

三聚如應思之

刑二

佛子菩薩摩訶薩有十種受記法菩薩以此
 自知受記何等爲十所謂以殊勝意發菩提
 心自知受記永不厭捨諸菩薩行自知受記
 住一切劫行菩薩行自知受記修一切佛法
 自知受記於一切佛教一向深信自知受記
 修一切善根皆令成就自知受記置一切衆
 生於佛菩提自知受記於一切善知識和合
 無二自知受記於一切善知識起如來想自
 知受記恒勤守護菩提本願自知受記是爲
 十

第九受記法者既離過德成自驗已行必
 招當果故自知受記故上云若得無生深
 法忍則爲諸佛所授記即此中一義一見
 理深悲即發心殊勝得果無疑若因他厭

苦則非殊勝未定得記二無厭修三長時
修四無餘修五契理修餘五可知於此十
中隨有其一即自知得記此辨得記之行
非顯受記相殊如瑜伽等又此約十信橫
具餘約豎位不同非顯受記如下五十
五經不壞迴向中十種

受記中說瑜伽即當菩薩地由六相故佛
為授記一安住種性未發心位二已發心
位三現前住四不現前生五有定時限謂
爾所時證菩提六無定時限謂不說時限
與授記又善戒經非種性人亦得授記如
不輕授四來記種性如十信得記又此約
下結成上義則得授記
輸伽豎說授記相殊 上來自分行竟

佛子菩薩摩訶薩有十種入諸菩薩何等
為十所謂入本願入行入聚入諸波羅蜜入
成就入差別願入種種解入莊嚴佛土入神
力自在入示現受生是為十菩薩以此普入
三世一切菩薩

第二八門明勝進行中既自分行成故勝

進入諸所入之處等即為八段今初入菩
薩入有二義一證得義二觀達義入因則
通證通達入果唯達未證此下五門皆是
智入四五二入亦通身入今此即是入因
所以入者即彼所修是我所修互相資益
為同行故故度世經名不相求短即上文
中神通深密用等四結可知

佛子菩薩摩訶薩有十種入諸如來何等
為十所謂入無邊成正覺入無邊轉法輪入
無邊方便法入無邊差別音聲入無邊調伏
衆生入無邊神力自在入無邊種種差別身
入無邊三昧入無邊力無所畏入無邊示現
涅槃是為十菩薩以此普入三世一切如來
第二入諸如來是入果所以入者必當證
入故上云則以佛德自莊嚴

佛子菩薩摩訶薩有十種入衆生行何等爲十所謂入一切衆生過去行入一切衆生未來行入一切衆生現在行入一切衆生善行入一切衆生不善行入一切衆生心行入一切衆生根行入一切衆生解行入一切衆生煩惱習氣行入一切衆生教化調伏時非時行是爲十菩薩以此普入一切諸衆生行

第三入衆生行前二入能化此明入所化心行等上云悉能調伏諸衆生等問中脫於行字行有多種如文可知十時非時謂熟未熟等不知時者非大法師

佛子菩薩摩訶薩有十種入世界何等爲十所謂入染世界入淨世界入小世界入大世界入微塵中世界入微細世界入覆世界入仰世界入有佛世界入無佛世界是爲十菩

薩以此普入十方一切世界

第四入世界對佛是依報對生是化處上云普隨諸趣而現身結云普入者不離此十故一時頓入非前後故

佛子菩薩摩訶薩有十種入劫何等爲十所謂入過去劫入未來劫入現在劫入可數劫入不可數劫入可數劫即不可數劫入不可數劫即可數劫入一切劫即非劫入非劫即一切劫入一切劫即一念是爲十菩薩以此普入一切劫

第五入劫者即是化時此下三門皆是成刊三上一念悉知無有餘也十中前五直入後七五約相即入此相即入有二意一彼劫相即智入彼故二由彼劫相攝相入故但入能攝即入彼所攝等餘如前發心品

佛子菩薩摩訶薩有十種說三世何等為十所謂過去世說過去世過去世說未來世過去世說現在世未來世說過去世未來世說現在世未來世說無盡現在世說過去世現在世說未來世現在世說平等現在世說三世即一念是為十菩薩以此普說三世

第六說三世者前劫此世長短有異通皆時分並是十世隔法異成十中前九別後一總別中三世各三故成九世未來是續起法故未來未來名為無盡過去已起故過去過去不名無盡現在現在即事可見例過未之現在故云平等過未之現在非可見故但對前後立現在名然此三世何以成九古人釋云義說為九實唯有五意云如五日相望前三為過去

三世從後取二為未來三世處中取三為現在三世若依此釋進無九世之體退過三世之數云何一念得具九耶今謂若不令九緣起相由但以三世緣起相由即九世成矣謂過去因現未則過去之中有現未現未各因二世亦然是以三世各三故中觀云若法所因出是法不異因中論破執則一中有三為過此明離過之用則一中有三為德以病成藥豈不良哉今謂已下四中正義於中有三一具約九世緣起相由昔設用九日而為九世於理無違謂過去下初正明也是中論破時品意謂小乘立有實時菩薩以相待門破之若因過去時有未來現在未來現在時應名為過去若過去時中無未來現在未來現在時云何因過去釋曰此中論意以過去為因現未為果由因有故無二時前偈縱成則果應名因亦因中有果後偈奪其因既不名為果則果不從於因亦應以現在為因過未為果未來為因過未為果但長行例耳今疏具明而以一為果

以二為因初以過去為果現未為因過去
 果中應有因起故下引證云若法所因出
 是法不異因則果不異因是果中有因也
 次現未下例釋二世為果亦各用二世為
 因謂現在果因於過未未來之果因過現
 也從是以三世各有三者總結故中觀云
 下二引證即是第二論觀合品具云異因
 異有異異離異無異若法所因出是法不
 異因十通品已引此中但取果不異因之
 一義耳如因梁椽以成於舍梁椽若壞則
 舍亦壞果不異因故若果不異因則過去
 為果則應名現未現未即是過去因故中
 論破執下第三解妨妨云此是中論破時
 則果中有因因中有果皆成雜亂既不
 有明無定時今何將過以為其德故有此
 通遺執成德二義懸差若執三時有定性
 者尚不能見無性之理安知一中即具三
 耶今由無性方互相由成無盡耳以病成
 下結讚總云一念者前之九世相望以立
 其能

今攝末歸本不離一念即此一念現在是
 過去未來是未來過去自具三世三世相
 白九十具矣故以一融九雖九而常一以
 九別一雖一而常九九一無礙沒果絕言
 假十圓融為入門矣況積念成世念外無

世耶又無念等故又法性同故此有四義
 後三通於餘宗即此一念下成其九十先
 後而其三世全在一中一中之三更互相
 因故為九世本之一念故為十平故以一
 下以約對九互融相成結成上義九約於
 障礙體用相奪離九一相故同果海餘十
 圓下收前正義亦是釋疑云既以絕言
 而為果海何要十耶故今釋云假之為門
 則是說大同果絕言即教義大也上即圖教
 之義二况積念下即始教義三又無念等
 故即煩教義四又法性同故即終教義故
 結云有四後三通餘宗謂法相無相大乘
 等宗也上取同義若取別義第四法性同
 故即是理性融通之門乃圓教義故云後
 三通於餘宗非全同餘宗則顯二三亦是
 此宗同教一乘若作法緣起緣起無性即真
 九世時無別體唯依緣起緣起無性即真
 法性理融通故今時融通無礙自在畧有
 四重一相泯俱盡二相與兩存三相隨互
 攝四相是互即初中以本從末唯事而無
 理以末從本唯理而無事二中全事之理
 非事故一相無時全理之事非理故九世
 不亂三中由隨事之理故今一時能容一
 切時由隨理之事故今一切時隨理入一
 時中多一反上互入可知四中由即理之
 事故今一時即一切時唯理無物可相即入唯事
 一切時即一時唯理無物可相即入唯事

相礙不可即入要以事理相
從無礙方有即入思之可見

佛子菩薩摩訶薩有十種知三世何等爲十
所謂知諸安立知諸語言知諸談議知諸軌
則知諸稱讚知諸制令知其假名知其無盡
知其寂滅知一切空是爲十菩薩以此普知

一切三世諸法

第七知三世者前之二段明法上之時此
辨時中之法即化生之法隨彼安立而化
故是上所知之法故晉經名三世間度世
經名入於三處皆意取其中事也十中初
七知安立諦次一通二成上安立事無有
盡生下非安立性無可盡後二句知非安
立

佛子菩薩摩訶薩發十種無疲厭心何等爲
十所謂供養一切諸佛無疲厭心親近一切

刑三

三

善知識無疲厭心求一切法無疲厭心聽聞
正法無疲厭心宣說正法無疲厭心教化調
伏一切衆生無疲厭心置一切衆生於佛菩
提無疲厭心於一一世界經不可說不可說
劫行菩薩行無疲厭心遊行一切世界無疲
厭心觀察思惟一切佛法無疲厭心是爲十
若諸菩薩安住此法則得如來無疲厭無上
大智

第八無疲厭心既所化無邊求法化之而
無厭怠由上即知煩惱無所起故十中初
四上求次四下化後二通二謂遊刹近佛
化生故思惟二利行法故上八門勝進行
竟

大方廣佛華嚴經疏鈔會本第五十三之一
音釋

阿蘭若 梵語也此云閑靜處若爾者切 唐捐 捐以專切唐

誹謗 誹敷尾切非議也謗補曠切訛也 軌則 軌居洧切法也 怙 古候切

揀 古限切擇也 警 居影切寤也 縷 隴主切線也 闡提

梵語也此云信 變 莫班切 狡狴 狡古巧切狴戶八切

大方廣佛華嚴經疏鈔會本第五十三之二 刑三

唐于闐國三藏沙門實又難陀 譯

唐清涼山大華嚴寺沙門澄觀撰述

佛子菩薩摩訶薩有十種差別智何等爲十

所謂知衆生差別智知諸根差別智知業報

刑三

差別智知受生差別智知世界差別智知法

界差別智知諸佛差別智知諸法差別智知

三世差別智知一切語言道差別智是爲十

若諸菩薩安住此法則得如來無上廣大差

別智

第三有三門明前二行究竟今初一門明

所持差別智究竟上云則以智慧辯才力

隨衆生心而化誘也

佛子菩薩摩訶薩有十種陀羅尼何等爲十

所謂聞持陀羅尼持一切法不忘失故修行

陀羅尼如實巧觀一切法故思惟陀羅尼了

知一切諸法性故法光明陀羅尼照不思議

諸佛法故三昧陀羅尼普於現在一切佛所

聽聞正法心不亂故圓音陀羅尼解了不思

議音聲語言故三世陀羅尼演說三世不可

思議諸佛法故種種辯才陀羅尼演說無邊

諸佛法故出生無礙耳陀羅尼不可說佛所

說之法悉能聞故一切佛法陀羅尼安住如

來力無畏故是爲十若諸菩薩欲得此法當

勤修學

第二陀羅尼即能持究竟上云修行諸度

勝解脫等十中初一聞持次四義持次四

廣聞持之用後一收上義持又初四如次

持教行理果次二重顯持行即定慧故次

一持理不思議故次二重顯教後一重顯

果

佛子菩薩摩訶薩說十種佛何等為十所謂
成正覺佛願佛業報佛住持佛涅槃佛法界
佛心佛三昧佛本性佛隨樂佛是為十

第三說十種佛上能持所持皆是佛法主

刑三

二

究竟上云則得灌頂而升位等十信滿心
使得佛故然此十佛與下十種見佛名義
全同與前十身名有同異而義亦不殊一
示成正覺故即前菩提身二願生兜率故
與前全同三萬行因感故即前相好莊嚴
身四自身舍利住持故即力持身五涅槃
佛化必示滅故即前化身六法界佛真無
漏界故即前法身七依唯心故即威勢身
雖光明亦能攝伏心伏最勝如慈心降魔
等八常在定故即福德身定為福之最故

刑三

二

九了本性故即前智身大圓鏡智平等性
智皆本有故故下云明了見十隨所欲樂
無不現故即意生身故晉經云如意佛然
佛就內覺身多就相故立名不同餘廣如
別章略如八地一示成正覺故者但唐梵
之異九了本性故者非約

所了所了即法界故然佛下會釋二門總
名廣如別章即華嚴章門中亦義分齊內
大文第二發普賢心下有二十門答前二
十句問明十住行法古德同分為四初六
門別明發心住義二十種波羅蜜下六門
明餘九住中所成內德行三從十種說法

刑三

三

下三門明諸住中外化行四從十種自在
下有五門明無礙殊勝行非不有理今取
順十住經文二十門如次明十住行但與
前行互有廣略影顯解中之行廣無盡故
若依圓融行行徧通若不壞相不妨次第

初四門明初住行二三各有二門四五各一後五皆二門今初四門明發心住初一總明後三別顯若依圓融下五通妨妨云別配故今釋云行既有二意取圓融即沒於位約於行布不妨次第若無次第何所圓融初四門正依位科下文解釋若有疑者但觀前經自當曉了

佛子菩薩摩訶薩發十種普賢心

今初總發名普賢心前十住中自分之內即緣佛十力發心但廣發心之境今發普賢心則廣發心之相影略明故普賢心者即菩提心就果以明普賢心約相用說橫

周法界豎窮未來故

何等為十所謂發大慈心救護一切衆生故發大悲心代一切衆生受苦故發一切施心悉捨所有故發念一切智為首心樂求一切佛法故發功德莊嚴心學一切菩薩行故發

如金剛心一切處受生不忘失故發如海心一切白淨法悉流入故發如大山王心一切惡言皆忍受故發安隱心施一切衆生無怖畏故發般若波羅蜜究竟心巧觀一切法無所有故是為十若諸菩薩安住此心疾得成就普賢善巧智

十中初三悲護衆生心次六起願心於中一求果智即前緣佛十力二求因行三豎四廣四皆上求願忍施下化願後一智心即三心菩提也又前七護小乘於中初三護墮心後四護小心餘三護煩惱心故異凡小是菩提心又初三衆生無邊誓願度度生無恪故一切施也次一佛道無上誓願成次三法門無盡誓願學後三煩惱無邊誓願斷即四弘誓願觀理發心

佛子菩薩摩訶薩有十種普賢行法何等為
 十所謂願住未來一切劫普賢行法願供養
 恭敬未來一切佛普賢行法願安置一切眾
 生於普賢菩薩行普賢行法願積集一切善
 根普賢行法願入一切波羅蜜普賢行法願
 滿足一切菩薩行普賢行法願莊嚴一切世
 界普賢行法願生一切佛剎普賢行法願善
 觀察一切法普賢行法願於一切佛國土成
 無上菩提普賢行法是為十若諸菩薩勤修
 此法疾得滿足普賢行願

二有十種普賢行法下別明菩提心此門
 即大願心亦即是前勝進行所謂勤供養
 佛樂住生死等文相多同恐繁不亦即
 反舉其二等於餘八十者謂一動供養佛
 二樂住生死三主導世間今除惡業四以
 勝妙法常行教誨五歌無上法六學佛功
 德七生諸佛前恒蒙攝授八方便演說亦即
刑三

刑三
 靜三昧九讚歎遠離生死輪迴五為苦眾
 生作歸依處文旨相同恐繁不會今當為
 會一即第二二即第一其三四五六如其
 次第七即第九八即第七九即第八十成
 大菩提方堪為苦眾生依故
 其間小有異處會意皆同

佛子菩薩摩訶薩以十種觀眾生而起大悲
 何等為十所謂觀察眾生無依無怙而起大
 悲觀察眾生性不調順而起大悲觀察眾生
 貧無善根而起大悲觀察眾生長夜睡眠而
 起大悲觀察眾生行不善法而起大悲觀察
 眾生死欲縛所縛而起大悲觀察眾生死
 海而起大悲觀察眾生長嬰疾苦而起大悲
 觀察眾生無善法欲而起大悲觀察眾生死
 諸佛法而起大悲是為十菩薩恒以此心觀
 察眾生

三有十種大悲即別明悲心初一總謂外
 無善友可依內無自德可怙故餘九別初

五欲求衆生但縱目前之情故次一有求衆生故没生死海後三邪梵行求衆生無明邪見之所病故但欲邪法故

佛子菩薩摩訶薩有十種發菩提心因緣何等爲十所謂爲教化調伏一切衆生故發菩

提心爲除滅一切衆生苦聚故發菩提心爲

與一切衆生具足安樂故發菩提心爲斷一

切衆生愚癡故發菩提心爲與一切衆生佛

智故發菩提心爲恭敬供養一切諸佛故發

菩提心爲隨如來教令佛歡喜故發菩提心

爲見一切佛色身相好故發菩提心爲入一

切佛廣大智慧故發菩提心爲顯現諸佛力

無所畏故發菩提心是爲十

四有十種菩提心因緣別顯智心觀境推

理發心別故此與前自行分行中發心因緣

亦互影略十中前五以薩埵爲緣初句總

餘四別別中一令滅妄苦二得真滅三斷

癡集四證真道即推無作四諦理發菩提

心後五以菩提心爲緣初二福智因後三

希福智果然上二段文舍二意一成上發

心住中行二成下治地住中行謂十種大

悲即廣彼自分中十心之一菩提因緣前

五即彼自分中初之五心一利益二大悲

三安樂四憐愍五安住後五即彼此互闕

此與前下彼經有十一見佛世尊形貌端

嚴二色相圓滿三人所樂見曰難可值遇

五有大威力六或見神足七或聞記別八

或聽教誡九或見衆生受諸劇苦十或聞

如來廣大佛法發菩提心求一切智今而

言影於前者前五下化衆生即前第九或見

衆生受諸劇苦即正當第二則彼舉此廣

彼一義舍此五此影取也後五上求佛道

第六第八即攝彼前六則此畧彼廣第七

即前七八記別教誡九十即彼第十廣大

佛法故云影於後之五句下彼五即攝受

守護同已師心導師心彼闕此五可知

佛子若菩薩發無上菩提心為悟入一切智
 智故親近供養善知識時應起十種心何等
 為十所謂起給侍心歡喜心無違心隨順心
 無異求心一向心同善根心同願心如來心
 同圓滿行心是為十

第二近善知識下二門正明治地住中行

此門明勝進中近善知識文中標內兼是

顯意列中前六事友後四同修無異求者

不求名聞利養及過失故

此門即勝進者
 彼具十句云所
 謂誦習多聞虛閑寂靜近善知識發言和
 悅語必知時心無怯怖了達於義如法修

行遠離愚迷安住不動釋曰後之四句在
 後清淨之中今言近善知識即彼第三第
 三是總下四五六句皆是發心之德

即此中別意其彼初二句中畧無

佛子若菩薩摩訶薩起如是心則得十種清

淨何等為十所謂深心清淨到於究竟無失

壞故色身清淨隨其所宜為示現故音聲清

淨了達一切諸語言故辯才清淨善說無邊
 諸佛法故智慧清淨捨離一切愚癡暗故受
 生清淨具足菩薩自在力故眷屬清淨成就
 過去同行眾諸善根故果報清淨除滅一
 切諸業障故大願清淨與諸菩薩性無一故
 諸行清淨以普賢乘而出離故是為十

二十種清淨下即勝進近友之果故云起

如是心即得此十即是前文了達於義如

法修行遠離愚迷安住不動梵云波利成

提此有二義一徧清淨即此十種二極清

淨即下第六十四段列中初六三業淨前

三體淨後三用淨次二主伴果報淨後二

願行淨

佛子菩薩摩訶薩有十種波羅蜜何等為十

所謂施波羅蜜捨一切諸所有故戒波羅

梵云波利成提者成字平音成
 提者此云清淨波利是過是極

蜜淨佛戒故忍波羅蜜住佛忍故精進波羅蜜一切所作不退轉故禪波羅蜜念一境故般若波羅蜜如實觀察一切法故智波羅蜜入佛力故願波羅蜜滿足普賢諸大願故神通波羅蜜示現一切自在用故法波羅蜜普入一切諸佛法故是為十若諸菩薩安住此法則得具足如來無上大智波羅蜜

判三

八

第三波羅蜜下有二門明修行住中行此門即自分行彼開一慧為十觀察今總顯修具修十度十度皆總相而釋一一多含

故施云一切皆捨等智即方便進趣佛力權智立以智名神通即力度晉名神力法

即是智從所知名法

彼開一慧者經云此菩薩以十種行觀一切法所為觀一切法無常二苦三空四無我五無作六無味七不如名八無處所九離分別十無堅實皆

如初句有一切法

佛子菩薩摩訶薩有十種智隨覺何等為十所謂一切世界無量差別智隨覺一切眾生意界不可思議智隨覺一切諸法一入種種種種入一智隨覺一切法界廣大智隨覺一切虛空界究竟智隨覺一切世界入過去世智

隨覺一切世界入未來世智隨覺一切世界入現在世智隨覺一切如來無量行願皆於一智而得圓滿智隨覺三世諸佛皆同一行而得出離智隨覺是為十若諸菩薩安住此法則得一切法自在光明所願皆滿於一念項悉能解了一切佛法成等正覺

判三

九

二十種智隨覺由前行成無倒了達隨事

隨理善覺知故即前勝進十法觀察眾生

界等亦有影略恐繁不會

言即前勝進者彼經云所謂觀

察眾生世界觀察地界水界觀色界欲界色界無色界影畧可知

佛子菩薩摩訶薩有十種證知何等為十所謂知一切法一相知一切法無量相知一切法在一念知一切眾生心行無礙知一切眾生諸根平等知一切眾生煩惱習氣行知一切眾生心使行知一切眾生善不善行知一切菩薩願行自在任持變化知一切如來具足十力成等正覺是為十若諸菩薩安住此法則得一切法善巧方便

第四證知一門明生貴住中行五即彼自行分由前了達故能證知證故於聖教中生十中初三總知一切法次五廣前知眾生九菩薩行願即前業行中攝後一即知涅槃對生死故其勝進但了佛法無別行相故略不明第四證知者彼自分行云此菩薩於聖教中生成就十法所謂永不退轉於諸佛所深生淨信善觀察法了知眾生國土世界業行果報生死

涅槃是為十號會異同可知

佛子菩薩摩訶薩有十種力何等為十所謂入一切法自性力入一切法如化力入一切法如幻力入一切法皆是佛法力於一切法無染著力於一切法甚明解力於一切善知識恒不捨離尊重心力令一切善根順至無上智王力於一切佛法深信不謗力令一切智心不退善巧力是為十若諸菩薩安住此法則具如來無上諸力

第五十種力即具足方便住中行準梵本此名積集即方便具足之義下第九十五即是十力前十住中但云所修諸行皆為眾生不知修何今顯所修之行又入即了達兼其勝進解眾生等於中前六解法力餘四上求力但云所修者善義而已具云皆為救護一切眾生二饒益

三安樂四哀愁五度脫此上皆同初句有
一切衆生言六令一切衆生離諸災難七
出生死苦八發淨信九悉得調伏十咸
證涅槃後五先明令一切衆生兼其勝進
者彼經云菩薩應勸學十法所謂知衆生
無邊二無量三無數四不思議五無量色
六不可量七空八無所作九無所有
十無自性皆如初句有知衆生故

佛子菩薩摩訶薩有十種平等何等爲十所

謂於一切衆生平等一切法平等一切刹平

等一切深心平等一切善根平等一切菩薩

平等一切願平等一切波羅蜜平等一切行

平等一切佛平等是爲十若諸菩薩安住此

法則得一切諸佛無上平等法

第六十種平等下二門明正心住此門即

自分行由了平等故聞讚毀心定不動然

平等之言通有三義一事等謂十類各各

相望如說衆生等有佛性乃至諸佛同一

法身一心一智等二者理等謂此十類等

刑三

十二

一真故三心等由了前二即之於心故於

十境不生高下十中一於衆生等謂無怨

親故二於善惡不生分別故三見染見淨

無高下故四同一真道而出離故五無一

善根不爲佛故六於諸同行如自己故七

一一大願徹來際故八不謂般若勝檀等

故九隨一行微事理故十不謂此佛此

最勝故聞讚毀者彼云此菩薩聞十種法
心定不動二法三菩薩四所行五聞衆
生有量無量六衆生有垢無垢七衆生易
度難度八法界有量無量九法界或
有或無十法界有成有壞皆如初句

佛子菩薩摩訶薩有十種佛法實義句何等

爲十所謂一切法但有名一切法猶如幻一

切法猶如影一切法但緣起一切法業清淨

一切法但文字所作一切法實際一切法無

相一切法第一義一切法法界是爲十若諸

菩薩安住此法則善入一切智智無上真實義

二十種佛法實義句者即彼勝進中行與前雖少前却而義多同於中初一約徧計都無實故次四約依他後五約圓成一無

名相中假名說故餘四各一義可知即彼

者彼云菩薩應勤學十法所謂一切法無相二無體三不可修四無所有五無真實六空七無性八如幻九如夢十無分別皆如初句有一切法言前却可思

佛子菩薩摩訶薩說十種法何等為十所謂

說甚深法說廣大法說種種法說一切智法

說隨順波羅蜜法說出生如來力法說三世

相應法說令菩薩不退法說讚歎佛功德法

說一切菩薩學一切佛平等一切如來境界

相應法是為十若諸菩薩安住此法則得如

來無上巧說法

第七說十種法下有二門明不退住中行十三

於中初一自分後一勝進前中由能說深

廣法故聞說心不退轉所以說業性等成

如來力隨義演說令菩薩不退涅槃二十

八中廣明退不退相餘文可知聞說者大

有十句聞有佛無佛於佛法中心不退轉

二有法無法三有菩薩無菩薩四有菩薩

行無菩薩行五菩薩修行出離修行不出

離六過去有佛過去無佛七未來八現在

同過去九聞佛智有盡無盡十聞三世一

相三世非一相皆如初句涅槃二十八中

者中有云有六種法壞菩提心一名怯法

二者於諸衆生起不善心三者親近惡友

四者不勤精進五者自大驕慢六者

營務世業釋曰無此六事則不退也

佛子菩薩摩訶薩有十種持何等為十所謂

持所集一切福德善根持一切如來所說法

持一切譬喻持一切法理趣門持一切出生

陀羅尼門持一切除疑惑法持成就一切善

薩法持一切如來所說平等三昧門持一切

法照明門持一切諸佛神通遊戲力是為十
若諸菩薩安住此法則得如來無上大智住
持力

二十種持持謂受持奉行非但宣之於口
十句可知

十三

十三

佛子菩薩摩訶薩有十種辯才何等為十所
謂於一切法無分別辯才於一切法無所作
辯才於一切法無所著辯才於一切法了達
空辯才於一切法無疑暗辯才於一切法佛
加被辯才於一切法自覺悟辯才於一切法
文句差別善巧辯才於一切法真實說辯才
隨一切衆生心令歡喜辯才是為十若諸菩
薩安住此法則得如來無上巧妙辯才

第八十種辯才下二門明童真住中行此
門即自分行由三業無失故有無著辯由

知衆生欲解故辯令他喜此門即自分行者彼具云所謂
身行無失語行無失隨受生知衆生種
種欲知衆生種種解知衆生種種界知衆
生種種業知世界成壞神
足自在所行無礙是為十

佛子菩薩摩訶薩有十種自在何等為十所
謂教化調伏一切衆生自在普照一切法自
在修一切善根行自在廣大智自在無所依
戒自在一切善根迴向菩提自在精進不退
轉自在智慧摧破一切衆魔自在隨所樂欲
令發菩提心自在隨所應化現成正覺自在
是為十若諸菩薩安住此法則得如來無上
大智自在

後門即彼勝進現變化自在身等皆自在
義後門即彼下彼云彼菩薩應勸學十法
四觀五諸六遊上皆有一切佛利言七遊
行無數世界八領受無數佛法九現變化
身出廣大遍滿音十一剎那中奉事供
養無數諸佛令隨舉一以等於餘故

佛子菩薩摩訶薩有十種無著何等為十所謂於一切世界無著於一切衆生無著於一切法無著於一切所作無著於一切善根無著於一切受生處無著於一切願無著於一切行無著於一切菩薩無著於一切佛無著是為十若諸菩薩安住此法則能速轉一切衆想得無上清淨智慧

第九十種無著下二門明王子住中行此

門由無著故能善知十法

能善知者彼經云此菩薩善知

十種法所謂善知諸衆生受生二諸煩惱現起三習氣相續四所行方便五無量法

六諸威儀七世界差別八前後際後際事九演說世諦十演說第一義諦句句皆有善知之

佛子菩薩摩訶薩有十種平等心何等為十所謂積集一切功德平等心發一切差別願平等心於一切衆生身平等心於一切衆生

業報平等心於一切法平等心於一切淨穢國土平等心於一切衆生解平等心於一切行無所分別平等心於一切佛力無畏平等心於一切如來智慧平等心是為十若諸菩薩安住其中則得如來無上大平等心

後門由平等故勝進學法王處法

後門勝進者彼

云佛子菩薩應勸學十法所謂法王處善巧二軌度三官殿四趣入五觀察六灌頂七力持八無畏九宴寢十讚歎皆如初句後五畧無處字

佛子菩薩摩訶薩有十種出生智慧何等為

十所謂知一切衆生解出生智慧知一切佛

列三

十五

刹種種差別出生智慧知十方網分齊出生智慧知覆仰等一切世界出生智慧知一切法一性種種性廣大住出生智慧知一切種種身出生智慧知一切世間顛倒妄想悉無所著出生智慧知一切法究竟皆以一道出

離出生智慧知如來神力能入一切法界出生智慧知三世一切衆生佛種不斷出生智慧是爲十若諸菩薩安住此法則於諸法無不了達

第十十種出生智下二門明灌頂位中行

此門明成就十智學佛十智

此門下彼脈應勸學諸佛十種智所謂三世智佛法智法界無礙智法界無邊智充滿一切世界智普照一切世界智住持一切世界智知一切衆生智知一切法智知無邊諸佛智

佛子菩薩摩訶薩有十種變化何等爲十所謂一切衆生變化一切身變化一切剎變化一切供養變化一切音聲變化一切行願變化一切教化調伏衆生變化一切成正覺變化一切說法變化一切加持變化是爲十若諸菩薩安住此法則得具足一切無上變化法

後十種變化故能動刹等然此變化即實

如化非要化作上來數段文相並顯雖有

深旨類前可知

後自分中者即彼經自十分法云此菩薩得成就十

種智所謂振動無數世界二照明三住持四往詣五嚴淨上五皆有無數世界言六

開示無數衆生七觀察無數衆生根八知無數衆生九令無數衆生趣入十令無數

衆生謂伏然此變化者謂緣生如化故若變化作無而忽有故佛地論第三云化身

三種一自身相應化謂自身作輪王等二地身相應化謂化王爲佛身等三非身相應化化大地爲

寶等今並非此 大文第三十種力持下有

三十門答前十行三十句問古德分三初

六門明大志曠遠行二從十種不思議下

九門明定慧業用行三從十種園林下十

五門明德備成滿行然約圓融此意非無

今不壞次亦次第顯十行中行第一行有

三門二三行各一第四行二門第五行六門次四行各二門第十行有九門至文當

知所以用門多少者檀在初故具三戒忍
 通世間故唯一定慧尊勝故有多門智中
 既多故般若中略餘次勝故但用二門又
 此十行雖約十度而義多含故文中或就
 十度明義或就行名以釋

佛子菩薩摩訶薩有十種力持何等為十所
 謂佛力持法力持衆生力持業力持行力持
 願力持境界力持時力持善力持智力持是
 為十若諸菩薩安住此法則於一切法得無
 上自在力持

今初三門明歡喜行之行三中初明力
 持此含總別總者以是十行之首依此十
 事加持建立能起諸行故度世經名十建
 立別即歡喜行中凡所布施皆為修習諸
 佛本所修行等故是建立行意十中初三

三寶即境界持衆生即僧寶菩薩之僧即
別三
 衆生世間故餘七行持悲所作業故正起
 行故願持行故有悲智境行方成故時即
 起行之時後二福智然第十地大盡分中
 有十一持第四加煩惱持故論判行持中

初二逆行彼約應化不斷所以加之今但
 約為行本故無煩惱彼有供養持及劫持
 無境界持及善力持此以時中攝劫彼以
 行攝善力依境起供故並無異餘名並同
 具如彼釋既數名不同案名以釋此無僧
 寶有教化衆生亦未與通理上辨陀羅尼
 即總持文義次云受持即領納受行今云
 力持即加持任持故不相濫

大方廣佛華嚴經疏鈔會本第五十三之二
 音釋

訪	津	陘	嬰
問	夾	隘	於
也	切	也	盈
也	也	胡	切
劇	切	夾	切
也	也	切	分
也	也	與	齊
也	也	而	分
		擾	扶
		同	間
		饒	切
		亂	齊
		也	在
		切	諸
		寤	唾
		切	都
		故	火
		諮	

大方廣佛華嚴經疏鈔會本第五十四之一 刑四

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種大欣慰

第二大欣慰正辨歡喜行義彼但見乞者

來倍復歡喜今則知由施故見佛供佛等

心大歡喜初行多同歡喜地故

何等爲十所謂諸菩薩發如是心盡未來世

所有諸佛出興於世我當皆得隨逐承事令

生歡喜如是思惟心大欣慰復作是念彼諸

如來出興於世我當悉以無上供具恭敬供

養如是思惟心大欣慰

十中畧爲五對一事佛供佛對

復作是念我於諸佛所興供養時彼諸如來

必示誨我法我悉以深心恭敬聽受如說修

行於菩薩地必得已生現生當生如是思惟
心大欣慰復作是念我當於不可說不可說
劫行菩薩行常與一切諸佛菩薩而得共俱
如是思惟心大欣慰

二聞法親善對

復作是念我於往昔未發無上大菩提心有
諸怖畏所謂不活畏惡名畏死畏墮惡道畏
大衆威德畏自一發心悉皆遠離不驚不恐
不畏不懼不怯不怖一切衆魔及諸外道所
不能壞如是思惟心大欣慰復作是念我當
令一切衆生成無上菩提成菩提已我當於
彼佛所修菩薩行盡其形壽以大信心興所
應供佛諸供養具而爲供養及涅槃後各起
無量塔供養舍利及受持守護所有遺法如
是思惟心大欣慰

三二利行成對

又作是念十方所有一切世界我當悉以無上莊嚴而莊嚴之皆令具足種種奇妙平等清淨復以種種大神通力住持震動光明照耀普使周徧如是思惟心大欣慰復作是念

利四

二

我當斷一切眾生疑惑淨一切眾生欲樂啓一切眾生心意滅一切眾生煩惱閉一切眾生惡道門開一切眾生善趣門破一切眾生黑闇與一切眾生光明令一切眾生離眾魔業使一切眾生至安隱處如是思惟心大欣慰

四嚴土化生對

菩薩摩訶薩復作是念諸佛如來如優曇華難可值遇於無量劫莫能一見我當於未來世欲見如來則便得見諸佛如來常不捨我

恒住我所令我得見爲我說法無有斷絕既

聞法已心意清淨遠離諂曲質直無僞於念念中常見諸佛如是思惟心大欣慰復作是念我於未來當得成佛以佛神力於一切世界爲一切眾生各別示現成等正覺清淨無

畏大師子吼以本大願周徧法界擊大法鼓雨大法雨作大法施於無量劫常演正法大悲所持身語意業無有疲厭如是思惟心大欣慰

利四

三

五難見能見難成能成對文相甚顯佛子是爲菩薩摩訶薩十種大欣慰若諸菩薩安住此法則得無上成正覺智慧大欣慰佛子菩薩摩訶薩有十種深入佛法何等爲十所謂入過去世一切世界入未來世一切世界入現在世世界數世界行世界說世界

清淨入一切世界種種性入一切衆生種種業報入一切菩薩種種行知過去一切佛次第知未來一切佛次第知現在十方虛空法界等一切諸佛國土衆會說法調伏知世間法聲聞法獨覺法菩薩法如來法雖知諸法皆無分別而說種種法悉入法界無所入故如其法說無所取著是爲十若諸菩薩安住此法則得入於阿耨多羅三藐三菩提大智慧甚深性

三十種深入者上明預欣當成此辨現能證了即前法施之行故彼云我當盡學諸佛所學證一切智知一切法爲衆生說十中前六有入字後四以知爲初證入了知二文影顯於中初四入器世間前三別入三世後一總明別中現在內數謂多少行

謂利因說謂彼彼果中說法清淨謂剎體此是通體後總句云種種性即染淨等殊斯即別體次二入衆生世間後四入智正覺世間於中前三入三世佛後一入法法中初知差別五乘後雖知下明權實雙行以性不壞相故雖無分別而說種種此中分別即是差別故晉經云雖諸法無一無異而說一異次言悉入法界無所入故者釋成上義謂悉入法界故無差別無所入故而說種種何者若別有一入處則入時判四失本相不得說種種以當法自虛名入法界無別可入則不壞種種矣言如其下此上辨知此下明說夫說法者當如法說法既權實雙融說亦即說無著夫說法下即淨名目連章中時目連於里巷中爲白衣居士說法時維摩詰來謂我言唯大目連爲白衣居士

說法不當如仁者所說所以者何夫說法者當如法說法無衆生離衆生垢故法無有我離我垢故等說法無權實下義取淨名之意

佛子菩薩摩訶薩有十種依止菩薩依此行菩薩行何等爲十所謂依止供養一切諸佛行菩薩行依止調伏一切衆生行菩薩行依

止親近一切善友行菩薩行依止積集一切

善根行菩薩行依止嚴淨一切佛土行菩薩行依止不捨一切衆生行菩薩行依止深入

一切波羅蜜行菩薩行依止滿足一切菩薩願行菩薩行依止無量菩提心行菩薩行依

止一切佛菩提行菩薩行是爲十菩薩依此行菩薩行

第二十種依止明饒益位中行上明證入今託良緣徧依此十方能饒益非但依戒況戒有攝善何所不具非但依戒者阿難問佛令依戒爲

師彼以戒爲饒益即是依止之義

佛子菩薩摩訶薩有十種發無畏心何等爲十所謂滅一切障礙業發無畏心於佛滅後護持正法發無畏心降伏一切魔發無畏心不惜身命發無畏心摧破一切外道邪論發無畏心令一切衆生歡喜發無畏心令一切衆會皆悉歡喜發無畏心調伏一切天龍夜叉乾闥婆阿脩羅迦樓羅緊那羅摩睺羅伽發無畏心離二乘地入甚深法發無畏心於不可說不可說劫行菩薩行心無疲厭發無畏心是爲十若諸菩薩安住此法則得如來無上大智無所畏心

第三十種無畏即無違逆位中行由依菩薩止善則於十難作能作難忍能忍爲發無畏心一障礙難滅二遺法難護三惡魔

難降四身命難捨五外道難摧六物心難
 稱七大眾難喜八八部難調九下乘難離
 十上行難修於此十難皆無所畏豈畏眾
 生相惱害耶豈畏眾者以無違逆行多約耐怨害故

佛子菩薩摩訶薩發十種無信心於一切佛

法心無疑惑

第四發無信心下二門明無屈撓位中行
 於中此門由前於難無懼故於十所作決
 志無疑即被甲精進中行後門攝善之行
 利樂徧在二門

何等為十所謂菩薩摩訶薩發如是心我當
 以布施攝一切眾生以戒忍精進禪定智慧
 慈悲喜捨攝一切眾生發此心時決定無疑
 若生疑心無有是處是為第一發無信心
 今初十中一十度攝生

菩薩摩訶薩列四又作是念未來諸佛出興於世
 我當一切承事供養發此心時決定無疑若
 生疑心無有是處是為第二發無信心

二事佛供佛

菩薩摩訶薩又作是念我當以種種奇妙光
 明網周徧莊嚴一切世界發此心時決定無
 疑若生疑心無有是處是為第三發無信心

三光明嚴刹

菩薩摩訶薩又作是念我當盡未來劫修菩
 薩行無數無量無邊無等不可數不可稱不
 可思不可量不可說不可說不可說過諸算
 數究竟法界虛空界一切眾生我當悉以無
 上教化調伏法而成熟之發此心時決定無
 疑若生疑心無有是處是為第四發無信心

四長時調熟

菩薩摩訶薩又作是念我當修菩薩行滿大
誓願具一切智安住其中發此心時決定無
疑若生疑心無有是處是爲第五發無疑心

五具一切智

菩薩摩訶薩又作是念我當普爲一切世間

利四

七

行菩薩行爲一切法清淨光明照明一切所
有佛法發此心時決定無疑若生疑心無有
是處是爲第六發無疑心

六作世明燈

菩薩摩訶薩又作是念我當知一切法皆是
佛法隨衆生心爲其演說悉令開悟發此心
時決定無疑若生疑心無有是處是爲第七
發無疑心

七說法開悟

菩薩摩訶薩又作是念我當於一切法得無

障礙門知一切障礙不可得故其心如是無
有疑惑住真實性乃至成於阿耨多羅三藐
三菩提發此心時決定無疑若生疑心無有
是處是爲第八發無疑心

八滅障成佛

菩薩摩訶薩又作是念我當知一切法莫不
皆是出世間法遠離一切妄想顛倒以一莊
嚴而自莊嚴而無所莊嚴於此自了不由他
悟發此心時決定無疑若生疑心無有是處
是爲第九發無疑心

九離妄自覺

菩薩摩訶薩又作是念我當於一切法成最
正覺離一切妄想顛倒故得一念相應智故
若一若異不可得故離一切數故究竟無爲
故離一切言說故住不可說境界際故發此

心時決定無疑若生疑心無有是處是為第十發無疑心

十決成菩提於此十事發誓要期故名被甲

若諸菩薩安住此法則於一切佛法心無所

疑

佛子菩薩摩訶薩有十種不可思議

二十種不可思議即所攝之善由決志無疑

故所為難測

何等為十所謂一切善根不可思議一切誓

願不可思議知一切法如幻不可思議發菩

提心修菩薩行善根不失無所分別不可思

議雖深入一切法亦不取滅度以一切願未

成滿故不可思議修菩薩道而示現降神入

胎誕生出家苦行往詣道場降伏眾魔成最

正覺轉正法輪入般涅槃神變自在無有休息不捨悲願救護眾生不可思議雖能示現如來十力神變自在而亦不捨等法界心教化眾生不可思議

十中初三單約善根願智稱性名不思議

餘七權實雙運故不思議於中前四約行

後三約智智約內明行就外相前中四涉

有而一道清淨五悟空而萬行沸騰六修

因而八相果成七現果而大用不捨皆難

思也

知一切法無相是相相是無相無分別是分

別分別是無分別非有是有是非有無作

是作作是無作非說是說說是非說不可思

議

後三中八二諦相即九三事融而不融十

權實即而不即八中十句五對一境二心

三通一切四約修起五即名言亦即五法

一相二妄想三如四正智五名然各有

二意一直就法體無相是真相即是俗常

互相即下四例然二約迷悟五對大同小

異謂一迷如無相以成於相悟相無相即

是如如二迷於正智無分別即成妄想分

別悟妄分別即正智無分別三了如非有

真有如如若執有如則非如有四智若無

作是作正智若有所作非作正智五知名

非說是真說名謂名有說非是說名八中十句

者疏文有二先標所依相而有二意然各
二意下雙釋上二言各二意者十句五對
各具上二也下依二意釋之先直就法體
但約二諦以明釋約境心等五後二約
迷悟下即釋上約五法明通就迷悟以釋
上即約境不出二諦今此約心不出迷悟
悟即正智迷即妄想由此二故說成五法
即分為五一約相上以如對之故無相是

如二就妄想上以正智對之三就如如之
上唯就如如得久以明四就正智上亦約
正智得失以明五就名上亦唯就名得失
以明五中皆通迷悟然迷即有名相妄想
悟則唯正智如如智契於
如一味平等餘如前後說

知心與菩提等知菩提與心等心及菩提與
衆生等亦不生心顛倒想顛倒見顛倒不可

思議

九中初融三事後亦不下顯離融相名為

不融三事即心佛衆生皆無差別如覺林

九中初融三事心佛衆生三無差故後
偈融融相故科云不融就不融中有二一
不壞相二離融相離融相約理無可融約
心無想念故不壞相約本自融不可融故

從三事下
指文引證

於念念中入滅盡定盡一切漏而不證實際

亦不盡有漏善根雖知一切法無漏而知漏

盡亦知漏滅雖知佛法即世間法世間法即

佛法而不於佛法中分別世間法不於世間

法中分別佛法一切諸法悉入法界無所入故知一切法皆無二無變易故是爲第十不可思議

十中三句初明盡而不盡此約斷時以明體用二無而不無此將法性對斷以明體用二句雖殊俱是權實雙行三雖知佛法下明即而不即於中初正明後一切諸法下釋成上義悉入法界故說相即無所入故不應世中分別佛法等謂以當法自虛故名相即非世間中佛法可得下重釋云知一切法皆無二故不得二中互求無變易故亦非世法作彼佛法思之

佛子是爲菩薩摩訶薩十種不可思議若諸菩薩安住其中則得一切諸佛無上不可思議法

佛子菩薩摩訶薩有十種巧密語何等爲十所謂於一切佛經中巧密語於一切受生處巧密語於一切菩薩神通變現成等正覺巧密語於一切衆生業報巧密語於一切衆生所起染淨巧密語於一切法究竟無障礙門巧密語於一切虛空界一方處悉有世界或成或壞間無空處巧密語於一切法界一切十方乃至微細處悉有如來示現初生乃至成佛入般涅槃充滿法界悉分別見巧密語見一切衆生平等涅槃無變易故而不捨大願以一切智願未得圓滿令滿足故巧密語雖知一切法不由他悟而不捨離諸善知識於如來所轉加尊敬與善知識和合無二於諸善根修習種植迴向安住同一所作同一體性同一出離同一成就巧密語是爲十

若諸菩薩安住其中則得如來無上善巧微
密語

第五十種巧密語下六門明無癡亂中行
於中三初二門即無癡之行次一門明無
亂之行後二門雙明二門引生功德雖癡

亂有通今從別說又此三段即是三禪初
即饒益有情禪二即正法樂住禪三即引
生功德禪今初二門中初門不愚巧密之
言後門不愚善巧之智今初前既明內行
今辨外言彼行文云以正念故善解世間

一切言說能持出世諸法言說等皆言密
語者况明有五一說深密法故如出現品
名如來密藏等二一言說一切法故上云
如來於一語言中等亦如仙陀四實九義
瞿聲等三近而不聞如身子在座遠而無

隔如目連尋聲等四言近意遠如說三乘
為究竟等言遠意近如說寒時得火名涅
槃等此意亦名隱實說權五以異言說異
法如覺不堅為堅等亦如仙陀者謂鹽水
謂馬前已廣釋九義
瞿聲即俱舍論云方歇地先言金剛眼天
水於斯九種事智者立瞿聲唯金剛二字

一義餘八各一如寒得火等即涅槃經五
以異言者即論第四祕家中第四轉變
祕密論云復有種種意趣四種祕密一切
佛語應須決了四意趣義已見普賢三昧
品四祕密者一今入祕密謂三乘中依俗
諦理說有人法今入俗諦二相祕密謂說
法相三自性等三對治祕密治八萬四千
煩惱四轉變祕密欲令悟入總名祕密論
釋第四轉變祕密云謂於是處以其別義
諸言諸字即顯別義如有頌云覺不堅為
堅善住於顛倒極頃所惱得最上菩提
無性禪云謂於義轉變差別雜集云謂說
無終義名句又身思密轉變更顯餘義無
性禪上傷云謂剛強堅說名為堅非此
堅固說名不堅即是調柔無散亂定即於
此中起堅固慧覺彼為堅世親釋云不堅
謂定由不剛強慧覺難伏故名不堅即於
此中起尊重覺名覺為堅釋曰二家釋論
言異意同皆就密說順得菩提若取顯了
於散亂心起堅固慧則遠菩提今取祕密

於定不堅起堅固愚則得善提言善住於
 顛倒者無性釋云謂於口顛倒善能安住
 知是顛倒決定無動釋口若取顯了則住
 於無常計等四倒之中不得善提今則祕
 密知於常等於無無常等上橫計而起決
 定知此名為善住於顛倒能得善提也
 世親釋云是於顛倒中善安住義謂於無
 常等是能顛倒釋曰此則到彼所計義名
 善顛倒於此安住故得善提言極煩惱所
 惱者無性釋云為衆生故長時劬勞精進
 所惱亦引上偈云一同無性二釋無別釋
 云若取顯說為貪嗔等惱亂行者名為煩
 惱此即遠離善提今取祕密精進勤苦劬
 勞行者亦名煩惱則得善提其第四句得
 最上善提該上三義莊嚴論 文中十句初
 第八對法第十二皆同此說 一具五以是總故一切教故次二舍二意
 請示而謂實故即第四意此二皆是深密
 之法即第一意餘通前二或並兼五可以
 意得

大方廣佛華嚴經疏鈔會本第五十四之一

音釋

欣慰 欣許斤切喜也慰懼其遇切怯去劫
 也 黑闇 闇烏紺切也 濫 盧殿切也 巨 普火切也

大方廣佛華嚴經疏鈔會本第五十四之二 刑五

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種巧分別智何等為十所謂入一切剎巧分別智入一切衆生處

刑五

巧分別智入一切衆生心行巧分別智入一切衆生根巧分別智入一切衆生業報巧分別智入一切聲聞行巧分別智入一切獨覺行巧分別智入一切菩薩行巧分別智入一切世間法巧分別智入一切佛法巧分別智是為十若諸菩薩安住其中則得一切諸佛無上善巧分別諸法智

二十種巧分別智外言既密內智又巧故於利生無有礙闇故彼文云菩薩於善知識所聽聞正法所謂甚深法等文義多同

十句可知

佛子菩薩摩訶薩有十種入三昧何等為十所謂於一切世界入三昧於一切衆生身入三昧於一切法入三昧見一切佛入三昧住一切劫入三昧從三昧起現不思議身入三昧於一切佛身入三昧覺悟一切衆生平等入三昧一念中入一切菩薩三昧智入三昧一念中以無礙智成就一切諸菩薩行願無有休息入三昧是為十若諸菩薩安住其中則得一切諸佛無上善巧三昧法

第二二門明無亂行皆是定體於中初門明入三昧顯處等不同後明徧入則觸類皆徧今初故彼文云善入一切諸禪定門此中明十皆通一切十中通辨緣斯十境入定不同別則十門各異而前五一重之

事餘五涉入圓融可知九十皆即一而多
故彼行云一念中得無數三昧但從多分
對前後說判為定體耳非此無用

佛子菩薩摩訶薩有十種徧入何等為十所
謂衆生徧入國土徧入世間種種相徧入火

災徧入水災徧入佛徧入莊嚴徧入如來無

邊功德身徧入一切種種說法徧入一切如
來種種供養徧入是為十若諸菩薩安住其
中則得如來無上大智徧入法

二十徧入亦猶小乘說十徧處即令三昧

漸更增廣前明一切如衆生身謂童子身

等雖能一切身入而不必一時今此隨入

一類皆徧一切如海初來一切皆水等十

句可知亦猶小乘者大乘亦有廣畧不同
今順定十故引小乘至法界品當

別廣分

佛子菩薩摩訶薩有十種解脫門何等為十
所謂一身周徧一切世界解脫門於一切世
界示現無量種種色相解脫門以一切世界
入一佛刹解脫門普加持一切衆生界解脫
門以一切佛莊嚴身充滿一切世界解脫門

於自身中見一切世界解脫門一念中徃一

切世界解脫門於一世界示現一切如來出

世解脫門一身充滿一切法界解脫門一念

中示現一切佛遊戲神通解脫門是為十若
諸菩薩安住其中則得如來無上解脫門

三十解脫下二門明引生功德禪中此門

明作用無礙故稱解脫後門於境無擁故

曰神通今初解脫即不思議解脫梵云毗

木叉此云勝解脫謂殊勝作用亦由依禪
成八解脫十句可知亦猶依禪者
亦如法界品

佛子菩薩摩訶薩有十種神通何等爲十所謂憶念宿命方便智通天耳無礙方便智通知他衆生不思議心行方便智通天眼觀察無有障礙方便智通隨衆生心現不思議大神通力方便智通一身普現無量世界方便智通一念徧入不可說不可說世界方便智通出生無量莊嚴具莊嚴不思議世界方便智通示現不可說變化身方便智通隨不思議衆生心於不可說世界現成阿耨多羅三藐三菩提方便智通是爲十若諸菩薩安住其中則得如來無上大善巧神通爲一切衆生種種示現令其修學

二十種神通如依四禪引六通用此十若以六攝前四可知次五神境後一漏盡成菩提故約位不同與十通小異

佛子菩薩摩訶薩有十種明

第六十種明下二門明善現位中行此門正顯行體即是般若故曰智明後門明離智障故稱解脫今初然皆權實無礙之智故稱善巧非如十度唯約根本但約增微分成五行

何等爲十所謂知一切衆生業報善巧智明知一切衆生境界寂滅清淨無諸戲論善巧智明知一切衆生種種所緣唯是一相悉不可得一切諸法皆如金剛善巧智明

十中前七單約一智後三雙行前中初三約所化

能以無量微妙音聲普聞十方一切世界善巧智明普壞一切心所染著善巧智明能以方便示現受生或不受生善巧智明

次三約能化各初事次理後即事歸理

捨離一切想受境界善巧智明

七離能所想會歸般若念想觀除不受境

界為入理善巧故

念想觀除者即智論文云般若波羅蜜實法不顯則念想觀已除言語法亦滅無量眾

罪除清淨心常一如是善妙人則能見般

若是也念想觀除約於內智則不受外境

見色如盲等而言善巧者非涉事善巧不

念不受是入

知一切法非相非無相一性無性無所分別

而能了知種種諸法於無量劫分別演說住

於法界成阿耨多羅三藐三菩提善巧智明

後三雙行中八明無說之說無成之成善

巧智明謂雙非照寂離言而能差別照事

有說非相遣相非無遣無一性遣多無性

遣有即性相俱寂住於下無成之成法界

之體實無所成照斯法界即說成佛

菩薩摩訶薩知一切眾生本無有生了達
受生不可得故

刑五

五

九明無生起生智明文中三初正明次何

以下徵釋三是名下結名今初明無緣之

緣兼顯無化之化於中二先明無緣謂眾

生真心稱理不可得故若無緣即無所化

而知因知緣知事知境界知行知生知滅知

言說

而知下明真心隨緣不壞緣起則亦有所

化於中二先知所化後結成雙行前中文

有三節初有八句別知緣相因謂無明等

緣謂業行事即識名色等境界即觸受塵

境行即現在愛取有生即生支滅即老死

知言說者總是隨俗緣生不離三世故

初有

八句者十
二因緣相

知迷惑知離迷惑知顛倒知離顛倒知雜染
知清淨知生死知涅槃知可知不可得知
執著知無執著

二知迷下十二句六對通知染淨迷悟迷
理則倒惑雜染悟皆反此隨俗則俱可得

第一義中二俱巨得得非得約理著非著

約智二知迷下十二句知染淨者即雙知
性相迷悟染淨猶是約相廣如六地

第一義中二俱
巨得即約性說

知住知動知去知還知起知不起知失壞知
出離知成熟知諸根知調伏

三知住下明知心行住謂本性動謂客塵

隨客塵則去而莫歸見本性則還源反本
有還有去皆是起心還住兩亡寂然不起
起則諸善失壞不起則出離蓋纏觸境寂
知是為成熟上通物我後兼知機約自根

謂六根不為境牽即是調伏六
三知住下明
知心行者即
能知性相觀照之心此中可以寂
照虛懷而了亦為明示心觀處也
隨其所應種種教化未曾忘失菩薩所行
後隨其下結雙行中謂智隨曲化不失無
行

何以故菩薩但為利益眾生故發阿耨多羅

三藐三菩提心無餘所為是故菩薩常化眾

生身無疲倦不違一切世間所作

二徵釋中所以爾者為物發心故

是名緣起善巧智明

結名可知

菩薩摩訶薩於佛無著不起著心於法無著
不起著心於刹無著不起著心於眾無著
不起著心不見有眾生而行教化調伏說法
然亦不捨菩薩諸行大悲大願見佛聞法隨

順修行依於如來種諸善根恭敬供養無有
休息能以神力震動十方無量世界其心廣
大等法界故

十平等教化智明中三初明實不礙權

知種種說法知衆生數知衆生差別知苦生

知苦滅知一切行皆如影像行菩薩行永斷

一切受生根本但爲救護一切衆生行菩薩

行而無所行隨順一切諸佛種性發如大山

王心知一切虛妄顛倒入一切種智門智慧

廣大不可傾動當成正覺

二知種種下權不礙實

於生死海平等濟度一切衆生善巧智明是

爲十若諸菩薩安住其中則得如來無上大

善巧智明

三於生死下結名並可知

佛子菩薩摩訶薩有十種解脫何等爲十所
謂煩惱解脫邪見解脫諸取解脫蘊處界解
脫超二乘解脫無生法忍解脫於一切世間
一切剎一切衆生一切法離著解脫無邊住
解脫發起一切菩薩行入如來無分別地解
脫於一念中悉能了知一切三世解脫是爲
十若諸菩薩安住此法則能施作無上佛事
教化成熟一切衆生

二十種解脫脫二障故梵云毗木底此云
解脫與前不同十中初四脫凡三障取增

爲業故後六脫智障初一揀劣餘皆顯勝
佛子菩薩摩訶薩有十種園林何等爲十所
謂生死是菩薩園林無厭捨故教化衆生是
菩薩園林不疲倦故住一切劫是菩薩園林
攝諸大行故清淨世界是菩薩園林自所止

住故一切魔宮殿是菩薩園林降伏彼眾故
思惟所聞法是菩薩園林如理觀察故六波
羅蜜四攝事三十七菩提分法是菩薩園林
紹繼慈父境界故十力四無所畏十八不共
乃至一切佛法是菩薩園林不念餘法故示
現一切菩薩威力自在神通是菩薩園林以
大神力轉正法輪調伏眾生無休息故一念
於一切處爲一切眾生示成正覺是菩薩園
林法身周徧盡虛空一切世界故是爲十若
諸菩薩安住此法則得如來無上離憂惱大
安樂行

第七園林下二門明無著位中行於中此
門明遊處縱情後門明棲止適悅皆通二
利權實方便而無所著今初可知
佛子菩薩摩訶薩有十種宮殿何等爲十所

謂菩提心是菩薩宮殿恒不忘失故十善業
道福德智慧是菩薩宮殿教化欲界眾生故
四梵住禪定是菩薩宮殿教化色界眾生故
生淨居天是菩薩宮殿一切煩惱不染故生
無色界是菩薩宮殿令諸眾生離難處故生
雜染世界是菩薩宮殿令一切眾生斷煩惱
故現處內宮妻子眷屬是菩薩宮殿成就往
昔同行眾生故現居輪王護世釋梵是菩薩
宮殿爲調伏自在心眾生故住一切菩薩行
遊戲神通皆得自在是菩薩宮殿善遊戲諸
禪解脫三昧智慧故一切佛所受無上自在
一切智王灌頂記是菩薩宮殿住十力莊嚴
作一切法王自在事故是爲十若諸菩薩安
住其中則得法灌頂於一切世間神力自在
二宮殿十中四梵住者即四無量亦色因

故故度世云修四梵行慈悲喜捨餘可知
佛子菩薩摩訶薩有十種所樂何等爲十所
謂樂正念心不散亂故樂智慧分別諸法故
樂往詣一切佛所聽法無厭故樂諸佛充滿
十方無邊際故樂菩薩自在爲諸衆生以無
量門而現身故樂諸三昧門於一三昧門入
一切三昧門故樂陀羅尼持法不忘轉受衆
生故樂無礙辯才於一文一句經不可說劫
分別演說無窮盡故樂成正覺爲一切衆生
以無量門示現於身成正覺故樂轉法輪摧
滅一切異道法故是爲十若諸菩薩安住此
法則得一切諸佛如來無上法樂

第八所樂下二門明難得位中行於中此
門內心願樂願即行體既處宮殿則情欣
勝樂故

佛子菩薩摩訶薩有十種莊嚴何等爲十所
謂力莊嚴不可壞故無畏莊嚴無能伏故義
莊嚴說不可說義無窮盡故法莊嚴八萬四
千法聚觀察演說無忘失故願莊嚴一切菩
薩所發弘誓無退轉故行莊嚴修普賢行而
出離故剎莊嚴以一切剎作一剎故普音莊
嚴周徧一切諸佛世界雨法雨故力持莊嚴
於一切劫行無數行不斷絕故變化莊嚴於
一衆生身示現一切衆生數等身令一切衆
生悉得知見求一切智無退轉故是爲十若
諸菩薩安住此法則得如來一切無上法莊
嚴

二十莊嚴即外德莊嚴具以衆德莊嚴願
故文並可知
佛子菩薩摩訶薩發十種不動心何等爲十

所謂於一切所有悉皆能捨不動心思惟觀
察一切佛法不動心意念供養一切諸佛不
動心於一切衆生誓無惱害不動心普攝衆
生不揀怨親不動心求一切佛法無有休息
不動心一切衆生數等不可說不可說劫行
菩薩行不生疲厭亦無退轉不動心成就有
根信無濁信清淨信極清淨信離垢信明徹
信恭敬供養一切佛信不退轉信不可盡信
無能壞信大歡喜踊躍信不動心成就出生
一切智方便道不動心聞一切菩薩行法信
受不謗不動心是爲十若諸菩薩安住此法
則得無上一切智不動心

第九不動心下二門明善法位中行此門
明外緣不動後門明內心不捨又此明心
堅後明深入皆是力義今初十中二及第

九是思擇力餘皆修習力八中有十一信
一生佛果故二不雜不信濁故三淨無煩
惱故四無細念故五離所知垢故六徹事
源故七向果位故八自分堅故九德無盡
故十緣不動故十一證真如故餘並相顯

佛子菩薩摩訶薩有十種不捨深大心何等
爲十所謂不捨成滿一切佛菩提深大心不
捨教化調伏一切衆生深大心不捨不斷一
切諸佛種性深大心不捨親近一切善知識
深大心不捨供養一切諸佛深大心不捨專
求一切大乘功德法深大心不捨於一切佛
所修行梵行護持淨戒深大心不捨親近一
切菩薩深大心不捨求一切佛法方便護持
深大心不捨滿一切菩薩行願集一切諸佛
法深大心是爲十若諸菩薩安住其中則能

不捨一切佛法

二不捨深大心者由不動故能窮理事理深事廣故云深大十句可知

佛子菩薩摩訶薩有十種智慧觀察何等爲十所謂善巧分別說一切法智慧觀察了知

三世一切善根智慧觀察了知一切諸菩薩行自在變化智慧觀察了知一切諸法義門智慧觀察了知一切諸佛威力智慧觀察了知一切陀羅尼門智慧觀察於一切世界普說正法智慧觀察入一切法界智慧觀察知一切十方不可思議智慧觀察知一切佛法智慧光明無有障礙智慧觀察是爲十若諸菩薩安住其中則得如來無上大智慧觀察第十智慧觀察下九門明真實位中行即分爲九一觀察智二說法智三離障智四

刑五

十三

審決智五照徹智六無等智七無劣智八高出智九深廣智今初亦由不捨深大故能觀察前問但言觀察者脫智慧言十句準思

佛子菩薩摩訶薩有十種說法何等爲十所謂說一切法皆從緣起說一切法皆悉如幻說一切法無有乖諍說一切法無有邊際說一切法無所依止說一切法猶如金剛說一切法皆悉如如說一切法皆悉寂靜說一切法皆悉出離說一切法皆住一義本性成就

是爲十若諸菩薩安住其中則能善巧說一切法
二說法智由能內觀故能外說十中初二說俗後八說真一無二可諍二體德兼廣三相深遠四體堅利五如如不動六體絕

百非七在纏不染八體相一味

佛子菩薩摩訶薩有十種清淨何等為十所謂深心清淨斷疑清淨離見清淨境界清淨求一切智清淨辯才清淨無畏清淨住一切菩薩智清淨受一切菩薩律儀清淨具足成就無上菩提刑五三十二種百福相十三白淨法一切善根清淨是為十若諸菩薩安住其中則得一切如來無上清淨法

第三十種清淨即離障智此離智障晉名無垢故雖同清淨所淨不同十中與七淨有開合不同在文易了七淨如五地初辨

佛子菩薩摩訶薩有十種印

第四十種印者即審決智以清淨智決定印可一切法故故晉本中名為智印後所結益亦是智印亦猶三法印等亦猶三法印等等取

四印五印並如明法品說

何等為十所謂菩薩摩訶薩知苦苦壞苦行苦專求佛法不生懈怠行菩薩行無有疲懈不驚不畏不恐不怖不捨大願求一切智堅固不退究竟阿耨多羅三藐三菩提是為第一印

十中一於安受苦境忍智不動

菩薩摩訶薩見有眾生愚癡狂亂或以麤弊惡語而相毀辱或以刀杖瓦石而加損害終不以此境界捨菩薩心但忍辱柔和專修佛

法住最勝道入離生位是為第二印

二他不饒益忍行決定

菩薩摩訶薩聞說與一切智相應甚深佛法能以自智深信忍可解了趣入是為第三印
三於佛法深信忍決定即諦察法忍

菩薩摩訶薩又作是念我發深心求一切智
 我當成佛得阿耨多羅三藐三菩提一切衆
 生流轉五趣受無量苦亦當令其發菩提心
 深信歡喜勤修精進堅固不退是爲第四印
 四決定成佛度生

菩薩摩訶薩知如來智無有邊際不以齊限
 測如來智菩薩曾於無量佛所聞如來智無
 有邊際故能不以齊限測度一切世間文字
 所說皆有齊限悉不能知如來智慧是爲第
 五印

五決定知佛智無邊

菩薩摩訶薩於阿耨多羅三藐三菩提得最
 勝欲甚深欲廣欲大欲種種欲無能勝欲無
 上欲堅固欲衆魔外道并其眷屬無能壞欲
 求一切智不退轉欲菩薩住如是等欲於無

刑五

十四

上菩提畢竟不退是爲第六印

刑五

十五

六決欲佛果不退

菩薩摩訶薩行菩薩行不顧身命無能沮壞
 發心趣向一切智故一切智性常現前故得
 一切佛智光明故終不捨離佛菩提終不捨
 離善知識是爲第七印

七決不顧身命以親人法

菩薩摩訶薩若見善男子善女人趣大乘者
 令其增長求佛法心令其安住一切善根令
 其攝取一切智心令其不退無上菩提是爲

刑五

十五

第八印

八決度已入大乘者

菩薩摩訶薩令一切衆生得平等心勤令勤
 修一切智道以大悲心而爲說法令於阿耨
 多羅三藐三菩提永不退轉是爲第九印

九決平等度

菩薩摩訶薩與三世諸佛同一善根不斷一切諸佛種性究竟得至一切智智是為第十印

十決同佛體因圓果滿

佛子是為菩薩摩訶薩十種印菩薩以此速成阿耨多羅三藐三菩提具足如來一切法無上智印

佛子菩薩摩訶薩有十種智光照何等為十所謂知定當成阿耨多羅三藐三菩提智光照見一切佛智光照見一切衆生生死此生彼智光照解一切修多羅法門智光照依善知識發菩提心集諸善根智光照示現一切諸佛智光照教化一切衆生悉令安住如來地智光照演說不可思議廣大法門智光照善

巧了知一切諸佛神通威力智光照滿足一切諸波羅蜜智光照是為十若諸菩薩安住此法則得一切諸佛無上智光照

第五智光照即照徹智由印定故照徹無礙十句易知

佛子菩薩摩訶薩有十種無等住一切衆生聲聞獨覺悉無與等

第六無等住即無等智由前照徹故不偏住著雙住事理名無與等故

何等為十所謂菩薩摩訶薩雖觀實際而不

取證以一切願未成滿故是為第一無等住

菩薩摩訶薩種等法界一切善根而不於中有少執著是為第二無等住菩薩摩訶薩修

菩薩行知其如化以一切法悉寂滅故而於佛法不生疑惑是為第三無等住菩薩摩訶

薩雖離世間所有妄想然能作意於不可說劫行菩薩行滿足大願終不中起疲厭之心是為第四無等住菩薩摩訶薩於一切法無所取著以一切法性寂滅故而不證涅槃何以故一切智道未成滿故是為第五無等住菩薩摩訶薩知一切劫皆即非劫而真實說一切劫數是為第六無等住菩薩摩訶薩知一切法悉無所作而不捨作道求諸佛法是為第七無等住菩薩摩訶薩知三界唯心三世唯心而了知其心無量無邊是為第八無等住菩薩摩訶薩為一眾生於不可說劫行菩薩行欲令安住一切智地如為一眾生為一切眾生悉亦如是而不生疲厭是為第九無等住菩薩摩訶薩雖修行圓滿而不證菩提何以故菩薩作如是念我之所作本為眾

生是故我應久處生死方便利益皆令安住無上佛道是為第十無等住

列十中皆權實雙行或即寂之用即用之寂等並顯可知

佛子是為菩薩摩訶薩十種無等住若諸菩薩安住其中則得無上大智一切佛法無等住

大方廣佛華嚴經疏鈔會本第五十四之二

音釋

齊限 齊在諸切齊限分量也 詔曲 詔丑瑛切詔曲佞言不直也 誕 徒按揀古限切 乖諍 乖公懷切諍也 懈怠 懈古隘切懶也 沮壞 沮慈呂切毀也

大方廣佛華嚴經疏鈔會本第五十五 刑六

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩發十種無下劣心

第七無下劣心即無劣智上既望下無等

今望上無劣於十勝事皆決作故名無下

劣所以晉經名無怯弱

何等為十佛子菩薩摩訶薩作如是念我當

降伏一切天魔及其眷屬是為第一無下劣

心又作是念我當悉破一切外道及其邪法

是為第二無下劣心

十句五對一降魔制外對

又作是念我當於一切眾生善言開喻皆令

歡喜是為第三無下劣心又作是念我當成

滿徧法界一切波羅蜜行是為第四無下劣

心

二喜他自滿對

又作是念我當積集一切福德藏是為第五

無下劣心又作是念無上菩提廣大難成我

當修行悉令圓滿是為第六無下劣心

三積福成智對

又作是念我當以無上教化無上調伏教化

調伏一切眾生是為第七無下劣心又作是

念一切世界種種不同我當以無量身成等

正覺是為第八無下劣心

四下化上成對上四單辨

又作是念我修菩薩行時若有眾生來從我

乞手足耳鼻血肉骨髓妻子象馬乃至王位

如是一切悉皆能捨不生一念憂悔之心但

為利益一切眾生不求果報以大悲為首大

慈究竟是為第九無下劣心

五悲智究竟對即是雙行於中九是即智之悲而悲智雙行雖悲而不求果報

又作是念三世所有一切諸佛一切佛法一切衆生一切國土一切世間一切三世一切

刑六

二

虛空界一切法界一切語言施設界一切寂滅涅槃界

十是即悲之智而權實雙行於中四一列所知

如是一切種種諸法我當以一念相應慧悉知悉覺悉見悉證悉修悉斷

二如是下辨能知謂知苦覺妄見理證滅修道斷集

然於其中無分別離分別無種種差別無功德無境界

三然於下拂彼知相能知無分別故無功德所知無種種故無境界

非有非無非一非二

四非有下會歸中道廣辨雙行於中初二句總辨中道

以不二智知一切二以無相智知一切相以無分別智知一切分別以無異智知一切異以無差別智知一切差別以無世間智知一切世間以無世智知一切世以無衆生智知一切衆生以無執著智知一切執著以無住處智知一切住處刑六以無雜染智知一切雜染以無盡智知一切盡三

次以不二下境智對明皆以實智知權顯雙行無礙於中異約豎論變異差別約橫辨不同

以究竟法界智於一切世界示現身以離言
音智示不可說言音以一自性智入於無自
性以一境界智現種種境界知一切法不可
說而現大自在言說證一切智地爲教化調
伏一切衆生故於一切世間示現大神通變
化是爲第十無下劣心

後以究竟法界下即體起用以辨雙行
佛子是爲菩薩摩訶薩發十種無下劣心若
諸菩薩安住此心則得一切最上無下劣佛
法

佛子菩薩摩訶薩於阿耨多羅三藐三菩提
有十種如山增上心

第八如山增上心辨高出智由無下劣故
萬行迥出難仰其高於勝決作故直趣菩
提不可傾動

何等爲十佛子菩薩摩訶薩常作意勤修一
切智法是爲第一如山增上心

十中一勤修能證智

恒觀一切法本性空無所得是爲第二如山
增上心

二常觀所證理

願於無量劫行菩薩行修一切白淨法以住
一切白淨法故知見如來無量智慧是爲第
三如山增上心

三內修無漏

刑六

四

爲求一切佛法故等心敬奉諸善知識無異
希求無盜法心唯生尊重未曾有意一切所
有悉皆能捨是爲第四如山增上心

四外近善人爲名利爲異求從他聞言已
解爲盜法觀佛三昧經說此人墮地獄如

箭射後學誠之

若有衆生罵辱毀謗打棒屠割苦其形體乃至斷命如是等事悉皆能受終不因此生動亂心生瞋害心亦不退捨大悲弘誓更令增長無有休息何以故菩薩於一切法如實出離捨成就故證得一切諸如來法忍辱柔和已自在故是爲第五如山增上心

五大忍度生弘誓更增者若薪熾於火

菩薩摩訶薩成就增上大功德所謂天增上功德人增上功德色增上功德力增上功德眷屬增上功德欲增上功德王位增上功德自在增上功德福德增上功德智慧增上功德雖復成就如是功德終不於此而生染著所謂不著味不著欲不著財富不著眷屬但深樂法隨法去隨法住隨法趣向隨法究竟

判六

五

以法爲依以法爲救以法爲歸以法爲舍守護法愛樂法希求法思惟法佛子菩薩摩訶薩雖復具受種種法樂而常遠離衆魔境界何以故菩薩摩訶薩於過去世發如是心我當令一切衆生皆悉永離衆魔境界住佛境故是爲第六如山增上心

六決超魔境由成勝德而不著唯法樂以自資則魔皆爲佛境

菩薩摩訶薩爲求阿耨多羅三藐三菩提已於無量阿僧祇劫行菩薩道精勤匪懈猶謂我今始發阿耨多羅三藐三菩提心行菩薩行亦不驚亦不怖亦不畏雖能一念即成阿耨多羅三藐三菩提然爲衆生故於無量劫行菩薩行無有休息是爲第七如山增上心
七勤勇修行攝論云愚修雖少時怠心疑

已久佛於無量劫勤勇謂須臾

菩薩摩訶薩知一切衆生性不和善難調難度不能知恩不能報恩是故爲其發大誓願欲令皆得心自在所行無礙捨離惡念不於他所生諸煩惱是爲第八如山增上心

八不捨惡人

菩薩摩訶薩復作是念非他令我發菩提心亦不待人助我修行我自發心集諸佛法誓期自勉盡未來劫行菩薩道成阿耨多羅三藐三菩提是故我今修菩薩行當淨自心亦淨他心當知自境界亦知他境界我當悉與三世諸佛境界平等是爲第九如山增上心

九孤標等佛

菩薩摩訶薩作如是觀無有一法修菩薩行無有一法滿菩薩行無有一法教化調伏一

別六

六

切衆生無有一法供養恭敬一切諸佛無有一法於阿耨多羅三藐三菩提已成今成當成無有一法已說今說當說說者及法俱不可得而亦不捨阿耨多羅三藐三菩提願

十權實雙行文中四一正辨雙行

何以故

二何以以下徵釋徵有二意一云修須稱理理既無得願何不捨既不捨願何用觀無進退有妨

菩薩求一切法皆無所得如是出生阿耨多羅三藐三菩提

二釋亦二意一云若有所得不得菩提以無得故出生菩提故雖不捨願須觀無得二云無得之法非在得外要求一切法方盡無得之源故欲證無得須不捨菩提之

願

是故於法雖無所得而勤修習增上善業清淨對治智慧圓滿念念增長一切具足其心於此不驚不怖

三是故已下結成雙行

刑六

不作是念若一切法皆悉寂滅我有何義求於無上菩提之道是為第十如山增上心

四不作是下顯其離過謂不怖空而不求故

七

佛子是為菩薩摩訶薩於阿耨多羅三藐三

菩提十種如山增上心若諸菩薩安住其中

則得如來無上大智山王增上心

佛子菩薩摩訶薩有十種入阿耨多羅三藐

三菩提如海智

第九如海智即深廣智非但求升聳峻抑

亦智體包含故

何等為十所謂入一切無量眾生界是為第一如海智入一切世界而不起分別是為第二如海智知一切虛空界無量無礙普入十方一切差別世界網是為第三如海智菩薩摩訶薩善入法界所謂無礙入不斷入不常入無量入不生入不滅入一切入悉了知故是為第四如海智菩薩摩訶薩於過去未來現在諸佛菩薩法師聲聞獨覺及一切凡夫所集善根已集現集當集三世諸佛於阿耨多羅三藐三菩提已成今成當成所有善根三世諸佛說法調伏一切眾生已說今說當說所有善根於彼一切皆悉了知深信隨喜願樂修習無有厭足是為第五如海智菩薩摩訶薩於念念中入過去世不可說劫於一

劫中或百億佛出世或千億佛出世或百千億佛出世或無數或無量或無邊或無等或不可數或不可稱或不可思或不可量或不可說或不可說不可說超過算數諸佛世尊出興于世及彼諸佛道場衆會聲聞菩薩說法調伏一切衆生壽命延促法住久近如是一切悉皆明見如一劫一切諸劫皆亦如是其無佛劫所有衆生有於阿耨多羅三藐三菩提種諸善根亦悉了知若有衆生善根熟已於未來世當得見佛亦悉了知如是觀察過去世不可說不可說劫心無厭足是爲第六如海智菩薩摩訶薩入未來世觀察分別一切諸劫無量無邊知何劫有佛何劫無佛何劫有幾如來出世一一如來名號何等住何世界世界名何度幾衆生壽命幾時如是

刑六

八

觀察盡未來際皆悉了知不可窮盡而無厭足是爲第七如海智菩薩摩訶薩入現在世觀察思惟於念念中普見十方無邊品類不可說世界皆有諸佛於無上菩提已成今成當成往詣道場菩提樹下坐吉祥草降伏魔軍成阿耨多羅三藐三菩提從此起已入於城邑升天宮殿說微妙法轉大法輪示現神通調伏衆生乃至付囑阿耨多羅三藐三菩提法捨於壽命入般涅槃入涅槃已結集法藏令久住世莊嚴佛塔種種供養亦見彼世界所有衆生刑六值佛聞法受持諷誦憶念思惟九增長慧解如是觀察普徧十方而於佛法無有錯謬何以故菩薩摩訶薩了知諸佛皆悉如夢而能往詣一切佛所恭敬供養菩薩爾時不著自身不著諸佛不著世界不著衆會

不著說法不著劫數然見佛聞法觀察世界
入諸劫數無有厭足是爲第八如海智菩薩
摩訶薩於不可說不可說劫一一劫中供養
恭敬不可說不可說無量諸佛示現自身歿
此生彼以出過三界一切供具而爲供養并
及供養菩薩聲聞一切大衆一一如來般涅
槃後皆以無上供具供養舍利及廣行惠施
滿足衆生佛子菩薩摩訶薩以不可思議心
不求報心究竟心饒益心於不可說不可說
劫爲阿耨多羅三藐三菩提故供養諸佛饒
益衆生護持正法開示演說是爲第九如海
智菩薩摩訶薩於一切佛所一切菩薩所一
切法師所一向專求菩薩所說法菩薩所學
法菩薩所教法菩薩修行法菩薩清淨法菩
薩成熟法菩薩調伏法菩薩平等法菩薩出

離法菩薩總持法得此法已受持讀誦分別
解脫無有厭足令無量衆生於佛法中發一
切智相應心入真實相於阿耨多羅三藐三
菩提得不退轉菩薩如是於不可說不可說
劫無有厭足是爲第十如海智

十中前四即四無量界後六並佛界無量
開出謂五入三世佛善根六七八入三世
佛界九供多佛十求多法並顯可知由此
因海得入果海

佛子是爲菩薩摩訶薩十種入阿耨多羅三

刑六

十

藐三菩提如海智若諸菩薩安住此法則得
一切諸佛無上大智慧海

上來十行位竟

佛子菩薩摩訶薩於阿耨多羅三藐三菩提
有十種如寶住

大文第四如寶住下二十九門答二十九句問迴向位中行若并無礙總句有三十門古德分三初十一門明向位中行體堅固二從十自在下一十二門明行用自在三從十種遊戲下七門明行德圓備今亦隨次配十迴向於中初有四門明初迴向二三迴向各有二門四五六七各唯一門第八迴向即十無礙九有三門十有四門至文當知今初四門明救護衆生離衆生相迴向位中之行即分爲四一明所迴善根二即大願救護三即迴向所爲四顯所作成滿今初所住善根可貴圓滿故何等爲十佛子菩薩摩訶薩悉能往詣無數世界諸如來所瞻覲頂禮承事供養是爲第一如寶住

初六

十一

十中一供事多佛

初六

十一

於不思議諸如來所聽聞正法受持憶念不令忘失分別思惟覺慧增長如是所作充滿十方是爲第二如寶住

二聞法受持

於此剎殺餘處現生而於佛法無所迷惑是爲第三如寶住

三自在受生

知從一法出一切法而能各各分別演說以一切法種種義究竟皆是一義故是爲第四如寶住

四說本末法於中初說從本起末法如無量義從一法生其一法者所謂無相次以一切下攝末歸本釋成上義知厭離煩惱知止息煩惱知防護煩惱知除

斷煩惱修菩薩行不證實際究竟到於實際
彼岸方便善巧善學所學令往昔願行皆得
成滿身不疲倦是爲第五如寶住

五知斷自在資糧道厭息加行道防護無
間道斷除而不取解脫道證入爲異二乘
留惑不斷方能究竟斷證故云何不證方
便巧學無邊佛法滿昔弘願故如箭射空
善學相拄故

知一切衆生心所分別皆無處所而亦說有
種種方處雖無分別無所造作爲欲調伏一
切衆生而有修行而有所作是爲第六如寶
住

六悲智雙行

知一切法皆同一性所謂無性無種種性無
無量性無可算數性無可稱量性無色無相

若一若多皆不可得而決定了知此是諸佛
法此是菩薩法此是獨覺法此是聲聞法此
是凡夫法此是善法此是不善法此是世間
法此是出世間法此是過失法此是無過失
法此是有漏法此是無漏法乃至此是有爲
法此是無爲法是爲第七如寶住

七知性相無礙

菩薩摩訶薩求佛不可得求菩薩不可得求
法不可得求衆生不可得而亦不捨調伏衆
生令於諸法成正覺願何以故菩薩摩訶薩
善巧觀察知一切衆生分別知一切衆生境
界方便化導令得涅槃爲欲滿足化衆生願
熾然修行菩薩行故是爲第八如寶住

八無得之得

菩薩摩訶薩知善巧說法示現涅槃爲度衆

生所有方便一切皆是心想建立非是顛倒亦非虛誑何以故菩薩了知一切諸法三世平等如如不動實際無住不見有一衆生已受化今受化當受化亦自了知無所修行無有少法若生若滅而可得者而依於一切法令所願不空是爲第九如寶住

刑六

十三

九觀空滿願

菩薩摩訶薩於不思議無量諸佛一一佛所聞不可說不可說授記法名號各異劫數不同從於一劫乃至不可說不可說劫常如是聞聞已修行不驚不怖不迷不感知如來智不思議故如來授記言無二故自身行願殊勝力故隨應受化令成阿耨多羅三藐三菩提滿等法界一切願故是爲第十如寶住

十受行無厭於中先正顯後知如來下釋

成

佛子是爲菩薩摩訶薩於阿耨多羅三藐三菩提十種如寶住若諸菩薩安住此法則得諸佛無上大智慧寶

佛子菩薩摩訶薩發十種如金剛大乘誓願心

第二十種如金剛心即大願救護雖迴向皆願此在初故謂於當作事及現作行皆無齊限要心堅固窮其際故

何等爲十佛子菩薩摩訶薩作如是念一切諸法無有邊際不可窮盡我當以盡三世智普皆覺了無有遺餘是爲第一如金剛大乘誓願心

十中一法門無盡誓願知

菩薩摩訶薩又作是念於一毛端處有無量

無邊眾生何況一切法界我當皆以無上涅槃而滅度之是為第二如金剛大乘誓願心

二眾生無邊誓願度

菩薩摩訶薩又作是念十方世界無量無邊無有齊限不可窮盡我當以諸佛國土最上

莊嚴莊嚴如是一切世界所有莊嚴皆悉真實是為第三如金剛大乘誓願心

三嚴刹

菩薩摩訶薩又作是念一切眾生無量無邊無有齊限不可窮盡我當以一切善根迴向

於彼無上智光照耀於彼是為第四如金剛大乘誓願心

四迴向

菩薩摩訶薩又作是念一切諸佛無量無邊無有齊限不可窮盡我當以所種善根迴向

刑六

古

供養悉令周徧無所闕少然後我當成阿耨多羅三藐三菩提是為第五如金剛大乘誓願心

願心

五供佛上三願成佛果上五皆約當成並橫論無畔

佛子菩薩摩訶薩見一切佛聞所說法生大歡喜不著自身不著佛身解如來身非實非虛非有非無非性非無性非色非無色非相非無相非生非滅實無所有亦不壞有何以故不可以一切性相而取著故是為第六如金剛大乘誓願心

刑六

十五

次二約其現作皆豎說無際謂六見聞無著

佛子菩薩摩訶薩或被眾生訶罵毀訾搗打楚撻或截手足或割耳鼻或挑其目或級其

頭如是一切皆能忍受終不因此生恚害心於不可說不可說無央數劫修菩薩行攝受衆生恒無廢捨何以故菩薩摩訶薩已善觀察一切諸法無有二相心不動亂能捨自身忍其苦故是爲第七如金剛大乘誓願心

七安忍不亂斬首爲級上二誓斷煩惱

佛子菩薩摩訶薩又作是念未來世劫無量無邊無有齊限不可窮盡我當盡彼劫於一世界行菩薩道教化衆生如一世界盡法界虛空界一切世界悉亦是而心不驚不怖不畏何以故爲菩薩道法應如是爲一切衆生而修行故是爲第八如金剛大乘誓願心後三亦約當成謂八徧於時處修行二利佛子菩薩摩訶薩又作是念阿耨多羅三藐三菩提以心爲本心若清淨則能圓滿一切

善根於佛菩提必得自在欲成阿耨多羅三藐三菩提隨意即成若欲除斷一切取緣住一向道我亦能得而我不斷爲欲究竟佛菩提故亦不即證無上菩提何以故爲滿本願盡一切世界行菩薩行化衆生故是爲第九如金剛大乘誓願心

九以心要成無際大行

佛子菩薩摩訶薩知佛不可得菩提不可得菩薩不可得一切法不可得衆生不可得心不可得行不可得過去不可得未來不可得現在不可得一切世間不可得有爲無爲不可得菩薩如是寂靜住甚深住寂滅住無諍住無言住無二住無等住自性住如理住解脫住涅槃住實際住

十即寂起用於中三一悟寂

而亦不捨一切大願不捨薩婆若心不捨菩薩行不捨教化衆生不捨諸波羅蜜不捨調伏衆生不捨承事諸佛不捨演說諸法不捨莊嚴世界

二而亦下起用

何以故菩薩摩訶薩發大願故雖復了達一切法相大慈悲心轉更增長無量功德皆具修行於諸衆生心不捨離

三何以釋成於中有三重徵釋初番意云所以即寂而用者由本願智不捨悲故

何以故一切諸法皆無所有凡夫愚迷不知不覺我當令彼悉得開悟於諸法性分明照了

次番云所以智不捨悲者智亦爲物故何以故一切諸佛安住寂滅而以大慈心於

諸世間說法教化曾無休息我今云何而捨大悲刑六

後番徵意云何以要此雙行者釋有二義一諸佛皆爾故十七

又我先發廣大誓願心發決定利益一切衆生心發積集一切善根心發安住善巧迴向心發出生甚深智慧心發舍受一切衆生心發於一切衆生平等心作真實語不虛誑語願與一切衆生無上大法願不斷一切諸佛種性今一切衆生未得解脫未成正覺未具佛法大願未滿云何而欲捨離大悲是爲第十如金剛大乘誓願心

二又我下我先願然故

佛子是爲菩薩摩訶薩發十種如金剛大乘誓願心若諸菩薩安住此法則得如來金剛

性無上大神通智

佛子菩薩摩訶薩有十種大發起

第三十種發起即是迴向所爲發起令現前故

何等爲十佛子菩薩摩訶薩作如是念我當

供養恭敬一切諸佛是爲第一大發起又作

是念我當長養一切菩薩所有善根是爲第

二大發起又作是念我當於一切如來般涅槃

後莊嚴佛塔以一切華一切鬘一切香一

切塗香一切末香一切衣一切蓋一切幢一

切幡而供養之受持守護彼佛正法是爲第

三大發起

十中前六自分初三福業大

又作是念我當教化調伏一切衆生令得阿耨多羅三藐三菩提是爲第四大發起又作

是念我當以諸佛國土無上莊嚴而以莊嚴

刑六

十六

一切世界是爲第五大發起又作是念我當

發大悲心爲一衆生於一切世界一一各盡

未來際劫行菩薩行如爲一衆生爲一切衆

生悉亦如是皆令得佛無上菩提乃至不生

一念疲懈是爲第六大發起

次三化業大嚴土亦爲攝生故

又作是念彼諸如來無量無邊我當於一如

來所經不思議劫恭敬供養如於一如來於

一切如來悉亦如是是爲第七大發起菩薩

摩訶薩又作是念彼諸如來滅度之後我當

爲一如來所有舍利各起寶塔其量高廣

與不可說諸世界等造佛形像亦復如是於

不可思議劫以一切寶幢幡蓋香華衣服而

爲供養不生一念厭倦之心爲成就佛法故

爲供養諸佛故爲教化衆生故爲護持正法
開示演說故是爲第八大發起

後四勝進七八勝進攝福

菩薩摩訶薩又作是念我當以此善根成無
上菩提得入一切諸如來地與一切如來體

刑六

光

性平等是爲第九大發起菩薩摩訶薩復作
是念我當成正覺已於一切世界不可說劫
演說正法示現不可思議自在神通身語及
意不生疲倦不離正法以佛力所持故爲一
切衆生勤行大願故大慈爲首故大悲究竟
故達無相法故住真實語故證一切法皆寂
滅故知一切衆生悉不可得而亦不違諸業
所作故與三世佛同一體故周徧法界虛空
界故通達諸法無相故成就不生不滅故具
足一切佛法故以大願力調伏衆生作大佛

事無有休息是爲第十大發起

後二勝進起化謂九證體十起用

佛子是爲菩薩摩訶薩十種大發起若諸菩
薩安住此法則不斷菩薩行具足如來無上
大智

佛子菩薩摩訶薩有十種究竟大事何等爲
十所謂恭敬供養一切如來究竟大事隨所
念衆生悉能救護究竟大事專求一切佛法
究竟大事積集一切善根究竟大事思惟一
切佛法究竟大事滿足一切誓願究竟大事
成就一切菩薩行究竟大事奉事一切善知
識究竟大事往詣一切世界諸如來所究竟
大事聞持一切諸佛正法究竟大事是爲十
若諸菩薩安住此法則得阿耨多羅三藐三
菩提大智慧究竟事

第四究竟大事即所作成滿十句可知

佛子菩薩摩訶薩有十種不壞信何等爲十
所謂於一切佛不壞信於一切佛法不壞信
於一切聖僧不壞信於一切菩薩不壞信於
一切善知識不壞信於一切衆生不壞信於
一切菩薩大願不壞信於一切菩薩行不壞
信於恭敬供養一切諸佛不壞信於菩薩巧
密方便教化調伏一切衆生不壞信是爲十
若諸菩薩安住此法則得諸佛無上大智慧
不壞信

第二不壞信下二門明不壞迴向中行此
門正明不壞十句義如前說

佛子菩薩摩訶薩有十種得授記何等爲十
所謂內有甚深解得授記能隨順起菩薩諸
善根得授記修廣大行得授記現前得授記

不現前得授記因自心證菩提得授記成就
忍得授記教化調伏衆生得授記究竟一切
劫數得授記一切菩薩行自在得授記是爲
十若諸菩薩安住此法則於一切諸佛所而
得授記

二十種受記即迴向行成十中一解會佛
心二具解脫分善三大行已修此三多約
三賢四五約對面不對面法華云其不在
此會汝當爲宣說等六初地證如七八地
成忍八九地具調化方九十地三大劫滿
十等覺已入重玄故云自在刑六如記慈氏等
若約行布此位但有前五因便餘來若約
圓融並通斯十

佛子菩薩摩訶薩有十種善根迴向菩薩由
此能以一切善根悉皆迴向何等爲十所謂

以我善根同善知識願如是成就莫別成就
以我善根同善知識心如是成就莫別成就
以我善根同善知識行如是成就莫別成就
以我善根同善知識善根如是成就莫別成就
就以我善根同善知識平等如是成就莫別
成就以我善根同善知識念如是成就莫別
成就以我善根同善知識清淨如是成就莫
別成就以我善根同善知識所住如是成就
莫別成就以我善根同善知識成滿如是成
就莫別成就以我善根同善知識不壞如是
成就莫別成就是爲十若諸菩薩安住此法
則得無上善根迴向

第三十種善根迴向下二門明等一切佛
迴向中行此門正明等佛佛爲真善知識
同即等義十中心即悲智爲心平等契理

餘各一義皆云同者同一體故不見二相
故標云由此能以一切善根皆悉迴向
佛子菩薩摩訶薩有十種得智慧何等爲十
所謂於施自在得智慧深解一切佛法得智
慧入如來無邊智得智慧於一切問答中能
斷疑得智慧入於智者義得智慧深解一切
如來於一切佛法中言音善巧得智慧深解
於諸佛所種少善根必能滿足一切白淨法
獲如來無量智得智慧成就菩薩不思議住
得智慧於一念中悉能往詣不可說佛刹得
智慧覺一切佛菩提入一切法界聞持一切
佛所說法深入一切如來種種莊嚴言音得
智慧是爲十若諸菩薩安住此法則得一切
諸佛無上現證智

二得智慧亦迴向行成故彼文云住此三

昧入深清淨智慧境界等故

佛子菩薩摩訶薩有十種發無量無邊廣大心何等為十所謂於一切諸佛所發無量無邊廣大心觀一切剎一切世一切法界發無量無邊

列六

主

廣大心觀察一切法皆如虛空發無量無邊廣大心觀察一切菩薩廣大行發無量無邊廣大心正念三世一切諸佛發無量無邊廣大心觀不思議諸業果報發無量無邊廣大心嚴淨一切佛刹發無量無邊廣大心徧入一切諸佛大會發無量無邊廣大心觀察一切如來妙音發無量無邊廣大心是為十若諸菩薩安住此心則得一切佛法無量無邊廣大智慧海

列六

主

第四十種廣大心明至一切處迴向中行

無量無邊故無不至境既無量無邊心如境而廣大

佛子菩薩摩訶薩有十種伏藏何等為十所謂知一切法是起功德行藏知一切法是正思惟藏知一切法是陀羅尼照明藏知一切法是辯才開演藏知一切法是不可說善覺真實藏知一切佛自在神通是觀察示現藏知一切法是善巧出生平等藏知一切法是常見一切諸佛藏知一切不思議劫是善了皆如幻住藏知一切諸佛菩薩是發生歡喜淨信藏是為十若諸菩薩安住此法則得一切諸佛無上智慧法藏悉能調伏一切衆生第五十種伏藏即無盡功德藏迴向中行於一切法蘊斯十義故名為藏即法而觀惑者不見故名為伏一切各十是無盡功

德矣

佛子菩薩摩訶薩有十種律儀何等爲十所謂於一切佛法不生誹謗律儀於一切佛所信樂心不可壞律儀於一切菩薩所起尊重恭敬律儀於一切善知識所終不捨愛樂心律儀於一切聲聞獨覺不生憶念心律儀遠離一切退菩薩道律儀不起一切損害衆生心律儀修一切善根皆令究竟律儀於一切魔悉能降伏律儀於一切波羅蜜皆令滿足律儀是爲十若諸菩薩安住此法則得無上大智律儀

第六十種律儀即隨順堅固一切善根迴向中行彼約行首故廣就施以明善根今約行本略辨律儀善根皆順平等之理實通一切故第八云一切善根皆令究竟究

竟即順堅固義通明十句攝善饒益無所不具通一切善居然可知

佛子菩薩摩訶薩有十種自在何等爲十所謂命自在於不可說劫住壽命故心自在智慧能入阿僧祇諸三昧故資具自在能以無量莊嚴莊嚴一切世界故業自在隨時受報故受生自在於一切世界示現受生故解自在於一切世界見佛充滿故願自在隨欲隨時於諸刹中成正覺故神力自在示現一切大神變故法自在示現無邊諸法門故智自在於念念中示現如來十力無畏成正覺故是爲十若諸菩薩安住此法則得圓滿一切諸佛諸波羅蜜智慧神力菩提自在

第七十自在即平等隨順一切衆生迴向中行具十自在能隨順故十自在如八地

辨

大方廣佛華嚴經疏鈔會本第五十五

音釋

骨髓

髓息委切
骨中脂也

屠割

屠音徒割
古達切

錯謬

錯各切
謬七切

談也謬靡
幼切差也

咎

將几切
口毀也

搨

陟瓜切
捶也

撻

他達切
打也

截

肝結切
斷也

挑

吐彫切
扶也

薩婆

梵語也
此云

若

一切智若爾

者

古活切
受弦虛也

箬

受弦虛也

大方廣佛華嚴經疏鈔會本第五十六 刑七

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種無礙用何等為十
所謂衆生無礙用國土無礙用法無礙用身
無礙用願無礙用境界無礙用智無礙用神
通無礙用神力無礙用力無礙用

第八十無礙用即真如相迴向中行如於
真如無障礙故故彼位果云住於此位得
一切刹平等平等即是無礙之因亦無
礙之義又云得佛無量圓滿之身一身充
滿一切世界等即正顯無礙之義文中四
先總標十章二佛子云何下總徵十章三
佛子菩薩下依章別釋四佛子如是下總
結成益今初亦三謂標徵列名無礙者前

明自在即作用任運今明無礙顯作用無
拘又無礙有二一智二事十中有通有局
然法智無礙多唯約智如身刹等多唯約
事如衆生等通於事智然事無礙必通於
智智無礙境未必通事二皆即體之用故
並云無礙用也然十皆通二利且約化說
初一所化二是化處餘皆能化謂化法化
身等可以意得

佛子云何爲菩薩摩訶薩衆生等無礙用
佛子菩薩摩訶薩有十種衆生無礙用何者
爲十所謂知一切衆生無衆生無礙用知一
切衆生但想所持無礙用爲一切衆生說法
未曾失時無礙用普化現一切衆生界無礙
用置一切衆生於一毛孔中而不迫隘無礙
用爲一切衆生示現他方一切世界令其悉

見無礙用爲一切衆生示現釋梵護世諸天
身無礙用爲一切衆生示現聲聞辟支佛寂
靜威儀無礙用爲一切衆生示現菩薩行無
礙用爲一切衆生示現諸佛色身相好一切
智力成等正覺無礙用是爲十

第三依章別釋中即爲十段文皆有四謂
標徵釋結今初所化衆生無礙用十句中
前三約智辨無礙一了性空故二唯心現
故此二實智三知時說法即是權智餘七
約事無礙四能現衆生故五近收一毛六
遠示他刹餘四示上首之身

佛子菩薩摩訶薩有十種國土無礙用何等
爲十所謂一切刹作一刹無礙用一切刹入
一毛孔無礙用知一切刹無有盡無礙用一
身結跏趺坐充滿一切刹無礙用一身中現

刑七

二

一切刹無礙用震動一切刹不令衆生恐怖
無礙用以一切刹莊嚴具莊嚴一刹無礙用
以一刹莊嚴具莊嚴一切刹無礙用以一如
來一衆會徧一切佛刹示現衆生無礙用一
切小刹中刹大刹廣刹深刹仰刹覆刹側刹
正刹徧諸方網無量差別以此普示一切衆
生無礙用是爲十

第二刹無礙十中知刹無盡通智通事故
晉經云於一切刹深入無盡方便度世云
一切佛界所入無盡皆通事也餘九唯事

無礙深即微細刹餘並可知

刑七

佛子菩薩摩訶薩有十種法無礙用何等爲
十所謂知一切法入一法一法入一切法而
亦不違衆生心解無礙用從般若波羅蜜出
生一切法爲他解說悉令開悟無礙用知一

刑七

二

切法離文字而令衆生皆得悟入無礙用知一切法入一相而能演說無量法相無礙用知一切法離言說能爲他說無邊法門無礙用於一切法善轉普門字輪無礙用以一切法入一法門而不相違於不可說劫說不窮盡無礙用以一切法悉入佛法令諸衆生皆得悟解無礙用知一切法無有邊際無礙用知一切法無障礙際猶如幻網無量差別於無量劫爲衆生說不可窮盡無礙用是爲十

第三法無礙謂皆約智於性相無礙之法能知說自在故一一多即入而不壞本二實智出權三無文示文四一說多相五無說之說六一言圓備輪字之義彌伽處釋七門門互收八以真收俗九橫知無邊十豎窮其際

佛子菩薩摩訶薩有十種身無礙用何等爲十所謂以一切衆生身入己身無礙用以己身入一切衆生身無礙用一切佛身入一佛身無礙用一佛身入一切佛身無礙用一切刹入己身無礙用以一身充徧一切三世法示現衆生無礙用於一身示現無邊身入三昧無礙用於一身示現衆生數等身成正覺無礙用於一切衆生身現一衆生身於一衆生身現一切衆生身無礙用於一切衆生身示現法身於法身示現一切衆生身無礙用是爲十

列七

四

第四身無礙用文可知

佛子菩薩摩訶薩有十種願無礙用何等爲十所謂以一切菩薩願作自願無礙用以一切佛成菩提願力示現自成正覺無礙用隨

所化衆生自成阿耨多羅三藐三菩提無礙
用於一切無邊際劫大願不斷無礙用遠離
識身不著智身以自在願現一切身無礙用
捨棄自身成滿他願無礙用普教化一切衆
生而不捨大願無礙用於一切劫行菩薩行
而大願不斷無礙用於一毛孔現成正覺以
願力故充徧一切諸佛國土於不可說不可
說世界爲一一衆生如是示現無礙用說一
句法徧一切法界與大正法雲耀解脫電光
震實法雷音雨甘露味雨以大願力充洽一
切諸衆生界無礙用是爲十

第五願無礙用文並可知

佛子菩薩摩訶薩有十種境界無礙用何等
爲十所謂在法界境界而不捨衆生境界無
礙用在佛境界而不捨魔境界無礙用在涅

列七

五

槃境界而不捨生死境界無礙用入一切智
境界而不斷菩薩種種性境界無礙用住寂靜
境界而不捨散亂境界無礙用住無去無來
無戲論無相狀無體性無言說如虛空境界
而不捨一切衆生戲論境界無礙用住諸力

解脫境界而不捨一切諸方所境界無礙用
入無衆生際境界而不捨教化一切衆生無
礙用住禪定解脫神通明智寂靜境界而於
一切世界示現受生無礙用住如來一切行
莊嚴成正覺境界而現一切聲聞辟支佛寂
靜威儀無礙用是爲十

第六境界無礙謂於此十種勝劣相違境
中於勝現劣迴轉無礙是爲菩薩分齊之
境文亦可知

佛子菩薩摩訶薩有十種智無礙用何等爲

十所謂無盡辯才無礙用一切總持無有忘失無礙用能決定知決定說一切衆生諸根無礙用於一念中以無礙智知一切衆生心之所行無礙用知一切衆生欲樂隨眠習氣煩惱病隨應投藥無礙用一念能入如來十力無礙用以無礙智知三世一切劫及其中衆生無礙用於念念中現成正覺示現衆生無有斷絕無礙用於一衆生想知一切衆生業無礙用於一衆生音解一切衆生語無礙用是爲十

第七智無礙前來雖亦有智各從本類攝之今則一向辨其智用然智無若干因法顯別以法從智前法無礙以智從法十中初二能化智次三知所化智六上入佛智前六皆權智七八權實無礙智後二事事

無礙智

佛子菩薩摩訶薩有十種神通無礙用何等爲十所謂於一身示現一切世界身無礙用於一佛衆會聽受一切佛衆會中所說法無礙用於一衆生心念中成就不可說無上菩提開悟一切衆生心無礙用以一音現一切世界差別言音令諸衆生各得解了無礙用一念中現盡前際一切劫所有業果種種差別令諸衆生悉得知見無礙用一微塵出現廣大佛刹無量莊嚴無礙用令一切世界具足莊嚴無礙用普入一切三世無礙用放大法光明現一切諸佛菩提衆生行願無礙用善守護一切天龍夜叉乾闥婆阿脩羅迦樓羅緊那羅摩睺羅伽釋梵護世聲聞獨覺菩薩所有如來十力菩薩善根無礙用是爲十

若諸菩薩得此無礙用則能普入一切佛法
第八神通無礙一無數色身通二天耳三
他心四分別言辭五宿住通故度世經名
見前世六往一切佛刹通莊嚴乃是其中
別義七未來劫通前已明過去故通舉三

世八即一切法智通故度世云一切諸佛

刑七

七

菩薩所建立行演法光明而照耀之即是
法光照佛法也九即天眼度世云知見一
切等故謂見有所作而守護之十準晉本
云佛子略說菩薩平等觀一切諸法通自
在此即一切法滅盡三昧通平等寂滅故
故度世云菩薩平等寂諸音響則以平夷
等御衆生今文脫此文中略舉故不曲盡
大旨不異如十通品辨

佛子菩薩摩訶薩有十種神力無礙用何等

爲十所謂以不可說世界置一塵中無礙用
於一塵中現等法界一切佛刹無礙用以一
切大海水置一毛孔周旋往返十方世界而
於衆生無所觸燒無礙用以不可說世界內
自身中示現一切神通所作無礙用以一毛
繫不可數金剛圍山持以遊行一切世界不
令衆生恐怖心無礙用以不可說劫作一
劫一劫作不可說劫於中示現成壞差別不
令衆生心有恐怖無礙用於一切世界現水
火風災種種變壞而不惱衆生無礙用一切
世界三災壞時悉能護持一切衆生資生之
具不令損缺無礙用以一手持不思議世界
擲不可說世界之外不令衆生有驚怖想無
礙用說一切刹同於虛空令諸衆生悉得悟
解無礙用是爲十

第九神力無礙神通多約外用無壅神力
 多約內有幹能故其十中多約一毛含攝
 等此即身力後是智力若以通攝力十種
 神力但是一神足通耳既分通力兩殊故
 十通中少說神境

刑七

八

佛子菩薩摩訶薩有十種力無礙用何等為
 十所謂衆生力無礙用教化調伏不捨離故
 刹力無礙用示現不可說莊嚴而莊嚴故法
 力無礙用令一切身入無身故劫力無礙用
 修行不斷故佛力無礙用覺悟睡眠故行力
 無礙用攝取一切菩薩行故如來力無礙用
 度脫一切衆生故無師力無礙用自覺一切
 諸法故一切智力無礙用以一切智成正覺
 故大悲力無礙用不捨一切衆生故是為十
 第十力無礙用悲智之力皆無礙故亦有

事用無礙從多說之

佛子如是名為菩薩摩訶薩十種無礙用若
 有得此十無礙用者於阿耨多羅三藐三菩
 提欲成不成隨意無違雖成正覺而亦不斷
 行菩薩行何以故菩薩摩訶薩發大誓願入
 無邊無礙用門善巧示現故

第四總結成益中欲成不成已得無礙得
 果不捨因尤顯無礙

刑七

九

佛子菩薩摩訶薩有十種遊戲何等為十所
 謂以衆生身作刹身而亦不壞衆生身是菩
 薩遊戲以刹身作衆生身而亦不壞於刹身
 是菩薩遊戲於佛身示現聲聞獨覺身而不
 損減如來身是菩薩遊戲於聲聞獨覺身示
 現如來身而不增長聲聞獨覺身是菩薩遊
 戲於菩薩行身示現成正覺身而亦不斷菩

薩行身是菩薩遊戲於成正覺身示現修菩薩行身而亦不減成菩提身是菩薩遊戲於涅槃界示現生死身而不著生死是菩薩遊戲於生死界示現涅槃亦不究竟入於涅槃是菩薩遊戲入於三昧而示現行住坐卧一切業亦不捨三昧正受是菩薩遊戲在一佛所聞法受持其身不動而以三昧力於不可說諸佛會中各各現身亦不分身亦不起定而聞法受持相續不斷如是念念於一一三昧身各出生不可說不可說三昧身如是次第一切諸劫猶可窮盡而菩薩三昧身不可窮盡是菩薩遊戲是爲十若諸菩薩安住此法則得如來無上大智遊戲

第九遊戲下三門明無縛無著解脫迴向中行彼有百門廣顯以無縛著解脫成就

普賢自在智用今略其三此門任志行成遊賞自在次門明境界難量後門明智用幹能皆由無縛無著故今初中攝爲五對一依正染淨相作而皆不壞本相正顯遊戲之義如世縱情遊戲無損動故他皆倣此二大小乘互現三因果互現四生死涅槃互現五定散自在謂初即定中起用而常定後即用中入定而常用

佛子菩薩摩訶薩有十種境界何等爲十所謂示現無邊法界門令衆生得入是菩薩境界示現一切世界無量妙莊嚴令衆生得入是菩薩境界化往一切衆生界悉方便開悟是菩薩境界於如來身出菩薩身於菩薩身出如來身是菩薩境界於虛空界現世界於世界現虛空界是菩薩境界於生死界現涅槃

槃界於涅槃界現生死界是菩薩境界於一
衆生語言中出生一切佛法語言是菩薩境
界以無邊身現作一身一身作一切差別身
是菩薩境界以一身充滿一切法界是菩薩
境界於一念中令一切衆生發菩提心各現

無量身成等正覺是菩薩境界是爲十若諸

菩薩安住此法則得如來無上大智慧境界

第二境界難量通二種境一即遊戲所行
之境故晉經名爲勝行二即分齊之境謂
出沒無礙唯菩薩能故十中前三通所行

境後七皆分齊境

佛子菩薩摩訶薩有十種力何等爲十所謂
深心力不雜一切世情故增上深心力不捨
一切佛法故方便力諸有所作究竟故智力
了知一切心行故願力一切所求令滿故行

力盡未來際不斷故乘力能出生一切乘而
不捨大乘故神變力於一一毛孔中各各示
現一切清淨世界一切如來出興世故菩提
力令一切衆生發心成佛無斷絕故轉法輪
力說一句法悉稱一切衆生諸根性欲故是
爲十若諸菩薩安住此法則得諸佛無上一
切智十力

第三十力智能十中前七自分力後三勝
進力前中初三自利一一向深求故釋以
不雜二深求佛法佛法即是增上三所作
究竟者由有善巧次二利他後二通二利
餘可知

佛子菩薩摩訶薩有十種無畏

第十無畏下四門明法界無量迴向中
行分之爲三初門明所迴善根次門明法

界行體後二門明所成之德今初即是法

施善根無畏即說法之德故

何等爲十佛子菩薩摩訶薩悉能聞持一切言說作如是念設有衆生無量無邊從十方來以百千大法而問於我我於彼問不見微少難可答相以不見故心得無畏究竟到彼大無畏岸隨其所問悉能訓對斷其疑惑無有怯弱是爲菩薩第一無畏

十中一聞持無畏

佛子菩薩摩訶薩得如來灌頂無礙辯才到於一切文字言音開示秘密究竟彼岸作如是念設有衆生無量無邊從十方來以無量法而問於我我於彼問不見微少難可答相以不見故心得無畏究竟到彼大無畏岸隨其所問悉能訓對斷其疑惑無有恐懼是爲

菩薩第二無畏

二辯才無畏上二不畏不能答難

佛子菩薩摩訶薩知一切法空離我離我所無作無作者無知者無命者無養育者無補伽羅離蘊界處永出諸見心如虛空作如是念不見衆生有微少相能損惱我身語意業何以故菩薩遠離我我所故不見諸法有少性相以不見故心得無畏究竟到彼大無畏岸堅固勇猛不可沮壞是爲菩薩第三無畏

三二空無畏了達二空不畏妄念

佛子菩薩摩訶薩佛力所護佛力所持住佛威儀所行真實無有變易作如是念我不見有少分威儀令諸衆生生訶責相以不見故心得無畏於大衆中安隱說法是爲菩薩第四無畏

四威儀無缺無畏

佛子菩薩摩訶薩身語意業皆悉清淨鮮白
柔順遠離衆惡作如是念我不自見身語意
業而有少分可訶責相以不見故心得無畏
能令衆生住於佛法是爲菩薩第五無畏

五三業無過無畏上二不畏外譏

佛子菩薩摩訶薩金剛力士天龍夜叉乾闥
婆阿脩羅帝釋梵王四天王等常隨侍衛一
切如來護念不捨菩薩摩訶薩作如是念我
不見有衆魔外道有見衆生能來障我行菩
薩道少分之相以不見故心得無畏究竟到
彼大無畏岸發歡喜心行菩薩行是爲菩薩
第六無畏

六外護無畏不畏衆魔外道

佛子菩薩摩訶薩已得成就第一念根心無

忘失佛所悅可作如是念如來所說成菩提
道文字句法我不於中見有少分忘失之相
以不見故心得無畏受持一切如來正法行
菩薩行是爲菩薩第七無畏

七正念無畏不畏遺忘

佛子菩薩摩訶薩智慧方便悉已通達菩薩
諸力皆得究竟常勤教化一切衆生恒以願
心繫佛菩提而爲悲愍衆生故成就衆生故
於煩惱濁世示現受生種族尊貴眷屬圓滿
所欲從心歡娛快樂而作是念我雖與此眷
屬聚會不見少相而可貪著廢我修行禪定
解脫及諸三昧總持辯才菩薩道法何以故
菩薩摩訶薩於一切法已得自在到於彼岸
修菩薩行誓不斷絕不見世間有一境界而
能惑亂菩薩道者以不見故心得無畏究竟

到彼大無畏岸以大願力於一切世界示現受生是為菩薩第八無畏

八方便無畏不畏生死如善治船不懼海

難如善治船者即大品經意七地已引

佛子菩薩摩訶薩恒不忘失薩婆若心乘於

刑七

大乘行菩薩行以一切智大心勢力示現一

切聲聞獨覺寂靜威儀作如是念我不自見

當於二乘而取出離少分之相以不見故心

得無畏到彼無上大無畏岸普能示現一切

乘道究竟滿足平等大乘是為菩薩第九無

畏

九一切智心無畏不畏二乘

佛子菩薩摩訶薩成就一切諸白淨法具足

善根圓滿神通究竟住於諸佛菩提滿足一

切諸菩薩行於諸佛所受一切智灌頂之記

而常化衆生行菩薩道作如是念我不自見有一衆生應可成熟而不能現諸佛自在而成熟相以不見故心得無畏究竟到彼大無畏岸不斷菩薩行不捨菩薩願隨所應化一切衆生現佛境界而化度之是為菩薩第十無畏

十具行無畏不畏不能化生

佛子是為菩薩摩訶薩十種無畏若諸菩薩

安住此法則得諸佛無上大無畏而亦不捨

菩薩無畏

刑七

佛子菩薩摩訶薩有十種不共法

十五

第二不共法正明法界行體以稱法界起

行故不共凡小又悟不由他亦非他共

何等為十佛子菩薩摩訶薩不由他教自然

修行六波羅蜜常樂大施不生慳悋恒持淨

戒無所毀犯具足忍辱心不動搖有大精進
未曾退轉善入諸禪永無散亂巧修智慧悉
除惡見是爲第一不由他教隨順波羅蜜道
修六度不共法佛子菩薩摩訶薩普能攝受
一切衆生所謂以財及法而行惠施正念現
前和顏愛語其心歡喜示如實義令得悟解
諸佛菩提無有憎嫌平等利益是爲第二不
由他教順四攝道勤攝衆生不共法佛子菩
薩摩訶薩善巧迴向所謂不求果報迴向順
佛菩提迴向不著一切世間禪定三昧迴向
爲利益一切衆生迴向爲不斷如來智慧迴
向是爲第三不由他教爲諸衆生發起善根
求佛智慧不共法

十中一自利行二化他行三上求行
佛子菩薩摩訶薩到善巧方便究竟彼岸心

恒顧復一切衆生不厭世俗凡愚境界不樂
二乘出離之道不著已樂唯勤化度善能入
出禪定解脫於諸三昧悉得自在往來生死
如遊園觀未曾暫起疲厭之心或住魔宮或
爲釋天梵王世主一切生處靡不於中而現
其身或於外道衆中出家而恒遠離一切邪
見一切世間文詞咒術字印算數乃至遊戲
歌舞之法悉皆示現無不精巧或時示作端
正婦人智慧才能世中第一於諸世間出世
間法能問能說問答斷疑皆得究竟一切世
間出世間事亦悉通達到於彼岸一切衆生
恒來瞻仰雖現聲聞辟支佛威儀而不失大
乘心雖念念中示成正覺而不斷菩薩行是
爲第四不由他教方便善巧究竟彼岸不共
法

四善巧行於中五一巧離二乘二善能下
巧修三昧三往來下巧順世間四雖現下
巧住諸乘五雖念念下巧窮因果

佛子菩薩摩訶薩善知權實雙行道智慧自
在到於究竟所謂住於涅槃而示現生死知

無衆生而勤行教化究竟寂滅而現起煩惱

住一堅密智慧法身而普現無量諸衆生身

常入深禪定而示受欲樂常遠離三界而不

捨衆生常樂法樂而現有姝女歌詠嬉戲雖

以衆相好莊嚴其身而示受醜陋貧賤之形

常積集衆善無諸過惡而現生地獄畜生餓

鬼雖已到於佛智彼岸而亦不捨菩薩智身

菩薩摩訶薩成就如是無量智慧聲聞獨覺

尚不能知何況一切童蒙衆生是爲第五不

由他教權實雙行不共法

五雙行不共行有標釋結可知

佛子菩薩摩訶薩身口意業隨智慧行皆悉
清淨所謂具足大慈永離殺心乃至具足正
解無有邪見是爲第六不由他教身口意業
隨智慧行不共法

六三業隨智慧行行

佛子菩薩摩訶薩具足大悲不捨衆生代一
切衆生而受諸苦所謂地獄苦畜生苦餓鬼
苦爲利益故不生勞倦唯專度脫一切衆生
未曾耽染五欲境界常爲精勤滅除衆苦是
爲第七不由他教常起大悲不共法

七悲代他苦行

佛子菩薩摩訶薩常爲衆生之所樂見梵王
帝釋四天王等一切衆生見無厭足何以故
菩薩摩訶薩久遠世來行業清淨無有過失

是故衆生見者無厭是爲第八不由他教一切衆生皆悉樂見不共法

八大慈攝物行

佛子菩薩摩訶薩於薩婆若大誓莊嚴志樂堅固雖處凡夫聲聞獨覺險難之處終不退

失一切智心明淨妙寶佛子如有寶珠名淨

莊嚴置泥潦中光色不改能令濁水悉皆澄淨菩薩摩訶薩亦復如是雖在凡愚雜濁等

處終不失壞求一切智清淨寶心而能令彼諸惡衆生遠離妄見煩惱穢濁得求一切智

清淨心寶是爲第九不由他教在衆難處不

失一切智心寶不共法

九堅淨自他行涅槃春池可於中說

者然此經喻乃有二意一約教說二約理說今引涅槃乃是約教即第二名春池喻經云譬如春時有諸人等在大池浴乘船遊戲失瑠璃寶沒深水中是時諸人悉共

入水求覓是寶鏡捉瓦石各各自謂得瑠璃寶歡喜持出乃知非真是時寶珠猶在寶珠故在水下猶如仰觀虛空月形是時衆中有一智人以此方使力安徐入水即得寶珠遠公釋云此即對前比丘歡於中先喻無常苦空無我眞法教其甄揀於中先喻後約喻教勸喻中有三一求真取爲喻二歡喜下知爲非眞喻三是時下捨爲取眞喻上方喻意下約喻教勸比丘文別有四一約初喻呵其取喻經云汝等比丘不應如是修集無常苦無我想不淨想等以爲實義如彼諸人各以瓦石而爲寶珠二約第三喻教其取眞經云汝等應當善學方便在在處處常修我想常樂淨想三約第二喻勸知昔僞經云復應當知先所修集四法相貌悉是顛倒四重約第三喻勸修令眞經云欲得眞實修諸想者如彼智人巧出寶珠謂我想常樂淨想關中釋云譬如春時有諸人等在大池浴全爲設譬使知昔非而學今得是爲用也春既可樂又開浴之端而大池清曠濯之甚宜除垢合時寔唯昔說無常想者沐浴來集如林集聽本爲滌累以譬在大池浴今喻不稱故云有諸人等經言乘船遊戲者既聽致感遂有失言言跡似漫義曰浮虛而在言先則應前遇聽者乘以爲實是泛舟之像離內之外無有實功爲遊戲也經失瑠璃寶沒深水中者常與無常理本不偏言兼可珍而必是應獲由乘漫乖之爲失寶也乖

則永隱為深沒矣。經是時諸人悉共入水。求覓是寶者。聽本應取言旨。以從失成。求豈曰知之。理數然耳。求必就說。為人入水。矣。經競捉瓦石。至乃知非真言旨。雖俱以。非為隱然一本顯譬。浮一本密譬。沉而取。者其寶非寶。為草木瓦石之譬。及佛判非。真莫不歡喜。持出於伊字之譬。及佛判非。明外乃知非也。經是時寶珠至水皆澄。清於取不得。為故在水中。於知非為義真旨。始現乎語旨。現不復渾跡。則是珠力使澄。清矣。經於是。大衆至虛空。月形者。既自知。謬方見語旨。猶在言下。顯如月無復有。暗而理可仰。故如仰觀虛空中。月也。經是時。衆中至即。便得珠如說。修行為安。徐入。水要在修習。我常四法。而不廢替方便。之。義先修於常。然後知無常。如是得成。在我。豈非智哉。經不應修習。無常等想。乃至而。為寶珠者。合也。譬中已悉。故畧合耳。昔修。都非而以。為是似彼。癡人也。經汝等應當。善學方便。在在處處。常修我想。常樂淨想。者處處常修此四法者。必以得之。為方便。也。經後應當知先所修習四法。相親。悉是。顯倒者。知是則知非。知非則知是。對觀。然。後無惑矣。經欲得真寶。修諸想者。如彼智。人巧出寶珠。所謂我想。常樂淨想者。要常。修得我常樂淨。然後得真寶。如彼智人。也。上生公釋。遠師大同。而不委此。上約。權實教旨。故引涅槃。若直就經。宜用。心觀。約理以說。經中初法。次喻。後合。以一切智。清淨妙法。而為寶者。具三德。故明為般若。

第一三六冊 大方廣佛華嚴經疏鈔會本 一五·一五五七

淨即解脫。妙為法身。即體之智。曰明。即照之。寂為淨。斯二不二。為法身體。妙之至也。凡夫如泥。二乘有淺智。如濛光色。不改不壞。自心令濁。水清。即是利他。遠見。煩惱異。於凡夫。求一切智。異於二乘。故非凡夫。行非賢聖。行是菩薩行也。

佛子菩薩摩訶薩成就自覺境界智無師自悟究竟自在。到於彼岸。離垢法。繒以冠其首。

而於善友不捨親近。於諸如來常樂尊重。是為第十。不由他教。得最上法。不離善知識。不捨尊重。佛不共法。

十位滿常修行

佛子是為菩薩摩訶薩十種不共法。若諸菩薩安住其中。則得如來無上廣大不共法。

佛子菩薩摩訶薩有十種業。何等為十。所謂一切世界業。悉能嚴淨。故一切諸佛業。悉能供養。故一切菩薩業。同種善根。故一切眾生業。悉能教化。故一切未來業。盡未來際。攝取

業悉能教化。故一切未來業。盡未來際。攝取

故一切神力業不離一世界徧至一切世界
 故一切光明業放無邊色光明一一光中有
 蓮華座各有菩薩結跏趺坐而顯現故一切
 三寶種不斷業諸佛滅後守護住持諸佛法
 故一切變化業於一切世界說法教化諸衆

刑七

三十

生故一切加持業於一念中隨諸衆生心之
 所欲皆為示現令一切願悉成滿故是為十
 若諸菩薩安住此法則得如來無上廣大業
 第三十種業下二門明所成之德中先明
 業用十句可知

佛子菩薩摩訶薩有十種身何等為十所謂
 不來身於一切世間不受生故不去身於一
 切世間求不得故不實身一切世間如實得
 故不虛身以如實理示世間故不盡身盡未
 來際無斷絕故堅固身一切衆魔不能壞故

不動身衆魔外道不能動故具相身示現清
 淨百福相故無相身法相究竟悉無相故普
 至身與三世佛同一身故是為十若諸菩薩
 安住此法則得如來無上無盡之身

後門十身顯得其體然若身若業皆同法

界無量略舉十耳此中十身與第九行十
 身大同小異謂此不來不去即彼不生不
 滅不實不虛即彼不實不妄不盡堅固即
 彼不遷不壞不遷則橫無遷變不盡則豎
 說無窮此中不動即彼一相故文殊般若
 云不動法界法界即一相由得刑七一相魔不
 能動此具相身即彼入一切世界諸趣身
 無相名同普至身即彼入一切世界非趣
 身餘如十行中辨上來迴向位竟

佛子菩薩摩訶薩有十種身業何等為十所

謂一身充滿一切世界身業於一切衆生前
悉能示現身業於一切趣悉能受生身業遊
行一切世界身業往詣一切諸佛衆會身業
能以一手普覆一切世界身業能以一手磨
一切世界金剛圍山碎如微塵身業於自身
中現一切佛刹成壞示於衆生身業以一身
容受一切衆生界身業於自身中普現一切
清淨佛刹一切衆生於中成道身業是爲十
若諸菩薩安住此法則得如來無上佛業悉
能覺悟一切衆生

大文第五十種身業下有五十門答五十
問明十地位中行相古德分四初十二門
明十地中三業殊勝行寄在初地二從十
種勤修下九門明造修離障行寄二三地
三從十種離生道下九門明造修純熟行

寄在四地已上位四從十種足下二十門
報相圓滿行寄八地已上位此釋猶稍近
文亦未盡理今亦依次分配十地初地十
門次八漸略文勢爾故謂二地六門三四
各五門五二六一七八各三九地二門十
地十三門至文當知今初十門明歡喜地
中行若羸相分總爲三段初二約身次四
辨語後四明意總顯彼地三業殊勝若順
彼文且分爲二初九明初住地中行後一
明安住地中行前中分四初六門明依何
身次心刑七一門辨以何因三發心門明爲何
義四周徧門顯有何相今初分二前二約
身辨身後四就語辨身語屬身故皆是深
種善根之所攝故今初分二此門約色身
業用明身十句可知

佛子菩薩摩訶薩復有十種身何等爲十所謂諸波羅蜜身悉正修行故四攝身不捨一切衆生故大悲身代一切衆生受無量苦無疲厭故大慈身救護一切衆生故福德身饒益一切衆生故智慧身與一切佛身同一性故法身永離諸趣受生故方便身於一切處現前故神力身示現一切神變故菩提身隨樂隨時成正覺故是爲十若諸菩薩安住此法則得如來無上大智慧身

後十種身約法門自體明身故但云身十中度攝福智等即前深種善根集助道等互有影略

佛子菩薩摩訶薩有十種語何等爲十所謂柔輒語使一切衆生皆安隱故甘露語令一切衆生悉清涼故不誑語所有言說皆如實

故真實語乃至夢中無妄語故廣大語一切釋梵四天王等皆尊敬故甚深語顯示法性故堅固語說法無盡故正直語發言易了故種種語隨時示現故開悟一切衆生語隨其欲樂令解了故是爲十若諸菩薩安住此法則得如來無上微妙語

二就語辨身中四門皆是所種善根是知彼文雖無義已含有若全異彼豈爲彼行若全同彼何須重說故彼文節節皆云若廣說者不可窮盡小異何疑四門即分爲四初十種語明語體用若約遮釋十中初一離惡口二離兩舌次二離妄語一麤二細餘六離綺語若約表釋十種各顯一德佛子菩薩摩訶薩有十種淨修語業何等爲十所謂樂聽聞如來音聲淨修語業樂聞說

菩薩功德淨修語業不說一切衆生不樂聞
語淨修語業真實遠離語四過失淨修語業
歡喜踊躍讚歎如來淨修語業如來塔所高
聲讚佛如實功德淨修語業以深淨心施衆
生法淨修語業音樂歌頌讚歎如來淨修語
業於諸佛所聽聞正法不惜身命淨修語業
捨身承事一切菩薩及諸法師而受妙法淨
修語業是爲十

二十種淨修語顯語淨因初二攝法次二
離過次二攝善次二法施後二求法行由

此十事能令語淨

若菩薩摩訶薩以此十事淨修語業則得十
種守護何等爲十所謂天王爲首一切天衆
而爲守護龍王爲首一切龍衆而爲守護夜
叉王爲首乾闥婆王爲首阿脩羅王爲首迦

樓羅王爲首緊那羅王爲首摩睺羅伽王爲
首梵王爲首一一皆與自己徒衆而爲守護
如來法王爲首一切法師皆悉守護是爲十
三十王守護即淨語之果發其言善幽冥
應之況其人乎然地經中善知識善護意

通由諸善不獨由語故度世經亦不躡前
佛子菩薩摩訶薩得此守護已則能成辦十
種大事何等爲十所謂一切衆生皆令歡喜
一切世界悉能往詣一切諸根皆能了知一
切勝解悉令清淨一切煩惱皆令除斷一切
習氣皆令捨離一切欲樂皆令明潔一切深
心悉使增長一切法界悉令周徧一切涅槃
普令明見是爲十

四十種大事案經即內善外護故能成所
作然即地經善集白法善淨深心等餘句

中義亦不獨躡於語然皆躡者以語例餘
於理無爽十句並通二利文相亦顯

佛子菩薩摩訶薩有十種心何等爲十所謂
如大地心能持能長一切衆生諸善根故如
大海心一切諸佛無量無邊大智法水悉流

列七

五

入故如須彌山王心置一切衆生於出世間
最上善根處故如摩尼寶王心樂欲清淨無
雜染故如金剛心決定深入一切法故如金
剛圍山心諸魔外道不能動故如蓮華心一
切世法不能染故如優曇鉢華心一切劫中
難值遇故如淨日心破暗障故如虛空心不
可量故是爲十若諸菩薩安住其中則得如
來無上大清淨心

第二十種心者明以何因以大悲爲首荷
負一切等故十中一荷負心心如大地荷

四重任故二深廣心包含無外故三勝心
四淨心五利六堅七無染八希有九智慧
十無邊並語心體也

佛子菩薩摩訶薩有十種發心何等爲十所
謂發我當度脫一切衆生心發我當令一切
衆生除斷煩惱心發我當令一切衆生消滅
習氣心發我當斷除一切疑惑心發我當除
滅一切衆生苦惱心發我當除滅一切惡道
諸難心發我當敬順一切如來心發我當善
學一切菩薩所學心發我當於一切世間一
一毛端處現一切佛成正覺心發我當於一
切世界擊無上法鼓令諸衆生隨其根欲悉
得悟解心是爲十若諸菩薩安住其中則得
如來無上大發起能事心

第三十種發心者明爲何義爲上求下化

故發起勝用十句可知

佛子菩薩摩訶薩有十種周徧心何等爲十
所謂周徧一切虛空心發意廣大故周徧一
切法界心深入無邊故周徧一切三世心一
念悉知故周徧一切佛出現心於入胎誕生

刑七

主六

出家成道轉法輪般涅槃悉明了故周徧一
切衆生心悉知根欲習氣故周徧一切智慧
心隨順了知法界故周徧一切無邊心知諸
幻網差別故周徧一切無生心不得諸法自
性故周徧一切無礙心不住自心他心故周
徧一切自在心一念普現成佛故是爲十若
諸菩薩安住其中則得無量無上佛法周徧
莊嚴

第四十種周徧心明有何相以過凡夫地
入真如法中故十中一總明悲廣智大曠

若虛空二智契深極餘皆可知

佛子菩薩摩訶薩有十種根何等爲十所謂
歡喜根見一切佛信不壞故希望根所聞佛
法皆悟解故不退根一切作事皆究竟故安
住根不斷一切菩薩行故微細根入般若波
羅蜜微妙理故不休息根究竟一切衆生事
故如金剛根證知一切諸法性故金剛光燄
根普照一切佛境界故無差別根一切如來
同一身故無礙際根深入如來十種力故是
爲十若諸菩薩安住其中則得如來無上大

刑七

主七

智圓滿根

第二十種根即安住地中行由前初住之
行令此勝用增上皆光顯故名之爲根十
中分三初一信成就次六修行成就於中
初句樂欲根即近安樂法多聞能正觀故

二不退者即不著名利於三昧中亦無愛著及貪求故三安住者萬行念念現前故四五悲智不斷上皆教道六即證道之修後三即迴向成就一總求一切地智故即金剛智照徹法性故二別求法身三求功

德身謂十力等

佛子菩薩摩訶薩有十種深心何等爲十所謂不染一切世間法深心不雜一切二乘道深心了達一切佛菩提深心隨順一切智智道深心不爲一切衆魔外道所動深心淨修一切如來圓滿智深心受持一切所聞法深心不著一切受生處深心具足一切微細智深心修一切諸佛法深心是爲十若諸菩薩安住其中則得一切智無上清淨深心

第二十種深心下六門明第二地中行於

中二初二門明發起淨十種深心後四門自體淨今初前門自分直明深心後門勝進加以增上今初晉經及論皆名直心者然深心有二義一於法殷重名深即樂修善行二契理名深深入理故若語直心但有後義正念真如法故今文具二初由契理二由修行次七廣上契理後一顯前修行

佛子菩薩摩訶薩有十種增上深心何等爲十所謂不退轉增上深心刑七積集一切善根故天離疑惑增上深心解一切如來密語故正持增上深心大願大行所流故最勝增上深心深入一切佛法故爲主增上深心一切佛法自在故廣大增上深心普入種種法門故上首增上深心一切所作成辦故自在增上深

心一切三昧神通變化莊嚴故安住增上深
心攝受本願故無休息增上深心成熟一切
衆生故是爲十若諸菩薩安住此法則得一
切諸佛無上清淨增上深心

二增上深心即勝進上求增殷重故十句

亦四初門樂修善行二標契理次三成上

離疑一出所因二彰所入三成德自在後

五成上積集善根

佛子菩薩摩訶薩有十種勤修何等爲十所
謂布施勤修悉捨一切不求報故持戒勤修

頭陀苦行少欲知足無所欺故忍辱勤修離
自他想忍一切惡畢竟不生恚害心故精進
勤修身語意業未曾散亂一切所作皆不退
轉至究竟故禪定勤修解脫三昧出現神通
離一切欲煩惱鬪諍諸眷屬故智慧勤修修

習積聚一切功德無厭倦故大慈勤修知諸

衆生無自性故大悲勤修知諸法空普代一

切衆生受苦無疲厭故覺悟如來十力勤修

了達無礙示衆生故不退法輪勤修轉至一

切衆生心故是爲十若諸菩薩安住此法則

得如來無上大智慧勤修

第二十種勤修下四門明白體淨中行彼

約別地之行但明於戒而有三聚今文分

二初一門通修十度即攝善法戒律儀亦

在其中以地相望是修位之首故特名勤

修晉經名方便方便修起故

佛子菩薩摩訶薩有十種決定解何等爲十

所謂最上決定解種種尊重善根故莊嚴決

定解出生種種莊嚴故廣大決定解其心未

曾狹劣故寂滅決定解能入甚深法性故普

徧決定解發心無所不及故堪任決定解能受佛力加持故堅固決定解摧破一切魔業故明斷決定解了知一切業報故現前決定解隨意能現神通故紹隆決定解一切佛所得記故自在決定解隨意隨時成佛故是爲

十若諸菩薩安住此法則得如來無上決定解

二決定解下三門明饒益有情戒中行此門總顯智於諸善決起勝解地經約戒但解十善晉經名樂修由有決解故樂修習

佛子菩薩摩訶薩有十種決定解知諸世界何等爲十所謂知一切世界入一世界知一世界入一切世界知一切世界一如來身一蓮華座皆悉周徧知一切世界皆如虛空知一切世界具佛莊嚴知一切世界菩薩充滿

知一切世界入一毛孔知一切世界入一衆生身知一切世界一佛菩提樹一佛道場皆悉周徧知一切世界一音普徧令諸衆生各別了知心生歡喜是爲十若諸菩薩安住此法則得如來無上佛刹廣大決定解

二解世界

佛子菩薩摩訶薩有十種決定解知衆生界何等爲十所謂知一切衆生界本性無實知一切衆生界悉入一衆生身知一切衆生界悉入菩薩身知一切衆生界悉入如來藏知一衆生身普入一切衆生界知一切衆生界悉堪爲諸佛法器知一切衆生界隨其所欲爲現釋梵護世身知一切衆生界隨其所欲爲現聲聞獨覺寂靜威儀知一切衆生界爲現菩薩功德莊嚴身知一切衆生界爲現如

來相好寂靜威儀開悟衆生是爲十若諸善
 匪安住此法則得如來無上大威力決定解
 三解衆生文相並顯

大方廣佛華嚴經疏鈔會本第五十六

音釋

刑七

三

迫隘迫博陌切狹也隘烏麻切隘也 媯而沼切 訓市流切
 也也 訶責訶虎何切 憎嫌兼嫌戶切 醜陋醜昌九切
 陋音漏泥潦潦魯結切 繒疾陵切 級居立切
 鄰也委勇切 壅塞也 澆水也

大方廣佛華嚴經疏鈔會本第五十七之一 刑八

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種習氣何等為十所謂菩提心習氣善根習氣教化衆生習氣見

刑八

佛習氣於清淨世界受生習氣行習氣願習

氣波羅蜜習氣思惟平等法習氣種種境界

差別習氣是為十若諸菩薩安住此法則永

離一切煩惱習氣得如來大智習氣非習氣

智

第三十種習氣下五門明三地中行分二

前二門明能起厭行後三門即所起厭行

前中二此門明熏習成氣後門增盛攝取

今初由此地厭伏煩惱故於諸行積集熏

成氣分方能究竟斷伏煩惱故名習氣十

中一行本氣二成行氣三下化四上見五受生六大行七十願八十度九理智十量智

佛子菩薩摩訶薩有十種取以此不斷諸菩薩行何等為十所謂取一切衆生界究竟教

化故取一切世界究竟嚴淨故取如來修菩薩行為供養故取善根積集諸佛相好功德

故取大悲滅一切衆生苦故取大慈與一切衆生一切智樂故取波羅蜜積集菩薩諸莊

嚴故取善巧方便於一切處皆示現故取菩提得無礙智故略說菩薩取一切法於一切

處悉以明智而現了故是為十若諸菩薩安住此取則能不斷諸菩薩行得一切如來無

上無所取法

二十種取者明增盛攝取故晉經名熾然

由前積習愛樂得增上故

佛子菩薩摩訶薩有十種修何等為十所謂
修諸波羅蜜修學修慧修義修法修出離修
示現修勤行匪懈修成等正覺修轉正法輪
是為十若諸菩薩安住其中則得無上修修

一切法

第二十種修下三門明所起厭行即分為

三此門正顯修行前八修因後二修果

佛子菩薩摩訶薩有十種成就佛法何等為
十所謂不離善知識成就佛法深信佛語成
就佛法不謗正法成就佛法以無量無盡善
根迴向成就佛法信解如來境界無邊際成
就佛法知一切世界境界成就佛法不捨法
界境界成就佛法遠離諸魔境界成就佛法
正念一切諸佛境界成就佛法樂求如來十

刑八

二

力境界成就佛法是為十若諸菩薩安住此

法則得成就如來無上大智慧

第二成就佛法明修成勝緣依託此十能
成就故

佛子菩薩摩訶薩有十種退失佛法應當遠

離何等為十所謂輕慢善知識退失佛法畏

生死苦退失佛法厭修菩薩行退失佛法不

樂住世間退失佛法耽著三昧退失佛法執

取善根退失佛法誹謗正法退失佛法斷菩

薩行退失佛法樂二乘道退失佛法嫌恨諸

刑八

三

菩薩退失佛法是為十若諸菩薩遠離此法

則入菩薩離生道

第三十種退失明修行離過別舉十過總

令遠離文並可知

佛子菩薩摩訶薩有十種離生道何等為十

所謂出生般若波羅蜜而恒觀察一切衆生
 是爲一遠離諸見而度脫一切見縛衆生是
 爲二不念一切相而不捨一切著相衆生是
 爲三超過三界而常在一切世界是爲四永
 離煩惱而與一切衆生共居是爲五得離欲
 法而常以大悲哀愍一切著欲衆生是爲六
 常樂寂靜而恒示現一切眷屬是爲七離世
 間生而死此生彼起菩薩行是爲八不染一
 切世間法而不斷一切世間所作是爲九諸
 佛菩提已現其前而不捨菩薩一切願行是
 爲十佛子是爲菩薩摩訶薩十種離生道出
 離世間不與世共而亦不雜二乘之行若諸
 菩薩安住此法則得菩薩決定法

第四離生道下五門明四地中行分三初
 此門明清淨對治修行增長因次門明其

清淨後三門明對治修行增長 初門明等
 今具其三但畧無果非正地故然諸門
 一一皆與彼本分相應有不曉者尋前自
 了
 今初前三地寄同世間有見等惑猶如
 生食在腹四地寄同出世對治清淨能離
 彼生謂離有爲行故得無生故顯行純熟
 離生澀故廣如婆沙今是彼清淨對治之
 因故名爲道地經有十法明門初是觀察
 衆生今但廣斯一句餘略不具結云不雜
 二乘者以於十句雙行而修故不同二乘
 見道離生矣 結云已下四揀大異小然此
 中難生有二一離却生二離
生澀生此亦有二一從無之有
 日生二生長名生餘並可思
 佛子菩薩摩訶薩有十種決定法何等爲十
 所謂決定於如來種族中生決定於諸佛境
 界中住決定了知菩薩所作事決定安住諸
 波羅蜜決定得預如來衆會決定能顯如來

種性決定安住如來力決定深入佛菩提決定與一切如來同一身決定與一切如來所住無有二是爲十

第二決定法者明其清淨上明能離今顯

刑八

所以得出世決定法故故彼文云得彼

內法生如來家十中前五自分後五勝進
佛子菩薩摩訶薩有十種出生佛法道何等
爲十所謂隨順善友是出生佛法道同種善
根故深心信解是出生佛法道知佛自在故
發大誓願是出生佛法道其心寬廣故忍自
善根是出生佛法道知業不失故一切劫修
行無厭足是出生佛法道盡未來際故阿僧
祇世界皆示現是出生佛法道成熟衆生故
不斷菩薩行是出生佛法道增長大悲故無
量心是出生佛法道一念徧一切虛空界故

殊勝行是出生佛法道本所修行無失壞故
如來種是出生佛法道令一切衆生樂發菩
提心以一切善法資持故是爲十若諸菩薩
安住此法則得大丈夫名號

第三出生佛法下三門明對治修行增長

於中分二先二門明修行增長後一門明
修行對治今初亦二此門正明增長後門
顯立勝名今初從緣出生即增長義亦猶
出息增長其多十中初二順人信法次二
願智不虛次二時處廣長次二無間普徧

後二勝行攝生

佛子菩薩摩訶薩有十種大丈夫名號何等
爲十所謂名爲菩提薩埵菩提智所生故名
爲摩訶薩埵安住大乘故名爲第一薩埵證
第一法故名爲勝薩埵覺悟勝法故名爲最

刑八

五

勝薩埵智慧最勝故名爲上薩埵起上精進
 故名爲無上薩埵開示無上法故名爲力薩
 埵廣知十力故名爲無等薩埵世間無比故
 名爲不思議薩埵一念成佛故是爲十若諸
 菩薩得此名號則成就菩薩道

二丈夫名號即立勝名由德行內增故嘉
 名外立十中前四從境立名五六約當體
 受名上皆自利七八利他九通顯勝具二
 利故上皆自分因名後一勝進果稱上皆
 隨德假名故瑜伽四十六明菩薩隨德假
 名有十六種初名菩提薩埵十六名爲法
 師顯揚第八莊嚴論十二皆同此說又商
 主天子經五義立名恐繁不會瑜伽四十
六者彼論
 云一切菩薩當知復有如是等類無有差
 別隨德假名所謂名爲菩提薩埵摩訶薩
 埵成就覺慧最上照明最勝真子最勝住
 持普能降伏最勝萌芽亦名勇健亦名最

勝亦名商主亦名大名稱亦名憐愍亦名
 大福亦名自在亦名法師如是十方無邊
 無際諸世界中無邊菩薩當知乃至內德
 各別無量無邊假立相號釋曰下引二論
 與此全同一二小異義無以別又商主者
 一於菩提分住持入故故名菩提薩埵二
 入大乘故滿大乘智故故名摩訶薩埵三
 不可求法智德入故故名最勝薩埵四不
 與煩惱共住爲諸衆生滅煩惱故發精進
 故故名淨薩埵五令諸衆生行淨道故故

名極淨
 薩埵

佛子菩薩摩訶薩有十種道何等爲十所謂
 一道是菩薩道不捨獨一菩提心故二道是
 菩薩道出生智慧及方便故三道是菩薩道
 行空無相無願不著三界故四行是菩薩道
別八
 懺除罪障隨喜福德恭敬尊重勸請如來善
六
 巧迴向無休息故五根是菩薩道安住淨信
 堅固不動起大精進所作究竟一向正念無
 異攀緣巧知三昧入出方便善能分別智慧
 境界故六通是菩薩道所謂天眼悉見一切

世界所有衆色知諸衆生死此生彼故天耳
悉聞諸佛說法受持憶念廣爲衆生隨根演
暢故他心智能知他心自在無礙故宿命念
憶知過去一切劫數增長善根故神足通隨
所應化一切衆生種種爲現令樂法故漏盡
智現證實際起菩薩行不斷絕故七念是菩
薩道所謂念佛於一毛孔見無量佛開悟一
切衆生心故念法不離一如來衆會於一切
如來衆會中親承妙法隨諸衆生根性欲樂
而爲演說令悟入故念僧恒相續見無有休
息於一切世間見菩薩故念捨了知一切菩
薩捨行增長廣大布施心故念戒不捨菩提
心以一切善根迴向衆生故念天常憶念梵
率陀天宮一生補處菩薩故念衆生智慧方
便教化調伏普及一切無間斷故隨順菩提

八聖道是菩薩道所謂行正見道遠離一切
諸邪見故起正思惟捨妄分別心常隨順一
切智故常行正語離語四過順聖言故恒修
正業教化衆生令調伏故安住正命頭陀知
足威儀審正隨順菩提行四聖種一切過失
皆永離故起正精進勤修一切菩薩苦行入
佛十力無罣礙故心常正念悉能憶持一切
言音除滅世間散動心故心常正定善入菩
薩不思議解脫門於一三昧中出生一切諸
三昧故入九次第定是菩薩道所謂離欲恚
害而以一切語業說法無礙滅除覺觀而以
一切智覺觀教化衆生捨離喜愛而見一切
佛心大歡喜離世間樂而隨順出世菩薩道
樂從此不動入無色定而亦不捨欲色受生
雖住滅一切想受定而亦不息菩薩行故學

佛十力是菩薩道所謂善知是處非處智善知一切衆生去來現在業報因果智善知一切衆生上中下根不同隨宜說法智善知一切衆生種種無量性智善知一切衆生軟中上解差別令入法方便智徧一切世間一切刹一切三世一切劫普現如來形相威儀而亦不捨菩薩所行智善知一切諸禪解脫及諸三昧若垢若淨時與非時方便出生諸菩薩解脫門智知一切衆生於諸趣中死此生彼差別智於一念中悉知三世一切劫數智善知一切衆生樂欲諸使惑習滅盡智而不捨離諸菩薩行是爲十若諸菩薩安住此法則得一切如來無上巧方便道

第二有十種道明修行對治地經寄位廣明三十七品今約實位故增數顯十皆爲

八

八

對治並是正道十中前二後一名義皆不共三道則名義俱共四道至九名共小乘義唯實教前三可知言義唯實者故四行云善巧迴向無休息故五根定根知三昧入出六通天眼見死此生彼七六念成七加念衆生爲大悲故亦是廣七覺中一念覺故餘例此知八正思惟順一切智九次第定皆寂用雙行初禪離欲恚害而逆化衆生亦用欲等言說故云一切語業二禪雖無覺觀不壞淨覺以爲說因三禪離喜刑八而生法喜四禪離樂而受解脫道樂從此不動下明四無色定但總相顯勝雖住滅下即滅盡定此定雖盡滅諸不恒行心心所法及滅恒行染汙一分而以厭患想受爲先故名滅想受定由非想地猶有細想

九

是捨受故今實教明即受等性滅故不息
菩薩行是以七地云能念念入亦念念起
等餘如三地及七地中辨十力中六徧一
切下是一切至處道智入是天眼九是宿
命今三世悉知况乎宿命餘如初會中辨

義唯實教者總生下六段四以迴向無休
為實五以定知三昧出入為實六通天眼
但見三千等三明十力方見過未今見死
此生彼便同力義非是實教無此義耳七
以加悲念衆生為實又云亦是廣七覺中
一念覺者地經約道品明對治今五根八
正即是道品此廣念覺兼有七覺則與前
文影畧明耳八正中以順一切智異於二
乘為實九定權實變行為實如初禪離欲
惠害是實而能逆化是涉權故異權小之
九定也下並可思對前三地九次第定則
知此中權實變行以實教定故下指前文
佛子菩薩摩訶薩有無量道無量助道無量
修道無量莊嚴道

第五無量道下二門明五地中行分二此
門明勝慢對治中行後門明後二分中行

今初分二先總標四門以此四門同顯道

義義皆無量類例相從故總標之約義須

分故後二屬後以此四門下出經總標所
以約義須分下出疏別配

所以四中前二是五地修道為六地莊嚴
道是七地故云約義須分後二屬後恐是

譯人一
時標耳

佛子菩薩摩訶薩有十種無量道何等為十

所謂虛空無量故菩薩道亦無量法界無邊

故菩薩道亦無量衆生界無盡故菩薩道亦

無量世界無際故菩薩道亦無量劫數不可

盡故菩薩道亦無量一切衆生語言法無量

故菩薩道亦無量如來身無量故菩薩道亦

無量佛首聲無量故菩薩道亦無量如來力

無量於菩薩道亦無量一切智智無量故菩

薩道亦無量是為十

二從佛子下別明初門謂十平等心及隨

如道行皆是菩薩正道所遊路故以觸境
 皆如道無不在況虛空等十一一無量道
 豈有涯十中前四各一無量後四皆佛界
 無量語言亦屬衆生亦是調伏界無量劫
 數即豎論無量餘七橫論無量虛空亦橫
 亦豎法界非橫非豎虛空法界約無分量
 餘八廣多無量兼無分量十中前四者會
 五無量界也
 佛子菩薩摩訶薩有十種無量助道所謂如
 虛空界無量菩薩集助道亦無量如法界無
 邊菩薩集助道亦無邊如衆生界無盡菩薩
 集助道亦無盡如世界無際菩薩集助道亦
 無際如劫數說不可盡菩薩集助道亦一切
 世間說不能盡如衆生語言法無量菩薩集
 助道出生智慧知語言法亦無量如如來身
 無量菩薩集助道徧一切衆生一切刹一切

刑八

十一

世一切劫亦無量如佛音聲無量菩薩出一
 言音周徧法界一切衆生無不聞知故所集
 助道亦無量如佛力無量菩薩承如來力積
 集助道亦無量如一切智智無量菩薩積集
 助道亦如是無有量是爲十若諸菩薩安住
 此法則得如來無量智慧

二無量助道即不住道行勝及彼果勝中
 行以智契如是謂正道萬行資緣皆爲助
 道此二合行名不住道今以圓融之修無
 不契如並爲正道皆互相資並爲助道故
 舉虛空等十不異前章然正道不隨事轉
 同稱無量助道隨事故隨所等事名無邊
 無盡等二無量下疏文有四一顯前文然
 彼有三分一勝慢對治二不住道
 行勝三彼果勝上十平等是治他地慢隨
 如道即治自地慢俱是第一分今此即二
 三兩分以智契如下二釋成不住道義便
 仍釋前正道今以圓融下三通難釋成難

云今是助道豈是不住道行勝等中行耶
故答云俱為正道多為助道則助道中已
有正道故得合為不住道耳然正下復有
問言既俱互通那得經中分成二名故答
云雖則互通而文之中密已揀異則顯文
中同用空等顯互通義隨事不隱顯二別
義

佛子菩薩摩訶薩有十種無量修道何等為

十所謂不來不去修身語意業無動作故不
增不減修如本性故非有非無修無自性故
如幻如夢如影如響如鏡中像如熱時燄如
水中月修離一切執著故空無相無願無作
修明見三界而集福德不休息故不可說無
言說離言說修遠離施設安立法故不壞法
界修智慧現知一切法故不壞真如實際修
普入真如實際虛空際故廣大智慧修諸有
所作力無盡故住如來十力四無所畏一切
智智平等修現見一切法無疑惑故是為十

若諸菩薩安住此法則得如來一切智無上
善巧修

第六無量修道一門明六地中行般若現
前為真修故無去來等即十平等故十
中前四即勝慢對治中行攝十平等後六

即彼果勝中行不住道行勝十種觀緣彼

已廣故此略不明第六無量下文四一顯

來下顯其同相上四中前三約法後一約

喻法中彼從別義開成前八今總明之一

不起心二稱本性三遺修相亦可配三性

三無性如理思之四舉七喻通顯無著亦

可配三性者如初來去即徧計所執性以

不不之即相無自性性下二以依他圍成

對生無自性性勝義無自性性可以意得

四舉七喻者七喻全同彼文論釋云此明

遣我非有相而有二釋一者前七句以無破有七喻以有遣無令不著無故二者例同於前亦以無遣有故云我非有相幻夢影像不壞虛相取不可得後六中五雖證三空而集福德六不著教法不可說者理

列八

十三

圓言偏言不能詮故無言說者性無言故

離言說者忘言方會故七不壞事法界八

不壞真如理九總明權實之智故力無盡

上皆自分修十即勝進修

釋十平等言云彼從別義開成前八者一無相故二無體三無生四無成五本來清

淨六無戲論七無取捨八寂靜故平等今總明之下畧有三義一不起心者約定故經釋云無動作故二稱本性約觀智了本性心境實故故經釋云如本性故三遣修相者即上二修亦不立故釋云無自性故

佛子菩薩摩訶薩有十種莊嚴道

第七莊嚴道下三門明七地中行分三初

門明權實雙行次門明念念進趣後門取授自在今初即彼地中樂無作行對治十種方便智及雙行果發起勝行中行以權實交飾故曰莊嚴

何等為十佛子菩薩摩訶薩不離欲界入色界無色界禪定解脫及諸三昧亦不因此而受彼生是為第一莊嚴道智慧現前入聲聞道不以此道而取出離是為第二莊嚴道智慧現前入辟支佛道而起大悲無有休息是為第三莊嚴道雖有人天眷屬圍繞百千婁女歌舞侍從未曾暫捨禪定解脫及諸三昧是為第四莊嚴道與一切衆生受諸欲樂共相娛樂乃至未曾於一念間捨離菩薩平等三昧是為第五莊嚴道

列中前五自行無染

已到一切世間彼岸於諸世法悉無所著而亦不捨度衆生行是爲第六莊嚴道

次四隨有攝化一無染而化

安住正道正智正見而能示入一切邪道不取爲實不執爲淨令彼衆生遠離邪法是爲

第七莊嚴道

二處正入邪

常善護持如來淨戒身語意業無諸過失爲欲教化犯戒衆生示行一切凡愚之行雖已具足清淨福德住菩薩趣而示生於一切地獄畜生餓鬼及諸險難貧窮等處令彼衆生皆得解脫而實菩薩不生彼趣是爲第八莊嚴道

三持犯權實

不由他教得無礙辯智慧光明普能照了一

列八

十四

切佛法爲一切如來神力所持與一切諸佛同一法身成就一切堅固大人明淨密法安住一切平等諸乘諸佛境界皆現其前具足一切世智光明照見一切諸衆生界能爲衆生作知法師而示求正法未曾休息雖實與衆生作無上師而示行尊敬闍黎和尚何以故菩薩摩訶薩善巧方便住菩薩道隨其所應皆爲示現是爲第九莊嚴道

四人法權實

列八

十五

善根具足諸行究竟一切如來所共灌頂到一切法自在彼岸無礙法縉以冠其首其身徧至一切世界普現如來無礙之身於法自在最上究竟轉於無礙清淨法輪一切菩薩自在之法皆已成就而爲衆生故於一切國土示現受生與三世諸佛同一境界而不廢

菩薩行不捨菩薩法不懈菩薩業不離菩薩道不弛菩薩儀不斷菩薩取不息菩薩巧方便不絕菩薩所作事不厭菩薩生成用不止菩薩住持力何以故菩薩欲疾證阿耨多羅三藐三菩提觀一切智門修菩薩行無休息故是爲第十莊嚴道

十總顯因果權實於中三初因圓示缺示現受生是因未滿故次與三世下同果境界而不捨因因有十句行通二利法即教法業謂利他道謂正智儀謂制聽取即願求巧謂權變上皆所作事總語因體生成用者即因成大用住持力者長用不絕後何以下微釋可知

若諸菩薩安住此法則得如來無上大莊嚴道亦不捨菩薩道

佛子菩薩摩訶薩有十種足何等爲十所謂持戒足殊勝大願悉成滿故精進足集一切菩提分法不退轉故神通足隨衆生欲令歡喜故神力足不離一佛刹往一切佛刹故深心足願求一切殊勝法故堅誓足一切所作咸究竟故隨順足不違一切尊者教故樂法足聞持一切佛所說法不疲懈故法雨足爲衆演說無怯弱故修行足一切諸惡悉遠離故是爲十若諸菩薩安住此法則得如來無上最勝足若一舉步悉能徧至一切世界

二十足明念念進趣行即彼障對治中修行無量種及雙行分中菩提分差別等十中初二約行一戒二進次二約通一總二別次二約心一願二誓次二約法一順二持後二約德一演二伏

佛子菩薩摩訶薩有十種手何等爲十所謂深信手於佛所說一向忍可究竟受持故布施手有來求者隨其所欲皆令充滿故先意問訊手舒展右掌相迎引故供養諸佛手集衆福德無疲厭故多聞善巧手悉斷一切衆生疑故令超三界手授與衆生拔出欲泥故置於彼岸手四暴流中救溺衆生故不悞正法手所有妙法悉以開示故善用衆論手以智慧藥滅身心病故恒持智寶手開法光明破煩惱闇故是爲十若諸菩薩安住此法則得如來無上手普覆十方一切世界

三十種手明取授自在行即雙行分中能作大義十中初一約取謂念念中修習一切佛法向佛智故餘九約授於中前五明四攝一布施二愛語三四皆利行五即同

事共一手作而拔出故後四即四家一苦清淨故二示諸諦故三般若力故四捨煩惱故

佛子菩薩摩訶薩有十種腹何等爲十所謂離諂曲腹心清淨故離幻偽腹性質直故不虛假腹無險誑故無欺奪腹於一切物無所貪故斷煩惱腹具智慧故清淨心腹離諸惡故觀察飲食腹念如實法故觀察無作腹覺悟緣起故覺悟一切出離道腹善成熟深心故遠離一切邊見垢腹令一切衆生得入佛腹故是爲十若諸菩薩安住此法則得如來無上廣大腹悉能容受一切衆生

第八十腹下三門明第八地中行以內證無生故皆約內事明內德圓滿即分爲三初門明含容清淨德即彼集地分中無住

道清淨等故及淨忍分中得無生故亦是
 得勝行分中離一切貪著等故世人之腹
 多含穢惡今此十中前六明惡無不離七
 八九三明善無不積若能如是凡即佛腹
 佛子菩薩摩訶薩有十種藏何等為十所謂
 不斷佛種是菩薩藏開示佛法無量威德故
 增長法種是菩薩藏出生智慧廣大光明故
 住持僧種是菩薩藏令其得入不退法輪故
 覺悟正定衆生是菩薩藏善隨其時不踰一
 念故究竟成熟不定衆生是菩薩藏令因相
 續無有間斷故為邪定衆生發起大悲是菩
 薩藏令未來因悉得成就故滿佛十力不可
 壞因是菩薩藏具降伏魔軍無對善根故最
 勝無畏大師子吼是菩薩藏令一切衆生皆
 歡喜故得佛十八不共法是菩薩藏智慧普

入一切處故普了知一切衆生一切剎一切
 法一切佛是菩薩藏於一念中悉明見故是
 為十若諸菩薩安住此法則得如來無上善
 根不可壞大智慧藏

二有十藏前總舉其腹今別明五藏由得

勝行諸佛勸起一念出生含攝成熟無量

德故今別明五藏者謂脾腎心肺肝也上總衆一腹所有此唯取五藏下唯一

心約事即然約法皆十融無盡故十中初三出生三寶次

三成熟三聚邪定亦有佛性為未來因故

起悲為緣涅槃云一闡提人雖復斷善由

佛性力未來善根還得生長即其義也後

四攝授佛果最後即一切智也

大方廣佛華嚴經疏鈔會本第五十七之一

音釋

薩埵 佛梵語也此云成衆生也埵音用

礙 聖礙 聖古

弛 施氏切

澀 色入切

險 險彼義切

脾 脾之切

踰 踰也

肺 放吹切

肝 居寒切

腎 腎也

水藏也

時軫切

越也

羊朱切

蓋切

礎牛切

刑八

十九

第一三六冊 大方廣佛華嚴經疏鈔會本 一五·一五五七

三二五

龍藏

大方廣佛華嚴經疏鈔會本第五十七之二 刑九

唐子闡國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種心何等為十所謂
精勤心一切所作悉究竟故不懈心積集相

別九

好福德行故大勇健心摧破一切諸魔軍故
如理行心除滅一切諸煩惱故不退轉心乃
至菩提終不息故性清淨心知心不動無所
著故知衆生心隨其解欲令出離故令入佛
法大梵住心知諸衆生種種解欲不以別乘
而救護故空無相無願無作心見三界相不
取著故卍字相金剛堅固勝藏莊嚴心一切
衆生數等魔來乃至不能動一毛故是為十
若諸菩薩安住此法則得如來無上大智光
明滅心

三有十心即五藏之一最為勝故五藏主
故即此地能成諸善無功用心前初地中
明心梵云質多即慮知心對身口故今此
梵云纈唎陀耶此云肉團心對餘藏故十
中前六自利於中初二攝善一勤二策次
二破惡一破緣二破因次二成行一堅二
淨次二攝生心一智令悟二慈拯救大梵
住即四無量後二成德一深二固
佛子菩薩摩訶薩有十種被甲何等為十所
謂被大慈甲救護一切衆生故被大悲甲堪
忍一切諸苦故被大願甲一切所作究竟故
被迴向甲建立一切佛莊嚴故被福德甲饒
益一切諸衆生故被波羅蜜甲度脫一切諸
含識故被智慧甲滅一切衆生煩惱闇故被
善巧方便甲生普門善根故被一切智心堅

固不散亂甲不樂餘乘故被一心決定甲於一切法離疑惑故是爲十若諸菩薩安住此法則被如來無上甲冑悉能摧伏一切魔軍第九被甲下二門明九地行法師入有備外嚴故初門明入地十心如被甲防內將

趣入故十句可知

刑九

三

佛子菩薩摩訶薩有十種器仗何等爲十所謂布施是菩薩器仗摧破一切慳吝故持戒是菩薩器仗棄捨一切毀犯故平等是菩薩器仗斷除一切分別故智慧是菩薩器仗消滅一切煩惱故正命是菩薩器仗遠離一切邪命故善巧方便是菩薩器仗於一切處示現故略說貪瞋癡等一切煩惱是菩薩器仗以煩惱門度衆生故生死是菩薩器仗不斷菩薩行教化衆生故說如實法是菩薩器仗

能破一切執著故一切智是菩薩器仗不捨菩薩行門故是爲十若諸菩薩安住此法則能除滅一切衆生長夜所集煩惱結使

二十器仗器仗破外以住地心窮十稠林無不破故十中前五順仗破障次三違仗

破障如令賊破賊故次一非順非違仗如

以良謀不用兵仗無不破故後一切成立

德仗

佛子菩薩摩訶薩有十種首何等爲十所謂涅槃首無能見頂故尊敬首一切人天所敬

刑九

三

禮故廣大勝解首三千界中最爲勝故第一善根首三界衆生成供養故荷戴衆生首成就頂上肉髻相故不輕賤他首於一切處常尊勝故般若波羅蜜首長養一切功德法故方便智相應首普現一切同類身故教化一

切衆生首以一切衆生爲弟子故守護諸佛法眼首能令三寶種不斷絕故是爲十若諸菩薩安住此法則得如來無上大智慧首

第十種首下十三門明十地行十地德圓故寄六根四儀業用明之且爲三初一

總標德首次六六根勝德後六四儀成規今初居受職位首出衆聖故十中初三果首次三標之以因釋之以果後四直明行首

佛子菩薩摩訶薩有十種眼所謂肉眼見一切色故天眼見一切衆生心故慧眼見一切衆生諸根境界故法眼見一切法如實相故佛眼見如來十力故智眼知見諸法故光明眼見佛光明故出生死眼見涅槃故無礙眼所見無障故一切智眼見普門法界故是爲

十若諸菩薩安住此法則得如來無上大智慧眼

第二十眼下六門六根即分爲六初明十眼者即大盡分中如實知見一切法故

初明十眼者疏文有五一指前經文釋成眼義如實知見爲眼義故二十中下隨文會釋

三出體四明次第五餘如別章示原然諸教章門多分爲七門一釋名得名二辨體

三修成次第四類差別五見境不同六約人辨異七問答分別今但義合五段之中

初一義當釋名照十中前五名同諸教名眼故名隨釋中辨

而體用不同諸宗肉眼見障內色故智論

三十七說肉眼見近不見遠見前不見後

等天眼方見遠等仍有分齊今肉眼見一

切色已過二眼故四十四自指云不思議

經應見遠此中不說

釋中已下二隨文會釋對餘五眼辨開合同異於中分二先釋前五但明業用同異後五即開合同異前中先總明同異即分爲五一肉眼自然明不見畧有五義一見羸不見細二見近不見遠三見明不見

暗四見前不見後五見障內不見障外斯
即亦是見境不同故疏釋及論影出其三
而言等者等取麤細明暗言天眼方見遠
等等取餘四此乃成不見遠等非釋天眼
今肉眼下舉此顯勝四十四下引彼指此
其應字合言說字此中不說者即智論指
摩訶般若然天眼是假合不見實相今明
中為此中然

見心即似同於彼然心通性相則亦不同
然天眼下二釋天眼中先序五眼言假和
合者即是出體以肉天眼皆是清淨四大
不可見有對色為體但人天趣別耳言不
見實相者即是所見境但翻前見近不見
遠等則前五不見天眼皆見而不見實相
實相是慧眼境故今明見心下顯此十眼
言似同彼者心若約相非實此中慧眼似
相故今具性相故亦不同

彼法眼此中法眼似彼慧眼所以互者以
彼慧眼不能見眾生盡滅一異不能度生
今顯實過權反此明能
此中慧眼下三釋
慧眼言似法眼者
約所見境異以彼法眼見事及根欲等今
見眾生諸根境異故同彼法此中法眼似
彼慧眼者彼中慧眼見理境故即如實相
也從所以互下出不同之由以慧眼但見
理故不見盡滅一異今舉彼不見故云過
彼則顯慧眼亦能見理但同者不舉耳

利九

五

彼中法眼雖知於法不能徧知眾生方便
道今反此故明知一切意欲異權故耳彼
法眼下四釋法眼亦舉彼不能顯此之能
則一切法如實相言通事實理實若爾云
何分於法慧然法慧二眼俱以慧數為體
五眼中明自有一義一慧眼以正體智為
體法眼以後得智為性二云法眼從所知
法為名所知亦通於理慧眼從能知智為
名今正取後義則彼佛眼細無不知今舉
顯慧眼亦通二慧彼佛眼細無不知今舉
勝況劣又十力無不該故佛眼先舉他宗
亦約所知境後今舉下會釋今文而有二
意一直索文則十力挾於一切法也故云
舉勝下文云十力下別顯同彼不出十力
之所知故顯雅屬佛揀異法慧故舉十力
耳然彼釋名有三義一云四眼在佛皆名
佛眼此即佛身之眼從主為名二云佛者
覺義覺即是眼當體為名三亦可照達佛
性名為佛眼者涅槃云若人能見身中佛
性雖是肉眼即名佛眼彼以十力當體照
達名為眼耳彼出體云眼即以無功用智
為性或以圓鏡等四智後五中智眼見事
為體皆不出十力義耳
即法眼開出光明眼通身智光義兼法慧
出生死眼者然涅槃不可見絕見方見見

圓寂故無礙眼者總見諸眼境皆無障故
此即一眼具多為不壞相故須列十眼一

切智眼即是普眼非但見法界重重亦乃

法界即眼故為普門義兼法慧者根本智即慧眼攝後得智兼

於法慧又能知即慧所知即法出生死眼
者亦前慧眼慧眼見理故無礙眼先正明

後為不壞相下通妨妨云若爾一眼即足

何用說十故為此通即是普眼者名異體

一普名普眼即佛眼總義然普眼畧有三

義一見普法故二普見諸法三所見即眼

故以前二義況出第三具如毗盧遮那品

若以法相宗言下五眼皆佛眼攝一切智

眼即是故知十眼全以無礙法界而為其

體故知十眼下第三出體隨相別體若辨

以見於前此即圓融總相體耳

次第以肉眼見生受苦次以天眼了知其

心次別知根境次引入如實次令得佛力

次尋光而見次同歸寂滅後等同法界餘

如別章若辨次下第四辨次唯約十眼明

實即是法眼次令得佛力即是佛眼次尋

光而見即通智眼及光明眼光有智光即

同智故次同歸寂滅即出生死眼後等同
法界即一切智眼其無礙眼以是總故通
於前後若法相中明次第者約修以明為
導養身先修肉眼眼肉眼見真境故修慧
修天眼天眼見色未見真境故修慧眼慧
眼見理不能見事故修法眼法眼未圓故
修佛眼餘如別章者諸章門中皆廣說之
然大意要妙上已畧具今更出其見境寬
狹然所見有因一事二法三理四實陰界
入等差別是事苦無常等眾生根性是法

二空真如是理如來藏中真常佛性是實
此之四法五眼所見一肉眼所見見障內
等然凡夫肉眼眼見百由旬二乘肉眼凡
夫見菩薩肉眼眼如大品說極遠見三千界
如來肉眼眼與菩薩同見境分明天眼有一
二報得者在諸地及於天下地不能見上
若修得者智論云凡夫天眼見一四天下
以小聲聞見小千界大聲聞見大千界那
律見三千界緣覺小者見中千大者見大
千菩薩修得者隨人大小所見不定遠者

見一切世界故地持云菩薩以一切世界
為天眼境報得者大品經說極喜見三千
如來見一切後之三眼不可以方所定論
唯約得法深淺以辨二乘慧眼唯見生空
菩薩慧眼具見二空不能窮盡如來畢竟
二乘法眼但見苦無常等諸法總相觀
不能微細若約不知根欲即無法若若
法眼了根欲性約一切法若總若若若
若細而無不窮盡如來與菩薩同皆悉窮
盡佛眼二乘全無菩薩人中進退不定地

前菩薩聞見佛性未有佛眼地上眼見故
有佛眼若準涅槃九地已還聞見佛性十
地眼見而未了但見自身所有佛性不
見衆生所有佛性於自身中十分見一如
來佛眼窮盡此明見實若約人辨餘則可
知佛之三身化身具五報身無肉眼法身
無五眼若約法性之眼亦得具五然隨法
相宗差別斯法性宗中一一圓融具如上
說

刑九

七

佛子菩薩摩訶薩有十種耳何等爲十所謂
聞讚歎聲斷除貪愛聞毀訾聲斷除瞋恚聞
說二乘不著不求聞菩薩道歡喜踊躍聞地
獄等諸苦難處起大悲心發弘誓願聞說人
天勝妙之事知彼皆是無常之法聞有讚歎
諸佛功德勤加精進令速圓滿聞說六度四
攝等法發心修行願到彼岸聞十方世界一
切音聲悉知如響入不可說甚深妙義菩薩
摩訶薩從初發心乃至道場常聞正法未曾
暫息而恒不捨化衆生事是爲十若諸菩薩

成就此法則得如來無上大智慧耳

二十耳者然眼等六根由得解脫神通無
上見聞嗅觸等皆自在故總就行辨此門
亦即釋名分中聞持如來大法雨故初二
離順離違次二棄小欣大次二愍苦厭樂
次二滿果圓因後二了俗同真悲智俱運
佛子菩薩摩訶薩有十種鼻何等爲十所謂
聞諸臭物不以爲臭聞諸香氣不以爲香香
臭俱聞其心平等非香非臭安住於捨若聞
衆生衣服卧具及其支體所有香臭則能知
彼貪恚愚癡等分之行若聞諸伏藏草木等
香皆如對目前分明辨了若聞下至阿鼻地
獄上至有頂衆生之香皆知彼過去所行之
行若聞諸聲聞布施持戒多聞慧香住一切
智心不令散動若聞一切菩薩行香以平等

慧入如來地聞一切佛智境界香亦不廢捨諸菩薩行是爲十若諸菩薩成就此法則得如來無量無邊清淨鼻

三有十鼻嗅行香故於中初四聞香體俱含有四總名爲香一好香謂沉檀等二惡香謂葱韭等三等香四不等香謂於前二增益依身名爲等香損減依身名不等香故亦不離好惡今此中俱聞聞其上二更無別體非香非臭對前成三謂如柴炭等次三聞香表用瑜伽等中上二界既無鼻舌二識亦無香味二塵語其無麤此聞有頂香者明其聞細菩薩力故又有頂言餘處多明是色究竟準晉經中聞非想香則有頂言亦是三有之頂既有通果之色亦有通果之香後三聞出世人法

刑九

八

佛子菩薩摩訶薩有十種舌何等爲十所謂開示演說無盡衆生行舌開示演說無盡法門舌讚歎諸佛無盡功德舌演暢詞辯無盡舌開闡大乘助道舌徧覆十方虛空舌普照一切佛刹舌普使衆生悟解舌悉令諸佛歡喜舌降伏一切諸魔外道除滅一切生死煩惱令至涅槃舌是爲十若諸菩薩成就此法則得如來徧覆一切諸佛國土無上舌

四有十舌演法味故下三爲成六根非顯三業三業前已有故十中前五約辯顯德刑九後五約用十降四魔魔即天子魔生即蘊魔故

佛子菩薩摩訶薩有十種身何等爲十所謂人身爲教化一切諸人故非人身爲教化地獄畜生餓鬼故天身爲教化欲界色界無色

界衆生故學身示現學地故無學身示現阿
羅漢地故獨覺身教化令入辟支佛地故菩
薩身令成就大乘故如來身智水灌頂故意
生身善巧出生故無漏法身以無功用示現
一切衆生身故是爲十若諸菩薩成就此法
則得如來無上之身

五有十身隨行成身故

佛子菩薩摩訶薩有十種意向等爲十所謂
上首意發起一切善根故安住意深信堅固
不動故深入意隨順佛法而解故內了意知
諸衆生心樂故無亂意一切煩惱不雜故明
淨意客塵不能染著故善觀衆生意無有一
念失時故善擇所作意未曾一處生過故密
護諸根意調伏不令馳散故善入三昧意深
入佛三昧無我我所故是爲十若諸菩薩安

住此法則得一切佛無上意

六有十意初一總餘九別文並可知

佛子菩薩摩訶薩有十種行何等爲十所謂
聞法行愛樂於法故說法行利益衆生故離
貪恚癡怖畏行調伏自心故欲界行教化欲
界衆生故色無色界三昧行令速轉還故趣
向法義行速得智慧故一切生處行自在教
化衆生故一切佛刹行禮拜供養諸佛故涅
槃行不斷生死相續故成滿一切佛法行不
捨菩薩法行故是爲十若諸菩薩安住此法
則得如來無來無去行

刑九

十

第三六門明四儀動止行一行者動遊行

法故於中令轉還者轉有漏定還無漏故
不斷生死者若斷非真涅槃故餘可知

佛子菩薩摩訶薩有十種住何等爲十所謂

菩提心住曾不忘失故波羅蜜住不厭助道
故說法住增長智慧故阿蘭若住證大禪定
故隨順一切智頭陀知足四聖種住少欲少
事故深信住荷負正法故親近如來住學佛
威儀故出生神通住圓滿大智故得忍住滿
足授記故道場住具足力無畏一切佛法故
是爲十若諸菩薩安住此法則得一切智無
上住

二十種住者止息散動故前七自分住後

三勝進住

佛子菩薩摩訶薩有十種坐何等爲十所謂
轉輪王坐與十善道故四天王坐於一切世
間自在安立佛法故帝釋坐與一切衆生爲
勝主故梵天坐於自他心得自在故師子坐
能說法故正法坐以總持辯才力而開示故

堅固坐誓願究竟故大慈坐令惡衆生悉歡
喜故大悲坐忍一切苦不疲厭故金剛坐降
伏衆魔及外道故是爲十若諸菩薩安住此
法則得如來無上正覺坐

三坐者多時安處故初四世坐以攝物後

六法坐以成德

佛子菩薩摩訶薩有十種卧何等爲十所謂
寂靜卧身心憺怕故禪定卧如理修行故三
昧卧身心柔軟故梵天卧不惱自他故善業
卧於後不悔故正信卧不可傾動故正道卧
善友開覺故妙願卧善巧迴向故一切事畢
卧所作成辦故捨諸功用卧一切慣習故是
爲十若諸菩薩安住此法則得如來無上大
法卧悉能開悟一切衆生

四十卧者放捨身心合法體故十中初三

顯定一加行調身心二習修三得定餘七
定益亦兼餘善然其十事各同卧之一義
初三後二可知四獨已卧故五離尸伏故
六離依倚故七思明相故互警覺故八右
脇卧故

佛子菩薩摩訶薩有十種所住處何等爲十
所謂以大慈爲所住處於一切衆生心平等
故以大悲爲所住處不輕未學故以大喜爲
所住處離一切憂惱故以大捨爲所住處於
有爲無爲平等故以一切波羅蜜爲所住處
菩提心爲首故以一切空爲所住處善巧觀
察故以無相爲所住處不出正位故以無願
爲所住處觀察受生故以念慧爲所住處忍
法成滿故以一切法平等爲所住處得授記
劫故是爲十若諸菩薩安住此法則得如來

刑九

十二

無上無礙所住處

刑九

十一

五住處者智有棲止之所故前明能住此
辨所住十句可知

佛子菩薩摩訶薩有十種所行處何等爲十
所謂以正念爲所行處滿足念處故以諸趣
爲所行處正覺法趣故以智慧爲所行處得
佛歡喜故以波羅蜜爲所行處滿足一切智
智故以四攝爲所行處教化衆生故以生死
爲所行處積集善根故以與一切衆生雜談
戲爲所行處隨應教化令永離故以神通爲
所行處知一切衆生諸根境界故以善巧方
便爲所行處般若波羅蜜相應故以道場爲
所行處成一切智而不斷菩薩行故是爲十
若諸菩薩安住此法則得如來無上大智慧
所行處

六所行處前辨能行此明所行於中初四
自行一依四念阿難四問佛令依住今辨
依行餘可思準十地行竟

佛子菩薩摩訶薩有十種觀察何等爲十所
謂知諸業觀察微細悉見故知諸趣觀察不

利九

十三

取衆生故知諸根觀察了達無根故知諸法
觀察不壞法界故見佛法觀察勤修佛眼故
得智慧觀察如理說法故無生忍觀察決了
佛法故不退地觀察滅一切煩惱超出三界
二乘地故灌頂地觀察於一切佛法自在不
動故善覺智三昧觀察於一切十方施作佛
事故是爲十若諸菩薩安住此法則得如來
無上大觀察智

大文第六十觀察下五十一門答上因圓
果滿若剋實而論成如來力下四門方明

果滿前皆因圓以八相前五猶屬因故爲
明八相皆示現故通入果中即分爲二初
三十二門明因圓究竟即等覺位後十種
住堯率下一十九門明現果圓滿行即妙
覺位前中分三初一十四門明因行體性
二十種義下八門明方便造修三十種魔
下十門明因行除障初中二初四門起行
方便二十種施下十度行體前中三初二
門意業觀察次一門身業自在後一門語
業宣暢前中初觀察者解方便故達通塞
故於中初三觀所化次四觀能化法謂理
果教行後三觀位一超劣二得位三同果
用

佛子菩薩摩訶薩有十種普觀察何等爲十
所謂普觀一切諸來求者以無違心滿其意

故普觀一切犯戒衆生安置如來淨戒中故
普觀一切害心衆生安置如來忍力中故普
觀一切懈怠衆生勸令精勤不捨荷負大乘
擔故普觀一切亂心衆生令住如來一切智
地無散動故普觀一切惡慧衆生令除疑惑
破有見故普觀一切平等善友順其教命住
佛法故普觀一切所聞之法疾得證見最上
義故普觀一切無邊衆生常不捨離大悲力
故普觀一切諸佛之法速得成就一切智故
是爲十若諸菩薩安住此法則得如來無上

大智慧普觀察

二普觀察者審慮周徧故前六以六度治
六蔽衆生後四雙明二利謂順人證法下
化上成

佛子菩薩摩訶薩有十種奮迅何等爲十所

謂牛王奮迅利九映蔽一切天龍夜叉乾闥婆等
諸大衆故象王奮迅心善調柔荷負一切諸
衆生故龍王奮迅興大法密雲耀解脫電光
震如實義雷降諸根力覺分禪定解脫三昧
甘露雨故大金翅鳥王奮迅竭貪愛水破愚
癡毆搏撮煩惱諸惡毒龍令出生死大苦海
故大師子王奮迅安住無畏平等大智以爲
器仗摧伏衆魔及外道故勇健奮迅能於生
死大戰陣中摧滅一切煩惱冤故大智奮迅
知蘊界處及諸緣起自在開示一切法故陀
羅尼奮迅以念慧力持法不忘隨衆生根爲
宣說故辯才奮迅無礙迅疾分別一切咸令
受益心歡喜故如來奮迅一切智智助道之
法皆悉成滿以一念相應慧所應得者一切
皆得所應悟者一切皆悟坐師子座降魔冤

敵成阿耨多羅三藐三菩提故是爲十若諸菩薩安住此法則得諸佛於一切法無上自在奮迅

二身業自在中謂實德內充威德外溢如師子王奮迅威勢更有異釋如法界品辨於中前五寄喻次四約法上皆自分後一勝進

佛子菩薩摩訶薩有十種師子吼何等爲十所謂唱言我當必定成正等覺是菩提心大師子吼我當令一切衆生未度者度未脫者脫未安者安未涅槃者令得涅槃是大悲大師子吼我當令佛法僧種無有斷絕是報如來恩大師子吼我當嚴淨一切佛刹是究竟堅誓大師子吼我當除滅一切惡道及諸難處是自持淨戒大師子吼我當滿足一切諸

佛身語及意相好莊嚴是求福無厭大師子吼我當成滿一切諸佛所有智慧是求智無厭大師子吼我當除滅一切衆魔及諸魔業是修正行斷諸煩惱大師子吼我當了知一切諸法無我無衆生無壽命無補伽羅空無相無願淨如虛空是無生法忍大師子吼最後生菩薩震動一切諸佛國土悉令嚴淨是時一切釋梵四王咸來讚請唯願菩薩以無生法而現受生菩薩則以無礙慧眼普觀世間一切衆生無如我者即於王宮示現誕生利九自行七步大師子吼我於世間最勝第一我當永盡生死邊際是如說而作大師子吼是爲十若諸菩薩安住此法則得如來無上大師子吼

三師子吼者既勇健無畏則能決定宣唱

二中令物度苦脫集安道證滅故餘並可

知

大方廣佛華嚴經疏鈔會本第五十七之二

音釋

顯胡結切 𠄎按𠄎字本非是字唐武后制此文著於天樞音之為萬謂吉祥

萬德之所集也 膏直又切 愴徒威切 怕白各切

貌柔 軟亦柔也 慣古患切 記亦習也 薊渠建

列切記 薊謂授將來成佛 穀苦角切 健渠建

之記劫 國名號之 薊以 奮奮方問切 韭

舉有切 溢弋質切 矚朱欲切

大方廣佛華嚴經疏鈔會本第五之一 刑十

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種清淨施何等為十

所謂平等施不揀衆生故隨意施滿其所願

故不亂施令得利益故隨宜施知上中下故

不住施不求果報故開捨施心不戀著故一

切施究竟清淨故迴向菩提施遠離有為無

為故教化衆生施乃至道場不捨故三輪清

淨施於施者受者及以施物正念觀察如虛

空故是為十若諸菩薩安住此法則得如來

無上清淨廣大施

第二十種施下十門明其行體於中先明

六度後顯四等十度之義已如前釋皆言

清淨者離蔽障故不同世間施戒等故然

皆寄十表圖各為一義與九三施等開合

不同若具會釋恐猥繁文故隨顯直釋三

即財法無畏九施即一自性二一切三難

行四一切門五善士六一一切種七遂求八

二世樂九清淨乃至六度四攝皆有此九

十行之初已廣說竟故隨顯直釋者財施

若顯即名財等難行等不更 今初十施者

廣引九中別義三中別義

一無向背施即清淨施中別義今初十施

向背即清淨中別義有十今但者言一無

有無向背之一耳彼當第八 二遂求施

二遂求施者遂求 三二世樂施梵本中名

皆八今但有一 應時及濟難不失益故餘七皆一切施三

世樂者二世樂有九今亦唯二所以引梵

本者不亂之言不順二世樂以應時濟難

順二世樂故餘七皆一切施者一切即是

三施然亦九中之一然一切有二一內外

之二二有其三即財法無畏故下結中十

皆通三今前三有其別相後七無餘施別

相故云即 四即觀其可不有損不且等極

一切耳 貧下者應先施等

五不希異熟亦清淨施五雖無清淨之義

第二也 六亦難行施所愛重物無戀著故亦六

難行者以兼一切施故云亦七內外財等

耳難行皆三即三中第二

無不捨故七內外財等內外即一切中八初義也財等通一切中三也

九與十皆巧慧施此迴向巧治二過故一觀諸行性不堅牢治於當果有為見勝功

德二由具大悲治於二乘趣證無為故行

不住道而向善提九益生施常以財法施

之故名不捨十忘相成度八九下通釋後三先總標此迴

向巧即別釋第八治第一過即經中遠離有為治第二過即遠離無為上解釋句行不住道下結

成標句也 然其十度皆有三輪而義有

小異如瑜伽說此上十施皆通三施然其十度

者梵行品已說輪即施家三輪

佛子菩薩摩訶薩有十種清淨戒何等為十

所謂身清淨戒護身三惡故語清淨戒離語

四過故心清淨戒永離貪瞋邪見故不破一

切學處清淨戒於一切人天中作尊主故守

護菩提心清淨戒不樂小乘故守護如來所制清淨戒乃至微細罪生大怖畏故隱密護持清淨戒善拔犯戒衆生故不作一切惡清淨戒誓修一切善法故遠離一切有見清淨戒於戒無著故守護一切衆生清淨戒發起大悲故是為十若諸菩薩安住此法則得如來無上無過失清淨戒

二十戒者前三律儀七十攝生餘皆攝善

又四即廣博戒五迴向戒上二皆一切種

戒六持微細故即難行戒七令他悔除即

善士戒八軌則具足所攝受戒一切惡止

善行故九永出離戒上二即清淨戒十令

他得二世樂戒

佛子菩薩摩訶薩有十種清淨忍何等為十

一

二

所謂安受些辱清淨忍護諸衆生故安受刀
杖清淨忍善護自他故不生恚害清淨忍其
心不動故不責卑賤清淨忍爲上能寬故有
歸咸救清淨忍捨自身命故遠離我慢清淨
忍不輕未學故殘毀不瞋清淨忍觀察如幻
故有犯無報清淨忍不見自他故不隨煩惱
清淨忍離諸境界故隨順菩薩真實智知一
切法無生清淨忍不由他教入一切智境界
故是爲十若諸菩薩安住其中則得一切諸
佛不由他悟無上法忍

三十忍者初三耐怨害忍他三業惱害
故次三安受苦忍初後忍不稱情中一忍
身苦以濟物後二諦察法忍七八通三忍
又四難行忍於下能忍恕不逮故五亡身
濟難六忍已順他皆遂求忍餘如前判日又

難行忍下約三忍今約九忍難行有三今
是其一於下能忍是一難行對於上流生
忍則易童僕子息生忍則難彼合敬順我
合責罰故言恕不逮者即晉書中意晉衛
洗馬凡所發言皆爲實錄時有一人非理
相忤後有僕使所爲非理於此二人並無
愠色人問其故彼對之曰非理相忤可以
理遣人之不逮可以情恕故云恕不逮故
以釋經中爲上能寬此亦外典謂
居上能寬爲下能敬君子之行也

佛子菩薩摩訶薩有十種清淨精進何等爲
十所謂身清淨精進承事供養諸佛菩薩及
諸師長尊重福田不退轉故語清淨精進隨
所聞法廣爲他說讚佛功德無疲倦故意清
淨精進善能入出慈悲喜捨禪定解脫及諸
三昧無休息故正直心清淨精進無誑無諂
無由無僞一切勤修無退轉故增勝心清淨
精進志常趣求上上智慧願具一切白淨法
故不唐捐清淨精進攝取布施戒忍多聞及
不放逸乃至菩提無中息故摧伏一切魔清

淨精進悉能除滅貪欲瞋恚愚癡邪見一切煩惱諸纏蓋故成滿智慧光清淨精進有所施為悉善觀察咸使究竟不令後悔得一切佛不共法故無來無去清淨精進得如實智入法界門身語及心皆悉平等了相非相無所著故成就法光清淨精進超過諸地得佛灌頂以無漏身而示歿生出家成道說法滅度具足如是普賢事故是為十若諸菩薩安住此法則得如來無上大清淨精進

四十精進中二與第十是饒益有情五是
被甲餘皆攝善又初三三業即精進自體
四離染法五引白法上二一切門精進六
無所棄捨及無所退減七無下劣八無顛
倒及勤勇加行上三即善士精進九平等
相應即一切種精進上皆自分十即勝進

迴向菩提清淨精進

第十

五

佛子菩薩摩訶薩有十種清淨禪何等為十所謂常樂出家清淨禪捨一切所有故得真善友清淨禪示教正道故住阿蘭若忍風雨等清淨禪離我我所故離憤鬧眾生清淨禪常樂寂靜故心業調柔清淨禪守護諸根故心智寂滅清淨禪一切音聲諸禪定刺不能亂故覺道方便清淨禪觀察一切皆現證故離於味著清淨禪不捨欲界故發起通明清淨禪知一切衆生根性故自在遊戲清淨禪入佛三昧知無我故是為十若諸菩薩安住其中則得如來無上大清淨禪
五十禪中初五方便次一正定堅成次二發慧斷惑上八現法樂住禪九利益衆生禪十引生功德禪又五六奢摩他品七毗

鉢舍那品上三一切種禪八無愛味及慈
 悲俱行故不捨欲界並善士禪九雖發通
 明而利衆生十能速入佛境皆難行禪
 佛子菩薩摩訶薩有十種清淨慧何等為十
 所謂知一切因清淨慧不壞果報故知一切
 緣清淨慧不違和合故知不斷不常清淨慧
 了達緣起皆如實故拔一切見清淨慧於衆
 生相無取捨故觀一切衆生心行清淨慧了
 知如幻故廣大辯才清淨慧分別諸法問答
 無礙故一切諸魔外道聲聞獨覺所不能知
 清淨慧深入一切如來智故見一切佛微妙
 法身見一切衆生本性清淨見一切法皆悉
 寂滅見一切刹同於虛空清淨慧知一切相
 皆無礙故一切總持辯才方便波羅蜜清淨
 慧令得一切最勝智故一念相應金剛智了

一切法平等清淨慧得一切法最尊智故是
 為十若諸菩薩安住其中則得如來無障礙
 大智慧

六有十慧初三解法即加行慧次四攝生
 即後得慧後三證理即正體慧又前五於

所知如實通達慧六於五明處及三聚中

決定善巧慧七知能引義利慧謂同佛差

別智故非凡小所知上皆一切慧八難行

慧達深無我於境無礙故九具教具行慧

十具證智慧上二即善士慧餘義如十行

品所引又前五於所知者上約攝論三慧
 以明今此下文即瑜伽論說三相

六
 七

佛子菩薩摩訶薩有十種清淨慈何等為十
 所謂等心清淨慈普攝衆生無所揀擇故饒
 益清淨慈隨有所作皆令歡喜故攝物同已

清淨慈究竟皆令出生死故不捨世間清淨
慈心常緣念集善根故能至解脫清淨慈普
使衆生除滅一切諸煩惱故出生菩提清淨
慈普使衆生發求一切智心故世間無礙清
淨慈放大光明平等普照故充滿虛空清淨
慈救護衆生無處不至故法緣清淨慈證於
如如真實法故無緣清淨慈入於菩薩離生
性故是爲十若諸菩薩安住此法則得如來
無上廣大清淨慈

第二四門明四等者六度多明自利四等
多約利他然四等於境有別已見十地今
文從通但約於樂等以爲顯別今初明慈
前八衆生緣九十文顯然瑜伽四十四三
緣之中初共外道次共二乘後方不共此
中二緣皆不共凡小如文思之

佛子菩薩摩訶薩有十種清淨悲何等爲十
所謂無儔伴清淨悲獨發其心故無疲厭清
淨悲代一切衆生受苦不以爲勞故難處受
生清淨悲爲度衆生故善趣受生清淨悲示
現無常故爲邪定衆生清淨悲歷劫不捨弘
誓故不著已樂清淨悲普與衆生快樂故不
求恩報清淨悲修潔其心故能除顛倒清淨
悲說如實法故菩薩摩訶薩知一切法本性
清淨無染著無熱惱以客塵煩惱故而受衆
苦如是知己於諸衆生而起大悲名本性清
淨爲說無垢清淨光明法故菩薩摩訶薩知
一切法如空中鳥跡衆生癡翳不能照了觀
察於彼起大悲心名真實智爲其開示涅槃
法故是爲十若諸菩薩安住此法則得如來
無上廣大清淨悲

佛二有十悲前七衆生緣次一法緣後二無所緣於中初傷其真隱故爲顯後念彼不知

故令悟

佛子菩薩摩訶薩有十種清淨喜何等爲十所謂發菩提心清淨喜悉捨所有清淨喜不嫌棄破戒衆生而教化成就清淨喜能忍受造惡衆生誓願救度清淨喜捨身求法不生悔心清淨喜自捨欲樂常樂法樂清淨喜令一切衆生捨資生樂常樂法樂清淨喜見一切佛恭敬供養無有厭足法界平等清淨喜令一切衆生愛樂禪定解脫三昧遊戲入出清淨喜心樂具行順菩薩道一切苦行證得牟尼寂靜不動無上定慧清淨喜是爲十若諸菩薩安住此法則得如來無上廣大清淨喜

三有十喜初四衆生緣次三法緣後三無緣

佛子菩薩摩訶薩有十種清淨捨何等爲十所謂一切衆生恭敬供養不生愛著清淨捨一切衆生輕慢毀辱不生瞋恚清淨捨常行世間不爲世間八法所染清淨捨於法器衆生待時而化於無法器亦不生嫌清淨捨不求二乘學無學法清淨捨心常遠離一切欲樂順煩惱法清淨捨不歎二乘厭離生死清淨捨遠離一切世間語非涅槃語非離欲語不順理語惱亂他語聲聞獨覺語略說乃至一切障菩薩道語皆悉遠離清淨捨或有衆生根已成熟發生念慧而未能知最上之法待時方化清淨捨或有衆生菩薩往昔已曾教化至於佛地方可調伏彼亦待時清淨捨

菩薩摩訶薩於彼二人無高無下無取無捨
遠離一切種種分別恒住正定入如實法心
得堪忍清淨捨是爲十若諸菩薩安住其中
則得如來無上廣大清淨捨

四有十捨文列十一晉本初二但合爲一

於中初四衆生緣次六法緣後一無緣上

明行體竟

佛子菩薩摩訶薩有十種義何等爲十所謂
多聞義堅固修行故法義善巧思擇故空義
第一義空故寂靜義離諸衆生誼憤故不可
說義不著一切語言故如實義了達三世平
等故法界義一切諸法一味故真如義一切
如來順入故實際義了知究竟如實故大般
涅槃義滅一切苦而修菩薩諸行故是爲十
若諸菩薩安住此法則得一切智無上義

第二十義下八門明造修方便行於中前
五門明自分行後二門明勝進行前中初
二明法義次二說福智後一顯圓足今初
以彼法義成行故若以能詮爲法則以所
詮爲義今此不取能詮爲法然法約自體
義是所以法總義別餘如九地四無礙中
辨今初十義一以修行為多聞之義意在
於修不在聞故淨名亦云多聞是道場如
聞行故二思爲法家之義餘做此知法即
事法餘八理法理法所以在於證入

佛子菩薩摩訶薩有十種法何等爲十所謂
真實法如說修行故離取法能取所取悉離
故無諍法無有一切惑諍故寂滅法滅除一
切熱惱故離欲法一切貪欲皆斷故無分別
法攀緣分別永息故無生法猶如虛空不動

故無爲法離生住滅諸相故本性法自性無染清淨故捨一切烏波提涅槃法能生一切菩薩行修習不斷故是爲十若諸菩薩安住其中則得如來無上廣大法

二有十法法有二義一持自性二軌生物

刊十

十

解今此前七通二八九唯自性後一唯軌生烏波提者此云有苦即二乘涅槃佛性論第二說二乘無餘尚有三餘一無明住地惑二無漏業三變易苦故非真無餘今以涅槃爲安樂義略舉有苦故應捨之軌

令衆生不應修此

佛子菩薩摩訶薩有十種福德助道具何等爲十所謂勸衆生起菩提心是菩薩福德助道具不斷三寶種故隨順十種迴向是菩薩福德助道具斷一切不善法集一切善法故

刑十

十一

智慧誘誨是菩薩福德助道具超過三界福德故心無疲倦是菩薩福德助道具究竟度脫一切衆生故悉捨內外一切所有是菩薩福德助道具於一切物無所著故爲滿足相好精進不退是菩薩福德助道具開門大施無所限故上中下三品善根悉以迴向無上菩提心無所輕是菩薩福德助道具善巧方便相應故於邪定下劣不善衆生皆生大悲不懷輕賤是菩薩福德助道具常起大人弘誓心故恭敬供養一切如來於一切菩薩起如來想令一切衆生皆生歡喜是菩薩福德助道具守本志願極堅牢故菩薩摩訶薩於阿僧祇劫積集善根自欲取證無上菩提如在掌中然悉捨與一切衆生心無憂惱亦無悔恨其心廣大等虛空界此是菩薩福德助

道具起大智慧證大法故是爲十若諸菩薩安住其中則具足如來無上廣大福德聚

第二二門明福智者福智即道成福智緣名助道具如云三寶不斷是福勸衆生發爲緣等又具二莊嚴方爲正道偏語皆助

斯則福智即助道具又以正道福智相絕故故文中說法布施皆即是福非福緣故

今初福德中二順迴向因七不雜小善迴

向於果餘可知

第二二門者下疏文有二一總標二門二福智下釋

二助道具言有三義一單福是道單智亦然二合二爲道三雙絕爲正道助道具亦

三可

知

佛子菩薩摩訶薩有十種智慧助道具何等爲十所謂親近多聞真善知識恭敬供養尊重禮拜種種隨順不違其教是爲一切正直無虛矯故

二智慧具中一外近善緣

永離憍慢常行謙敬身語意業無有麤獷柔和善順不僞不曲是爲二其身堪作佛法器故

二內調法器

念慧隨覺未曾散亂慙愧柔和心安不動常憶六念常行六敬常清順住六堅固法是爲三與十種智爲方便故

三念慧安處六念自持六和衆法並見上文六堅順位本業上卷以三賢十聖等妙

刑十

三

二覺爲六謂信堅法堅修堅德堅頂堅覺堅亦名六忍謂信法修正無垢一切智復名六慧謂聞思修無相照寂寂照復名六觀謂住行向地無相一切種智即亦六性謂習種性等一切諸佛無不入此故常隨

順十種智者謂法智比智他心智世智四諦智盡智無生智若開如實異前則有十

一智今以如實貫上故但說十如智論二

十六辨由念成智故為方便六堅順位等者十忍品初

廣引瓔珞明竟十智即智論二十六故

刑十

十三

樂法樂義以法為樂常樂聽聞無有厭足捨

離世論及世言說專心聽受出世間語遠離

小乘入大乘慧是為四一心憶念無散動故

四法樂怡神

六波羅蜜心專荷負四種梵住行已成熟隨

順明法悉善修行聰敏智人皆勤請問遠離

惡趣歸向善道心常愛樂正念觀察調伏已

情守護他意是為五堅固修行真實行故

五真實修行

常樂出離不著三有恒覺自心曾無惡念三

覺已絕三業皆善決定了知心之自性是為六能令自他心清淨故

六自他雙淨言三覺者欲恚害也

觀察五蘊皆如幻事界如毒蛇處如空聚一

切諸法如幻如燄如水中月如夢如影如響

如像如空中畫如旋火輪如虹蜺色如日月

光無相無形非常非斷不來不去亦無所住

如是觀察知一切法無生無滅是為七知一

切法性空寂故

七徧觀法性界如毒蛇者淨名涅槃皆以

四大為毒蛇性違害故今居蘊入之中義

當十八界以四大即內界故俱舍云大種

謂四界今取總中別義亦可十八界皆不

可執取處如空聚者中無人故並如涅槃

二十三說俱舍云者次句即地水火風即是界品具云大種謂四界即地

水火風能成持等業堅濕煖動性釋云初
句標三義稱大一體寬廣故謂四大種遍
所造色其體寬廣二增或聚中形相大故
謂大地等三能起種種大事用故如地能
持等一義釋種與所造色為所依故大即
是種能持自性故名為界次句辨業地能
成持等取水能成相火能成熱風能成長
後句出體可知今但要初句以證界為毒
耳

菩薩摩訶薩聞一切法無我無衆生無壽者
無補伽羅無心無境無貪瞋癡無身無物無
主無待無著無行如是一切皆無所有悉歸
寂滅聞已深信不疑不謗是爲八以能成就
圓滿解故

一八深解二空無心已下明其法空

菩薩摩訶薩善調諸根如理修行恒住止觀
心意寂靜一切動念皆悉不生無我無人無
作無行無計我想無計我業無有瘡疣無有
癩痕亦無於此所得之忍身語意業無來無

去無有精進亦無勇猛觀一切衆生一切諸十四
法心皆平等而無所住非此岸非彼岸此彼
性離無所從來無所至去常以智慧如是思
惟是爲九到分別相彼岸處故

九止觀雙遊於中先總修止觀後心意下

雙釋二門先釋止欲取我相爲我想正計

爲我業正損法身爲瘡疣餘過未滅爲癩

痕能所忍寂故無來去後觀一切下釋觀

說雖先後運在一時

菩薩摩訶薩見緣起法故見法清淨見法清十五

淨故見國土清淨見國土清淨故見虛空清刑十

淨見虛空清淨故見法界清淨見法界清淨

故見智慧清淨是爲十修行積集一切智故

十修集種智謂見法從緣則知國由心現

國由心現故有而即空空爲法性萬法由

生見法性源是真智慧皆離妄垢並云清淨五重積集一切智圓

佛子是為菩薩摩訶薩十種智慧助道具若諸菩薩安住此法則得如來一切法無障礙清淨微妙智慧聚

大方廣佛華嚴經疏鈔會本第五十八之一

音釋

憤鬧 憤古對切心亂也 矯 居天切 獷 居狂切
鬧女教切不靜也 詐也 居切
 惡 虹 虹音洪 疣 音尤 癥 音登
也 也 也 也 也

大方廣佛華嚴經疏鈔會本第五十八之二 起一

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種明足何等為十所

謂善分別諸法明足不取著諸法明足離顛

起一

倒見明足智慧光照諸根明足巧發起正精

進明足能深入真諦智明足滅煩惱業成就

盡智無生智明足天眼智普觀察明足宿住

念知前際清淨明足漏盡神通智斷衆生諸

漏明足是為十若諸菩薩安住此法則得如

來於一切佛法無上大光明

第三明足者總顯圓足惑闇斯亡智解斯

顯故稱為明足有二義一智圓備故二有

進趣故其猶脚足斯即十號明行足義果

稱圓足因為脚足又準涅槃十八以明為

果所謂菩提以行為足謂戒定等廣如彼

說此居等覺義通二足望脚足義此門亦

得名為勝進十中前七約行後三別舉三

明自分行竟

佛子菩薩摩訶薩有十種求法何等為十所

謂直心求法無有諂誑故精進求法遠離懈

慢故一向求法不惜身命故為除一切衆生

煩惱求法不為名利恭敬故為饒益自他一

切衆生求法不但自利故為入智慧求法不

樂文字故為出生死求法不貪世樂故為度

衆生求法發菩提心故為斷一切衆生疑求

法令無猶豫故為滿足佛法求法不樂餘乘

故是為十若諸菩薩安住此法則得不由他

教一切佛法大智慧

第二有十種求法下三門明勝進行一更

求法要二得已明了三如說修行今初依此成行故一始心唯直二中後無懈三內不領身四外亡名利五雙圓二利六得意亡言七果不近求八因酬所為九普決疑惑十唯滿佛乘離此十求皆邪求也

佛子菩薩摩訶薩有十種明了法何等為十所謂隨順世俗生長善根是童蒙凡夫明了法得無礙不壞信覺法自性是隨信行人明了法勤修習法隨順法住是隨法行人明了法遠離八邪向八正道是第八人明了法除滅眾結斷生死漏見真實諦是須陀洹人明了法觀味是患知無往來是斯陀舍人明了法不樂三界求盡有漏於受生法乃至一念不生愛著是阿那舍人明了法獲六神通得八解脫九定四辯悉皆成就是阿羅漢人明

起一

二

了法性樂觀察一味緣起心常寂靜知足少事解因自得悟不由他成就種種神通智慧是辟支佛人明了法智慧廣大諸根明利常樂度脫一切眾生勤修福智助道之法如來所有十力無畏一切功德具足圓滿是菩薩

人明了法是為十若諸菩薩安住此法則得如來無上大智明了法

人明了法是為十若諸菩薩安住此法則得如來無上大智明了法

二明了法者得不照達求之何用總以普賢勝智了知三乘凡聖差別總以普賢下是圓智了法無法非圓今顯能了智則但約相則所了通小耳 一是凡夫若童

起一

三

稚蒙昧未能出世故隨世俗長四善根是凡夫下隨文釋以稚釋經之童以味釋經之蒙易蒙卦云蒙亨匪我求童蒙童蒙求我初筮告再三瀆瀆則不告利貞象曰蒙山下有險險而止蒙蒙亨以亨行時中也匪我求童蒙童蒙求我志應也初筮告

也釋曰今正取蒙昧未知所適義耳長二
四善根即煖頂忍世第一法初地已廣

謂鈍根隨信他言而行道故名隨信行

三是利根由自披閱契經等法而行道故

名隨法行然今既云覺法自性等即知十

中前九亦兼舍大是以智論明有三乘共

十地法此上二人約根分異二謂隨信他

聖品論云且於十五心位建立眾聖有差

別者頌云名隨信法行由根利鈍別釋曰

由根利鈍別立此二謂鈍者名隨信行彼

於先時隨信他言而行義故若是利根者

名隨法行彼於先時由自披閱契經等法

隨行義故此二若至修道初名為信解後

名見至疏已具用然今既云下揀實異權

先正明小乘但知我空尚謂法有安覺自

性而云等者見真實諦是須陀洹知無往

來是斯陀舍阿那舍人一念不受阿羅漢

大成就四法辟支佛人一味緣起亦兼舍

大故有等言是以智論下引證成前通大

通深今先列名後常釋義初列名者一乾
慧地二性地三八人地四見地五薄地六
雄欲地七已辦地八辟支佛地九菩薩地
十佛性地大品云菩薩從初乾慧地至菩

薩地皆學而不取證佛地亦學亦證故云
通三乘法也二解釋者初乾慧地者三乘

初心過名乾慧大乘三賢之位小乘五停

觀總觀無生四真諦理故名乾慧意云永

得定水故二性地者若用總相念成三十

七品初發有漏善入煖法頂法忍法世第

一法皆名性地成內凡故三八人地謂信

行道即八人體見假八發真斷見或在無

一義諦之理同斷欲界六品惑證第六解脫

者發六無礙斷欲界六品惑證第六解脫

欲界煩惱薄也六離欲地謂斷欲界五順

下分結盡離欲界煩惱也釋曰五順下分

結者一身見二戒取三疑四欲貪五嗔恚

故俱舍頌云由二不超欲即四五也由三

復還下順上三也七已辦地者即發真無

漏斷五順上分結八十八品修惑盡斷三

界事究竟故言已辦釋曰五順上分結者

一色愛二無色愛三上二界掉舉四二界

慢五二界無明也貪過重故二界別明餘
三過微二界合說有此五結不超上界名
順上分結八辟支佛地緣覺功德力大故
能侵餘習氣故九菩薩地從空入假道觀
雙流深觀二諦斷習氣色心等無明得界
外法界道種智遊戲神通學佛十力等故
十佛地大功德力資於智慧一念相應慧
觀真諦究竟習氣究竟盡智論云聲聞智
慧力弱如小火燒木木雖然炭盡餘有友在
智力強如大火燒木木然炭盡餘有友在

諸佛智力大如劫火炭灰俱盡亦如兔馬
 等喻菩薩佛地名異二乘何得言通答名
 字雖異同是無學應供得二涅槃共歸灰
 斷證果是一名義不殊是名同義究竟俱
 同也廣如天台此上二下結 四第八人者
 第二三即上所引俱含意也 即初果向又俱舍賢聖品中疏云第八人
 者謂苦法忍八忍之中從後數之為第八
 故又智論中有八人地若約超斷容具二
 三果向謂具修惑及斷一至五皆初果
 向斷次三向二斷九乃至八地惑盡至苦
 法忍即為第三向也 四第八人者俱舍二
 十三賢聖品釋住果
 極七返偈先問云此預流名為何義若初
 得道名為預流則預流名應目第八若初
 得果名為預流則倍離欲全離欲者至道
 類智應名預流下答意明初得果故名為
 預流以超斷者不定初得俱舍大疏實公
 但云若預流名目初得道即初見道第八
 人應名預流亦不釋於第八所以離欲等
 言小疏釋云其苦法忍即是第八於八忍
 中從後數之為第八故若義林法師大疏
 鈔云八人地謂預流向也四向四果從後
 數之為第八故婆沙三十六第八聖者謂
 隨信行及隨法行從勝數為第八故又更

一解與小疏同探玄引大般若亦初果向
 同於林公從後數之澤州遠公引古婆沙
 論亦名須陀洹向以為第八而對見道前
 第七方便故名第八故彼論中問言云何為
 第八人所謂信堅及法堅純根之人見道
 名信堅利根之人名法堅釋曰此上全同
 林公引文而取義逆順為別俱未見文以
 義取人遠公理長第八之名所以順故遠
 公又云外國相傳更有釋云有八人者初
 發心人而未有人行二有相行人憎厭生死
 樂修善法三無相行人學觀空理破離欣
 厭見人行惡心無忿怒見人修善亦不欣
 慶四方便行人雖見法空而常隨有起諸
 善行此四在於善趣地中五者習種六者
 性種七者解行八者聖種初依地前未同
 聖種故非第八人者不名凡夫彰後
 異前不名凡夫揀異初依名為菩薩當相
 以論不名為佛別異於後釋曰遠公所解
 前順今文後非今意彼釋四依故可用之
 因便引末以彰異轍今疏正意取初果向
 而俱舍小疏亦是初向而局苦忍義成大
 局亦彰異轍非用指南下引智論八人亦
 初果向通十五心而若約超斷容餘果向
 故智論中有八人地者證前文是初果向
 案前十地第八人在於見道無間道故
 五十九云八人地者所謂見道中須陀
 一法行二須陀洹極六世生三有須陀
 今世煩惱盡得阿羅漢四有須陀洹六
 三世生已入涅槃五有中須陀洹六
 除第三餘中間入涅槃七住六無礙五解

脫中者八皆是須陀洹向釋曰此則初果
 向中有人八種人故名八地非獨第八然
 此八人望第七方便皆是第八二義俱成謂
 亦名第八亦名八人也故疏引來證成初
 向望後第五既忍初果此為初向次第分
 明若唯取於苦法忍初果此為初向次第分
 之又十四心何苦法忍初果此為初向次第分
 果論主何獨將苦法忍初果此為初向次第分
 立為初果向理則無違而為難辭林公成
 所以正義如前若約超斷下揀濫正取初
 果向不取二三果以超斷人不定初得故
 經略無以義合有故復出耳即俱舍云具
 修惑斷一至五向初果斷次三向二離八
 地三向至第十六心隨三向住聚名信解
 見至亦由利鈍別今疏取意展彼頌文以
 成長行理皆已具上智論文名家亦俱
 舍義頌云斷欲三四品三二生家家斷至
 五二向斷六一來果釋曰初兩句明家家
 下兩句明向果一由斷修惑三四品故二
 緣具轉名家一由斷修惑三四品故二

由戒根德能治彼無漏根故三由受生更
 受欲界三二生故頌中但說初後二緣不
 說成根者預流果後進斷修惑諸無漏根
 理必合有義準已成故頌不說言斷三四
 品受三二生者若斷三品名受三三若斷
 四品名受二生謂九品惑能潤七生且上
 上品能潤兩生上中下中上各潤一上
 中中下合潤一上中下中上各潤一上
 既上三品能潤四生故斷上三品四生便
 損名受三生既言中上亦潤一生故斷中

上品惑復起一損一生無上損四生六都損五生
 受二生也問何故不斷一品二品不斷三品
 家耶答必無有斷五品不斷六品而有死
 中間死生無有斷五品不斷六品而有死
 生謂由聖者得初果已斷欲修惑起大加
 行必無未斷一大品結三品名一大品有
 死生故故斷一品二品必斷三品斷第五
 品不斷第六品者謂第六品證一來果以
 無一品能障得果故斷五品必斷第六餘
 如彼說所以引此文者即下一來不還斷
 惑多少皆五初果法斷眾結者謂三正三
 要此故隨已如十地亦可見所斷惑八十八使名
 為眾結由見諦理斷無明漏無明是生死
 根本名生死漏五初果者即前共十地中
 六心先已見理不明見地也然俱舍等以第十
 今見故今道已先見乃重慮修行故名修
 道智度論意至第十六是解脫道斷惑方
 終見諦始圓故名見地斷眾結者乃有二
 意先總後別總有三正三隨者三正即涅
 槃經謂身見戒取疑俱舍說斷其六故加
 三隨邊見隨身見執斷常者必依身故見
 取隨戒取非因計因必計勝故邪見疑
 疑無之心斷善根故亦可下二別明八十
 八使前俱舍中引頌云苦下具一切集
 滅離三見道除於二見上界不行患故欲
 苦有十集滅各七為十四道下有八成三

十二上二界四諦各除一噴二界各二十
 八故成八十八此見所斷若語修道欲界
 斷四謂六根本除見及疑但有貪嗔癡慢
 上二界各唯除噴二界各三故有六合欲
 之四共成十使即三果已後斷之復合前
 名九十八使更加十纏為百八煩惱由見
 諦理者無名漏亦名六一來果觀欲味過
 無明流四流之一故六一來果觀欲味過
 患已斷六品雖三品惑能潤一生故一往

來而知無往來也起一
 六一來果者更一往天

無往來者即般若意金剛十八住處中第
 五勝中無慢住處從須菩提於意云何
 須陀洹能作是念我得須陀洹果不下是
 意明小乘四果尚得離慢豈況菩薩求大
 菩提於初迴向不離慢哉故判此文是十
 迴向初救護眾生離眾生相迴向言離慢
 者是離我慢文中四果皆有三段此初果
 中上即如來反問二須菩提言不也世尊

此即答也意明無念三解所以者經云何
 以故須陀洹名為入流而無所入不入色
 聲香味觸法是名須陀洹釋曰意云須陀
 洹梵語此云入流入聖流所以入聖流者由
 道類智心即入聖流所以入聖流者由
 第一義諦無所入故則不起心念言我入
 流若有念慮言我入流不契諦理則不入
 聖流而此無念無入即無漏聖智故不入
 於六塵之境故上疏云由見諦理無明名
 生無漏二一來果經云須菩提於意云何

斯陀舍能作是念我得斯陀舍果不調須
 菩提言不也世尊諸何以故斯陀舍名一
 往來而實無往來是名斯陀舍釋曰斷六
 品惑解脫道中契於諦理更不生於一往
 來念若有心念即有我慢豈七不還果斷
 得聖果故今疏云知無往來七不還果斷
 九品盡故不還欲界乃至八地惑皆斷故
 總云不樂三界三不還果經云須菩提於

我得阿那含果不須菩提言不也世尊何
 以故阿那含名不來而實無來是名阿
 那含釋曰大意同前亦無心念斷五願下
 分結名為不還乃至八地非但斷欲修惑
 更進斷四禪三空并前欲界故云八地當
 處不還以非想惑皆斷盡者成阿羅漢故
 八地則已該於三界故云不樂三界上之
 二界猶不受樂故云而實無來四無學果
 經云須菩提於意云何阿羅漢能作是念
 我得阿羅漢道不須菩提言不也世尊實

無有法名阿羅漢世尊若阿羅漢作是念
 我得阿羅漢道則為著我人眾生壽者釋
 曰阿羅漢斷五上分結總說所斷惑有八
 十九種若見所斷總有八品即上下八諦
 若修所斷三九品無為為應果體言應果
 品亦證八十九品無為為應果體言應果
 者應受人天一切供養若有心念不契無
 為即是我慢著我人等由無心念故名應
 果故云實無有法名阿羅漢八無學果八解
 漢今經略無無念之義

脫者一內有色觀外色解脫二內無色觀

外色解脫三淨解脫初二如次依初二禪

三依四禪次四無色為四解脫八即滅受

想解脫餘義已見上文廣如諸論九十可

知八無學下辨羅漢法六通等義前後已

名相俱舍頌云解脫有八種前三無貪性

微無間生由自地淨心及下無漏出三境

欲可見四境類品道自上苦集滅非擇滅

虛空釋曰初句總標次兩句別明前三解

脫第四句別明次四解脫第二行頌明第

八解脫後一頌總明所緣言解脫有八種

者一內有色觀外色解脫謂於力身有色

想貪為除此貪觀外不淨青瘀等色令貪

不起故名解脫二內無色想觀外色解脫

謂於內身無色想貪雖已除貪為堅牢故

觀外不淨青瘀等色今貪不起名為解脫

第三淨解脫身作證具足住謂觀淨色今

貪不起名淨解脫觀淨色者顯觀轉勝此

淨解脫身中證得名身作證具足圓滿得

住此定名具足住四無色定為次四解脫

四解脫各能棄背下地貪故名為解脫後

第八滅受想定解脫身作證具足住棄背

受等名為解脫依婆沙論此言解脫者謂

棄背義前三無貪性者初三解脫無貪為

體近治貪故三中初二不淨相轉作青瘀

等諸行相故第三解脫清淨轉作光鮮行

相轉故此三助伴皆五蘊為性二二一初

定者上二即初二禪起故云二二一初

二解脫依初二禪起故云二二一初

上一謂第三解脫唯依第四禪起云一

定也以第四禪離八災患慧心澄靜故有

淨解脫四無色定善者四無色定解脫以

善定為體非無記染非解脫故亦非散善

性微劣故無散善者如命終心也滅受想

解脫微微無間生者滅受想解脫也有解

厭背受微微無間生者滅受想解脫也有解

解脫定障故名解脫微微心後此定現前

入滅定心對前心說已名微細心二微細心三

微微心對前心說已名微細心二微細心三

及下無漏從微微心入滅定心也出滅定心

或有頂淨心或起下無所有處無漏心如

境欲可見者初三解脫唯以欲界色處為

九

境有差別者初二境可憎第三境可愛四

境類品道自上苦集滅者四無色解脫各

緣自地地地苦集滅虛空者無色解脫亦

道為所緣境非擇滅虛空者無色解脫亦

緣自地地地苦集滅虛空者無色解脫亦

上非擇滅及虛空為所緣境問第三靜慮

寧無解脫妙答第三定中無眼識所引欲色

貪故自地妙樂所動亂故無解脫問行

者何緣修淨觀心沉感今修淨觀策發今

脫前不淨觀心沉感今修淨觀策發今

三五九

析或為審知自堪能故謂前所修不淨解脫為成不成若觀淨相煩惱不起彼方成故問何故經中第三第八解脫得身證名非餘六耶答以八中此二勝故二界邊故得身證名第三解脫唯取淨相今感不起名為殊勝第八解脫以無心故名為殊勝第三解脫在色界邊第八解脫在無色邊疏文對會可知言餘義已見上文者謂六通即三地及十通品說九定即此品滅定亦如六七地辨廣如九地諸論即瑜伽智論唯識等說然薩遮尼捷子經第五亦廣說六通等

佛子菩薩摩訶薩有十種修行法何等為十所謂恭敬尊重諸善知識修行法常為諸天之所覺悟修行法於諸佛所常懷慚愧修行法哀愍眾生不捨生死修行法事必究竟心無變動修行法專念隨逐發大乘心諸菩薩眾精勤修學修行法遠離邪見勤求正道修行法摧破眾魔及煩惱業修行法知諸眾生根性勝劣而為說法令住佛地修行法安住無邊廣大法界除滅煩惱令身清淨修行法

是為十若諸菩薩安住其中則得如來無上修行法

三修行法者如說修行方得佛法故常為諸天者為字去聲故晉經云覺悟諸天餘並可知上來造修行竟

大方廣佛華嚴經疏鈔會本第五十八之三

音釋

忤五故切 瘵依據逆也

大方廣佛華嚴經疏鈔會本第五十八之三 起二

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩有十種魔何等為十所謂

蘊魔生諸取故煩惱魔恒雜染故業魔能障

礙故心魔起高慢故死魔捨生處故天魔自

憍縱故善根魔恒執取故三昧魔又耽味故

善知識魔起著心故菩提法智魔不願捨離

故是為十菩薩摩訶薩應作方便速求遠離

第三有十魔下十門明離障行分二前五

門明離障成行後五門明離障加持前中

分三初二門明所離障體次一門明離障

方便後二門顯見佛成行前中初顯魔體

後辨魔因今初十魔能障道故一蘊魔者

身為道器體與佛同豈即是魔蘊魔之名

特由取著下九例爾皆以下句釋成魔義

是知以心分別萬法皆魔何但此十故舉

菩提法智以勝況劣不以心分別一切皆

佛豈捨魔界求佛界耶然四魔直就體明

十魔多約執取十表無盡故與四不同若

欲攝者除三同外皆煩惱攝法即所證智

是能證能所冥合故名菩提若不捨於分

別菩提之見即是魔矣餘文自顯今初十

文分三一總釋為魔之義魔下疏

佛子菩薩摩訶薩有十種魔業何等為十所

謂忘夫菩提心修諸善根是為魔業惡心布

施瞋心持戒捨惡性人遠懈怠者輕慢亂意

譏嫌惡慧是為魔業於甚深法心生慳恪有

堪化者而不為說若得財利恭敬供養雖非

法器而強為說是為魔業不樂聽聞諸波羅

寔假使聞說而不修行雖亦修行多生懈怠
 以懈怠故志意狹劣不求無上大菩提法是
 為魔業遠善知識近惡知識樂求二乘不樂
 受生志尚涅槃離欲寂靜是為魔業於菩薩
 所起瞋恚心惡眼視之求其罪疊說其過惡
 斷彼所有財利供養是為魔業誹謗正法不
 樂聽聞假使得聞便生毀訾見人說法不生
 尊重言自說是餘說悉非是為魔業樂學世
 論巧述文詞開闢二乘隱覆深法或以妙義
 授非其人遠離菩提住於邪道是為魔業已
 得解脫已安隱者常樂親近而供養之未得
 解脫未安隱者不肯親近亦不教化是為魔
 業增長我慢無有恭敬於諸眾生多行惱害
 不求正法真實智慧其心弊惡難可開悟是
 為魔業是為十菩薩摩訶薩應速遠離勤求

起二

二

佛業

二有十魔業者行此十事皆能訛善亦招
 天魔故為其業十中一由忘行本令所修
 善感生死果不至菩提故是其業二於蔽
 度不平等故於中初二蔽俱行度後四嫌
 棄有蔽之人文影略耳夫真道者不施不
 慳不戒不犯不忍不恚不進不怠不定不
 亂不智不愚嫌他不忍忍度豈成他皆倣
 此又悲化惡故沉惡為善資不愛其資是
 大迷也餘八易知然觀此文難免魔業願
 諸後學審此省躬起三

二於蔽度下釋第二句
 分二一總釋文意二夫
 真道者下立理於中有二先約智說則蔽
 度兩亡後又悲化惡故下約大悲說先正
 明後沉惡為善資下即借老子意釋成上
 義即道經無轍跡章結文彼章具云善行
 無轍跡善言無瑕謫善計不用籌策善問
 無關鍵而不可開善結無繩約而不可解
 釋曰意云無心於此五何有轍跡等耶次
 云是以聖人常善救人而無棄人常善故

物故無棄物是謂襲明釋曰心無所係無可無不可何所棄哉次云故善人不善人之師不善人善人之資不貴其師不愛其資雖知大迷是為要妙釋曰此有二意一約密意謂雖師法善人資取惡人而不貴不愛師資而亡為立德凡俗雖知而大迷於道謂之要妙二約顯意善者所法惡是我資而不貴愛則雖知善惡乃是大迷善惡皆善是謂要妙則順上文無棄人

佛子菩薩摩訶薩有十種捨離魔業何等為十所謂近善知識恭敬供養捨離魔業不自尊舉不自讚歎捨離魔業於佛深法信解不謗捨離魔業未曾忘失一切智心捨離魔業勤修妙行恒不放逸捨離魔業常求一切菩薩藏法捨離魔業恒演說法心無疲倦捨離魔業歸依十方一切諸佛起救護想捨離魔業信受憶念一切諸佛神力加持捨離魔業與一切菩薩同種善根平等無二捨離魔業是為十若諸菩薩安住此法則能出離一切

魔道

第二捨魔業即離障方便對障修治故云捨離然此十句敵對反前但略而不次耳一反第五二反第二三反第七四反第一五反第四六反第八七反第三八反第九救護彼故九反第十若得佛加蔽惡息故十反第六同一善根豈求惡故然後欲顯隨其一善總反前十或以多善共反前一令不定執故不次耳

佛子菩薩摩訶薩有十種見佛何等為十所謂於安住世間成正覺佛無著見願佛出生見業報佛深信見住持佛隨順見涅槃佛深入見法界佛普至見心佛安住見三昧佛無量無依見本性佛明了見隨樂佛普受見是為十若諸菩薩安住此法則常得見無上如

來

第三二門顯見佛成行由障離故果現行
成於中先見佛後成行今初即是果現此
中所見即前十佛亦是八地十身十身與
此名小不同已如前會然此中明見皆稱

彼佛而見如云無著自屬正覺非謂菩薩
於彼不著若菩薩於此不著下九豈當著

耶是知皆就所見明見亦不得半就所見

半約能見一會同前文此中所見者即十
集經菩薩入十種法能知諸佛何等為十
所謂集氣佛果報佛三昧佛願佛心佛實

佛同佛化佛供養佛形像佛乃至廣說若
欲會者集氣即業報佛次三全同實佛義當
見故果報即業報佛次三全同實佛義當
法界同佛即本性住持二然此中明見下
義即正覺形像於中亦三初正明二若菩薩
二釋見佛義於中亦三初正明二若菩薩
下反顯三亦不得下遮救恐有救云半就
能見如無著佛等半就所見如出生等豈
不通耶今遮云不得半就所見如出生等豈
惑取解無由故十種見義成雜亂故

無著者安住世間故不著涅槃成正覺故
不著生死乘無住道示成正覺故名無著
稱此而見是見正覺他皆準此又無邪慧
而不離故云無著無正德而不圓故云正
覺則佛見影略此即總句下九皆此別義

一無著者下三釋文釋此一句疏文有三
一正釋正覺標其所見無著即正覺之相
二又無邪下則正覺無著二義不同所見
能見各須具二今所見有正覺德圓略無
邪慧而不離能見則有無邪智而不離略
無正德而不圓故今佛中影取無著能見
之中影取正覺是故疏云佛二乘願出生
見影略三此即下結成總別

故上文云佛願力故無不現又乘此願能
生一切德故二乘願出生中文云下引證
生身此三報即相好莊嚴身業即萬行之
因而深信為首云深信見故下善財云一
切諸佛從信心起亦能令見者信故善財
者引證即七十七經善財修觀此約真身
又云一切化佛從敬心起明知敬屬於機

能見化身信屬於佛因信成果亦能令見
者信者上約真身信自屬佛今就真身信
亦屬機以相好莊嚴 四隨順衆生住持舍
顯由因成故令物信 利等故又隨順衆生以圓音周徧三世持
佛法故 四隨順者即論中意又隨順衆生
不違正理 以圓音下即海東意玄談中已顯
故雙出之 五涅槃即是化身化身示滅故

名涅槃深入見者深入涅槃故能示滅深
入生死故示滅非真 深入涅槃者得無住
生死故示滅非真者悟生死性即性淨
涅槃故知示滅非真滅也稱性常在故六
法身充滿於法界故法界為佛體故 六法
初以如智契合具德法身故云滿於法 七
界法界是所滿下約法性身云為佛體 七
湛然安住真唯識性是佛心故 七安住者
真唯識性 八寂然無依心言路絕即三昧
即是心佛 義觸類皆然故三昧無量 八寂然無依釋
依釋三昧佛後觸 九平等性智了本性故
類下釋無量義 九平等下亦二義釋
本覺真性性本了故 九平等下亦二義釋
先能所合明後本覺

下唯就 十隨自他意無身不受故 十隨自
理說 他下即
意生身然有三義一如意速疾二隨自意
成三隨他意樂今用後二釋隨樂言隨自
所樂普受法身隨 依上十見則真見佛既
他所樂欲受何類 知十佛總別六相圓融則亦十見無有障
礙又此十種攝為五對一所出能出對二
正報任持對三真常普徧對四內住外寂
對五體深用廣對如文思之上十佛十身

類此成對又此十見各有十種並如不思
議法等品 依上十下六相圓融總即一佛
相好等差成則攬十共成真佛之義壞則
十身各住自位又此十見下第六結成包
合即海東意海東順於晉經名有數異故
今取義亦有小珠今直就此經相應引證
一正覺佛無著見者有十無著即此品云
所謂於一切世間無著於一切眾生無著
於一切法無著於一切所著無著於一切
善根無著於一切生處無著於一切願無
著於一切行無著於一切菩薩無著於一
切佛無著於十種離微於果位一切無著
而不思議品十種離微於果位一切無著
二願佛出生見亦有十種出生不思議品

云諸佛世尊有十種念念出生何等為
 十所謂一切諸佛於一念中悉能示現無
 量世界從天來下成正覺五轉妙法六
 道四菩提樹下成等正覺不可言說種種
 教化眾生供養諸佛莊嚴如來自在一
 身八種莊嚴無量無數莊嚴如來自在一
 智藏九無量無數清淨眾生三世諸佛
 種種根性種種精進種種行解於三世
 成等正覺釋曰其一二種經文所無句
 句皆如初句有一切諸佛至世界之言
 是從後得智願生入相三業最勝深信
 見若約莊嚴應如不思議品十種最勝
 上莊嚴今取因行則不思議品中勝無
 即如十藏品云信一切法無相分一切
 無切法無所依信一切法無相分一切
 法無有上信一切法難越不可量信一
 十種信四住持佛隨順見者若約十地中
 生住持佛法即十種為眾生作佛事不
 議品六諸佛世尊有十種為眾生作佛
 一者所謂一切諸佛示現色身為眾生
 佛事二出妙音聲三有所受四無所
 以地水火風六神八以佛剎境一切
 境界七種種名號八以佛剎境一切
 佛剎十寂寞無言釋曰初句有一切
 佛自下皆有作佛事一如初句寂寞無
 即自下皆有作佛事一如初句寂寞無
 如下文如來應正等覺轉法輪時以十
 故於眾生心中種白淨法無空過者即

順義何等為十所謂過去願力故大悲所
 持故不捨眾其時未曾失故隨其所宜
 為說法故必應其時未曾失故隨其所
 無妄說故其智慧自在隨所發言悉開
 無能治故智慧自在隨所發言悉開悟
 是為十五涅槃佛深見者即出現品云
 欲知如來大涅槃者當了知根本自性
 曰了知即是深義也經云如真如涅槃
 如來涅槃亦如是深義也經云如真如
 五法性六離欲際七無相際八我性際九
 一切法性際十真如際釋曰具足皆如初
 句如是了知名為深入一切處向云譬
 者若直約法界說如至一切物至一切
 如實際無處不至至一切物至一切
 至一切虛空至一切佛性至一切法界
 一切語言音聲然今但有九有為無為
 分云為二若諸佛明通至者即佛不思
 何等為十所謂一切諸佛有無邊際身
 相清淨普入諸趣而無染著二無障礙
 於一切法悉能明見三無礙耳悉能解
 廣長舌出妙音聲周遍法界六身應入
 心咸令得見七意住於無礙平等法身
 無礙解脫示現無盡大神通力九清淨
 界隨眾樂現眾佛土種種莊嚴而於其
 中不生染著十菩薩行願得圓滿智遊
 自在悉能通達一切諸佛有無邊際言
 皆如初句有一切諸佛有無邊際言中

有廣長故聞無邊際語七心佛安住見者
 不思議品云諸佛世尊有十種無量住所
 謂常住大悲住種種身作諸佛事住平等
 意轉淨法輪住四辯才說無量法住不思
 議一切佛法住清淨音遍無量土住不可
 說甚深法界現一切最勝神通住能開示
 無有障礙究竟之法釋曰此是佛心之所
 住也經唯九句應開淨音遍無量土為二
 八三昧佛無量無依見者不思議品云諸
 佛世尊有十種無量不可思議佛三昧何
 等為十所謂一切諸佛恒在正定於一念
 中遍一切處普為眾生廣說妙法二普為
 眾生說無我際三普入三世四普入十方
 廣大佛刹五普現無量種種佛身六隨諸
 眾大佛剎五普現無量種種佛身六隨諸
 欲真際八演說一切緣起自性九示現無
 量世出諸眾大莊嚴今諸眾法常得見
 佛十令諸眾悉得近達一切佛法無量
 解脫究竟到於無上彼岸釋曰具足皆如
 初句有一切諸佛恒在正定於一念中遍
 一切處之言雖有此無量而心無所依九
 本性佛明了見明了即是智身故四十七
 云諸佛世尊有十種知一切法盡無有餘
 何等為十所謂一切法三知現在一切法
 餘二知未來一切法三知現在一切法四
 知一切語言法五知一切眾生心六知一
 切菩薩善根上中下種種分位七知一切
 佛圓滿智及諸善根不增不減八知一切
 法皆從緣起九知一切世界種種十知一切
 法界中如因陀羅網諸差別事釋曰十句

皆有盡無有餘之言十隨樂佛普受見者
 普能受領隨樂現故即四十六諸佛世尊
 於一切世界一切時有十種佛事何等為
 十一者若有眾生專心憶念則現其前二
 者若有眾生心不調順則為說法三者若
 有眾生能生淨信必令獲得無量善根四
 者若有眾生能入法位悉能現證無不了
 知五者教化眾生無有疲倦六者遊諸佛
 刹往來無礙七者大悲不捨一切眾生八
 者現變化身恒不斷絕九者神通自在未
 曾休息十者安住法界能遍觀察是
 為十釋曰斯則普隨眾生之所受也
 佛子菩薩摩訶薩有十種佛業
 二有十種佛業即是成行前見佛體今辨
 佛因又行順佛行故名佛業佛以利生為
 事業故
 何等為十所謂隨時開導是佛業令正修行
 故夢中令見是佛業覺昔善根故
 十中初總餘別又總別合為五對一覺導
 夢化對
 為他演說所未聞經是佛業令生智斷疑故

為悔纏所纏者說出離法是佛業令離疑心故

二開纏淨戒對犯戒疑悔故為彼纏令其
懺除故名出離戒有多種出離亦多總相
言之不過二種一事二理事隨輕重篇聚
悔除理觀性空是真奉律若具二者罪無
不離又如瑜伽九十九有五惡作即是悔
纏一謂作是思惟後定自責二諸天呵責
三大師同行責四惡名流布五死墮惡趣
亦有五相能除此惡作謂佛許還淨故由
無知等我已滅故當來無犯意我已生故
已於同梵行悔故佛說悔除為善哉惡作
相續以為蓋故餘如淨名第一及隨好品
辨又瑜伽九十九下重釋淨戒先舉所治
後亦有五相下舉其能治此五亦可對
前五准三四不次一由佛許還淨故不自
責二由滅無知不懼天所罰三已生無犯

之意不懼惡名四同行悔不懼同行之責
五佛詐悔除故不懼惡道而其實義此五
通能治
於前五

若有眾生起慳悋心乃至惡慧心二乘心損
害心疑惑心散動心憍慢心為現如來眾相
莊嚴身是佛業生長過去善根故於正法難
遇時廣為說法令其聞已得陀羅尼智神通
智普能利益無量眾生是佛業勝解清淨故
三現相說法對於現相中由如來相從六
度生故除六蔽見此殊勝不希二乘觀慈
善根決知尊勝住心佛境自失威光故無
害等

若有魔事起能以方便現虛空界等聲說不
損惱他法以為對治令其開悟眾魔聞已威
光歇滅是佛業志樂殊勝威德大故其心無
間常自守護不令證入二乘正位若有眾生

根性未熟終不爲說解脫境界是佛業本願所作故

四降魔護小對

生死結漏一切皆離修菩薩行相續不斷以大悲心攝取衆生令其起行究竟解脫是佛業不斷修行菩薩行故菩薩摩訶薩了達自身及以衆生本來寂滅不驚不怖而勤修福智無有厭足雖知一切法無有造作而亦不捨諸法自相雖於諸境界永離貪欲而常樂瞻奉諸佛色身雖知不由他悟入於法而種種方便求一切智雖知諸國土皆如虛空而常樂莊嚴一切佛刹雖恒觀察無人無我而教化衆生無有疲厭雖於法界本來不動而以神通智力現衆變化雖已成就一切智智而修菩薩行無有休息雖知諸法不可言說

起二

上

而轉淨法輪令衆心喜雖能示現諸佛神力而不厭捨菩薩之身雖現入於大般涅槃而一切處示現受生能作如是權實雙行法是佛業

五悲攝雙行對雙行中有十二句初一總明無作四諦不驚怖者妄惑本無今有故應驚妄苦逼害身心故應怖今皆了本寂即同滅理故不驚怖雖了本寂而修福智爲能治道餘十一句別中初一約苦次一約集次八約道後一約滅文並可知

是爲十若諸菩薩安住其中則得不由他教無上無師廣大業

佛子菩薩摩訶薩有十種慢業何等爲十所謂於師僧父母沙門婆羅門住於正道向正道者尊重福田所而不恭敬是慢業或有法

師獲最勝法乘於大乘知出要道得陀羅尼演說契經廣大之法無有休息而於其所起高慢心及於所說法不生恭敬是慢業於衆會中聞說妙法不肯歎美令人信受是慢業好起過慢自高陵物不見已失不知自短是慢業好起過過慢見有德人應讚不讚見他讚歎不生歡喜是慢業見有法師爲人說法知是法是律是真實是佛語爲嫌其人亦嫌其法自起誹謗亦令他謗是慢業自求高座自稱法師應受供給不應執事見有耆舊久修行人不起逢迎不肯承事是慢業見有德人輦蹙不喜言辭麤獷向其過失是慢業見有聰慧知法之人不肯親近恭敬供養不肯諮問何等爲善何等不善何等應作何等不應作作何等業於長夜中而得種種利益安

樂愚癡頑很我慢所吞終不能見出要之道是慢業復有衆生慢心所覆諸佛出世不能親近恭敬供養新善不起舊善消滅不應說而說不應諍而諍未來必墮險難深坑於百千劫尚不值佛何況聞法但以曾發菩提心故終自醒悟是慢業是爲十

第二有十慢下五門明離障加持行中二初二門內成離障行後三門外得加持行前中初門舉障後門顯治今初慢者恃已於他高舉爲性能障不慢生苦爲業然經論中說多差別且明七慢俱舍十九云一慢二過慢三慢過慢四我慢五增上慢六卑慢七邪慢俱舍等者然文具疏引彼論以釋今經恐不知主客今重具引俱舍云慢七九從三皆通見修斷瑜伽雜集大同俱舍今文開十四五與九具有其名餘七但有其義

前三即慢但約有高心故故彼論云一慢

者謂於他劣謂已勝於他等謂已等雖能

稱境以心高舉說名為慢初一輕人次二

慢法三前即慢下釋文先別釋初三於中

二意初標次故彼論下全引論文正

釋慢義三初一輕四中高陵物是於他

等謂已勝即當過慢過前慢故十三

是於他下五即慢過慢今言過過者過前

慢故有德應讚即於他勝見讚不喜是謂

已勝應合讚我故五中先指同會釋二有

於他勝謂已勝名六即邪慢謂於無德謂

己有德故名邪慢成就惡行名為無德恃

惡高舉名之為慢自起誹謗即惡行故六

論具云於實無德中謂已有德名邪慢上

皆論文下即論釋從自起誹謗下疏牒今

經會通七即卑慢者舊有德即是彼多分

勝不應執事即謂已小劣何得事他七卑

疏以經就論即自求高座下是論具足云

於多分勝謂已少劣名為卑慢餘皆疏釋

八亦邪慢起惡行故八亦邪慢者即見有

德人下是也九即我慢我慢所

廣即是惡行此即將前九即我慢我慢所

論中成就惡行收之九即我慢我慢所

吞故九言我慢所吞故者以經釋成知是

名為我慢若論具云執我我所今心高舉

曰疏以易故不引論釋十即增上慢新善

未起即是未得不應諍而諍即是謂得故

其但以曾發下準梵本應迴安於百千劫

前深坑之下彼梵本從消滅下云不應說

而說言多鬪諍發起怨嫌數行此法應墮

大坑然以曾集菩提心力得受豪貴自在

之力於百千劫尚不見佛何況聞法晉及

度世大意皆同梵本若但依今釋當墮深

坑語其慢過終自醒悟明非長沒十即增

文易可知上論偈云慢七九從三者即是
 九慢從前七慢三慢而生言九慢者發智
 論一我勝慢慢類二我等慢慢類三我劣慢慢類
 四有勝我慢慢類五有等我慢慢類六有劣我
 慢慢類七無勝我慢慢類八無等慢慢類九無劣
 我慢慢類言從三者一慢二過慢三早慢初
 三類中一我勝慢慢類從前過慢出二我等
 慢慢類從前慢出三我劣慢慢類從前慢出四
 五六三如次從早慢及慢并過慢出七八
 九三如次從慢過慢早慢中出釋曰然上
 九慢既從三生則成三三皆有別相論更
 不釋細詳可見但有難云問於多分勝謂
 已劣早慢可成有高處故無劣我慢高處
 是向答謂自愛樂勝有情聚反顧已身雖
 知極劣而自尊重得成無劣我慢慢類也言
 皆通見修斷者七九同故云皆通也緣見
 起者名見所斷緣若約八慢前三皆是僞
 事起者各修所斷慢亦名傲慢皆於尊境不肯禮敬故餘如

別說若約八慢者即刊定意淫禁成實皆
有八慢天台智者引文殊問經釋法
華八鳥明有八慢謂一威壯慢慢如鷄二性
慢如梟三富慢如鵬四自在慢慢如鷲五毒
命慢如烏六聰明慢慢如鵲
七行慢慢如鳩八色慢慢如鴿

若諸菩薩離此慢業則得十種智業何等為
 十所謂信解業報不壞因果是智業不捨善

提心常念諸佛是智業近善知識恭敬供養
 其心尊重終無厭怠是智業樂法樂義無有
 厭足遠離邪念勤修正念是智業於一切眾
 生離於我慢於諸菩薩起如來想愛重正法
 如惜己身尊奉如來如護己命於修行者生
 諸佛想是智業身語意業無諸不善讚美賢
 聖隨順善提是智業不壞緣起離諸邪見破
 暗得明照一切法是智業十種迴向隨順修
 行於諸波羅蜜起慈母想於善巧方便起慈
 父想以深淨心入菩提舍是智業施戒多聞
起三
 止觀福慧如是一切助道之法常勤積集無
 有厭倦是智業若有一業為佛所讚能破眾
 魔煩惱鬪諍能離一切障蓋纏縛能教化調
 伏一切眾生能隨順智慧攝取正法能嚴淨
 佛刹能發起通明皆勤修習無有懈怠是智

十五

業是爲十若諸菩薩安住其中則得如來一切善巧方便無上大智業

二若諸菩薩下有十種智業顯對治行謂既識障惑不令增長制情從理敬重法行

故名智業文中初結前生後文通兩段後

何等下正顯並是智之作用故名爲業

佛子菩薩摩訶薩有十種魔所攝持何等爲十所謂懈怠心魔所攝持志樂狹劣魔所攝持於少行生足魔所攝持受一非餘魔所攝持不發大願魔所攝持樂處寂滅斷除煩惱魔所攝持永斷生死魔所攝持捨菩薩行魔所攝持不化衆生魔所攝持疑謗正法魔所攝持是爲十

第二魔攝持下三門辨外加持行分二此門所離障後二門能治行今初即最障加

持由內行乖理外魔得便名爲攝持又行乖理即是魔攝初二心怠志墜次二行少解滯次二捨願趣斷次二成小捨大後二捨悲謗法

若諸菩薩能棄捨此魔所攝持則得十種佛所攝持何等爲十所謂初始能發菩提之心佛所攝持於生生中持菩提心不令忘失佛所攝持覺諸魔事悉能遠離佛所攝持聞諸波羅蜜如說修行佛所攝持知生死苦而不厭惡佛所攝持觀甚深法得無量果佛所攝持爲諸衆生說二乘法而不證取彼乘解脫佛所攝持樂觀無爲法而不住其中於有爲無爲不生二想佛所攝持至無生處而現受生佛所攝持雖證得一切智而起菩薩行不斷菩薩種佛所攝持是爲十若諸菩薩安住

其中則得諸佛無上攝持力

第二佛所攝下二門明能治行由離於邪自然合正於中先佛後法今初先結前生後後何等下正說文顯可知

佛子菩薩摩訶薩有十種法所攝持何等爲十所謂知一切行無常法所攝持知一切行苦法所攝持知一切行無我法所攝持知一切法寂滅涅槃法所攝持知諸法從緣起無緣則不起法所攝持知不正思惟故起於無明無明起故乃至老死起不正思惟滅故無明滅無明滅故乃至老死滅法所攝持知三解脫門出生聲聞乘證無諍法出生獨覺乘法所攝持知六波羅蜜四攝法出生大乘法所攝持知一切刹一切法一切衆生一切世是佛智境界法所攝持知斷一切念捨一切

取離前後際隨順涅槃法所攝持是爲十若諸菩薩安住其中則得一切諸佛無上法所攝持

二法攝中前四即四法印次二總別緣生次一大小後二智斷上辨因圓究竟訖

佛子菩薩摩訶薩住兜率天有十種所作業第二住兜率下十九門明果用圓滿行多約八相顯果用者明是普賢大用之果不就淨土實報處說又顯實報不可說故又顯八相通因果故長分爲十初一門住天次一門示沒三一門入胎四一門住胎五三門初生六二門在家七二門出家八五門成道九二門轉法輪十有一門入涅槃初之二門合屬第三即是八相今初欲說下生先明在天所作

何等爲十所謂爲欲界諸天子說厭離法言
一切自在皆是無常一切快樂悉當衰謝勸
彼諸天發菩提心是爲第一所作業

一化欲天

爲色界諸天說入出諸禪解脫三昧若於其
中而生愛著因愛復起身見邪見無明等者
則爲其說如實智慧若於一切色非色法起
顛倒想以爲清淨爲說不淨皆是無常勸其
令發菩提之心是爲第二所作業

二化色天

菩薩摩訶薩住兜率天入三昧名光明莊嚴
身放光明徧照三千大千世界隨衆生心以
種種音而爲說法衆生聞已信心清淨命終
生於兜率天中勸其令發菩提之心是爲第
三所作業

三化大千

卷二

十八

菩薩摩訶薩在兜率天以無障礙眼普見十
方兜率天中一切菩薩彼諸菩薩皆亦見此
互相見已論說妙法謂降神母胎初生出家
往詣道場具大莊嚴而復示現往昔已來所
行之行以彼行故成此大智所有功德不離
本處而能示現如是等事是爲第四所作業

四同類共談

菩薩摩訶薩住兜率天十方一切兜率天宮
諸菩薩衆皆悉來集恭敬圍繞爾時菩薩摩
訶薩欲令彼諸菩薩皆滿其願生歡喜故隨
彼菩薩所應住地所行所斷所修所證演說
法門彼諸菩薩聞說法已皆大歡喜得未曾
有各還本土所住宮殿是爲第五所作業

五爲同類說

菩薩摩訶薩住兜率天時欲界主天魔波旬
爲欲壞亂菩薩業故眷屬圍繞詣菩薩所爾
時菩薩爲摧伏魔軍故住金剛道所攝般若
波羅蜜方便善巧智慧門以柔輭麤獷二種
語而爲說法令魔波旬不得其便魔見菩薩
自在威力皆發阿耨多羅三藐三菩提心是
爲第六所作業

起二

十九

六善巧降魔

菩薩摩訶薩住兜率天知欲界諸天子不樂
聞法爾時菩薩出大音聲徧告之言今日菩
薩當於宮中現希有事若欲見者宜速往詣
時諸天子聞是語已無量百千億那由他衆
皆來集會爾時菩薩見諸天衆皆來集已爲
現宮中諸希有事彼諸天子曾未見聞既得
見已皆大歡喜其心醉沒又於樂中出聲告

言諸仁者一切諸行皆悉無常一切諸行皆
悉是苦一切諸法皆悉無我涅槃寂滅又復
告言汝等皆應修菩薩行皆當圓滿一切智
智彼諸天子聞此法音憂歎咨嗟而生厭離
靡不皆發菩提之心是爲第七所作業

七樂音說法

菩薩摩訶薩住兜率宮不捨本處悉能往詣
十方無量一切佛所見諸如來親近禮拜恭
敬聽法爾時諸佛欲令菩薩獲得最上灌頂
法故爲說菩薩地名一切神通以一念相應
慧具足一切最勝功德入一切智智位是爲
第八所作業

八詣佛聞法

菩薩摩訶薩住兜率宮爲欲供養諸如來故
以大神力興起種種諸供養具名殊勝可樂

徧法界虛空界一切世界供養諸佛彼世界中無量衆生見此供養皆發阿耨多羅三藐三菩提心是爲第九所作業

九供養多佛

菩薩摩訶薩住兜率天出無量無邊如幻如

起三

三

影法門周徧十方一切世界示現種種色種種相種種形體種種或儀種種事業種種方便種種譬喻種種言說隨衆生心皆令歡喜是爲第十所作業

十多身益生

佛子是爲菩薩摩訶薩住兜率天十種所作業若諸菩薩成就此法則能於後下生人間佛子菩薩摩訶薩於兜率天將下生時現十種事

第二時至示沒名將下生大乘方便經下

表云菩薩如其本願處兜率天宮能得菩提轉于法輪非爲不能菩薩思惟閻浮提人不能至此兜率天上聽受法教兜率天人能下閻浮是故下生

何等爲十

佛子菩薩摩訶薩於兜率天下生之時從於足下放大光明名安樂莊嚴普照三千大千世界一切惡趣諸難衆生觸斯光者莫不皆得離苦安樂得安樂已悉知將有奇特大人出興于世是爲第一所示現事

起三

三

一廣拔衆苦

佛子菩薩摩訶薩於兜率天下生之時從於眉間白毫相中放大光明名曰覺悟普照三千大千世界照彼宿世一切同行諸菩薩身彼諸菩薩蒙光照已咸知菩薩將欲下生各

各出與無量供具詣菩薩所而爲供養是爲
第二所示現事

二徧警有緣

佛子菩薩摩訶薩於兜率天將下生時於右
掌中放大光明名清淨境界悉能嚴淨一切
三千大千世界其中若有已得無漏諸辟支
佛覺斯光者即捨壽命若不覺者光明力故
徙置他方餘世界中一切諸魔及諸外道有
見衆生皆亦徙置他方世界唯除諸佛神力
所持應化衆生是爲第三所示現事

三嚴刹棟非

佛子菩薩摩訶薩於兜率天將下生時從其
兩膝放大光明名清淨莊嚴普照一切諸天
宮殿下從護世上至淨居靡不周徧彼諸天
等咸知菩薩於兜率天將欲下生俱懷戀慕

悲歎憂惱各持種種華鬘衣服塗香末香楡
蓋妓樂詣菩薩所恭敬供養隨逐下生乃至
涅槃是爲第四所示現事

四覺諸導從

佛子菩薩摩訶薩在兜率天將下生時於卍
字金剛莊嚴心藏中放大光明名無能勝幢
普照十方一切世界金剛力士時有百億金
剛力士皆悉來集隨逐侍衛始於下生乃至
涅槃是爲第五所示現事

五密召侍衛

佛子菩薩摩訶薩於兜率天將下生時從其
身上一切毛孔放大光明名分別衆生普照
一切大千世界徧觸一切諸菩薩身復觸一
切諸天人諸菩薩等咸作是念我應住此
供養如來教化衆生是爲第六所示現事

六先告當機

佛子菩薩摩訶薩於兜率天將下生時從大摩尼寶藏殿中放大光明名善住觀察照此菩薩當生之處所託王宮其光照已諸餘菩薩皆共隨逐下闍浮提若於其家若其聚落若其城邑而現受生爲欲教化諸衆生故是爲第七所示現事

七令輔翼知

佛子菩薩摩訶薩於兜率天臨下生時從天宮殿及大樓閣諸莊嚴中放大光明名一切宮殿清淨莊嚴照所生母腹光明照已令菩薩母安隱快樂具足成就一切功德其母腹中自然而有廣大樓閣大摩尼寶而爲莊嚴爲欲安處菩薩身故是爲第八所示現事

八淨所生處

卷三

三

佛子菩薩摩訶薩於兜率天臨下生時從兩足下放大光明名爲善住若諸天子及諸梵天其命將終蒙光照觸皆得住壽供養菩薩從初下生乃至涅槃是爲第九所示現事

九長延天壽

佛子菩薩摩訶薩於兜率天臨下生時從隨好中放大光明名日月莊嚴示現菩薩種種諸業時諸人天或見菩薩住兜率天或見入胎或見初生或見出家或見成道或見降魔或見轉法輪或見入涅槃是爲第十所示現事

十廣現難思

佛子菩薩摩訶薩於身於座於宮殿於樓閣中放如是等百萬阿僧祇光明悉現種種諸菩薩業現是業已具足一切功德法故從兜

率天下生人間

四結益

大方廣佛華嚴經疏鈔會本第五十八之三

音釋

覺 許親切 疊 隙也 疊 覺 準毗音切 憂子 伺 相吏切

很 胡壑切 嫌 胡魚切 關 丁候切 脇 虛業切

傲 魚到切 謫 陟革切 音 鷄 杜結切 鷗 厥下切

刀 倨也 嘖 音煩也 費 鳥嘖子聲也

大方廣佛華嚴經疏鈔會本第五十九之一 起三

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子菩薩摩訶薩示現處胎有十種事

第三正明入胎十事如有問言於四生中

化生為上佛為最勝何故胎生諸經論中

多用初緣以通此問今明具十以表無盡

諸經論者謂今此菩薩自然化生等智論等皆然探玄記有問云據此經究率命終即入胎等何故梁攝論明化身二十年在中陰真諦三藏金光明疏中釋云有小乘別部云聽待父母受生竟故二十年在中陰釋曰此乃機見不同故言二十年等多

小劣見

何等為十佛子菩薩摩訶薩為欲成就小心

劣解諸衆生故不欲令彼起如是念今此菩

薩自然化生智慧善根不從修得是故菩薩

示現處胎是為第一事

一化劣解此通凡小

菩薩摩訶薩為成熟父母及諸眷屬宿世同

行衆生善根示現處胎何以故彼皆應以見

於處胎成熟所有諸善根故是為第二事

二攝眷屬化生設有父母等恩養少故

菩薩摩訶薩入母胎時正念正知無有迷惑

住母胎已心恒正念亦無錯亂是為第三事

三三時無亂出時無亂在後初生故俱舍

世品明輪王唯入無亂緣覺兼住唯佛三

時無亂以福智俱勝故瑜伽同此上之三

緣小教亦說次下四事兼於權大

菩薩摩訶薩在母胎中常演說法十方世界

諸大菩薩釋梵四王皆來集會悉令獲得無

量神力無邊智慧菩薩處胎成就如是辯才

勝用是為第四事

四演法益物

菩薩摩訶薩在母胎中集大衆會以本願力教化一切諸菩薩衆是爲第五事

五乘願化生

五乘願化生者明非沒生也

菩薩摩訶薩於人中成佛應具人間最勝受

起三

生以此示現處於母胎是爲第六事

六破胎生慢誰能於佛特種族耶

誰能於佛者瑞

應經云從劫初已來代代相承作轉輪聖王近來四代雖不作轉輪聖王而作人中之王明是萬代金輪種故種族無上

菩薩摩訶薩在母胎中三千大千世界衆生

悉見菩薩如明鏡中見其面像爾時大心天

龍夜叉乾闥婆阿脩羅迦樓羅緊那羅摩睺

羅伽人非人等皆詣菩薩恭敬供養是爲第

七事

七胎障不隔故令大心同觀後之三緣唯

實教有

菩薩摩訶薩在母胎中他方世界一切最後

生菩薩在母胎者皆來共會說大集法門名

廣大智慧藏是爲第八事

八同類共集說智慧藏爲胎藏故

說智慧藏者顯

智德生佛以離垢藏即是斷德以法界藏即五藏之一正是法身八即般若九即解脫乃用三德爲胎藏耳故下疏合爲能所證智之與斷皆能證也

菩薩摩訶薩在母胎時入離垢藏三昧以三

昧力於母胎中現大宮殿種種嚴飾悉皆妙

好兜率天宮不可爲比而令母身安隱無患

是爲第九事

起三

三

九定力現嚴以離垢藏爲胎藏故

菩薩摩訶薩住母胎時以大威力興供養具

名開大福德離垢藏普徧十方一切世界供

養一切諸佛如來彼諸如來咸爲演說無邊

菩薩住處法界藏是爲第十事

十與供聞法以法界藏爲胎藏故此一是總八九即法界別義法界寂然是離垢義寂而常照是智慧義又前二是能證後一所以證能所冥合諸佛生故又前二不壞小而廣容後一不動此而普徧如是自在是佛生故

佛子是爲菩薩摩訶薩示現處胎十種事若諸菩薩了達此法則能示現甚微細趣

佛子菩薩摩訶薩有十種甚微細趣何第爲十所謂在母胎中示現初發菩提心乃至灌頂地在母胎中示現住梵率天在母胎中示現初生在母胎中示現童子地在母胎中示現處王宮在母胎中示現出家在母胎中示現苦行往詣道場成等正覺在母胎中示現

轉法輪在母胎中示現般涅槃在母胎中示現大微細謂一切菩薩行一切如來自在神力無量差別門佛子是爲菩薩摩訶薩在母胎中十種微細趣若諸菩薩安住此法則得如來無上大智慧微細趣

第四微細趣即明住胎十事初一通現地位次八明現七相以處胎爲能現故童子屬處宮相故後一總結多門並一相中同時齊現深密難知故名微細

佛子菩薩摩訶薩有十種生何等爲十所謂遠離愚癡正念正知生放大光明網普照三千大千世界生住最後有更不受後身生不生不起生知三界如幻生於十方世界普現身生證一切智智身生放一切佛光明普覺悟一切衆生身生入大智觀察三昧身生佛

子菩薩生時震動一切佛刹解脫一切衆生除滅一切惡道映蔽一切諸魔無量菩薩皆來集會佛子是爲菩薩摩訶薩十種生爲調伏衆生故如是示現

第五十種生下三門明初生相今初正辨

起三

即右脇生時初一即出時無亂後一動刹

益生中八可知

佛子菩薩摩訶薩以十事故示現微笑心自誓何等爲十所謂菩薩摩訶薩念言一切世間沒在欲泥除我一人無能勉濟如是知已熙怡微笑心自誓復念言一切世間煩惱所盲唯我今者具足智慧如是知已熙怡微笑心自誓又念言我今因此假名身故當得如來充滿三世無上法身如是知已熙怡微笑心自誓菩薩爾時以無障礙眼徧觀十方所

起三

五

有梵天乃至一切大自在天作是念言此等衆生皆自謂爲有大智力如是知已熙怡微笑心自誓菩薩爾時觀諸衆生久種善根今皆退沒如是知已熙怡微笑心自誓菩薩觀見世間種子所種雖少獲果甚多如是知已熙怡微笑心自誓菩薩觀見一切衆生蒙佛所教必得利益如是知已熙怡微笑心自誓菩薩觀見過去世中同行菩薩染著餘事不得佛法廣大功德如是知已熙怡微笑心自誓菩薩觀見過去世中共同集會諸天人等至今猶在凡夫之地不能捨離亦不疲厭如是知已熙怡微笑心自誓菩薩爾時爲一切如來光明所觸倍加欣慰熙怡微笑心自誓是爲十佛子菩薩爲調伏衆生故如是示現

二現微笑在行七步時故瑞應經云菩薩

示生即行七步一手指天一手指地天上
天下唯我為尊即自誓也初三自慶次六
慶能徧益羣品謂四無智自憍我能摧故
五昔善今退我能續故六能為眾生良福
田故七見生聞教益不虛故八傷諸同行

不成佛故九愍諸同會滯凡地故後一得
佛加故

佛子菩薩摩訶薩以十事故示行七步何等
為十所謂現菩薩力故示行七步現施七財
故示行七步滿地神願故示行七步現超三
界相故示行七步現菩薩最勝行超過象王
牛王師子王行故示行七步現金剛地相故
示行七步現欲與眾生勇猛力故示行七步
現修行七覺寶故示行七步現所得法不由

行七步是為十佛子菩薩為調伏眾生故如
是示現 起三

三行七步謂初生在地十方各行七步顯
自在希奇故七數過三名過三界隨所履

地皆現金剛餘並可知 十方各行七步者

性品云善男子此閻浮提毘尼園示現從
母摩耶而生生已即能東行七步唱如是

言我於人天阿修羅中最尊最上父母人
天見以驚喜生希有心而諸人等謂是嬰

兒而我此身無量劫來久難染法如是身
者即是法身非是肉血筋脉骨髓之所成

立隨順世間眾生法故示為嬰兒南行七
步示現欲為無量眾生作上福田西行七

步示現生盡永斷老死是最後身北行七
步示已現度諸有生生死東行七步示為眾

生而作尊首四維七步示為眾生斷滅種
種煩惱四魔種性成於如來應供正遍知

上行七步示現不為不淨之物之所染汗
猶如虛空下行七步示現法兩滅地獄火

令彼眾生受安隱樂毀禁戒者
示作霜雹顯自在下總顯大意

佛子菩薩摩訶薩以十事故現處童子地何
等為十所謂為現通達一切世間文字算計

圖書印璽種種業故處童子地爲現通達一切世間象馬車乘弧矢劔戟種種業故處童子地爲現通達一切世間文筆談論博奕嬉戲種種事故處童子地爲現遠離身語意業諸過失故處童子地爲現入定住涅槃門周

起三

七

徧十方無量世界故處童子地爲現其力超過一切天龍夜叉乾闥婆阿脩羅迦樓羅緊那羅摩睺羅伽釋梵護世人非人等釋梵護世故處童子地爲令耽著欲樂衆生故處童子地爲現菩薩色相威光超過一切歡喜樂法故處童子地爲尊重正法勤供養佛周徧十方一切世界故處童子地爲現得佛加被蒙法光明故處童子地是爲十

第六童子地下二門明在家同俗行並處王宮相童子已在王宮但此門明幼懷德

藝顯是超絕後門貴極無染以彰德高今初八云令樂法者幼而梵行德業殊倫後見道成必樂其法餘九可知

佛子菩薩摩訶薩現童子地已以十事故現處王宮何等爲十所謂爲令宿世同行衆生善根成熟故現處王宮爲顯示菩薩善根力故現處王宮爲諸人天耽著樂具示現菩薩大威德樂具故現處王宮順五濁世衆生心故現處王宮爲現菩薩大威德力能於深宮入三昧故現處王宮爲令宿世同願衆生滿其意故現處王宮欲令父母親戚眷屬滿所願故現處王宮欲以妓樂出妙法音供養一切諸如來故現處王宮欲於宮內住微妙三昧始從成佛乃至涅槃皆示現故現處王宮爲隨順守護諸佛法故現處王宮是爲十最

後身菩薩如是示現處王宮已然後出家

二正明處宮十中一化同行同行處宮故

如瞿波四濁世欣貴故餘八可知如瞿波者七十

五中廣說因起

佛子菩薩摩訶薩以十事故示現出家何等

為十所謂為厭居家故示現出家為著家眾

生令捨離故示現出家為隨順信樂聖人道

故示現出家為宣揚讚歎出家功德故示現

出家為顯永離二邊見故示現出家為令眾

生離欲樂我樂故示現出家為先現出三界

相故示現出家為現自在不屬他故示現出

家為顯當得如來十力無畏法故示現出家

最後菩薩法應爾故示現出家是為十菩薩

以此調伏眾生

第七出家下二門明捨家期道行初明出

家後顯修行今初雖能深宮入道而出家

者示斯十意初二令厭捨苦果次二欣揚

勝道次二令離利鈍集著常見者貴常為

貴故不出家著斷見者身滅無餘何須出

家既非常斷明可修進云離二邊又非苦

樂等次二顯界家繫滅後二顯得果同因

佛子菩薩摩訶薩為十種事故示行苦行何

等為十所謂為成就劣解眾生故示行苦行

為拔邪見眾生故示行苦行為不信業報眾

生令見業報故示行苦行為隨順雜染世界

法應爾故示行苦行卷三示能忍劬勞勤修道故

示行苦行為令眾生樂求法故示行苦行為

著欲樂我樂眾生故示行苦行為顯菩薩起

行殊勝乃至最後生備不捨勤精進故示行

苦行為令眾生樂寂靜法增長善根故示行

苦行為諸天世人諸根未熟待時成熟故示
行苦行是為十菩薩以此方便調伏一切衆
生

二示苦行者行有苦樂而偏苦行有斯十
意一為小乘要謂勤苦方得道故二示同

異道摧邪見故謂六年自餓無道後受乳

麋方得顯餓非真三一言罵佛六載受飢

故緣如大乘方便經第二四五濁衆生皆

有重罪憂惱覆心不能得道令彼念言謗

佛尚得解脫況我等耶即悔除故亦如彼

說五策懈怠衆生故六令知為法忘飢故

七示著樂非道故八始末精勤故九準晉

經云欲令未來衆生發精進故今精進之

言合在前句缺斯一句十苦行待機者顯

悲深故 三一言罵佛者經有三卷亦編入
寶積部中當第一百六十八此當

一百十經先總云善男子汝今善聽以何
因緣善薩苦行六年善男子非是善薩宿
業餘報受此苦也欲令衆生於一切惡業
報中生厭患心歸向善男子昔迦葉佛時有婆
今當畧引復次善男子昔迦葉佛時有婆
羅門子名為樹提有親友五人久近惡友
夫善提心奉事外道不能信解佛語佛法
彼師自言我是世尊樹提欲引五人轉其
邪心至无師所作如是言我今欲見秃頭
道人何有秃師所得善提道善提之道甚深
難得復經少時與彼五人在一屏處无師
往彼讚佛功德令往見佛樹提思惟五人
根生我若讚佛必彼生疑自護本願故般
若波羅密經行方便故作如是言我不欲
見秃頭道人何有秃人能得善提善提之
道甚深難得云般若波羅密報者善薩行
般若波羅密無有善提想無有佛想不見
佛善提不於內外中間見善提知善提空
故行於方便作如是語後於一時與五人
在水邊无師承佛神力即至其所讚佛難
遇固不肯去无師遂捉其髮牽至佛所五
人隨往彼之國法執人髮者罪應至死時
人見之皆言佛有何德乃令无師忘死引
之既至佛所五人禮敬發心呵責樹提又
問佛德辨才發善提心為說善薩藏不退
轉陀羅尼金剛句無生法忍五人得無生
忍釋曰知善薩為化五人般若觀空而發
於言即大乘方便豈有報耶四五濁衆生
者即其後經云復次善薩爾時為化五人
示自業報使餘若知不知苦樂報者念言

一言誹謗迦葉佛而彼菩薩當得解脫况
我不知而作惡言是故我今當自悔除一
切過業更不得作釋曰然化五人言義即
顯示六年之意事猶未顯恐是五人兼已
為六耳彼五人似當五俱輪經文又云為
伏諸外道日食一麻一麥故又為化五千
二百羸行諸天及外神仙羸行菩
薩是名菩薩摩訶薩行於方便

佛子菩薩摩訶薩往詣道場有十種事何等

為十所謂詣道場時照耀一切世界詣道場
時震動一切世界詣道場時於一切世界普
現其身詣道場時覺悟一切菩薩及一切宿
世同行衆生詣道場時示現道場一切莊嚴
詣道場時隨諸衆生心之所欲而為現身種
種威儀及菩提樹一切莊嚴詣道場時現見
十方一切如來詣道場時舉足下足常入三
昧念念成佛無有超隔詣道場時一切天龍
夜叉乾闥婆阿脩羅迦樓羅緊那羅摩睺羅
伽釋梵護世一切諸王各不相知而與種種

起三

十一

上妙供養詣道場時以無礙智普觀一切諸
佛如來於一切世界修菩薩行而成正覺是
為十菩薩以此教化衆生

第八詣道場下五門道成證入行即分為
五一明進趣所安即從苦行所向於道樹

顯捨邪趣正故因圓趣果故行後邊故
十句可知

佛子菩薩摩訶薩坐道場有十種事何等為
十所謂坐道場時種種震動一切世界坐道
場時平等照耀一切世界坐道場時除滅一
切諸惡趣苦坐道場時令一切世界金剛所
成坐道場時普觀一切諸佛如來師子之座
坐道場時心如虛空無所分別坐道場時隨
其所應現身威儀坐道場時隨順安住金剛

妙處坐道場時自善根力悉能加被一切衆生是爲十

二正坐道場明自力安處初四嚴處次三
三業現相觀師子座者知將說故晉經云
觀一切佛師子之吼後三成德一滿自能
證明智顯惑亡二受佛所處將契同法界
三大悲同體故能徧加

佛子菩薩摩訶薩坐道場時有十種奇特未
曾有事何等爲十佛子菩薩摩訶薩坐道場
時十方世界一切如來皆現其前咸舉右手
而稱讚言善哉善哉無上導師是爲第一未
曾有事菩薩摩訶薩坐道場時一切如來皆
悉護念與其威力是爲第二未曾有事菩薩
摩訶薩坐道場時宿世同行諸菩薩衆悉來
圍繞以種種莊嚴具恭敬供養是爲第三未

曾有事菩薩摩訶薩坐道場時一切世界草
木叢林諸無情物皆曲身低影歸向道場是
爲第四未曾有事菩薩摩訶薩坐道場時入
三昧名觀察法界此三昧力能令菩薩一切
諸行悉得圓滿是爲第五未曾有事菩薩摩
訶薩坐道場時得陀羅尼名最上離垢妙光
海藏能受一切諸佛如來大雲法雨是爲第
六未曾有事菩薩摩訶薩坐道場時以威德
力興上妙供具徧一切世界供養諸佛是爲
第七未曾有事菩薩摩訶薩坐道場時住最
勝智悉現了知一切衆生諸根意行是爲第
八未曾有事菩薩摩訶薩坐道場時入三昧
名善覺此三昧力能令其身充滿三世盡虛
空界一切世界是爲第九未曾有事菩薩摩
訶薩坐道場時得離垢光明無礙大智令其

身業普入三世是為第十未曾有事佛子是為菩薩摩訶薩坐道場時十種奇特未曾有事

三有十奇特者明外感希奇大果先兆故佛子菩薩摩訶薩坐道場時觀十種義故示

起三

十三

現降魔何等為十所謂為濁世衆生樂於鬪戰欲顯菩薩威德力故示現降魔為諸天世人懷疑者斷彼疑故示現降魔為教化調伏諸魔軍故示現降魔為欲令諸天世人樂軍陣者咸來聚觀心調伏故示現降魔為顯示菩薩所有威力世無能敵故示現降魔為欲發起一切衆生勇猛力故示現降魔為哀愍末世諸衆生故示現降魔為欲顯示乃至道場猶有魔軍而來觸惱此後乃得超魔境界故示現降魔為顯煩惱業用羸劣大慈善

根勢力強盛故示現降魔為欲隨順濁惡世界所行法故示現降魔是為十

四降魔者正覺將顯先摧邪故皆言示者久已降故魔王多是大菩薩故無有惡魔能惱佛故亦如野干豈能於師子前以振

威勢大乘方便經下卷云若非佛力召來

彼等惡魔豈得近佛魔為欲界尊勝勝降

餘伏故皆言示者即涅槃第二佛許受純陀之供云純陀施食有二果報何等為二一者受已得阿耨多羅三藐三菩提二者受已入於涅槃純陀不受此言廣

難如來謂二女先施是雜食身非金剛身常身法身等豈得言同佛答云菩薩爾時

破壞四魔今入涅槃亦破四魔是故我言亦施果報等無差別末後云如來之身已於無量阿僧祇劫不受飲食釋曰此身不受飲食則顯此身久已降魔魔王等者即淨名第二卷不思議品因說室包廣座皆不思識解脫之力方便廣說不思議事迦葉慈歎竟爾時維摩詰語大迦葉言仁者十方作魔王者多是住不可思議解脫菩薩以方便力教化衆生現作魔王即其文也無有惡魔下亦大乘方便經意下指經

文具足經云菩薩坐於菩提樹下使惡魔
 波旬至菩提樹下不欲令菩提樹成阿耨多
 羅三藐三菩提善男子魔本不能至菩提
 樹下若我不召而能來者無有是處善男
 子爾時菩薩坐菩提樹下如是思惟於四
 天下誰最第一此四天下今為屬誰菩薩
 即知惡魔波旬欲界最尊今我與魔共闘
 魔若不如一切欲界所有眾生悉皆不如
 爾時當有諸天人眾和合而來菩提樹
 到已必發清淨信心下取意引魔眾天眾
 八部見菩薩遊戲發菩提心十中一示以
 盡得解脫故疏云勝降餘伏十中一示以
 德誨二破魔佛誰愈三波旬兵眾滿三十
 六由旬圍菩提樹欲作留難菩薩住慈悲
 智慧以手指地一切散壞八萬四千八部
 大眾皆發大菩提心故云教化調伏廣如
 方便經及本行集說六未免魔者勿懈怠
 故七一被降伏乃至末世翻護法故餘五
 可知一示德誨者小人力誨故二破魔佛
 經意第三因緣即彼經次文云善男子菩
 薩如是思惟已放眉間白毫相光能令波
 旬宮殿黑暗爾時三千大千世界以光明
 照故普令大明此光明中出如是聲彼釋

種子出家學道今當成阿耨多羅三藐三
 菩提過魔境界勝出魔眾減損當來一切
 魔眾令彼菩薩與魔共戰善男子爾時波
 旬聞是聲已心大憂愁如箭入心時魔波
 旬殿四種兵滿三十六由旬欲為留難菩
 薩爾時住大慈悲及大智慧以智慧金色
 之手而以指地一切魔眾等尋即散壞魔
 眾壞已八萬四千億天龍鬼神乾闥婆阿
 修羅迦樓羅緊那羅魔睺羅伽拘絺茶如
 是大眾見菩薩威德身體殊妙容顏端嚴
 威力勇健發阿耨多羅三藐三菩提心是
 名菩薩摩訶薩行於方便釋曰疏但義引
 耳及本行集者大意則同但文廣耳故彼
 經意諸天本見魔王自在將謂勝佛故夾
 彼疑令知佛勝七一被者亦涅槃經云爾
 時欲界主魔王波旬與其眷屬諸天采女
 無量無邊阿僧祇眾開地獄門施清淨水
 因而告曰汝等今者無所能為唯當專念
 如來應正遍知建立最後隨喜供養能令
 汝等於長夜中獲安隱樂時魔波旬即於
 地獄息諸刀劍等次云持諸供具勝過一
 切人天所設其蓋小者覆中十界來至佛
 所稽首佛足白佛言我等今者愛樂大乘
 守護大乘世尊若有善男子善女人為供
 養故為怖畏故為誑他故為財利故為隨
 他故受是大乘或真或偽為我等爾時當為
 是人除滅怖畏說如是咒啖呌咤咤羅啖
 呌盧訶隸摩訶盧訶隸訶囉遮囉多囉莎
 訶釋曰此即
 翻護法文也

佛子菩薩摩訶薩有十種成如來力何等爲
十所謂超過一切衆魔煩惱業故成如來力
具足一切菩薩行遊戲一切菩薩三昧門故
成如來力具足一切菩薩廣大禪定故成如
來力圓滿一切白淨助道法故成如來力得
一切法智慧光明善思惟分別故成如來力
其身周徧一切世界故成如來力所出言音
悉與一切衆生心等故成如來力能以神力
加持一切故成如來力與三世諸佛身語意
業等無有異於一念中了三世法故成如來
力得善覺智三昧具如來十力所謂是處非
處智力乃至漏盡智力故成如來力是爲十
若諸菩薩具此十力則名如來應正等覺
五有十種成如來力即正覺現前前之二
門當無間道此當解脫道更前二門即方

便道今此十中初一障無不寂次二因無
不圓次二果無不滿次三德無不普後二
佛無不同故結名如來也

佛子如來應正等覺轉大法輪有十種事何
等爲十一者具足清淨四無畏智二者出生
四辯隨順音聲三者善能開闡四真諦相四
者隨順諸佛無礙解脫五者能令衆生心皆
淨信六者所有言說皆不唐捐能拔衆生諸
苦毒箭七者大悲願力之所加持八者隨出
音聲普徧十方一切世界九者於阿僧祇劫
說法不斷十者隨所說法皆能生起極力覺
道禪定解脫三昧等法佛子諸佛如來轉於
法輪有如是等無量種事

第九轉大法輪下二門明轉法輪道成機
熟開甘露門故於中初門所轉法輪體用

後門明轉法輪因緣前中流演圓通目之
為輪自我之彼名之為轉小乘以眼智明
覺四行繫於四諦今顯無盡十行應繫十
諦以成百行餘如法輪章說十中初二能
轉備圓次二所轉深妙次二生信拔苦次

二因深量廣後二時遠益高起三
小乘等者已見出現法輪

佛子如來應正等覺轉法輪時以十事故於
衆生心中種白淨法無空過者何等為十所
謂過去願力故大悲所持故不捨衆生故智

慧自在隨其所樂為說法故必應其時未曾
失故隨其所宜無妄說故知三世智善了知
故其身最勝無與等故言辭自在無能測故
智慧自在隨所發言悉開悟故是為十

二種白淨法十事即法輪因白淨法者即

所轉輪體謂佛無漏清淨法界轉入衆生
心中成聞熏種子故名為種說應時機言
不虛發還生無漏聖智故無空過故攝論
中多聞熏習從最清淨法界等流生無漏
現行是此義也亦即前章無礙解脫所以
能種此種者有十事故初一宿因餘皆現

因於中前六德具後三用勝前中二三悲
具一內持二外攝次四智具即四悉檀一
為人所樂不同故二第一義應時令悟故
三對治隨病所宜故四世界了世而順故

次四智具者問明已廣即智論第一論別
有解釋總名悉檀者諸三藏譯皆云義宗
具云悉檀多有云
遍施乃意釋耳

大方廣佛華嚴經疏鈔會本第五十九之一

音釋

熙怡熙許其切怡與之切熙怡和悅也 璽想氏切王者印也又信也 弧

獲	切	莖	矢
惡也	古	羸	式
	猛	瘦	是
	切	也	音
			胡
			弓
			也
			矢
			戟
			九
			枝
			兵
			也
			博
			奕
			博
			補
			各

大方廣佛華嚴經疏鈔會本第五十九之二 起四

唐于闐國三藏沙門實叉難陀 譯

唐清涼山大華嚴寺沙門澄觀撰述

佛子如來應正等覺作佛事已觀十種義故

示般涅槃何等為十所謂示一切行實無常

故示一切有為非安隱故示大涅槃是安隱

處無怖畏故以諸人天樂著色身為現色身

是無常法令其願住淨法身故示無常力不

可轉故示一切有為不隨心住自在故示

一切三有皆如幻化不堅牢故示涅槃性究

竟堅牢不可壞故示一切法無生無起而有

聚集散壞相故佛子諸佛世尊作佛事已所

願滿已轉法輪已應化度者皆化度已有諸

菩薩應受尊號成記蒞已法應如是入於不

變大般涅槃佛子是為如來應正等覺觀十

義故示般涅槃

第十涅槃謂應盡還源有斯十意初二明

生死過患一無常故二無樂故云非安隱

初二下二別釋此中即用涅槃第二經因

三修比丘歌無常等以為上想佛廣詞之

後為正說云汝等若言我亦修習無常苦

無我想是三種修無有實義我今當說勝

三修法若者計樂樂者計苦是顛倒法無

常計常常計無常是顛倒法無我計我我

計無我是顛倒法不淨計淨淨計不淨是

顛倒法汝諸比丘於苦法中生於樂想於無

常中生於常想於無我中生於我想起於不

淨中生於淨想世間亦有常樂我淨出世

亦有常樂我淨世間法者有字無義出世

法者有字有義何以故世間之法有四顛

倒故不知義所以者何有想倒心倒見倒

以三倒故世間之人染字見苦常見無常

我見無我淨見不淨是名顛倒以顛倒故

世間知字而不知義何等為我無我者名

為生死我者名為如來無常者聲聞緣覺

常者如來法身苦者一切外道樂者即是

涅槃不淨者即有為法淨者諸佛菩薩所

有正法是名不顛倒故知有字有義若欲

速離四顛倒者應知如是常樂我淨釋曰

上具引經者以此

三明明涅槃是樂翻上無

樂以涅槃寂滅為真樂故三明涅槃者翻

二言以涅槃下出得樂名所以四翻色身無常法身為常

故故晉經云令求常住淨法身故今缺常

字以法身是三德之一性出自古體無變

異偏語其常今已出纏故名為淨四翻色身者文

中有三初正釋即上涅槃云常者如來法

身二故晉經下引證成是常義以今經文

闕常字故恐人誤謂此顯淨德故次引證

三以法身下釋成法身徧得名之所以

也兼顯此用法身之言以是三德大涅槃

禁故今已出下顯與涅槃經小異之相次

三句明生死無我不自在故一一期無常

不自在故云不可轉二別明念念無常不

自在此通變易生死三即分段不能堅住

亦非自在次三等者即上經云八明涅槃

是堅即自在我亦兼常義八明涅槃者涅槃二十七云我

起四

二

以明淨德不淨者即有為法故言聚散淨

者諸佛菩薩正法名無生起然是性淨涅

槃隨緣生死即相之性方為正法然涅槃

第二翻破凡小四德通諸佛法故以如來

為我此正顯涅槃故亦就涅槃明我餘並

相順然常等四德雖徧通佛法從其別義

各顯不同上以四禁翻枯具遺八倒九翻

有為等者疏文有三初正釋即上涅槃云淨者

諸佛菩薩正法無生無起般若體故亦名

正法遠公云正法偏名淨者以治障故彼

約三寶之中法寶說之二然是下正顯今

淨淨法之體性淨涅槃三德本具不由治

淨隨緣生死即經云而有聚集散壞即相

之性即無生無起如是方是涅槃正法以

約涅槃說於淨德不同涅槃第二別約正

法三涅槃下會通涅槃第二涅槃就於義

起四

三

也遠公亦云常樂我淨理實通遍一切佛
 法然今隱顯我偏就人餘三就法我是佛
 者自在名我自在之用在於佛人故說為
 我又復我者人之別稱故就佛人而說其
 我常法身者法身佛體顯本法成性出自
 古體無變易順常義顯故為常樂云涅槃
 者涅槃是滅滅離眾苦寂樂義顯故說為
 樂淨是法者謂三寶中法寶之體能治起
 勝故說為淨釋曰上來疏中多已用之就
 義穩便小有改易上以四華下結成破倒
 廣如四地畧如上
 引涅槃偈中之文 十明法爾諸佛常規
 上來說分竟

佛子此法門名菩薩廣大清淨行無量諸佛
 所共宣說能令智者了無量義皆生歡喜令
 一切菩薩大願大行皆得相續佛子若有眾
 生得聞此法聞已信解解已修行必得疾成
 阿耨多羅三藐三菩提何以故以如說修行
 故佛子若諸菩薩不如說行當知是人於佛
 菩提則為永離是故菩薩應如說行
 大文第七從佛子此法門下結勸修學分

於中二一結義勸修二佛子此一切菩薩
 下結名勸學前中亦二初舉名結義後佛
 子若有下勸信修行

佛子此一切菩薩功德行處決定義華普入
 一切法普生一切智超諸世間離二乘道不
 與一切諸眾共悉能照了一切法門增長
 眾生出世善根離世間法門品應尊重應聽
 受應誦持應思惟應願樂應修行若能如是
 當知是人疾得阿耨多羅三藐三菩提

二結名勸學中先顯十名初一約能詮依
 此生行故名為處前約所詮行體但云清
 淨行餘九約所詮功能立稱二決彼行義
 定能感果故三證所證故四能證分明故
 五有智超勝故六悲興萬行故七一一圓
 融故八軌則具足故九即理涉事故十即

事而真故後應尊重下勸學可知

說此品時佛神力故及此法門法如是故十方無量無邊阿僧祇世界皆大震動大光普照

大文第八從說此下現瑞分可知

爾時十方諸佛皆現普賢菩薩前讚言善哉善哉佛子乃能說此諸菩薩摩訶薩功德行處決定義華普入一切佛法出世間法門品佛子汝已善學此法善說此法汝以威力護持此法我等諸佛悉皆隨喜如我等諸佛隨喜於汝一切諸佛悉亦如是佛子我等諸佛悉共同心護持此經令現在未來諸菩薩衆未曾聞者皆當得聞

大文第九爾時十方下證成分於中一先讚法證後佛子汝已下歎人證

起四

五

爾時普賢菩薩摩訶薩承佛神力觀察十方一切大衆洎於法界而說頌言

大文第十爾時普賢下偈頌分總有二百一十五頌半分三初有八偈七言歎德深廣明說分齊二其心下有三十一頌半分總

示行德略顯深廣上二並是伽陀三從依於佛智下七十六偈頌前長行方是祇夜今初分四

於無量劫修苦行從無量佛正法生令無量衆住菩提彼無等行聽我說

供無量佛而捨著廣度羣生不作想求佛功德心無依彼勝妙行我今說

離三界魔煩惱業具聖功德最勝行滅諸癡惑心寂然我今說彼所行道永離世間諸誑幻種種變化示衆生心生住

滅現眾事說彼所能令眾喜

初四許說廣深

見諸眾生老死煩惱憂橫所纏迫欲令解脫教發心彼功德行應聽受

施戒忍進禪智慧方便慈悲喜捨等百千萬

劫常修行彼人功德仁應聽

次二舉德誠聽

千萬億劫求菩提所有身命皆無恡願益羣生不為已彼慈愍行我今說

次一重總許說

無量億劫演其德如海一滴未為少功德無比不可喻以佛威神今略說

後一示說分齊

其心不高下求道無厭倦普使諸眾生住善增淨法智慧普饒益如樹如河泉亦如於大

地一切所依處

第二總示行德中分三初二頌略標法喻

二五十五頌半託事表法以明深廣三從

菩薩等於佛下七十四頌即法明行以彰

廣大初標可知

菩薩如蓮華慈根安隱莖智慧為眾藥戒品

為香潔佛放法光明令彼得開敷不著有為

水見者皆欣樂菩薩妙法樹生於直心地信

種慈悲根智慧以為身方便為枝幹五度為

繁密定葉神通華一切智為果最上力為薦

垂蔭覆三界

起四

六

二託事表法中總五十喻難以區分今類

例相從且分為十初四偈半二喻明悅物

覆蔭行

菩薩師子王白淨法為身四諦為其足正念

以爲頸慈眼智慧首頂繫解脫繒勝義空谷
中吼法怖衆魔菩薩爲商主普見諸羣生在
生死曠野煩惱險惡處魔賊之所攝癡盲失
正道示其正直路令入無畏城菩薩見衆生
三毒煩惱病種種諸苦惱長夜所煎迫爲發
大悲心廣說對治門八萬四千種滅除衆苦
患菩薩爲法王正道化衆生令遠惡修善專
求佛功德一切諸佛所瞿頂受尊記廣施衆
聖財菩提分珍寶菩薩轉法輪如佛之所轉
戒轂三昧輞智莊慧爲劍既破煩惱賊亦殄
衆魔怨一切諸外道見之無不散

二師子下十偈摧邪導迷行師子吼義法
界初說

菩薩智慧海深廣無涯際正法味盈洽覺分
寶充滿大心無邊岸一切智爲潮衆生莫能

則說之不可盡菩薩須彌山超出於世間神
通三昧峯大心安不動若有親近者同其智
慧色迴絕衆境界一切無不覩菩薩如金剛
志求一切智信心及苦行堅固不可動其心
無所畏饒益諸羣生衆魔與煩惱一切悉摧
滅菩薩大慈悲譬如重密雲三明發電光神
足震雷音普以四辯才雨八功德水潤洽於
一切令除煩惱熱菩薩正法城般若以爲牆
慙愧爲深壑智慧爲却敵廣開解脫門正念
恒防守四諦坦王道六通集兵仗復建大法
幢周迴徧其下三有諸魔衆一切無能入

三有十一偈明高深堅密行

菩薩迦樓羅如意爲堅足方便勇猛翅慈悲
明淨眼住一切智樹觀三有大海搏撮天人
龍安置涅槃岸菩薩正法日出現於世間戒

品圓滿輪神足速疾行照以智慧光長諸根力藥滅除煩惱闇消竭愛欲海菩薩智光月法界以爲輪遊於畢竟空世間無不見三界識心內隨時有增減二乘星宿中一切無儔

匹

四迦樓羅下六偈觀機照益行

四迦樓羅下其中第

五偈云菩薩智光月等者論經云菩薩清涼月遊於畢竟空垂光照三界心法無不現餘可知

菩薩大法王功德莊嚴身相好皆具足人天悉瞻仰方便清淨目智慧金剛杵於法得自在以道化羣生菩薩大梵王自在超三有業惑悉皆斷慈捨靡不具處處示現身開悟以法音於彼三界中拔諸邪見根菩薩自在天超過生死地境界常清淨智慧無退轉絕彼下乘道受諸灌頂法功德智慧具名稱靡不

聞

五有六偈自在統御行

菩薩智慧心清淨如虛空無性無依處一切不可得有大自然在力能成世間事自具清淨行令衆生亦然

六智慧心下二偈包含無染行

菩薩方便地饒益諸衆生菩薩慈悲水浣滌諸煩惱菩薩智慧火燒諸惑習薪菩薩無住風遊行三有空

七二偈周徧成益行

起四

菩薩如珍寶能濟貧窮厄菩薩如金剛能摧顛倒見菩薩如瓔珞莊嚴三有身菩薩如摩尼增長一切行菩薩德如華常發菩提分菩薩願如鬘恒繫衆生首菩薩淨戒香堅持無缺犯菩薩智塗香普熏於三界菩薩力如帳

能遮煩惱塵菩薩智如幢能摧我慢敵妙行
為繒綵莊嚴於智慧慙愧作衣服普覆諸羣
生

八如珍寶下六偈檢束修身行

菩薩無礙乘中之出三界菩薩大力象其心
善調伏菩薩神足馬騰步超諸有菩薩說法
龍普雨衆生心

九二偈調御運載行

菩薩優曇華世間難值遇菩薩大勇將衆魔
悉降伏菩薩轉法輪如佛之所轉菩薩燈破
闇衆生見正道菩薩功德河恒順正道流菩
薩精進橋廣度諸羣品大智與弘誓共作堅
牢船引接諸衆生安置菩提岸菩薩遊戲園
真實樂衆生菩薩解脫華莊嚴智宮殿菩薩
如妙藥滅除煩惱病菩薩如雪山出生智慧

樂

十優曇華下六偈外用遊處行

菩薩等於佛覺悟諸羣生佛心豈有他正覺
覺世間如佛之所來菩薩如是來亦如一切
智以智入普門菩薩善開導一切諸羣生菩
薩自然覺一切智境界

第三即法明行中二初十偈總明深廣許
說誠聽後一身能示現下六十四頌別明
深廣以酬前許前中三初三上同佛覺

菩薩無量力世間莫能壞菩薩無畏智知衆
生及法一切諸世間色相各差別音聲及名
字悉能分別知雖離於名色而現種種相一
切諸衆生莫能測其道

次三下超羣品

如是等功德菩薩悉成就了性皆無性有無

志四

十

無所著如是一切智無盡無所依我今當演說令衆生歡喜雖知諸法相如幻悉空寂而以悲願心及佛威神力現神通變化種種無量事如是諸功德汝等應聽受

後四許說誠聽

一身能示現無量差別身無心無境界普應一切衆一音中具演一切諸言音衆生語言法隨類皆能作永離煩惱身而現自在身知法不可說而作種種說其心常寂滅清淨如虛空而普莊嚴刹示現一切衆於身無所著而能示現身一切世間中隨應而受生雖生一切處亦不住受生知身如虛空種種隨心現

第二別明深廣中束爲十行初六偈三業深廣行

起四

十一

菩薩身無邊普現一切處常恭敬供養最勝兩足尊香華衆妓樂幢幡及寶蓋恒以深淨心供養於諸佛不離一佛會普在諸佛所於彼大衆中問難聽受法聞法入三昧一一無量門起定亦復然示現無窮盡智慧巧方便了世皆如幻而能現世間無邊諸幻法

二菩薩身下五頌二嚴無礙行

示現種種色亦現心及語入諸想網中而恒無所著或現初發心利益於世間或現久修行廣大無邊際施戒忍精進禪定及智慧四梵四攝等一切最勝法

三有三頌逆順成滿行

或現行成滿得忍無分別或現一生繫諸佛與灌頂或現聲聞相或復現緣覺處處般涅槃不捨菩提行或現爲帝釋或現爲梵王或

天女圍繞或時獨宴默或現爲比丘寂靜調
其心或現自在王統理世間法或現巧術女
或現修苦行或現受五欲或現入諸禪或現
初始生或少或老死若有思議者心疑發狂
亂或現在天宮或現始降神或入或住胎成
佛轉法輪或生或涅槃或現入學堂或在娑
女中或離俗修禪或坐菩提樹自然成正覺
或現轉法輪或現始求道或現爲佛身宴坐
無量刹或修不退道積集菩提具

四或修行成滿下十頌普門示現行

深入無數劫皆悉到彼岸無量劫一念一念
無量劫一切劫非劫爲世示現劫無來無積
集成就諸劫事於一微塵中普見一切佛十
方一切處無處而不有國土衆生法次第悉
皆見經無量劫數究竟不可盡

五四頌時處圓融行

起四

十二

菩薩知衆生廣大無有邊彼一衆生身無量
因緣起如知一無量一切悉亦然隨其所通
達教諸未學者悉知衆生根上中下不同亦
知根轉移應化不應化一根一切根展轉因
緣力微細各差別次第無錯亂又知其欲解
一切煩惱習亦知去來今所有諸心行了達
一切行無來亦無去既知其行已爲說無上
法

六菩薩知下六頌知根說法行

雜染清淨行種種悉了知一念得菩提成就
一切智住佛不思議究意智慧心一念悉能
知一切衆生行菩薩神通智功力已自在能
於一念中徃詣無邊刹如是速疾徃盡於無
數劫無處而不周莫動毫端分

七四頌寂用迅疾行

譬如工幻師示現種種色於彼幻中求無色
無非色菩薩亦如是以方便智幻種種皆示
現充滿於世間譬如淨日月皎鏡在虛空影
現於衆水不爲水所雜菩薩淨法輪當知亦

起四

十三

如是現世間心水不爲世所雜如人睡夢中
造作種種事雖經億千歲一夜未終盡菩薩
住法性示現一切事無量劫可極一念智無
盡譬如山谷中及以宮殿間種種皆響應而
實無分別菩薩住法性能以自在智廣出隨
類音亦復無分別如有見陽燄想之以爲水
馳逐不得飲展轉更增渴衆生煩惱心應知
亦如是菩薩起慈愍救之令出離

八譬如工幻下十偈悲不失智行

觀色如聚沫受如水上泡想如熱時燄諸行

如芭蕉心識猶如幻示現種種事如是知諸
蘊智者無所著諸處悉空寂如機關動轉諸
界性永離妄現於世間菩薩住真實寂滅第
一義種種廣宣暢而心無所依無來亦無去
亦復無有住煩惱業苦因三種恒流轉緣起
非有無非實亦非虛如是入中道說之無所
著能於一念中普現三世心欲色無色界一
切種種事隨順三律儀演說三解脱建立三
乘道成就一切智了達處非處諸業及諸根
界解與禪定一切智處道宿命念天眼滅除
一切感知佛十種力而未能成就了達諸法
空而常求妙法不與煩惱合而亦不盡漏廣
知出離道而以度衆生於此得無畏不捨修
諸行無謬無違道亦不失正念精進欲三昧
觀慧無損滅三聚皆清淨三世悉明達大慈

愍衆生一切無障礙

九有十四偈智不失悲行謂末後二句不

失悲前皆智德圓滿

由入此法門得成如是行我說其少分功德

莊嚴義窮於無數劫說彼行無盡我今說少

分如大地一塵

起四

十四

十有二偈結德無盡行

依於佛智住起於奇特想修行最勝行具足

大慈悲精勤自安隱教化諸含識安住淨戒

中具諸授記行能入佛功德衆生行及刹劫

世悉亦知無有疲厭想差別智總持通達真

實義思惟說無比寂靜等正覺

第三頌長行中二初有三十九偈頌前說

分後雖令下三十七偈頌結勸修學分今

初頌前六位即爲六段初四偈頌十信位

中行

發於普賢心及修其行願慈悲因緣力趣道

意清淨修行波羅蜜究竟隨覺智證知力自

在成無上菩提成就平等智演說最勝法能

持具妙辯逮得法王處遠離於諸著演說心

平等出生於智慧變化得菩提

二有四偈頌十住行

住持一切劫智者大欣慰深入及依止無畏

無疑惑了達不思議巧密善分別善入諸三

昧普見智境界究竟諸解脫遊戲諸道明纏

起四

十五

縛悉永離園林恣遊處白法爲宮殿諸行可

欣樂現無量莊嚴於世心無動深心善觀察

妙辯能開演清淨菩提印智光照一切所住

無等比其心不下劣立志如大山種德若深

海

三有六偈頌十行

如寶安住法被甲誓願心發起於六事究竟
無能壞得授菩提記安住廣大心祕藏無窮
盡覺悟一切法世智皆自在妙用無障礙衆
生一切利及以種種法身願與境界智慧神
通等示現於世間無量百千億遊戲及境界
自在無能制力無畏不共一切業莊嚴

四有五偈頌迴向行

諸身及身業語及淨修語以得守護故成辦
十種事菩薩心發心及以心周徧諸根無散
動獲得最勝根深心增勝心遠離於諂誑種
種決定解普入於世間捨彼煩惱習取茲最
勝道巧修使圓滿速成一切智離退入正位
決定證寂滅出生佛法道成就功德號道及
無量道乃至莊嚴道次第善安住悉皆無所

著手足及腹藏金剛以爲心被以慈哀甲具
足衆器仗智首明達眼菩提行爲耳清淨戒
爲鼻滅闇無障礙辯才以爲舌無處不至身
最勝智爲心行住修諸業道場師子座梵卧
空爲住

五九頌半頌十地行

所行及觀察普照如來境徧觀衆生行奮迅
及哮吼離貪行淨施捨慢持淨戒不瞋常忍
辱不懈恒精進禪定得自在智慧無所行慈
濟悲無倦喜法捨煩惱於諸境界中知義亦
知法福德悉成滿智慧如利劍普照樂多聞
明了趣向法知魔及魔道誓願咸捨離見佛
與佛業發心皆攝取離慢修智慧不爲魔力
持爲佛所攝持亦爲法所持現住兜率天又
現彼命終示現住母胎亦現微細趣現生及

起四

十六

微笑亦現行七步示修眾技術亦示處深宮
出家修苦行往詣於道場端坐放光明覺悟
諸羣生降魔成正覺轉無上法輪所現悉已
終入於大涅槃

六有十頌半頌因圓果滿行其初所行二

字義屬前段

彼諸菩薩行無量劫修習廣大無有邊我今
說少分

第二頌結勸修學中然小異前勢分之爲

四初一偈結前所說爲少二有三十偈別

顯德用廣深三有四偈總結深廣四有二

偈結勸修行二中分二前二十一頌半結

約法顯行後八頌半結託事顯法今初分

五

雖令無量眾安住佛功德眾及法中畢竟

無所取具足如是行遊戲諸神通毛端置眾
剎經於億千劫掌持無量剎徧徃身無倦還
來置本處眾生不知覺菩薩以一切種種莊
嚴剎置於一毛孔真實悉令見復以一毛孔
普納一切海大海無增減眾生不燒害

初五於剎自在行

無量鐵圍山手執碎爲塵一塵下一剎盡此
諸塵數以此諸塵剎復更末爲塵如是塵可
知菩薩智難量於一毛孔中放無量光明日
月星宿光摩尼珠火光及以諸天光一切皆
映蔽滅諸惡道苦爲說無上法一切諸世間
種種差別音菩薩以一音一切皆能演決定
分別說一切諸佛法普使諸羣生聞之大歡
喜

二有六頌三業自在行

過去一切劫安置未來今未來現在劫迴置
過去世示現無量刹燒然及成住一切諸世
間悉在一毛孔去來及現在一切十方佛靡
不於身中分明而顯現

三過去下三頌明三世間自在行

深知變化法善應衆生心示現種種身而皆
無所著或現於六趣一切衆生身釋梵護世
身諸天人衆身聲聞緣覺身諸佛如來身或
現菩薩身修行一切智善入軟中上衆生諸
想網示現成菩提及以諸佛刹了知諸想網
於想得自在示修菩薩行一切方便事

四有五頌明身智自在行

示現如是等廣大諸神變如是諸境界舉世
莫能知雖現無所現究竟轉增上隨順樂生
心令得真實道身語及與心平等如虛空

五有二偈半總結難測

淨戒爲塗香衆行爲衣服法繒嚴淨髻一切
智摩尼功德靡不周灌頂升王位波羅蜜爲
輪諸通以爲象神足以爲馬智慧爲明珠妙
行爲娑女四攝主藏神方便爲主兵菩薩轉
輪王三昧爲城郭空寂爲宮殿慈甲智慧劍
念弓明利箭高張神力蓋迥建智慧幢忍力
不動搖直破魔王軍總持爲平地衆行爲河
水淨智爲涌泉妙慧作樹林空爲澄淨池覺
分菡萏華神力自莊嚴三昧常娛樂思惟爲
娑女甘露爲美食解脫味爲漿遊戲於三乘
後結託事顯法中或前來所無或事同義
異並可意得

此諸菩薩行微妙轉增上無量劫修行其心
不厭足供養一切佛嚴淨一切刹普令一切

眾安住一切智

第三總結深廣中前三結前已說

一切剎微塵悉可知其數一切虛空界一沙可度量一切眾生心念念可數知佛子諸功德說之不可盡

後二結末說難窮

起四

九

欲具此功德及諸上妙法欲使諸眾生離苦常安樂欲令身語意悉與諸佛等應發金剛心學此功德行

四結勸修行可知 離世間品竟

大方廣佛華嚴經疏鈔會本第五十九之一

音釋

無謬

謬靡切 差也

泊于

泊其異切 及也 蕙都了切 樹上

云女

轂

輞

珍

徒典切 絕也

洽

洽也

澗

浣滌

澣

澣可管切 澣也

沫

水沫 泡 披交切 水上子濕也

大方廣佛華嚴經疏鈔會本第六十之一 起五

唐于闐國三藏沙門實叉難陀 譯

唐清涼山大華嚴寺沙門澄觀撰述

入法界品第三十九

初來意者先辨分來夫行因證立證藉行

深前分託法行成故此依人入證亦為遠

答解脫海故會品於意不異分來無別會

品故初來意等者分來品來二意先約四

分以明來意亦遠答下就前總別以

明來意九會共答十海問故會品來下此

中亦合有三來意然離世間雖亦一會一

分一品而其所對分會品差有三來二釋

意此中前無分會別對故但為一

名有三初分名者謂依佛菩薩諸勝善友

深證法界故名依人入證證法在已謂之

成德

二會名約處名逝多林園重閣會林名戰

勝以表依人園名給孤用表悲厚重閣之

義以顯二智互嚴悲智並為能證亦為重

義若兼取城名聞物亦表依人約法如品

名釋

三品名者入通能所謂悟解證得之名法

界是所入之法謂理事等別然法舍持軌

界有多義梁論十五云欲顯法身舍法界

五義故轉名法界一性義以無二我為性

一切眾生不過此性故二因義一切聖人

四念處等法緣此生故三藏義一切虛妄

法所隱覆故非凡夫二乘所能緣故四真

實義過世間法以世間法或自然壞或對

治壞離此二壞故五甚深義若與此相應

自性成淨善故若外不相應自性成殼故

上之五義皆理法界復有持義族義及分

齊義然持曲有三一持自體相二持諸法

差別三持自種類不相雜亂與法義同族者種族即十八界上二並通事理分齊者緣起事法不相雜故於中性通依主持業因唯依主後六唯持業心境合目名入法界始則相違終則持業入即法界故

梁論十五

者彼本論云復次諸佛法界恒時應具五業釋論云此中明法身業而言諸佛性界者欲顯法身含法界五義等餘同下結云由法身含法界五義諸菩薩應見法身恒與五業相應無時暫離其五業謂除有障災患業等上文引竟然正是此下論文若世親論無此五義但說五業耳五義可知復有持義下第二雙約事理以釋法界於中有二先標三義後然持下別釋持義及以法持自體義餘二可知於中下三釋名然直語一法則無六釋故會六釋唯釋界字於前五中除前二兼依主後六義皆唯持業心境合目下即 三明宗趣者分會品通品名會六釋耳

同既入法界為目即以爲宗於中三門分別一約義二約類三約位初中有三先明所入總唯一真無礙法界語其性相不出

事理隨義別顯略有五門一有爲法界二無爲法界三俱是四俱非五無障礙然五各二門初有爲二者一本識能持諸法種子名爲法界如論云無始時來界等此約因義而其界體不約法身二三世之法差

別邊際名爲法界不思議品云一切諸佛知過去一切法界悉無有餘等此即分齊之義二無爲法界二者一性淨門在凡位中性恒淨故真空一味無差別故二離垢門謂由對治方顯淨故隨行淺深分十種

起五

三

故三亦有爲亦無爲法界有二者一隨相門謂受想行蘊及五種色并八無爲此十六法唯意所知十八界中名爲法界二無礙門謂一心法界具含二門一心真如門二心生滅門雖此二門皆各總攝一切諸

法然其二位恒不相雜其猶攝水之波非靜攝波之水非動故第四迴向云於有爲界示無爲法而不滅壞有爲之相於無爲界示有爲法而不分別無爲之性此明事理無礙四非有爲非無爲法界二門者一形奪門謂緣無不理之緣故非有爲理無不緣之理故非無爲法體平等形奪雙泯大品三十九中須菩提白佛言是法平等爲是有爲爲是無爲佛言非有爲法非無爲法何以故離有爲法無爲法不可得離無爲法有爲法不可得須菩提是有爲性無爲性是二法不合不散此之謂也二無奇門謂此法界離相離性故非此二又非二諦故又非二名言所能至故是故俱非解深蜜第一云一切法者略有二種所謂

有爲無爲是中有爲非有爲非無爲無爲非無爲非有爲等五無障礙法界二門者一普攝門謂於上四門隨一即攝餘一切故是故善財或覩山海或見堂宇皆名入法界二圓融門謂以理融事故令事無分齊微塵非小能容十刹刹海非大潛入一塵也以事顯理故令理非無分謂一多無礙或云一法界或云諸法界然由一非一故即諸諸非諸故即一乃至重重無盡是以善財暫時執手遂經多劫纔入樓閣普見無邊皆此類也上來五門十義總明所入法界皆應以六相融之二明能入亦有五門一淨信二正解三修行四證得五圓滿此五於前所入法界有其二門一隨一能入通五所入隨一所入徧五能入二此

五能入如其次第各入一門此上心境二

義十門六相圓融總為一聚無障礙法界

無始時來界已見問明及五種色并八無
為者五種色即雜集第一云法界處所攝
色者略有五種謂極略色極細色受所引
謂極微色極細色定自在所生色極略色者
引色者謂無表色適計所起色者謂影像
色定自在所生色者謂解脫靜慮所行境
色前釋迴色云謂離餘礙觸方所得又
釋空一顯色云謂上所見青等顯色就此
二色析至極少名極細色餘之色義已見
上文言八無為者已見十藏謂六中開真
如為三性故其無礙門亦見問明不合不
散即不一不異義也二無寄門者然形奪
者要二相假無寄則當法自離故不同也
相及俗諦皆有為性及真諦皆無為又非
二名言所能至者言語道斷故表義名言
不能至也心行處滅故顯境名言所不能
至解深密下引證俱非一普攝門者謂不
壞前四門之相而為一致故引善財隨
事差別皆入法界二圓融門繞舉一門即
融諸門然以理融事令事如理以事顯理
令理如事故云理非無分謂理即事理既
有分理亦有分不爾真理不即事故理既
如事隨舉一法即一法界若舉多法即多
法界然由一非一故下復融上一異一非
定一不能即諸以一即理故即非一以非

第一三六冊 大方廣佛華嚴經疏鈔會本 一五·一五五七

一故能即諸也非一故與諸不異下句

翻此準事顯理既善財證暫時執手明時圓

成無障礙義引善財證暫時執手明時圓

融總入樓閣明處圓融上來五門下總結

圓融總即法界別有五種同即十門皆同

法界異則有為與無為等相望有差成則

五義共成法界壞則有為自住有為餘四

亦爾如其次第各是一門者一有為法界

本有種子差別之法但在明信二無為之

理性淨妙絕皆須明解三亦有為亦無為

法界事理有異必須雙行四非有為非無

為法界雙遣玄寂唯證方契五無障礙非

滿不窮顯義多門為此別配取義圓備互

遍方周若無信心安能見理沉無障礙無

信安 第二法界類別亦有五門謂一所入

窮 二能入三無二四俱泯五存亡無礙初所

入中亦有五重一法法界二人法界三俱

融四俱泯五無障礙初中有十一事法界

謂十重居宅等二理法界謂一味湛然等

三境法界謂所知分齊等四行法界謂悲

智廣深等五體法界謂寂滅無生等六用

法界謂勝通自在等七順法界謂六度正

法界謂勝通自在等七順法界謂六度正

四一五 龍藏

行等八逆法界謂五熱無厭等九教法界
 謂所聞言說等十義法界謂所詮旨趣等
 此十法界同一緣起無礙鎔融一具一切
 二人法界亦有十門謂人天男女在家出
 家外道諸神菩薩及佛此並緣起相分恭
 而不雜善財見已便入法界故名入法界
 三人法俱融法界者謂前十入十法同一
 緣起隨義相分融攝無二四人法俱泯法
 界者謂平等果海離於言數緣起性相俱
 不可說五無障礙法界者謂合前四句於
 彼人法一異無障存亡不礙自在圓融如
 理思之二明能入亦有五重一身二智三
 俱四泯五圓謂入樓觀而還合身證也鑒
 無邊之理事智證也同普賢而普徧俱證
 也身智相即而兩亡俱泯也一異存亡而

無礙自在圓融也餘可準知三能所渾融
 無二際限不分就義開殊理仍不雜此五
 能所如次及通可以意得四能所圓融形
 奪俱泯五一異存亡無礙具足如理思之
 上來約類辨竟

第二法界類別者上來雖有五界通該諸法今於總

法開從別類然類開五門五門各五初二
 文顯後三文隱五無礙法界亦有五義一
 障礙三一異雙存四一異互奪雙泯絕故
 云存亡不礙五自在圓融謂欲一則一泯
 異則異欲存即存欲泯即泯常異常存常泯
 不礙存方為自在常一常異常存常泯名
 為圓融此五能等者通則隨一能入適入
 五所入隨一身入法法界二智入法界三
 如次者一入法法界二智入法界三
 身智俱存入法法界二智入法界三
 法俱泯法界五入法法界二智入法界三
 此為第三能所渾融無二中之五句也四
 能所圓融形奪俱泯者此亦有五句以所
 奪能唯法界二以能奪所唯能入三能所
 俱存四能所俱泯五此四圓融無有前後
 五一異存亡無礙具足者亦有五句一能
 所一味二能所歷然三異雙存四一異
 雙泯五上之四句無礙第三約位明入法
 具足故令如理思之

界者準下文中所入法界大位有二即因
 與果於前人法無不皆是佛果所收即如
 來師子嚩申三昧所現法界自在是也又
 於前人法無不皆屬因位所攝即文殊普
 賢所現法界法門是也因中曲有信等五
 位起五法界不同二明能入準文亦二對前果
 位明諸菩薩頓入法界對前因位寄顯善
 財漸入法界三因果既其無礙漸頓亦乃
 圓融但以布教成詮寄斯位別耳第三約
 法界者標也於中有三初約所入位明入
 有因有果次明能入唯漸與頓次正釋
 文一品大分爲二初明本會二爾時文殊
 師利從善住樓閣出下明末會亦前明果
 法界後明因法界又前頓入法界後明漸
 入法界又前總後別總別圓融本末無礙
 又前即亡修頓證是正宗之極後是寄人

修入以辨流通通正圓融中後無礙就本
 會中長科十分一序分二請分三三昧現
 相分四遠集新衆分五舉失顯得分六偈
 頌讚德分七普賢開發分八毫光示益分
 九文殊述德分十無涯大用分今初雖義
 貫末會以從處別獨判在初文分爲三初
 智正覺世間圓滿二在室羅下器世間圓
 滿三與菩薩下衆生世間圓滿次正釋文
 總有四義從總別圓融下融上四義一總
 別圓融融第四總別本末無礙融第一本
 末二會略無第二因果相即第三漸頓該
 羅至下末會之初重會釋之又前即亡修
 下通正圓融兼前五對而前四唯對本會
 故一時併舉後一通對諸會正宗故別明
 之

爾時世尊

今初言世尊者梵云薄伽梵包含六義如
 佛地論一自在義永不繫屬諸煩惱故二

熾盛義猛焰智光所燒煉故三端嚴義三十二相所莊嚴故四名稱義一切殊勝功德圓滿無不知故五吉祥義一切世間親近供養咸稱讚故六尊貴義具一切功德常起方便利益世間安樂一切無懈廢故今舉後該初亦是標人取法具無盡德故曰世尊

在室羅筏國逝多林給孤獨園大莊嚴重閣二器世間圓滿中有三一國城此云聞者西域記云昔有古老仙人住於此處後有少仙名爲聞者於彼稟學老仙沒後少仙於此建立城郭故取其名亦云聞物以此城多出聰敏博達名聞人物故即中印度境二逝多下明林園逝多者梵音華言戰勝即太子之名給孤獨者梵云須達多正

言賑濟無依義云給孤獨也即長者之稱長者仁而聰敏積而能散拯乏濟貧哀孤恤老時美其德故立斯稱長者側金買地太子施樹同成功業二人式崇共立伽藍之號三明重閣即說法之所表所證法界

體無不周曰大德無不備曰嚴依體起用

爲重閣昔有古老仙人等者即第六卷然出聽敏博達人物者總相言耳然其此城財物德七寶珍奇無不有故三聖法德三藏聖法無不備故四解脫人皆有三脫分善得解脫者實繁廣故具此四德遠聞諸國故人物言爲道相耳亦表此四德具此四德一五種法界皆佛境故二七聖財寶無不備故三因果能證皆聖法故四契入法界真解脫故廣說如來解脫海故言逝多梵音華言戰勝者即波斯匿王所生太子太子初生王戰得勝故以爲名表依善友勝出魔軍及凡小故上文云以表依人給孤獨者梵云須達多者經出太子能令一切證法界故長者側金下出雙財二人之由西域記智度論莊嚴論等皆說

祇桓記中
其事更廣

與菩薩摩訶薩五百人俱

第三衆生世間即輔翼圓滿於中三一菩薩二聲聞三世主初中亦三一舉數二列名三歎德今初此會菩薩標名乃少列名乃多者有所表故數中欲顯五位同證入故位各十度一一相融成五百故第六妙覺是所入故又表解行者多證者稀故

普賢菩薩文殊師利菩薩而爲上首

二普賢下列名分三初標上首二列別名三總結數今初以二大聖是助化主故又有所表故至下當明

其名曰光嚴幢菩薩須彌幢菩薩寶幢菩薩無礙幢菩薩華幢菩薩離垢幢菩薩日幢菩薩妙幢菩薩離塵幢菩薩普光幢菩薩

二其名曰下列列中有十四位位各有十其間亦有增減成百四十一人名各一義皆有深旨今且寄表大分爲二前四十一人通表住等四位後天冠下十位百人別表十地十度今初十幢表向行德高出故地威力菩薩寶威力菩薩大威力菩薩金剛智威力菩薩離塵垢威力菩薩正法日威力菩薩功德山威力菩薩智光影威力菩薩普吉祥威力菩薩

二有九威力者表行能進修故

起五

地藏菩薩虛空藏菩薩蓮華藏菩薩寶藏菩薩日藏菩薩淨德藏菩薩法印藏菩薩光明藏菩薩齋藏菩薩蓮華德藏菩薩

三十藏表地義如前釋

善眼菩薩淨眼菩薩離垢眼菩薩無礙眼菩薩

薩普見眼菩薩善觀眼菩薩青蓮華眼菩薩
金剛眼菩薩寶眼菩薩虛空眼菩薩喜眼菩
薩普眼菩薩

四有十二眼者表解能照法故所以不次
者欲表圓融之位無前後故

天冠菩薩普照法界智慧冠菩薩道場冠菩
薩普照十方冠菩薩一切佛藏冠菩薩超出
一切世間冠菩薩普照冠菩薩不可壞冠菩
薩持一切如來師子座冠菩薩普照法界虛
空冠菩薩

後十位中如次別表行布十地十度一十
冠者初地冠於諸地之首檀冠衆行之先
故又一一位中各具十者一地之中具足
一切諸地功德故一度之中具足十度為
莊嚴故

梵王髻菩薩卷五龍王髻菩薩一切化佛光明髻
菩薩道場髻菩薩一切願海音寶王髻菩薩
一切佛光明摩尼髻菩薩示現一切虛空平
等相摩尼王莊嚴髻菩薩示現一切如來神
變摩尼王幢網垂覆髻菩薩出一切佛轉法
輪音髻菩薩說三世一切名字音髻菩薩

二十髻者持戒無垢檢束尊高故

大光菩薩離垢光菩薩寶光菩薩離塵光菩
薩燄光菩薩法光菩薩寂靜光菩薩日光菩
薩自在光菩薩天光菩薩

三十光者發聞持光照法忍故

福德幢菩薩智慧幢菩薩法幢菩薩神通幢
菩薩光幢菩薩華幢菩薩摩尼幢菩薩菩提
幢菩薩梵幢菩薩普光幢菩薩

四十又名幢者焰慧精進超世高出故又

道品伏惑精進伏慢故

梵音菩薩海音菩薩大地音菩薩世主音菩薩山相擊音菩薩徧一切法界音菩薩震一切法海雷音菩薩降魔音菩薩大悲方便雲雷音菩薩息一切世間苦安慰音菩薩

五十音者禪定發生難勝悅機故

法上菩薩勝上菩薩智上菩薩福德須彌上菩薩功德珊瑚上菩薩名稱上菩薩普光上菩薩大慈上菩薩智海上菩薩佛種上菩薩六十上者般若現前最尊上故

光勝菩薩德勝菩薩上勝菩薩普明勝菩薩法勝菩薩月勝菩薩虛空勝菩薩寶勝菩薩幢勝菩薩智勝菩薩

七十勝者遠行方便有中殊勝行故

娑羅自在王菩薩法自在王菩薩象自在王

起五

十二

菩薩梵自在王菩薩山自在王菩薩眾自在王菩薩速疾自在王菩薩寂靜自在王菩薩不動自在王菩薩勢力自在王菩薩最勝自在王菩薩

八有十一自在王者相用不動大願無礙故

寂靜音菩薩無礙音菩薩地震音菩薩海震音菩薩雲音菩薩法光音菩薩虛空音菩薩說一切眾生意善根音菩薩示一切大願音菩薩道場音菩薩

九十又名音者善慧演法自力生故

須彌光覺菩薩虛空覺菩薩離染覺菩薩無礙覺菩薩善覺菩薩普照三世覺菩薩廣大覺菩薩普明覺菩薩法界光明覺菩薩

十有九人同名覺者法雲受職墮佛數故

智覺諸法無所遺故然其幢等亦有通義類釋可知

如是等菩薩摩訶薩五百人俱

三如是下結數

此諸菩薩皆悉成就普賢行願境界無礙普

徧一切諸佛刹故現身無量親近一切諸如

起三

十三

來故淨眼無障見一切佛神變事故至處無限一切如來成正覺所恒普詣故光明無際以智慧光普照一切實法海故說法無盡清淨辯才無邊際劫無窮盡故等虛空界智慧所行悉清淨故無所依止隨衆生心現色身故除滅癡翳了衆生界無衆生故等虛空智以大光網照法界故

第三此諸下歎德有十一句初句爲總上名以隨宜別顯各以一德立名今德以據

實內通故言皆悉成就普賢行願餘十句

別於中前六明智用普周後四明智用離

障通爲五對一境徧身多對窮依近正故

二見用詣實對十眼離障不往而見一念

契實身心普周三內照外演對四智淨色

隨對五悲深智廣對以即智之悲故於生

無翳無外之智故照同虛空前對虛空自

取淨義今取廣義

及與五百聲聞衆俱悉覺真諦皆證實際深

入法性永出有海依佛功德離結使縛住無

礙處其心寂靜猶如虛空於諸佛所永斷疑

惑於佛智海深信趣入

第二及與下辨聲聞衆文二初標數類後

悉覺下歎德文有十句然此聲聞皆是菩

薩欲顯深法託爲聲聞故所歎德言含本

迹

今釋為二門一就迹約小十句皆聲聞德
 一得現觀於四真諦善覺了故二入正性
 離生無方便慧已作證故三所學已窮故
 云深入法華云我等同入法性即三獸渡
 河理無二故古人亦將上三如次配見修
 無學四生分已盡由缺大悲故自永出五
 有為無為之德依佛成故即遠得已利六
 已盡有結謂九結十使現行離故七無煩
 惱礙種子亡故八心善解脫故寂如虛空
 九慧善解脫故於佛無惑十明非定性皆
 可迴心故信入佛智一得現觀者大乘唯
識有六現觀一思二
信三戒四智諦五為智邊諦六究竟現觀
十地已辨小乘俱舍有三現觀一見現觀
二緣現觀三事現觀今此正當見現觀也
義兼後二入正性離生者已見四地無
方便慧已見七地若有方便不誣實際三
所學已窮者謂於自乘所學之法名為深

起五

入非謂深入甚深法性故引法華即三乘
 同入之法性耳三獸渡河已見八地古人
 亦將上等等者疏意云見修是前三果今是
 羅漢正當無學後必具前理則可通故不
 言非四生分已盡等者上即我生已盡若
 具大悲留惑潤生處有化物今由同悲但
 自速出如塵透圍五即速得已利者已利
 即證涅槃有餘依者名為有為無餘依者
 即無為耳六已盡有結者經云離結使縛
 故以九結釋經結字亦已見上今略示名
 一受結二志三慢四無明五疑六見七取
 八嫉九慳由此九種數現起損惱自他
 招當苦增偏名為生死因故名為有結言現
 成五此等以為生因故名為有結言現
 行離者故法華論此句即諸渴已盡論為
 現行要得煩惱是種子故八心善解脫等
 者二種解脫亦見上文今略解云離障障
 故名心解脫離性障故名慧解脫又離無
 明貪愛等體名慧解脫彼相應心得離縛
 故名心解脫由證此二獲得第五有為無
 為二種功德起五十明非定性者定性二乘非
 此宗故信入佛智者法華第二汝舍利弗
 信佛語故隨順此經非二約本門就菩薩
 已智分止經即佛慧故
 歎故如來不思議境界經云復有無量百
 千億菩薩現聲聞形亦來會坐其名曰舍
 利弗大目犍連等廣如彼說明皆是權故

十四

下身子令海覺等觀文殊德十中一覺第一義二方便已具善能入於無際際故三二空真理窮其源故四具足大悲能入不染方永出故五依十力等離小見故六不斷不俱方能離故七已淨所知無二礙故

八處亂恒寂了本空故九佛不共德雖未

證得亦無疑故十一切種智證信入故

如不思議境界經者此是第一列眾之中經云時有他方諸佛為欲莊嚴毗盧遮那道場眾故示菩薩形來入會坐復有無量百千億菩薩下與疏全同引此明實彰前定迹善入無際際者深入無際故然皆反上聲聞之德類例可知九佛不共德等者發心品菩薩於佛十力中雖未證得亦無疑故十一切種智證信入者證信即初地已上採異聲聞未得此信十地皆依佛智海故

及與無量諸世主俱悉曾供養無量諸佛常能利益一切眾生為不請友恒勤守護誓願不捨入於世間殊勝智門從佛教生護佛正

法起於大願不斷佛種生如來家求一切智第三及與無量下諸世主眾亦先標數類後悉曾下歎德十中初一歎福次四歎悲於中初句總餘三句別一無緣普應二護念初心三誓不捨惡次二句歎智德一智入權門二行護理教正法兼理護兼行故上七皆行八即是願願行具故第九入位上九自分十即勝進上序分竟

時諸菩薩大德聲聞世間諸王并其眷屬咸作是念

大文第二時諸菩薩下請分眾集本為聞經故文分為二初標眾念請二如來境下顯所請法今初聲聞下如聲等此能念者釋有二義一約本迹就本能念就迹不知二唯就迹說意法師云理處不隔故得同

疑未積大心故不廁其次此亦有理猶葉

公好龍真龍難視同居法會同仰法門所

現超倫故如龔瞽其猶葉公好龍者事出莊子葉公姓沈名諸梁

故春秋注云葉公子高沈諸梁食采於葉

僭以稱公亦有云與楚同姓楚姓芊即

子張見衛君君不全待子張云公之好士

猶葉公之好龍葉公好龍并廁之間皆盡

其像真龍如其好乃現其庭葉公絕倒不

敢視葉公之好好於似龍非好真龍今君

好士但好似士非好真士也今聲聞之請

法若彼好龍不觀希奇若不識真物也

如來境界如來智行如來加持如來力如來

無畏如來三昧如來所住如來自在如來身

如來智

二所念中有六十句初後三十句是所請

法中三十句但是請儀其請法多同初會

四十句法以初會為總此說將終會同本

故就文分二前三十句念德難思後唯願

下三十句請隨機演以初十句明自體圓

著寄顯果海絕言最後十句明化用普周

令寄言顯果由斯文有影略理實兼皆請

示如初會辨以初十句明自體圓著下出

所問法為兩段所由以前三

十句內唯十句是所請法謂佛境等是佛

自體圓滿著明故同果海最後十句化用

普周者然後三十句請隨機演有二十句

是所請法以前十是請說往因故偏舉後

十化用正今初念德中初十句正明所念

合開故 果法次十明玄妙難思後十明緣會可了

今初十中前八攝初會最初十句即內行

成滿德以如來自在攝彼神通及無能攝

取故一境界者即所緣分齊故如出現等

品辨二智行者悲智無礙無功用行亦如

出現品辨三加持者謂勝力任持令有所

作如不思議法品辨四謂十力等五即四

種十種無畏等六即師子奮迅等七所住

者即初會佛地佛所住地故若別釋者即

常住大悲等如不思議品八謂十自在等
 及攝二句如向所辨廣引諸文釋義並如
 初會後二句即攝初會次十句體相顯著
 德前有六根三業今身合六根及於二業
 智即意業心意俱不可知但以智知故所
 以合者欲顯身兼十身故合六根三業智
 導故但云智

一切世間諸天及人無能通達無能趣入無
 能信解無能了知無能忍受無能觀察無能
 揀擇無能開示無能宣明無有能令眾生解
 了

二一切下十句明玄妙難思人天莫測於
 中初二句總明解行不及謂智慧不能通
 暢心行不能詣證次五句明三慧莫測故
 不能成自利謂初三句聞慧莫測一妙故

不能印持於境二深故不能曉了於心三
起五
 廣故不能忍可包納次句玄故修慧不能
 觀察委照後句融故思慧不能揀其優劣
 故晉本揀擇名思惟在觀察上後三句四
 辯莫宣故不能成利他謂法義不能大開
 曲示詞辯不能宣明樂說不能令他解了

故晉本揀擇下釋上修在思
 前晉經開思修不失次也

唯除諸佛加被之力佛神通力佛威德力佛
 本願力及其宿世善根之力諸善知識攝受
 之力深淨信力大明解力趣向菩提清淨心
 力求一切智廣大願力

三唯除下十句緣會可了中前四佛力上
 加為緣後六自根堪受為因具此可知前
 中初三現緣後一宿願後六中初一宿善
 餘五現德於上十句分有分知全有全知

又此十句通有二意一成上顯深二起後

請說又此十句通有二意等者謂既唯諸佛加等方知明是顯深佛加既知故

請佛加而演說也非器難解有器可聞也

唯願世尊隨順我等及諸衆生種種欲種種

解種種智種種語種種自在種種住地種種

根清淨種種意方便種種心境界種種依止

如來功德種種聽受諸所說法起五

第二請隨機演中二初十一句請隨機宜

後顯示下二十句請所說法今初前云緣

會可知今請以緣隨器於中初三約內心

器殊次一約外類音異上四通於凡聖後

七多約菩薩一財等有殊二地位優劣三

依根除障四作業差異五緣境不同六曾

依何德而修七曾聽何法為種又六宜依

何德以化七宜何廣略而說種種不同皆

請隨順一財等有殊者即十自在謂財二命三心四業五生六解七願八

通九智十法廣如八地離世間品

大方廣佛華嚴經疏鈔會本第六十之一

音釋

分齊分扶間切齊在請切分齊限量也 賑之忍切切恤 恤雪律切愛

翳查計切障也 葉公葉失涉切 瞽果五切目盲也 奮迅奮方

問切迅思音切 嘖是賓切 齋徂奚切與齋同

大方廣佛華嚴經疏鈔會本第六十二 起六

唐于闐國三藏沙門實叉難陀譯

唐清涼山大華嚴寺沙門澄觀撰述

顯示如來往昔起求一切智心往昔所起菩

薩大願往昔所淨諸波羅蜜往昔所入菩薩

諸地往昔圓滿諸菩薩行往昔成就方便往

昔修行諸道往昔得出離法往昔所作神

通事往昔所有本事因緣

第二請所說法中二先列所請後如是等

下結請今初分二前十句請說往因後十

一句請今果用今初此十句中七與初會

名義全同諸道即彼助道海中方便即

前智海即名異義同彼有乘海無此本事

則名義俱異以彼通請一切菩薩故顯乘

乘不同今約本師為問故加本事則乘通

諸句為成十故略之或本事即是乘海昔

所乘故餘如初會七與初會名義全同者

一事此彼互無故有三類第二類中乃有二意後意亦是名異義同

及成等正覺轉妙法輪淨佛國土調伏眾生

開一切智法城示一切眾生道入一切眾生

所住受一切眾生所施為一切眾生說布施

功德為一切眾生現諸佛影像

後及成下十句請果用中此十望初會第

三十句義即多同而文多異欲顯果用無

邊故影略其文一因圓果成即佛海二成

必演法即演說海三法詮淨國即世界海

四皆為調生即名號海五雙開菩提涅槃

之果城即涅槃防非止惡故即解脫海六

示生行業為至果之因即眾生海七徧入

機處隨機立壽即壽量海八為眾生田令

得常命即波羅蜜海檀為最初故九說諸

度為安立世界海之法式故十三輪變化

猶水月鏡像即變化海一因圓果成即佛海下總明此下別

釋每一句內皆二意一當句解釋如云因成即經云往昔趣求一切智心一切智即

果趣求之心即因二云即佛海者會同初會十海下諸句皆然而當句釋皆躡前起

如云成必演法成必二字躡果成而起餘可思準

如是等法願皆為說

二結請可知

大文第三爾時世尊下三昧現相分酬前

念請示相答故於中二先明三昧為能現

二入此三昧下明所現淨土今初無方大

用依體起故故先入定即以此義先明入

定後集眾海前來諸會為明從相入實前

集後定與此不同佛自入者表證法界唯

佛窮故不言答者表證離言故又令目擊

而自證故

爾時世尊知諸菩薩心之所念大悲為身大

悲為門大悲為首以大悲法而為方便充徧

虛空

文分為三初入定緣領前念故二大悲下

明入定因三入師子下正明入定就入因

中有四種悲以為入定益物之本各有二

義一身二義者一是入定所依之身悲所

熏故二身者體義依義欲入深定全依大

悲而為體故二門二義者一佛有大智大

定大悲等門起六今欲益生唯依悲門三令物入

故二者定為所入悲為能入故三首二義

者一者初義凡所益物皆以大悲為先導

故二者勝上義謂非不用智定之門此增

勝故四方便二義者一悲智相導互為方

便今以悲為入定益物之方便故二者以是即智定之悲不滯愛見故名方便方能令物普入法界又此四悲亦是從佛向機之漸次矣此上四悲皆徧虛空亦有二義一廣周故二無緣故就入因中等者四悲是從佛向機之漸次者依悲之體入悲之門以悲向前為化生之方便也

入師子嘑申三昧

第三正明入定者以定業用從喻為名言嘑申者有人云梵音訛略具正應云毗實廩多此翻為自在無畏如師子王羣獸之中自在無畏故然舊經翻為師子奮迅且嘑毗二言小有相濫奮迅之語殊不似於毗實廩多涅槃二十五中既云嘑申欠味明知嘑申奮迅俱是此言下婆須蜜女亦云見我嘑申但敵對而翻為自在無畏從

義而譯以為嘑申曾何訛略言嘑申者先定意然舊經下辯順達於初三初明漢其非類如云修多羅修妬路素但覺雖則不同聲勢一類其奮迅毗實言勢天隔故涅槃二十五下二引二文證明是此言但敵對下三縱成引故依古德用此方言釋之嘑申奮迅俱是展舒四體通暢之狀總相

釋者即用之體寂而造極則差別萬殊無非法界即體之用不為而周故小大相參緣起無盡名曰嘑申自在之義若別解者涅槃師子吼品明師子王自知身力牙齒鋒銑乃至晨朝出穴而吼為十一事故廣

起六

四

有喻合又離世間品顯菩薩師子王白淨法為身等合首足等與涅槃復異此文以大悲為身故知但取義似未必皆定故依初略釋中二句結前生後次嘑申奮迅下就喻辯相後總相釋下就法辯相若別解下初引涅槃前三文欲釋師子今涅槃師子吼品即南經二十五若準北經當二

十七言廣有喻合者今當具出此是師子
 吼菩薩請問如來如來對眾稱讚令敬菩
 薩即說其德名之由故云今於我前欲師
 子吼善男子如師子王自知身力牙齒鋒
 銛四足據地安住巖穴振尾出聲若有能
 具如是諸相當知是則能師子吼釋曰此
 下即說為十一事經一時合今先別合師
 子經云善男子如來正覺智慧牙爪四如
 意足六波羅蜜滿足之身十力雄猛大悲
 為尾安住四禪清淨窟宅釋曰此即具有
 喻合合師子也又離世下二引當經言為
 身等者等取下經下經云四諦為其足正
 念以為頭慈眼智慧首頂髻解脫繚勝義
 空谷中吼法怖羣魔言未必指定者生下
 喻合不全依於上二經文又如寶雲經第
 三亦云善男子復有十法譬如師子何等
 為十謂無所畏不畏大眾去終不還能師
 子吼具足辯才樂處林野在於山窟摧伏
 大眾具勇猛力菩薩善能守護彼廣釋之
 敵此師子與上二經又復不同明知不必
 指定喻合但
 取義便耳 今會取諸文先以十義合彼
 師子後依涅槃為十一事今初謂以同體
 大悲為身以增上大悲為首以即智大慈
 為眼純以智慧為牙爪大悲方便為振尾
 悲為方便居其末故方便振動義故總取

起六

五

四悲為足依此立故以法界三昧為窟所
 入證故以無緣大悲為窟門入出由此故
 以體用無礙為嚙申舒展自在故以演法
 界法門為哮吼決定宣說一切眾生本與
 如來同法界故如此師子隨一一毛皆稱
 法界 今會取諸文下第二開章正釋先標
 二章今初謂下二別釋但取此中義
 便故總取諸意會成一說結云如此師子
 隨一一毛皆稱法界者即金師子章意如
 金師子毛毛盡金法 次言為十一事而嚙
 界師子何非法界 申者一摧破魔軍詐師子故二示眾神力
 十力等力為十力故三淨法界土佛住處
 故四為邪見凡夫知歸處故五安撫生死
 怖羣黨故六覺悟無明眠眾眾生故七為行
 惡法獸捨放逸故八令諸菩薩及邪見諸
 獸來歸附故九調諸外道及二乘香象令
 如聾盲捨憍慢故十教諸菩薩子息令頓

證故十一莊嚴正見四部眷屬俱增威勢
不怖一切邪黨一切邪黨皆怖畏故又野
干隨逐師子百年不能作師子吼一乘安

處法會如聾如盲五十七中十奮迅義亦

應此說次言為十一事下釋第二章於中

又二先合十一事而又此中法喻

雙瓶仍取涅槃之意以就今經今先具引

涅槃之文未見彼文難曉會故彼經喻云

真師子王晨朝出穴嘯申欠吐四向顧望

發聲振吼為十一事何等十一為欲壞

實非師子詐師子故二為欲試自身力故

三為欲令住處淨故四為諸師子知處所

故五為羣輩無怖心故六為眠者得覺悟

故七為一切放逸諸獸不放逸故八為諸

告諸子息故十一為欲調大香象故十為教

切禽獸聞師子吼水性之屬潛沒深淵陸

行之類藏伏窟穴飛者墮落諸大香象怖

走失冀諸善男子如彼野十維逐師子至

于百年終不能作師子吼若師子始滿

切眾生今知六師非師子故九破富蘭那
等位諸善陸等生大力故十一為令正見
四部之眾於彼邪見四部徒眾不生怖畏
等從聖行梵行天行窟宅嘯申而出為欲
今諸眾等破憍慢故欠法為令諸眾生
礙故四足據地為今眾生具足安住尸波
羅蜜故師子吼者名決定說一切眾生悉
有佛性如來常住無有變易善男子聲聞
緣覺雖復隨逐如來世尊無量百千阿僧
祇劫而亦不能作師子吼十住菩薩若能
修行是三行處當知是則能師子吼釋曰
上兩節引經喻合一義盡既知彼意今
當正合以彼經文對觀今疏則主客自分
如初摧破詐師子吼故即是喻若云摧
破魔軍即是合此文此全同彼故無別義二
示眾等者如云示身力故即是彼喻若云
示眾等者如云示身力故即是彼喻若云
是今經是彼之例非同彼文此中正明如
來入法界起六
力者十力但現種智力今等力者謂法界
力若三昧力若功德力但有義即身
力耳下出所因中即是力相三義中彼身
以開佛行處合小異餘七同異可以意得又野
界土法合小異餘七同異可以意得又野
干下法合小異餘七同異可以意得又野
申欠法合小異餘七同異可以意得又野
謂牛玉奮迅映蔽一切天龍夜叉乾闥婆

等諸大衆故象王奮迅心善調柔荷負一切諸衆生故龍王奮迅興大法雲曜解脫電光震如實義雷降諸根力覺分禪定解脫三昧甘露雨故大金翅鳥王奮迅竭倉愛水破愚癡翳搏煩惱諸惡毒龍令出生死大苦海故大師子王奮迅安住平等大智以爲器械伏衆魔及外道故此五有喻下但約法六勇健奮迅七大智八陀羅尼九辯才十如來奮迅一切智慧悉成滿等廣如彼說

入此三昧已一切世間皆嚴淨

第二所現淨土者總相即前十一事中淨所住處別相而論具前多義然此現相云何訓前諸問令其目擊可現證故云何目擊此淨土分具答三十句問且從相顯此中答初果體十問所現境界答境界問四種大悲爲衆生現即答智行問令衆證見即答加持問知是如來威力答佛力問三昧之用答無畏問正入三昧答三昧問淨法界土答住處問今大小融攝答自在問

見如來身徧於法界答佛身問則見如來大悲方便答智慧問餘二十句集衆中答衆集亦是三昧力故是知能現所現種種境事無非教體又二聖開顯中廣明無盡之用亦顯答相至文當知就文分三初結前標後二于時下嚴此園林三如於此下結通法界

于時此大莊嚴樓閣忽然廣博無有邊際二中有二先正顯嚴即器世間嚴後何以故下出嚴所因顯智正覺世間嚴今初有三一嚴重閣二嚴園林三嚴虛空從略之廣說有此三表三緣起謂嚴閣顯自體緣起嚴林表有爲緣起嚴空表無爲緣起

真故自內而觀廣博無際然不壞事故自
外而觀閣外有園園外有空莊嚴各異斯
即事理交徹十方三際無不圓融林空例

然謂破情顯法者約
心即事會真約境

金剛為地寶王覆上無量寶華及諸摩尼普

起六

散其中處處盈滿瑠璃為柱眾寶合成大光
摩尼之所莊嚴閣浮檀金如意寶王周置其
上以為嚴飾危樓迴帶閣道傍出棟宇相承
牕闥交映階墀軒檻種種備足一切皆以妙
寶莊嚴其寶悉作人天形像堅固妙好世中

第一

摩尼寶網彌覆其上於諸門側悉建幢幡咸
放光明普周法界道場之外階墜欄楯其數
無量不可稱說靡不咸以摩尼所成

二金剛為地下正顯莊嚴表緣起萬德無

不備故其間表法以意消息

爾時復以佛神力故其逝多林忽然廣博與
不可說佛刹微塵數諸佛國土其量正等一
切妙寶間錯莊嚴不可說寶徧布其地阿僧
祇寶以為垣墻寶多羅樹莊嚴道側其間復

有無量香河香水盈滿湍激洄澗一切寶華
隨流右轉自然演出佛法音聲不思議寶芬
陀利華菡萏芬敷彌布水上眾寶華樹列植
其岸種種臺榭不可思議皆於岸上次第行
列摩尼寶網之所彌覆阿僧祇寶放大光明

起六

九

阿僧祇寶莊嚴其地燒眾妙香香氣氤氳復
建無量種種寶幢所謂寶香幢寶衣幢寶幡
幢寶繒幢寶華幢寶瓔珞幢寶髮幢寶鈴幢
摩尼寶蓋幢大摩尼寶幢光明徧照摩尼寶
幢出一切如來名號音聲摩尼王幢師子摩

尼王幢說一切如來本事海摩尼王幢現一切法界影像摩尼王幢周徧十方行列莊嚴

第二爾時復以下明園林巖

時逝多林上虛空之中有不思議天宮殿雲無數香樹雲不可說須彌山雲不可說妓樂雲出美妙音歌讚如來不可說寶蓮華雲不可說寶座雲敷以天衣菩薩坐上歎佛功德不可說諸天王形像摩尼寶雲不可說白真珠雲不可說赤珠樓閣莊嚴具雲不可說兩金剛堅固珠雲皆住虛空周徧滿以為嚴飾

第三爾時逝多林上虛空下明虛空嚴並

顯可知

何以故如來善根不思議故如來白法不思議故如來威力不思議故如來能以一身自

在變化徧一切世界不思議故如來能以神力令一切佛及佛國莊嚴皆入其身不思議故如來能於一微塵內普現一切法界影像不思議故如來能於一毛孔中示現過去一切諸佛不思議故如來隨放一一光明悉能徧照一切世界不思議故如來能於一毛孔中出一切佛刹微塵數變化雲充滿一切諸佛國土不思議故如來能於一毛孔中普現一切十方世界成住壞劫不思議故

第二出因中先徵後釋釋即智正覺嚴是

起六

前為眾示其身力佛力上加文有十句一慈善根力二無漏智力以上二力而加眾故三福威德力餘皆自在神通力於中一展二卷三橫包四豎攝五一切即一六一即一切七成壞相即餘義準思

如於此逝多林給孤獨園見佛國土清淨莊嚴十方一切盡法界虛空界一切世界亦是見所謂見如來身住逝多林菩薩衆會皆悉徧滿見普雨一切莊嚴雲見普雨一切寶光明照耀雲見普雨一切摩尼寶雲見普雨一切莊嚴蓋彌覆佛刹雲見普雨一切天身雲見普雨一切華樹雲見普雨一切衣樹雲見普雨一切寶鬘瓔珞相續不絕周徧一切大地雲見普雨一切莊嚴具雲見普雨一切如衆生形種種香雲見普雨一切微妙寶華網相續不斷雲見普雨一切諸天女持寶幢幡於虛空中周旋來去雲見普雨一切衆寶蓮華於華葉間自然而出種種樂音雲見普雨一切師子座寶網瓔珞而爲莊嚴雲

第三結通法界中二先結前標後二所謂

下正顯嚴相言見如來身住逝多林者住起六彼彼十方界中之林此明一會徧一切處如光明覺品非是彼界遙見此佛住於園林下諸嚴事皆爾現相分竟

爾時東方過不可說佛刹微塵數世界海外大文第四爾時東方下明集新衆分即遠集同證亦三昧中令諸菩薩皆來歸附文中三初別集十方二通讚德行三總結集因今初十方即爲十段段各有十今初東方一來處遠近然皆遠集者表證入甚深故唯初會及此皆遠集者初爲所信此爲證入證入於初一合相故中間隨位深淺不同義似金剛矣

有世界名金燈雲幢

二有世界下明世界名別可以義思

佛號毗盧遮那勝德王

三本事佛號勝德王者福德有於光明徧

照所以為勝二嚴無礙自在稱王

彼佛眾中有菩薩名毗盧遮那願光明

四主菩薩名願光明者於徧照光中主此

願光故上皆帶此佛號者顯是此佛勝德

願力故

與不可說佛刹微塵數菩薩俱來向佛所

五眷屬俱來者對上成主伴故

悉以神力興種種雲所謂天華雲天香雲天

末香雲天鬘雲天寶雲天莊嚴具雲天寶蓋

雲天微妙衣雲天寶幢幡雲天一切妙寶諸

莊嚴雲充滿虛空

六廣興雲供表因嚴果故皆云天者自然

成故

至佛所已頂禮佛足

七詣佛作禮表因趣果故

即於東方化作寶莊嚴樓閣及普照十方寶

蓮華藏師子之座

八化座本方本方者表參而不雜故座表

法空閣表空有重顯

如意寶網羅覆其身

九冠網嚴身以顯勝德嚴法身故有髻珠

者表一乘圓旨居心頂故

與其眷屬結跏趺坐

十眷屬同坐表主伴同證故餘方十段做

此可知其間刹佛菩薩之名本意難定但

可說者隨宜初二及六無珠冠者蓋文略

耳又此等供具非唯表法並是以人同法

依正因果無礙法界自在之德耳

南方過不可說佛刹微塵數世界海外有世界名金剛藏佛號普光明無勝藏王彼佛衆中有菩薩名不可壞精進王與不可說佛刹微塵數菩薩俱來向佛所持一切寶香網持一切寶瓔珞持一切寶華帶持一切寶鬘帶持一切金剛瓔珞持一切摩尼寶網持一切寶衣帶持一切寶瓔珞帶持一切最勝光明摩尼帶持一切師子摩尼寶瓔珞悉以神力充徧一切諸世界海到佛所已頂禮佛足即於南方化作徧照世間摩尼寶莊嚴樓閣及普照十方寶蓮華藏師子之座以一切寶華網羅覆其身與其眷屬結跏趺坐

二南方中供具皆云持者表修持故

西方過不可說佛刹微塵數世界海外有世界名摩尼寶燈須彌山幢佛號法界智燈彼

佛衆中有菩薩名普勝無上威德王與世界海微塵數菩薩俱來向佛所悉以神力與不可說佛刹微塵數種種塗香燒香須彌山雲不可說佛刹微塵數種種色香水須彌山雲不可說佛刹微塵數一切大地微塵等光明摩尼寶王須彌山雲不可說佛刹微塵數種種光燄輪莊嚴幢須彌山雲不可說佛刹微塵數種種色金剛藏摩尼王莊嚴須彌山雲不可說佛刹微塵數普照一切世界閻浮檀摩尼寶幢須彌山雲不可說佛刹微塵數現一切法界摩尼寶須彌山雲不可說佛刹微塵數現一切諸佛相好摩尼寶王須彌山雲不可說佛刹微塵數現一切如來本事因緣說諸菩薩所行之行摩尼寶王須彌山雲不可說佛刹微塵數現一切佛坐菩提場摩尼

寶王須彌山雲充滿法界至佛所已頂禮佛足即於西方化作一切香王樓閣真珠寶網彌覆其上及化作帝釋影幢寶蓮華藏師子之座以妙色摩尼網羅覆其身心王寶冠以嚴其首與其眷屬結跏趺坐

三西方皆言須彌山雲者四德妙高清涼利物故

北方過不可說佛刹微塵數世界海外有世界名寶衣光明幢佛號照虛空法界大光明彼佛衆中有菩薩名無礙勝藏王與世界海微塵數菩薩俱來向佛所悉以神力興一切寶衣雲所謂黃色寶光明衣雲種種香所熏衣雲日幢摩尼王衣雲金色熾然摩尼衣雲一切寶光燄衣雲一切星辰像上妙摩尼衣雲白王光摩尼衣雲光明徧照殊勝赫弈摩

古六
尼衣雲光明徧照威勢熾盛摩尼衣雲莊嚴海摩尼衣雲充徧虛空至佛所已頂禮佛足即於北方化作摩尼寶海莊嚴樓閣及毗瑠璃寶蓮華藏師子之座以師子威德摩尼王網羅覆其身清淨寶王爲警明珠與其眷屬結跏趺坐

四北方皆言衣者寂忍慙愧嚴法身故

東北方過不可說佛刹微塵數世界海外有世界名一切歡喜清淨光明網佛號無礙眼彼佛衆中有菩薩名化現法界願月王與世界海微塵數菩薩俱來向佛所悉以神力興寶樓閣雲香樓閣雲燒香樓閣雲華樓閣雲栴檀樓閣雲金剛樓閣雲摩尼樓閣雲金樓閣雲衣樓閣雲蓮華樓閣雲彌覆十方一切世界至佛所已頂禮佛足即於東北方化作

一切法界門大摩尼樓閣及無等香王蓮華
藏師子之座摩尼華網羅覆其身著妙寶藏
摩尼王冠與其眷屬結跏趺坐

五 東北方云樓閣者悲智二利相因顯故
東南方過不可說佛刹微塵數世界海外有
世界名香雲莊嚴幢佛號龍自在王彼佛衆
中有菩薩名法慧光燄王與世界海微塵數
菩薩俱來向佛所悉以神力興金色圓滿光
明雲無量寶色圓滿光明雲如來毫相圓滿
光明雲種種寶色圓滿光明雲蓮華藏圓滿
光明雲衆寶樹枝圓滿光明雲如來頂髻圓
滿光明雲閻浮檀金色圓滿光明雲日色圓
滿光明雲星月色圓滿光明雲悉徧虛空到
佛所已頂禮佛足即於東南方化作毗盧遮
那最上寶光明樓閣金剛摩尼蓮華藏師子

之座衆寶光燄摩尼王網羅覆其身與其眷
屬結跏趺坐

六 東南方云圓滿光者權實二智無缺行
故

西南方過不可說佛刹微塵數世界海外有
世界名日光摩尼藏佛號普照諸法智月王
彼佛衆中有菩薩名摧破一切魔軍智幢王
與世界海微塵數菩薩俱來向佛所於一切
毛孔中出等虛空界華燄雲香燄雲寶燄雲
金剛燄雲燒香燄雲電光燄雲毗盧遮那摩
尼寶燄雲一切金光燄雲勝藏摩尼王光燄
雲等三世如來海光燄雲一一皆從毛孔中
出徧虛空界到佛所已頂禮佛足即於西南
方化作普現十方法界光明網大摩尼寶樓
閣及香燈燄寶蓮華藏師子之座以離垢藏

摩尼網羅覆其身著出一切衆生發趣音摩尼王嚴飾冠與其眷屬結跏趺坐

十西南方云焰者以淨智慧燒惑薪故亦表皆想所持不可取故上之七方興供表法通答菩薩神通下之三段兼亦別答前

來問中後二十句下之三設無亦別答前來問中後二十句者上來七方唯通答二十句中前十中一句此

下三方通答二十句中三句而上下二方無別

答耳

西北方過不可說佛刹微塵數世界海外有世界名毗盧遮那願摩尼王藏佛號普光明最勝須彌王彼佛衆中有菩薩名願智光明幢與世界海微塵數菩薩俱來向佛所於念中一切相好一切毛孔一切身分皆出三世一切如來形像雲一切菩薩形像雲一切如來衆會形像雲一切如來變化身形像雲

一切如來本生身形像雲一切起六聲聞辟支佛十二

形像雲一切如來菩提場形像雲一切如來

神變形像雲一切世間主形像雲一切清淨

國土形像雲充滿虛空至佛所已頂禮佛足

即於西北方化作普照十方摩尼寶莊嚴樓

閣及普照世間寶蓮華藏師子之座以無能

勝光明真珠網羅覆其身著普光明摩尼寶

冠與其眷屬結跏趺坐

八西北方十句皆答前最後為一切衆生

現諸佛影像若約表者為顯緣有似非真

故

下方過不可說佛刹微塵數世界海外有世

界名一切如來圓滿光普照佛號虛空無礙

相智幢王彼佛衆中有菩薩名破一切障勇

猛智王與世界海微塵數菩薩俱來向佛所

於一切毛孔中出說一切衆生語言海音聲
 雲出說一切三世菩薩修行方便海音聲雲
 出說一切菩薩所起願方便海音聲雲出說
 一切菩薩成滿清淨波羅蜜方便海音聲雲
 出說一切菩薩圓滿行徧一切剎音聲雲出
 說一切菩薩成就自在用音聲雲出說一切
 如來往詣道場破魔軍衆成等正覺自在用
 音聲雲出說一切如來轉法輪契經門名號
 海音聲雲出說一切隨應教化調伏衆生法
 方便海音聲雲出說一切隨時隨善根隨願
 力普令衆生證得智慧方便海音聲雲到佛
 所已頂禮佛足即於下方化作現一切如來
 宮殿形像衆寶莊嚴樓閣及一切寶蓮華藏
 師子之座著普現道場影摩尼寶冠與其眷
 屬結跏趺坐

九下方毛孔中十句答前九問十句皆言
起天方便海則通答往昔成就方便九下方毛
孔中十句答前九問者以前十中神通一問前七方
答竟據下釋中既五句答因五問四句答
果五問何各答九以神通問重別初一句
顯故然則前已廣答故但云九通顯所隨衆生言音次五句答因中五問
 謂二答諸行此句應顯趣求一切智心以
 第五明行圓滿此為行初故三答所起菩
 薩大願四答所淨諸波羅蜜五正答圓滿
 諸菩薩行六別答所作神通然問就如來
 因中此通一切菩薩通別之異耳其助道
 及出離問亦是通答以諸句中皆是助道
 並即出離故餘四句答果用中五問謂七
 答第一正覺問八答轉法輪九答調伏衆
 生其國土一種現淨土分通答十答開示
 一切智法城及示一切衆生道以能證是

道所證是智故而皆言音聲者表無言之

法假言顯故

此句應顯極求者以文云出

音聲雲故標云答行以五正答行故此

句義顯趣求一切智心以是行始言修

耳然問就如來因中等者通將此中對問

辯異其助道下出不答餘因句之相通

答方便加此助道出離則此下方通答三

因別答五因無上方便又通答二問一本

事因緣二所入諸地故具答十九因

其上方中波羅密問義便故重

大方廣佛華嚴經疏鈔會本第六十二

音釋

嘖

音頻

澄

都切

湍

湍他端切

澗

澗水

氤

氣符

澗

澗古歷切

澗

澗音回

澗

澗音伏

旋流也

欠

欠張口

嬌

嬌若妖切

慢

莫晏切

欠

欠張口

欠

運氣也

欠

欠

欠

欠

欠

欠

欠

欠

欠

大方廣佛華嚴經疏鈔會本第六十之三 起七

唐于闐國三藏沙門實叉難陀 譯

唐清涼山大華嚴寺沙門澄觀撰述

上方過不可說佛刹微塵數世界海外有世界名說佛種性無有盡佛號普智輪光明音

起七

彼佛衆中有菩薩名法界差別願與世界海微塵數菩薩俱發彼道場來向此娑婆世界釋迦牟尼佛所於一切相好一切毛孔一切身分一切支節一切莊嚴具一切衣服中現毗盧遮那等過去一切諸佛未來一切諸佛

已得授記未授記者現在十方一切國土一切諸佛并其衆會亦現過去行檀那波羅蜜及其一切受布施者諸本事海亦現過去行尸羅波羅蜜諸本事海亦現過去行鼻提波羅蜜割截支體心無動亂諸本事海亦現過

去行精進波羅蜜勇猛不退諸本事海亦現過去求一切如來禪波羅蜜海而得成就諸本事海亦現過去求一切佛所轉法輪所成就法發勇猛心一切皆捨諸本事海亦現過去樂見一切佛樂行一切菩薩道樂化一切衆生界諸本事海亦現過去所發一切菩薩大願清淨莊嚴諸本事海亦現過去菩薩所成力波羅蜜勇猛清淨諸本事海亦現過去一切菩薩所修圓滿智波羅蜜諸本事海如是一切本事海悉皆徧滿廣大法界至佛所已頂禮佛足即於上方化作一切金剛藏莊嚴樓閣及帝青金剛王蓮華藏師子之座以一切寶光明摩尼王網羅覆其身以演說三世如來名摩尼寶王爲髻明珠與其眷屬結跏趺坐

十上方相好等中十句通答因問中第十

本事因緣兼答波羅蜜及所入諸地以十

度即是別地所行故別約初句答入一切

衆生所住處及受一切衆生所施并爲一

切衆生說布施功德如文思之別約初句

衆生所住處等者上辨通答因中二句此

下別答果中三句前下方有五句問答此

有三句并第八問答第十影像其答問中

或不次者以十方齊來諸供齊現文不累

書隨方異說以問次住收無不次矣其答

或不次者下又皆言本事者表三世之法

體常住故由得體用非一異智以用隨體

無不存故德相業用皆自在故又皆言下

之言此約法性宗釋文中有三初正釋以

法性常住相卽性故相亦常矣此卽體非

異不壞三世與體非一性相本爾卽德相

門隨其今見卽業用門故雙結二皆得自

德相成業用耳 蜜嚴第三云金剛藏菩

薩現種種形說種種法乃至云淨所依止

二故密嚴

於佛地如來蘊界常無變異故下引證先

證業用後乃至云淨若理事別修則不得

爾故不同餘處現法體用俱有過未體用

皆無況於小乘三世有耶以彼過未有體

無用故三若理事別修下揀異他宗現法

即有宗義以彼過未有體無用者出異所

以有宗過去冥伏有未來性有故有體也

不同現法事有故無用也今以體性融故

體用俱有斯卽有卽非有非有之有耳

如是十方一切菩薩并其眷屬皆從普賢菩

薩行願中生以淨智眼見三世佛普聞一切

諸佛如來所轉法輪修多羅海已得至於一

切菩薩自在彼岸於念念中現大神變親近

一切諸佛如來一身充滿一切世界一切如

來衆會道場 第二如是十方下通讚德行中三初總後

以淨智下別就別讚中三十四句分三初
 五句明上近諸佛德二於一塵中下十四
 句下攝衆生德三一切菩薩神通下十五
 句大用自在德亦名三種三業今初一淨
 眼見佛即是意業二聞如來法即淨修語

業餘三句並顯身業自在 亦名三種三業
者一名近佛三

業二攝化三業
三神通三業

於一塵中普現一切世間境界教化成就一
 切衆生未曾失時一毛孔中出一切如來說
 法音聲

第二下攝衆生德中三初微細化生

知一切衆生悉皆如幻知一切佛悉皆如影
 知一切諸趣受生悉皆如夢知一切業報如
 鏡中像知一切諸有生起如熱時燄知一切
 世界皆如變化成就如來十力無畏

二知一切衆生下七句明攝衆生之智故
 末句結云十力無畏前六別明一緣集非
 真故二隨機本質映光有勝劣故三諸趣
 思所起故四隨照映質有妍媸故五想所
 持故六無而忽有暫有還無故

勇猛自在能師子吼深入無盡辯才大海得
 一切衆生言辭海諸法智於虛空法界所行
 無礙知一切法無有障礙

三勇猛下五句明攝生語業於中初句總
 顯決定下四句別明四辯 下之四句別明
四辯者初句樂

說無礙二得一切下詞無礙三於虛空
法界下義無礙四知一切法下法無礙

一切菩薩神通境界悉已清淨勇猛精進摧
 伏魔軍

第三大用自在德中初句總明所得餘別
 明通用於中三一三業摧邪勇進通三故

恒以智慧了達三世知一切法猶如虛空無有違諍亦無取著雖勤精進而知一切智終無所來雖觀境界而知一切有悉不可得以便智入一切法界以平等智入一切國土

二恒以智下六句明意業自在皆權實雙行故一智了三世事慧達三世空二知法如空空無可諍而不壞有故不著空三進無進相故曰無來四即有而空五即空而有故云方便六智入性土

以自在力令一切世界展轉相入於一切世界處處受生見一切世界種種形相於微細境現廣大刹於廣大境現微細刹於一佛所一念之頃得一切佛威神所加普見十方無所迷惑於刹那頃悉能往詣

三以自在力下七句身業自在可知

如是等一切菩薩滿逝多林皆是如來威神之力起七

第三如是等下總結集因

于時上首諸大聲聞舍利弗大目捷連摩訶迦葉離婆多須菩提阿菟樓駄難陀劫賓那迦旃延富樓那等諸大聲聞在逝多林

大文第五于時上首下舉失顯得分亦名舉劣顯勝明不共故於中三初明不見之人二皆悉下明所不見境三何以下釋不見所由今初舍利此云驚驚其母目精明

利似彼鳥故弗者子也從母立稱故標子

今初舍利弗然諸弟子古今譯殊今多依羅什三藏言驚驚者大乘法師云是百古鳥亦云春鷲古德引經亦云其母辯才如彼鳥故此中是舊梵語新云舍利弗恒羅弗恒羅即子也又舍利亦翻為身母好身品故或舍利云珠母之聰利相在眼珠故並從母之稱增一云我佛法中智慧無窮決了諸疑者舍利弗第一智論四十

一稱為如來左面弟子父名優婆提舍目捷連此云採菽氏

上古仙人山居豆食尊者母是彼種從外

氏立名有大神通揀餘此姓故復云大連

梵語即古譯義即新譯新梵語云摩訶沒特伽羅然疏約母氏得名若從父稱此名俱利迦亦云俱履多亦云俱律陀此云吉占智論云舍利弗以才明見貴日連蒙彥

最重智藝相比德行互同增一云我弟子

中神通輕舉飛到十方者大目連第一智

論四十一稱為右面弟子梵德勝之殿疏

考域之車壓調達五百之徒尋佛聲過恒

河沙思德摩訶迦葉此云大飲光本族仙

難稱也人及尊者身並有光明飲蔽日月頭陀第

一揀餘迦葉故云大也此云飲光者真諦

古譯云龜氏其先學道靈龜負圖應之固以命族增一阿含云羅閱祇大富長者名迦毗羅婦名檀那子名畢鉢羅婦名摩訶其家千倍勝餅沙王十六大國無與為隣畢鉢羅即迦葉名也其父請此樹而生故付法藏傳云毗婆尸佛滅後其塔中像金色缺壞時有貧女得金珠請匠打為箔金師歡喜治瑩佛畢立誓為夫婦九十一劫天上人中身恒金色恒受快樂最後為迦葉夫婦異勝王得罪滅一犁但用九百九

十九雙牛起七金犁又經云其家有甃最下品者直百千兩金以釘釘入地十尺甃不穿如本不異六十庫金粟一庫管三百四十斛又經云以麥飯供養辟支佛恒趣切利各千返受樂身三十二相但論金色耳刻浮那陀金在濁水底光徹水上在暗暗滅迦葉身光勝此金光照一由旬增一云佛法中行十二頭陀難行苦行大迦葉第一揀餘迦葉者即如十離波多此云室星祀力迦葉優樓頻螺等

之而生故或云所供養或云假和合即智

論二鬼食人之事離波多此云室星其言即古今同釋法華云離

婆多新云頡麗伐多皆梵音輕重或云所

供養者即音義釋也假和合古今同也即

智論二鬼食人之事者謂此人行涉空亭

止宿見二鬼爭屍皆言我先持來二鬼共

言取其分判此人實見小鬼持來及被鬼

問竊自思惟我隨言一持來彼不得者必

當見害我寧實語而死終不虛誑而終遂

如實答小者持來被其大鬼拔其手足隨

而食之得屍之鬼便取其死屍手足隨安

彼鬼食竟拭口而去及明憂惱不惻誰身

言假和合初常疑云若我本身眼見去

問汝見我身不眾僧見之云此人易度而

語之云汝身本是他人之遺體非已有也

悟此假合因即得道以須菩提此云善現

常問故亦云常作聲也

生而室空現善相故生而室空者相師占云是善相故亦云善

吉亦云空生其義一耳解空第一得無阿評三昧有供養者現與其福亦云善吉

菟樓馱此云無滅一食之施九十一反天阿菟樓馱等者亦云

上人問不沒惡趣故阿菟樓馱等者亦云

亦云阿泥啼多並梵音楚夏昏云無滅亦云無貧言一食之施者賢愚經說弗沙佛

末世持錢起七雖有辟支佛名利吒行乞空鉢無獲有一貧人見而悲憐自言勝士能受

採釋肯兒跳抱其背變為死人無伴得脫待暗還家委之於地即成金人板指隨生

用却還出取之無盡惡人告王欲來奪之但見死屍而其所親即是金寶現報若是

九十一反即果報也又其生已復家業豐溢日夜增益父母欲試之蓋空器皿往送

揆看百味俱足而其門日日常有一萬六千取債一萬六千還直出家後隨所至處

人見歡喜欲有所須如己家無異即世尊之堂弟斛飯難陀此云歡喜性極聰敏音

聲絕倫故難陀等者即劫賓那此云黃頭

黃頭仙人之族故劫賓那者疏釋即音義

舊譯為房宿然有二義一以父母禱此宿星感此子生故二云與佛同房宿故謂初

出家時未得見佛始向佛所夜值雨寄宿陶師房中以草為座晚又一比丘寄宿即

推草座與之自在坐中夜相問欲何所之答云覓佛後比丘即說法辭去豁然得

道後比丘即佛也增一阿舍云我佛法中善知生宿者劫賓那第一則亦從所知為

名迦旃延此云翦剃種迦旃延者即大乘

仙山中靜處年歲既久鬚髮稍長無人為剃髮羅門法要剃髮故一仙有子兄弟二

人俱來觀父小者乃為諸仙剃之諸仙願護後成仙道爾來此種皆稱剪剃富

樓那此云滿具云滿慈子其母甚慈亦從母稱富樓那具云滿慈子者梵語云彌多

求子正值江滿又夢七寶器盛滿中寶入母懷母遂懷于父願獲滿從此立名彌多

羅尼此云慈行亦云四圍陀中有此品名其母誦之以此為名尼者女也以母名子

名為慈子增一云善能廣說分別義理滿願子最第一而言等等

取五百廣辨古今譯殊德行緣起如智論及音義中說如智論及音義畧說已如上

舍等經然其列名或從德行勝劣或從出家先後如法華阿若憍陳如在初等故報

思經說初度五人次度耶舍門徒五十人次度優樓頻螺門徒五百次度伽耶門徒

次度優樓頻螺門徒五百次度伽耶門徒

三百次度那提門徒二百次度身子門徒
 一百次度目連門徒一百合舉大數成一
 千二百五十人若十二遊經兼出其年云
 佛成道第一年度五人第二年度三迦葉
 第五年度身子目連則爾後更多故法華
 初有萬二千羅漢二千學無學等今此但
 舉五百以從勝劣列之即法華第三周第
 一與記者體德大同故故成佛名號等亦
 皆同也望今本門即
 皆大菩薩故偏舉之起之

皆悉不見如來神力如來嚴好如來境界如
 來遊戲如來神變如來尊勝如來妙行如來
 威德如來住持如來淨刹

第二明所不見境中三初不見果有十句
 初總餘別多同念請果中初之十句重閣

同空等即是神變不壞本相即是遊戲餘
 可準思多同念請果中初之十句者神力
 界全同遊戲即前自來力嚴好即前如來身境
 昧現故尊勝即如智如智最勝故妙行即
 前智行威德即前無畏住持即前加持故
 皆同也前來心念佛向示之皆不見耳重
 閣同空下畧示向
 來神變及遊戲相

亦復不見不可思議菩薩境界菩薩大會菩
 薩普入菩薩普至菩薩普詣菩薩神變菩薩
 遊戲菩薩眷屬菩薩方所菩薩莊嚴師子座
 菩薩宮殿菩薩住處菩薩所入三昧自在菩
 薩觀察菩薩嚙申菩薩勇猛菩薩供養菩薩
 受記菩薩成熟菩薩勇健菩薩法身清淨菩
 薩智身圓滿菩薩願身示現菩薩色身成就
 菩薩諸相具足清淨菩薩常光眾色莊嚴菩
 薩放大光網菩薩起變化雲菩薩身徧十方
 菩薩諸行圓滿起七
 次亦復下明不見因即諸菩薩初總明即
 分齊境界次菩薩大會下別顯會通新舊
 入謂身徧刹塵智入諸法等普至即新來
 普詣即此往皆言普者一橫豎徧故二一
 即一切故餘句進上諸來菩薩作用中辨

及上離世間品十十所明

如是等事一切聲聞諸大弟子皆忍不見

後如是等下總結不見

何以故以善根不同故

第三不見所由者然皆廢本從迹以顯一

乘因果不共深玄篤諸後學令習因種文

中二先徵後釋徵意云身廁祇園目對尊

會而莫覩神變其故何耶後釋意云彼境

殊勝宿因現緣並皆缺故其猶日月麗天

盲者不覩雷霆震地聾者不聞道契則隣

不在身近故菩薩自遠而至聲聞在會不

知文自廣釋分爲三別初法次喻後徵以

結成今初分二先明缺宿因故後復次下

明缺現緣故今初分四初一總標大小善

差二本不修下舉劣異勝三如是皆是下

舉勝揀劣四以是因緣下結不見聞今初

有小善根

大小善異不覩希奇

本不修習見佛自在善根故

二舉劣中有十八句前十二句釋不見佛

果之因後六句釋不見菩薩之因前中初

句總餘句別

本不讚說十方世界一切佛刹清淨功德故

本不稱歎諸佛世尊種種神變故

由不讚等即是不集見佛自在善根於中

二初二句不讚果故

本不於生死流轉之中發阿耨多羅三藐三

菩提心故本不令他住菩提心故本不能令

如來種性不斷絕故本不攝受諸衆生故本

不勸他修習菩薩波羅蜜故

後九句不修因故於中亦二前五句缺自

分行

本在生死流轉之時不勸衆生求於最勝大智眼故本不修習生一切智諸善根故本不成就如來出世諸善根故本不得嚴淨佛刹神通智故

起七

後四句缺勝進行亦是前明隘心後顯劣

心故不能見

本不得諸菩薩眼所知境故本不求超出世間不共菩提諸善根故本不發一切菩薩諸大願故本不從如來加被之所生故本不知諸法如幻菩薩如夢故本不得諸大菩薩廣大歡喜故

二本不得菩薩眼下釋不見菩薩所因一不見十眼所見無礙法界二缺無障礙智之因若但修真常離念即共二乘菩提之

終七

善法華遊戲神通即聞而不樂此中樂而不聞餘可思之

法華遊戲神通等者舉法華揀異亦是通妨今云揀異者即法華信解品四大聲聞自叙云世尊往昔說法既久我時在座身體疲懈但念空無相無作於菩薩法遊戲神通淨佛國土成就衆生心不喜樂即聞而不樂也下得兼出不樂所以云一切諸法皆悉空寂無生無滅無大無小無漏無爲如是思

惟不生喜樂釋曰既了無生故不喜樂是以結云勿滯寂故入地云諸法真常離心念二乘於此亦能得也言通妨者此何令其不聞彼何令其得聞此義至下釋之

既本因中不修不見願諸後學修見佛因勿滯冥寂

既本下結 勤修實

如是皆是普賢菩薩智眼境界不與一切二乘所共

第三舉勝揀劣言如是等者指前佛神通等所不見法普賢智境即是舉勝不共二乘名爲揀劣

以是因緣諸大聲聞不能見不能知不能聞

不能入不能得不能念不能觀察不能籌量
不能思惟不能分別是故雖在迹多林中不
見如來諸大神變

第四以是因緣下結不見聞以前缺因境
勝因緣故不能見於中初後總明中十別

起七

十二

顯謂眼不見心不知耳不聞本有不證新
成不獲無方便不能念觀無後得不能籌
量淺深思惟旨趣分別事理

復次諸大聲聞無如是善根故無如是智眼
故無如是三昧故無如是解脫故無如是神
通故無如是威德故無如是勢力故無如是
自在故無如是住處故無如是境界故是故
於此不能知不能見不能入不能證不能住
不能解不能觀察不能忍受不能趣向不能
遊履又亦不能廣為他人開闡解說稱揚示

現引導勸進令其趣向令其修習令其安住
令其證入

第二明缺現緣故不見中三初明無勝德
行故不見次何以故下明住自乘解脫故
不見後是故雖在下結成不見今初分二
先十句明無勝德行即是前所不見境亦
即是前宿因不修勝進四句不修故無無
故不見初總餘別勢力即是加持餘皆同
前後是故於此下十句顯不能見入有二
義前文約證今約了達餘可知

何以故諸大弟子依聲聞乘而出離故成就
聲聞道滿足聲聞行安住聲聞果於無有諦
得決定智常住實際究竟寂靜遠離大悲捨
於衆生住於自事於彼智慧不能積集不能
修行不能安住不能願求不能成就不能清

淨不能趣入不能通達不能知見不能證得

第二明住自乘故不見中先徵後釋以此

一段反覆相成故徵以釋之謂何以無如

是善根等由住自乘作證故亦應徵云何

以作證由無上善根故所無在前故略不

起七

明耳此段亦同法華自釋心不喜樂云何

十三

以故世尊令我等出於三界得涅槃證故

所無在前者即前無如是善根故無如是
智眼故等此段亦同法華自釋等者亦信
解品言自釋不喜樂者彼前文心不喜樂
後便云何以故等如疏意云世尊昔說聲
聞有究竟極果我今已證故菩薩法非我
所學故不樂也既已得證即住自乘故雖

上根身子樂十力等釋文亦二先明住自

而復自嗟我無此物

乘作證後於彼智慧下結成所無今初十

句初總餘別別中一道者以見修等道斷

惑集故不同菩薩無住道等二三行果可
知四觀諦智別謂我空法有不能我有法

空名有無諦以證現觀名決定智故無菩

薩中道第一義三諦之理亦如涅槃聲聞

有諦而無真實五已證理故六捨事故下

三句成上聲聞行一內無悲二外捨物三

但自調又上十句總為四失一初句出麤

而不出細但出分段故次四句得權失實

次三句滯寂失悲後二句捨生自度二結

成所無即由住自乘故無前智等亦有十

句但於前一智有十不能餘三昧等例此

可知經成就聲聞道言見修等者等取方
便及無學也言斷惑樂者集即集諦

通於業惑菩薩無住等者等取教道證道
一道二道乃至無量道而教證等名二乘
亦有特與異者即無住道若
約其義教證亦殊故云等也

是故雖在逝多林中對於如來不見如是廣

大神變

三結成不見

第二佛子如恒河下喻顯文有十喻自古
 諸德皆將配前所迷佛果十句唯第九二
 天一喻喻上第二如來嚴好餘皆如次此
 亦有理今解有二一者隨一一喻總喻不
 見因果等境以合文中亦言不見菩薩眾
 故又不喻菩薩之德義不盡故又合文中
 多從總合但言不見如來神變明通諸句
 二者別喻諸德若全不別何俟多喻然雖
 別喻亦通因果而前九約勝境為喻謂恒
 河須彌等喻佛德故後一就劣法為喻入
 滅盡定喻二乘故於前九中配所迷菩薩
 之德其義則次配所迷如來之德義少不
 次所喻義別至文當知又第一五十單喻
 聲聞不見第二三四七雙喻菩薩聲聞見
 不見別餘三佛對聲聞論見不見有此三

類者文影略耳又唯約聲聞說者十喻皆
 喻彼無德故就中初一兼喻有障故後一
 兼喻住自乘故且就前九約勝境為喻顯
 九種勝德其後一種總明不共顯十無盡
 前九德中一一皆具通別二意今解有二
下申今正

義便彈古義以舉今正揀昔成非故於中
 有二先通中二一總辯標通通有二義一
 通因果二通喻諸句後以合文下引證辯
 不通文有三節一正引文證通於菩薩二又
 不喻下反以義證合通菩薩三又合文下
 正引文證通諸德二者別喻等者舉正
 以揀昔非於中有八一總出別喻之由即
 反顯也二然雖別下揀異昔非三而前九
 下通明十喻異相四於前九下總示別喻
 德相五又一五十下約迷悟之人揀其喻
 相六又唯約聲聞下別示迷者異相七且
 就前下將欲釋文重揀第三諸喻別相八
 前九下通收
 通別二意

佛子如恒河岸有百千億無量餓鬼裸形飢
 渴舉體焦然烏鶩豺狼競來搏撮為渴所逼
 欲求水飲雖住河邊而不見河設有見者見

其枯竭何以故深厚業障之所覆故

今初鬼對恒河喻其恒河清流通喻佛及

菩薩潤益甚深德別喻佛神力及菩薩境

界德以此二句為初總故鬼喻二乘有所

知障故不見亦喻不得諸法喜故

言餓鬼等者生分已盡為鬼未得無生忍

衣為裸形不得法界行食為飢不得真解

脫味為渴由此故稱為餓此上並無真道

即是業餘行苦所遷為舉體焦然即是苦

餘空見為鳥驚有見為豺狼於斯作決定

解為搏撮內舍大機有真脫分名為渴所

逼欲求水飲身在法會名住河邊不親神

變名不見河雖親世尊但見丈六為見枯

竭無明翳膜名為業障即煩惱餘言餓鬼

釋經文十喻皆然言生分已盡為鬼者如

見上文然總相說以無漏有分別名為業
 餘今未得無生未得法界未證真解脫皆
 有分別也行苦所遷者苦餘即變易生死
 意生身此約已入無餘者今約未入無餘
 以苦依身即行苦也空見為鳥驚下皆是
 煩惱餘然煩惱餘通是無明住地即是所
 知障所知障有二一所知之障即以業障
 喻所知之障故云蔽其眼故二所知即障
 故經云智障甚盲冥謂真俗別執今於有
 無作決定解即真俗別執故是智障鳥歸
 虛空故喻空見獸依於地故喻有見不同
 法華鴉梟鴟鷲等喻界內煩惱雖親世尊
 下此明二乘但見自境界耳五俱鄰等
 最初受道豈見世尊始成正覺身遍十方
 智入三
 際等

彼大聲聞亦復如是雖復住在逝多林中不
 見如來廣大神力捨一切智無明翳膜覆其
 眼故不曾種植薩婆若地諸善根故起七

後彼大下合中先合業障不曾已下合裸
 形等不曾已下合裸形等者無生忍衣
法界行食皆一切智諸善根也

譬如有人於大會中昏睡安寢忽然夢見須
 彌山頂帝釋所住善見大城宮殿園林種種

嚴好天子天女百千萬億普散天華徧滿其地種種衣樹出妙衣服種種華樹開敷妙華諸音樂樹奏天音樂天諸姝女歌詠美音無量諸天於中戲樂其人自見著天衣服普於其處住止周旋其大會中一切諸人雖同一處不知不見何以故夢中所見非彼大眾所能見故

第二覺夢相對喻夢遊天宮通喻佛及菩薩高顯廣大德別喻如來遊戲神變二句及菩薩大會已下十一句喻甚相似及菩薩大會

會下十一句者謂一菩薩大會二菩薩普入三菩薩普至四普詣五神變六遊戲七眷屬八方所九莊嚴師子座十宮殿十一菩薩住處今文夢往須彌即普至普詣普入善見大城等宮殿即菩薩宮殿城池園林即是住處天子天女即眷屬闍華奏樂即是神變歌詠戲樂即是然此下八喻約遊戲住止周旋即是座矣

二乘喻明其無德亦有通別通則於一一

德不了皆由前缺起七因緣故別則各喻無德七不同此一喻無如是神通故又不知菩薩如夢故然合文中明無如是智眼故者從通相合故下數段皆合無眼文中先喻後一切菩薩下合然此下八喻六約一乘料揀以初一喻聲聞但有不得法喜之一德耳故此下八具於通別一切菩薩世間諸王亦復如是以久積集善根力故發一切智廣大願故學習一切佛功德故修行菩薩莊嚴道故圓滿一切智智法故滿足普賢諸行願故趣入一切菩薩智地故遊戲一切菩薩所住諸三昧故已能觀察一切菩薩智慧境界無障礙故是故悉見如來世尊不可思議自在神變一切聲聞諸大弟子皆不能見皆不能知以無菩薩清淨眼故

合中二先合夢者自見後一切聲聞下合大會不見並可思也

大方廣佛華嚴經疏鈔會本第六十之三

音釋

羸提 羸語也此云忍也 羸初眼切也 羸 奴候切也 裸 郎果切也 驚

音就大 腎膜 腎於計切目疾也 賧 之刃切 妍

媼 妍倪堅切好也 焦 茲消切不明也 鷲 此由切 搏

撮 持伯各切擊也 素 怛覽 梵語也此云契

廁 初吏切也 取也

起七

十八

大方廣佛華嚴經疏鈔會本第六十之四 起八

唐于闐國三藏沙門實叉難陀 譯

唐清涼山大華嚴寺沙門澄觀撰述

譬如雪山具眾藥草良醫詣彼悉能分別其

諸捕獵放牧之人恒住彼山不見其藥此亦

如是以諸菩薩入智境界具自在力能見如

來廣大神變諸大弟子唯求自利不欲利他

唯求自安不欲安他雖在林中不知不見

第三愚對雪山喻雪山良藥通喻幽邃難

見德別喻亦喻佛境界所悲境故喻菩薩

所住處悲救眾生為所住故其捕獵等喻

聲聞無大悲救眾生病亦是無如是境界

故

譬如地中有諸寶藏種種珍異悉皆充滿有

一丈夫聰慧明達善能分別一切伏藏其人

復有大福德力能隨所欲自在而取奉養父

母賑卹親屬老病窮乏靡不均贍其無智慧

無福德人雖亦至於寶藏之處不知不見不

得其益此亦如是諸大菩薩有淨智眼能入

如來不可思議甚深境界能見佛神力能入

諸法門能遊三昧海能供養諸佛能以正法

開悟眾生能以四攝攝受眾生諸大聲聞不

能得見如來神力亦不能見諸菩薩眾

第四伏藏難知喻藏則通喻秘密難知德

別喻如來尊勝可寶重故喻菩薩所入三

昧及觀察起八嘖申勇猛供養如喻思之薄福

喻聲聞無如是威德故喻菩薩下如喻思

若約喻者伏藏猶如三昧聰慧分別即是

觀察隨欲而取即是嘖申有大福力即當

勇猛奉養父母即供養也

譬如盲人至大寶洲若行若住若坐若卧不

能得見一切眾寶以不見故不能採取不得受用此亦如是諸大弟子雖在林中親近世尊不見如來自在神力亦不得見菩薩大會何以故無有菩薩無礙淨眼不能次第悟入法界見於如來自在力故

第五盲不見寶喻寶洲通喻迥絕難測德

別喻如來妙行積行圓妙故喻菩薩受記

成熟勇猛可知盲喻二乘無如是善根故

喻菩薩受記等者不能採取即無勇猛不得受用即無受記成就義也

譬如有人得清淨眼名離垢光明一切闇色

不能為障爾時彼人於夜闇中處在無量百千萬億人眾之內或行或住或坐或卧彼諸人眾形相威儀此明眼人莫不具見其明眼者威儀進退彼諸人眾悉不能覩佛亦如是成就智眼清淨無礙悉能明見一切世間其

所示現神通變化大菩薩眾所共圍繞諸大弟子悉不能見

第六淨眼無障喻通喻智照難量德別喻

如來威德菩薩法身已下五句不覩威儀

喻二乘無如是自在故喻菩薩法身下五句者即菩薩法身

清淨菩薩智身圓滿願身示現色身成就菩薩諸相具足釋曰五句不出菩薩形相威儀故

譬如比丘在大眾中入徧處定所謂地徧處

定水徧處定火徧處定風徧處定青徧處定

黃徧處定赤徧處定白徧處定天徧處定種

種眾生身徧處定一切語言音聲徧處定一起八

切所緣徧處定入此定者見其所緣其餘大

眾悉不能見唯除有住此三昧者

第七徧處定境喻通喻周徧難思德別喻

如來淨刹菩薩常光眾色莊嚴菩薩放大

光明網不見定境喻聲聞無如是三昧故

喻中言徧處者於一切處周徧觀察無有

間隙故名徧處言通處等者疏文有三十初釋名俱舍頌云遍處有十

種八如淨解脫後二淨無色緣自地四蘊

論云謂八自性皆是無貪為性若并助伴

五蘊為性又云有餘師說唯風遍處緣所

觸中風界為性言八者即青黃赤白地水

火風如今經辨依第四靜慮緣欲可見色

如淨解脫後二如次空識二處若無色為

其自性各緣自地四蘊為性應知此中修

行者從諸解脫入諸勝處入此遍處以後

後智勝前前故為修解脫但於所緣總取

淨相未能分別青黃赤白後四勝處雖能

分別青黃赤白而未能作無遺行相前四

遍處謂觀青等一初無遺餘如疏辨言勝

處者勝處有八種二如初解脫各分多少有

二後四如第三謂前二解脫各分多少有

因後四即青黃赤白能制然喻伽智度俱

伏心境緣處故名勝處

舍等論皆說有十今有十二前八同彼彼

中九名空徧處十名識徧處先觀青等普

徧次觀青等為何所依知由地等次思所

觀由何廣大知由於空次思能觀知由依

識前八依第四靜慮觀欲可見色後二依

無色定瑜伽十二云何故徧處唯說色觸

二處建立由此二種共自他身徧有色界

常相續故眼等根色唯屬自身香味二塵

不徧一切聲塵有間是故不說無色界中

空徧一切處識所行境亦徧一切故立此

二前八依第四下辨所依定已如上引四

後由十二種下答問言色觸者問意云何

處地水火風是觸處以堅濕煖動是所觸

故答中亦二先明立二之由此有三義次

下當知後從眼等下明於十處不立遍處

所以亦有從眼等下明於十處不立遍處

屬自身者對上通自他身二香味二塵不

通一切者對上遍有色界以二禪已上無

鼻舌識故亦無香味二塵三聲塵有間者

對上常相續故聲發即聞不發不聞故有

問斷言是故不說八色處為遍處也今以

宗別合空識二為天徧處前論所據皆容

假想稱性周徧加於三事十名種種衆生

身徧處者即前所揀眼等根色十一語言
音聲即前聲塵十二一切所緣即六塵境
則收前香味及法塵境例此天徧處言亦
可通於諸天 例此下以論例經重釋前天
通處謂上論所揀今皆取之
例天通亦可通所揀

如來所現不可思議諸佛境界亦復如是菩
薩具見聲聞莫覩

次如來所現下合文可知

譬如有人以醫形藥自塗其眼在於眾會去
來坐立無能見者而能悉觀眾會中事應知
如來亦復如是超過於世普見世間非諸聲
聞所能得見唯除趣向一切智境諸大菩薩
第八妙藥翳形喻通喻隱顯超世德別喻
如來住持喻菩薩起變化雲德不覩者喻
聲聞無如是解脫故

起八

五

如人生已則有二天恒相隨逐一曰同生二
曰同名天常見人人不見天應知如來亦復
如是在諸菩薩大集會中現大神通諸大聲
聞悉不能見

第九二天隨人喻通喻微妙難壞德別喻
如來嚴好菩薩身徧十方諸行圓滿德不
覩二天喻二乘無如是勢力故亦喻無悲
捨眾生成

譬如比丘得心自在入滅盡定六根作業皆
悉不行一切語言不知不覺定力持故不般
涅槃一切聲聞亦復如是雖復住在逝多林
中具足六根而不知不見不解不入如來自
在菩薩眾會諸所作事

第十滅定不行喻唯喻聲聞安住自乘證
實際故亦總喻無德 第十滅定不行喻老
然滅定之義六地已

若此中意以泥洹為滅者是汝先言九次
 定有中減定心數減是則相違答曰滅
 者在解脫中煩惱未盡在次第一減
 惱故名減定二滅心數法故名減定
 煩惱是第八解脫亦名阿羅漢果若識
 第七云滅盡定者謂有無學羅漢及
 有學即阿羅漢身已伏惑障無所有
 能下不貪不嗔不癡不慢不驕不
 為先令不恒行六議染汗行心所滅
 合上二滅令身安和故亦名定
 平能安和身安和故亦名定
 心由偏歇想受亦名滅彼定也
 第一云滅盡定者謂已離無所有
 八非由起暫息定或後上進無想
 上進由起暫息定或後上進無想
 分諸心行諸心法及恒行一又上十
 從後逆次配前缺因後之十句謂一喻無

法喜二喻不知菩薩如夢三喻不從如來
 加被之所生等如理思之其前十句但通
 為不見之因又上十喻從後過次配前
 一鬼對恒河喻喻無法喜為食故二
 夢遊天官喻喻不知菩薩如夢幻故此相
 甚顯三愚對雪山喻喻不從如來加被之
 所生故其合經云以諸菩薩入智境界具
 自在力得見如來神變自在即如來加被
 之力其捕獵者即無加被也四伏藏難知
 喻喻本不發一切菩薩不見寶喻喻不求
 出世間不共菩提諸善根故無眼不見於
 寶即闕不共善根六淨眼無障喻喻不見
 不得諸菩薩眼所知淨眼故此喻更顯諸人
 不見喻於二乘不見淨眼故此喻更顯諸人
 遍淨喻淨刹也八妙藥翳形喻喻本不成
 就如來出世諸善根故翳形之藥即出世
 善根九二天隨人喻喻本不修習生一切
 智諸善根故二天見人即一切智入不見
 天故無此也十滅定不行喻喻本在生死
 流轉之時不勤眾求於最勝大智眼故
 諸識不行豈當有眼故於六境都不見知
 是故十喻對前十句因文相甚顯令如理思
 修習見佛自在善根故本不讚說十方世
 界一切諸佛刹清淨功德等別相不顯逆

順配之俱不全似故通為不見之因欲願具於通別義故

何以故如來境界甚深廣大難見難知難測難量超諸世間不可思議無能壞者非是一

切二乘境界是故如來自在神力菩薩眾會

及逝多林普徧一切清淨世界如是等事諸

大聲聞悉不知見非其器故

第三何以故下徵以結成文有十句結前

十喻唯第七八為順前合故有前却餘皆

如次餘皆如次者一如來境界甚深結鬼

對恒河喻二廣大結夢遊天官喻三

難見結愚對雪山喻四難知結伏藏難知

喻五難測結言不見寶喻六難量結淨眼

無障喻七起諸世間結通處定境喻八不

可思議結妙藥翳形喻九無能壞者結二

天隨人喻十非是一切二乘境界結滅定

不行喻六根作業皆不行故其間文意極

相順上來法喻廣顯聲聞不見聞等問般

若經明聲聞若智若斷皆是菩薩無生法忍若是其忍何以上文皆言無菩薩德耶

又文殊巡行經中五百聲聞聞而不信法

華不輕亦令其聞何得此中不令聞耶答

為顯不共故故智論明般若若有共不共指

此不思議經不共二乘說故問般若若下二

三經而有二難一引大品難無現緣言若

智若斷者彼經具云須陀洹若智若斷皆

是菩薩無生法忍阿那含若智若斷皆是

菩薩無生法忍阿羅漢若智若斷皆是

若斷皆是菩薩無生法忍阿羅漢若智若斷

文殊巡行經下後引二經不令聞今此一

行經以義引耳若具引者名文殊師利

定因以為名最難五百比丘房皆見寂

若問舍利弗言我時見汝獨處一房結跏

跌坐折伏其身汝為當坐禪耶不耶答云

坐難云為當欲令未斷者斷故坐禪耶等

因此廣顯性空無得之理時五百比丘從

座而起於世尊前高聲唱言從今已去更

不須見文殊身不須聞其名字如是方處

速應捨離所有文殊一切住處亦莫趣向

利弗令文殊為決了文殊言實無文殊而

可得故若實無文殊可得者彼亦不可見

等廣為說法四百比丘漏盡得果一百更

謗隔入地獄後還得道廣如彼說故云五

百比丘聞而不信意云何以此會不令其
聞而不信耶法華不輕亦令其聞者引意
同前即第六經常不輕品不輕遍禮四眾
云我不輕汝等汝等行菩薩道皆當作佛
即宣一切眾皆生皆有佛性如來知見平等
之理為令聞也眾入或以杖木瓦石而打
擲之復於千劫入阿鼻地獄受大苦惱從
地獄出還遇常不輕教化即跋陁婆羅等
菩薩既二經之中皆令其聞一時之謗後
皆成益今何不爾答為顯不共下第三會
釋於中五一顯不共般若不共般若已如
前引若準天台意前以通教難於圓別今
以圓別揀又大聖化儀其類不等或令聞
異於通 又大聖化儀其類不等或令聞
不信以為遠種如上所引或以威力令其
出會如法華中五千拂席或令在會使其
不聞即如今經然法華漸教之終將收敗
種故加令其去篤勵在會使其信受此經
頓教之始為顯深勝留使不聞令諸後學
修見聞種 又大聖化儀下第二化儀不同
之問或以威力下二揀外謗顯彼經云眾
中之糟糠佛威德故去然法華下四會釋
二經此依化儀漸頓二教通釋經意法華
是漸者化儀漸故先說三乘引導眾生然

後但以大乘而度脫之故云漸也非法門
為漸將收敗種者義如前引謂二乘結斷
如根敗士無利五欲如燠穀子不能生芽
即昔教意今至法華三根聲聞皆得記別
不在此會亦為宣陳則燠穀生芽首聾視
聽死屍再起寒灰重熱而言將收者尚未
廣說先且斥之使在會者自欣多幸故云
篤勵是以經云此眾無枝葉唯有諸貞實
故彼疏中云繁柯既亡則貞幹存焉廣說
之後方復收之故不在會亦合為說此經
頓教之始者初成頓說故未有滯權不須
引斥直彰不共顯法難思在會不聞由無
因種若修因種于何不 又復大乘該於小
聞故云今修見聞種也 又復大乘該於小
乘則其智斷皆是菩薩法忍小智不知大
智故此云於有無諦作決定解不見不聞
又復大乘該於小乘下第三通局有殊也
小乘猶如百川不攝大海大乘猶如大海
必攝百川言小智不知大智者即莊子意
彼云小智不測大智小年不測大年朝菌
不知晦朔蟪蛄不知春秋又若已開顯即權
秋小乘螢光豈知日照 又若已開顯即權
為實漸故法華云汝等所行是菩薩道若
權實相對則如聾盲非其器故其猶黎庶
以對於王貴賤懸隔以王收人則率土之

內莫非王人是以若約普收即一切衆生無不具有如來智慧況於二乘無漏因果

若校優劣則權教久行菩薩尚不信聞況

於二乘二乘上首尚如聾盲況凡夫外道

又若以開顯下第四開顯有殊法華對昔以權覆實故今開顯萬行同歸華嚴直顯

一實深玄須對權令知故如華嚴既非其器本不合列為

顯法勝大權菩薩示為聾盲是知聾盲於

勝有力能顯勝故勝劣相望力用交徹成

大緣起方是深玄既非其器下第五結成緣起即是華嚴圓教別

來之意也

爾時毘盧遮那願光明菩薩承佛神力觀察

十方而說頌言

汝等應觀察佛道不思議於此逝多林示現

神通力

大文第六中時下偈頌讚德分既至詠德

顯所證故文中十方菩薩即為十段初二

讚道場三昧等用餘八通讚佛德今初東

方總讚一會十頌分二初總餘別

善逝威神力所現無央數一切諸世間迷惑

不能了法王深妙法無量難思議所現諸神

通舉世莫能測以了法無相是故名為佛而

具相莊嚴稱揚不可盡今於此林內示現大

神力甚深無有邊言辭莫能辨

別中亦二前四歎佛於中初二歎內德一

廣二深次一歎內外無礙後一結成今用

起六

十

汝觀大威德無量菩薩衆十方諸國土而來

見世尊所願皆具足所行無障礙一切諸世

間無能測量者一切諸緣覺及彼大聲聞皆

悉不能知菩薩行境界菩薩大智慧諸地悉

究竟高建勇猛幢難摧難可動諸大名稱士

無量三昧力所現諸神變法界悉充滿

後五歎菩薩一總顯雲集二願行深三超

下位四智地高五定用廣

爾時不可壞精進王菩薩承佛神力觀察十

方而說頌言

汝觀諸佛子智慧功德藏究竟菩提行安隱

諸世間其心本明達善入諸三昧智慧無邊

際境界不可量

第二南方唯歎菩薩然既結歸佛力亦為

歎佛十頌分五初二令觀內德於中初偈

二嚴究竟後偈定智廣深

今此逝多林種種皆嚴飾菩薩眾雲集親近

如來住汝觀無所著無量大眾海十方來詣

此坐寶蓮華座

次二示其集處

無來亦無住卷八無依無戲論離垢心無礙究竟十二

於法界建立智慧幢堅固不動搖知無變化

法而現變化事十方無量刹一切諸佛所同

時悉往詣而亦不分身

次三明寂用無礙初一偈半即寂後一偈

半起用

汝觀釋師子自在神通力能令菩薩眾一切

俱來集

次一結歸佛力

一切諸佛法法界悉平等言說故不同此眾

咸通達諸佛常安住法界平等際演說差別起八

法言辭無有盡十二

後二結其德廣同諸佛故

爾時普勝無上威德王菩薩承佛神力觀察

十方而說頌言

汝觀無上士廣大智圓滿善達時非時爲衆
演說法推伏衆外道一切諸異論普隨衆生
心爲現神通力正覺非有量亦復非無量若
量若無量牟尼悉超越

第三西方下唯歎佛德然雖通諸德隨多
顯名今此歎智用應時德十頌分二初二
法說一內德二外用三總結離言

如日在虛空照臨一切處佛智亦如是了達
三世法譬如十五夜月輪無減缺如來亦復
然白法悉圓滿譬如空中日運行無暫已如
來亦如是神變恒相續譬如十方刹於空無
所礙世燈現變化於世亦復然譬如世間地
群生之所依照世燈法輪爲依亦如是譬如
猛疾風所行無障礙佛法亦如是速徧於世
間譬如大水輪世界所依住智慧輪亦爾三

世佛所依

後七喻顯一喻前廣大二喻圓滿三四喻
現通一長時二無礙五喻演法六喻摧邪
七總喻前德諸佛同依

爾時無礙勝藏王菩薩承佛神力觀察十方
而說頌言

譬如大寶山旣益諸舍識佛山亦如是普益
於世間譬如大海水澄淨無垢濁見佛亦如
是能除諸渴愛譬如須彌山出於大海中世
間燈亦爾從於法海出如海具衆寶求者皆
滿足無師智亦然見者悉開悟如來甚深智
無量無有數是故神通力示現難思議

第四北方十偈九喻歎三德深廣於中二
前五偈四喻喻內德一思二斷次三喻喻
智前一高遠次二深廣

譬如工幻師示現種種事佛智亦如是現諸自在力譬如如意寶能滿一切欲最勝亦復然滿諸清淨願譬如明淨寶普照一切物佛智亦如是普照群生心譬如八面寶等鑒於諸方無礙燈亦然普照於法界譬如水清珠

能清諸濁水見佛亦如是諸根悉清淨

起六

十三

後五喻大用一巧示二隨欲三照機四合理五結益

爾時化現法界願月王菩薩承佛神力觀察十方而說頌言

譬如帝青寶能青一切色見佛者亦然悉發菩提行

第五東北方方法界願月王十頌歎普益衆生德分四初偈總喻見無不益
一一微塵內佛現神通力令無量無邊菩薩

皆清淨甚深微妙力無邊不可知菩薩之境界世間莫能測如來所現身清淨相莊嚴普入於法界成就諸菩薩

力
次三別明益菩薩初一淨二障後二成妙

難思佛國土於中成正覺一切諸菩薩世主皆充滿釋迦無上尊於法悉自在示現神通力無邊不可量菩薩種種行無量無有盡如來自在力爲之悉示現佛子善修學甚深諸法界成就無礙智明了一切法善逝威神力

爲衆轉法輪神變普充滿令世皆清淨

三有五頌明益周徧一成道徧二神通徧

三示行徧四了法徧五轉法徧

如來智圓滿境界亦清淨譬如大龍王普濟諸羣生

四有一偈結益周普

爾時法慧光燄王菩薩承佛神力觀察十方而說頌言

三世諸如來聲聞大弟子悉不能知佛舉足下足事去來現在世一切諸緣覺亦不知如來舉足下足事起八況復諸凡夫結使所纏縛無明覆心識而能知導師

第六東南方十頌歎大用難思德分三初三明凡小難思

正覺無礙智超過語言道其量不可測孰有能知見譬如明月光無能測邊際佛神通亦爾莫見其終盡一一諸方便念念所變化盡於無量劫思惟不能了思惟一切智不可思議法一一方便門邊際不可得

次四出難思之法

若有於此法而興廣大願彼於此境界知見不為難勇猛勤修習難思大法海其心無障礙入此方便門心意已調伏志願亦寬廣當獲大菩提最勝之境界
後三顯能知之人

爾時破一切魔軍智幢王菩薩承佛神力觀察十方而說頌言

智身非是身無礙難思議設有思議者一切無能及

第七西南方十頌歎智身難思德分四初一總顯難思起八

從不思議業起此清淨身殊特妙莊嚴不著於三界十五

次一舉因顯果

光明照一切法界悉清淨開佛菩提門出生

衆智慧譬如世間日普放慧光明遠離諸塵垢滅除一切障普淨三有處永絕生死流成就菩薩道出生無上覺示現無邊色此色無依處所現雖無量一切不思議菩提一念頃能覺一切法云何欲測量如來智邊際一念悉明達一切三世法故說佛智慧無盡無能壞

次三別示難思之相於中三初三智照淨障次一示現深廣後二念智圓融

智者應如是專思佛菩提此思難思議思之不可得菩提不可說超過語言路諸佛從此生是法難思議

四有二頌結勸謂從不思議生佛智身令絕思議之念是思佛矣

爾時願智光明幢王菩薩承佛神力觀察十

方而說頌言

若能善觀察菩提無盡海則得離癡念決定受持法

第八西北方十頌歎佛成就菩薩德分二初總標觀成決定

若得決定心則能修妙行禪寂自思慮永斷諸疑惑其心不疲倦亦復無懈怠展轉增進修究竟諸佛法信智已成就念念令增長常樂常觀察無得無依法無量億千劫所修功德行一切悉迴向諸佛所求道雖在於生死名八而心無染著安住諸佛法常樂如來行世間十六之所有蘊界等諸法一切皆捨離專求佛功德凡夫嬰妄惑於世常流轉菩薩心無礙救之令解脫

餘九展轉成益於中前七偈各一行

菩薩行難稱舉世莫能思徧除一切苦普與
羣生樂已獲菩提智復愍諸羣生光明照世
間度脫一切衆

後二總結深廣

爾時破一切障勇猛智王菩薩承佛神力觀
察十方而說頌言

無量億千劫佛名難可聞況復得親近永斷
諸疑惑如來世間燈通達一切法普生三世
福令衆悉清淨如來妙色身一切所欽歎億
劫常瞻仰其心無厭足若有諸佛子觀佛妙

色身必捨諸有著迴向菩提道如來妙色身
恒演廣大音辯才無障礙開佛菩提門曉悟
諸衆生無量不思議令入智慧門授以菩提
記如來出世間爲世大福田普導諸含識令
其集福行若有供養佛永除惡道畏消滅一

切苦成就^{註八}智慧身若見兩足尊能發廣大心
是人恒值佛增長智慧力若見人中勝決意
向菩提是人能自知必當成正覺

第九下方菩薩歎佛難見聞德分二初一
標名難聞近必斷疑餘別顯益物之相於

中初一生福益次二向菩提益次二成智
益餘四就人結益

爾時法界差別願智神通王菩薩承佛神力
觀察十方而說頌言

釋迦無上尊具一切功德見者心清淨迴向
大智慧如來大慈悲出現於世間普爲諸羣
生轉無上法輪

第十上方菩薩歎佛恩深重德分四初二
總舉佛德意在於恩

如來無數劫勤苦爲衆生云何諸世間能報

大師恩

次一恩深難報

寧於無量劫受諸惡道苦終不捨如來而求
於出離寧代諸衆生備受一切苦終不捨於
佛而求得安樂寧在諸惡趣恒得聞佛名不
願生善道暫時不聞佛寧生諸地獄一一無
數劫終不遠離佛而求出惡趣

次四發荷恩之心

何故願久住一切諸惡道以得見如來增長
智慧故若得見於佛除滅一切苦能入諸如
來大智之境界若得見於佛捨離一切障長
養無盡福成就菩提道如來能永斷一切衆
生疑隨其心所樂普皆令滿足

後四釋成荷恩之意

大文第六偈
頌分可知

大方廣佛華嚴經疏鈔會本第六十四

音釋

起八

邃

雖邃切
深也

菌

巨限切
地草也

蟻

音惠

姑

音惠

名

十八

大方廣佛華嚴經疏鈔會本第六十一之一 起九

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時普賢菩薩摩訶薩普觀一切菩薩眾會

大文第七爾時普賢下普賢開發分現土

起九

顯於法界普賢主此方能開故於中長行

與偈前中三初明開發意二能開方便三

正明開顯今初觀眾會者上佛入定現相

令眾親親證今假言開顯使尋言契實

以等法界方便等虛空界方便等眾生界方

便等三世等一切劫等一切眾生業等一切

眾生欲等一切眾生解等一切眾生根等一

切眾生成熟時等一切法光影方便

二以等法界下明能開方便有十一句初

句總以舍事理深廣故句初以字貫下十

句謂頓申三昧業用深廣要以此十無分

齊之方便方能開顯況十復表無盡餘句

別虛空明其廣無際限餘八顯其多無分

齊光影一種兼顯深義如光影清淨故又

映光之影隨機別故揀異水鏡似本質故

為諸菩薩以十種法句開發顯示照明演說

此師子嚙申三昧

三為諸菩薩下正明開顯分三初總標次

徵釋後總結今初以十法句者此法望前

方便即是所用望三昧境界即是能開此法

句望前方便即是所用者此有三重能所

一普賢是能有方便是所有一方便是能用

用法句是所用三法句是能開三昧境為所開

何等為十所謂演說能示現等法界一切佛

刹微塵中諸佛出興次第諸刹成壞次第法

句演說能示現等虛空界一切佛刹中盡未

來劫讚歎如來功德音聲法句演說能示現
等虛空界一切佛刹中如來出世無量無邊
成正覺門法句演說能示現等虛空界一切
佛刹中佛坐道場菩薩衆會法句演說於一
切毛孔念念出現等三世一切佛變化身充
滿法界法句演說能令一身充滿十方一切
刹海平等顯現法句演說能令一切諸境界
中普現三世諸佛神變法句演說能令一切
佛刹微塵中普現三世一切佛刹微塵數佛
種種神變經無量劫法句演說能令一切毛
孔出生三世一切諸佛大願海音盡未來劫
開發化導一切菩薩法句演說能令佛師子
座量同法界菩薩衆會道場莊嚴等無差別
盡未來劫轉於種種微妙法輪法句
二何等下徵釋釋中一一法句皆用前來

十種方便一一方便皆能演斯十句然此
十句所開即前所現亦念請中果用十句
文少開合不次而義無缺初二即淨佛國
土一依正淨二法流布淨刹成壞即土佛
於中興明是佛土前念欲知佛土之相今
明一切佛刹塵中皆有佛土土無邊矣皆
佛所淨下諸句例然皆一毛一塵即含攝
無盡故次三即成等正覺一主一件五即
爲一切衆生現諸佛影像六即入一切衆
生所住處七八二句通顯能現神通即開
智城而境麤塵細爲別九即舍前調伏衆
生等四句十即轉法輪
子此十爲首有不可說佛刹微塵數法句
皆是如來智慧境界
三佛子下總結

爾時普賢菩薩欲重宣此義承佛神力觀察
如來觀察衆會觀察諸佛難思境界觀察諸
佛無邊三昧觀察不可思議諸世界海觀察
不可思議如幻法智觀察不可思議三世諸
佛悉皆平等觀察一切無量無邊諸言辭法
而說頌言

第二爾時普賢下偈頌中二先說儀意有
十句初四句說儀後六觀其所說然多同
前念請果德難思餘如前辨

一一毛孔中微塵數刹海悉有如來坐皆具
菩薩衆一一毛孔中無量諸刹海佛處菩提
座如是徧法界一一毛孔中一切刹塵佛菩
薩衆圍繞爲說普賢行佛坐一國土充滿十
方界無量菩薩雲咸來集其所億刹微塵數
菩薩功德海俱從會中起徧滿十方界悉住

普賢行皆遊法界海普現一切刹等入諸佛
會安坐一切刹聽聞一切法一一國土中億
劫修諸行菩薩所修行普明法海行入於大
願海住佛境界地了達普賢行出生諸佛法
具佛功德海廣現神通事身雲等塵數充徧
一切刹普雨甘露法令衆住佛道

二正偈中頌十法句而開合不次初偈頌
初句二頌第三三頌第二四頌第四五頌
第五其六七二頌同頌第六八頌第九句
九却合頌第七八句十頌第十文並可知
爾時世尊欲令諸菩薩安住如來師子嘖申
廣大三昧故

大文第八爾時世尊下毫光示益分令尋
智光爲能證故文中四初毫光普示二時
逝多林下依光見法三其有見者下顯見

證因緣四是故皆得下明其得益今初有

四一標光意

從眉間白毫相放大光明其光名普照三世法界門

二從眉間下主光體用表即法界中道無漏正智方能證前所現之法界故三世是相相即法界法界體用互為其門又通皆為門若見法界之性相即入三昧之體用故

以不可說佛刹微塵數光明而為眷屬

三以不可下光攝眷屬差別之智能入法界故

普照十方一切世界海諸佛國土

四普照下明光分齊

時逝多林菩薩大衆

第二依光見法中二先明此衆普見後如

此會下類通十方前中亦二先能見人通

新舊衆

悉見一切盡法界虛空界一切佛刹一一微塵中各有一切佛刹微塵數諸佛國土種種

各種種色種種清淨種種住處種種形相如

是一切諸國土中皆有大菩薩坐於道場師

子座上成等正覺菩薩大衆前後圍繞諸世

間主而為供養

後悉見下明見法亦二先見此會徧法界

之塵刹

或見於不可說佛刹量大衆會中出妙音聲

充滿法界轉正法輪

後或見於不可說下多類攝化徧周法界

於中分三初明廣大會徧

或見在天宮殿龍宮殿夜叉宮殿乾闥婆阿
修羅迦樓羅緊那羅摩睺羅伽人非人等諸
宮殿中或在人間村邑聚落王都大處

二或見在天宮下明徧處不同並在前塵
刹之內

現種種姓種種名種種身種種相種種光明
住種種威儀入種種三昧現種種神變或時
自以種種言音或令種種諸菩薩等在於種
種大衆會中種種言辭說種種法

三現種種姓下別彰所現亦通答前諸所

念請故云種種

如此會中菩薩大衆見於如是諸佛如來甚
深三昧大神通力

第二類顯十方則十方衆會同見於中二
先舉此顯彼

如是盡法界虛空界東西南北四維上下一
切方海中依於衆生心想而住始從前際至
今現在一切國土身一切衆生身一切虛空
道其中一一毛端量處一一各有微塵數刹
種種業起次第而住悉有道場菩薩衆會皆
亦如是見佛神力不壞三世不壞世間於一
切衆生心中現其影像隨一切衆生心樂出
妙言音普入一切衆會中普現一切衆生前
色相有別智慧無異隨其所應開示佛法教
化調伏一切衆生未曾休息

後如是盡下以彼類此於中亦二先舉能
見分齊謂彼十方微細大會並同此會之
見後皆亦如是下明其所見自在謂雖廣
現而不壞本相故

其有見此佛神力者皆是毗盧遮那如來於

往昔時善根攝受或昔曾以四攝所攝或是見聞憶念親近之所成熟或是往昔教其令發阿耨多羅三藐三菩提心或是往昔於諸佛所同種善根或是過去以一切智善巧方便教化成熟

第三明見證卷九因緣謂頓爾證見非無宿因七然成前爲見因順下爲證因皆是如來所攝受故可知

是故皆得入於如來不可思議甚深三昧盡法界虛空界大神通力或入法身或入色身或入往昔所成就行或入圓滿諸波羅蜜或入莊嚴清淨行輪或入菩薩諸地或入成正覺力或入佛所住三昧無差別大神變或入如來力無畏智或入佛無礙辯才海

第四明其得益中二初明因見得法二爾

時諸菩薩下荷恩與供前中二先略明後廣顯前中三一明所入初句爲總言是故者是前宿因之故或入下別列十門以顯無盡

彼諸菩薩以種種解種種道種種門種種入種種理趣種種隨順種種智慧種種助道種種方便種種三昧

二彼諸菩薩下顯前能入亦列十門一解者鑒達分明種種不同如發心品二道謂一道二道乃至無量正道三門謂無常門夢境界門等四入謂所證差別五理趣謂意旨不同六機法萬差並皆隨順餘四可知即此能入亦是所益即此能入亦是所益者此有兩重能所一遮那光是其能益得解等十即是所益二此解三昧等是其能入法身色身等即是所入不因佛光不得能入不得能入安得所入故能所入皆是成益也

入如是等十不可說佛刹微塵數佛神變海方便門

三入如是等下結其所入謂用前解等入前法身等前略列十實有不可說塵數等云何種種三昧所謂普莊嚴法界三昧普照一切三世無礙境界三昧法界無差別智光明三昧入如來境界不動轉三昧普照無邊虛空三昧入如來力三昧佛無畏勇猛奮迅莊嚴三昧一切法界旋轉藏三昧如月普現一切法界以無礙音大開演三昧普清淨法光明三昧無礙繒法王幢三昧一一境界中悉見一切諸佛海三昧於一切世間悉現身三昧入如來無差別身境界三昧隨一切世間轉大悲藏三昧知一切法無有跡三昧知一切法究竟寂滅三昧雖無所得而能變化

普現世間三昧普入一切刹三昧莊嚴一切佛刹成正覺三昧觀一切世間主色相差別三昧觀一切衆生境界無障礙三昧能出生一切如來母三昧能修行入一切佛海功德道三昧一一境界中出現神變盡未來際三昧入一切如來本事海三昧盡未來際護持一切如來種性三昧以決定解力令現在十方一切佛刹海皆清淨三昧一念中普照一切佛所住三昧入一切境界無礙際三昧令一切世界爲一佛刹三昧出一切佛變化身

起九

九

三昧知一切法性相三昧一念普知三世法三昧念念中普現法界身三昧以師子勇猛智知一切如來出興次第三昧於一切法境界慧眼圓滿三昧勇猛趣向十力三昧放一切功德圓滿光明普照世間三昧不動藏

三昧知一切法性相三昧一念普知三世法
三昧念念中普現法界身三昧以師子勇猛
智知一切如來出興次第三昧於一切法界
境界慧眼圓滿三昧勇猛趣向十力三昧放
一切功德圓滿光明普照世間三昧不動藏
三昧說一法普入一切法三昧於一法以一
切言音差別訓釋三昧演說一切佛無二法
三昧知三世無礙際三昧知一切劫無差別
三昧入十力微細方便三昧於一切劫成就
一切菩薩行不斷絕三昧十方普現身三昧
於法界自在成正覺三昧生一切安隱受三
昧出一切莊嚴具莊嚴虛空界三昧念念中
出等衆生數變化身雲三昧如來淨空月光
明三昧常見一切如來住虛空三昧開示一
切佛莊嚴三昧照明一切法義燈三昧照十

力境界三昧三世一切佛幢相三昧一切佛
一密藏三昧念念中所作皆究竟三昧無盡
福德藏三昧見無邊佛境界三昧堅住一切
法三昧現一切如來變化悉令知見三昧念
念中佛日常出現三昧一日中悉知三世所
有法三昧普音演說一切法性寂滅三昧見
一切佛自在力三昧法界開敷蓮華三昧觀
諸法如虛空無住處三昧十方海普入一方
三昧入一切法界無源底三昧一切法海三
昧以寂靜身放一切光明三昧一念中現一
切神通大願三昧一切時一切處成正覺三
昧以一莊嚴入一切法界三昧普現一切諸
佛身三昧知一切衆生廣大殊勝神通智三
昧一念中其身徧法界三昧現一乘淨法界
三昧入普門法界示現大莊嚴三昧住持一

切佛法輪三昧以一切法門莊嚴一法門三昧以因陀羅網願行攝一切衆生界三昧分別一切世界門三昧乘蓮華自在遊步三昧知一切衆生種種差別神通智三昧令其身恒現一切衆生前三昧知一切衆生差別音聲言辭海三昧知一切衆生差別智神通三昧大悲平等藏三昧一切佛入如來際三昧觀察一切如來解脫處師子嚧申三昧

三云何下廣明得法先廣能入後其諸菩薩皆悉下廣其所入前中但廣三昧一門

例餘九句文中三初句徵起次所謂下別列一百一門皆從業用受名並以法性真如爲三昧本隨一一事皆能契實正受現前故於中前百一門別別業用後一總相同果初言普莊嚴法界三昧者入此三昧

能令法界普妙嚴飾故斯即嚧申現淨土之一義下諸三昧皆是嚧申大用別義故以多別入佛之總諸門別義說者隨宜後師子嚧申者若不總相分同無以能究佛境故

菩薩以如是等不可說佛刹微塵數三昧入毗盧遮那如來念念充滿一切法界三昧神變海

三菩薩如是下總結能所上略列百門如前之例有多塵數方能入佛神變之海三昧既爾解等九門亦然文略不結二廣所入中二先別列後其諸菩薩具如是下總結前中有其十德廣前十門別句而小不次總句即前三昧結中總句即前三昧結中有十一句初一是總今不別廣即前三昧結中是廣上總上總云是故皆得入於如

來不可思議甚深三昧盡法界虛空界大神通力今廣中三昧結云菩薩以如是等不可說佛刹微塵數三昧入毘盧遮那如來念念充滿一切法界三昧神變海是故三昧結即前總句此下但廣前別十句耳而言不次者此一即前六二即前五三即前四即前九五即前一六即前三七即前二八即前十九即前八十即前七文並可知

其諸菩薩皆悉具足大智神通明利自在住於諸地以廣大智普觀一切從諸智慧種性而生一切智智常現在前得離癡翳清淨智眼

一智位高深德即前諸地

為諸衆生作調御師住佛平等於一切法無有分別了達境界知諸世間性皆寂滅無有依處普詣一切諸佛國土而無所著悉能觀察一切諸法而無所住徧入一切妙法宮殿而無所來教化調伏一切世間普為衆生現

安隱處

慧

三

二為諸衆生下調生無染德即三輪嚴淨智慧解脫為其所行恆以智身住離貪際超諸有海示真實際智光圓滿普見諸法住於三昧堅固不動於諸衆生恒起大悲知諸法門悉皆如幻一切衆生悉皆如夢一切如來悉皆如影一切言音悉皆如響一切諸法悉皆如化善能積集殊勝行願智慧圓滿清淨善巧心極寂靜善入一切總持境界具三昧力勇猛無怯獲明智眼住法界際到一切法無所得處修習無涯智慧大海到智波羅蜜究竟彼岸為般若波羅蜜之所攝持以神通波羅蜜普入世間依三昧波羅蜜得心自在三智慧解脫下成滿諸度德以不顛倒智知一切義以巧分別智開示法

藏以現了智訓釋文辭以大願力說法無盡以無所畏大師子吼常樂觀察無依處法以淨法眼普觀一切以淨智月照世成壞以智慧光照真實諦福德智慧如金剛山一切譬喻所不能及善觀諸法慧根增長勇猛精進

起九

三

摧伏眾魔無量智慧威光熾盛其身超出一切世間得一切法無礙智慧善能悟解盡無盡際住於普際入真實際無相觀智常現在前

四以不顛倒下智力無畏德雖有四辯意

在於智

善巧成就諸菩薩行以無二智知諸境界普見一切世間諸趣徧往一切諸佛國土智燈圓滿於一切法無諸闡障放淨法光照十方界為諸世間真實福田若見若聞所願皆滿

福德高大超諸世間勇猛無畏摧諸外道演微妙音徧一切刹

五善巧下成就昔行德

普見諸佛心無厭足於佛法身已得自在隨所應化而為現身一身充滿一切佛刹

六普見諸佛下法身圓滿德

已得自在清淨神通乘大智舟所往無礙智慧圓滿周徧法界譬如日出普照世間隨眾生心現其色像知諸眾生根性欲樂入一切法無諍境界知諸法性無生無起能令小大

自在相入

七已得自在下色身自在德

決了佛地甚深之趣以無盡句說甚深義於一句中演說一切修多羅海獲大智慧陀羅尼身凡所受持永無忘失一念能憶無量劫

事一念悉知三世一切諸衆生智恒以一切
陀羅尼門演說無邊諸佛法海常轉不退清
淨法輪令諸衆生皆生智慧

八決了下辯才自在德

得佛境界智慧光明入於善見甚深三昧入

一切法無障礙際於一切法勝智自在一切

境界清淨莊嚴普入十方一切法界隨其方
所靡不咸至

九得佛境界下三昧神變德

一一塵中現成正覺於無色性現一切色以

一切方普入一方

十一一塵中下成等正覺德

其諸菩薩具如是等無邊福智功德之藏常
爲諸佛之所稱歎種種言辭說其功德不能
令盡靡不咸在逝多林中深入如來功德大

海悉見於佛光明所照

第二總結可知

爾時諸菩薩得不思議正法光明心大歡喜
各於其身及以樓閣諸莊嚴具并其所坐師
子之座徧逝多林一切物中化現種種大莊
嚴雲充滿一切十方法界所謂於念念中放
大光明雲充滿十方悉能開悟一切衆生出
一切摩尼寶鈴雲充滿十方出微妙音稱揚
讚歎三世諸佛一切功德出一切音樂雲充
滿十方音中演說一切衆生諸業果報出一
切菩薩種種願行色相雲充滿十方說諸菩
薩所有大願出一切如來自在變化雲充滿
十方演出一切諸佛如來語言音聲出一切
菩薩相好莊嚴身雲充滿十方說諸如來於
一切國土出與次第出三世如來道場雲充

滿十方現一切如來成等正覺功德莊嚴出一切龍王雲充滿十方雨一切諸香出一切世主身雲充滿十方演說普賢菩薩之行出一切寶莊嚴清淨佛刹雲充滿十方現一切如來轉正法輪是諸菩薩以得不思議法光明故法應如是出與此等不可說佛刹微塵數大神變莊嚴雲

第二荷恩興供中三初總次所謂下別後是諸菩薩下結結其所因由得前十種德故

爾時文殊師利菩薩承佛神力欲重宣此逝多林中諸神變事觀察十方而說頌言

大文第九爾時文殊下文殊述德分文殊主智故光後述德光本令證三昧智本爲顯法界尋智得理故述歎林中又前普賢

門以行顯理此則以解顯理解行無二方能入故通明即以文殊權實無二之大智普賢體用之理行此二無二共顯如來三昧之果德文中二先述意

汝應觀此逝多林以佛威神廣無際一切莊嚴皆示現十方法界悉充滿

十方一切諸國土無邊品類大莊嚴於其座等境界中色像分明皆顯現

二正頌頌中十三偈通讚一會三種世間自在之用分之爲六初二總歎初一普徧

後一廣容

卷九

六

從諸佛子毛孔出種種莊嚴寶燄雲及發如來微妙音徧滿十方一切刹

次一偈讚衆生世間即通前諸來及向得益菩薩興供之事

寶樹華中現妙身其身色相等梵王從禪定起而遊步進止威儀恒寂靜

如來一一毛孔內常現難思變化身皆如普賢大菩薩種種諸相爲嚴好

次二偈讚依正互在初偈依中有正後偈

正中有正

逝多林上虛空界所有莊嚴發妙音普說三世諸菩薩成就一切功德海

逝多林中諸寶樹亦出無量妙音聲演說一切諸羣生種種業海各差別

林中所有衆境界悉現三世諸如來一一皆起大神通十方刹海微塵數

四三偈述上林空

十方所有諸國土一切刹海微塵數悉入如來毛孔中次第莊嚴皆現觀

所有莊嚴皆現佛數等衆生徧世間一一咸起九放大光明種種隨宜化羣品

香燄衆華及寶藏一切莊嚴殊妙雲靡不廣大等虛空徧滿十方諸國土

五有三偈迷於正覺依正無盡

十方三世一切佛所有莊嚴妙道場於此園林境界中一一色像皆明現

一切普賢諸佛子百千劫海莊嚴刹其數無量等衆生莫不於此林中見

六末後二偈總顯普收

爾時彼諸菩薩以佛三昧光明照故即時得入如是三昧一一皆得不可說佛刹微塵數大悲門利益安樂一切衆生

大文第十爾時彼諸下無涯大用分開必得益益必利生於中二先總顯用因謂由

佛三昧得前三昧成此悲門故能有用

於其身上——毛孔皆出不可說佛刹微塵
數光明——光明皆化現不可說佛刹微塵
數菩薩其身形相如世諸主普現一切衆生
之前周匝徧滿十方方法界種種方便教化調
伏

後於其身下依體起用中二初別明毛孔
世主化後佛子此逝多林下通顯分身多
類化今初分二一總明

或現不可說佛刹微塵數諸天宮殿無常門
或現不可說佛刹微塵數一切衆生受生門
或現不可說佛刹微塵數一切菩薩修行門
或現不可說佛刹微塵數夢境門或現不可
說佛刹微塵數菩薩大願門或現不可說佛
刹微塵數震動世界門或現不可說佛刹微

塵數分別世界門或現不可說佛刹微塵數
現生世界門

二或現下別顯於中四一明能化法二以
如是等下所化處三以平等大悲下能化
心四或有見已下明所化益今初總有二
十五門分二初八門雜明欣厭等門化

或現不可說佛刹微塵數檀波羅蜜門或現
不可說佛刹微塵數一切如來修諸功德種
種苦行尸波羅蜜門或現不可說佛刹微塵
數割截支體羸提波羅蜜門或現不可說佛
刹微塵數勤修毗梨耶波羅蜜門或現不可
說佛刹微塵數一切菩薩修諸三昧禪定解
脫門或現不可說佛刹微塵數佛道圓滿智
光明門

餘門明十度門化於中前六門各一度可

知

或現不可說佛刹微塵數勤求佛法爲一文
一句故捨無數身命門或現不可說佛刹微
塵數親近一切佛諮問一切法心無疲厭門
或現不可說佛刹微塵數隨諸衆生時節欲
樂往詣其所方便成熟令住一切智海光明
門

次三門明方便度

或現不可說佛刹微塵數降伏衆魔制諸外
道顯現菩薩福智力門

次降魔一門是力度

或現不可說佛刹微塵數知一切工巧明智
門或現不可說佛刹微塵數知一切衆生差
別明智門或現不可說佛刹微塵數知一切
法差別明智門或現不可說佛刹微塵數知

一切衆生心樂差別明智門或現不可說佛
刹微塵數知一切衆生根行煩惱習氣明智
門或現不可說佛刹微塵數知一切衆生種
種業明智門或現不可說佛刹微塵數開悟
一切衆生門

餘七門皆智度前欣厭中已明於願故此
略無

以如是等不可說佛刹微塵數方便門往詣
一切衆生住處而成熟之所謂或往天宮或
往龍宮或往夜叉乾闥婆阿修羅迦樓羅緊
那羅摩睺羅伽宮或往梵王宮或往人王宮
或往閻羅王宮或往畜生餓鬼地獄之所住
處

第二化處中二先結前生後後所謂下別
明所在

以平等大悲平等大願平等智慧平等方便
攝諸衆生或有見已而調伏者或有聞已而
調伏者或有憶念而調伏者或聞音聲而調
伏者或聞名號而調伏者或見圓光而調伏
者或見光網而調伏者隨諸衆生心之所樂
皆詣其所令其獲益

第三化心及第四化益文並可知

佛子此逝多林一切菩薩爲欲成熟諸衆生
故或時現處種種嚴飾諸宮殿中或時示現
住自樓閣寶師子座道場衆會所共圍繞周
徧十方皆令得見然亦不離此逝多林如來
之所

第二通顯多類化中二先明住處化異結
不離逝多林者明不動而普徧繁興而恒
靜末不離本故下文殊遊行亦不離於本

會本末事理非即離故

佛子此諸菩薩或時示現無量化身雲或現
其身獨一無侶所謂或現沙門身或現婆羅
門身或現苦行身或現充盛身或現醫王身
或現商主身或現淨命身或現妓樂身或現
奉事諸天身或現工巧技術身往詣一切村
營城邑王都聚落諸衆生所隨其所應以種
種形相種種威儀種種音聲種種言論種種
住處於一切世間猶如帝網行菩薩行或說
一切世間工巧事業或說一切智慧照世明
燈或說一切衆生業力所莊嚴或說十方國
土建立諸乘位或說智燈所照一切法境界
教化成就一切衆生而亦不離此逝多林如
來之所

二佛子此諸下明現身化異於中五一能

化身異有十二種初二總餘十別此中多
 同善財所見故知善財諸友即此會之菩
 薩二往詣下化處異三隨其下化類異四
 或說下化法異五教化下總結末不離本
 上來本會竟

故知善財諸友即此會之菩薩者如獨一無侶即德雲等

二沙門即海雲善在等三婆羅門即最勝寂靜等四苦行即勝熱等五充盛即善見休捨等六賢王即普眼彌伽等七商主即無上勝等八淨命亦婆羅門義當不動具足等八妓樂者義當婆須等九奉事天身即大天等十工巧伎術即自在主童子等故告同也

大方廣佛華嚴經疏鈔會本第六十一之一

音釋

嘖 昆賓切 奮 奮方問切 迅 迅息聃切 緇 疾陵切 駢 於計切
 怯 去劫切 摧 昨回切 鈴 力膺回切 鐘 似鐘 羸 羸提
畏懦也 挫也 而小曰鈴 羸提
梵語也此云忍 練力彥切 精熟也

大方廣佛華嚴經疏鈔會本第六十二之二 起十

唐于闐國三藏沙門實叉難陀 譯

唐清涼山大華嚴寺沙門澄觀撰述

大文第二末會起亦即一部流通略啓十

門一總顯會意二會數開合三會主多少

起十

四定會名義五二位統收六五相分別七

圓攝始終八會主類別九法界事義十隨

文解釋

今初夫圓滿教海攝法無遺漸頓該羅本

末交映人法融會貴在弘通故非頓無以

顯圓非漸無以階進非本無以垂末非末

無以顯本非人無以證法非法無以成人

故前明不異漸之頓多門而衆人同契此

明不異頓之漸一人而歷位圓修前則不

異末之本雖卷而恒舒此即不異本之末

雖舒而恒卷本末無礙同入法界今託人
進修以執後徒使大教弘通即斯本意頓
下釋前標有三對今疏釋有二一出三對
之由若無頓證法界豈顯此經圓妙若無
善財漸進衆生如何趣入若無本會佛為
其主何有未會皆得成經若無末會善財
成益豈顯本會頓證之實然此一對語出
肇公維摩注序彼以不思議中以分本末
云此經所明統萬行則以權智為主樹德
本則以六度為根濟衆感則以慈悲為首
語宗極則以不二為言凡此衆說皆不思
議之本也至若借座燈王請飯香土手接
大千室包乾象不思議也然幽闇難登
聖應本同非本無以垂迹非迹無以顯本
本迹雖殊不思議一也今但借其言不取
其義自以二會為本末耳非人無以證法
者法無廢興弘之由人故非法無以成人
者不證性原豈名菩薩故中論云以法知
有人以人知有法離法何有人離人何有
法故前明不異漸之頓下第二明該羅等
義三對為三二明漸頓該羅一互不異即
該羅義其多門而衆人同契即不異漸之
頓相也上不壞多門入法身等十種別故
即是頓義或一人證多相而圓修故不異
頓也一人歷位即是漸相而圓修故不異
頓也前即不異末之本等者明本末交映
也雖卷而恒舒即不異末之本相也卷謂
不離祇圓而恒舒者羅身雲於法界也言

雖舒而卷者謂雖羅形於法界而未動足
於祇園是不異本之未也本末無礙下結
第二門今託人進修下三釋人法融會也
語則不似前二但似結成今會意亦具矣
謂託人修進者人融法也使大教弘通法
成人也言即斯本意語則正結第三意則
通結上三成 二會數開合者若約所攝
總顯會意 之機唯有三會一比丘二諸乘人三善財

會若約能所通辨有五十五會善財自有

五十三故雖人有五十四文殊一人四會

說故德生有德同一間答徧友無答不成

會故若以徧友承前指後得名會者善財

則有五十四會是以唯就能化不足定會

若約主伴成百一十會至下當辨若約散

說則佛刹塵數會尚順三乘若約普賢德

則無盡會如普賢結通處說

二諸乘人會者即初至福城東會也若約能所下明通於中三一標數就第三會開五十三成五十五雖人有五十四下次釋成上義言五十四者善財初過文殊從德雲至瞿波有四十人寄於

三賢十聖摩耶已下天主光等有十一人
已五十二及彌勒普賢故五十四舉此五
十四者乃成會違一向都望人五十四兼
比丘諸乘二會則合有五六會若望善
財並見五十四人即合自有五十四會何
以惟五十三故下釋云文殊一人四會說
故故雖五十四人有五十五會若爾一人
四會即五十四中加三成五十七何言五
十五故次下云德生有德同一會故又減
其一遍友不成會減其一人亦五十五若

取遍友成一會故善財有五十六兼前五
十六為遍友不成主伴但標五十五耳若
約主伴下開成百一十下有五十五若
人當兩故故前案定為五十五若約散說
下三約 三會主多少若以人尅定唯五十
教結成 四若以會顯人則五十七文殊分四故或

刹塵數或無盡無盡思之

三會數多少如開合應自知

之 四定會名義者此下諸會雖無佛說以

本收末亦得名經謂文殊濫觴出此會故

諸友皆本會得益菩薩不離而周故若爾

下文善財應收歸重閣何乃見在菩提場
耶以菩提為諸會本故所為既終攝末歸

本況諸眾會不動覺場

四定會名義者謂無佛說而稱經會

者以本統末故言濫者濫泛也勝杯也謂江出岷山初出之源但可泛一杯而已所出雖少源在於此故雖千里萬里而云江出岷山故雖散在諸方而云經會若爾下解妨

可知五二位統收者此中諸會不出文殊普賢略有二門一相對明表二互融顯圓

今初略明三對一以能所相對普賢表所

依法界即在纏如來藏故理趣般若云一

切眾生皆如來藏普賢菩薩自體徧故初

會即入藏身三昧故文殊表能信之心故

佛名經說一切諸佛皆因文殊而發心故

善財始見發大心故二以解行相對普賢

表所起萬行上下諸經皆說普賢行故文

殊表能起之解通解理事故慈氏云汝見

善友皆文殊力等故三以理智相對普賢

即所證法界善財入身故又云得究竟三

世平等身故普賢身相如虛空故文殊即

能證大智本所事佛名不動智故見後文

殊方見普賢故又理開體用智分因果二

互融顯圓者亦二先以二門各自圓融謂

解由前信方離邪見信解真正成極智故

依體起行行必稱體由行證理理行不殊

故隨一證即一切證二以二聖法門互融

謂始信必信於理故能所不二稱解起行

行解不二智與理冥則理智無二是以文

殊三事融通隱隱即是普賢三事涉入重

重由此故能入遮那嚩申之境故前本會

明二聖開顯序分之中標為上首餘如別

說五二位統收者別有三聖圓融觀大意此已盡矣但普賢所信所證雖是一理

約生約佛位分染淨異故分之成二又理

開體用等者此即三聖觀中會歸經題理

用周遍故智分因果為佛華嚴佛是果智

華即因故先以二門各自圓融者初融文
 殊信解智三後依體起行下後融普賢所
 信及行并所證三是以文殊三事下總結
 上三雖開兩段義有三重一二三事各
 自圓融二二聖三事各對圓融三總融二
 聖謂初三事既自圓融次以三事各對圓
 融故其六法但成一味而言文殊三事融
 通隱隱者信智圓融不壞相故普賢三事
 涉入重重者以理融事事不泯故若二不
 一成毗盧遮那則文殊是華嚴普賢是六
 方廣真合為佛為佛已竟更無二味六分
 故故前本會下引文證成非情見故
 五相者若意法師及臺山論但隨文散釋
 更無別配光統等師皆配地位二皆有理
 謂隨一一位具多法門豈容凡心不得習
 求善反之法故不配有理然無次位中不
 礙次位顯位是常規配亦無失橫豎無礙
 且依古德配為五相謂初四十一人名寄
 位修行相寄四十一人依人求解顯修行
 故二從摩耶下九會十一人明會緣入實
 相即會前住等成普別兩行契證法界故

初得幻智後得幻住該於中間如幻之緣
 入一實故三慈氏一人名攝德成因相會
 前二門之德並為證入之因故故法門名
 三世不忘念則攝法無遺四後文殊名智
 照無二相謂行圓究竟朗悟在懷照前行

等唯一圓智更無前後明昧等殊五普賢
 一人名顯因廣大相始覺同本圓覺現前
 稱周法界無不包含故其後四相亦得稱
 為寄位前三義同等覺故摩耶慈氏並入
 重玄門文殊表菩薩地盡心無初相普賢
 義同妙覺纔見普賢便等佛故今從別義
 且為五相此五亦是菩薩五種行相一高
 行二大行三勝行四深行五廣行
 照前行
 圓智者行即寄位修行等取次二四其後
 四相下此立別理則不壞相依五相中三
 一寄位修行今從下二且為五相都歸前
 釋三此五下別義料揀言五行者一歷位

上昇故云高行二同入一實故為大行三
具上高大成補處因故名勝行四般若絕
相故稱為深五一
一稱性故云廣也
七圓攝始終者上寄法
顯異布之前後據寶圓融一位即一切位
乃至無盡故所歷差別並一中之多一多
同時無有障礙

八法界人類於中有二先明類別謂知識
雖多不出二十類一菩薩二比丘三尼四
八法界人類於中有二先明類別謂知識
雖多不出二十類一菩薩二比丘三尼四
優婆塞五優婆夷六童男七童女八天九
天女十外道十一婆羅門十二長者十三
先生十四醫人十五船師十六國王十七
仙人十八佛母十九佛妃二十諸神二顯
義相有四一約果攝化並是如來海印所
異不出菩薩五生所收一息苦生如良醫

等二隨類生如外道等三勝生如善見比
丘等四增上生如無厭足王等五最後生
如慈氏等通即前四各具五生可知於中
菩薩有六三處現身一初文殊信位劣故
唯顯一人二中間漸進現於二人謂大悲

正趣三位後成滿顯於三人謂彌勒等不
二十類者此二十類攝五十四人一菩薩
有五一文殊二觀自在三正趣四彌勒五
普賢二比丘攝五三德雲二海雲三善住
四海幢五善見三尼唯一即師子頰申四
優婆塞唯一即明智居士五優婆夷攝五
一休捨二具足三不動四婆須蜜五賢聖
六童男攝三一自在主二善知眾藝三德
七童女攝二一慈行二有德八天唯一
即大九天女亦一即天主光十外道亦
一即是遍行十一婆羅門攝二一勝熱二
最寂靜十二長者攝九一解脫二法寶誓
三普眼四優鉢羅華五無上勝六轉瑟脛
羅七堅固解脫八妙月九無勝軍十三先
生唯一即遍友十四聖人亦一即彌伽十
五船師婆施羅十六國王攝二一無厭足
二大光十七仙人唯一謂毗目瞿沙十八
佛母唯摩耶夫人十九佛妃唯瞿波二十
諸神攝其十一安住地神二婆珊婆演底

夜神三普德淨光夜神四喜目觀察夜神
 五普救衆生妙德夜神六寂靜音海夜神
 七守護一切城增長威力夜神八開敷一
 切樹華夜神九大願精進力救護一切衆
 生夜神十嵐毗尼林神即圓滿光故二十
 類攝五十四四約相辨異不出菩薩五生
 者即瑜伽四十八品中辨一息苦生亦名
 除災如爲大魚等即世救苦海中救苦
 等二隨類者一切類故三勝生亦名大勢
 生謂形色族姓富貴等四增上生從初地
 至十地爲諸王等五最後生即最後身善
 薩舍小不同者意將彼義攝此友故攝論
 第六明勝生亦名最勝生謂諸世間安樂
 生處應知此是說法功德通即前四各具
 五生者向就第四約相有五今通於前果
 因及義亦各具五於中菩薩有六者即就
 最後而辨異也等九法界事義者通下諸
 取文殊及普賢也

爾時文殊師利童子從善住樓閣出

表悲

現相四表義五言說六義理七業用八說
 往因九結自分十推勝進此十門法界同
 一緣起互融無礙

三現相者如大天等四表義者如山表位如海

十隨文釋依五相中今當第一寄位修行
 相分五初文殊一人寄十信信未成位故
 但一人餘四十人寄十住等位各有十謂
 二從德雲至慈行寄十住位三善見至徧
 行寄十行四鬻香長者至安住地神寄十
 向五婆珊夜神至瞿波寄十地今初信中
 分二先明能化發起二爾時尊者舍利弗
 下成彼化事前中分三初標主出閣二與
 無量下別明伴從三文殊下總顯出儀今
 初文殊菩薩本是童子而前列菩薩此彰
 童子者表剗入佛法故亦顯非童真行不
 能入故權實相依悲智無住名善住閣從
 此利生爲出非離此矣
 與無量同行菩薩及常隨侍衛諸金剛神普
 爲衆生供養諸佛諸身衆神又發堅誓願常

隨從諸足行神樂聞妙法主地神常修大悲
 主水神智光照耀主火神摩尼為冠主風神
 明練十方一切儀式主方神專勤除滅無明
 黑闇主夜神一心匪懈闡明佛日主晝神莊
 嚴法界一切虛空主空神普度眾生超諸有
 海主海神常勤積集趣一切智助道善根高
 大如山主山神常勤守護一切眾生菩提心
 城主城神常勤守護一切智智無上法城諸
 大龍王常勤守護一切眾生諸夜叉王常令
 眾生增長歡喜乾闥婆王常勤除滅諸餓鬼
 趣鳩槃荼王恒願拔濟一切眾生出諸有海
 迦樓羅王願得成就諸如來身高出世間阿
 修羅王見佛歡喜曲躬恭敬摩睺羅伽王常
 厭生死恒樂見佛諸大天王尊重於佛讚歎
 供養諸大梵王

二伴從中初一同生餘皆異生並約通稱
 表法之名以明般若導萬行故隨一一類
 各有衆多故云諸足行等或缺諸言蓋文
 略耳餘如初會
 文殊師利與如是等功德莊嚴諸菩薩衆出
 自住處來詣佛所右繞世尊經無量而以諸
 供具種種供養供養畢已辭退南行往於人
 間
 三總顯出儀中前約無住化生名善住閻
 出今約依自利而利他云出自住處又前
 依佛法界流此依自所證出二文影略九又
依佛法界流者
約表說法也
 爾時尊者舍利弗承佛神力見文殊師利菩
 薩與諸菩薩衆會莊嚴出逝多林徃於南方
 遊行人間作如是念我今當與文殊師利俱

往南方

第二成彼化事中通有三會一比丘會顯
迴小入大故二諸乘人會顯通收諸權入
一實故三善財會顯純一乘機一生成辦
故又前二會表居信未久尚不定故善財

信終可入證故今初有二一明助化攝機

二正明化益今初小乘之智亦助大故文
中亦二先明觀緣與念

時尊者舍利弗與六千比丘前後圍繞出自
住處來詣佛所頂禮佛足具白世尊世尊聽
許右繞三匝辭退而去往文殊師利所

二時尊者下攝眾同遊於中亦二先總辨
攝儀捨小趣大爲出自住處向文殊所

此六千比丘是舍利弗自所同住出家未久
所謂海覺比丘善生比丘福光比丘大童子

比丘電生比丘淨行比丘天德比丘君慧比
丘梵勝比丘寂慧比丘如是等其數六千悉
曾供養無量諸佛深植善根解力廣大信眼
明徹其心寬博觀佛境界了法本性饒益眾
生常樂勤求諸佛功德皆是文殊師利說法
教化之所成就

後此六千下別明所化於中三初指數辨
位比丘義如常六千者表六根性淨可入
法界故自所同住者同居權小故同住法
界故出家未久者未證實際易可迴故信

心尚微須誘化故二所謂下列名三悉曾
下歎德文有十句初二歎宿因次七明現
德後一結德屬緣既皆約大乘以歎明本
大器託迹比丘顯收諸類非小乘矣結屬
文殊今成其善非無因矣

比丘義如常者
古有五義一曰

佛魔初出家時魔宮動故二言乞士下從居士乞食以資身上從諸佛乞法以練神故三名淨戒持戒漸入僧數應持戒故四云淨命既受戒已所起三業以無貪故不依於貪邪活命故五曰破惡漸依聖道滅煩惱故新云苾芻苾芻芻草名具五德故

爾時尊者舍利弗在行道中觀諸比丘告海

覺言海覺汝可觀察文殊師利菩薩清淨之

身相好莊嚴一切天人莫能思議汝可觀察

文殊師利圓光映徹令無量眾生發歡喜心

汝可觀察文殊師利光網莊嚴除滅眾生無

量苦惱汝可觀察文殊師利眾會具足皆是

菩薩往昔善根之所攝受汝可觀察文殊師

利所行之路左右八步平坦莊嚴汝可觀察

文殊師利所住之處周迴十方常有道場隨

逐而轉汝可觀察文殊師利所行之路具足

無量福德莊嚴左右兩邊有大伏藏種種珍

寶自然而出汝可觀察文殊師利曾供養佛

善根所流一切樹間出莊嚴藏汝可觀察文殊師利諸世間主兩供具雲頂禮恭敬以為供養汝可觀察文殊師利十方一切諸佛如來將說法時悉放眉間白毫相光來照其身從頂上入

第二爾時尊者舍利下正明化益於中二

先以身儀攝益則令根熟起欲二爾時文

殊告諸下語業攝益正授法門前中四一

示勝境二得勝益三詣勝人四蒙勝攝今

初有三初標告二海覺汝可下正教觀察

有十勝德一身相勝二常光勝三放光勝

四眾會勝五行路勝表常依八正故六住

處勝舉足下足無非道場隨心轉故七福

嚴勝常觀空有二邊心地之下具如來藏

恒沙萬德無心志照任運寂知而顯現故

八林樹勝樹立萬行嚴法體故九自在勝
於我無我得不二解自在主中為最尊故
十上攝勝此有二意一約事心常上攝諸
佛法故二約表諸佛顯揚皆依般若究竟
至於一切智故

於我無我得不二解等者即釋經諸世間主兩供具雲等以主即自在義既我無我不二方為自在此即淨名迦旃延章五非常義前三地已引即於我無我而不二是無我義無我法中有真我故二約表者文殊表般若若無般若不能說故究竟下又表所說雖復千差究竟至於一切種智故放光還入智頂後句即法華意

爾時尊者舍利弗為諸比丘稱揚讚歎開示
演說文殊師利童子有如是等無量功德具
足莊嚴

三爾時下結略顯廣可知

彼諸比丘聞是說已心意清淨信解堅固喜
不自持舉身踊躍形體柔軟諸根悅豫憂苦

悉除垢障咸盡常見諸佛深求正法具菩薩
根得菩薩力大悲大願皆自出生入於諸度
甚深境界十方佛海常現在前於一切智深
生信樂

二彼諸比丘下得勝益中上既勸觀義兼
修觀益相可知

即白尊者舍利弗言唯願大師將引我等往
詣於彼勝人之所時舍利弗即與俱行至其
所已白言仁者此諸比丘願得奉觀

三即白尊者下明詣勝人可知

爾時文殊師利童子無量自在菩薩圍繞并
其大眾如象王迴觀諸比丘

四爾時文殊下蒙勝攝於中二先示攝相
以迴觀法器故如象王迴者身首俱轉無
輕舉故

時諸比丘頂禮其足合掌恭敬作如是言我
 今奉見恭敬禮拜及餘所有一切善根唯願
 仁者文殊師利和尚舍利弗世尊釋迦牟尼
 皆悉證知如仁所有如是色身如是音聲如
 是相好如是自在願我一切悉當具得

後時諸比丘下設敬與願為後正說之由

爾時文殊師利菩薩告諸比丘言比丘若善
 男子善女人成就十種趣大乘法則能速入
 如來之地況菩薩地何者為十所謂積集一
 切善根心無疲厭見一切佛承事供養心無
 疲厭求一切佛法心無疲厭行一切波羅蜜
 心無疲厭成就一切菩薩三昧心無疲厭次
 第八一切三世心無疲厭普嚴淨十方佛刹
 心無疲厭教化調伏一切眾生心無疲厭於
 一切刹一切劫中成就菩薩行心無疲厭為

成就一眾生故修行一切佛刹微塵數波羅
 蜜成就如來十力如是次第為成熟一切眾
 生界成就如來一切力心無疲厭

第二語業攝益中二先受自分法後爾時
 文殊下受勝進法前中亦二先受法後時
 諸比丘下得益前中三初舉益標告二何
 者下別示行法皆言無疲厭者法門無盡
 眾生無邊取相而修多生疲厭厭則退墮
 二乘若無愛見而修則無疲矣無疲則佛
 果非遠況我身耶十句攝為五對一內因
 外緣二求法成行三深定妙智智入三世
 故四嚴刹調生五長時廣大廣大亦勝進
 修也若無愛見而修則無疲矣助淨名問疾品意前文已引
 比丘若善男子善女人成就深信發此十種
 無疲厭心則能長養一切善根捨離一切諸

生死趣超過一切世間種性不墮聲聞辟支佛地生一切如來家具一切菩薩願學習一切如來功德修行一切菩薩諸行得如來力摧伏衆魔及諸外道亦能除滅一切煩惱入菩薩地近如來地

三比丘若善男子下舉益勸修中亦為五對一長善離生二超凡越小三生家具業

四習果修因五摧邪入證

時諸比丘聞此法已則得三昧名無礙眼見一切佛境界得此三昧故悉見十方無量無邊一切世界諸佛如來及其所有道場衆會亦悉見彼十方世界一切諸趣所有衆生亦悉見彼一切世界種種差別亦悉見彼一切世界所有微塵亦悉見彼諸世界中一切衆生所住宮殿以種種寶而為莊嚴及亦聞彼

起十

十四

諸佛如來種種言音演說諸法文辭訓釋悉皆解了亦能觀察彼世界中一切衆生諸根心欲亦能憶念彼世界中一切衆生前後十生亦能憶念彼世界中過去未來各十劫事亦能憶念彼諸如來十本生事十成正覺十轉法輪十種神通十種說法十種教誡十種辯才

第二得益中二先別明一定後又即成下

通顯多門前中亦二先明所得定體言無

礙者略有三義一能見離障故二所見無

擁故故云見一切佛境三一具多用故雖

具此能而無見相故名三昧二得此三昧

下別明定用有四一正明天眼用二及亦

聞下天耳用三亦能觀下他心用四亦能

憶下宿住用一眼具斯四用故稱無礙眼

等正是上
第三義

又即成就十千菩提心十千三昧十千波羅
密悉皆清淨得大智慧圓滿光明得菩薩十
神通柔輒微妙住菩薩心堅固不動

二通顯多門者上一定之用既爾多門無

盡例然此顯圓教攝機創立大心乃得十
地之後十通之用以始攝終故如發心功
德品等辨

爾時文殊師利菩薩勸諸比丘住普賢行住
普賢行已入大願海入大願海已成就大願
海以成就大願海故心清淨心清淨故身清
淨身清淨故身輕利身清淨輕利故得大神
通無有退轉得此神通故不離文殊師利足
下普於十方一切佛所悉現其身具足成就
一切佛法

第二受勝進法中亦二先教勸上但明大
心無疲今令廣住行願進趣普修後以成
就下明展轉獲益 上來初會竟

大方廣佛華嚴經疏鈔會本第六十一之二

音釋

栢音回切音 岷音民蜀山名 嵐音藍火風也 鬻音欲賣也

大方廣佛華嚴經疏鈔會本第六十二之一 翦一

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時文殊師利菩薩勸諸比丘發阿耨多羅

三藐三菩提心已

第一

第二爾時文殊師利菩薩勸諸下諸乘人

會中四一結前所作二漸次下明至化處

三時文殊下顯所說法四說此經下明所

益衆

漸次南行經歷人間至福城東住莊嚴幢娑

羅林中往昔諸佛會所止住教化衆生大塔

廟處亦是世尊於往昔時修菩薩行能捨無

量難捨之處是故此林名稱普聞無量佛刹

此處常爲天龍夜叉乾闥婆阿脩羅迦樓羅

緊那羅摩睺羅伽人與非人之所供養

就化處中其城居人多有福德故曰福城

城表防非東爲羣方之首亦啓明之初表

順福分善入道初故又表福智入位本故

娑羅林者此云高遠以林木森聳故表當

起萬行莊嚴摧伏故大塔廟者即歸宗之

所日照三藏云此城在南天竺城東大塔

是古佛之塔佛在世時已有此塔三藏親

到其所其塔極大東面鼓樂供養西面不

聞於今現在此處居人多唱善財歌辭此

城內人並有解脫分善根堪爲道器此表

所依法界本覺真性諸佛同依故云往昔

諸佛會所止住等

表順福分善者十信爲

脫分善所修善根順趣解脫故四加行位

名順決擇分善順趣真實決擇分故決擇

時文殊師利與其眷屬到此處已即於其處

即見道義如十地今表十信故是順福

說普照法界修多羅百萬億那由他修多羅以為眷屬

三顯所說法名普照等者智用宏舒故云普照所照深廣稱為法界即入法界經也

說此經時於大海中有無量百千億諸龍而

來其所聞此法已深厭龍趣正求佛道咸捨

龍身生天人中一萬諸龍於阿耨多羅三藐

三菩提得不退轉

四所益眾中有二類別初明諸龍得三教

意故云正求佛道即住海水中堪受得聞

復有無量無數眾生於三乘中各得調伏

後復有下攝三乘機得眷屬教意故但云

復有眾生調伏不別演說故非別會

不別下以別定記開此諸乘人會為兩會謂三攝諸龍會四攝諸乘人會故今疏中遮其謬釋自此第三時福城人下攝善財會亦為十

門一趣求有異二修入眾殊三示方不同四見處差別五遣不遣別六歎不歎別七推不推別八結不結別九去不去別十正釋本文

今初有三句初文殊自往福城以機尚微

故未發心故大悲深故二德雲已去善財

往求機漸勝故已發心故顯重法故三末

後善賢知識不就善財不往顯法界位滿

無來去故

二修入眾殊唯初信內有三會四眾諸類

不同顯創修故表通收故住位已去善財

一身行別在已入位希故

唯初信內有三會者問此攝善財何以籠前二會答以通末會為五相故故初二會是十信收而善財中自具五相故初信位義兼前二故就此序三示方不同大位有三初地前知識多在南方地內無方地後兼二

然南者古有五義初一約事謂舉一例諸
 一方善友已自無量况於餘方餘四約表
 二者明義表捨闇向智故南方之明萬物
 相見聖人南面聽政蓋取於此三中義離
 邪僻東西二邊契中正之實故四生義南
 主其陽發生萬物表善財增長行故北主
 其陰顯是滅義故世尊涅槃金棺北首五
 隨順義背左向右即順義以西域土風
 城邑園宅皆悉東向故自東之南順日月
 轉顯於善財隨順教理故此五義中初一
 則通次一後二地前表之契中道義地後
 表之亦通地前正證離相地中不以南表
 地後顯於業用廣大不同地中後文殊有
 示無方表般若加行有行正證無二故普
 賢無方無示表法界普周故有人唯取隨

順一義非前諸釋謂正明之義出此方故

寧知西域南非明等況通方之說言旨多

合三示方不同此既有四一總辨類殊即

以山趣一人從東方來不言南故地內無

後無二者罷波指於摩耶但云此世界

有佛母即不云南摩耶指天光云此世

界三十三天天主先指遍友言迦毘羅城

賢聖云此摩竭提國有優婆夷此上五會

皆無南也賢聖指堅固解脫長者即云南

方有城名爲沃田彼有長者堅固指妙月

但云即此城中有一長者妙月指無勝軍

即云於此南方有城名出生彼有長者無

勝軍指最寂靜亦云於此城南有一聚落

名之爲法彼有婆羅門最寂靜指德生有

德亦云於此南方有城名妙意華門德生

指於慈氏亦云於此南方有同名海岸文

殊普賢二俱無方地後三相有十三會五

會南八會無南故云無二南方之明萬

物相見者即周易說卦中義易曰南者明
 也萬物皆相見而治蓋取於此北方主陰者
 聽天下嚮明而治蓋取於此北方主陰者
 亦周易說卦云坎者水也正北方之卦
 坎卦也萬物之所歸也世尊金棺下引內
 教證義如前引有人唯取下即苑公意於
 中有三一叙其所立故彼疏序云善財詢

友表隨順以南行二非前下叙其破古謂
 正明之義既出周易故是此方耳三寧知
 下今疏破之此有二意一則正斥其破既
 未尋西域內外典冊安知西方無正明義
 亦如今人相承皆云此方立於四時西方
 但明三際及見西域記彼亦立其四時但
 以正月十六為春首耳是以未能周覽無
 信凡情二况通方下為其立理小乘教說
 雖非我所制於餘方所不應行者亦不應
 行名曰隨方毘尼况於大乘况於華嚴通
 方之說一說一切說隨類
 隨方一時普應何但義求 四見處差別者
 三賢未證散在諸處地上證真生在佛家
 多居佛會地後起用亦散隨緣普賢因圓
 剋果還居佛所
 五遣不遣者初之文殊以在最初表內熏
 起信前更無遣見後文殊則般若照極自
 見普賢法界故亦無遣中間諸友顯緣起
 萬行相資圓滿故皆教遣以指後人亦顯
 諸友不獨已善離攝屬故
 六歎不歎者初文殊中未發心前所以不

歎勸發心已方乃歎之後二不歎表位滿
 故離心相故中間諸友皆應有歎其不歎
 者略有二緣一正在定故如海幢等二行
 非道故如勝熱無厭婆須蜜等歎違逆化
 故無此二緣不歎者略無此二緣不歎者
 畧者如休捨優婆
 夷及天主光
 後諸善知識 七推不推者諸位知識皆有
 謙已知一推勝知多唯初一後三缺斯二
 事為顯人尊德已備故而有遣者令增修
 無厭法門別故普賢不推佛者顯果海離
 修故佛屬本會故
 八結不結者唯普賢有結通十方塵刹顯
 位滿證理周故餘皆反此
 九去不去者末後二位無有辭去以文殊
 無身顯離相故普賢位極收盡法界故餘
 皆辭去學無常師成勝進故

時福城人聞文殊師利童子莊嚴幢娑羅林中塔廟處無量大衆從其城出來詣其所

十釋文者於攝善財十信行中文別有四一四部雲奔二三業調化三上根隨逐四

大聖重教今初分二先總明

時有優婆塞名曰大智與五百優婆塞眷屬俱所謂須達多優婆塞須達多優婆塞福德光優婆塞有名稱優婆塞施名稱優婆塞月德優婆塞善慧優婆塞大慧優婆塞賢護優婆塞賢勝優婆塞如是等五百優婆塞俱來詣文殊師利童子所頂禮其足右繞三匝退坐一面復有五百優婆夷所謂大慧優婆夷善光優婆夷妙身優婆夷可樂身優婆夷賢優婆夷賢德優婆夷賢光優婆夷幢光優

婆夷德光優婆夷善目優婆夷如是等五百優婆夷來詣文殊師利童子所頂禮其足右繞三匝退坐一面復有五百童子所謂善財童子善行童子善戒童子善威儀童子善勇猛童子善思童子善慧童子善覺童子善眼童子善臂童子善光童子如是等五百童子來詣文殊師利童子所頂禮其足右繞三匝退坐一面復有五百童女所謂善賢童女大智居士童女賢稱童女美顏童女堅慧童女賢德童女有德童女梵授童女德光童女善光童女如是等五百童女來詣文殊師利童子所頂禮其足右繞三匝退坐一面後時有下別顯別有四衆一優婆塞此云近事男謂親近比丘而承事故別名云婆須達多者此云善施或云財施餘可思準

二優婆夷此云近事女親近比丘尼而承

事故上二並由受五戒故立近事名三童

男四童女並可知而數皆五百者表五位

證入並通此故婆須達多者以此文中復有須達長者故釋此一棟

異初會精舍之主

第一

七

爾時文殊師利童子知福城人悉已來集隨

其心樂現自在身威光赫奕蔽諸大眾以自

在大慈令彼清涼以自在大悲起說法心以

自在智慧知其心樂以廣大辯才將為說法

第二爾時文殊下三業調化中二一身意

調機二爾時文殊師利菩薩如是觀下當

機授法前中亦二先總調大眾為授法方

便故云將說

復於是時觀察善財以何因緣而有其名

後復於下別觀善財知其不羣特迴聖眷

善財會名因此而立偏所為故於中二先
總標

如此童子初入胎時於其宅內自然而出七

寶樓閣其樓閣下有七伏藏於其藏上地自

開裂生七寶牙所謂金銀琉璃玻瓈真珠碑

磲碼碯善財童子處胎十月然後誕生形體

支分端正具足其七大藏縱廣高下各滿七

肘從地涌出光明照耀復於宅中自然而有

五百寶器種種諸物自然盈滿所謂金剛器

中盛一切香於香器中盛種種衣美玉器中

盛滿種種上味飲食摩尼器中盛滿種種殊

異珍寶金器盛銀器盛金銀器中盛滿

琉璃及摩尼寶玻瓈器中盛滿碑磲磔器

中盛滿玻瓈碼碯器中盛滿真珠真珠器中

盛滿碼碯火摩尼器中盛滿水摩尼水摩尼

器中盛滿火摩尼如是等五百寶器自然出
現又兩眾寶及諸財物一切庫藏悉令充滿
二知此下別顯別中二先觀外緣後觀內
因前中亦二先別明

以此事故父母親屬及善相師共呼此兒名

曰善財

後以此事下總結財多屬依善通依正財

現是其善相稱曰善財亦猶善現立稱財多

屬依者亦有法財故云多也

又知此童子已曾供養過去諸佛深種善根

信解廣大常樂親近諸善知識身語意業皆

無過失淨菩薩道求一切智成佛法器其心

清淨猶如虛空迥向菩提無所障礙

二又知此下觀內因者此亦稱善對上為

財又解心順理曰善積德無盡曰財文有

十句初一唯宿因信解已去皆通過現

爾時文殊師利菩薩如是觀察善財童子已

安慰開喻而為演說一切佛法

第二當機授法中三初結前標後二所謂

下別舉法門三爾時文殊師利童子為善

財下結說勸進

所謂說一切佛積集法說一切佛相續法說

一切佛次第法說一切佛眾會清淨法說一

切佛法輪化導法說一切佛色身相好法說

一切佛法身成就法說一切佛言辭辨才法

說一切佛光明照耀法說一切佛平等無二

法

就別舉中十句初二約佛因一積集萬行

二念念不斷次七約佛果於中前三妙用

攝生後四體用圓備第十句通因通果通

理通事

爾時文殊師利童子爲善財童子及諸大衆說此法已慇懃勸喻增長勢力令其歡喜發阿耨多羅三藐三菩提心又令憶念過去善根作是事已即於其處復爲衆生隨宜說法然後而去

三結說勸進中結前所說普及無偏指前因法勸令進修令發大心求前佛果令憶宿善使不自輕餘非此機隨宜更演

爾時善財童子從文殊師利所聞佛如是種種功德一心勤求阿耨多羅三藐三菩提隨文殊師利而說頌曰

第三爾時善財下上根隨逐同餐妙旨獨穎衆流重法隨師說偈求度文中二先總序說因二正陳偈頌今初由已發心故

此菩提心爲當何位善財童子爲聖爲凡古有多釋一云即地上菩薩言發心者證發心也一云是地前實報凡夫但有宿善信根現熟有云古不足依自引安住地神云此人已生法王種中斯文可定然自爲二解一謂智契法性生在佛家名法王種即已入地二謂據多聞熏習勝解真性成就佛種名生法王種中即三賢內種性菩薩然此師解依於前義不異初師依於後義未殊次解何足異焉又以此文爲證者則慈氏云一生淨菩薩行見普賢處等諸佛等復云何通無執一文自相矛盾賢首云應是善趣信行人依圓教宗有其三位一見聞位即是善財次前生身見聞如是普賢法故成解脫分善根如前歎德

中辨二是解行位頓修如此五位行法如

善財此生所成至普賢位是三證入生即

因位窮終沒同果海善財求生是也若爾

定是何位謂以在信是信位在住是住位

一身歷五位隨在即彼收以徧一切故如

普賢位此之一解甚順經宗但更有一理

謂歷位而修得見普賢一時頓具地獄天

子尚三重頓圓何以善財尅定初地等又

定初地言為是未見文殊前耶為是已見

普賢竟耶一生有增進耶始末定耶無得

管見以害經宗

自古不足依下次叙下古破昔自立然此師下三破

下古有二意一縱顯不異昔下古即判定記二又以此為證下奪破顯其引證難惡以違餘文故若爾下二叙昔成立於上三生之中措定今解行生是何位故先自問後以在下自答但更有下疏正其釋以向古釋復似違前故謂前定三生今生但是解行而非證入及至後釋即言寄地即是地位豈非證耶故今正之一時頓具即是

第三證入生故亦成漸頓得交微故地獄天子下疏引經文證成正義結彈判定

三有為城郭憍慢為垣牆諸趣為門戶愛水

為池壑愚癡闇所覆貪恚火熾然魔王作君

主童蒙依止住貪愛為徽纆諂誑為轡勒疑

惑蔽其眼趣入諸邪道慳嫉憍盈故入於三

惡處或墮諸趣中生老病死苦

二正陳偈辭三十四頌分二初四頌傷已

沈溺自勉不能後三十頌仰德依人請垂

拔濟前中亦二前二明依果起因長迷不

出故喻之以城後二明依因趣果生死無

窮故喻乘惡乘又初二迷於苦集後二失

於滅道今初文也三有悅情即起惑之處

愚迷三世即起惑之因魔王即起惑之緣

童蒙乃起惑之者餘皆所起之惑然三界

受生皆由著我起依我起高而難踰故六

趣門中出入不息餘可思準

餘皆所起之惑者上來初

釋第一句愚迷下釋第五句魔王下釋第七句童蒙下釋第八句今餘取二三四六句然三界下釋第二三句畧不釋四六二句四望於五五是發業之本四是潤業之愛六通發潤即六地中無明所覆愛水為潤我漫既灌生名色芽也言苦集者初三及八即是苦果餘五皆集畧無有中後二中業舍在魔王及後二偈行邪之中

初偈失正行邪道後偈入苦無涅槃微者

束也纏者索也又三股曰微四股為纏盈

者緩也懈也

失正行邪者由前無明而起行故又前三句即起業之惑

亦業俱之惑第四句即所起業後偈初句即覆業煩惱由於前二迷我所以對所而生四惑一於未得處而生論莊二於不可得處而生於嫉三於已得處便生慳

橋後之三過在覆業中疑惑弊眼即正能造業疑於有果無果不見未來故造惡業不見苦故造善業故下三惡即惡業來諸趣即通善業

妙智清淨日大悲圓滿輪能竭煩惱海願賜

少觀察妙智清淨月大慈無垢輪一切悉施

安願垂照察我一切法界王法寶為先導遊

空無所礙願垂教勅我福智大商主勇猛求
菩提普利諸羣生願垂守護我身被忍辱甲
手提智慧劍自在降魔軍願垂拔濟我住法
須彌頂定女常恭侍滅惑阿脩羅帝釋願觀
我

第二請拔濟中分三初十三偈讚人求法

次十五偈讚法求乘後二偈雙結人法前

中二初六偈對前苦集希垂拔濟後七偈

對失滅道真成行果皆上三句讚文殊德

偈各一德後一句正求運濟

第一

主

三有凡愚宅惑業地趣因仁者悉調伏如燈

示我道捨離諸惡趣清淨諸善道超諸世間

者示我解脫門世間顛倒執常樂我淨想智

眼悉能離開我解脫門善知邪正道分別心

無怯一切決了人示我菩提路住佛正見地

長佛功德樹兩佛妙法華示我菩提道去來
現在佛處處悉周徧如日出世間為我說其
道善知一切業深達諸乘行智慧決定人示
我摩訶行

就後七中初一總求其道次二求涅槃道

次二求菩提道後二求見道緣

願輪大悲轂信軸堅忍轄功德寶莊校令我

載此乘總持廣大箱慈愍莊嚴蓋辯才鈴震

響使我載此乘梵行為茵褥三昧為采女法

鼓震妙音願與我此乘四攝無盡藏功德莊

嚴寶慚愧為羈鞅願與我此乘

第二願輪下歎法求乘中亦對前惡乘以

求勝乘尚異二乘况馳驟三界况馳驟三界者書云

先奔安車夏殷步驟言其道不及前今以

一乘為安車安車牛車尚異二乘羊鹿豈
况三界於中分四初四求悲智定攝利他

乘初四頌求悲智定攝利他乘者總相釋

下四段皆明乘義今當別配初四即四攝然

願行相扶如輪致遠二一切佛法皆依大

悲猶如象輻以湊一轂三信心不退如軸

居心四堅忍不動如鎗貫定五諸功德寶

而為莊校即通五度末句結求可知第二

偈三義一總持攝法如箱攝物二慈愍覆

蔭如張德蓋三四辨演法如鳴鑿鈴第三

偈三義一梵行嚴潔如淨茵尊二三昧適

神如侍姝女三法音警物如擊鼓聲第四

偈三義一四攝蓋物無盡如藏二功德圓

淨如寶莊嚴三牛有羈鞅難

過引車人有慚愧拒惡崇善

常轉布施輪恒塗淨戒香忍辱牢莊嚴令我

載此乘禪定三昧箱智慧方便輓調伏不退

轉令我載此乘大願清淨輪總持堅固力智

慧所成就令我載此乘

次三求十度自行乘次三求十度自行乘

行首二輪為車本三戒能防非諸行皆淨

故如塗香三內忍貪嗔外忍違順則萬行

一禪能攝散如箱持物亦能空心如四度

箱中空為用二二度共為輓者般若觀

空方便涉有有方便慧解有慧方便解此

二相資共成一觀猶如一經二頭交徹可
以引行故於餘處名為父母具上三度謂
伏不退後傷三度一願令行滿故喻於輪
然初施輪是行之首此之願輪以導於行
故有二輪慈氏云如龍布密雲必當靈大
兩善薩發大願決定修諸行願相扶故
有二輪二即力度力有二種一思擇力故
有總持二修習力故有堅固如車堅固能
持是有力量三智度決斷無行不成如有
巧智令車成就故云閉門作車出門合轍

善行爲周校悲心作徐轉所向皆無怯令我
載此乘堅固如金剛善巧如幻化一切無障
礙令我載此乘廣大極清淨普與衆生樂虛
空法界等令我載此乘淨諸業惑輪斷諸流
轉苦摧魔及外道令我載此乘

次四求二利滅障乘次四求二利滅障乘
之行周而莊嚴一乘之體二悲不傷物故
云徐轉三上二無緣故所向無怯不畏衆
生難化萬行難修故次得三義一般若證
理如金剛堅斷迷理惑如金剛利二方便
善巧依根本成猶如幻化斷迷事惑如車
之巧三具斯二道二障皆亡云一切無礙
次偈即無緣慈與樂即慈普被稱廣大無
緣故淨如車中虛則無不載故虛空等法

界也後偈斷三雜染降魔
制外皆取二輪摧壞之義

智慧滿十方莊嚴徧法界普洽衆生願令我
載此乘清淨如虛空愛見悉除滅利益一切
衆令我載此乘願力速疾行定心安隱住普
運諸含識令我載此乘如地不傾動如水普
饒益如是運衆生令我載此乘

後四求運載廣大乘上四即同三賢十聖
皆文義多含可以意得後四求運載廣大
乘者初偈取車備
體莊嚴義二取中虛普益義三取安穩速
疾義四取不動普益義上四三賢等配文
顯甚

四攝圓滿輪總持清淨光如是智慧日願示
我今見已入法王位已著智王冠已繫妙法
繒願能慈顧我

後二偈雙結中初偈結法願見後偈結人
請攝

爾時文殊師利菩薩如象王迴觀善財童子作如是言善哉善哉善男子汝已發阿耨多羅三藐三菩提心復欲親近諸善知識問菩薩行修菩薩道善男子親近供養諸善知識是具一切智最初因緣是故於此勿生疲厭

第四爾時文殊師利菩薩如象王下大聖重教成其勝進之行文分四別一略讚略教二廣問廣答三指示後友四念恩辭退今初先讚一讚發心發心在前長行之中二讚近友問行在前偈內後善男子親近下教往近友云何近友是種智初因法無人弘雖慧莫了故下德生中廣顯其相涅槃二十云一切衆生得阿耨菩提近因緣者莫先善友乃至廣說以為全分等靡不有初鮮克有終歷事多時故宜勿懈法無人弘

雖慧莫了即暗用上經須彌頂上偈讚云譬如暗中寶無燈不可見佛法無人說雖慧莫能了疏涅槃二十者此是闍王尋路而來如來運歎經云爾時佛告諸大衆言一切衆生為阿耨多羅三藐三菩提近因緣者莫若善友何以故阿闍世王若不隨順者藝語者來月七日必定命終墮阿鼻獄是故近因莫若善友乃至廣說即涅槃二十六說第四功德謂親近善友廣引舍利弗等非是衆生真善知識我是衆生真

善知識廣引昔事見佛成蓋最後云常修惡業以見我故即便捨離如闍提比丘因見我故寧捨身命不毀禁戒如華繫比丘以是義故阿難比丘說半梵行名善知識我言不爾具足梵行乃名善知識是故菩薩修大涅槃具足第四親近善知識釋曰此言順於西域若順此方應言善知識是半梵行我言不爾善知識是全梵行故疏義引耳

大方廣佛華嚴經疏鈔會本第六十二之一

音釋

赫奕赫乎格切奕半益切赫奕盛大也 憍慢憍梁喬切恣切赫奕盛大也 微纏微許歸切繩也 轆勒轆莫北切索也 轆勒彼也 虛則切馬衙也勒穀古祿切車輻由轆勒六切

車軸也 轉胡委
 切 車軸頭也 羈
 於革切 車軛也 軛
 車軛也 革切 軛
 軛 軛
 軛 軛
 軛 軛
 軛 軛
 軛 軛
 軛 軛

大方廣佛華嚴經疏鈔會本第六十二之二 第二

唐千闍國三藏沙門實又難陀 譯

唐清涼山大華嚴寺沙門澄觀撰述

第二善財自言下廣問廣答中先問後答

今初有十一句望前偈中文有二勢一前

別此總謂於前悲智等別行總修學故二

前橫此豎悲智等行位位同修趣入圓滿

等從始至終故

善財自言唯願聖者廣爲我說菩薩應云何

學菩薩行應云何修菩薩行

就此諸句初二爲總故下諸友中多但舉

此謂若學解學行始修終修皆名修學唯

因圓無學果滿無修故又學攝於解修攝

於行二句已收解行盡故

應云何趣菩薩行應云何行菩薩行應云何

淨菩薩行應云何入菩薩行應云何成就菩
薩行應云何隨順菩薩行應云何憶念菩薩
行應云何增廣菩薩行應云何令普賢行速
得圓滿

餘九句別一始趣向二即事造修三治障
離過四達證分明五具足獲得六隨順人
法七長時無間八無餘修習九究竟圓滿
若豎配者謂十住解能趣故十行正行故
十向普賢悲願能淨障故初地始入如故
二三四地世出世行皆成就故五六七地
能隨世故八地無功無念無間斷故九地
知諸稠林廣利益故十地等覺方圓滿故
橫豎無礙是所問意

爾時文殊師利菩薩爲善財童子而說頌言
善哉功德藏能來至我所發起大悲心勤求

無上覺已發廣大願除滅衆生苦普爲諸世間修行菩薩行

二爾時文殊下答於中二先以偈頌別讚

別教後長行內總讚總教今初十偈分五

初二偈讚其發心於中初二句總讚次三

句指其發心之體即三種心謂悲以下救

智以上求大願爲主故慈氏云菩提心燈

大悲爲油大願爲炷光照法界後三句顯

發心意樂謂不求五欲及王位等但爲衆

生故

若有諸菩薩不厭生死苦則具普賢道一切無能壞

二有一偈略教謂若狀苦趣寂則大道不

具魔小所壞若能了生死之實息愛見之

疲則攝衆魔爲侍不溺實際之海故一切

莫壞則攝衆魔爲侍者即淨名問疾品又殊問言此室何以空無侍者廣答空

竟云又仁所問何無侍者一切衆魔及諸

外道皆吾侍也所以者何衆魔者樂生死

菩薩於生死而不捨外道者樂諸見菩薩

於諸見而不動釋曰此中但用攝魔耳言

不溺實際之海者對於小乘已見七地

福光福威力福處福淨海汝爲諸衆生願修

普賢行

三有一偈重讚其發心之德以爲物發心

福之勝故有智之福爲福光凡小不壞之

福爲威力能生衆福爲福處離障深廣爲

淨海

汝見無邊際十方一切佛皆悉聽聞法受持

不忘失汝於十方界普見無量佛成就諸願

海具足菩薩行若入方便海安住佛菩提能

隨導師學當成一切智汝徧一切刹微塵等

諸劫修行普賢行成就菩提道汝於無量刹

無邊諸劫海修行普賢行成滿諸大願

四有五偈廣教具答十一句問初偈答二
總句謂若見多佛聞法則能受學於解持
而修行次偈答次三句謂若趣向見佛成
就大願則能具行具則行淨次二句答入
與成就謂證入真空而不礙涉有了達妙
有而不迷於空是入方便若如是入即住
菩提何行不成次二句答隨順問若順佛
學是真隨順自然順於一切智法次一偈
答憶念謂剝塵諸劫相續修行斯為憶念
後一偈答後二句謂多時處修則增廣圓
滿大聖此中總教諸法顯十信中總相信
故下諸善友各別教示顯入位後別修證
故 大聖此中下
總顯文意
此無量衆生聞汝願歡喜皆發菩提意願學

普賢乘

五有一偈結益

爾時文殊師利菩薩說此頌已告善財童子
言善哉善哉善男子汝已發阿耨多羅三藐
三菩提心求菩薩行善男子若有衆生能發
阿耨多羅三藐三菩提心是事為難能發心
已求菩薩行倍更為難善男子若欲成就一
切智智應決定求真善知識善男子求善知
識勿生疲懈見善知識勿生厭足於善知識
所有教誨皆應隨順於善知識善巧方便勿
見過失

第二長行總讚總教中先讚但言發心已
舍前別義後善男子若欲下教謂但能求
友離過則前諸問皆圓於中先按定上令
求友不得猶豫言善知識者謂能令於未

知善法令知未識惡法令識或二字並通
 識約明解知約決了真為揀似然知識有
 五一知識世間善惡因果而令修斷二狀
 世樂而欣涅槃三有悲心相心修度四以
 無相慧令物修行五令無障礙修滿普賢

行此五前前非真真唯第五人能行此是

人善友若約法友教理行果皆善友也

人能
行此是人善友者然賢者有三義一者人
善知善就上列五節皆是人結云人能行
此即人善友二法善友彼有六位一人天
法二小乘法後四節四教法故今疏通云
敬理行果皆善友也三合辯者彼亦有六
謂於上六法各說一門而授機故疏意不

存第三第三
不異初門故後善男子求善知識下誠勸

隨順是勸餘皆為誠設有實過尚取法亡

非況權實多端生熟難測

設有實過尚取
法亡非者故什
公常說偈云譬如淤泥中而生青蓮華智
者取蓮華勿觀於淤泥即其事也況權實
多端者亦涅槃經第六四依品云如卷羅
果生熟難知謂內懷腐爛外現律儀此為

外熟內生內具深法外示毀禁之相為內
 熟外生是則以貌取人失之子羽又說有
 迦羅迦果鎮頭迦果二果相似迦羅迦果
 則惡藥人鎮頭迦果則好蓋人喻善友惡
 友外相相似故難知也其權實多端通於
 諸經委須勝熱無狀等逆行此為權實
 得為非故難測也詩云採葑採菲無以下
 體是以大賢緝德露疵舍光匿曜不可知
 也

善男子於此南方有一國土名為勝樂其國

有山名曰妙峯於彼山中有一比丘名曰德

雲汝可往問菩薩云何學菩薩行菩薩云何

修菩薩行乃至菩薩云何於普賢行疾得圓

滿德雲比丘當為汝說

第三善男子於此下指示後友於中二初

舉友依正後汝可往下勸往教問今初國

名勝樂者次下知識寄當初住勝過前位

是信所樂故山名妙峯者山有二義一寂

靜不動義二高出周覽義以況初住解心

創立依定發慧寂然不動智鑒無遺徹見
果原下觀萬類山以表之登此心頂便成
正覺故曰妙峯友名德雲者具德如雲雲
有四義一普徧二潤澤三陰覆四注雨以
四種德如次配之一定二福三悲四智然

此德義就事就表通皆具之而創出外凡

故以此丘為表教問可知然此義者就事

就表即約初往法
門亦具定等四義

爾時善財童子聞是語已歡喜踊躍頭頂禮
足繞無數而慙懃瞻仰悲泣流淚辭退南行

第四爾時善財下念恩辭退慶聞後友故前二

喜躍悵辭德音故悲淚下諸善友倣此可

知然後二段義雖屬後文屬前會

問大聖有智能演善財有機堪受何不頓
為宣示而別指他人歷事諸友明此深旨

略申十義一總相而明為於後學作軌範
故謂善財求法不懈善友說法無吝故二
顯行緣勝故謂真善友是全梵行如闍王
之遇耆域猶淨藏之化妙嚴等三破愚執
故謂令不師愚心虛已徧求故四破見慢
故謂令不觀種性不恥下問徧敬事故五
破徧空執故謂不唯無求無求之中吾故
求之六令即事即行寧可少聞便能證入
不在多聞而不證故七為破說法者攝屬
之心我徒我資彼此見故八為顯寄位漸
修入故若不推後則位中住無勝進故
九為顯佛法甚深廣故善友尚皆謙推凡
流豈當臆斷十顯善財與友成緣起故謂
能入所入無二相故無善友之外善財則
一即一切明善財歷位也無善財之外善

友故一切即一位成就皆在善財由是卷舒自在無礙上之十義初一通於師資

次五多約資說第七約師後三約教思之

可知謂善財求法不懈等者即暗用淨名

法中不盡有為之義經云何謂不盡有為

謂不離大慈不捨大悲深發一切智心而

不廢志教化眾生終不歇倦於四攝法常

念順行諛持正法不惜軀命種種善根無

有疲厭志常安住方便迴向求法不懈說

法無怯等今但要二句耳闍王之遇耆域

者已如向引猶淨藏之化妙嚴即法華經

妙莊嚴王本事品淨藏淨眼為王現變王

乃發心詣佛得益王自述云世尊善知識

者是大因緣所謂化導今得見佛發阿耨

多羅三藐三菩提心謂令不觀種種姓即善

薩戒不得觀法師種姓經云若佛子初始

發心未有所解而自恃聰明有智或恃高

貴年宿或恃大姓高門大解大福饒財七

多聞而於義不了
向勝樂國登妙峯山於其山上東西南北四維上下觀察求覓渴仰欲見德雲比丘經于七日見彼比丘在別山上徐步經行
大文第二向勝樂國下有十善友寄於十住即為十段然下諸善友古德科判從一至十雖皆有理今略存一二謂一依辯法師科為三分一聞名求覓是加行位二受其所說是正證法界三仰推勝進是後得位或分為五分一舉法勸修二依教趣入三見已請敬四正示法界五仰推勝進上二並約位科故取前段指示後友以屬後段方便以後友名屬後位故約義甚善而文小不便今依意公及五臺論約會科之分為六分而名小異一依教趣求二見敬

諮問三稱讚授法四謙已推勝五指示後

友六戀德禮辭而諸文多具其有增減至

文科判謂各一位故二依遠公分之為二

初親近善友後告示下聽聞正法其繫念

於中有四一聞善友二求善友三見善友

西請問法要就初聞善友中亦四一列國

名是通處二山等是別處三善友名四教

往詣二求善友於中有三初聞心中二先

足辭去三漸行訪友三見善友中二先

已發心明已有機二而未知等正問行法

三我聞等數德請說近善友竟二聞正法

於中有二先歎發心後正善友說法中

二初說證量法門後仰推等說教量法門

此段科文諸位多同少有不同者三辯法

師分為三分具如疏文就中有人云別說

有三一約人二約法三合辯初約人者於

中有三初聞名等為方便二正見人為法

界三問法等彰其勝德二就法中亦有法

者一言教為方便其德三人法合辯亦具三

說是現量此四即是開思修證也更開為
五於上第四現量之中開出自分勝進二
位師等分作六分一明求諸心行二明見
敬諒問三讚說已知以授善財四說已未
知五更示知者勸令往詣六辭退奉行若
依五臺論亦作此釋或有一師分之為七
於前六中第二之內先致敬後諮問法要
八或分為八於前七中第三之內先讚發
心後說已法九或分為九於上八中第五
段內先示已勤往後敬問數德十或分為
十於上九中第六段內先致敬後讚為上
十種科中前五約位科後五約科釋文並
通在今疏從其要當存其三釋取六釋文
而名小異者隨穩便故將抄中六對疏自
知就疏六中前之四段各可為二一中二
者初念前友教二趣求後友二一中二
見敬後諮問三二中二者先稱讚後授法四
中二者先謙已知一後推勝知多下別今
科多然後二不開還成十段以表無盡今
初發心住文具斯六初依教趣求中見心
陟位故曰登山智鑒位行為十方觀察情
懷得旨為欲見德雲七覺功道為經七日
忘所住位方為得旨故見在別山見則定
慧雙遊為經行徐步徐即是止不住亂想

故行即為觀不住靜心故若約事說即正
修習般舟三昧故今此正明初發心住者
如入空界慧住空性得

位不退故
名為住

見已往詣頂禮其足右繞三匝於前而住

二見已往詣下即見敬諮問於中四一設

敬儀重人法故

作如是言聖者我已先發阿耨多羅三藐三

菩提心

二作如是下申已發心明有法器故

而未知菩薩云何學菩薩行云何修菩薩行

乃至應云何於普賢行疾得圓滿

三而未知下正陳所問彰已未知請隨機

說故問中於前十一句舉初略後是經家

略若善財略友云何領若善財畧者初謂
經家之畧及觀新

譯普賢行願品梵本
亦具乃是譯人畧耳

我聞聖者善能誘誨唯願垂慈為我宣說云

何菩薩而得成就阿耨多羅三藐三菩提

四我聞聖者下歎德請說有智善能有悲

無吝故應為說誘謂誘喻即是教授以成

前解誨謂誨示即是教誠以成前行下皆

倣此前問但問因圓此中結期果滿即發

心所為

時德雲比丘告善財言善哉善哉善男子汝

已能發阿耨多羅三藐三菩提心復能請問

諸菩薩行如是之事難中之難

第三時德雲下稱讚授法即正入法界於

中二先讚器希有後正示法界今初先標

二難所以讚者令自寶固欣聞法故

所謂求菩薩行求菩薩境界求菩薩出離道

求菩薩清淨道求菩薩清淨廣大心求菩薩

成就神通求菩薩示現解脫門求菩薩示現
 世間所作業求菩薩隨順衆生心求菩薩生
 死涅槃門求菩薩觀察有爲無爲心無所著
 後所謂下別牒前問有十一句初句牒總
 餘十牒別文小開合而皆案次後所謂下
 別牒前問
者善財若不具問此云何
 牒故疏前云友云何領一境界即前趣
 菩薩行趣通能所境約所趣二即前前行
 則出故三即前淨四即前入入即不滯空
 有廣大心故五即成就六七及八皆前隨
 順其解脫門是能隨順示所作業即事業
 隨順順衆生心即逐機隨順此第八句亦
 是憶念念衆生故九即增廣謂不住涅槃
 是生死門不住生死即涅槃門以不住道
 即能增廣十即速滿普賢行若了爲無爲
 非一非異而無著者則速滿矣亦即爲滿

矣亦即爲滿者上釋由了爲無爲非一非
 異方能當滿今意云了非一異即已窮
 究故爲
 即滿
 善男子我得自在決定解力信眼清淨智光
 照耀

第二善男子我得下正示法界即念佛三
 昧於中二先示體相後普觀下明其勝用
 今初先標名後信眼下釋相今初自在有
 二義一觀境自在二作用自在決定亦二
 義一智決斷二信無猶豫解即勝解亦有
 二義一約爲信因於境忍可二爲作用因
 於境印持近處爲遠等信智相資他境不
 動故名爲力即三昧義二釋相中信眼清
 淨釋上解義謂欲修念佛三昧先當正信
 次以智決了今由勝解於境忍可故於實
 德能正信心淨了見分明故稱爲眼次智

光照耀釋上決定謂決斷名智智故決定
 故文殊般若明一行念佛三昧先明不動
 法界知真法界不應動搖即是此中決定
 解義然約寄位正是發心住體以本解性
 聞熏之力今開發故是決定解今由勝解於境忍可

者謂唯識解信云謂於實德能深忍樂欲
 心淨為性前已頻引今離用此言耳文殊
 般若明一行三昧等然文殊問及文殊說
 經今疏之所用即大部故又彼意云欲入
 總收彼二經皆入大部故又彼意云欲入
 一行三昧先親近般若若者聽聞諸受然
 後能入言一行者一法界行亦無一故又
 云法界一相繫緣法界不動法界也以本
 解性聞熏之力者淨行品已說十信滿心
 入此初住由信滿故明信決定住菩提心
 三心之中解心增故即是住體言開發者
 發心有二者發起通於十信二者開發
 在於初住亦如前釋又高齊六行和尚宗
 崇念佛四字教語謂信德二字不離於
 心稱敬兩字不離於口彼論云往生淨土
 要須有信信千即千生信萬即萬生信佛
 名字不離心口諸佛即救諸佛即護心常
 憶佛口常稱名身恒常敬始名深信任忘
 早晚終無暫住闍浮之法此策初心最為要也

普觀境界離一切障善巧觀察普眼明徹具
 清淨行

二明勝用中亦是展轉釋成於中二先約
 內用後往詣下明其外用今初普觀境界
 即信眼用亦釋眼義以如為佛則無境非

佛故云普觀又若報若化一時觀故以如

則無境非如者大品中答常啼云諸法如
 即是佛金剛云如來者即諸法如義既以
 如為佛一切法皆如也何法非佛耶又若
 報下然修念佛三昧多約漸修謂先為化
 身觀次報後法今則一時耳次離一切障釋清淨義若

沈若浮諸蓋諸取皆三昧障故諸蓋諸取者蓋即五

蓋取謂二取故上經云不見十力空如幻
 雖見非見如盲親分別取相不見佛究竟
 離著乃能見次善巧觀察釋智光照耀謂於無
 色相而觀色相為善巧觀後普眼下結成
 上義謂信眼普觀境界名為普眼窮如法
 界名曰明徹如是離障見如是謂具足清

淨一行三昧一行者一法界行故

往詣十方一切國土恭敬供養一切諸佛

二明外用者以前即用之體則以無心之

覺契唯如之境不動法界窮乎寂照之原

故能即體之用用無不窮亦由前勝解於

境印持隨心去住於中三初明不動而往

常念一切諸佛如來總持一切諸佛正法

二常念下不念而持

常見一切十方諸佛所謂見於東方一佛二

佛十佛百佛千佛百千佛億佛百億佛千億

佛百千億佛那由他億佛百那由他億佛千

那由他億佛百千那由他億佛乃至見無數

無量無邊無等不可數不可稱不可思不可

量不可說不可說不可說佛乃至見閻浮提

微塵數佛四天下微塵數佛千世界微塵數

佛二千世界微塵數佛三千世界微塵數佛

佛刹微塵數佛乃至不可說不可說佛刹微

塵數佛如東方南西北方四維上下亦復如

是

三常見下明不往而見於中三初標次所

謂下別顯所見數多於中三千即一佛刹

而重言佛刹微塵數者準梵本中脫十字

故應言十佛刹也

一一方中所有諸佛種種色相種種形貌種

種神通種種遊戲種種衆會莊嚴道場種種

光明無邊照耀種種國土種種壽命隨諸衆

生種種心樂示現種種成正覺門於大衆中

而師子吼

後一一方下明所見事別

善男子我唯得此憶念一切諸佛境界智慧

光明普見法門

第四善男子我唯下謙已推勝於中先謙
已知一即結其自分後豈能了下推勝知
多即增其勝進今初一切諸佛境界者結
其所觀橫通十方豎該三世故云一切即

上普觀境界一行三昧觀其法身十方諸
佛亦通報化種種色相兼相海故次智慧
光明者結其能觀即上智光照耀次普見
法門即總收前二以結其名即前普眼明
徹最初善友先明念佛法門者以是衆行
之先故智論云菩薩以般若波羅蜜為母
般舟三昧為父故依佛方成餘勝行故又
初住中緣佛發心樂供養故最初善友先
明念佛法門
下此明次第上問也五十五友法門不同
而初說者何耶從以是下答其先說之意
畧有二意在文可知若更進論有其十義
一如疏引智論二依佛方便能成勝行故

豈能了知諸大菩薩無邊智慧清淨行門

三功高易進以契物故四觀通淺深能過
攝故五消滅重障為勝緣故六雙兼人法
易加護故七十地菩薩皆念佛故八三寶
吉祥經初說故初此念佛海雲聽法善住
依僧為次第故九即心即佛為一境故十
為表初住緣佛發心樂供養故第十即疏
中第二
意也

二推勝中三先總次所謂下別後而我下

結今初無邊智慧即下諸門及所不說能

觀之智緣無邊境故清淨行者即下諸門

離障之心而言門者隨其一一入佛境故

今初下然其推勝畧有二意一通指諸苦

薩行如今總中但云菩薩無邊智慧等二

就其十一門但知少分如下別說二十一門

我推得十一等下諸善友多約後義疏釋該

諸德之意

所謂智光普照念佛門常見一切諸佛國土

種種宮殿悉嚴淨故令一切衆生念佛門隨

諸衆生心之所樂皆令見佛得清淨故令安

任力念佛門令入如來十力中故令安住法
念佛門見無量佛聽聞法故照耀諸方念佛
門悉見一切諸世界中等無差別諸佛海故
入不可見處念佛門悉見一切微細境中諸
佛自在神通事故住於諸劫念佛門一切劫

中常見如來諸所施爲無暫捨故住一切時
念佛門於一切時常見如來親近同住不捨
離故住一切剎念佛門一切國土咸見佛身
超過一切無與等故住一切世念佛門隨於
自心之所欲樂普見三世諸如來故住一切
境念佛門普於一切諸境界中見諸如來次
第現故住寂滅念佛門於一念中見一切剎
一切諸佛示涅槃故住遠離念佛門於一念
中見一切佛從其所住而出去故住廣大念
佛門心常觀察一一佛身充徧一切諸法界

故住微細念佛門於一毛端有不可說如來
出現悉至其所而承事故住莊嚴念佛門於
一念中見一切剎皆有諸佛成等正覺現神
變故住能事念佛門見一切佛出現世間放
智慧光轉法輪故住自在心念佛門知隨自
心所有欲樂一切諸佛現其像故住自業念
佛門知隨衆生所積集業現其影像令覺悟
故住神變念佛門見佛所坐廣大蓮華徧徧
法界而開敷故住虛空念佛門觀察如來所
有身雲莊嚴法界虛空界故

二別中有二十一門各先標名後釋相並
從業用以受其名準晉經一一皆云念佛
三昧門今略無三昧字理實應有古德判
此前十念佛勝德圓備後十一念佛妙用
自在亦是一理尅實細論一一皆念體用

無礙之佛又此諸門當文標釋已自可了
細窮其旨義乃多含

然其念佛三昧總相則一別即三身十身
修觀各別且寄三身釋者即總分爲三謂
念法報化爲觀各別於三身中各有依正

前二

十六

便成六觀謂念法性身土爲法身依正念
報身華藏等刹爲依十身相海等爲正念
餘淨土水鳥樹林爲化身依三十二相等
爲化身正又後二正中各分爲二謂念內
功德及外相好十力無畏等爲化身德如
不思議法品爲報身德三十二等爲化相
好十蓮華藏等爲報相好則成八門而初
法身二門爲後六門之體若體相無礙成
第九門若融前諸門爲一致故於一細處
見佛無盡如是重重成帝網之境則入普

賢念佛三昧之門今此二十一門通是後
一而隨相異故有多門與前十門互有開
合一智光普照門即通法身報化依正以
此門爲總故一切諸佛通於橫豎通諸佛
國故云種種嚴淨如無量壽觀經先觀瑩
徹瑠璃之地瓊林寶樹及作華藏觀者一
一境界無盡莊嚴無土之土方爲真淨等
二即觀色相身令見得淨故而標名中念
佛門三字既是通名令一切衆生之言未
知今作何事故準晉經應云令一切衆生
遠離顛倒念佛門義方圓備三念內德四
亦內德無倒說授菩薩見佛本爲得法故
五通三身依正內德外相以十方諸如來
同共一法身故一心一智慧力無畏亦然
故皆能隨本誓願化衆生故餘等可思即

此亦是一行三昧隨念一佛等一切故六
即第九事理無礙觀以理融事故隨一細
境見多神通唯智眼境名不可見七八皆
約時並通諸身土而七約所念佛事無斷
八約能念時分無間九雙念依正亦通報

化十念即應而真過去諸佛安住不涅槃
際未來諸佛亦已現成故文殊般若云今
佛住世則一切諸佛皆住以同一不思議
故又約隨相門即欲念何佛佛便爲現十
一亦即體之用由了無非佛境故境境佛
現十二念應十三亦念應然上十一境中
見佛或謂諸佛住於境中今明知諸佛無
住故遠離時處之想則見一日念念而去
十四念報身相好眼耳等皆徧法界故十
五中念即體之用前第六微細顯依中有

正此約正中有正故不濫前十六念劫圓第十七
融故上二皆即體之用十七念內德十八
十九皆念色相二十念依二十一通內外
真應等一切身雲如上出現品及上下文
然上就所念辨異成其十門若與經文互

開合者爲門非一二十一者蓋略說耳然
約能念心不出五種一緣境念佛門念真
念應若正若依設但稱名亦是境故故上
諸門多是此門二攝境唯心念佛門即十
八十九二門十八即總相唯心是佛第十八
是心作佛故十九雖隨我心心業多種見
佛優劣故三心境俱泯門即前遠離念佛
門及不可見門之一分及如虛空四心境
無礙門即如初門雙照事理存泯無礙故
云普照五重重無盡門即稱前第十門而

觀察故如微細等門亦是此中總意然念約

下第三約能念收束然古人已有五門云

一稱名往生念佛門二觀像滅罪念佛門

三攝境唯心心佛門四心境無礙念佛門

五緣起圓通念佛門此之五門初二名局

又但稱名亦闕念義第五一門名則盡善

及其釋義但事理無礙故今改之故初一

門兼攝前二此中第五方是若約十身各

性起圓通事無礙義故若約十身各

以二門而為一身後一總顯謂願智法力

持意生化威勢善提及福德相好莊嚴身

以念佛之門諸教攸讚理致深遠世多共

行故略解釋無厭繁說若約十身下即第

二門者初二即願身初門願生兜率天宮

後門願周法界三四二門即智身前門十

力智後門了法智五六二門即法身前門

法普周一切等無差別後門體不可見不

妨大用七八二門即力持身前門持令多

劫後門持令常見九十二門意生身前門

隨意生剎後門隨意世十一二兩門化

身前門化周諸境後門化故示滅十三四

二門即威勢身前門無住後門普周皆威

勢故十五六二門即菩提身前門一毛多

佛成菩提後門一念通剎成菩提十七八

二門福德身前門放光演法後門隨樂現

形十九二十二門即相好莊嚴身前門應
化相好後門華嚴剎中相好第二十一門
該於十身故等空法界亦與
離世間十佛相當並如前會

而我云何能知能說彼功德行

三結可知

善男子南方有國名曰海門彼有比丘名為

海雲汝往彼問菩薩云何學菩薩行修菩薩

道

第五善男子南方下指示後友於中二初

正示善友後歎友勝德今初即治地住善

友海門國者彼國正當南海口故表觀心

海深廣為治心地之門故比丘海雲者觀

海為法門以普眼法雲潤一切故表治地

中觀生起十種心深廣悲雲故

海雲比丘能分別說發起廣大善根因緣善

男子海雲比丘當令汝入廣大助道位當令

汝生廣大善根力當為汝說發菩提心因當
令汝生廣大乘光明當令汝修廣大波羅蜜
當令汝入廣大諸行海當令汝滿廣大誓願
輪當令汝淨廣大莊嚴門當令汝生廣大慈
悲力

後海雲比丘下歎友勝德於中十句先一
總歎後善男子下九句別就益當機歎句
各一義即預指後說初一即見竟得益二
即聞化宿因三即歎發心處四即聞彼受
持處五六及七皆普眼法門所證八聞依
正莊嚴九即顯發心之相至文自見
時善財童子禮德雲比丘足右繞觀察辭退
而去

第六爾時善財下戀德禮辭生難遭想故
戀喜見後友故辭

大方廣佛華嚴經疏鈔會本第六十二之二

音釋

葑 方中切音 淤 依據切水
葑 葑菜名 淤 中堅地

大方廣佛華嚴經疏鈔會本第六十二之三 翦三

唐于闐國三藏沙門實叉難陀 譯

唐清涼山大華嚴寺沙門澄觀撰述

第二海雲比丘寄治地住善友 第二海雲寄治地住

甜常隨空心淨治八萬四千法門清淨潔白治心地故

翦三

文亦有六第一依教趣求中二初依教正

觀此明溫故後漸次下趣求後友意欲知

新又前即學而能思後即思而能學然思

前猶屬前文謂上來近友次聞正法今辨

正念思惟及如說修行即涅槃四近因緣

今以前義屬後進趣後義屬前指來互為

鉤鎖顯主伴交參且從會判屬於後耳下

皆準此 初依教中其文有二皆外典中意

一論語云溫故而知新可以為師矣二又前即學下亦論語云學而不思則罔思而不學則怠息謂疲怠罔謂罔然無所得也今並反上故學而能思思而能學然思前下第二對前釋即涅槃經意於中

有二先正立理義合屬前以涅槃四事是涅槃近因謂一親近善友二聽聞正法三繫念思惟四如說修行故知後二即屬前二此即遠公分為二意也今以前義下第二明今疏將後二屬後會意謂思修二門即前會之義今為後會進趣故故教趣求言後義屬前友指來者即是前會指示後友後友依正等台屬後會由前友指來故屬前會名為鉤鎖所指是主能指是伴又思修屬前此約位判今從會判故屬後也

爾時善財童子一心思惟善知識教正念觀

察智慧光明門正念觀察菩薩解脫門正念

觀察菩薩三昧門正念觀察菩薩大海門正

念觀察諸佛現前門正念觀察諸佛方所門

正念觀察諸佛軌則門正念觀察諸佛等虛

空界門正念觀察諸佛出現次第門正念觀

察諸佛所入方便門

今念前中有十一句初總餘別別中皆云

正念觀察者不沈不舉寂照雙流故十中

一即是前觀境自在二即前作用解脫三

即一行三昧體及推勝中諸三昧門四念
前種種衆會五即前見佛六即前十方七
即壽命神通等八即通觀佛徧九即種種
成正覺十即隨種種衆生心樂

漸次南行至海門國

後趣求可知

向海雲比丘所頂禮其足右繞畢於前合掌
作如是言聖者我已先發阿耨多羅三藐三
菩提心欲入一切無上智海而未知菩薩云
何能捨世俗家生如來家云何能度生死海
入佛智海云何能離凡夫地入如來地云何
能斷生死流入菩薩行流云何能破生死輪
成菩薩願輪云何能滅魔境界顯佛境界云
何能竭愛欲海長大悲海云何能閉衆難惡
趣門開諸大涅槃門云何能出三界城入一

切智城云何能棄捨一切玩好之物悉以饒
益一切衆生

第二向海雲下見敬諮問於中三初設敬
次自陳發心可知後而未知下諮問法要
於中言願輪者願窮三際無有終始故對

生死以立輪名餘文自顯

時海雲比丘告善財言善男子汝已發阿耨
多羅三藐三菩提心耶善財言唯我已先發
阿耨多羅三藐三菩提心

第三時海雲下讚示法界於中二先讚法

器後正授法前中三先本問以發心者難

故若不發心不堪授法非法器故次善財

下答非虛妄故

海雲言善男子若諸衆生不種善根則不能
發阿耨多羅三藐三菩提心要得普門善根

類三

二

光明具真實道三昧智光出生種種廣大福
 海長白淨法無有懈怠事善知識不生疲厭
 不顧身命無所藏積等心如地無有高下性
 常慈愍一切眾生於諸有趣專念不捨恒樂
 觀察如來境界如是乃能發菩提心

後海雲言善男子若諸下正讚於中二先
 讚因緣難具故發者為希後發菩提心者
 下顯發心相勝故發者難得今初先反讚
 後要得下順讚事友為緣餘皆是因通有
 十句初句為總即宿植普賢法門成種性
 故二具真下別初得真如三昧智光名具
 真實道此即了心寂照生佛德故餘可知
 發菩提心者所謂發大悲心普救一切眾生
 故發大慈心等祐一切世間故發安樂心令
 一切眾生滅諸苦故發饒益心令一切眾生

離惡法故發哀愍心有怖畏者咸守護故發
 無礙心捨離一切諸障礙故發廣大心一切
 法界咸徧滿故發無邊心等虚空界無不徃
 故發寬博心悉見一切諸如來故發清淨心
 於三世法智無違故發智慧心普入一切智
 慧海故

二顯發心相中有十一句前五即大慈悲
 心初二總餘三別次四深心修行大願盡
 空界故後二直心不違法性證果智故又
 此十心多同治地自分十心恐繁不會又

十心者彼十心者所謂利益心大悲心安
 樂心安住心憐愍心攝受心守護心同已
 心師心導師心今此一即大悲二即利益
 三即安樂四安住心離惡法住善法故五
 即憐愍六即守護今離礙故七即同已遍
 法界故八即攝受法界虚空皆徃攝故九
 即師心見諸佛故十
 即導師入種智故

善男子我住此海門園十有二年常以大海

為其境界所謂思惟大海廣大無量思惟大海甚深難測思惟大海漸次深廣思惟大海無量衆寶奇妙莊嚴思惟大海積無量水思惟大海水色不同不可思議思惟大海無量衆生之所住處思惟大海容受種種大身衆生思惟大海能受大雲所雨之雨思惟大海無增無減

第二善男子我住下正授法要謂觀法海觀佛聞法次前念佛而明此者顯聞法弘傳次為要故

次前念佛下
生起次第

於中二先明修觀後善男子我作是下觀成利益前中二先託事顯詮二善男子我思惟下欲忘詮求旨今初先總標言十二年者一紀已周表過十千劫已入第二住故亦表總觀菩薩十二住十二入故後所

謂下別顯皆託事表法智海十義如十地

說今是悲海一紀已周者十二年為一紀
周十二辰故過十千劫者十

信滿十千劫入正定故十二住已見十住

品智海十義如一地說者海有十德表十

地故言今是悲海者故此十德與十地小

異取稱法故即前十種悲心一即利益心

測故三即安樂始於世樂種種與故四即

安住謂惡行衆生令住善行故即是衆寶

五憐愍心悉包納故六攝受心種種外道

攝令正信如水多色同在故七守護心

已發心者皆守護故是為無量衆生依住

八同已心謂攝菩提大願衆生如已身有

為大身故九即師心謂於大乘道習進道

者推之如師師必諾受大法雨故十導師

心謂具功德者敬之如佛故湛無增減以

斯十悲對斯十喻有如符契故上歎十心

即是法說今此海喻喻前十心稱復相當

善男子我思惟時復作是念世間之中頗有廣博過此海不頗有無量過此海不頗有甚深過此海不頗有殊特過此海不

二忘詮求旨為見佛親因可知

二忘詮求旨為見佛親因可知
親因者此中唯有四句一廣二多三深四勝初二即前第一開出三即第二四即第

六一海衆色故為殊特餘之六句不出深廣故但舉四又每六句餘處容有故勝此四顯其奇特問說於前何名忘註離前十相更求過此即忘詮求旨意也由此忘求故得見佛

吾男子我作是念時此海之下有大蓮華忽然出現以無能勝因陀羅尼羅寶為莖吠瑠

璃寶為藏閻浮檀金為葉沈水為臺碼碼為

鬚芬敷布蓮彌覆大海

第二觀成利益中二先明見佛後得聞法

今初即見法界無礙依正於中先見依後

見正前中三一總標體相以深觀心海法

海則心華行華自然敷榮無漏性德無不

備故以深觀等者法海即是悲海而法名通對上自心觀心即心華開敷觀大

悲法即二利行發

百萬阿修羅王執持其莖百萬摩尼寶莊嚴

網彌覆其上百萬龍王兩以香水百萬迦樓

羅王銜諸瓔珞及寶縵帶周巾垂下百萬羅

刹王慈心觀察百萬夜叉王恭敬禮拜百萬

乾闥婆王種種音樂讚歎供養百萬天王兩

諸天華天髮天香天燒香天塗香天末香天

妙衣服天幢幡蓋百萬梵王頭頂禮敬百萬

淨居天合掌作禮百萬轉輪王各以七寶莊

嚴供養百萬海神俱時出現恭敬頂禮百萬

味光摩尼寶光明普照百萬淨福摩尼寶以

為莊嚴百萬普光摩尼寶為清淨藏百萬殊

勝摩尼寶其光赫奕百萬妙藏摩尼寶光照

無邊百萬閻浮幢摩尼寶次第行列百萬金

剛師子摩尼寶不可破壞清淨莊嚴百萬日

藏摩尼寶廣大清淨百萬可樂摩尼寶具種

種色百萬如意摩尼寶莊嚴無盡光明照耀

二百萬阿修羅下外相為嚴

比大蓮華如來出世善根所起一切菩薩皆
生信樂十方世界無不現前從如幻法生如
夢法生清淨業生無諍法門之所莊嚴入無
爲印住無礙門充滿十方一切國土隨順諸
佛甚深境界於無數百千劫歎其功德不可
得盡

第二

七

三此大蓮華下舉因顯勝

我時見彼蓮華之上有一如來結加趺坐其
身從此上至有頂寶蓮華座不可思議道場
衆會不可思議諸相成就不可思議隨好圓
滿不可思議神通變化不可思議色相清淨
不可思議無見頂相不可思議廣長舌相不
可思議善巧言說不可思議圓滿音聲不可
思議無邊際力不可思議清淨無畏不可思
議廣大辯才不可思議又念彼佛往修諸行

不可思議自在成道不可思議妙音演法不
可思議普門示現種種莊嚴不可思議隨其
左右見各差別不可思議一切利益皆令圓
滿不可思議

第二我時見彼下明見正報謂心行既敷
則本覺如來忽然現故於中先明德相圓
備後又念下因圓用廣可知

時此如來即申右手而摩我頂爲我演說普
眼法門開示一切如來境界顯發一切菩薩
諸行闡明一切諸佛妙法一切法輪悉入其
中能淨一切諸佛國土能摧一切異道邪論
能滅一切諸魔軍衆能令衆生皆生歡喜能
照一切衆生心行能了一切衆生諸根隨衆
生心悉令開悟

第二時此如來下明得聞法所以海中說

者表從悲智海之所流故於中三初演說
 次受持後轉授今初先總標普眼者詮普
 法故普詮諸法故得此法者一法之中見
 一切故後開示下別顯所詮可知普詮者
 義此一約深二普詮諸法約廣上二直就
 所詮三即從益立稱既一法中見一切法

則其一眼見十眼境所見之中已有能見
 能見之中有所見矣以一法中有一切故
 廣如毗盧
 遮那品

我從於彼如來之所聞此法門受持讀誦憶
 念觀察假使有人以大海量墨須彌聚筆書
 寫於此普眼法門一品中一門一門中一法
 一法中一義一義中一句不得少分何況能
 盡善男子我於彼佛所千二百歲受持如是
 普眼法門於日日中以聞持陀羅尼光明領
 受無數品以寂靜門陀羅尼光明趣入無數
 品以無邊旋陀羅尼光明普入無數品以隨

地觀察陀羅尼光明分別無數品以威力陀
 羅尼光明普攝無數品以蓮華莊嚴陀羅尼
 光明引發無數品以清淨言音陀羅尼光明
 開演無數品以虛空藏陀羅尼光明顯示無
 數品以光聚陀羅尼光明增廣無數品以海
 藏陀羅尼光明辯拏無數品

二我從於彼下明受持於中二先總顯所
 持法多以是一多相即無盡法門故先總
 顯持
多者即海墨書而不竭然入大乘論引此
 經云是海幢下說法門全同於此喻相小
 異云大海水盡以磨墨積大紙聚猶如須
 彌山四天下草木持以為筆三千世界水
 陸眾生悉為法師於剎那頃所受法門猶
 不能盡此約書文不盡彼約領多不盡
 後善男子下別顯持多之相於中先標長
 時千二百歲表義同十二年後於日日下
 別顯能持所持有十種持初一聞持餘皆
 義持二契本寂智方能入故三於一義中

旋轉無量故能普入四地地義殊故能分別五威力者普攝在懷故若約所詮明攝即以威力攝諸衆生同九地中威德陀羅尼說六如華開引果今開發於教引於果故又華開見實以爲莊嚴今開發言教見其旨故七可知八如空無相而包含一切顯明妙理示法相故九以多智光聚於一法則義理增廣故十若海含十德各辨析故諸持經者應做此文旋轉者如下彌伽知亦即治地中勝進十法謂誦習多聞達閑寂靜等且有開合可以意得

若有衆生從十方來若天若天王若龍若龍王若夜叉若夜叉王若乾闥婆若乾闥婆王若阿修羅若阿修羅王若迦樓羅若迦樓羅王若緊那羅若緊那羅王若摩睺羅伽若摩睺羅伽王若人若人王若梵若梵王如是一

切來至我所我悉爲其開示解釋稱揚讚歎咸令愛樂趣入安住此諸佛菩薩行光明普眼法門

第三若有衆生下明其轉授可知

善男子我唯知此普眼法門如諸菩薩摩訶薩深入一切菩薩行海隨其願力而修行故入大願海於無量劫住世間故入一切衆生海隨其心樂廣利益故入一切衆生心海出生十力無礙智光故入一切衆生根海應隨教化悉令調伏故入一切刹海成滿本願第三淨佛刹故入一切佛海願常供養諸如來故入一切法海能以智慧咸悟入故入一切功德海一一修行令具足故入一切衆生言辭海於一切刹轉正法輪故而我云何能知能說彼功德行

第四善男子我唯下議已推勝謙已結前
 推勝進後我唯一海豈得與彼同年者哉
 善男子從此南行六十由旬楞伽道邊有一
 聚落名為海岸彼有比丘名曰善住汝詣彼
 問菩薩云何淨菩薩行

第五善男子從此下指示後友六十由旬
 者修六度行淨六根故聚落名海岸者是
 往楞伽山之道次南海北岸故然楞伽梵
 言此云難往又含四義一種種寶性所成
 莊嚴殊妙故二有大光明映日月故三高
 顯寬廣故四伽王等居佛復於此開化群
 生作勝益事故然體即是寶具斯四義名
 無上寶存以梵音此山居海之中四面無
 門非得通者莫往故云難往表修行之住
 是入智海絕四句離分別之道故比丘善

第三

十一

住者身住虛空故表此住中觀一切法如
 虛空無處所故亦比丘者入道未久宜依
 僧故又初念佛次聞法今依僧修三寶吉
 祥為所依故具斯四義名無上寶存以梵音者以具梵音經題云楞伽阿跋多羅寶經阿之言無跋多羅云上寶即此方之言又多羅亦是寶義則譯人雙存楞伽正是難往之義上之四義前二即無上寶後二明於難往高顯伽王之所居改不得通難往故表此下彼具云此菩薩以十種行觀一切法所謂觀一切法無常一切法皆三空四無我五無作六無味七不如名八無處所九離分別十無堅實釋曰皆有一切法言今但舉三八二句以順住空然餘八亦是空義

第六時善財下戀德禮辭

爾時善財童子專念善知識教專念普眼法
 門專念佛神力專持法句雲專入法海門專
 思法差別深入法漩復普入法虛空淨持法
 翳障觀察法寶處漸次南行至楞伽道邊海

岸聚落觀察十方求覓善住

第三善住比丘寄修行住寄修行住者巧便觀有增修正

行文亦具六一依教趣求中二先念前友

教有十句初一通念示教人法次三念前

聞佛說法事次三思入海觀事後三證理

治障攝法觀修二漸次下趣求後位可知

見此比丘於虛空中來往經行無數諸天恭

敬圍繞散諸天華作天妓樂播幢繪綺悉各

無數徧滿虛空以為供養諸大龍王於虛空

中興不思議沈水香雲震雷激電以為供養

緊那羅王奏眾樂音如法讚美以為供養摩

睺羅伽王以不思議極微細衣於虛空中周

迴布設心生歡喜以為供養阿修羅王興不

思議摩尼寶雲無量光明種種莊嚴徧滿虛

空以為供養迦樓羅王作童子形無量采女

三

十二

之所圍繞究竟成就無殺害心於虛空中合

掌供養不思議數諸羅刹王無量羅刹之所

圍繞其形長大甚可怖畏見善住比丘慈心

自在曲躬合掌瞻仰供養不思議數諸夜叉

王各各悉有自眾圍繞四面周而恭敬守護

不思議數諸梵天王於虛空中曲躬合掌以

人間法稱揚讚歎不思議數諸淨居天於虛

空中與宮殿俱恭敬合掌發弘誓願時善財

童子見是事已心生歡喜合掌敬禮

第二見此比丘下明見敬諮問於中三初

見次時善財童子下敬

作如是言聖者我已先發阿耨多羅三藐三

菩提心而未知菩薩云何修行佛法云何積

集佛法云何備具佛法云何熏習佛法云何

增長佛法云何總攝佛法云何究竟佛法云

何淨治佛法云何深淨佛法云何通達佛法
我聞聖者善能誘誨唯願慈哀爲我宣說菩
薩云何不捨見佛常於其所精勤修習菩薩
云何不捨菩薩與諸菩薩同一善根菩薩云
何不捨佛法悉以智慧而得明證菩薩云何
不捨大願能普利益一切衆生菩薩云何不
捨衆行住一切劫心無疲厭菩薩云何不捨
佛刹普能嚴淨一切世界菩薩云何不捨佛
力悉能知見如來自在菩薩云何不捨有爲
亦復不住普於一切諸有趣中猶如變化示
受生死修菩薩行菩薩云何不捨聞法悉能
領受諸佛正教菩薩云何不捨智光普入三
世智所行處

三作如是言下諮問於中二先自陳發心
後而未知下正陳請問於中二十句問文

分爲三初十句總問於法起行故佛法言
通一切行法於中淨治者對治淨故深淨
者契理徧淨故餘可知二我聞下結前請
後欲顯後問異前問故三菩薩云何不捨
見佛下十句別問行起勝用故十句中所
行各別於中初三句明不離三寶行次二
句不捨二利行次二句攝佛依正行次一
句悲智無住行後二句攝法證入行皆言
不捨者無慳捨離故

時善住比丘告善財言善哉善哉善男子汝
已能發阿耨多羅三藐三菩提心今復發心
求問佛法一切智法自然者法

第三時善住下稱讚授法於中二先讚後
授前中佛法是總一切智法約智然唯局
果自然者法約性通果及因

善男子我已成就菩薩無礙解脫門

後善男子我已下授法中二先總標所得

二若來若去下別示其相今初無礙有二

義一智慧於境無礙以證無障礙法界故

二神通於作用無礙由內證故所以次前

明此法者聞法受持意令於境無障礙故

顯此住中善觀衆生等十種界故

顯此住中善觀衆生等十種界故
衆生等者彼經云佛子此菩薩應勤學十法何等爲十所謂衆生界法界世界觀察地界水界火界風界觀察欲界色界無色界是

若來若去若行若止隨順思惟修習觀察即

時獲得智慧光明名究竟無礙

二別示其相中二先明修習得法由一切

威儀順法思修故能獲得言究竟無礙者

若事若理無少礙故

得此智慧光明故知一切衆生心行無所障

蕭三

十四

礙知一切衆生發生無所障礙知一切衆生

宿命無所障礙知一切衆生未來劫事無所

障礙知一切衆生現在世事無所障礙知一

切衆生言語音聲種種差別無所障礙決一

切衆生所有疑問無所障礙知一切衆生諸

根無所障礙隨一切衆生應受化時悉能往

赴無所障礙知一切剎那羅婆牟呼粟多日

夜時分無所障礙知三世海流轉次第無所

障礙能以其身徧往十方一切佛刹無所障

礙

蕭三

十五

後得此智下顯法功用於中三初通明智

用無礙次何以下總相徵釋三善男子我

以下別明通用今初有十二句初一他心

次四兼三明謂現未劫事含漏盡故次四

三業化物次二知時一知時分二知流轉

案俱舍論時之極少名一刹那百二十刹那名一怛刹那六十怛刹那名一臘縛臘縛即是羅婆三十羅婆為一牟呼栗多牟呼栗多即是須臾三十須臾為一晝夜言時分者西域記第二云五年呼栗多為一

時六時合成一日一夜亦有處說晝夜初分時等又黑分白分六時四時等又準仁王經九百生滅為一刹那九十刹那為一念此則刹那非時極促以刹那之中生滅唯佛智知故小乘中略而不說後一即神

足通今初文者且順文說若約開合取之即具十通一他心二三皆宿住以殺生言故兼三明十通知過去發生亦宿住故四即未來際劫智通五即天眼六合二通言語即分別一切眾生言音智通音聲即天耳通同一天耳開出故今合之七八九三皆一切法智通七斷疑智八知根智九知時智十及十一並一切法滅盡智通前句刹那盡後句長時流轉盡十二神足即無體性及無量色身通亦俱神境開出

故故此文中通十通義百二十刹那那等者此廣俱舍頌文頌云百二十刹那為怛刹那量臘縛此六十此三十須臾此三十晝夜亦有處說晝初分時等者智論等文彌勒下生經亦說謂得迦修難行苦行得成菩提彌勒修安樂行而得菩提謂晝夜三時禮拜懺悔等謂日初分時日中分時日後分時夜初分時夜中分時夜後分時合為六時是也又黑白分六時即西域分黑白黑前白後故正月十六為正朔一時即二月二月為一時四時亦同此方春夏秋冬等者等取三際並如偈讚品何以故得無住無作神通力故

二總相徵釋以不住不作故無礙也

善男子我以得此神通力故於虛空中或行或住或坐或卧或隱或顯或現一身或現多身穿度牆壁猶如虛空於虛空中結加趺坐往來自在猶如飛鳥入地如水履水如地徧身上下普出煙燄如大火聚或時震動一切大地或時以手摩觸日月或現其身高至梵宮或現燒香雲或現寶燄雲或現變化雲或

現光網雲皆悉廣大彌覆十方或一念中過
於東方一世界二世界百世界千世界百千
世界乃至無量世界乃至不可說不可說世
界或過閻浮提微塵數世界或過不可說不
可說佛刹微塵數世界於彼一切諸佛國土

卷三

十六

佛世尊前聽聞說法一一佛所現無量佛刹
微塵數差別身一一身雨無量佛刹微塵數
供養雲所謂一切華雲一切香雲一切鬘雲
一切末香雲一切塗香雲一切蓋雲一切衣
雲一切幢雲一切幡雲一切帳雲以一切身
雲而爲供養一一如來所有宣說我皆受持
一一國土所有莊嚴我皆憶念如東方南西
北方四維上下亦復如是如是一切諸世界
中所有衆生若見我形皆決定得阿耨多羅
三藐三菩提彼諸世界一切衆生我皆明見

卷三

十七

隨其大小勝劣苦樂示同其形教化成就若
有衆生親近我者悉令安住如是法門

三別明通用多顯神足通十八變相且分
爲二初於空現變二或一念下十方徧供
三如是一切下現形益物並可知言十八
變者一於空行住等即所作自在二或隱
三或顯四或現一身即卷五或現多身即
舒六穿度下往來七入地下轉變八徧身
下熾然九或時下振動十或時以手下即
衆像入身以高大故十一或現燒下放大
光明皆悉廣大彌覆十方成上放光起下
徧滿十二或一念下徧滿十三一一佛下
顯示十四一一如來所有宣說下施他辯
才由能受持故十五如是一切下施他安
樂菩提爲真樂故十六彼諸世界下所往

同類十七若有衆生親近下施他憶念十
八由總具無作通力故能伏他神通三段

之中具矣

言十八變即是瑜伽三十七天
頌云振動及熾然流布并示現

轉變及往來卷舒眾像入十同類往趣隱
顯作自在制他施辯才憶念及安樂放大
光明等轉餘有情物令成餘物故名能變
神通謂一振動二熾然三流布亦名遍滿

四示現亦名顯示五轉變六往來七卷八
舒九一切色像入身十所往同類十一隱
十二顯十三所作自在十四伏他神通十
五施他辯才十六施他憶念十七施他安
樂十八放光光明此十八名轉變後
三句明能變今文辯相義並可知

善男子我唯知此普速疾供養諸佛成就衆
生無礙解脫門如諸菩薩持大悲戒波羅蜜

戒大乘戒菩薩道相應戒無障礙戒不退墮

戒不捨菩提心戒常以佛法爲所緣戒於一

切智常作意戒如虛空戒一切世間無所依

戒無失戒無損戒無缺戒無雜戒無濁戒無

悔戒清淨戒離塵戒離垢戒如是功德而我

第三

十八

云何能知能說

第四善男子下謙已推勝於中先謙已知

一一念徧徃故云速疾現形益物爲成就

衆生後如諸菩薩下仰推勝進而皆明戒

者意顯上得無礙解脫皆由持別解脫戒

爲依地故非戒不能修治心故

非戒不能
治心地故
者上約法門釋此句約表位釋然德雲是
定海雲是慧此中明戒顯三學爲初故

有二十句初十一句明具勝德戒一本爲

益生故二自行勝故三具二利故上三異

小四道共故五無能令不持故六定共故

七不失行本故八順法不謗故毗盧遮那

經第六云有四根本罪乃至活命亦不應

犯謂一謗法二捨菩提心三慳吝四惱害

衆生今此七八不犯初二無損無濁不犯

後二九緣果智故十稱法性故十一般若

相應故不住三界次六句明離過戒一無

過失謂不自貢高言我能持戒見破戒人

亦不輕毀令愧恥故二不損惱謂不因於

戒學呪術等損衆生故三無缺犯謂具足

受持十善業道及威儀故四無雜穢不著

前二

十九

邊見故五無慳貪濁不現異相彰有德故

六無悔恨謂不作重罪不行誦詐故後三

顯清淨戒一忘能所持究竟淨故二不淨

六塵故三無心垢故釋在相可知此二十

戒亦即第十迴向二十梵行但彼約自能

清淨方能益他故先護重首明不破不缺

等行此彰菩薩本為利他故先明大悲後

顯無垢名或小異今當略引一大悲戒即

彼第二十無恚梵行志是悲障有彼障故

無悲二波羅蜜戒即第十一三世諸佛所

行梵行之道故三大乘戒即第十七無比

先行餘乘無對故四菩薩道相應戒即第

十八無動梵行不動二利故五無障礙戒

即十三無着梵行由見真如成聖道故故

無障礙六不退愷戒即第十五無滅梵行

順理而持常不退滅故七不捨菩提心戒

即第十六安住梵行心常諳理故入常以

佛法為所緣戒即十四無淨梵行事理具

足無非佛法何所諳哉則常緣佛法性矣

九於一切智常作意戒即第七佛所讚梵

行稱理持戒動契聖心是緣佛智佛何不

讚十如虛空戒即第九無所得梵行不得

能所自在持故十一一切世間無所依成

即第八無所依梵行不依現世名聞利養

不求當世人天果故十二無失戒即第五

無失梵行定心持戒吉羅不犯故十三無

損戒即第六無能蔽梵行摶珠草繫不能

蔽之令有損故亦不損他十四無缺戒即

第十二不缺梵行不犯十三等無殘缺故

十五無雜戒即第三不雜梵行不念破戒

種種因緣聞環劍聲亦不染故十六無濁

戒即第十九無亂梵行定共相應故無濁

亂十七無悔戒即第十二無礙梵行犯罪

追悔是障礙故十八清淨戒即第十增益

善薩清淨道梵行不同小乘唯淨淨故十

九離塵戒即第四無點梵行不犯墮罪無

塵點故二十離垢戒即第一不破梵行若

犯四重十重猶如破器無所復用最垢重

故若依上釋即為憑據亦

同智論十戒如迴向品會

善男子從此南方有國名達里鼻茶城名自
在其中有人名曰彌伽汝詣彼問菩薩云何
學菩薩行修菩薩道

第五善男子從此下指示後友即生貴住
 善友國名達里鼻茶此云消融謂從聖教
 生消謬解故城名自在於三世佛法了知
 修習得圓滿故言有人者晉經云彼有良
 醫名彌伽者此翻為雲演輪字門含潤雨

第三

二十

法故以三世聖教法雲雨一切故

達里鼻茶新譯

為達羅比吒唐言持富饒亦順生貴之義以三世聖教法雲雨者約表位說即彼經云此菩薩應勸學十法所謂了知過去未來現在一切佛法二修習三圓滿各三為九十了知一切諸佛平等是也

時善財童子頂禮其足右繞瞻仰辭退而行

第六禮辭可知

大方廣佛華嚴經疏鈔會本第六十二之三

音釋

歿 莫狄切 布 漢胡故切 髮 莫還切 漩 漢胡故切 復 漢胡故切
 綠 綠切 瀆 瀆房六切 髮 髮切 漩 漩復旬
 兼 兼瀆也 泗 泗流也

大方廣佛華嚴經疏鈔會本第六十三之一 翦四

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子一心正念法光明法門深信

趣入專念於佛不斷三寶歎離欲性念善知

疏四

識普照三世憶諸大願普救衆生不著有爲

究竟思惟諸法自性悉能嚴淨一切世界於

一切佛衆會道場心無所著

第四彌伽寄生貴住亦具六分第一依教

趣求中二先念前友教十句初總即前所

得法門深信已下皆別起觀修文顯可知

寄生貴住者生佛
法家種性尊貴故

漸次南行至自在城求覓彌伽

後漸次下趣求後友

乃見其人於市肆中坐於說法師子之座十

千人衆所共圍繞說輪字莊嚴法門時善財

童子頂禮其足繞無量帀於前合掌而作是

言聖者我已先發阿耨多羅三藐三菩提心

而我未知菩薩云何學菩薩行云何修菩薩

道云何流轉於諸有趣常不忘失菩提之心

云何得平等意堅固不動云何獲清淨心無

能沮壞云何生大悲力恒不勞疲云何入陀

羅尼普得清淨云何發生智慧廣大光明於

一切法離諸闇障云何具無礙解辯才之力

決了一切甚深義藏云何得正念力憶持一

切差別法輪云何得淨趣力於一切趣普演

諸法云何得智慧力於一切法悉能決定分

別其義

第二乃見其人下見敬諮問中三初見次

敬後而作下諮問於中二先自陳發心後

而我下正問有十二句初二句總餘十句
 別釋通橫豎橫釋可知豎配十地一證發
 心故不退二不誤犯故三得禪定故四精
 進故五入俗故須總持六般若現故七權
 實雙行為甚深義得觀察智慧地故具足
 辯才八無功用方為正念九力增上故十
 智增上故

爾時彌伽告善財言善男子汝已發阿耨多
 羅三藐三菩提心耶善財言唯我已先發阿
 耨多羅三藐三菩提心

第三爾時彌伽下稱讚授法中二先稱讚
 法器後授已法門前中二初審定

彌伽遽即下師子座於善財所五體投地散
 金銀華無價寶珠及以上妙碎末梅檀無量
 種衣以覆其上復散無量種種香華種種供

具以為供養

二彌伽遽即下敬讚於中二先敬後然後
 起立下讚今初所以師禮資者以菩提心
 是佛因故能廣出生諸功德故故法界無
 差別論云敬禮菩提心者如人禮白分初
 月不禮滿月以希現故滿月由此故又發
 心畢竟二不別如是二心先心難是故我
 禮初發心人況未說法未定為師後授已
 法方升本座不乖重法前諸知識而不爾
 者為僧敬俗事不便故

同以菩提心下答先正釋以敬法重人故又
 發心畢竟下引經涅槃三十七至迦葉讚
 佛前來已引今當更引具云發心畢竟二
 不別如是二心先心難自未得度先度他
 賢故我禮初發心初發已為天人師勝出
 聲聞及緣覺如是發心過三界是故待名
 最無上今畧引三句耳上引他經若當經
 中共文繁博下慈氏中發心功德品上下
 善友亦廣稱讚况未說下別立德品所以下
 言不乖重法者以師禮資義似自輕昇座

方說不乖重法者涅槃第六云有知法者若老若少故應供養恭敬禮拜猶如專火婆羅門如第二天奉事帝釋佛言我於經中覆相說是不為學聲聞人但為菩薩經曰由後義故故下通難云為僧敬俗事不便故即約聲聞不輕佛法若是菩薩常不輕是四眾皆禮故為重法

然後起立而稱歎言善哉善哉善男子乃能

發阿耨多羅三藐三菩提心

後讚中二先讚發心後善男子應知菩薩

下讚其求友前中二初總讚

善男子若有能發阿耨多羅三藐三菩提心則為不斷一切佛種則為嚴淨一切佛刹則為成熟一切眾生則為了達一切法性則為悟解一切業種則為圓滿一切諸行則為不斷一切大願則如實解離貪種性則能明見三世差別則令信解永得堅固
二善男子若有下別讚於中三初有十句

因德深廣斯德終成功歸初發而汝能發是謂希奇其相多同初發心品此中亦具深直悲心可以意得

則為一切如來所持則為一切諸佛憶念則與一切菩薩平等則為一切賢聖讚喜則為一切梵王禮覲則為一切天主供養則為一切夜叉守護則為一切羅刹侍衛則為一切龍王迎接則為一切緊那羅王歌詠讚歎則為一切諸世間主稱揚慶悅則令一切諸眾生界悉得安隱所謂令捨惡趣故令出難處故斷一切貧窮根本故生一切天人快樂故遇善知識親近故聞廣大法受持故生菩提心故淨菩提心故照菩薩道故入菩薩智故住菩薩地故
次則為一切下十王敬護後則令一切眾

生界下外益衆生

善男子應知菩薩所作甚難難出難值見菩薩者倍更難有

第二讚求友中以菩薩難遇而能求能遇故知善財是深法器亦預誠求友之心故解脫處歷十二年不生疲厭於中二初總讚機應難得

菩薩爲一切衆生恃怙生長成就故爲一切衆生拯濟拔諸苦難故爲一切衆生依處守護世間故爲一切衆生救護令免怖畏故菩薩如風輪持諸世間不令墮落惡趣故如大地增長衆生善根故如大海福德充滿無盡故如淨日智慧光明普照故如須彌善根高出故如明月智光出現故如猛將摧伏魔軍故如君主佛法城中得自在故如猛火燒盡

轉

五

衆生我愛心故如大雲降靈無量妙法雨故如時雨增長一切信根芽故如船師示導法海津濟處故如橋梁令其得度生死海故

二菩薩爲下別讚善友於中二先法後喻有十三喻初二喻恃怙次四喻拯濟次君喻依處餘喻救護

彌伽如是讚歎善財令諸菩薩皆歡喜已從其面門出種種光普照三千大千世界其中衆生遇斯光已諸龍神等乃至梵天悉皆來至彌伽之所彌伽大士即以方便爲開示演說分別解釋輪字品莊嚴法門彼諸衆生聞此法已皆於阿耨多羅三藐三菩提得不退轉

第二彌伽如是讚歎下授已法門中二先現通益物令其目覩後彌伽於是還升下

升座說授令其聽聞今初言輪字品莊嚴法門者賢首引日照三藏解云輪有多義一約字相楞伽中云字輪圓滿猶如象迹等二約所詮盡理圓備如輪滿足三約用謂妙音陀羅尼有轉授義滅惑義如法輪等即輪字教法詮示莊嚴此釋已佳今更依毘盧遮那經第五別有字輪品彼經云是徧一切處法門謂菩薩若住此字輪法門始從初發妙菩提心乃至成佛於是中間所有一切自利利他種種事業觀此字而與相應即同毘盧遮那法身之體皆得成就如最初阿^上字即是菩提之心若謂此阿^上字輪猶如孔雀尾輪光明圍繞行者而住其中即是住於佛位又阿^{平聲}娑^{長呼}縛三字總攝三部阿字如來部娑字蓮華

部縛字金剛部隨一部中皆有五字所謂字輪者從此輪轉而生諸字輪是生義如從阿菩提字即轉生四字謂一阿字^{上聲}是修行輪既已發心必修諸行二闍字是成菩提輪既修行已必證菩提三惡字是大寂滅涅槃輪即菩提所至四惡字^{長呼}是方便輪而阿字當中四字繞之從下次第右旋亦如輪相舉一為例餘字準之若行者如是了達則能入陀羅尼門旋轉無礙故名字輪品種種布列圓位故名莊嚴餘如彼釋其字下深義至眾藝中當廣分別所以次前而辨斯者前無礙解脫即無相智光今將入俗兼存有無寄字表義又爲總持令不失故既爲醫人亦以字輪消伏障故聖教中生宜持字故^{所以次前而辨斯者下二明次}

第上問下答即密用毗盧遮那經意彼有
 傷云甚深相無相妙慧所不盡為化是等
 故兼存有無說釋曰寄字即學有無相智
 如有偈云二葉白蓮一時開炳現阿字集
 光色即存有也阿表無生義即存無也會
 之二即是中道又為總持令不失者入
 俗化導總持差別故既為聖人下即
 直就有說從聖教中生約表位說

彌伽於是還升本座告善財言善男子我已

第七

獲得妙音陀羅尼能分別知三千大千世界
 中諸天語言諸龍夜叉乾闥婆阿脩羅迦樓
 羅緊那羅摩睺羅伽人與非人及諸梵天所
 有語言如此三千大千世界十方無數乃至
 不可說不可說世界悉亦如是

第二升座說授妙音陀羅尼者標名能分
 別下顯用此妙音持即前輪字法門然字
 即四十二字音即十四音謂哀阿億伊等
 以十四音徧入諸字故出字無盡若於音
 窮妙則善萬類之言究聲明之論耳二處

互舉理實相成

照字即四十二字如東
 藝處十四音初地已明

善男子我唯知此菩薩妙音陀羅尼光明法
 門如諸菩薩摩訶薩能普入一切衆生種種
 想海種種施設海種種名號海種種語言海
 能普入說一切深密法句海說一切究竟法
 句海說一切所緣中有一切三世所緣法句
 海說上法句海說上上法句海說差別法句
 海說一切差別法句海能普入一切世間呪
 術海一切音聲莊嚴輪一切差別字輪際如
 是功德我今云何能知能說

第四善男子我唯下謙已推勝中二先謙
 已結前言光明者智鑒妙音故後如諸下
 仰推勝進別有十四句前四可知五詮深
 密故六無餘說故七法融時法故八勝故
 九勝中勝故次三可知十三十四即前所

得而言際者窮理盡性故五詮深審者畧有三義一詮理

智即事而真三德涅槃名祕審藏等二審意故三具三審故

善男子從此南行有一聚落名曰住林彼有

長者名曰解脫汝詣彼問菩薩云何修菩薩

行菩薩云何成菩薩行菩薩云何集菩薩行

菩薩云何思菩薩行新四

第五善男子從此下指示後友住林者方

便具足住眾德建立故年耆德艾事長於

人故稱長者於其身內現無邊佛境定用

自在故名解脫表此住位所修善根皆為

度脫一切眾生乃至令證大涅槃故年耆德艾

者耆即長也艾亦老也事長於人者年德俱高也皆為度脫等者具足經云云何為善薩具足方便住此善薩所修善根皆為救護一切眾生二饒益三安樂四哀愍五度脫上四皆同初句有一切眾生六令一切眾生離諸災難七出生死若八發淨信九悉得調伏十成證涅槃皆如第六句有令一切眾生今疏隨便引於二句

爾時善財童子以善知識故於一切智法深

生尊重深植淨信深自增益禮彌伽足涕泗

悲泣繞無量而戀慕瞻仰辭退而行

第六戀德禮辭

爾時善財童子思惟諸菩薩無礙解陀羅尼

光明莊嚴門深入諸菩薩語言海門憶念諸

菩薩知一切眾生微細方便門觀察諸菩薩

清淨心門成就諸菩薩善根光明門淨治諸

菩薩教化眾生門明利諸菩薩攝眾生智門

堅固諸菩薩廣大志樂門任持諸菩薩殊勝

志樂門淨治諸菩薩種種信解門九思惟諸菩

薩無量善心門誓願堅固心無疲厭以諸甲

冑而自莊嚴精進深心不可退轉具不壞信

其心堅固猶如金剛及那羅延無能壞者守

持一切善知識教於諸境界得不壞智普門

清淨所行無礙智光圓滿普照一切具足諸地總持光明了知法界種種差別無依無住平等無二自性清淨而普莊嚴於諸所行皆得究竟智慧清淨離諸執著知十方差別法智無障礙往十方差別處身不疲懈於十方差別業皆得明了於十方差別佛無不現見於十方差別時悉得深入清淨妙法充滿其心普智三昧明照其心心恒普入平等境界如來智慧之所照觸一切智流相續不斷若身若心不離佛法一切諸佛神力所加一切如來光明所照成就大願願身周徧一切剎網一切法界普入其身

第五解脫長者寄具足方便住分六初依教趣求中二先思念前教於中亦二初十
一句思修前法初總餘別後誓願堅固下

顯修之益 寄具足方便住者帶真隨俗習無量善巧化無住故
漸次遊行十有二年至住林城周徧推求解脫長者

二漸次下趣求後友十二年者昔云自分勝進各修六度故亦顯徧觀十二住故亦表不住十二緣故故云遊行若不住緣則得解脫故下云得見

既得見已五體投地起立合掌白言聖者我今得與善知識會是我獲得廣大善利何以故善知識者難可得見難可得聞難可出現焉難得奉事難得親近難得承接難可逢值難得共居難令喜悅難得隨逐我今會遇為得善利

第二既得見已下見敬諮問中三初明見敬而自慶者希望多年故

聖者我已先發阿耨多羅三藐三菩提心爲
欲事一切佛故爲欲值一切佛故爲欲見一
切佛故爲欲觀一切佛故爲欲知一切佛故
爲欲證一切佛平等故爲欲發一切佛大願
故爲欲滿一切佛大願故爲欲具一切佛智
光故爲欲成一切佛衆行故爲欲得一切佛
神通故爲欲具一切佛諸力故爲欲獲一切
佛無畏故爲欲聞一切佛法故爲欲受一切
佛法故爲欲持一切佛法故爲欲解一切佛
法故爲欲護一切佛法故爲欲與一切諸菩
薩衆同一體故爲欲與一切菩薩善根等無
異故爲欲圓滿一切菩薩波羅蜜故爲欲成
就一切菩薩所修行故爲欲出生一切菩薩
清淨願故爲欲得一切諸佛菩薩威神藏故
爲欲得一切菩薩法藏無盡智慧大光明故

爲欲得一切菩薩三昧廣大藏故爲欲成就
一切菩薩無量無數神通藏故爲欲以大悲
藏教化調伏一切衆生皆令究竟到邊際故
爲欲顯現神變藏故爲於一切自在藏中悉
以自心得自在故爲欲入於清淨藏中以一
切相而莊嚴故

二聖者我已下自陳發心中先總後爲欲
下別陳發心之相於中三初欲上窮佛境
二爲欲聞一切下欲罄盡法源三爲欲與
一切下欲齊菩薩行亦僧寶境文並可知
聖者我今以如是心如是意如是樂如是欲
如是希求如是思惟如是尊重如是方便如
是究竟如是謙下至聖者所我聞聖者善能
誘誨諸菩薩衆能以方便闡明所得示其道
路與其津梁授其法門令除迷倒障拔猶豫

箭截疑惑網照心稠林浣心垢濁令心潔白
 使心清淨正心語曲絕心生死止心不善解
 心執著於執著處令心解脫於染愛處使心
 動轉令其速入一切智境使其疾到無上法
 城令住大悲令住大慈令入菩薩行令修三
 昧門令入證位令觀法性令增長力令修習
 行普於一切其心平等唯願聖者為我宣說
 菩薩云何學菩薩行修菩薩道隨所修習疾
 得清淨疾得明了

三聖者我今下方陳請問於中亦三初結
 前生後謂結前發心之相便為請問之端
 故云以如是心至聖者所二我聞聖者下
 讚能誘誨三唯願聖者下請說所疑謂結前發
 心之相者如前經言為欲入於清淨藏中
 以一切相而莊嚴故即為請問云何得入
 於清淨藏中等餘皆做此

時解脫長者以過去善根力佛威神力文殊
 師利童子憶念力故即入菩薩三昧明名普
 攝一切佛刹無邊旋陀羅尼

第三時解脫下正示法界分二初入定默
 示後出定言答前中所以此中入定示者
 亦顯此位定增上故文中三初彰入定因
 緣宿善為因表自修故後二為緣主佛威
 力表本覺故文殊念力顯信智故已彰善
 財因文殊故二即入下舉定名體謂普攝
 諸刹在於身中由唯心之智稱性總持令

如體用旋轉無礙故以為名
 入此三昧已得清淨身於其身中顯現十方
 各十佛刹微塵數佛及佛國土眾會道場種
 種光明諸莊嚴事亦現彼佛往昔所行神通
 變化一切大願助道之法諸出離行清淨莊

嚴亦見諸佛成等正覺轉妙法輪教化衆生
如是一切於其身中悉皆顯現無所障礙種
種形相種種次第如本而住不相雜亂所謂
種種國土種種衆會種種道場種種嚴飾其
中諸佛現種種神力立種種乘道示種種願
門或於一世界處兜率宮而作佛事或於一
世界處兜率宮而作佛事如是或有住胎或
復誕生或處宮中或復出家或詣道場或破
魔軍或諸天龍恭敬圍繞或諸世主勸請說
法或轉法輪或般涅槃或分舍利或起塔廟
彼諸如來於種種衆會種種世間種種趣生
種種家族種種欲樂種種業行種種語言種
種根性種種煩惱隨眠習氣諸衆生中或處
微細道場或處廣大道場或處一由旬量道
場或處十由旬量道場或處不可說不可說

萬四

十三

佛刹微塵數由旬量道場以種種神通種種
言辭種種音聲種種法門種種總持門種種
辯才門以種種聖諦海種種無畏大師子吼
說諸衆生種種善根種種憶念投種種菩薩
記說種種諸佛法彼諸如來所有言說善財
童子悉能聽受亦見諸佛及諸菩薩不可思
議三昧神變
三入此三昧下明定業用即普攝等義於
中三初總明普攝次種種形下別彰廣多
三彼諸如來所有言下令善財聞見
爾時解脫長者從三昧起告善財童子言善
男子我已入出如來無礙莊嚴解脫門善男
子我入出此解脫門時即見東方閻浮檀金
光明世界龍自在王如來應正等覺道場衆
會之所圍繞毘盧遮那藏菩薩而爲上首又

見南方速疾力世界普香如來應正等覺道
場眾會之所圍繞心王菩薩而為上首又見
西方香光世界須彌燈王如來應正等覺道
場眾會之所圍繞無礙心菩薩而為上首又
見北方袞袞幢世界不可壞金剛如來應正

新編四

十四

等覺道場眾會之所圍繞金剛步勇猛菩薩
而為上首又見東北方一切上妙寶世界無
所得境界眼如來應正等覺道場眾會之所
圍繞無所得善變化菩薩而為上首又見東
南方香燄光音世界香燈如來應正等覺道
場眾會之所圍繞金剛燄慧菩薩而為上首
又見西南方智慧日普光明世界法界輪幢
如來應正等覺道場眾會之所圍繞現一切
變化幢菩薩而為上首又見西北方普清淨
世界一切佛寶高勝幢如來應正等覺道場

眾會之所圍繞法幢王菩薩而為上首又見
上方佛次第出現無盡世界無邊智慧光圓
滿幢如來應正等覺道場眾會之所圍繞法
界門幢王菩薩而為上首又見下方佛光明
世界無礙智幢如來應正等覺道場眾會之
所圍繞一切世間剎幢王菩薩而為上首

第二爾時解脫下出定言告中四一明起
定二告善財下示定名體名如來無礙莊
嚴者總有五義一一一切如來各具一切無
礙莊嚴二一如來互徧無礙三一切如

新編四

十五

來莊嚴悉入長者之身四長者徹見十方
佛海五長者智持不以為礙故無礙言兼
得旋持不違上文經家所序三善男子我
入出下明定業用
名如來無礙莊嚴總有五義者而文中皆舍如一云如來各具無礙莊嚴者即上經云種種光明諸莊嚴事若因若果若依若正即

無礙莊嚴也二一如來互遍無礙者以
身中現十方各十佛刹微塵數佛無雜亂
故三與長者身無礙者以身不大而利不
小亦無來去互遍無礙謂以舍利之身入
身中之利無不充通是內外一多無礙故
新譯經云身與佛刹互相涉入不相障礙
即此便有重重之義謂舍利之身入身中
之利身中利內之身亦能容利所容之利
亦能有身故身身無窮利無盡因長者
徹見等者經云見諸佛成正覺等尚令善
財見聞况長者耶故下出定告云我人出
此定即見東方閻浮檀金光明世界龍自
在王如來如是等十方諸佛欲見即見互
長者智持無礙者以是唯心三昧力故所
以出定能持能說故無礙言兼得旋持等
者即第五義不違前來普攝一切佛刹無
邊旋陀羅尼普攝佛刹之義定
中相顯而其智持不違總持

善男子我見如是等十方各十佛刹微塵數

如來彼諸如來不來至此我不往彼

四善男子我見如是下彰定體相即無來
去唯心觀故所以次前顯此定者唯心之
觀亦其要故亦顯此位知眾生界無量無
邊皆心現故於中二一結前所見體無來

往

我若欲見安樂世界阿彌陀如來隨意即見
我若欲見栴檀世界金剛光明如來妙香世
界寶光明如來蓮華世界寶蓮華光明如來
妙金世界寂靜光如來妙喜世界不動如來
善住世界師子如來鏡光明世界月覺如來
寶師子莊嚴世界毘盧遮那如來如是一切
悉皆即見

二我若欲見下廣顯隨心見佛體相於中
四一明隨心念佛諸佛現前二然彼如來
下正顯唯心念佛觀體三善男子當知下
以唯心觀徧該萬法四是故善男子下結
勸修學令證唯心中既了境唯心了心
即佛故隨所念無非佛矣何難見哉既了
心者上經云若人欲了知三世一切佛應
觀法界性一切唯心造言了心即佛者經

云如心佛亦爾如佛衆生然應知佛與心體性皆無盡既境即是心心即是佛則無境非佛况心心耶加以志一不撓精詣造微佛應剋誠于何不見

然彼如來不來至此我身亦不往詣於彼知一切佛及與我心悉皆如夢知一切佛猶如影像自心如水知一切佛所有色相及以自

心悉皆如幻知一切佛及以已心悉皆如響

我如是知如是憶念所見諸佛皆由自心

二觀體中初總明相無來往初總明相無來往者體性

寂滅知一切下釋其所由所以上言普見

諸佛又無來去其故何耶了彼相虛唯心

現故了彼相虛唯心現故者以我即寂之唯心印彼即體之妙用能念所念何

動寂之於中前別顯後結成別中文有四

對意含通別謂通顯唯心喻無來往別喻

唯心兼明不出入等一如夢對般舟三昧

經云如夢見七寶親屬歡樂覺已追念不

前四

知在何處如是念佛此喻唯心所作即有

而空故無來去又云如舍衛國有女名曰

須門聞之心喜夜夢從事覺已念之彼不

來我不往而樂事宛然當如是念佛此正

喻體無來往但隨心變一如夢對下此之四喻唯影別喻餘

三皆通若準新譯夢響二喻具通與別影

幻一喻唯別無通今初夢喻彼從別喻云

如夢所見從分別生見一切佛從自心起

上二句喻下二句合則夢境喻佛分別夢

因喻能念心故觀無量壽佛經云是心作

佛是心是佛諸佛正通知海從心想生緣

生非實故能所見空無往來也般舟下引

證此經有三卷題云般舟三昧經一名十

方現在佛悉在前立定經後魏沙門支婁

迦讖譯在羅閱祇加隣竹園說跋陀和善

薩問第一問事品今引亦第一卷行品第

二佛先令遠惡近善修此念佛三昧故舉

諸喻示念佛相經文浩博今疏畧引今當

十七

識相與娛樂喜樂無比及其覺已為人說
 彌陀佛當念彼佛不得戒一心中專念苦
 陀佛不知晝夜不見於夢中見之譬如霧中
 見不知晝夜不見於夢中見之譬如霧中
 冥中故不見不用有所礙礙故不見不用
 跋陀和菩薩當如是念時諸佛國界名大
 須彌山其有幽冥之處悉為開闢目亦不
 蔽心亦不礙是菩薩摩訶薩不持天眼微
 視不持天耳徹聽不持神足到其佛刹不
 於是間終不生彼彼聞佛刹耳乃見便於此
 間坐見阿彌陀佛聞所說法悉受持得從
 三昧起悉能具足為人說之釋曰次下即
 有須門女喻從七日已下即示合相引二
 夢見無定實義彼經有而空覺無所得故
 前七寶喻空不礙有而空覺無所得故
 夢中道義故但取意畧引其二又約義別
 說心性如境觀如緣想觀成如夢此唯就
 於能行人合又法身如境報身如夢應身
 如夢此唯約佛所見雙約感應此三釋釋經
 想見佛如夢約佛所見雙約感應此三釋釋經
 通喻一切諸佛及以我心念三女經云譬
 女名須門者經有三人以念三女須門若
 如有人聞墮舍利國中有媼女名須門若
 復有人聞媼女名小隱和利若復有人
 聞優婆須然經言小隱和利若復有人
 分明經云復次賢慧如此摩伽陀國有三

夫其第一者聞毗耶離城有媼女名須
 摩那彼第二人聞有媼女名蓮華色彼
 第三人聞有媼女名蓮華色彼既聞已各
 設方便繫念勤求無時暫廢彼三人實未
 曾親如是時因夢謂在王城與彼女人共行
 不覺後事既成求心亦息希望既滿遂便
 欲事欲事既成求心亦息希望既滿遂便
 覺寤寐已追念夢中所行如所聞見如所
 證知如是憶念來詣汝所具為汝說汝應
 為彼說法隨順教化令其得住不退轉地
 究竟成就阿耨多羅三藐三菩提彼於當
 來必得成佛名曰善覺又云如舍衛國等
 者即智論第六引此緣而有小異論云
 如佛在世三人為伴聞毗舍離有媼女名
 善羅婆和舍衛國有媼女名須曼那王舍
 城有媼女名優鉢羅盤那並端正無比三
 人各聞長念心者便於夢中與彼從事覺
 已心念彼人不來我又不往而媼事得辦
 因是即悟諸法亦爾於是共至跋陀婆羅
 菩薩所而問其事菩薩答言諸法實耳皆
 從念生菩薩乃為其方便說法皆得不退
 轉地釋曰大意同經但闕授記耳然經論
 大意却顯念見佛竟方悟性 二水影對中
 空有無無礙與疏意同也 若月滿秋空隨水而現澄潭皎淨則月影
 圓明水濁波騰則光昏影散有水月現曾
 何入來無水影空未曾出去雖水中見月

誰能執持心之定散準喻思擇

別喻心但喻木為影緣故若取通意則心

佛皆影然新譯經亦是別喻而加於器可

喻淨身而般舟經亦有影喻具水面鏡像

以喻自見非從外入非從內出正與疏同

明非入出兼唯心義疏二濁三動四靜合

擇者然水有四類一清二濁三動四靜合

中水濁對前皎淨波騰對於澄潭以法就

喻通有二義有感無信為濁有信無惑為

清散亂為動有定為靜四事交絡成多句

數一水濁而動若黃河汨流此喻有惑無

信又多亂想二濁而動如稀泥無波喻

如有一惑無信并無攀緣然此一句曲有多

義一有惑而靜二無信而靜愚癡之定也

三清淨而動喻無惑有信而動覺觀對上

第二亦有三義一無惑而亂二有信而亂

三明了而亂四清而且靜喻無惑有信而

定器舉定散實含清濁而第一人設有念

佛而見佛者如黑象脚加駁漆不定第二

人見同灰炭色安住不動第三人見或觀

相好忽有怒無下離乍合第四人見則色

相端嚴凝佇不亂唯見唯靜逾觀逾明今

同第四而念見也故法華云深入禪定見

十方佛故疏云安有無一多勝劣去來

大意佛既如影安有無一多勝劣去來

入出等相非空非有中道觀成若水喻心

性則佛之月影皆是衆生真心中物心佛

交徹真三如幻對如幻非實則心佛兩亡

雅心也

而不無幻相則不壞心佛正喻空有無礙

故即無來去不妨普見見即無見常契中

道三如幻對但有通喻新經別喻云入知

有能幻法方有幻事無能念心無所見佛

疏中具顯三觀初空觀次而不無幻相下

即假觀後正喻四如響對以心為緣而佛

響應佛無分別以佛為緣而心見佛心何

去來此但總喻緣成之義四如響對亦唯

云譬如空谷隨聲發響悟解自心隨念見

佛釋曰此唯一義則法身如空谷自心如

發聲見佛如響應而疏釋經通相之喻心

佛皆響故兩句釋之初喻佛如響則谷等

同上後以佛為緣下喻心如響則以自性

清淨心為空谷佛應為聲起見佛心即如

響也故疏結云此但總喻緣成之義然亦

聲谷皆緣喻二心為緣而有節響二佛為

緣而心得見故二皆響而上四喻皆言對

者雖喻有三法本但喻於心佛二故上之

四喻皆具四觀一正喻唯心二唯心故空

三唯心故假四唯心故中融而無礙即華

廣唯心無性故何用四喻兼別義故一欲

謂夢喻不來不去影喻不出不入幻喻非

有非無響喻非合非散又夢喻散心意言

分別故水喻定心同靜水故幻喻起用心
如幻術故譬喻勝劣心隨念見故又前三
喻喻見佛身後一兼喻闡法三中夢喻法
身但有想見竟無見故影喻報身相明淨
故幻喻化身隨意成故又幻喻是心作佛
影喻是心是佛夢喻諸佛正遍知海從心
想生譬喻隨心勝劣見佛有異具上諸意
四喻不同故上疏云別喻唯心無明不出
入後結成唯心故無量壽觀經云是心是

等

二十

佛是心作佛諸佛正徧知海從心想生般

舟三昧經結云自念佛從何所來我亦無

所至我所念即見心作佛心自見心是佛

心是我心見佛上方攝境歸心下又拂云

心不自知心心不自見心心有想為癡無

想即泥洹是法無可示者皆念所為設有

念亦了無所有空耳此即喻中意已具矣

後結成准心者即釋經我如是憶念所見
諸佛皆由自心號家便引經證先引觀經
畧如向說般舟依止觀中引文稍闕畧今
當次第具引經云作是念佛從何所來去
到何所自念佛何所從來我亦無所至自
念三處欲處色處無想處是三處意所為

耳我所念即見心作佛心自見心是佛心
是但薩阿竭心此云如來是我身心見佛
心不自知心心不自見心有想為癡心
無想是泥洹是法無可示者皆念所為設
使念為空耳設有念亦了無所有如是跋
陀和菩薩在三昧中立者所見如是佛爾
時頌偈言心者不知心有心不見心起
想則癡無想是泥洹是法無堅固常在
於念以解見空者一切無想念釋曰對疏
廣畧可知次釋疏文初明佛無去來隨念

即見佛二心作佛心外無佛故所見佛即見

知是我心作佛心者我心佛心無二故若

自心言是佛心者我心佛心無二故若

見自心即見佛心者我心佛心無二故若

是我心見佛者結成唯心決定是我心見

心外無別佛也故疏結云上方攝境歸心

下又拂去先拂上心自見心夫心為能見

佛為所見心如刀不自割指不自觸云何自

心還見自心能所不分見相斯絕下句拂

上知是我心既能所知二皆是心則亦絕

能所故無知耳故結云有想則癡然般舟
別譯隋朝沙門闍那崛多即大集賢護有
文五卷初品名思惟第二品名
三昧行此中義在初品餘可知

大方廣佛華嚴經疏鈔會本第六十三之一

音釋

沮 慈呂切 恃 恃丞天切 恠 恠古切 依 依也 靈 靈之戌切 索 索止也

涕 泗 涕他計切 泗息利切
 也 稠 直由切 澆 鼻液也
 澆 胡管切 誕 徒梵切
 澆 洗子皓切 澆 洗子皓切
 澆 澆也 澆 澆也 澆 澆也

大方廣佛華嚴經疏鈔會本第六十三之三 翦五

唐于闐國三藏沙門實叉難陀 譯

唐清涼山大華嚴寺沙門澄觀撰述

善男子當知菩薩修諸佛法淨諸佛刹積集

妙行調伏衆生發大誓願入一切智自在遊

遊

戲不可思議解脫之門得佛菩提現大神通

徧往一切十方方法界以微細智普入諸劫如

是一切悉由自心是故善男子應以善法扶

助自心應以法水潤澤自心應於境界淨治

自心應以精進堅固自心應以忍辱坦蕩自

心應以智證潔白自心應以智慧明利自心

應以佛自在開發自心應以佛平等廣大自

心應以佛十力照察自心

第三心該萬法謂非但一念佛觀由於自

心菩薩萬行佛果體用亦不離心如有偈

云諸佛從心得解脫心者無漏名清淨五

道鮮潔不受色有解此者成大道第四結

勸修學中既萬法不離自心但修自心萬

法行備亦遣愚人妄解之失謂有計云萬

法皆心任之是佛驅馳萬法豈不唐勞故

今廣明心雖即佛久翳塵勞故以萬行增

修令其瑩徹又但說萬行由心不說不修

爲是又萬法即心修何礙心文有十句一

如彼病人非杖不起煩惱病重假善相資

二若無法水法芽不生三對境忘心即六

塵不染四舊善不雜新善進修可謂堅固

五違順不干則坦然寬廓六寂照內證皎

然無瑕七觸境了如無不鑒達八六自在

王性同於佛開塵發用知見分明九與佛

同如體周法界十以調生十力察獲踈遺

如是修心則圓前佛法

善男子我唯於此如來無礙莊嚴解脫門而得入出如諸菩薩摩訶薩得無礙智住無礙行得常見一切佛三昧得住涅槃際三昧了達三昧普門境界於三世法悉皆平等能

善

二

善分身徧一切刹住於諸佛平等境界十方境界皆悉現前智慧觀察無不明瞭於其身中悉現一切世界成壞而於己身及諸世界不生二想如是妙行而我云何能知能說

第四善男子我唯下謙已推勝不住涅槃

際生下當知餘文相顯

善男子從此南行至閻浮提畔有一國土名摩利伽羅彼有比丘名曰海幢汝詣彼問菩薩云何學菩薩行修菩薩道

第五從此下指示後友閻浮提畔者此洲

南際表將鄰不退故亦云所得般若六度後邊故摩利伽羅晉經譯為莊嚴比丘海幢者業用深廣而高出故正心不動如海最高勝故

時善財童子頂禮解脫長者足右繞觀察稱揚讚歎思惟戀仰悲泣流淚一心憶念依善知識事善知識敬善知識由善知識見一切智於善知識不生違逆於善知識心無諂誑於善知識心常隨順於善知識起慈母想捨離一切無益法故於善知識起慈父想出生一切諸善法故辭退而去

善

三

六戀德禮辭

爾時善財童子一心正念彼長者教觀察彼長者教憶念彼不思議菩薩解脫門思惟彼不思議菩薩智光明深入彼不思議法界門

趣向彼不思議菩薩普入門明見彼不思議
如來神變解了彼不思議普入佛刹分別彼
不思議佛力莊嚴思惟彼不思議菩薩三昧
解脫境界分位了達彼不思議差別世界究
竟無礙修行彼不思議菩薩堅固深心發起
彼不思議菩薩大願淨業

第六海幢寄正心住文但有五初念教趣

求有二初念前教詔

海幢比丘寄正心住成就般若了法性空

無住無依無邪無正故聞讚毀真正其心念不動故

漸次南行至閻浮提畔摩利聚落周徧求覓

海幢比丘

二趣求後友文顯可知

乃見其在經行地側結跏趺坐入于三昧離
出入息無別思覺身安不動

第二乃見其在下見敬諮問中二先見敬

後善財童子讚言下諮問今初小異前來

謂便見其入定體用即同前文正示法界

下諸夜神類多如是文中有五一見入定

相二觀定勝用三瞻敬證入四所經時分

五觀從定起今初此通二定一即滅受想

定謂無別思覺七轉已息唯第八識持身

定前加行誓願力故令於定身起諸業用

若圓教中融攝法界自在無礙故業用無

方未曾起念是以六地能入滅定而起通

用住似地故淨名云不起滅定而現諸威

儀正當此也二者即第四禪以起用多依

彼故四禪無出入息亦無覺觀內淨喜樂

諸思覺故通表此位心定不動故又經行

地側是動之所而滅思覺者表即動而寂

故而言側者不住行故

滅受想定如此品初及七地說引淨

名經亦
如前說

從其足下出無數百千億長者居士婆羅門
眾皆以種種諸莊嚴具莊嚴其身悉著寶冠
頂繫明珠普往十方一切世界雨一切寶一
切瓔珞一切衣服一切飲食如法上味一切
華一切鬘一切香一切塗香一切欲樂資生
之具於一切處救攝一切貧窮眾生安慰一
切苦惱眾生皆令歡喜心意清淨成就無上
菩提之道

二從其足下見定業用中二先別明身分
作用處別後海幢比丘又於其身下總顯
毛孔光明業用今初總十四處作用不同
總相而明從下至上漸漸增勝別則各表
不同一足出長者等者足有二義一最初
故多顯施行萬行首故二行住義長者行

之長故居士得安處故婆羅門淨行故成
就菩提是利行故

從其兩膝出無數百千億刹帝利婆羅門眾
皆悉聰慧種種色相種種形貌種種衣服上
妙莊嚴普徧十方一切世界愛語同事攝諸
眾生所謂貧者令足病者令愈危者令安怖
者令止有憂苦者咸使快樂復以方便而勸
導之皆令捨惡安住善法

二膝出刹帝利等者土由帝主屈伸自在
故行由於膝故出淨行次前二攝故說愛
語同事

從其腰間出等眾生數無量仙人或服草衣
或樹皮衣皆執澡瓶威儀寂靜周旋往返十
方世界於虛空中以佛妙音稱讚如來演說
諸法或說清淨梵行之道令其修習調伏諸

根或說諸法皆無自性使其觀察發生智慧
或說世間言論軌則或復開示一切智智出
要方便令隨次第各修其業

三腰出仙人者腰謂齋輪之下氣海之間
是吐故納新出仙之所故梵本云那髀曼

陀羅此云齋輪

從其兩脇出不思議龍不思議龍女示現不
思議諸龍神變所謂雨不思議香雲不思議
華雲不思議鬘雲不思議寶蓋雲不思議寶
幡雲不思議妙寶莊嚴具雲不思議大摩尼
寶雲不思議寶瓔珞雲不思議寶座雲不思
議寶宮殿雲不思議寶蓮華雲不思議寶冠
雲不思議天身雲不思議采女雲悉徧虛空
而爲莊嚴充滿一切十方世界諸佛道場而
爲供養令諸衆生皆生歡喜

其五

四脇出龍者是旁生故

六

從胃前卍字中出無數百千億阿脩羅王皆
悉示現不可思議自在幻力令百世界皆大
震動一切海水自然涌沸一切山王互相衝
擊諸天宮殿無不動搖諸魔光明無不隱蔽
諸魔兵衆無不摧伏普令衆生捨憍慢心除
怒害心破煩惱山息衆惡法長無鬪諍永共
和善復以幻力開悟衆生令滅罪惡令怖生
死令出諸趣令離染著令住無上菩提之心
令修一切諸菩薩行令住一切諸波羅蜜令
入一切諸菩薩地令觀一切微妙法門令知
一切諸佛方便如是所作周徧法界
五於胃德相出脩羅者胃是能生能滅憍
慢幻術之所故又明德相能降魔故
從其背上爲應以二乘而得度者出無數百

千億聲聞獨覺爲著我者說無有我爲執常者說一切行皆悉無常爲貪行者說不淨觀爲瞋行者說慈心觀爲癡行者說緣起觀爲等分行者說與智慧相應境界法爲樂著境界者說無所有法爲樂著寂靜處者說發大誓願普饒益一切衆生法如是所作周徧法界

六背出二乘者背大乘故

從其兩肩出無數百千億諸夜叉羅刹王種種形貌種種色相或長或短皆可怖畏無量眷屬而自圍繞守護一切行善衆生并諸賢聖菩薩衆會若向正住及正住者或時現作執金剛神守護諸佛及佛住處或徧守護一切世間有怖畏者令得安隱有疾病者令得除差有苦惱者令得免離有過惡者令其厭

悔有災橫者令其息滅如是利益一切衆生皆悉令其捨生死輪轉正法輪

七肩出夜叉等者肩是可畏勇力之所故又是荷負之所故爲守護業

從其腹出無數百千億緊那羅王各有無數緊那羅女前後圍繞又出無數百千億乾闥婆王各有無數乾闥婆女前後圍繞各奏無數百千天樂歌詠讚歎諸法實性歌詠讚歎一切諸佛歌詠讚歎發菩提心歌詠讚歎修菩薩行歌詠讚歎一切諸佛成正覺門歌詠讚歎一切諸佛轉法輪門歌詠讚歎一切諸佛現神變門開示演說一切諸佛般涅槃門開示演說守護一切諸佛教門開示演說令一切衆生皆歡喜門開示演說嚴淨一切諸佛刹門開示演說顯示一切微妙法門開示

演說捨離一切諸障礙門開示演說發生一切諸善根門如是周徧十方法界

八腹出緊那羅等者鼓腹絃歌音樂之所故

從其面門出無數百千億轉輪聖王七寶具足四兵圍繞放大捨光雨無量寶諸貧乏者悉使充足令其永斷不與取行端正采女無數百千悉以捨施心無所著令其永斷邪婬之行令生慈心不斷生命令其究竟常真實語不作虛誑無益談說令攝他語不行雜間了之義不作無義綺飾言辭為說少欲令除貪愛心無瑕垢為說大悲令除忿怒意得清淨為說實義令其觀察一切諸法深入因緣淨明諦理拔邪見刺破疑惑山一切障礙悉善明諦理拔邪見刺破疑惑山一切障礙悉

前五

皆除滅如是所作充滿法界

九面門出輪王者布十善令向佛法故

善下經文自具細尋可知

從其兩目出無數百千億日輪普照一切諸大地獄及諸惡趣皆令離苦又照一切世界

中間令除黑闇又照一切十方眾生皆令捨

離愚癡翳障於垢濁國土放清淨光白銀國

土放黃金色光黃金國土放白銀色光瑠璃

國土放玻璃色光玻璃國土放琉璃色光碑

磔國土放碼碯色光碼碯國土放碑磔色光

璽

九

帝青國土放日藏摩尼王色光日藏摩尼王

國土放帝青色光赤真珠國土放月光網藏

摩尼王色光月光網藏摩尼王國土放赤真

珠色光一寶所成國土放種種寶色光種種

寶所成國土放一寶色光照諸眾生心之稠

林辦諸衆生無量事業嚴飾一切世間境界
令諸衆生心得清涼生大歡喜如是所作充
滿法界

十日出日輪目等日照故

從其眉間白毫相中出無數百千億帝釋皆

於境界而得自在摩尼寶珠繫其頂上光照

一切諸天宮殿震動一切須彌山王覺悟一

切諸天大衆歎福德力說智慧力生其樂力

持其志力淨其念力堅其所發菩提心力讚

樂見佛令除世欲讚樂聞法令厭世境讚樂

觀智令絕世染止脩羅戰斷煩惱誣滅怖死

心發降魔願興立正法須彌山王成辦衆生

一切事業如是所作周徧法界

十一眉間出帝釋者於地居中最尊勝故

中道般若化衆生故令離五欲得淨法故

從其額上出無數百千億梵天色相端嚴世
間無比威儀寂靜言音美妙勸佛說法歎佛
功德令諸菩薩悉皆歡喜能辦衆生無量事
業普徧一切十方世界

十二額出梵王者梵王超欲故次於眉上

又是稽顙請法之所故

從其頭上出無量佛剎微塵數諸菩薩衆悉

以相好莊嚴其身放無邊光說種種行所謂

讚歎布施令捨慳貪得衆妙寶莊嚴世界稱

揚讚歎持戒功德令諸衆生永斷諸惡住於

菩薩大慈悲戒說一切有悉皆如夢說諸欲

樂無有滋味令諸衆生離煩惱縛說忍辱力

令於諸法心得自在讚金色身令諸衆生離

瞋恚垢起對治行絕畜生道歎精進行令其

遠離世間放逸皆悉勤修無量妙法又爲讚

歎禪波羅蜜令其一切心得自在又爲演說般若波羅蜜開示正見令諸衆生樂自在智拔諸見毒又爲演說隨順世間種種所作令諸衆生雖離生死而於諸趣自在受生又爲示現神通變化說壽命自在令諸衆生發大誓願又爲演說成就總持力出生大願力淨治三昧力自在受生力又爲演說種種諸智所謂普知衆生諸根智普知一切心行智普知如來十力智普知諸佛自在智如是所作周徧法界

十三頭出菩薩者最上首故說十度行並顯可知

從其頂上出無數百千億如來身其身無等諸相隨好清淨莊嚴威光赫奕如真金山無量光明普照十方出妙音聲充滿法界示現

十一

十二

無量大神通力爲一切世間普雨法雨

十四頂出佛者尊極無上故文中三初總

顯所出身語之相次所謂下別彰法雨不

同後如是下一句總結

所謂爲坐菩提道場諸菩薩雨普知平等法

雨爲灌頂位諸菩薩雨入普門法雨爲法王

子位諸菩薩雨普莊嚴法雨爲童子位諸菩

薩雨堅固山法雨爲不退位諸菩薩雨海藏

法雨爲成就正心位諸菩薩雨普境界法雨

爲方便具足位諸菩薩雨自性門法雨爲生

貴位諸菩薩雨隨順世間法雨爲修行位諸

菩薩雨普悲愍法雨爲新學諸菩薩雨積集

藏法雨爲初發心諸菩薩雨攝衆生法雨爲

信解諸菩薩雨無盡境界普現前法雨

就別彰法雨中總有三十二種前十二法

雨爲菩薩餘爲雜類今初一普知平等法
雨者略有三等一始覺同本無始本之異
故二等諸佛故三生佛一性故得此三等
則轉成妙覺二普門法雨者下十法雨即
十住者圓教位中十住位滿便成佛故此
前更無別位此約以位攝位非一乘宗餘
無此說然此十法皆是勸學十法已住自
分勸勝進故普門即三世等十種智慧勸
彼灌頂令其進修下皆倣此三令普學法
王善巧等爲莊嚴故四令學知剎動剎等
皆無能壞最高出故五令學說一即多說
多即一等十種廣大深法故名海藏六令
學一切法無相無體等既一切皆然名普
境界七知衆生無邊乃至知衆生無自性
皆是自性門以無邊等亦入自性故八了

知圓滿三世佛法皆是隨順世間故九編
觀察衆生界等爲悲愍故十誦習多聞虛
閑寂靜近善知識等皆爲積集包藏於法
行故創治心地故名新學十一令其勤供
養佛主導世間爲攝衆生若作十地等釋
類可思準十二即十信菩薩令普緣如來
及普賢無盡境界而生信心分明現前進
入位故十法雨即十位
者尋經易了
爲色界諸衆生雨普門法雨爲諸梵天雨普
藏法雨爲諸自在天雨生力法雨爲諸魔衆
雨心幢法雨爲諸化樂天雨淨念法雨爲諸
兜率天雨生意法雨爲諸夜摩天雨歡喜法
雨爲諸忉利天雨疾莊嚴虛空界法雨爲諸
夜叉王雨歡喜法雨爲諸乾闥婆王雨金剛
輪法雨爲諸阿修羅王雨大境界法雨爲諸

迦樓羅王雨無邊光明法雨為諸緊那羅王
雨一切世間殊勝智法雨為諸人王雨無樂
著法雨為諸龍王雨歡喜幢法雨為諸摩睺
羅伽王兩大休息法雨為諸地獄衆生雨正
念莊嚴法雨為諸畜生雨智慧藏法雨為閻
羅王界衆生雨無畏法雨為諸厄難處衆生
雨普安慰法雨悉令得入賢聖衆會

十一

十三

後為色界下二十法雨普為人天雜類一
總為色界衆生捨外住內令得心境無礙
故曰普門三偏語初禪以宿習多慈而偏
已眷屬今令慈普含福無窮三即他化自
在天轉世自在生十力自在四就他化中
分出魔衆魔好摧他自高今令得慈心法
幢摧其邪慢五隨念化樂但汗自心故轉
令淨念六雖於世樂知足宜生出世之意

七世樂時分稱快不及法喜之歡八地居
之極美空居為勝不及福智嚴法性空九
夜叉性多暴害故令歡喜於舍生此約對
治明喜前夜摩天約隨便宜十以彼善奏
樂音上德聲聞亦為摧壞今令得金剛智
無所不摧無不圓滿十一彼恃大身而生
憍慢令見法身稱法界境十二彼以淨眼
觀海意欲吞龍令以慈眼智光徧照機感
十三隨彼善歌令得即空涉有殊勝世智
十四人王著樂故偏對治十五龍多恚毒
故為說喜有熱沙等怖說法幢能摧十六
蝨多毒害又為蟲咬食無休故說內休毒
心外苦休息十七地獄衆生身受無邊苦
心念無邊惡若以正念三寶為嚴則頓脫
衆苦十八畜生多癡故十九談魔鬼卒互

相怖畏乃至王身亦有熱鐵鎔銅等怖故
 二十諸難者所謂八難及在人間獄囚繫
 閉等而多不安故普安慰悉令得入聖賢
 眾會翻彼難處
 如是所作充滿法界

後結周徧稱性用故

海幢比丘又於其身一切毛孔一一皆出阿
 僧祇佛刹微塵數光明網一一光明網具阿
 僧祇色相阿僧祇莊嚴阿僧祇境界阿僧祇
 事業充滿十方一切法界

二總顯毛孔光明業用可知上來見定相
 用竟

爾時善財童子一心觀察海幢比丘深生渴
 仰憶念彼三昧解脫思惟彼不思議菩薩三
 昧思惟彼不思議利益眾生方便海思惟彼

第五

十四

不思議無作用普莊嚴門思惟彼莊嚴法界
 清淨智思惟彼受佛加持智思惟彼出生菩
 薩自在力思惟彼堅固菩薩大願力思惟彼
 增廣菩薩諸行力

第三爾時善財童子一心下瞻敬證入中

十句初句思人證人法界餘句思法證法
 法界於中初一句總謂三昧是體解脫是
 用體用合明二別思彼體次二句別思彼
 用一益生廣多二無思普徧即用而寂故
 次二句思前體用所因一內智淨故二外
 緣加故後三句思其勝進依前體用進益
 後三故

體

十五

如是住立思惟觀察經一日一夜乃至經於
 七日七夜半月一月乃至六月復經六日
 第四如是住下所經時分六月六日者第

六住中滿第六度故以法味資神故身心都忘不覺時久

過此已後海幢比丘從三昧出

第五過此已下明出定者所作訖故

善財童子讚言聖者希有奇特如此三昧最為甚深如此三昧最為廣大如此三昧境界無量如此三昧神力難思如此三昧光明無等如此三昧莊嚴無數如此三昧威力難制如此三昧境界平等如此三昧普照十方如此三昧利益無限以能除滅一切眾生無量苦故所謂能令一切眾生離貧苦故出地獄故免畜生故閉諸難門故開人天道故令人天眾生喜樂故令其愛樂禪境界故能令增長有為樂故能為顯示出有樂故能為引發菩提心故能使增長福智行故能令增長大

悲心故能令生起大願力故能令明了菩薩道故能使莊嚴究竟智故能令趣入大乘境界故能令照了普賢行故能令證得諸菩薩地智光明故能令成就一切菩薩諸願行故能令安住一切智智境界中故

第二正明諮問中二先讚後問今初分二初標讚深勝後以能除滅下出讚所因由具此下諸因故上云甚深廣大等其中云能令增長有為樂者不捨有為故出有樂者不染有故又上句為凡夫次句為二乘

聖

六

下云引發菩提即為大器

聖者此三昧者名為何等

第二聖者此三昧者下正問有二問答先問名後問用初中先問後答今初上既修入何更問名其猶世人得大王膳雖食勝

味何必知名

海幢比丘言善男子此三昧名普眼捨得又名般若波羅蜜境界清淨光明又名普莊嚴清淨門善男子我以修習般若波羅蜜故得此普莊嚴清淨三昧等百萬阿僧祇三昧

答有三名者初一從智立次一雙就境界智後一雙融境智立名普眼捨得者般若之智照一切法故名普眼皆無所得故云捨得若有所得不能即寂而用以無所得即無所不得菩薩無得心無罣礙諸佛無得則得菩提昔云障無不寂曰捨理無不證曰得非無此理而未造玄二合稱中般若清淨故境界清淨清淨之境皆般若境故三雙融立稱者般若了境無境非般若何所不嚴故智論云說智及智處俱名為般若

璽

七

若是則若般若清淨若境清淨無二無二分無別無斷故故一莊嚴一切莊嚴名普莊嚴及攝眷屬可知

善財童子言聖者此三昧境界究竟唯如是耶

二善財童子言聖者下向境界中先問後答問云唯如是者上所目觀頗已修入視聽之外更希異聞

海幢言善男子入此三昧時了知一切世界無所障礙往詣一切世界無所障礙超過一切世界無所障礙莊嚴一切世界無所障礙修治一切世界無所障礙嚴淨一切世界無所障礙見一切佛無所障礙觀一切佛廣大威德無所障礙知一切佛自在神力無所障礙證一切佛諸廣大無所障礙入一切佛

諸功德海無所障礙受一切佛無量妙法無所障礙入一切佛法中修習妙行無所障礙證一切佛轉法輪平等智無所障礙入一切諸佛衆會道場海無所障礙觀十方佛法無所障礙大悲攝受十方衆生無所障礙常起

大慈充滿十方無所障礙見十方佛心無厭足無所障礙入一切衆生海無所障礙知一切衆生根海無所障礙知一切衆生諸根差別智無所障礙

後答中皆示上來之所不及於中三初明於器世間無礙次見一切佛下於智正覺世間無礙後大悲攝受下於衆生世間無礙其中見佛亦爲攝生故文並可知

善男子我唯知此一般若波羅蜜三昧光明如諸菩薩入智慧海淨法界境達一切趣徧

無量剎總持自在三昧清淨神通廣大辯才無盡善說諸地爲衆生依而我何能知其妙行辯其功德了其所行明其境界究其願力入其要門達其所證說其道分住其三昧見其心境得其所所有平等智慧

第三謙已推勝中初謙已知一後如諸下推勝中二先舉彼所知後而我下顯不能測

善男子從此南行有一住處名曰海潮彼有園林名普莊嚴於其園中有優婆夷名曰休

第五

十八

捨汝往彼問菩薩云何學菩薩行修菩薩道第四指示後友中處名海潮者但言有處則猶是前國顯方便行不離般若故言海潮者謂潮所至處顯方便就機不過限故亦將八生死海以濟物故能知三世佛法

海故故上法門名為海藏園名普莊嚴者
 約相廣有衆嚴故約表以生死為園苑萬
 行為莊嚴故又文義相隨等莊嚴總持無
 漏法故友名休捨者此云意樂亦云希望
 亦云滿願謂隨衆生意樂希望得圓滿故

謝聖

十九

亦能圓滿性相法故前般若了真故寄比

丘此以慈心方便入俗故寄優婆夷矣顯方

便行不離般若者既了俗由證真故說後
 得明不離也能知三世佛法者上約善友
 釋此約表位經云佛子此菩薩應勸學十
 種廣大法何等為十所謂說一即多說多
 即一文隨於義義隨於文非有即有有即
 非有無相即相相即無相無世即性性即

無性即廣大法
 海也餘可思準

時善財童子於海幢比丘所得堅固身獲妙
 法財入深境界智慧明徹三昧照耀住清淨
 解見甚深法其心安住諸清淨門智慧光明
 充滿十方心生歡喜踊躍無量五體投地頂

禮其足繞無量而恭敬瞻仰思惟觀察咨嗟
 戀慕持其名號想其容止念其音聲思其三
 昧及彼大願所行境界受其智慧清淨光明
 辭退而行

大方廣佛華嚴經疏鈔會本第六十三之二

音釋

齋前西切 部禮切 股骨也 母黨切 作答切

塋鳥定切 時戰切 具食也

鱗大蛇也 作答切

大方廣佛華嚴經疏鈔會本第六十四 翦六

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子蒙善知識力依善知識教念

善知識語於善知識深心愛樂作是念言因

善知識令我見佛善知識令我聞法善知

識者是我師傅示導於我諸佛法故善知識

者是我眼目令我見佛如虛空故善知識者

是我津濟令我得入諸佛如來蓮華池故漸

漸南行至海潮處

第七休捨優婆夷寄不退住寄不退住入

空理心心常行空無相願止於無生畢竟觀雙蓮緣不能壞港猶澄海 文中具六第

一依教趣求中二先念前友教文有十句

前五集經者序後五正陳所念可知二漸

次下趣求後友亦可知

見普莊嚴園衆寶垣牆周而圍繞一切寶樹

行列莊嚴一切寶華樹兩衆妙華布散其地

一切寶香樹香氣氤氳普熏十方一切寶鬘

樹兩大寶鬘處處垂下一切摩尼寶王樹兩

大摩尼寶徧布充滿一切寶衣樹兩種種色

衣隨其所應周而敷布一切音樂樹風動成

音其音美妙過於天樂一切莊嚴具樹各兩

珍玩奇妙之物處處分布以爲嚴飾其地清

淨無有高下於中具有百萬殿堂大摩尼寶

之所合成百萬樓閣間浮檀金以覆其上百

萬宮殿毗盧遮那摩尼寶間錯莊嚴一萬浴

池衆寶合成七寶欄楯周而圍繞七寶階道

四面分布八功德水湛然盈滿其水香氣如

天栴檀金沙布底水清寶珠周徧間錯鳧鴈

孔雀俱枳羅鳥遊戲其中出和雅音寶多羅

樹周巾行列覆以寶網垂諸金鈴微風徐搖
 恒出美音施大寶帳寶樹圍繞建立無數摩
 尼寶幢光明普照百千由旬其中復有百萬
 陂池黑栴檀泥凝積其底一切妙寶以為蓮
 華敷布水上大摩尼華光色照耀園中復有
 廣大宮殿名莊嚴幢海藏妙寶以為其地毗
 瑠璃寶以為其柱閻浮檀金以覆其上光藏
 摩尼以為莊嚴無數寶王光燄熾然重樓挾
 閻種種莊飾阿盧那香王覺悟香王皆出妙
 香普熏一切其宮殿中復有無量寶蓮華座
 周迴布列所謂照耀十方摩尼寶蓮華座毗
 盧遮那摩尼寶蓮華座照耀世間摩尼寶蓮
 華座妙藏摩尼寶蓮華座師子藏摩尼寶蓮
 華座離垢藏摩尼寶蓮華座普門摩尼寶蓮
 華座光嚴摩尼寶蓮華座安住大海藏清淨

摩尼王寶蓮華座金剛師子摩尼寶蓮華座
 園中復有百萬種帳所謂衣帳鬘帳香帳華
 帳枝帳摩尼帳真金帳莊嚴具帳音樂帳象
 王神變帳馬王神變帳帝釋所著摩尼寶帳
 如是等其數百萬有百萬大寶網彌覆其上
 所謂寶鈴網寶蓋網寶身網海藏真珠網紺
 瑠璃摩尼寶網師子摩尼網月光摩尼網種
 種形像眾香網寶冠網寶瓔珞網如是等其
 數百萬有百萬大光明之所照耀所謂燄光
 摩尼寶光明日藏摩尼寶光明月幢摩尼寶
 光明香燄摩尼寶光明勝藏摩尼寶光明蓮
 華藏摩尼寶光明燄幢摩尼寶光明大燈摩
 尼寶光明普照十方摩尼寶光明香光摩尼
 寶光明如是等其數百萬常雨百萬莊嚴具
 百萬黑栴檀香出妙音聲百萬出過諸天曼

第六

三

陀羅華而以散之百萬出過諸天瓔珞以爲莊嚴百萬出過諸天妙寶鬘帶處處垂下百萬出過諸天衆色妙衣百萬雜色摩尼寶妙光普照百萬天子欣樂瞻仰頭面作禮百萬采女於虛空中投身而下百萬菩薩恭敬親近常樂聞法

第二見普莊嚴下見敬諮問中三初見次敬後諮問前中二先見依報殊勝有十事莊嚴一寶牆圍繞二一切寶樹下林樹行列三其地下堂閣崇麗四一萬浴池下浴沼清華五其中復有百萬陂下映帶池流六園中復有廣大下嚴敷殿座即別明善友所坐先殿後座可知七園中復有下羅以帳網先帳後網八有百萬大光下耀以光明九常雨下雨散雜嚴十百萬天子下

凡聖欣敬

時休捨優婆夷坐真金座戴海藏真珠網冠挂出過諸天真金寶釧垂紺青髮大摩尼網莊嚴其首師子口摩尼寶以爲耳璫如意摩尼寶王以爲瓔珞一切寶網垂覆其身百千億那由他衆生曲躬恭敬東方有無量衆生來詣其所謂梵天梵衆天大梵天梵輔天自在天乃至一切人及非人南西北方四維上下皆亦如是其有見此優婆夷者一切病苦悉得除滅離煩惱垢拔諸見刺摧障礙山莫入於無礙清淨境界增明一切所有善根長養諸根入一切智慧門入一切總持門一切三昧門一切大願門一切妙行門一切功德門皆得現前其心廣大具足神通身無障礙至一切處爾時善財童子入普莊嚴園周徧

觀察見休捨優婆夷坐於妙座

二時休捨下明見正報端嚴於中四一正報殊常二百千億下十方雲仰三其有見此下業用難測四爾時善財入下正見身儀

往詣其所頂禮其足繞無數而白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

二往詣其所下設敬三白言聖者下諮問

法要文並可知

休捨告言善男子我唯得菩薩一解脫門若有見聞憶念於我與我同住供給我者悉不唐捐

第三休捨告言善男子下稱讚授法略無

稱讚但有正示法界於中四一舉法門體用二窮因淺深三顯果久如四彰法名字今初分二先總舉體用名下當顯用約不空

善男子若有衆生不種善根不爲善友之所攝受不爲諸佛之所護念是人終不得見於我善男子其有衆生得見我者皆於阿耨多羅三藐三菩提獲不退轉善男子東方諸佛常來至此處於寶座爲我說法南西北方四維上下一切諸佛悉來至此處於寶座爲我說法善男子我常不離見佛聞法與諸菩薩而共同住善男子我此大衆有八萬四千億那由他皆在此園與我同行悉於阿耨多羅三藐三菩提得不退轉其餘衆生住此園者亦皆善入不退轉位

二善男子若有下別明勝用於中三一明
益物不空用先反後順見皆不退者顯若
得方便至不退住故二善男子東方下諸
佛被益用以與三寶同住故與我住皆悉
不空三善男子我此下引證不空現與同
住皆不退故亦表方便入俗則入萬塵勞
皆成波羅蜜故

善財白言聖者發阿耨多羅三藐三菩提心
為久近耶答言善男子我憶過去於然燈佛
所修行梵行恭敬供養聞法受持次前於離
垢佛所出家學道受持正法次前於妙幢佛
所次前於勝須彌佛所次前於蓮華德藏佛
所次前於毗盧遮那佛所次前於普眼佛所
次前於梵壽佛所次前於金剛齋佛所次前
於娑樓那天佛所善男子我憶過去於無量

劫無量生中如是次第三十六恒河沙佛所
皆悉承事恭敬供養聞法受持淨修梵行於
此已往佛智所知非我能測善男子菩薩初
發心無有量充滿一切法界故菩薩大悲門
無有量普入一切世間故菩薩大願門無有
量究竟十方法界故菩薩大慈門無有量普
覆一切衆生故菩薩所修行無有量於一切
刹一切劫中修習故菩薩三昧力無有量令
菩薩道不退故菩薩總持力無有量能持一
切世間故菩薩智光力無有量普能證入三
世故菩薩神通力無有量普現一切刹網故
菩薩辯才力無有量一音一切悉解故菩薩
清淨身無有量悉徧一切佛刹故

二窮因淺深中先問後答答中二先約因
緣答娑樓那者此云水也總三十六恒沙

者近佛既多發心已久而要言三十六者

顯已過前六位位具修六度六六三十

六皆是恒沙性德故云爾耳涅槃亦有此

數後善男子菩薩初發心下約心量答意

顯發心稱法界故亦等眾生眾生亦無初

際從癡有愛而菩薩發心癡愛無初心亦

無終故涅槃經中亦有此數者即第六經

如來性品說四依義後經云迦葉

若薩句佛言世尊如是經典正法滅時正

戒毀時非法增長時無如法眾生時誰聽

受奉持讀誦令其通利供養恭敬書寫解

說下取意引爾時佛讚迦葉善哉善哉善

男子汝今善能問如是義善男子若有眾

生一恒河沙佛所發菩提心乃能於惡世

不謗是經不能為人分別廣說若二恒河

沙佛所發菩提心乃能於惡世不謗信樂

受持讀誦亦不能為人演說若三恒河沙

佛所發菩提心具第二人德雖為人說未

解深義若四恒河沙佛所發心亦具前德

為他廣說十大分中一分之義雖復演說

亦不具足若五恒河沙佛所發心能廣為

八說十六分中八分之義若六恒河沙佛

所發心能廣為人說十六分中十二分之

義若七恒河沙佛所發心為他廣說十六

分中十四分義若有於八恒河沙佛所發

心然後乃能於惡世中不謗是法受持讀

誦書寫經卷亦勸他人令得書寫自能聽受亦勸他人令得聽受通利等然經但有積一至八三十六言乃是義取一上加二為三三上加三為六六上加四為十十上加五為十五十五上加六為二十一二十一加七為二十八二十八上加八為三十六是前積於八八二三四等共為三十六也雖是義取理必應然

善財童子言聖者久如當得阿耨多羅三藐

三菩提答言善男子菩薩不為教化調伏一

眾生故發菩提心不為教化調伏百眾生故

發菩提心乃至不為教化調伏不可說不可

說轉眾生故發菩提心不為教化一世界眾

生故發菩提心乃至不為教化不可說不可

說轉世界眾生故發菩提心不為教化閻浮

提微塵數世界眾生故發菩提心不為教化

三千大千世界微塵數世界眾生故發菩提

心乃至不為教化不可說不可說轉三千大

千世界微塵數世界衆生故發菩提心不爲
供養一如來故發菩提心乃至不爲供養不
可說不可說轉如來故發菩提心不爲供養
一世界中次第興世諸如來故發菩提心乃
至不爲供養不可說不可說轉世界中次第
興世諸如來故發菩提心不爲供養一三千
大千世界微塵數世界中次第興世諸如來
故發菩提心乃至不爲供養不可說不可說
轉佛刹微塵數世界中次第興世諸如來故
發菩提心不爲嚴淨一世界故發菩提心乃
至不爲嚴淨不可說不可說轉世界故發菩
提心不爲嚴淨一三千大千世界微塵數世
界故發菩提心乃至不爲嚴淨不可說不可
說轉三千大千世界微塵數世界故發菩提
心不爲住持一如來遺法故發菩提心乃至

不爲住持不可說不可說轉如來遺法故發
菩提心不爲住持一世界如來遺法故發菩
提心乃至不爲住持不可說不可說轉世界
如來遺法故發菩提心不爲住持一閻浮提
微塵數世界如來遺法故發菩提心乃至不
爲住持不可說不可說轉佛刹微塵數世界
如來遺法故發菩提心如是略說不爲滿一
佛誓願故不爲徃一佛國土故不爲入一佛
衆會故不爲持一佛法眼故不爲轉一佛法
輪故不爲知一世界中諸劫次第故不爲知
一衆生心海故不爲知一衆生根海故不爲
知一衆生業海故不爲知一衆生行海故不
爲知一衆生煩惱海故不爲知一衆生煩惱
習海故乃至不爲知不可說不可說轉佛刹
微塵數衆生煩惱習海故發菩提心

第六

八

樂

九

三顯果久近中亦先問後答中明無齊
限故不應作久近之問文中三初反釋無
齊限於中先別明二十四句初八化生次
六供佛次四嚴刹後六持法後如是略說
下總顯

欲教化調伏一切衆生悉無餘故發菩提心
欲承事供養一切諸佛悉無餘故發菩提心
欲嚴淨一切諸佛國土悉無餘故發菩提心
欲護持一切諸佛正教悉無餘故發菩提心
欲成滿一切如來誓願悉無餘故發菩提心
欲往一切諸佛國土悉無餘故發菩提心欲
入一切諸佛衆會悉無餘故發菩提心欲知
一切世界中諸劫次第悉無餘故發菩提心
欲知一切衆生心海悉無餘故發菩提心欲
知一切衆生根海悉無餘故發菩提心欲知

一切衆生業海悉無餘故發菩提心欲知一
切衆生行海悉無餘故發菩提心欲滅一切
衆生諸煩惱海悉無餘故發菩提心欲拔一
切衆生煩惱習海悉無餘故發菩提心善男
子取要言之菩薩以如是等百萬阿僧祇方
便行故發菩提心

二欲教化調伏一切衆生下順釋無齊限
亦有別有總可知

善男子菩薩行普入一切法皆證得故普入
一切刹悉嚴淨故是故善男子嚴淨一切世
界盡我願乃盡拔一切衆生煩惱習氣盡我
願乃滿

三善男子菩薩行普入下總結無盡此同
初地十無盡向衆生無盡故成佛無期若
爾豈都無成耶因此略辨成不成義勒爲

四句一以向約因緣厚薄對今無盡則有始而無成此約悲門得果不捨因故二以稱法界發心故不見初相方為真成則無始而有終此約智說三悲智合明不壞相故不妨始終前後諸文其例非一四約稱性之談則無終無始故天女云但以世俗文字數故說有三世非謂菩提有去來今故下大願精進夜神云不可以生死中長短劫數分別菩薩智輪等融斯四句無有障礙欲成即念念成常成常不成無有障

礙 故天女云名即淨名經前已引竟

善財童子言聖者此解脫名為何等答言善男子此解脫名離憂安隱幢

四彰法名字先問後答答云離憂安隱幢者此有二義一以大悲高顯所以稱幢其

十一
有見者離業感苦不退菩提是謂離憂安隱二者即智之悲涉苦安隱即悲之智多劫無憂雙摧生死涅槃特出凡小之外故名幢矣

善男子我唯知此一解脫門如諸菩薩摩訶薩其心如海悉能容受一切佛法如須彌山志意堅固不可動搖如善見藥能除衆生煩惱重病如明淨日能破衆生無明闇障猶如大地能作一切衆生依處猶如好風能作一切衆生義利猶如明燈能爲衆生生智慧光猶如大雲能爲衆生雨寂滅法猶如淨月能爲衆生放福德光猶如帝釋悉能守護一切衆生而我云何能知能說彼功德行

第四謙已推勝可知

善男子於此南方海潮之處有一國土名那

羅素中有仙人名毗目瞿沙汝詣彼問菩薩云何學菩薩行修菩薩道

第五指示後友中言海潮之處者但約大悲攝物無失受童真名故不異前處國名那羅素者此云不懶惰動刹持刹觀刹詣

刹無休息故仙人名毗目瞿沙者梵言猶略若具應云毗目多羅涅懼沙此翻名最上無恐怖聲亦云毗沙摩此云無怖畏烏多羅此云上涅瞿婆此云出聲二譯大同謂常出增上無怖畏聲安衆生故彼住文

云出廣大徧滿音以童真清潔無漏故寄

仙人表之後住文云出廣大遍滿音者即勝進十法中之一句耳

時善財童子頂禮其足繞無數而慙懃瞻仰悲泣流淚作是思惟得菩提難近善知識難遇善知識難得菩薩諸根難淨菩薩諸根難

值同行善知識難如理觀察難依教修行難值遇出生善心方便難值遇增長一切智法光明難作是念已辭退而行

爾時善財童子隨順思惟菩薩正教隨順思惟菩薩淨行生增長菩薩福力心生明見一切諸佛心生出生一切諸佛心生增長一切大願心生普見十方諸法心生明照諸法實性心生普散一切障礙心生觀察法界無間心生清淨意寶莊嚴心生摧伏一切衆魔心漸漸遊行至那羅素國周徧推求毗目瞿沙

第六

七

第八毗目仙人寄童真住六段初依教趣求中初念前友教有十二句前二總明順前解行後十依前增進勝心前四約福後六約智求友可知寄童真住者心不生倒不起邪魔破菩提心故見一大林阿僧祇樹以為莊嚴所謂種種葉

樹扶疎布護種種華樹開敷鮮榮種種果樹
相續成熟種種寶樹兩摩尼果大栴檀樹處
處行列諸沈水樹常出好香悅意香樹妙香
莊嚴波陀羅樹四面圍繞尼拘律樹其身聳
擢間浮檀樹常雨甘果優鉢羅華波頭摩華

前六

十三

以嚴池沼時善財童子見彼仙人在栴檀樹
下敷草而坐領徒一萬或著鹿皮或著樹皮
或復編草以為衣服髻環垂鬢前後圍繞

第二見一大下見敬諮問中三先見次敬
後諮問今初分二先見依報樹名波吒羅

者正如此方楸樹尼拘律者如此方柳樹
子似枇杷餘如音義後時善財童子見彼

下見正報領徒一萬者表萬行故

正如此

甚有香氣其華紫色如此方柳樹子似枇杷
把子承蒂如柿然其種類耐老諸樹中最
大能高

善財見已往詣其所五體投地作如是言我
今得遇真善知識善知識者則是趣向一切
智門令我得入真實道故善知識者則是趣
向一切智乘令我得至如來地故善知識者
則是趣向一切智船令我得至智寶洲故善
知識者則是趣向一切智炬令我得生十力
光故善知識者則是趣向一切智道令我得
入涅槃城故善知識者則是趣向一切智燈
令我得見夷險道故善知識者則是趣向一
切智橋令我得度險惡處故善知識者則是
趣向一切智蓋令我得生大慈涼故善知識
者則是趣向一切智眼令我得見法性門故
善知識者則是趣向一切智潮令我滿足大
悲水故作是語已從地而起繞無量而合掌
前住白言聖者我已先發阿耨多羅三藐三

菩提心而未知菩薩云何學菩薩行云何修
菩薩道我聞聖者善能誘誨願爲我說

二善財見已下設敬稱讚於中三先身敬
次言讚見夷險者涅槃爲夷平生死爲險
難又二皆爲險不住爲夷餘可知後作是

語已下重明身敬將欲問故三白言聖者

下諮問法要

時毗目瞿沙顧其徒衆而作是言善男子此
童子已發阿耨多羅三藐三菩提心善男子
此童子普施一切衆生無畏此童子普與一
切衆生利益此童子常觀一切諸佛智海此
童子欲飲一切甘露法雨此童子欲測一切
廣大法海此童子欲令衆生住智海中此童
子欲普發起廣大悲雲此童子欲普雨於廣
大法雨此童子欲以智月普照世間此童子

欲滅世間煩惱毒熱此童子欲長合識一切

善根時諸仙衆聞是語已各以種種上妙香

華散善財上投身作禮圍繞恭敬作如是言

今此童子必當救護一切衆生必當除滅諸

地獄苦必當永斷諸畜生道必當轉去閻羅

王界必當關閉諸難處門必當乾竭諸愛欲

海必令衆生永滅苦蘊必當永破無明黑暗

必當永斷貪愛繫縛必以福德大輪圍山圍

繞世間必以智慧大寶須彌顯示世間必當

出現清淨智日必當開示善根法藏必使世

間明識險易時毗目瞿沙告羣仙言善男子

若有能發阿耨多羅三藐三菩提心必當成

就一切智道此善男子已發阿耨多羅三藐

三菩提心當淨一切佛功德地

第三時毗目下稱讚授法中二先稱讚法

第六

十四

第六

十五

器後正授法要今初中四一總讚發心示
徒衆者令敬學故次善男子此童子下別
讚發心之相三時諸仙衆下眷屬敬讚言
險易者易亦平也四時毗目下述讚結果
時毗目瞿沙告善財童子言善男子我得菩
薩無勝幢解脫善財白言聖者無勝幢解脫
境界云何時毗目仙人即申右手摩善財頂
執善財手即時善財自見其身往十方十佛
刹微塵數世界中到十佛刹微塵數諸佛所
見彼佛刹及其衆會諸佛相好種種莊嚴亦
聞彼佛隨諸衆生心之所樂而演說法一文
一句皆悉通達各別受持無有雜亂亦知彼
佛以種種解淨治諸願亦知彼佛以清淨願
成就諸力亦見彼佛隨衆生心所現色相亦
見彼佛大光明網種種諸色清淨圓滿亦知

彼佛無礙智慧大光明力又自見身於諸佛
所經一日夜或七日夜半月一月一年十年
百年千年或經億年或阿庾多億年或那由
他億年或經半劫或經一劫百劫千劫或百
千億乃至不可說不可說佛刹微塵數劫爾
時善財童子爲菩薩無勝幢解脫智光明照
故得毗盧遮那藏三昧光明爲無盡智解脫
三昧光明照故得普攝諸方陀羅尼光明爲
金剛輪陀羅尼門光明照故得極清淨智慧
心三昧光明爲普門莊嚴藏般若波羅蜜光
明照故得佛虛空藏輪三昧光明爲一切佛
法輪三昧光明照故得三世無盡智三昧光
明

第二時毗目瞿沙結善財下正授法要文
中有六初示法名體童真淨智變化自在

高出功用之表所以名幢相惑不動故云

無勝即此摧惑亦名幢義二善財白言下

徵其境界三時毗目下授令證知摩頂顯

加持之相執手表授與之義相攝有力故

所見可知執手表授與之義約教相說言相攝有力者約義理說上通諸

教此在華嚴知識有力善財無力力攝無力故因知識合善財見善財有力則仙人

善財皆得故互相攝有力四爾時善財童

子為菩薩無勝下得解脫益文有十句五

對謂為五法照得五種益能照皆是無勝

幢之別名然初對為總餘四為別展轉相

生且初總對由見彼真智作用即知是法

界體上寂而徧照故云三昧光明二即上

所得三昧光明乃是能照之智作用無盡

之寂照故得所照十方智總持之明鑑無

遺三即上總持以智為體堅利圓滿由得

遺三即上總持以智為體堅利圓滿由得

此故能令自心障淨智明為寂照之光四善六

得上淨智般若則無行不嚴無德不備為

莊嚴藏此光照心能照如來法性空中包

含圓滿正受現前五上虛空藏輪即一切

佛法圓滿寂照以此照心則智窮三世無

盡法源此約展轉釋若約能照皆是總中

別義則不相躡義不異前而其所得即三

昧中事然初對下展轉釋則無勝幢之總為第一能益餘四展轉皆以所益

轉為能益三若約能照下就總別釋無勝幢之總舍於五義初之一能雖標總稱即受別名故言能照皆是

總中別義細尋可見

時彼仙人放善財手善財童子即自見身還

在本處時彼仙人告善財言善男子汝憶念

耶善財言唯此是聖者善知識力

五時彼仙人放善財下明捨加持所作訖

故還在本處者不移本處而徧十方處既

故還在本處者不移本處而徧十方處既

故還在本處者不移本處而徧十方處既

還本時亦多劫未逾一日故近遠無礙念劫圓融皆圓教善友法門之力是以善財一生能辦多劫之行普賢位內或經不可說劫非但三祇皆法力加持不應以時以處定斯玄旨六時彼仙人告下明言承領

可知是以善財一生能辦多劫之行者既善友方瞬息之間或有佛所見經不可說不可說佛刹微塵數劫修行不從何得一生不經多劫仙人之力長短自在故如王質遇仙之茗纔看斧柯爛已經三歲尚謂令頃既能以長為短亦能以短為長如周穆隨於幻人維經多年實唯瞬息故結云不應以長短之時廣狹之處定其旨也

仙人言善男子我唯知此菩薩無勝幢解脫如諸菩薩摩訶薩成就一切殊勝三昧於一切時而得自在於一念頃出生諸佛無量智慧以佛智燈而為莊嚴普照世間一念普入三世境界分形徧徃十方國土智身普入一

切法界隨衆生心普現其前觀其根行而為利益放淨光明甚可愛樂而我云何能知能說彼功德行彼殊勝願彼莊嚴刹彼智境界彼三昧所行彼神通變化彼解脫遊戲彼身相差別彼音聲清淨彼智慧光明

第四仙人言下謙已推勝

善男子於此南方有一聚落名伊沙那有婆羅門名曰勝熱汝詣彼問菩薩云何學菩薩行修菩薩道

第五善男子於此下指示後友伊沙那者

此云長直謂里巷徑永表善知三際故長善知勝義故直婆羅門勝熱者於五熱中成勝行故表體煩惱熱成勝德故不染煩惱成淨行故表善知三際故長善知勝義故直者即義引第九住文經云此菩薩善知十種法何等為十所謂善知諸衆生受生善知諸業煩惱現起善知

第六

十六

習氣相續善知所行方便善知無量法善解諸威儀善知世界差別善知前後際善善知演說世諦善知演說第一義釋日若起實取唯取第八及第十句若通相說除第十句餘皆三際之法

時善財童子歡喜踊躍頂禮其足繞無數而
慙懃瞻仰辭退南行

麻六

十九

爾時善財童子為菩薩無勝幢解脫所照故

第九勝熱善友寄王子住義如前釋文亦

有六一依教趣入中二初證前後趣後前

中二初顯證所因寄王子住者從法王教生於正解當紹佛位故

住諸佛不思議神力證菩薩不思議解脫神

通智得菩薩不思議三昧智光明得一切時

熏修三昧智光明得了知一切境界皆依想

所住三昧智光明得一切世間殊勝智光明

於一切處悉現其身以究竟智說無二無分

別平等法以明淨智普照境界凡所聞法皆

能忍受清淨信解於法自性決定明了心恒
不捨菩薩妙行求一切智永無退轉獲得十
力智慧光明勤求妙法常無厭足以正修行
入佛境界出生菩薩無量莊嚴無邊大願悉
已清淨以無窮盡智知無邊世界網以無怯
弱心度無量衆生海了無邊菩薩諸行境界
見無邊世界種種差別見無邊世界種種莊
嚴入無邊世界微細境界知無邊世界種種
名號知無邊世界種種言說知無邊衆生種
種解見無邊衆生種種行見無邊衆生成熟
行見無邊衆生差別想念善知識漸次遊行
至伊沙那聚落
後住諸佛下正明證益於中二先得自分
益後求一切智下得勝進益及於趣後文
並可知

見彼勝熱修諸苦行求一切智四面火聚猶如大山中有刀山高峻無極登彼山上投身入火時善財童子頂禮其足合掌而立作如是言聖者我已先發阿耨多羅三藐三菩提心而未知菩薩云何學菩薩行云何修菩薩

道我聞聖者善能誘誨願為我說

第六

二十

第二見彼勝熱下見敬諮問中三先見苦行四面火聚者更加頭上有日即五熱炙身今但云四者四句般若皆燒惑薪故中有刀山者無分別智最居中道無不割故高而無上難可登故故智論云般若波羅蜜猶如大火聚四邊不可取遠離於四句四句即四邊取則燒人離則成智又火有四義一燒煩惱薪二破無明闇三成熟善根四照現證理投身入火者從無分別智

徧入四句皆無滯故又釋刀是斷德無不割故火是智德無不照故投身下者障盡證理故即刀山為能證火聚為所證故此火等即是法門不須別表現所用故稱性事故此為甚深難解不可輕爾二敬三問

文並可知

智論云般若波羅蜜猶如大德等上唯就般若上說此下即三德涅槃

刀山是解脫德火是般若德理即法身

婆羅門言善男子汝今若能上此刀山投身火聚諸菩薩行悉得清淨

第三婆羅門言下正示法界有六一示法

第六

主

勸修二疑憚不受三勝緣勸引四疑盡悔愆五誠勸見容六依教修證今初然刀山不可執火聚不可取若能不住無分別智徧入四句則遠離四謗不滯空有何行不成所以要令人者破其見心令解菩薩深

密法故順相易解逆相難知故今初以下

一直泮文意即就前約般若此中示於邪見

若上說般若能成眾行故無厭足王示瞋婆須蜜女示貪顯三毒相

並有正法故然有五義一當相即空空故

是道非謂此三即是佛法諸部般若其文

非一此中下二通標三毒深玄之義諸部

悉皆清淨廣說貪二約幻用攝生亦非即

欲照癡性皆空寂

是如淨名云行於非道先以欲鉤牽後令

入佛智等如淨名行於非道者即第二經

菩薩云何通達佛道維摩詰言菩薩行於

非道是為通達佛道又問云何行於非道

通達佛道答曰菩薩行五無間而無過患

主于地獄無諸罪垢至於畜生無有無明

昏慢等過至於餓鬼而具足佛法乃至示

行願惠而常慈愍皆言示行即幻用攝生

又云云何為如來種文殊答云有身為種

無明有愛為種貪恚癡為種等結云六十

二見一切煩惱皆是佛種曰何謂也答曰

若見無為入正位者不能復發阿耨多羅

三藐三菩提心譬如高源陸地不生蓮華

等皆菩薩幻用化生言先以欲鉤牽者亦

是此品淨名答普現色身之要言也經云

示受於五欲亦復現行禪令魔心橫亂不

能得其便火中生蓮華是可謂希有在欲

而行禪亦有亦如是或現作婦女引諸好

色者先以欲鉤牽後令入三在惑用心如

佛道既言現作明知幻用

俗流輩此在觀心為道亦非即道三在惑

以是俗流帶妻挾子是其常業未能捨事

事上用心了性空但我妄念未得自在

非以為是今惑薄便能遠離上經亦云

菩薩在家與妻子俱未曾暫捨一切智心

等四留惑潤生長菩薩道亦非即是如淨

名云不入生死大海則不能得一切智寶

等四留惑潤生出現已釋淨名不入生死

大海此前喻云譬如不入大海不能得

無價五當相即道不同前四不思議故無

實味

行經云姪欲即是道患癡亦復然如是三

法中具一切佛法亦斯義矣五當相即道

無二味故無有一法非佛法故不思議故

者總相歎也不可作欲等思故引無行經

文前曾一用取欲空性則用初義今取即

道亦如智論第七喜根菩薩為於勝意善

薩而說偈言姪欲即是道患癡亦復然如

是三事中無量諸佛道若有人分別姪然如

癡及道是人去佛遠譬如天與地遠及姪
怒癡是一法平等若人聞怖畏去佛道甚
遠婦法不生滅不能令心惱若人計吾我
姪將入惡道見有無異行是不離無有若
知有無等起勝成佛道都說七十餘偈皆
即道也喜根於今現在東方過十億佛土
作佛其國土亦號寶藏佛號充喻日月王
文殊言勝意比丘我身是也爾時不信受
無量苦佛問偈得何益答能
畢衆苦世利根解深妙法等

前六

五

時善財童子作如是念得人身難離諸難
得無難難得淨法難得值佛難具諸根難聞
佛法難遇善人難逢真善知識難受如理正
教難得正命難隨法行難此將非魔魔所使
耶將非是魔險惡徒黨詐現菩薩善知識相

而欲爲我作善根難作壽命難障我修行一
切智道牽我今人諸惡道中欲障我法門障
我佛法

二時善財童子作如是下疑憚不受非惜
身命恐失道緣示智未深故生此念文中

前六

五

先明道緣難具於中離諸難者非佛前後
等得無難者非生聾等具諸根者謂信進
等後此將非下正疑魔壞

作是念時十千梵天在虛空中作如是言善
男子莫作是念莫作是念今此聖者得金剛
燄三昧光明發大精進度諸衆生心無退轉
欲竭一切貪愛海欲截一切邪見網欲燒一
切煩惱薪欲照一切惑稠林欲斷一切老死
怖欲壞一切三世障欲放一切法光明善男
子我諸梵天多著邪見皆悉自謂是自在者
是能作者於世間中我是最勝見婆羅門五
熱炙身於自宮殿心不樂著於諸禪定不得
滋味皆共來詣婆羅門所時婆羅門以神通
力示大苦行爲我說法能令我等滅一切見
除一切慢住於大慈行於大悲起廣大心發

菩提意常見諸佛恒聞妙法於一切處心無所礙

三作是念時下勝緣勸引中有十三眾各述曾爲勝熟化益故勸勿疑初一即色界梵天多是初禪文中有三一總勸莫疑二

今此下彰其本意智慧堅利猶如金剛燒諸惑薪發諸智焰燒而常寂爲三昧光三善男子下自述蒙益梵王最初生此餘眾念而後生故生邪見

復有十千諸魔在虛空中以天摩尼寶散婆羅門上告善財言善男子此婆羅門五熱炙身時其火光明映奪於我所有宮殿諸莊嚴具皆如聚墨令我於中不生樂著我與眷屬來詣其所此婆羅門爲我說法令我及餘無量天子諸天女等皆於阿耨多羅三藐三菩

提得^聖不退轉復有十千自在天王於虛空中各散天華作如是言善男子此婆羅門五熱炙身時其火光明映奪我等所有宮殿諸莊嚴具皆如聚墨令我於中不生愛著即與眷屬來詣其所此婆羅門爲我說法令我於心而得自在於煩惱中而得自在於受生中而得自在於諸業障而得自在於諸三昧而得自在於莊嚴具而得自在於壽命中而得自在乃至能於一切佛法而得自在復有十千化樂天王於虛空中作天音樂恭敬供養作如是言善男子此婆羅門五熱炙身時其火光明照我宮殿諸莊嚴具及諸采女能令我等不受欲樂不求欲樂身心柔軟即與眾俱來詣其所時婆羅門爲我說法能令我等心得清淨心得明潔心得純善心得柔軟心生

歡喜乃至令得清淨十力清淨之身生無量
身乃至令得佛身佛語佛聲佛心具足成就
一切智智復有十千兜率天王天子天女無
量眷屬於虛空中兩衆妙香恭敬頂禮作如
是言善男子此娑羅門五熱炙身時令我等
諸天及其眷屬於自宮殿無有樂著共詣其
所聞其說法能令我等不貪境界少欲知足
心生歡喜心得充滿生諸善根發菩提心乃
至圓滿一切佛法復有十千三十三天并其
眷屬天子天女前後圍繞於虛空中兩天曼
陀羅華恭敬供養作如是言善男子此娑羅
門五熱炙身時令我等諸天於天音樂不生
樂著共詣其所時娑羅門爲我等說一切諸
法無常敗壞令我捨離一切欲樂令我斷除
憍慢放逸令我愛樂無上菩提又善男子我

當見此娑羅門時須彌山頂六種震動我等
恐怖皆發菩提心堅固不動

次五欲天

復有十千龍王所謂伊那跋羅龍王難陀優
波難陀龍王等於虛空中兩黑栴檀無量龍
女奏天音樂兩天妙華及天香水恭敬供養
作如是言善男子此娑羅門五熱炙身時其
火光明普照一切諸龍宮殿令諸龍衆離熱
沙怖金翅鳥怖滅除瞋恚身得清涼心無垢
濁聞法信解厭惡龍趣以至誠心悔除業障
乃至發阿耨多羅三藐三菩提意住一切智
復有十千夜叉王於虛空中以種種供具恭
敬供養此娑羅門及以善財作如是言善男
子此娑羅門五熱炙身時我及眷屬悉於衆
生發慈悲心一切羅刹鳩槃荼等亦生慈心

以慈心故於諸衆生無所惱害而來見我我
及彼等於自宮殿不生樂著即與共俱來詣
其所時婆羅門即爲我等如應說法一切皆
得身心安樂又令無量夜叉羅刹鳩槃荼等
發於無上菩提之心復有十千乾闥婆王於
虛空中作如是言善男子此婆羅門五熱炙
身時其火光明照我宮殿悉令我等受不思
議無量快樂是故我等來詣其所此婆羅門
爲我說法能令我等於阿耨多羅三藐三菩
提得不退轉復有十千阿脩羅王從大海出
住在虛空舒右膝輪合掌前禮作如是言善
男子此婆羅門五熱炙身時我阿脩羅所有
宮殿大海大地悉皆震動令我等捨憍慢放
逸是故我等來詣其所從其聞法捨離諂誑
安住忍地堅固不動圓滿十力復有十千迦

樓羅王勇力持王而爲上首化作外道童子
之形於虛空中唱如是言善男子此婆羅門
五熱炙身時其火光明照我宮殿一切震動
皆悉恐怖是故我等來詣其所時婆羅門即
爲我等如應說法令修習大慈稱讚大悲度
生死海於欲泥中拔濟衆生歎菩提心起方
便智隨其所宜調伏衆生復有十千緊那羅
王於虛空中唱如是言善男子此婆羅門五
熱炙身時我等所住宮殿諸多羅樹諸寶鈴
網諸寶繒帶諸音樂樹諸妙寶樹及諸樂器
自然而出佛聲法聲及不退轉菩薩僧聲願
求無上菩提之聲云某方某國有某菩薩發
菩提心某方某國有某菩薩修行苦行難捨
能捨乃至清淨一切智行某方某國有某菩
薩往詣道場乃至某方某國有某如來作佛

事已而般涅槃善男子假使有人以閻浮提一切草木末爲微塵此微塵數可知邊際我宮殿中寶多羅樹乃至樂器所說菩薩名如來名所發大願所修行等無有能得知其邊際善男子我等以聞佛聲法聲菩薩僧聲生大歡喜來詣其所時婆羅門即爲我等如應說法令我及餘無量衆生於阿耨多羅三藐三菩提得不退轉

次六雜類

復有無量欲界諸天於虛空中以妙供具恭敬供養唱如是言善男子此婆羅門五熱炙身時其火光明照阿鼻等一切地獄諸所受苦悉令休息我等見此火光明故心生淨信以信心故從彼命終生於天中爲知恩故而來其所恭敬瞻仰無有厭足時婆羅門爲我

說法令無量衆生發菩提心

十三欲界諸天衆然此欲界即是一類從地獄出者義通六天及前夜摩四天王前所不列皆在其中

爾時善財童子聞如是法心大歡喜於婆羅門所發起真實善知識心頭頂禮敬唱如是言我於大聖善知識所生不善心唯願聖者容我悔過

第四爾時善財聞如是下疑盡悔愆

時婆羅門即爲善財而說頌言

莫六

天

若有諸菩薩順善知識教一切無疑懼安住心不動當知如是人必獲廣大利坐菩提樹下成於無上覺

第五時婆羅門下誠勸見容上疑爲揀其真僞此勸爲顯其實德

魔亦能為現勸何故聞即疑除以此善友
 前友指來況勸中正說非魔能作善財亦
 得超魔之眼故若爾何以生疑以顯法故
 如第八地中佛之七勸縱佛不勸豈容趣
 寂又為後代之軌令審察故

爾時善財童子即登刀山自投火聚未至中
 間即得菩薩善住三昧纔觸火燄又得菩薩
 寂靜樂神通三昧善財白言甚奇聖者如是
 刀山及大火聚我身觸時安隱快樂

第六爾時善財下依教修證於中二初正
 修證未至得善住三昧者上不依山下不
 依火正處於空即顯般若離於二邊無所
 住故名為善住寂靜樂神通三昧者親證
 般若實體即性淨涅槃故云寂靜樂而大
 用無涯故云神通觸者親證也故淨名云

善

无

受諸觸如智證二善財白言下自陳所得
 顯後得起說於淨名云受諸觸如智證者
 即迦葉章中謂智證實相則
 觸而非觸觸而非觸受觸
 當然心境兩冥名為親證

時婆羅門告善財言善男子我唯得此菩薩
 無盡輪解脫如諸菩薩摩訶薩大功德能
 燒一切衆生見惑今無有餘必不退轉無窮
 盡心無懈怠心無怯弱心發如金剛藏那羅
 延心疾修諸行無遲緩心願如風輪普持一
 切精進大誓皆無退轉而我云何能知能說
 彼功德行

第四謙已推勝謙已中云無盡輪者有二
 義一智輪摧惑照其本源無可盡故二反
 照智用周法界無有盡故圓轉不已所
 以名輪推勝可知
 善男子於此南方有城名師子奮迅中有童

女名曰慈行汝詣彼問菩薩云何學菩薩行
修菩薩道

第五指示後友師子奮迅者師子幢王所
居表振動照耀住持世界自在無畏故慈
行童女者知衆生根令其調伏慈爲行故

智中生悲便能處世無染是謂童女以學

如來十種智故表振動等者彼經云佛子

薩成就十種智何者爲十所謂振動無數
世界二照耀三住持四往詣五嚴淨上四
皆同初句六開示無數衆生七觀察無數
衆生八知無數衆生九令無數衆生趣
入十令無量衆生調伏
今以無畏貫斯十句

時善財童子頂禮其足繞無數而辭退而去
大方廣佛華嚴經疏鈔會本第六十四

音釋

氛氳氛撫文切氳於云 鳧遠夫切 紺古切
切氛氳香氣也 野鷺也 紺切
青含赤耳珠也 齋徂奚切 聳聳息
色也 璫都郎切 充充 齋肚臍也 聳聳息

高聳也 擢直也 翅欠利切 金惡 烏路切 詔詔
角丑切 玳玳 詐也 枇枇 杷杷 牙牙 切 榷榷 此此 申申 切

大方廣佛華嚴經疏鈔會本第六十五 翦七

唐于闐國三藏沙門實又難陀 譯

唐清涼山大華嚴寺沙門澄觀撰述

爾時善財童子於善知識所起最極尊重心

生廣大清淨解常念大乘專求佛智願見諸

佛觀法境界無障礙智常現在前決定了知

諸法實際常住際一切三世諸剎那際如虛

空際無二際一切法無分別際一切義無障

礙際一切劫無失壞際一切如來無際之際

於一切佛心無分別破象想網離諸執著不

取諸佛象會道場亦不取佛清淨國土知諸

衆生皆無有我知一切聲悉皆如響知一切

色悉皆如影

第十慈行童女寄灌頂住 寄灌頂住從前

最爲上首諸佛 文六同前初依教趣求中 法水遠其頂故

二先修入前教於中初二句重友解生次

二句念乘思佛次觀法下智證實際初句

能觀智現決定下所證窮極後於一切佛

下離障自在

漸次南行至師子奮迅城周徧推求慈行童

女聞此童女是師子幢王女五百童女以爲

侍從住毘盧遮那藏殿於龍勝栴檀足金線

網天衣座上而說妙法

二漸次下趣求後友於中初至處次聞名

五百爲侍者以一期位滿總攝五位十

法門互相涉入之法而相應故

善財聞已詣王宮門求見彼女見無量衆來

入宮中善財問言諸人今者何所往詣咸報

之言我等欲詣慈行童女聽受妙法善財童

子即作是念此王宮門既無限礙我亦應入

善財入已見毘盧遮那藏殿玻瓈爲地瑠璃
爲柱金剛爲壁閻浮檀金以爲垣牆百千光
明而爲憲牖阿僧祇摩尼寶而莊校之寶藏
摩尼鏡周帀莊嚴以世間最上摩尼寶而爲
莊飾無數寶網羅覆其上百千金鈴出妙音
聲有如是等不可思議衆寶嚴飾其慈行童
女皮膚金色眼紺紫色髮紺青色以梵音聲
而演說法

前七

二

第二善財聞已下見敬諮問中亦三初見
中先明遠見表得門未證故後善財入已
下親觀依正等

善財見已頂禮其足繞無數帀合掌前住作
如是言聖者我已先發阿耨多羅三藐三菩
提心而未知菩薩云何學菩薩行云何修菩
薩道我聞聖者善能誘誨願爲我說

二敬三問並可知

時慈行童女告善財言善男子汝應觀我宮
殿莊嚴善財頂禮周徧觀察見一一壁中一
一柱中一一鏡中一一相中一一形中一一
摩尼寶中一一莊嚴具中一一金鈴中一一
寶樹中一一寶形像中一一寶瓔珞中悉見
法界一切如來從初發心修菩薩行成滿大
願具足功德成等正覺轉妙法輪乃至示現
入於涅槃如是影像靡不皆現如淨水中普
見虛空日月星宿所有衆像如此皆是慈行
童女過去世中善根之力

前七

三

第三時慈行童女下正示法界中二一令
觀親證並依中見正小大念劫皆無礙等
十住位終故約報顯

爾時善財童子憶念所見諸佛之相合掌瞻

仰慈行童女爾時童女告善財言善男子此是般若波羅蜜普莊嚴門我於三十六恒河沙佛所求得此法彼諸如來各以異門令我入此般若波羅蜜普莊嚴門一佛所演餘不重說

二爾時善財下以言顯發於中二先顯法名因後彰法勝用前中初善財默請後童女言答答中初示名名般若普莊嚴者有二義一由般若照一切法依中有正一中有多故所得依無所不現般若中云了色是般若一切法趣色即其義矣二由能證般若已具諸度莊嚴故所證所成亦莊嚴無盡次下顯因云彼諸如來各以異門令我入此即其義也總攝三十六恒沙之別歸於普門則一嚴一切嚴故名普嚴言三

十六恒沙者住位既滿則六度之中一一具六故為三十六皆恒沙性德本覺中來故云佛所求得般若等者即大品經意具歷諸法且初歷五蘊云了色是般若一切法趣色尚不可得云何當有非趣如是具歷諸法皆然若般若不可得當諸法之性不異色性故皆趣色色智者意一切法趣色是假觀色尚不可得是空觀云何當有非趣即中道觀今疏用意但要初句以取色性為諸法依以性普收故皆趣色則一色中具一切法是事無礙之意故隨一法皆收法界故得依果一一境中具諸莊嚴則莊嚴屬果以果諸因名普莊嚴第二意即因莊嚴言三十六下但約表義若約事釋如休捨處善財白言聖者此般若波羅蜜普莊嚴門境界云何童女答言善男子我入此般若波羅蜜普莊嚴門隨順趣向思惟觀察憶持分別時得普門陀羅尼百萬阿僧祇陀羅尼門皆悉現前

二善財白言下顯法勝用先問後答答中

先總後所謂下別總中初明修習契證相應後得普門下總明所得業用陀羅尼以智為體由得般若普嚴故能總持萬法一持一切持故云普門以圓融十住亦同十地所得無量百千阿僧祇陀羅尼門又彼

總此別但舉一持餘三昧等畧而不說

又總此別者謂地經之中但云無量百千阿僧祇陀羅尼門解脫門三昧門亦然設有列者但列其十分之一百一十八門總持故云別也

所謂佛刹陀羅尼門佛陀羅尼門法院羅尼門衆生陀羅尼門過去陀羅尼門未來陀羅尼門

尼門現在陀羅尼門常住際陀羅尼門

福德陀羅尼門福德助道具陀羅尼門智慧

陀羅尼門智慧助道具陀羅尼門諸願陀羅

尼門分別諸願陀羅尼門集諸行陀羅尼門

清淨行陀羅尼門圓滿行陀羅尼門

第七

五

業陀羅尼門業不失壞陀羅尼門業流注陀羅尼門業所作陀羅尼門捨離惡業陀羅尼門修習正業陀羅尼門業自在陀羅尼門善行陀羅尼門持善行陀羅尼門

三昧陀羅尼門隨順三昧陀羅尼門觀察三

昧陀羅尼門三昧境界陀羅尼門從三昧起

陀羅尼門神通陀羅尼門

心海陀羅尼門種種心陀羅尼門直心陀羅

尼門照心稠林陀羅尼門調心清淨陀羅尼

門

知衆生所從生陀羅尼門知衆生煩惱行陀

羅尼門知煩惱習氣陀羅尼門知煩惱方便

陀羅尼門知衆生解陀羅尼門知衆生行陀

羅尼門知衆生行不同陀羅尼門知衆生性

陀羅尼門知衆生欲陀羅尼門知衆生想陀

羅尼門

普見十方陀羅尼門說法陀羅尼門大悲陀羅尼門
大慈陀羅尼門寂靜陀羅尼門言語道陀羅尼門
方便非方便陀羅尼門隨順陀羅尼門差別陀羅尼門
普入陀羅尼門無礙際陀羅尼門普徧陀羅尼門
佛法陀羅尼門菩薩法陀羅尼門聲聞法陀羅尼門
獨覺法陀羅尼門世間法陀羅尼門
世界成陀羅尼門世界壞陀羅尼門世界住陀羅尼門
淨世界陀羅尼門垢世界陀羅尼門於垢世界現淨陀羅尼門
於淨世界現垢陀羅尼門純垢世界陀羅尼門純淨世界陀羅尼門
平坦世界陀羅尼門不平坦世界陀羅尼門覆世界陀羅尼門
因陀羅網世界陀羅尼門世界轉陀羅尼門知依想住陀羅尼門

第七

六

門細入麤陀羅尼門麤入細陀羅尼門見諸佛陀羅尼門
分別佛身陀羅尼門佛光明莊嚴網陀羅尼門佛圓滿音陀羅尼門
佛法輪陀羅尼門成就佛法輪陀羅尼門差別佛法輪陀羅尼門
無差別佛法輪陀羅尼門解釋佛法輪陀羅尼門轉佛法輪陀羅尼門
能作佛事陀羅尼門分別佛衆會陀羅尼門入佛衆會海陀羅尼門
普照佛力陀羅尼門諸佛三昧陀羅尼門諸佛三昧自在用陀羅尼門
諸佛所持陀羅尼門諸佛變化陀羅尼門佛知衆生心行陀羅尼門
諸佛神通變現陀羅尼門住兜率天宮乃至示現入於涅槃陀羅尼門
利益無量衆生陀羅尼門入甚深法陀羅尼門入微妙法陀羅尼門

菩提心陀羅尼門起菩提心陀羅尼門助菩提心陀羅尼門諸願陀羅尼門諸行陀羅尼門神通陀羅尼門出離陀羅尼門總持清淨陀羅尼門智輪清淨陀羅尼門智慧清淨陀羅尼門菩提無量陀羅尼門自心清淨陀羅尼門

第七

七

二別顯中有百一十八門畧分十位初入總知依正理事持二福德下九門明願行持三業下九門明業持四三昧下六門明正受體用持五心海下五門染淨諸心持六知衆生下十門知所化持七普見十方下十七門知能化持八世界成下十七門明知刹海自在持於中言世界轉者晉經云迴轉世界九見諸佛下二十五門知佛海自在持十菩提心下十二門明菩提因

果持自心清淨即性淨菩提總攝諸門不出於此

善男子我唯知此般若波羅蜜普莊嚴門如諸菩薩摩訶薩其心廣大等虛空界入於法界福德成滿住出世法遠世間行智眼無譬普觀法界慧心廣大猶如虛空一切境界悉皆明見獲無礙地大光明藏善能分別一切法義行於世行不染世法能益於世非世所壞普作一切世間依止普知一切衆生心行隨其所應而爲說法於一切時恒得自在而我云何能知能說彼功德行

第四謙已推勝可知

善男子於此南方有一國土名爲三眼彼有比丘名曰善見汝詣彼問菩薩云何學菩薩行修菩薩道

第五指示後友國名三眼者施為行首復
 開導自他如目導餘根故名為眼財施無
 著成於慧眼無畏之施成於慈眼法施開
 於法眼故復云三用上三眼見無不善又
 施行內成勝報外現見者皆善故出住之
 行故以出家表之又行本令物得出離故
 時善財童子頂禮其足繞無數市戀慕瞻仰
 辭退而行

上明十住竟

爾時善財童子思惟菩薩所住行甚深思惟
 菩薩所證法甚深思惟菩薩所入處甚深思
 惟衆生微細智甚深思惟世間依想住甚深
 思惟衆生所作行甚深思惟衆生心流注甚
 深思惟衆生如光影甚深思惟衆生名號甚
 深思惟衆生言說甚深思惟莊嚴法界甚深

思惟種植業行甚深思惟業莊飾世間甚深
 大文第三善見已下有十善友寄十行位
 位各一人初善見比丘寄歡喜行寄歡喜
行者施
 隨自他故 文亦具六初依教趣求中亦二
 先念前友教中有十三句初總餘別別分
 為三初二約菩薩論深一所證法界即事
 而真故二入菩薩地智唯證相應故初二
約善
 薩者理 次有七句約衆生辨深一報類難
 智一對 知故一報類難知者 二妄想為因即無性
 教二妄想為因即無性者妄想為因釋依
想住即無性言釋於甚深故楞伽云前
 聖所知聖所知轉相傳授多想無性斯
為自覺聖智之境故甚深也 三染分行
 業唯佛知故三染分行業等者以約衆生
故如一孔雀毛一切種同相
 等 四感異熟識若種若現恒轉如流不可
 知故四感異熟識者行相深細故經云阿
陀那識甚深細等亦如楞伽上中下
 修照見自心生滅流注又經云諸識有二
 種生謂流注生相生有二種住謂流注生

漸次遊行至三眼國於城邑聚落村鄰市肆

真嚴也總上二分下結法所屬

波羅蜜普莊嚴故所以思之皆嚴法界而無嚴者故金剛云莊嚴佛土即非莊嚴是名莊嚴謂雖復莊嚴無能嚴心則稱實理事理無礙方

果報無失即同真故總上二分皆是般若

二分業不相知故三各自莊飾淨染世間

文一染淨二分皆嚴法界而無嚴故二上

說皆解脫故者即淨名中後三句合辨前

六名無得物之功而不失所名之物故六名無得物之功已見上文七文字言說皆解脫故七文字言說皆解脫故者即淨名中

變影像等者相分即是影像第八緣三種境境即相分謂種子根身即內境也器世間即外境也變現心所等皆是內也色為二所現影亦通內外即五塵內即五根

聖智五所變影像若內若外緣無性故五所變影像等者相分即是影像第八緣三種境境即相分謂種子根身即內境也器世間即外境也變現心所等皆是內也色為二所現影亦通內外即五塵內即五根

相住有二種滅謂流注滅相滅古同釋云流注是八識相續然相有三種已如前引今此即剎那流注與上照見自心生滅流注義相符也若常照之見其無性即自覺

故五所變影像若內若外緣無性故五所變影像等者相分即是影像第八緣三種境境即相分謂種子根身即內境也器世間即外境也變現心所等皆是內也色為二所現影亦通內外即五塵內即五根

變影像等者相分即是影像第八緣三種境境即相分謂種子根身即內境也器世間即外境也變現心所等皆是內也色為二所現影亦通內外即五塵內即五根

境境即相分謂種子根身即內境也器世間即外境也變現心所等皆是內也色為二所現影亦通內外即五塵內即五根

間即外境也變現心所等皆是內也色為二所現影亦通內外即五塵內即五根

二所現影亦通內外即五塵內即五根

川原山谷一切諸處周徧求覓善見比丘

二趣求後友於市肆等處處求者顯隨緣

造修無不在故

見在中經行往返壯年美貌端正可喜其

髮紺青右旋不亂頂有肉髻皮膚金色頸文

三道額廣平正眼目脩廣如青蓮華唇口丹

潔如頻婆果胃標卍字七處平滿其臂纖長

其指網縵手足掌中有金剛輪其身殊妙如

淨居天上下端直如尼拘陀樹諸相隨好悉

皆圓滿如雪山王種種嚴飾目視不瞬圓光

一尋

第二見在林中下見敬諮問中先見次敬

後問見中三先見身勝相見在林者行之

初故同佛相者如說修行順佛果故於中

七處平滿者兩手兩足兩肩及項言其身

殊妙如淨居天者準晉經即師子上身相
 矣上下端直如尼拘陀樹者準晉經云其
 身圓滿如尼俱陀樹此則但是一相言諸
 相隨好者上但列十四故總結之目視不
 瞬圓光一尋復是二相都列十六耳餘至

瞿波處釋

此則但是一相者以晉經合其
 身殊妙屬後尼拘陀故今經二
 相彼但成一然如尼俱陀者其枝橫布與
 上聳相稱非如建木一向直聳非如傍覆
 一向婆娑故云上下端直若順樹相圓滿
 最妙此明不長不短如人橫身與身相稱
 七尺之人尋亦
 七尺此為福相

智慧廣博猶如大海於諸境界心無所動若

沈若舉若智非智動轉戲論一切皆息得佛

所行平等境界大悲教化一切眾生心無暫

捨為欲利樂一切眾生為欲開示如來法眼

為踐如來所行之道不遲不速審諦經行

二智慧下明其心相即止觀雙運止過則

第七

十一

沉智過則舉不沉不舉則正受現前不智
 不愚則雙契中道起念止觀皆成動轉雙
 非再遣未離戲論雖止觀雙運而無心寂
 照則一切皆息為踐如來所行之道隨所
 履道即是法門

明其心相者然世之相亦
 有三類一色相二聲相三

心相也今此正明菩薩心相言即止觀雙運
 者經初二句標示止觀初智慈為觀後於
 諸境下即止從止過下釋若沉若舉已下
 經然沉舉畧有二種一昏沉掉舉此相即
 遺照動不離寂則是雙行不沉不舉故云
 正受現前然經一切皆息該上四而疏
 釋之四對別顯上釋第一若沉若舉竟二
 不智不愚則雙契中道者即取下皆息該
 此名不智不愚若智勝前觀也非智勝前
 止也今由皆息則止觀兩亡為真止觀方
 契中道三起念下釋動轉皆息若有止觀
 即為動轉今由兩亡故無動轉四雙非下
 釋戲論字言雙非者非止非觀斯則第四
 戲論諍也再遣者又亡雙非謂非非止觀
 等由遊不忘如樸出樸故並戲論今云皆
 息戲論自亡上但遮過從得佛下顯其成
 德故雖止觀雙運而無心寂照等雙運即
 為雙照無心即為雙遮遮照同時互融平

等即是如如
平等之境

無量天龍夜叉乾闥婆阿脩羅迦樓羅緊那
羅摩睺羅伽釋梵護世人與非人前後圍繞
主方之神隨方迴轉引導其前足行諸神持
寶蓮華以承其足無盡光神舒光破闇閻浮

幢林神雨眾雜華不動藏地神現諸寶藏普
光明虛空神莊嚴虛空成就德海神雨摩尼
寶無垢藏須彌山神頭頂禮敬曲躬合掌無
礙力風神雨妙香華春和主夜神莊嚴其身
舉體投地常覺主晝神執普照諸方摩尼幢
住在虛空放大光明

三無量下明諸侍從不無表法恐繁不說
時善財童子詣比丘所頂禮其足曲躬合掌
白言聖者我已先發阿耨多羅三藐三菩提
心求菩薩行我聞聖者善能開示諸菩薩道

願為我說菩薩云何學菩薩行云何修菩薩
道

敬問可知

善見答言善男子我年既少出家又近我此
生中於三十八恒河沙佛所淨修梵行或有
佛所一日一夜淨修梵行或有佛所七日七
夜淨修梵行或有佛所半月一月一歲百歲
萬歲億歲那由他歲乃至不可說不可說歲
或一小劫或半大劫或一大劫或百大劫乃
至不可說不可說大劫聽聞妙法受行其教
莊嚴諸願入所證處淨修諸行滿足六種波
羅蜜海亦見彼佛成道說法各各差別無有
雜亂住持遺教乃至滅盡亦知彼佛本所興
願以三昧願力嚴淨一切諸佛國土以入一
切行三昧力淨修一切諸菩薩行以普賢乘

出離力清淨一切佛波羅蜜

第三善見答下正示法界中二初示依緣
得法後又善男子下顯法業用今初分三
初總序初入行位故云年少創離十住之
家名爲出家又近言我此生者畧有二義

第七

十三

一念劫圓融故如毘目處說二顯入解行
生非見聞生故供三十八恒沙者過前位
故次或有下明所修時分後聽聞下所作
成益於中初自修願智行次見果用後知
佛修因

又善男子我經行時一念中一切十方皆悉
現前智慧清淨故一念中一切世界皆悉現
前經過不可說不可說世界故一念中不可
說不可說佛刹皆悉嚴淨成就大願力故一
念中不可說不可說衆生差別行皆悉現前

滿足十力智故一念中不可說不可說諸佛
清淨身皆悉現前成就普賢行願力故一念
中恭敬供養不可說不可說佛刹微塵數如
來成就柔輒心供養如來願力故一念中領
受不可說不可說如來法得證阿僧祇差別
法住持法輪陀羅尼力故一念中不可說不
可說菩薩行海皆悉現前得能淨一切行如
因陀羅網願力故一念中不可說不可說諸
三昧海皆悉現前得於一三昧門入一切三
昧門皆令清淨願力故一念中不可說不可
說諸根海皆悉現前得了知諸根際於一根
中見一切根願力故一念中不可說不可說
佛刹微塵數時皆悉現前得於一切時轉法
輪衆生界盡法輪無盡願力故一念中不可
說不可說一切三世海皆悉現前得了知一

切世界中一切三世分位智光明願力故

二顯法業用中有十二句各先辨業用後

出所由然不出願智行如文思之總云一

念者以得無依無念智故無法不現

善男子我唯知此菩薩隨順燈解脫門如諸

第七

十四

菩薩摩訶薩如金剛燈於如來家真正受生

具足成就不死命根常然智燈無有盡滅其

身堅固不可沮壞現於如幻色相之身如緣

起法無量差別隨衆生心各各示現形貌色

相世無倫匹毒刃火災所不能害如金剛山

無能壞者降伏一切諸魔外道其身妙好如

真金山於天人中最爲殊特名稱廣大靡不

聞知觀諸世間咸對目前演深法藏如海無

盡放大光明普照十方若有見者必破一切

障礙大山必拔一切不善根本必令種植廣

大善根如是之人難可得見難可出世而我

云何能知能說彼功德行

第四謙已推勝中謙已結前名隨順燈者

用無念之真智順法順機無不照故後如

諸下推勝中初句爲總亦別顯家族勝上

但云燈照未必常故今推之明金剛智燈

親證真如爲真正生則常照矣不同解行

生也二報命勝由所證常故即金剛義三

內智勝如於所證無盡滅故即是燈義四

報體勝法性成身相不遷故亦金剛義五

第七

十五

現於下明業用勝即對上隨順義以是即

體之用故皆不可壞餘並可知指示後友

次文當說

善男子於此南方有一國土名曰名聞於河

渚中有一童子名自在主汝詣彼問菩薩云

何學菩薩行修菩薩道

時善財童子為欲究竟菩薩勇猛清淨之行
 欲得菩薩大力光明欲修菩薩無勝無盡諸
 功德行欲滿菩薩堅固大願欲成菩薩廣大
 深心欲持菩薩無量勝行於菩薩法心無厭
 足願入一切菩薩功德欲常攝御一切眾生
 欲超生死稠林曠野於善知識常樂見聞承
 事供養無有厭倦頂禮其足繞無量帀慇懃
 瞻仰辭退而去

爾時善財童子受善見比丘教已憶念誦持
 思惟修習明了決定於彼法門而得悟入天
 龍夜叉乾闥婆眾前後圍繞向名聞國周徧
 求覓自在主童子時有天龍乾闥婆等於虛
 空中告善財言善男子今此童子在河渚上
 第二自在主寄饒益行

寄饒益行者三聚
淨戒能益自他故

云饒益初依教趣求國曰名聞者能持淨戒

現世果故河渚上者若持淨戒生死愛河
 不漂溺故又無量福河常流注故童子自
 在主者三業無非六根離過故得自在則
 戒為主矣戒淨無染故云童子

能持淨戒
現世果故

者戒經云明人能獲戒能得三種樂名譽
及利養死得生天上福河常流注者不持
戒者可犯之境皆有犯分由持
戒故於無盡境皆發勝福故

爾時善財即詣其所見此童子十千童子所
 共圍繞聚沙為戲善財見已頂禮其足繞無
 量帀合掌恭敬却住一面白言聖者我已先

第七

十六

發阿耨多羅三藐三菩提心而未知菩薩云
 何學菩薩行云何修菩薩道願為解說

第二爾時善財下見敬諮問中見聚沙者
 恒沙功德由戒積集故

自在主言善男子我昔曾於文殊師利童子

所修學書數算印等法即得悟入一切工巧

神通智法門

第三自在主言下正示法界於中二初舉法門名體二善男子我因下明業用今初文殊所學者有智能護戒故書者能詮止作分明故數者表四重十重乃至三千威儀八萬細行故算者一一之因感幾何果故印者持犯善惡感果決定故等者等餘醫方成五明故上明所學下辨所悟工巧神通智智所為故亦表修戒發定慧故

能受戒者文殊土智故此言亦是戒經云當觀如是處有智勤戒戒淨有智慧便得第一道釋曰上二句以智為因下二句是智之果四重十重者四重過二乘別解脫戒十重已下大乘四重通亦唯大故爾勤受戒場專但受四不可過謂十重之中最後四戒謂慳瞋毀及誇三寶故成五明者五明在下業中上之諸名然但是聲地今當略釋

善男子我因此法門故得知世間書數算印

界處等法亦能療治風癩消瘦鬼魅所著如是所有一切諸病亦能造立城邑聚落園林臺觀宮殿屋宅種種諸處亦善調鍊種種仙藥亦善管理田農商賈一切諸業取捨進退咸得其所又善別知衆生身相作善作惡當生善趣當生惡趣此人應得聲聞乘道此人應得緣覺乘道此人應入一切智地如是等事皆悉能知亦令衆生學習此法增長決定究竟清淨善男子我亦能知菩薩算法所謂一百洛又為一俱胝俱胝俱胝為一阿庾多阿庾多阿庾多為一那由他那由他那由他為一頻婆羅頻婆羅為一矜羯羅廣說乃至優鉢羅優鉢羅為一波頭摩波頭摩波頭摩為一僧祇僧祇僧祇為一趣趣趣為

一喻喻為一無數無數無數為一無數轉
 無數轉無數轉為一無量無量無量為一無
 量轉無量轉無量轉為一無邊無邊無邊為
 一無邊轉無邊轉無邊轉為一無等無等無
 等為一無等轉無等轉無等轉為一不可數

不可數不可數為一不可數轉不可數轉不
 可數轉為一不可稱不可稱不可稱為一不
 可稱轉不可稱轉不可稱轉為一不可思不
 可思不可思為一不可思轉不可思轉不可
 思轉為一不可量不可量不可量為一不可
 量轉不可量轉不可量轉為一不可說不可
 說不可說為一不可說轉不可說轉不可說
 轉為一不可說不可說此又不可說不可說
 為一不可說不可說轉善男子我以此菩薩
 算法算無量由旬廣大沙聚悉知其內顆粒

多少亦能算知東方所有一切世界種種差
 別次第安住南西北方四維上下亦復如是
 亦能算知十方所有一切世界廣狹大小及
 以名字其中所有一切劫名一切佛名一切
 法名一切眾生名一切業名一切菩薩名一
 切諦名皆悉了知

二明業用中三初總明次亦能療下雜辨
 諸明三善男子下廣顯知算於中初辨能
 算之數後善男子我以此下算彼所算餘

三段可知二明業用中三初總明者此之
 總文亦即聲明書即聲明中法

施設建立名句文身等故其數算印即聲
 明數施設建立通治取與中生疑障其界
 處等法即是因明故新經云種種智論名
 是論體即言論靜論等雜辨諸者即餘三
 明一即聖方明於中風癩消瘦是病相鬼
 魅所看亦是病相亦是病因因鬼等病故
 其能療治即是除斷能字亦是斷已不生
 二亦能造下即工巧明瑜伽十五有二
 工巧今畧有五即一營造工業二以善調練
 種種仙藥印和合工業三善管理田農印

管農工業四商賈即商賈工業其一切諸業即該諸文所不說者更有七不說謂音樂書弄成熟方所事王變化呪術五又善別知衆生身相即占相工業三作善作惡下即是內明然喻伽有四施設蓮立一事二理三攝聖教四所應知今明於理於中果從如是等下總結兼於餘三謂令其習學決定究竟即攝聖教聖教所知應辦事理即三藏故下知算亦聲明攝

第七

十九

善男子我唯知此一切工巧大神通智光明法門如諸菩薩摩訶薩能知一切諸衆生數能知一切諸法品類數能知一切諸法差別數能知一切三世數能知一切衆生名數能知一切諸法名數能知一切諸如來數能知一切諸佛名數能知一切諸菩薩數能知一切菩薩名數而我何能說其功德示其所行顯其境界讚其勝力辯其樂欲宣其助道彰其大願歎其妙行闡其諸度演其清淨發其殊勝智慧光明

善男子於此南方有一大城名曰海住有優婆夷名爲具足汝詣彼問菩薩云何學菩薩行修菩薩道

時善財童子聞是語已舉身毛豎歡喜踊躍獲得希有信樂寶心成就廣大利衆生心悉能明見一切諸佛出興次第悉能通達甚深智慧清淨法輪於一切趣皆隨現身了知三世平等境界出生無盡功德大海放大智慧自在光明開三有城所有關鑰頂禮其足繞無量而慇懃瞻仰辭退而去

爾時善財童子觀察思惟善知識教猶如巨海受大雲雨無有厭足作是念言善知識教猶如春日生長一切善法根苗善知識教猶如滿月凡所照及皆使清涼善知識教如夏雪山能除一切諸熱渴善知識教如芳池

日能開一切善心蓮華善知識教如大寶洲
 種種法寶充滿其心善知識教如閻浮樹積
 集一切福智華果善知識教如大龍王於虛
 空中遊戲自在善知識教如須彌山無量善
 法三十三天於中止住善知識教猶如帝釋
 眾會圍繞無能映蔽能伏異道脩羅軍眾如
 是思惟

第七

三十

第三具足優婆夷寄無違逆行

寄無違逆行忍順物

理名無違逆

城名海住者近海而住故安住於

忍如海包含故友名具足者一器之中無

不具故忍器徧容一切德故忍辱柔和故

寄女人

漸次遊行至海住城處處尋覓此優婆夷時
 彼眾人咸告之言善男子此優婆夷在此城
 中所住宅內

文中初依教趣求可知

善財聞已即詣其門合掌而立其宅廣博種
 種莊嚴眾寶垣牆周而圍繞四面皆有寶莊
 嚴門善財入已見優婆夷處於寶座盛年好
 色端正可喜素服垂髮身無瓔珞其身色相

威德光明除佛菩薩餘無能及於其宅內敷
 十億座超出人天一切所有皆是菩薩業力
 成就宅中無有衣服飲食及餘一切資生之
 物但於其前置一小器復有一萬童女圍繞
 威儀色相如天采女妙寶嚴具莊飾其身言

第七

三

音美妙聞者喜悅常在左右親近瞻仰思惟
 觀察曲躬低首應其教命彼諸童女身出妙
 香普熏一切若有眾生過斯香者皆不退轉
 無怒害心無怨結心無慳嫉心無誑誑心無
 險曲心無憎愛心無瞋恚心無下劣心無高

慢心生平等心起大慈心發利益心住律儀
心離貪求心聞其音者歡喜踊躍見其身者
悉離貪染

第二善財聞已下見敬諮問初見中四一
見外依報二見友正報端正可喜者忍之
報故素服等者忍華飾故三於其宅下見
內依報四復有下明其眷屬萬行皆順忍
故

爾時善財既見具足優婆夷已頂禮其足恭
敬圍繞合掌而立白言聖者我已先發阿耨
多羅三藐三菩提心而未知菩薩云何學菩
薩行云何修菩薩道我聞聖者善能誘誨願
爲我說

二敬三問並可知

彼即告言善男子我得菩薩無盡福德藏解

脫門能於如是一小器中隨諸衆生種種欲
樂出生種種美味飲食悉令充滿假使百衆
生千衆生百千衆生億衆生百億衆生千億
衆生百千億那由他衆生乃至不可說不可
說衆生假使閻浮提微塵數衆生一四天下
微塵數衆生小千世界中千世界大千世界
乃至不可說不可說佛刹微塵數衆生假使
十方世界一切衆生隨其欲樂悉令充滿而
其飲食無有窮盡亦不減少如是飲食如是
種種上味種種牀座種種衣服種種卧具種
種車乘種種華種種髮種種香種種塗香種
種燒香種種末香種種珍寶種種瓔珞種種
幢種種幡種種蓋種種上妙資生之具隨意
所樂悉令充足

第三彼即下正示法界於中二初舉法門

名體器中出物與福無盡故稱法界福之所招故後能於如是下辨業用中三初正顯業用次令見同益三使其目驗前中三初益衆生次益二乘後益菩薩今初亦三初總明以是稱性之具即一小器融同法

第七

三

界無盡緣起故用無不應應無不益而其法界體無增減又表忍必自卑故小法忍同如一味為一內空外假為器忍能包含無外故隨出無盡次出生下別明出味後如飲食下舉一例餘

又表忍必自果下上互約善友依報釋此

下約表位釋忍必謙卑而不可逆故小而大容上通二忍法忍同如即諦察法忍內空外假者疑填以為器當其無有器之用即假能用即空能大無有不成於空故故因外假而內有所用老子云有之以為利無之以為用無空不成於假故空能多容此二無二中道器也

又善男子假使東方一世界中聲聞獨覺食

第七

三

我食已皆證聲聞辟支佛果住最後身如一世界中如是百世界千世界百千世界億世界百億世界千億世界百千億世界百千億那由他世界閻浮提微塵數世界一四天下微塵數世界小千國土微塵數世界中千國土微塵數世界三千大千國土微塵數世界乃至不可說不可說佛刹微塵數世界中有一切聲聞獨覺食我食已皆證聲聞辟支佛果住最後身如於東方南西北方四維上下亦復如是又善男子東方一世界乃至不可說不可說佛刹微塵數世界中所有一生所繫菩薩食我食已皆菩提樹下坐於道場降伏魔軍成阿耨多羅三藐三菩提如東南西北方四維上下亦復如是

二又善男子假使下明益二乘二乘雖不

立忍名亦忍盡無生理方成果故二乘雖

忍名義如玄中三又善男子東方下益菩薩約事

如受於乳糜約法謂餐上品寂滅之忍得

菩提故淨名香積與此大同約事如受乳

初成道受二牧牛女乳糜亦如前引約法

食上品寂滅忍者上品屬佛故如十忍品

淨名香積與此大同謂受食已得聖果等

故然淨名有二處文一香積品中取飯來

竟維摩詰語舍利弗等諸大聲聞仁者可

食如來甘露味飯大慈所熏無以限意食

之使不消也生公釋云以其向念故教食

也亦欲因以食之為理泥洹是甘露之法

而食此食者必以得之故飯中有甘露味

焉大悲所熏者使人得悟為外熏豈曰

食能大悲力為然則飯之為氣大悲熏也

無以限意者飯出大悲即無限矣而限言

少者則不消也釋曰此乃以悲熏食得濕

槃果以果諸因為甘露味未言食即表於

濕槃若即食為濕槃理義則善成二菩薩

行品因淨名文殊禮觀世尊阿難怪問今

所開香昔所未有是為何香佛言是彼菩

薩毛孔之香身子亦言我等毛孔亦出是

香問其從來云食是香飯阿難問云是香

氣往當火如維摩詰言至此飯消日久如

當消日此飯勢力至于七日然後乃消又

阿難若聲聞人未入正位食此飯者得入

正位

二七

正位已入正位得心解脫若未發大乘之

意至發意已發意得無生忍已得無生忍

至一生補處然後乃消譬如有藥名曰上

味其有服者身諸毒滅然後乃消此飯如

是滅除一切諸煩惱毒然後乃消此飯如

相竟問云香飯不思議力所以能斷如輪

云由大悲香飯不思議力所以能斷如輪

王有一寶牀聖王居上即能離欲遠得回

禪玉女雖見如觀佛像不生欲心况佛菩

薩所受境界如華手經說菩薩有一照法

性冠著此冠時一切諸法悉現在心諸事

亦爾楷公釋云雖有此釋道理不然豈有

色法性能斷惑但以香飯資發觀智能斷

煩惱非是食體即能斷惑釋曰此諸古德

意並未極當且約勝緣以解香飯不知香

飯以表法門生公稍近於理故云七日消

者不過七日一食之悟亦不得有二階進也

所得矣然一食之悟亦不得有二階進也

爾者以明此飯為宜理之極備有其義焉

釋曰此以有表理意也然淨名中食意通

中亦以涅槃將喻甘露其飯香氣即表大

悲從體起用無眾主故今此寄位故表於

忍忍通五忍無法不攝能忍是智所忍是

理廣說利他大悲熏也然淨名云得忍則

消亦該五忍之意不為此釋殊為淺近

善男子汝見我此十千童女眷屬以不答言

六三一

龍藏

已見優婆夷言善男子此十千童女而爲上
首如是眷屬百萬阿僧祇皆悉與我同行同
願同善根同出離道同清淨解同清淨念同
清淨趣同無量覺同得諸根同廣大心同所
行境同理同義同明了法同淨色相同無量

前七

十五

力同最精進同正法音同隨類音同清淨第
一音同讚無量清淨功德同清淨業同清淨
報同大慈周普救護一切同大悲周普成熟
衆生同清淨身業隨緣集起令見者欣悅同
清淨口業隨世語言宣布法化同往詣一切
諸佛衆會道場同往詣一切佛刹供養諸佛
同能現見一切法門同住菩薩清淨行地善
男子是十千童女能於此器取上飲食一刹
那頃徧至十方供養一切後身菩薩聲聞獨
覺乃至徧及諸餓鬼趣皆令充足善男子此

十千女以我此器能於天中充足天食乃至
人中充足人食善男子且待須臾汝當自見
說是語時善財則見無量衆生從四門入皆
優婆夷本願所請既來集已敷座令坐隨其
所須給施飲食悉使充足

二善男子汝見下令見同益三且待下令

其目驗及後三段文並可知

告善財言善男子我唯知此無盡福德藏解
脫門如諸菩薩摩訶薩一切功德猶如大海
甚深無盡猶如虛空廣大無際如如意珠滿
衆生願如大聚落所求皆得如須彌山普集
衆寶猶如奧藏常貯法財猶如明燈破諸黑
闇猶如高蓋普蔭羣生而我云何能知能說
彼功德行

善男子南方有城名曰大興彼有居士名曰

明智汝詣彼問菩薩云何學菩薩行修菩薩道

時善財童子頂禮其足繞無量帀瞻仰無厭辭退而去

爾時善財童子得無盡莊嚴福德藏解脫光

第七

十六

明已思惟彼福德大海觀察彼福德虛空趣彼福德聚登彼福德山攝彼福德藏入彼福德淵遊彼福德池淨彼福德輪見彼福德藏入彼福德門行彼福德道修彼福德種漸次而行至大興城周徧推求明智長者於善知識心生渴仰以善知識熏習其心於善知識志欲堅固方便求見諸善知識心不退轉願得承事諸善知識心無懈倦知由依止善知識故能滿眾善知由依止善知識故能生眾福知由依止善知識故能長眾行知由依止

善知識故不由他教自能承事一切善友如是思惟時長其善根淨其深心增其根性益其德本加其大願廣其大悲近一切智具普賢道照明一切諸佛正法增長如來十力光明

第四明智居士寄無屈撓行

寄無屈撓行者懇無怠退

故初依教趣求中初依前修治後漸次下

趣求後友城名大興者起大精進故友名

明智者進足必假智目導故

爾時善財見彼居士在其城內市四衢道七

第七

十七

寶臺上處無數寶莊嚴之座其座妙好清淨摩尼以為其身金剛帝青以為其足寶繩交絡五百妙寶而為校飾敷天寶衣建天幢幡張大寶網施大寶帳閻浮檀金以為其蓋毘瑠璃寶以為其竿令人執持以覆其上鵝王

羽翮清淨嚴潔以爲其扇熏衆妙香雨衆天
華左右常奏五百樂音其音美妙過於天樂
衆生聞者無不悅豫十千眷屬前後圍繞色
相端嚴人所喜見天莊嚴具以爲嚴飾於天
人中最勝無比悉已成就菩薩志欲皆與居
士同昔善根侍立瞻對承其教命爾時善財
頂禮其足繞無量匝合掌而立白言聖者我
爲利益一切衆生故爲令一切衆生出諸苦
難故爲令一切衆生究竟安樂故爲令一切
衆生出生死海故爲令一切衆生住法寶洲
故爲令一切衆生枯竭愛河故爲令一切衆
生起大慈悲故爲令一切衆生捨離欲愛故
爲令一切衆生渴仰佛智故爲令一切衆生
出生死曠野故爲令一切衆生樂諸佛功德
故爲令一切衆生出三界城故爲令一切衆

生入一切智城故發阿耨多羅三藐三菩提
心而未知菩薩云何學菩薩行云何修菩薩
道能爲一切衆生作依止處

第二爾時善財下見敬諮問中先見於市
四衢者表處喧不撓無不通故敬問可知

長者告言善哉善哉善男子汝乃能發阿耨
多羅三藐三菩提心善男子發阿耨多羅三
藐三菩提心是人難得若能發心是人則能
求菩薩行值遇善知識恒無厭足親近善知
識恒無勞倦供養善知識恒不疲懈給侍善
知識不生愛感求覓善知識終不退轉愛念
善知識終不放捨承事善知識無暫休息瞻
仰善知識無時憇止行善知識教未曾怠惰
稟善知識心無有誤失善男子汝見我此衆
會人不善財答言唯然已見居士言善男子

我已令其發阿耨多羅三藐三菩提心生如
來家增長白法安住無量諸波羅蜜學佛十
力離世間種住如來種棄生死輪轉正法輪
滅三惡趣住正法趣如諸菩薩悉能救護一
切衆生

前七

二十八

第三長者告下稱讚授法中三初歎發心

勝能二善男子汝見下示已所化發心眷

屬生如來家者同四住中生也

同四住中
生者四住

生聖教家以三賢十聖大類
相似故前同四住後同四地

善男子我得隨意出生福德藏解脫門凡有

所須悉滿其願所謂衣服瓔珞象馬車乘華
香幢蓋飲食湯藥房舍屋宅牀座燈炬奴婢
牛羊及諸侍使如是一切資生之物諸有所
須悉令充滿乃至爲說真實妙法善男子且
待須臾汝當自見說是語時無量衆生從種

前七

三九

種方所種種世界種種國土種種城邑形類
各別愛欲不同皆以菩薩往昔願力其數無
邊俱來集會各隨所欲而有求請爾時居士
知衆普集須臾繫念仰視虛空如其所須悉
從空下一切衆會普皆滿足然後復爲說種

種法所謂爲得美食而充足者與說種種集
福德行離貧窮行知諸法行成就法喜禪悅
食行修習具足諸相好行增長成就難屈伏
行善能了達無上食行成就無盡大威德力
降魔寃行爲得好飲而充足者與其說法令
於生死捨離愛著入佛法味爲得種種諸上
味者與其說法皆令獲得諸佛如來上味之
相爲得車乘而充足者與其宣說種種法門
皆令得載摩訶衍乘爲得衣服而充足者與
其說法令得清淨慚愧之衣乃至如來清淨

妙色如是一切靡不周瞻然後悉為如應說法既聞法已還歸本處

三善男子我得下正示法界於中二先舉名財法無盡蘊在虛空隨意給施故名隨意出生福德藏亦表見空無不備故後足有下顯業用於中二一畧舉二善男子且待下舉事現驗於中先見眾集後爾時居士下廣施財法先施財後然後下施法於施一食令成八行初二約施餘六約食食有五果一得之諸法即是慧命二得喜悅即常安樂三具相好即是常色四六即常力五即常辨言上味相者牙有甘露泉故餘可準思食有五果者即涅槃第二如來告純陀云我今施汝常命色力安無礙辨由施於食益命益色益力益安益辨才故近得此五由是無常終得常五並如迴向品中已釋今此且配

爾時居士為善財童子示現菩薩不可思議解脫境界已告言善男子我唯知此隨意出生福德藏解脫門如諸菩薩摩訶薩成就寶手徧覆一切十方國土以自在力普雨一切資生之具所謂雨種種色寶種種色瓔珞種種色寶冠種種色衣服種種色音樂種種色華種種色香種種色末香種種色燒香種種色寶蓋種種色幢幡徧滿一切眾生住處及諸如來眾會道場或以成熟一切眾生或以供養一切諸佛而我云何能知能說彼諸功德自在神力善男子於此南方有一大城名師子宮彼有長者名法寶髻汝可往問菩薩云何學菩薩行修菩薩道

第四爾時居士下謙已推勝可知第五善男子下指示後友城名師子宮者禪定無

亂如彼深宮處之則所說決定作用無畏
故以為名友名法寶髻者縮攝諸亂居心
頂故定含明智加以寶名以喻顯法名法

寶髻

時善財童子歡喜踊躍恭敬尊重如弟子禮

第七

三十一

作如是念由此居士護念於我令我得見一

切智道不斷愛念善知識見不壞尊重善知
識心常能隨順善知識教決定深信善知識
語恒發深心事善知識頂禮其足繞無量而
慤慤瞻仰辭退而去

大方廣佛華嚴經疏鈔會本第六十五

音釋

膚芳無切網縵謂佛指間皮相連如鷲屬
也聾聾針間切療力傷切癩胡間切商賈尸
也聾聾目動也療治疾也癩風病也商賈尸
公羊切行賣也賈質顆粒顆若果切鎗以灼切
公戶切坐販也顆粒粒力入切鎗關下杜

也翻下華切鳥也憇去例切撓女巧切埏居宜切埴
埏尸連切和土也縮烏版切羈居宜切埴
先丞職切黏土也縮烏版切羈居宜切埴
分的切

大方廣佛華嚴經疏鈔會本第六卷之一 翦八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子於明智居士所聞此解脫已
遊彼福德海治彼福德田仰彼福德山趣彼

翦八

福德津開彼福德藏觀彼福德法淨彼福德
輪味彼福德聚生彼福德力增彼福德勢漸
次而行向師子城周徧推求寶髻長者

第五法寶髻寄無癡亂行六中初文可知

寄於無癡亂行者以慧資定靜
無遺照動不離寂名無癡亂

見此長者在於市中遽即往詣頂禮其足繞
無數帀合掌而立白言聖者我已先發阿耨
多羅三藐三菩提心而未知菩薩云何學菩
薩行云何修菩薩道善哉聖者願為我說諸
菩薩道我乘此道趣一切智

第二見此長者下見敬諮問市中見者表
處鬧忘懷亂中常定故

爾時長者執善財手將詣所居示其舍宅作
如是言善男子且觀我家

第三爾時長者下授已法界於中四一執
手將引即授法方便顯加行智歸正證故
二作如是下示其所住即正授法界三爾
時善財見其下正證法界四爾時善財見
是下問答因緣即後得智初二可知

爾時善財見其舍宅清淨光明真金所成白
銀為牆玻璃為殿紺瑠璃寶以為樓閣碑磬
妙寶而作其柱百千種寶周徧莊嚴赤珠摩
尼為師子座摩尼為帳真珠為網彌覆其上
碼瑙寶池香水盈滿無量寶樹周徧行列其
宅廣博十層八門

三中二先總後善財入已下別今初十層
 八門者如八角塔形層門各有三義層別
 中解門三義者一通約所修之道以八正
 為門八正通入於諸位故二約所依之道
 即以八識為門於眼根中入正定故根若
 能入境則可知三約教顯理即四句入法
 教理各四故有八門謂若失意有空俱泯
 便成四謗得意通入並稱為門尋教得解
 即教四門於理得解即理四門尋教等者
 以為二四亦約教為信行約理為法行若
 準新經言面各二門故有八門則亦可即
 就四門存泯不同以為八耳如一有門見
 心妙有而入法界則是有門若取於有即
 拂有相名非有門此有中二矣二空者知
 法空寂即是空門以空為空門便權說非
 空門三若謂妄惑本空真智不空即亦有
 亦空門謂有二體斯門亦權故說妄因真
 立妄無妄源真對妄宣真非真矣則雙存
 兩亡則為亦有非有亦無非無門四欲言
 其有無相無名欲言其無聖以之靈為非
 有非無門若希雙非未逃戲論故復拂之

此雙非門為但是遮為有所表但遮同無
 有表同有還成有無故此雙非言思亦絕
 名非非有非非無門故有八門
 得意為門失意此八亦非門矣
 善財入已次第觀察見最下層施諸飲食見
 第二層施諸寶衣見第三層布施一切寶莊
 嚴具見第四層施諸采女并及一切上妙珍
 寶見第五層乃至五地菩薩雲集演說諸法
 利益世間成就一切陀羅尼門諸三昧印諸
 三昧行智慧光明見第六層有諸菩薩皆已
 成就甚深智慧於諸法性明了通達成就廣
 大總持三昧無障礙門所行無礙不住二法
第八
 在不可說妙莊嚴道場中而共集會分別顯
 示般若波羅蜜門所謂寂靜藏般若波羅蜜
 門善分別諸眾生智般若波羅蜜門不可動
 轉般若波羅蜜門離欲光明般若波羅蜜門
 不可降伏藏般若波羅蜜門照眾生輪般若

波羅蜜門海藏般若波羅蜜門普眼捨得般若波羅蜜門入無盡藏般若波羅蜜門一切方便海般若波羅蜜門入一切世間海般若波羅蜜門無礙辯才般若波羅蜜門隨順衆生般若波羅蜜門無礙光明般若波羅蜜門常觀宿緣而布法雲般若波羅蜜門說如是等百萬阿僧祇般若波羅蜜門見第七層有諸菩薩得如響忍以方便智分別觀察而得出離悉能聞持諸佛正法見第八層無量菩薩共集其中皆得神通無有退墮能以一音徧十方刹其身普現一切道場盡于法界靡不周徧普入佛境普見佛身普於一切佛衆會中而爲上首演說於法見第九層一生所繫諸菩薩衆於中集會見第十層一切如來充滿其中從初發心修菩薩行超出生死成

滿大願及神通力淨佛國土道場衆會轉正法輪調伏衆生如是一切悉使明見

別中十層三者一表十地一施食顯初地行檀二地持戒以慙愧爲衣服三地忍行以爲嚴具四地道品爲內眷屬精進可珍五地文顯六地般若現前故文中三初總次所謂下別顯十五門一照體即寂而無不色二即寂之照無機不鑒三外緣不轉四內照無求五惑境不摧六徧摧諸惑七包含勝德而甚深八普見法界而無礙九

第八
一即無盡十巧化無邊十一內證世間十二外演勝辯十三曲隨物欲十四事理交羅十五觀緣授法後說如是下總結七地有殊勝行知種種教法故云得如響忍八層之中舍於二位一八地無功用之神通

三種世間自在二即九地法師一音能演
九層亦二位十地等覺俱可爲一生故十
層即如來地二表十行以十行即十度故
前七文顯八大願所成神通等故九一生
所繫力最上故十唯至如來智方滿故此
即當位自攝諸位向攝十地即攝後諸位
故以十層雙表二義還如海幢當位攝盡
十位纔竟說成佛故前寄第六位攝此寄
第五位攝前約正報攝此約依報攝者皆
顯位勝前故三者總不表位但此菩薩以
行就機現居勝報漸次增勝十顯無盡初
四以物施後後漸難次二集法施前淺後
深次二得法初陋後廣後二現勝德光因
後果總上三義因果行位等法以爲長者
之宅

爾時善財見是事已白言聖者何緣致此清
淨衆會種何善根獲如是報長者告言善男
子我念過去過佛刹微塵數劫有世界名圓
滿莊嚴佛號無邊光明法界普莊嚴王如來
應正等覺十號圓滿彼佛入城我奏樂音并

燒一丸香而以供養以此功德迴向三處謂
永離一切貧窮困苦常見諸佛及善知識恒
聞正法故獲斯報

四問答因緣中先問後答迴向三處者謂
離貧窮招前四層之報二三兩果即後六
重一九之微因願力故報勝又表萬行混
融發起向佛則隨一行無不具矣何果不
階

善男子我唯知此菩薩無量福德寶藏解脫
門如諸菩薩摩訶薩得不思議功德寶藏入

無分別如來身海受無分別無上法雲修無
 分別功德道具起無分別普賢行網入無分
 別三昧境界等無分別菩薩善根住無分別
 如來所住證無分別三世平等住無分別普
 眼境界住一切劫無有疲厭而我云何能知
 能說彼功德行

第四善男子下謙已推勝謙已云菩薩等
 者世寶三寶蘊積十重之中故云寶藏常
 用無盡是為無量福德後推勝中當法顯
 勝故功德寶藏皆不思議即是總句入無
 分別下別明由無分別而具諸法故不思
 議

善男子於此南方有一國土名曰藤根其土
 有城名曰普門中有長者名為普眼汝詣彼
 問菩薩云何學菩薩行修菩薩道時善財童

子頂禮其足繞無數匝慙懃瞻仰辭退而去
 爾時善財童子於寶髻長者所聞此解脫已
 深入諸佛無量知見安住菩薩無量勝行了
 達菩薩無量方便希求菩薩無量法門清淨
 菩薩無量信解明利菩薩無量諸根成就菩
 薩無量欲樂通達菩薩無量行門增長菩薩
 無量願力建立菩薩無能勝幢起菩薩智照
 菩薩法

第六普眼長者寄善現行寄善現行者慈
 能顯發三諦之
 理般若國名藤根者夫藤根深入於地上
現前故 第八發華苗表善現行般若證深能生後得後
 得隨物而轉故取類於藤城名普門者實
 相般若無所不通故長者名普眼者觀照
 般若無不見故第一依教趣求中言深入
 諸佛無量知見者無量有二義一多故即

權智境二無分量故即實慧境界無量故
 智亦無量知見亦二義一別謂智即是智
 見即是慧即照二境之智慧二通者謂知
 見二字俱是如來能證如實知彼義故即
 無障礙智若爾何假重言為揀比知所以
 言見為揀肉眼見所以云知此如世親般
 若論釋悉知悉見入謂證達餘句易了見知
 已下二釋知見於中亦二先別依法華論
 後通即般若論云如來悉見是諸衆生若
 便足何故復說如來悉見是諸衆生若不
 說如來悉見是諸衆生或謂如來以凡智
 知悉生如是心故若爾但言如來悉見是
 諸衆生便足何故復說如來悉見是諸衆
 生若不說如來悉見是諸衆生或謂如來
 以肉眼等見為防是故說知見二語功德
 施論上卷云何故知見俱說耶為開顯一
 切智故此復云何貴於諸境界耶然現覺
 非如此智見煙知有火不能照了諸相差
 別亦非如肉眼見麤近細遠處即不能
 知但隨他解說或如彼故智論二十九明十
 八不共法解脫無滅中問曰解脫知見者
 但應言知如何以復言見答曰言知言見事
 得牢固言如繩二合即為堅復次若但說

知即不攝一切慧如阿毗曇所說慧有三
 種有知非見有見非知有亦知亦見有知
 非見者盡知無生智五識相應知有見非
 知者八忍世間正見五邪見有亦知亦見
 者餘師諸慧若說知則謂不攝見若說見則
 不攝知是故說知見則具足如復次從人
 讀誦分別等量是名知自身得證是名見
 譬如耳聞事尚有疑是名知親自目觀了
 了無疑是名見解脫中知見亦如是差別
 瑜伽八十六云問知見何差別答照過去
 及以未來非現見境名慧名知照現在境
 此總名見又所取為緣此慧名知能取為
 緣此慧名見又聞思所成此慧名知修所
 成者此慧名見又聞思所成此慧名知斷
 煩惱已能證解脫此慧名見又緣自相境
 此慧名知緣共相境此慧名見又尋求諸
 法此慧名知既尋求已伺察諸法此慧名
 見又緣無分別影像此慧名知緣有分別
 影像為境此慧名見又有色爾較影像為
 緣此慧名見無色爾較影像為緣此慧名
 知釋曰爾較為所緣也成實論第十九見
 知品云問曰正見正知有何差別答曰即
 是一體無有差別正見正知有二種世間
 世間者謂有罪福等出世間者謂能過平
 等諸諦正智亦爾乃至問曰經中說知者
 見者則同漏盡有何差別答曰若智初破
 惑名知入諸位已名為見始觀名知達了
 名見有如深淺等別俱舍二十六通明
 忍智見別論云前品初說依法忍智於
 後復說正見知為有忍非智耶為有智非

見耶頌曰聖慧忍非智盡無生非見餘二
有漏慧皆智六見性釋曰初句及第三句
餘二字明無漏慧有漏已下明有漏慧也
聖慧忍非智者聖慧忍謂見道中八忍也
忍非智性決斷名智忍起之時與非得俱
不成決定斷故不名智盡無生非見者盡
無生智不名為見推度名見此之二智已
息求心非推度故不名見餘二者餘無
漏慧皆通知見二性已斷疑故推度性故
有漏慧皆智六見性者諸有漏慧皆智性
攝於中唯六亦是見性謂身見等五及世
間正見如上聖慧及有漏慧皆擇法故並
通性攝大婆沙九十五論云應具分別見
智慧三自性差別云何為見答眼根五見
世俗正見學無學見問何故眼根說名為
見答由四事故一賢聖說故二世俗說故
三契經說故四世現見故問何故此五說
名為見答以四事故一親視故謂能觀視
所應取境二決度故謂決度所應取境三
堅執故謂於自境堅固僻執非聖道觀不
能令捨四深入故謂於所緣銳利深入如
針墮泥云世俗正見者謂善意識相應慧
是見性故說名為見學見者謂學有漏慧
無學見者謂無學正見此二俱是見性故
名為見五見為境如陰夜見色世俗正見
於境如晴夜見色有學見於境如陰晝見
色無學見於境如晴晝見色云何為智答
五識相應慧除無漏慧餘意識相應慧五
識相應慧有三種一善二染汗三無覆無
記餘論說諸見是智斷應作四句有見非

智謂眼根及無漏慧忍有智非見謂五識
身相應慧盡無生智餘五見及世俗正見
餘意識相應有漏慧有見亦智謂五見世
俗正見除無漏忍及盡無生智餘有漏慧
即學八智及無學正見此無漏慧及前五
見世俗正見具見智二種相故第二句攝
有見智謂除前相相謂所有若名若法足
前三句所表皆名為相除此餘法第四句
義次前來一經
頻有無狀繁文

漸次而行至藤根國推問求覓彼城所在雖
歷艱難不憚勞苦但唯正念善知識教願常
親近承事供養徧策諸根離眾放逸

二趣後可知

然後乃得見普門城百千聚落周市圍繞雉

九

堞崇峻衢路寬平見彼長者往詣其所於前
頂禮合掌而立白言聖者我已先發阿耨多
羅三藐三菩提心而未知菩薩云何學菩薩
行云何修菩薩道

第二然後乃得下見敬諮問中先見依正

百千聚落周而圍繞者眷屬般若也雉堞
崇峻者般若防非高而無上也五板為堵
五堵為雉堞即女牆衢路寬平者般若諸
佛常行非權運故蕩然無涯眷屬般若者
然般若有五
一實相般若即所證理二觀照般若即能
證智三文字般若即能詮教古唯有三新
說有五加第四境界般若實相唯悟真境
兼後智體今境界通事六塵之境皆為境
界五眷屬般若即與慧同時諸心心所今
此具五城為實相長者為觀照釋無量中
已有境界今有

眷屬文字通四

長者告言善哉善哉善男子汝已能發阿耨
多羅三藐三菩提心善男子我知一切眾生
諸病風黃痰熱鬼魅蠱毒乃至水火之所傷
害如是一切所生諸疾我悉能以方便救療
善男子十方眾生諸有病者咸來我所我皆
療治令其得差復以香湯沐浴其身香華瓔
珞名衣上服種種莊嚴施諸飲食及以財寶

悉令充足無所乏短

第三長者告下稱讚授法先讚後善男子
下授已法界於中二先能療病即下化眾
生後善男子我又下明能合香上供諸佛
今初有二先除身病後治心病前中亦二
先治無不能後善男子十方下來者皆治
兼與身樂

然後各為如應說法為貪欲多者教不淨觀
瞋恚多者教慈悲觀愚癡多者教其分別種
種法相等分行者為其顯示殊勝法門為欲
令其發菩提心稱揚一切諸佛功德為欲令
其起大悲意顯示生死無量苦惱為欲令其
增長功德讚歎修習無量福智為欲令其發
大誓願稱讚調伏一切眾生為欲令其修普
賢行說諸菩薩於一切剎一切劫住修諸行

網為欲令其具佛相好稱揚讚歎檀波羅蜜
 為欲令其得佛淨身悉能徧至一切處故稱
 揚讚歎尸波羅蜜為欲令其得佛清淨不思
 議身稱揚讚歎忍波羅蜜為欲令其獲於如
 來無能勝身稱揚讚歎精進波羅蜜為欲令
 其得於清淨無與等身稱揚讚歎禪波羅蜜
 為欲令其顯現如來清淨法身稱揚讚歎般
 若波羅蜜為欲令其現佛世尊清淨色身稱
 揚讚歎方便波羅蜜為欲令其為諸眾生住
 一切劫稱揚讚歎願波羅蜜為欲令其現清
 淨身悉過一切諸佛刹土稱揚讚歎力波羅
 蜜為欲令其現清淨身隨眾生心悉使歡喜
 稱揚讚歎智波羅蜜為欲令其獲於究竟淨
 妙之身稱揚讚歎永離一切諸不善法如是
 施已各令還去

第八

十一

二然後各為下治心病亦二先明除惑義
 通大小後為欲令其下令其成益此唯大
 乘有十六句初五通顯大心行願次十別
 明十度之因感十身之果施滿他心故相
 好悅物戒徧止惡故淨身徧至忍兼忍理
 故不思議進策萬行故無能勝禪唯一心
 故無與等般若照理故顯法身方便顯用
 色身可觀願窮來際住劫無窮力不可搖
 悉過一切智窮事法故隨物成身後一句
 總離諸惡故究竟淨妙

次十別明十度之
 因感十身果疏中
 但索現文直釋此十亦即菩提願等如來
 半身一施度即相好莊嚴身二戒獲意生
 身以適至故三忍獲威勢身四進策萬行
 故成菩提五禪獲福德無等六顯法身七
 成化身八亦成願身九還成力
 持十亦成智身後一總淨十身

善男子我又善知和合一切諸香要法所謂
 無等香辛頭波羅香無勝香覺悟香阿盧那

跋底香堅黑梅檀香烏落迦梅檀香沈水香
 不動諸根香如是等香悉知調理和合之法
 又善男子我持此香以爲供養普見諸佛所
 願皆滿所謂救護一切衆生願嚴淨一切佛
 刹願供養一切如來願又善男子然此香時
 一一香中出無量香徧至十方一切法界一
 切諸佛衆會道場或爲香宮或爲香殿如是
 香欄檻香垣牆香却敵香戶牖香重閣香半
 月香蓋香幢香幡香帳香羅網香形像香莊
 嚴具香光明香雲雨處處充滿以爲莊嚴
 二上供佛行中二初知香體辛頭者即信
 度河也波羅是岸即彼岸之香阿盧那
 跋底此云赤色極烏洛迦者西域地名其
 地有毒繞此檀樹故和合者戒定慧等融
 無礙故次與供起願後能成大供文處並

顯

善男子我唯知此令一切衆生普見諸佛歡
 喜法門如諸菩薩摩訶薩如大藥王若見若
 聞若憶念若同住若隨行徃若稱名號皆獲
 利益無空過者若有衆生暫得值遇必令消
 滅一切煩惱入於佛法離諸苦蘊永息一切
 生死怖畏到無所畏一切智處摧壞一切老
 死大山安住平等寂滅之樂而我云何能知
 能說彼功德行

第四謙已推勝中謙已知一中謂身心病

第八

上

除成二世樂故皆歡喜以香普供得佛十
 身則何佛不見餘並可知

善男子於此南方有一大城名多羅幢彼中
 有王名無厭足汝詣彼問菩薩云何學菩薩
 行修菩薩道

時善財童子禮普眼足繞無量帀慙懃瞻仰
辭退而去

爾時善財童子憶念思惟善知識教念善知
識能攝受我能守護我令我於阿耨多羅三
藐三菩提無有退轉如是思惟生歡喜心淨

信心廣大心怡暢心踊躍心欣慶心勝妙心
廣

寂靜心莊嚴心無著心無礙心平等心自在
心住法心徧徃佛剎心見佛莊嚴心不捨十
力心

漸次遊行經歷國土村邑聚落至多羅幢城

問無厭足王所在之處諸人答言此王今者
在於正殿坐師子座宣布法化調御衆生可
治者治可攝者攝罰其罪惡決其諍訟撫其
孤弱皆令永斷殺盜邪淫亦令禁止妄言兩
舌惡口綺語又使遠離貪瞋邪見時善財童

子依衆人語尋即往詣

第七無厭足王寄無著行

寄無著行者方便涉有不逮於

空事理無滯不捨不受故名無著

第一依教趣求中先念

教成益後漸次下趣求後友既入其國必

聞其政言多羅者此云明淨幢者建立表

無著行依般若淨明立勝行故王名無厭

足者如幻方便化無所著故無疲厭心先念

數成益者有十七心初歡喜為總餘十六別一淨信者信樂聞法二下化上求三法樂怡神四勇求進趣五欣慶所得六悲智雙流七不取不生八以德嚴飾九不著萬境十不礙起修十一物我齊均十二不被心使十三無住而住十四稱理普周十五

見佛相嚴十六不捨佛智

遙見彼王坐那羅延金剛之座阿僧祇寶以

為其足無量寶像以為莊嚴金繩為網彌覆

其上如意摩尼以為寶冠莊嚴其首閻浮檀

金以為半月莊嚴其額帝青摩尼以為耳瑱

相對垂下無價摩尼以爲瓔珞莊嚴其頸天
妙摩尼以爲印釧莊嚴其臂閻浮檀金以爲
其蓋衆寶間錯以爲輪輻大瑠璃寶以爲其
竿光味摩尼以爲其齋雜寶爲鈴恒出妙音
放大光明周徧十方如是寶蓋而覆其上阿

第八

十四

那羅王有大力勢能伏他衆無能與敵以離
垢繪而繫其頂十千大臣前後圍繞共理王
事其前復有十萬猛卒形貌醜惡衣服褊陋
執持器仗攘臂瞋目衆生見者無不恐怖無
量衆生犯王教勅或盜他物或害他命或侵
他妻或生邪見或起瞋恨或懷貪嫉作如是
等種種惡業身被五縛將詣王所隨其所犯
而治罰之或斷手足或截耳鼻或挑其目或
斬其首或剥其皮或解其體或以湯煮或以
火焚或驅上高山推令墮落有如是等無量

楚毒發聲號叫譬如衆合大地獄中善財見
已作如是念我爲利益一切衆生求菩薩行
修菩薩道今者此王滅諸善法作大罪業逼
惱衆生乃至斷命曾不顧懼未來惡道云何
於此而欲求法發大悲心救護衆生作是念

持空中有天而告之言善男子汝當憶念普
眼長者善知識教善財仰視而白之曰我常
憶念初不敢忘天曰善男子汝莫厭離善知
識語善知識者能引導汝至無險難安隱之
處善男子菩薩善巧方便智不可思議攝受

第八

十五

衆生智不可思議護念衆生智不可思議成
熟衆生智不可思議守護衆生智不可思議
度脫衆生智不可思議調伏衆生智不可思
議

第二遙見下見敬諮問中先見有四一見

勝依正二其前後有下觀其逆化三善財見已下不了生疑四作是念時下空天曉諭於中二先令憶前教真實使不生疑後善男子菩薩善巧下辨後行深玄令其信入然善財雖常憶教而生疑者逆行難知故貪益此世不疑婆須臾癡現損故勝熟此王並生疑怪言深玄者通達非道故累攝論戒學中明菩薩逆行殺等生無量福得無上菩提要大菩薩方堪此事此有二種一實行二變化實行者了知前人必定作無間業無別方便令離此惡唯可斷命使其不作又知前人若捨命已必生善道又菩薩自念我行殺已必墮地獄爲彼受苦彼雖現受輕苦必得樂果瑜伽菩薩地戒品之中亦同此說言變化者即當此文

下王自說

時善財童子聞此語已即詣王所頂禮其足白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能教誨願爲我說

二時善財下敬問可知

時阿那羅王理王事已執善財手將入宮中命之同坐

第三時阿那羅下授已法界中二初授法方便執手同坐示無間之儀表攝彼加行

令趣真故

第八

十六

告言善男子汝應觀我所住宮殿善財如語即徧觀察見其宮殿廣大無比皆以妙寶之所合成七寶爲牆周而圍繞百千衆寶以爲樓閣種種莊嚴悉皆妙好不思議摩尼寶網

羅覆其上十億侍女端正殊絕威儀進止皆
悉可觀凡所施爲無非巧妙先起後卧輒意
承旨

二告言下正示法界令證相應於中四
舉果令入

時阿那羅王告善財言善男子於意云何我
若實作如是惡業云何而得如是果報如是
色身如是眷屬如是富贍如是自在

二時阿那羅王告善財下以實顯權

善男子我得菩薩如幻解脫善男子我此國

土所有衆生多行殺盜乃至邪見作餘方便
不能令其捨離惡業善男子我爲調伏彼衆
生故化作惡人造諸罪業受種種苦令其一
切作惡衆生見是事已心生惶怖心生厭離
心生怯弱斷其所作一切惡業發阿耨多羅

第七

十七

三藐三菩提意善男子我以如是巧方便故
令諸衆生捨十惡業住十善道究竟快樂究
竟安隱究竟住於一切智地

三善男子我得下示其所得於中初名如
幻者了生如幻故以幻化幻次我此國下

明法門業用後我以如是下明法門勝益
善男子我身語意未曾惱害於一衆生善男
子如我心者寧於未來受無間苦終不發生
一念之意與一蚊一蟻而作苦事況復人耶
入是福田能生一切諸善法故

四善男子我身語下直顯實德慈念之深
然諸位至七皆方便故休捨觀自在開敷
樹華多約慈悲

善男子我唯得此如幻解脫如諸菩薩摩訶
薩得無生忍知諸有趣悉皆如幻菩薩諸行

悉皆如化一切世間悉皆如影一切諸法悉
 皆如夢入真實相無礙法門修行帝網一切
 諸行以無礙智行於境界普入一切平等三
 昧於陀羅尼已得自在而我云何能知能說
 彼功德行

第四謙已推勝推勝云無生忍者由了如

幻方證此忍故又後位中當此忍故

善男子於此南方有城名妙光王名大光汝

詣彼問菩薩云何學菩薩行修菩薩道

時善財童子頂禮王足繞無數帀辭退而去

大方廣佛華嚴經疏鈔會本第六十六之一

音釋

痰 徒含切 蠱 公戶切 輻 方六切 褊 俾緬切
 病液也 毒也 車輻也 褊衣小也
 攘臂 攘汝陽切 攘 蚊 蚊無分切 憚 徒案切
 臂持臂也 蟻 蟻魚紀切 切畏
 也 瞬 輪問切 療 力照切
 目動也 治也

十八

大方廣佛華嚴經疏鈔會本第六十六之二 翦九

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子一心正念彼王所得幻智法

門思惟彼王如幻解脫觀察彼王如幻法性

發如幻願淨如幻法普於一切如幻三世起

於種種如幻變化如是思惟

第八大光寄難得行第一依教趣求中先

念前

寄難得行者無障礙願力乃能得故

漸次遊行或至人間城邑聚落或經曠野巖

谷險難無有疲懈未曾休息然後乃至妙光

大城而問人言妙光大城在於何所人咸報

言妙光城者今此城是是大光王之所住處

時善財童子歡喜踊躍作如是念我善知識

在此城中我今必當親得奉見聞諸菩薩所

行之行聞諸菩薩出要之門聞諸菩薩所證

之法聞諸菩薩不思議功德聞諸菩薩不思

議自在聞諸菩薩不思議平等聞諸菩薩不

思議勇猛聞諸菩薩不思議境界廣大清淨

後漸次下趣後於中初推求得知城名妙

光者前位悲增今得無住妙慧運衆生故

王名大光者慈定之智無不該故廣大願

中皆徹照故後時善財童子下自慶當益

作是念已入妙光城見此大城以金銀瑠璃

玻瓈真珠磔磔碼碯七寶所成七寶深澗七

重圍繞八功德水盈滿其中底布金沙優鉢

羅華波頭摩華拘物頭華芬陀利華徧布其

上寶多羅樹七重行列七種金剛以為其垣

各各圍繞所謂師子光明金剛垣無能超勝

金剛垣不可沮壞金剛垣不可毀缺金剛垣

堅固無礙金剛垣勝妙網藏金剛垣離塵清
淨金剛垣悉以無數摩尼妙寶間錯莊嚴種
種衆寶而爲埤堦其城縱廣一十由旬周迴
八方面開八門皆以七寶周徧嚴飾毘瑠璃
寶以爲其地種種莊嚴甚可愛樂其城之內
十億衢道一一道間皆有無量萬億衆生於
中止住有無數閻浮檀金樓閣毘瑠璃摩尼
網羅覆其上無數銀樓閣赤真珠摩尼網羅
覆其上無數毘瑠璃樓閣妙藏摩尼網羅覆
其上無數玻瓈樓閣無垢藏摩尼王網羅覆
其上無數光照世間摩尼寶樓閣日藏摩尼
王網羅覆其上無數帝青摩尼寶樓閣妙光
摩尼王網羅覆其上無數衆生海摩尼王樓
閣燄光明摩尼王網羅覆其上無數金剛寶
樓閣無能勝幢摩尼王網羅覆其上無數黑

前九

二

栴檀樓閣天曼陀羅華網羅覆其上無數無
等香王樓閣種種華網羅覆其上其城復有
無數摩尼網無數寶鈴網無數天香網無數
天華網無數寶形像網無數寶衣帳無數寶
蓋帳無數寶樓閣帳無數寶華鬘帳之所彌
覆處處建立寶蓋幢幡當此城中有一樓閣
名正法藏阿僧祇寶以爲莊嚴光明赫奕最
勝無比衆生見者心無厭足彼大光王常處
其中爾時善財童子於此一切珍寶妙物乃
至男女六塵境界皆無愛著但正思惟究竟
之法一心願樂見善知識

三

第二作是念已下見敬諮問初見中三初
見依報中二先所見殊勝云十由旬者欲
明圓滿既有十億衢道道各無量衆生豈
世間十小由旬之所能受故此中事物皆

應圓融表法如理思之後爾時善財下能

見無染

漸次遊行見大光王去於所住樓閣不遠四

衢道中坐如意摩尼寶蓮華藏廣大莊嚴師

子之座紺瑠璃寶以為其足金繒為帳眾寶

為網上妙天衣以為茵褥其王於上結跏趺

坐二十八種大人之相八十隨好而以嚴身

如真金山光色熾盛如淨空日威光赫奕如

盛滿月見者清涼如梵天王處於梵眾亦如

大海功德法寶無有邊際亦如雪山相好樹

林以為嚴飾亦如大雲能震法雷啓悟羣品

亦如虛空顯現種種法門星象如須彌山四

色普現眾生心海亦如寶洲種種智寶充滿

其中

二漸次下見王正報處四衢道者以四無

量用四攝法攝眾生故二十八相者因未

滿故

二十八相因未滿者未見經論及闕無見頂及眉間白毫梵音長舌以善

生等經校量最勝故謂三十二相不及毫

相三十一不及烏瑟尼沙總合不及如來

智中所出梵音合將二十九相以校白毫

三十中一是梵音故長舌無文義為勝爾

之驗

於王座前有金銀瑠璃摩尼真珠珊瑚琥珀

珂貝璧玉諸珍寶聚衣服瓔珞及諸飲食無

量無邊種種充滿復見無量百千萬億上妙

寶車百千萬億諸天妓樂百千萬億天諸妙

香百千萬億病緣湯藥資生之具如是一切

悉皆珍好無量乳牛蹄角金色無量千億端

正女人上妙栴檀以塗其體天衣瓔珞種種

莊嚴六十四能靡不該練世情禮則悉皆善

解隨眾生心而以給施城邑聚落四衢道側

悉置一切資生之具一一道傍皆有二十億

菩薩以此諸物給施衆生爲欲普攝衆生故
爲令衆生歡喜故爲令衆生踊躍故爲令衆
生心淨故爲令衆生清涼故爲滅衆生煩惱
故爲令衆生知一切義理故爲令衆生入一
切智道故爲令衆生捨冤敵心故爲令衆生
離身語惡故爲令衆生拔諸邪見故爲令衆
生淨諸業道故

三於王座前下主伴攝生於中亦三先列
所施通情非情六十四能義如別說次一
一道下明能施人即是助伴後爲欲普攝

下明其施意

時善財童子五體投地頂禮其足恭敬右繞
經無量而合掌而住白言聖者我已先發阿
耨多羅三藐三菩提心而未知菩薩云何學
菩薩行云何修菩薩道我聞聖者善能誘誨

願爲我說

第九

五

二三敬問可知

時王告言善男子我淨修菩薩大慈幢行我
滿足菩薩大慈幢行

第三時王告下授已法界中三一總示法

門謂大慈首出離染圓滿故

善男子我於無量百千萬億乃至不可說不
可說佛所問難此法思惟觀察修習莊嚴

二善男子我於下明得法因緣問難是聞
慧以三種慧莊嚴此慈

善男子我以此法爲王以此法教勅以此法
攝受以此法隨逐世間以此法引導衆生以
此法令衆生修行以此法令衆生趣入以此
法與衆生方便以此法令衆生熏習以此法
令衆生起行以此法令衆生安住思惟諸法

自性以此法令衆生安住慈心以慈爲主具足慈力如是令住利益心安樂心哀愍心攝受心守護衆生不捨離心拔衆生苦無休息心我以此法令一切衆生畢竟快樂恒自悅豫身無諸苦心得清涼斷生死愛樂正法樂

滌煩惱垢破惡業障絕生死流入眞法海斷諸有趣求一切智淨諸心海生不壞信善男子我已住此大慈幢行能以正法教化世間善男子我國土中一切衆生皆於我所無有恐怖善男子若有衆生貧窮困乏來至我所而有求索我開庫藏恣其所取而語之言莫造諸惡莫害衆生莫起諸見莫生執著汝等貧乏若有所須當來我所及四衢道一切諸物種種具足隨意而取勿生疑難善男子此妙光城所住衆生皆是菩薩發大乘意隨心

六
所竟欲所見不同或見此城其量狹小或見此城其量廣大或見土砂以爲其地或見衆寶而以莊嚴或見聚土以爲垣牆或見寶牆周匝圍繞或見其地多諸瓦石高下不平或見無量大摩尼寶間錯莊嚴平坦如掌或見屋宅土木所成或見殿堂及諸樓閣階墀窻闥軒檻戶牖如是一切無非妙寶善男子若有衆生其心清淨曾種善根供養諸佛發心趣向一切智道以一切智爲究竟處及我昔時修菩薩行曾所攝受則見此城衆寶嚴淨餘皆見穢善男子此國土中一切衆生五濁世時樂作諸惡我心哀愍而欲救護入於菩薩大慈爲首隨順世間三昧之門入此三昧時彼諸衆生所有怖畏心惱害心冤敵心諍論心如是諸心悉自消滅何以故入於菩薩大

慈爲首順世三昧法如是故善男子且待須
臾自當現見時大光王即入此定其城內外
六種震動諸寶地寶牆寶堂寶殿臺觀樓閣
階砌戶牖如是一切咸出妙音悉向於王曲
躬敬禮妙光城內所有居人靡不同時歡喜
踊躍俱向王所舉身投地村營城邑一切人
衆咸來見王歡喜敬禮近王所住鳥獸之屬
互相瞻視起慈悲心咸向王前恭敬禮拜一
切山原及諸草樹莫不迴轉向王敬禮陂池
泉井及以河海悉皆騰溢流注王前十千龍
王起大香雲激電震雷注微細雨有十千天
王所謂忉利天王夜摩天王兜率陀天王善
變化天王他化自在天王如是等而爲上首
於虛空中作衆妓樂無數天女歌詠讚歎雨
無數華雲無數香雲無數寶鬘雲無數寶衣

雲無數寶蓋雲無數寶幢雲無數寶幡雲於
虛空中而爲莊嚴供養其王伊羅婆拏大象
王以自在力於虛空中敷布無數大寶蓮華
垂無數寶瓔珞無數寶繒帶無數寶鬘無數
寶嚴具無數寶華無數寶香種種奇妙以爲
嚴飾無數采女種種歌讚閻浮提內復有無
量百千萬億諸羅刹王諸夜叉王鳩槃荼王
毗舍闍王或住大海或居陸地飲血噉肉殘
害衆生皆起慈心願行利益明識後世不造
諸惡恭敬合掌頂禮於王如閻浮提餘三天
下乃至三千大千世界乃至十方百千萬億
那由他世界中所有一切毒惡衆生悉亦如
是

三我以此下明其業用於中五一以法攝
化二我國土中下以無畏攝三若有衆生

下以財寶攝四此妙光城下隨機徧攝五
善男子此國土中下以三昧攝於中二先
以言告後時大光王下正以定示顯定業
用情與非情咸成勝益者謂同體大慈物
我無二故如世間王德合乾坤則麟鳳來
儀寶璧呈瑞況於出世慈力不令草木屈

膝耶

時大光王從三昧起告善財言善男子我唯
知此菩薩大慈爲首隨順世間三昧門如諸
菩薩摩訶薩爲高蓋慈心普蔭諸衆生故爲
修行下中上行悉等行故爲大地能以慈心
任持一切諸衆生故爲滿月福德光明於世
間中平等現故爲淨日以智光明照耀一切
所知境故爲明燈能破一切衆生心中諸黑
闇故爲水清珠能清一切衆生心中詭誑濁

故爲如意寶悉能滿足一切衆生心所願故
爲大風速令衆生修習三昧入一切智大城
中故而我云何能知其行能說其德能稱量
彼福德大山能瞻仰彼功德衆星能觀察彼
大願風輪能趣入彼甚深法門能顯示彼莊

嚴大海能闡明彼普賢行門能開示彼諸三
昧窟能讚歎彼大慈悲雲

第四時大光王從三昧下謙已推勝先謙
已知一慈本爲物名順世間高出衆行故
名爲首即是幢義餘並可知

善男子於此南方有一王都名曰安住有優
婆夷名曰不動汝詣彼問菩薩云何學菩薩
行修菩薩道

時善財童子頂禮王足繞無數帀慇懃瞻仰
辭退而去

爾時善財童子由妙光城遊行道路正念思惟大光王教憶念菩薩大慈幢行門思惟菩薩隨順世間三昧光明門增長彼不思議願福德自在力堅固從不思議成熟衆生智觀察彼不思議不共受用大威德憶念彼不思議差別相思惟彼不思議清淨眷屬思惟彼不思議所作業生歡喜心生淨信心生猛利心生欣悅心生踊躍心生慶幸心生無濁心生清淨心生堅固心生廣大心生無盡心如思惟悲泣流淚念善知識實爲希有出生一切諸功德處出生一切諸菩薩行出生一切菩薩淨念出生一切陀羅尼輪出生一切三昧光明出生一切諸佛知見普雨一切諸佛法雨顯示一切菩薩願門出生難思智慧光明增長一切菩薩根芽又作是念善知識

者能普救護一切惡道能普演說諸平等法能普顯示諸夷險道能普開闡大乘奧義能普勸發普賢諸行能普引到一切智城能普令入法界大海能普令見三世法海能普授與衆聖道場能普增長一切白法善財童子如是悲哀思念之時彼常隨逐覺悟菩薩如來使天於虛空中而告之言善男子其有修行善知識教諸佛世尊悉皆歡喜其有隨順善知識語則得近於一切智地其有能於善知識語無疑惑者則常值遇一切善友其有發心願常不離善知識者則得具足一切義利善男子汝可往詣安住王都即當得見不動優婆夷大善知識

第九不動優婆夷寄善法行自發心來於一切法無不得定煩惱二乘不能動故亦

令衆生心不動故以智修慈故示以女居安住王都者王子位故智契實法不爲緣壞名爲安住

寄善法行談法授人動成第物執思擇修習一切法故

一依教趣求中二先依教後趣求前中有五一思修前法二生歡喜下因修得益無

濁約無他清淨約自體三如是思惟下推功歸友至此偏悲者修悲將滿故四又作是念下廣歎友能五善財童子如是悲哀下勝緣印勸於中先印天字兩用故晉本云如來使天隨菩薩天隨菩薩天是已業

行之神如來使天是佛力攝生神但修行位已著皆有二天常隨其人後汝可詣下勸詣後友

時善財童子從彼三昧智光明起漸次遊行至安住城周徧推求不動優婆夷今在何所

無量人衆成告之言善男子不動優婆夷身是童女在其家內父母守護與自親屬無量人衆演說妙法善財童子聞是語已其心歡喜如見父母即詣不動優婆夷舍

二時善財童子從彼下趣求後友可知

入其宅內見彼堂宇金色光明普皆照耀遇斯光者身意清涼善財童子光明觸身即時獲得五百三昧門所謂了一切希有相三昧門入寂靜三昧門遠離一切世間三昧門普眼捨得三昧門如來藏三昧門得如是等五百三昧門以此三昧門故身心柔軟如七日胎又聞妙香非諸天龍乾闥婆等人與非人之所能有善財童子前詣其所恭敬合掌一心觀察見其形色端正殊妙十方世界一切女人無有能及況其過者唯除如來及以一

切灌頂菩薩口出妙香宮殿莊嚴并其眷屬
悉無與等況復過者十方世界一切衆生無
有於此優婆夷所起染著心若得暫見所有
煩惱悉自消滅譬如百萬大梵天王決定不
生欲界煩惱其有見此優婆夷者所有煩惱
應知亦然十方衆生觀此女人皆無厭足唯
除具足大智慧者

第二入其宅內下見敬諮問見中分二先
見依獲益後善財童子前詣下見正超倫
爾時善財童子曲躬合掌正念觀察見此女
人其身自在不可思議色相顏容世無與等
光明洞徹物無能障普爲衆生而作利益其
身毛孔恒出妙香眷屬無邊宮殿第一功德
深廣莫知涯際心生歡喜以頌讚曰
守護清淨戒修行廣大忍精進不退轉光明

照世間

爾時善財童子說此頌已白言聖者我已先
發阿耨多羅三藐三菩提心而未知菩薩云
何學菩薩行云何修菩薩道我聞聖者善能
誘誨願爲我說

二爾時善財曲躬下敬問可知

時不動優婆夷以菩薩柔輒語悅意語慰喻
善財而告之言善哉善哉善男子汝已能發
阿耨多羅三藐三菩提心

第三時不動下稱讚授法於中先讚

讚九

十一

善男子我得菩薩難摧伏智慧藏解脫門我
得菩薩堅固受持行門我得菩薩一切法平
等地總持門我得菩薩照明一切法辯才門
我得菩薩求一切法無疲厭三昧門

後善男子我得下正授法界於中二先示

法門名體後善財童子言下微業用之境
界今初不同前例而舉五法者亦同九地
當法師位須廣知故五中初二所持內德
一智慧無羈偏名解脫有智則煩惱不可
壞取著無能勝故云難摧伏此智包容故

竟

十三

名爲藏二受持堅固偏得行名謂遇惡眾
生而能堪忍徧生諸趣而心不迷故云堅
固三即能持深入法門得法性地則無不
持矣四即外化由正思佛法明照差別故
得辯才能轉法輪稱眾生成五即上求一

心求法故云三昧近佛無厭受法無足故
五中初二所持內德等者然此五法即下
因中所念五事謂思惟如來福德智慧皆
悉清淨總持三昧不可思議神通自在辯
才無礙謂思念何因得斯五事彼佛便教
發十種心一應發不可壞心滅諸煩惱二
應發無能勝心破諸取著三應發無退怯
心入深法門四應發能堪耐心救惡眾生
五應發無迷惑心普入於一切諸趣受生

六應發無狀足心求見諸佛無有休息七
應發無知足心悉受一切佛法光明九應發
發正思惟心普生一切諸佛法輪十應發
大住持心普轉一切諸佛法輪十應發廣
流通心隨眾生欲施其法寶釋曰十中初
二成其所念福智故今得第一摧伏智慧
藏解脫門疏取下佛教以釋其相下四亦
爾次以第三無退怯心酬其所念總持故
今得一切法平等總持門三以第四救惡
眾生及第五諸趣受生示神通因今得菩
薩堅固受持行門遍生五趣救惡眾生是
大神通足菩薩行故四以第六求佛無狀
第七受法無足心酬其三昧今得求一切
法無礙狀門五以後三示其辯才無礙因
今得第四照明一切法辯才門在文可知
故疏取下十句示因釋今所得五法之果
而念福德舍在智慧之中其下釋十法中
方云上來已取十句釋五法門但與下念
五法不次顯
無優劣故

善財童子言聖者菩薩難摧伏智慧藏解脫
門乃至求一切法無疲厭三昧門境界云何
童女言善男子此處難知善財白言唯願聖
者承佛神力爲我宣說我當因善知識能信
能受能知能了趣入觀察修習隨順離諸分

別究竟平等

二徵業用之境界中四一徵問二顯難三

重請四廣答

優婆夷言善男子過去世中有劫名離垢佛號修臂時有國王名曰電授唯有一女即我

身是我於夜分廢音樂時父母兄弟悉已眠寢五百童女亦皆昏寐我於樓上仰觀星宿於虛空中見彼如來如寶山王無量無邊天龍八部諸菩薩衆所共圍繞佛身普放大光明網周徧十方無所障礙佛身毛孔皆出妙香我聞是香身體柔軟心生歡喜便從樓下至於地上合十指爪頂禮於佛又觀彼佛不見頂相觀身左右莫知邊際思惟彼佛諸相隨好無有厭足竊自念言此佛世尊作何等業獲於如是上妙之身相好圓滿光明具足

第九

十四

眷屬成就宮殿嚴好福德智慧悉皆清淨總持三昧不可思議神通自在辯才無礙善男子爾時如來知我心念即告我言汝應發不可壞心滅諸煩惱應發無能勝心破諸取著應發無退怯心入深法門應發能堪耐心救惡衆生應發無迷惑心普於一切諸趣受生應發無厭足心求見諸佛無有休息應發無知足心悉受一切如來法雨應發正思惟心普生一切佛法光明應發大住持心普轉一切諸佛法輪應發廣流通心隨衆生欲施其法寶善男子我於彼佛所聞如是法求一切智求佛十力求佛辯才求佛光明求佛色身求佛相好求佛衆會求佛國土求佛威儀求佛壽命發是心已其心堅固猶如金剛一切煩惱及以二乘悉不能壞善男子我發是心

第十

十五

已來經閻浮提微塵數劫尚不生於念欲之心況行其事爾所劫中於自親屬不起瞋心況他衆生爾所劫中於其自身不生我見況於衆具而計我所爾所劫中死時生時及住胎藏未曾迷惑起衆生想及無記心況於餘時爾所劫中乃至夢中隨見一佛未曾忘失何況菩薩十眼所見爾所劫中受持一切如來正法未曾忘失一文一句乃至世俗所有言辭尚不忘失何況如來金口所說爾所劫中受持一切如來法海一文一句無不思惟無不觀察乃至一切世俗之法亦復如是爾所劫中受持如是一切法海未曾於一法中不得三昧乃至世間技術之法一一法中悉亦如是爾所劫中住持一切如來法輪隨所住持未曾廢捨一文一句乃至不曾生於世

智唯除爲欲調衆生故爾所劫中見諸佛海未曾於一佛所不得成就清淨大願乃至於諸化佛之所悉亦如是爾所劫中見諸菩薩修行妙行無有一行我不成就爾所劫中所有一衆生無一衆生我不勸發阿耨多羅三藐三菩提心未曾勸一衆生發於聲聞辟支佛意爾所劫中於一切佛法乃至一文一句不生疑惑不生二想不生分別想不生種種想不生執著想不生勝劣想不生愛憎想善男子我從是來常見諸佛常見菩薩常見真實善知識常聞諸佛尊光願常聞菩薩行常聞菩薩十六波羅蜜門常聞菩薩地智光明門常聞菩薩無盡藏門常聞入無邊世界網門常聞出生無邊衆生界因門常以清淨智慧光明除滅一切衆生煩惱常以智慧生長一切衆生善

根常隨一切衆生所樂示現其身常以清淨
上妙言音開悟法界一切衆生

答中二先明得法因緣以彰深遠釋上難
知二善男子我得菩薩求一切下顯其業
用以酬初問今初分六一舉往見佛為發
心緣二便從樓下內興觀念為發心因先
觀後念念福智等即前五法之因神通自
在是行堅固三善男子爾時下佛勸發心
能成前五有十種心初二成智慧次一成
總持次二成神通次三成三昧後三成辯
才故上來取斯十句釋五法門四善男子
我於彼下正明發心堅固五我發是心已
來下經久無違六我從是來下彰發心勝
益即前五因之果彰發心之益即前五之
果者一求佛智慧即求
法三昧二求佛十力即求智慧三求佛辯
才四求佛光明即是總持總持以慧為體

故云光明餘皆堅固受持行
願發是心已下總結堅固

善男子我得菩薩求一切法無厭足莊嚴門
我得一切法平等地總持門現不思議自在
神變汝欲見不善財言唯我心願見爾時不
動優婆夷坐於龍藏師子之座入求一切法
無厭足莊嚴三昧門不空輪莊嚴三昧門十
力智輪現前三昧門佛種無盡藏三昧門入
如是等一萬三昧門入此三昧門時十方各
有不可說佛刹微塵數世界六種震動皆悉
清淨瑠璃所成一世界中有百億四天下
百億如來或住兜率天乃至般涅槃一一如
來放光明網周徧法界道場衆會清淨圍繞
轉妙法輪開悟羣生時不動優婆夷從三昧
起告善財言善男子汝見此不善財言唯我
皆已見

二顯其業用中四一許現即舉五法中二
二申請三正現入一萬三昧者於一求法
無厭三昧即入一萬明知餘解脫等亦攝
多門四出定印述並可知

優婆夷言善男子我唯得此求一切法無厭
足三昧光明爲一切衆生說微妙法皆令歡
喜如諸菩薩摩訶薩如金翅鳥遊行虛空無
所障礙能入一切衆生大海見有善根已成
熟者便即執取置菩提岸又如商客入大寶
洲採求如來十力智寶又如漁師持正法網
入生死海於愛水中漣諸衆生如阿修羅王
能徧托動三有大城諸煩惱海又如日輪出
現虛空照愛水泥令其乾竭又如滿月出現
虛空令可化者心華開敷又如大地普皆平
等無量衆生於中止住增長一切善法根芽

又如大風所向無礙能拔一切諸見大樹如
轉輪王遊行世間以四攝事攝諸衆生而我
云何能知能說彼功德行

第四優婆夷言下謙已推勝

善男子於此南方有一大城名無量都薩羅
其中有一出家外道名曰徧行汝往彼問菩
薩云何學菩薩行修菩薩道

第五指示後友中都薩羅者此云喜出生
謂此城中出生無量歡喜之事故以智度
圓滿則能無所不生友名徧行巧智隨機

無不行故名真實行示外道者能行非道
又非道不染故曰出家餘可知

時善財童子頂禮其足繞無量下慇懃瞻仰
辭退而去

大方廣佛華嚴經疏鈔會本第六十六之二

音釋

諮同 澗七 豔切 茵褥上音因通作 埤垸下音辱
皆切 垸五計切 埤呼高切 托攬也
垸城上女牆也

前九

十九

大方廣佛華嚴經疏鈔會本第六十七 前十

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子於不動優婆夷所得聞法已

專心憶念所有教誨皆悉信受思惟觀察漸

漸遊行經歷國邑至都薩羅城於日沒時入

彼城中塵店隣里四衢道側處處尋覓徧行

外道

第十徧行外道寄真實行第一依教趣求

十通行外道寄真實行智度已圓
稱於二諦言行不虛故名真實

城東有山名曰善德善財童子於中夜時見

此山頂草樹巖巖光明照耀如日初出見此

事已生大歡喜作是念言我必於此見善知

識便從城出而登彼山見此外道於其山上

平坦之處徐步經行色相圓滿威光照耀大

梵天王所不能及十千梵眾之所圍繞往詣

其所頭頂禮足繞無量帀於前合掌而作是

言聖者我已先發阿耨多羅三藐三菩提心

而我未知菩薩云何學菩薩行云何修菩薩

道我聞聖者善能教誨願為我說

第二城東有山下見敬諮問見中中夜見

者智入生死故善財將入此位故上云日

沒入城於山頂者表位極故光明照者以

智慧光破於生死及二邊闇故

徧行答言善哉善哉善男子我已安住至一

切處菩薩行已成就普觀世間三昧門已成

就無依無作神通力已成就普門般若波羅

蜜

第三徧行答言下稱讚授法先讚發心後

善男子下正授法界於中二先彰名體有

四者智徧知故四義雖別而得相成一化境普周徧行之名亦從此立二入定觀機三由無作神通故能徧至前處四由普門般若故能在定普觀若約別者無作無依用而無住普門般若無法不窮

善男子我普於世間種種方所種種形貌種

種行解種種歿生一切諸趣所謂天趣龍趣

夜叉趣乾闥婆阿修羅迦樓羅緊那羅摩睺

羅伽地獄畜生閻羅王界人非人等一切諸

趣或住諸見或信二乘或復信樂大乘之道

如是一切諸衆生中我以種種方便種種智

門而為利益所謂或為演說一切世間種種

技藝令得具足一切巧術陀羅尼智或為演

說四攝方便令得具足一切智道或為演說

諸波羅蜜令其迴向一切智位或為稱讚大

菩提心令其不失無上道意或為稱讚諸菩薩行令其滿足淨佛國土度衆生願或為演說造諸惡行受地獄等種種苦報令於惡業深生厭離或為演說供養諸佛種種善根決定獲得一切智果令其發起歡喜之心或為

讚說一切如來應正等覺所有功德令樂佛

身求一切智或為讚說諸佛威德令其願樂

佛不壞身或為讚說佛自在身令求如來無

能暎蔽大威德體又善男子此都薩羅城中

一切方所一切族類若男若女諸人衆中我

皆以方便示同其形隨其所應而為說法諸

衆生等悉不能知我是何人從何而至唯令

聞者如實修行善男子如於此城利益衆生

於閻浮提城邑聚落所有人衆住止之處悉

亦如是而為利益善男子閻浮提內九十六

種各起異見而生執著我悉於中方便調伏
令其捨離所有諸見如闍浮提餘四天下亦
復如是如四天下三千大千世界亦復如是
如三千大千世界如是十方無量世界諸衆
生海我悉於中隨諸衆生心之所樂以種種
方便種種法門現種種色身以種種言音而
爲說法令得利益

二善男子我普於下顯四業用即分爲四
一明至一切處用二或住諸見下普觀世
間用觀其所宜隨宜說故三又善男子此
都薩羅下明無作無依用故云不知從何
而至四善男子闍浮提內下普門般若用
九十六種皆能窮故上來隨勝別配實則
義通

善男子我唯知此至一切處菩薩行如諸善

薩摩訶薩身與一切衆生數等得與衆生無
差別身以變化身普入諸趣於一切處皆現
受生普現一切衆生之前清淨光明徧照世
間以無礙願住一切劫得如帝網諸無等行
常勤利益一切衆生恒與共居而無所著普
於三世悉皆平等以無我智周徧照耀以大
悲藏一切觀察而我云何能知能說彼功德
行

四謙已推勝

善男子於此南方有一國土名爲廣大有樂
香長者名優鉢羅華汝詣彼問菩薩云何學
菩薩行修菩薩道
時善財童子頂禮其足繞無量帀慇懃瞻仰
辭退而去

爾時善財童子因善知識教不顧身命不著

財寶不樂人衆不耽五欲不應眷屬不重王位唯願化度一切衆生唯願嚴淨諸佛國土唯願供養一切諸佛唯願證知諸法實性唯願修集一切菩薩大功德海唯願修行一切功德終無退轉唯願恒於一切劫中以大願力修菩薩行唯願普入一切諸佛衆會道場唯願入一三昧門普現一切三昧門自在神力唯願於佛一毛孔中見一切佛心無厭足唯願得一切法智慧光明能持一切諸佛法藏專求此等一切諸佛菩薩功德漸次遊行至廣大國

大文第四有十善友寄十迴向今初青蓮華長者寄救護衆生離衆生相迴向在廣大國者創入迴向故迴向衆生故廣迴向菩提故大迴向實際義通廣大言鬻香者

第十

五

鬻者賣也香質雖小發氣彌布善根雖微迴向普周又若賣若買二俱得香自他善根俱可迴向青蓮華者蓮華處淤泥而不染猶護衆生而離相青蓮華為水中之最救護為入生死之尊文亦分六第一依教

趣求中先依教興願以是迴向大願之首

故後漸次下趣求後位

初青蓮華長者寄救護等者大悲增上救護衆生大智無著離衆生相悲智無住以立此名迴向實際義通廣大者佛境界衆生界故

諸長者所頂禮其足繞無量市合掌而立白

言聖者我已先發阿耨多羅三藐三菩提心

欲求一切佛平等智慧欲滿一切佛無量大

願欲淨一切佛最上色身欲見一切佛清淨

法身欲知一切佛廣大智身欲淨治一切菩

薩諸行欲照明一切菩薩三昧欲安住一切

菩薩總持欲除滅一切所有障礙欲遊行一切十方世界而未知菩薩云何學菩薩行云何修菩薩道而能出生一切智智

第二詣長者下見敬諮問

長者告言善哉善哉善男子汝乃能發阿耨多羅三藐三菩提心善男子我善別知一切諸香亦知調合一切香法

第三長者告言下稱讚授法先讚後授授中二先總標所得後所謂下別顯業用今初知世諸香以表法香謂以戒定慧慈悲等香熏修生善滅惡習氣故善知一切香者差別行也亦知調合者融通行也以金剛杵碎之實相般若波羅蜜調和令純雜無礙悲智圓融成迴向故所謂一切香一切燒香一切塗香一切末香

亦知如是一切香王所出之處又善了知天香龍香夜叉香乾闥婆阿修羅迦樓羅緊那羅摩睺羅伽人非人等所有諸香又善別知治諸病香斷諸惡香生歡喜香增煩惱香滅煩惱香令於有為生樂著香令於有為生厭離香捨諸憍逸香發心念佛香證解法門香聖所受用香一切菩薩差別香一切菩薩地位香如是等香形相生起出現成就清淨安隱方便境界威德業用及以根本如是一切我皆了達

第十

二別顯業用中二先總標顯知後指事別顯前中四一知香體異二又善了下約類辨異三又善別下知力用異前二約世此兼出世四如是等下明委窮本末上四各有專理思之

上四各有專理者如一知香體異約事可知約理者如燒

香謂以智火發揮萬行普周遍故塗香者以性淨水和之飾法身故末香者以金剛智碎令無實故即以智及性淨等為生處也二約類辨異言約理者香即習氣行天之因是大習氣熏灼成果故亦是道習從天而來好光淨等三知力用者上二約文理但約世香而舍約理此則文自具二如歎有為等約事治諸病香白檀治熱熏陸治冷約理即對治行所謂慈悲不淨觀等斷諸惡香如安忍香能辟惡邪正見智慧無惡不斷又十善行等生歡喜香如沉檀等即稱根器行施悅自他等增煩惱香如蘭麝等謂受染行如有漏定增愛味等滅煩惱香如牛頭旃檀先陀婆等即諸智忍等今於有為生愛者等唯約理說此即人天勝因歎離有為即無常等捨橋逸香無我忍辱不放逸等發心念佛香讚佛功德說淨土行等證解法門深觀行等聖所受用即觀真如無分別一切菩薩差別香三賢十地所修勝劣等一切菩薩地位香者

所證如智
有殘深故

善男子人間有香名曰象藏因龍鬪生若燒

一九即起大香雲彌覆王都於七日中雨細

香雨若著身者身則金色若著衣服官殿樓

閣亦皆金色若因風吹入宮殿中衆生顛者

七日七夜歡喜充滿身心快樂無有諸病不相侵害離諸憂苦不驚不怖不亂不恚慈心相向志意清淨我知是已而為說法令其決定發阿耨多羅三藐三菩提心善男子摩羅耶山出栴檀香名曰牛頭若以塗身投入火坑火不能燒善男子海中有香名無能勝若以塗鼓及諸螺貝其聲發時一切敵軍皆自退散善男子阿那婆達多池邊出沈水香名蓮華藏其香一九如麻子大若以燒之香氣普熏閻浮提界衆生聞者離一切罪戒品清

淨善男子雪山有香名阿盧那若有衆生顛此香者其心決定離諸染著我為說法莫不皆得離垢三昧善男子羅刹界中有香名海藏其香但為轉輪王用若燒一九而以熏之王及四軍皆騰虛空善男子善法天中有香

名淨莊嚴若燒一九而以熏之普使諸天心
念於佛善男子須夜摩天有香名淨藏若燒
一九而以熏之夜摩天衆莫不雲集彼天王
所而共聽法善男子兜率天中有香名先陀
婆於一生所繫菩薩座前燒其一九與大香

雲徧覆法界普雨一切諸供養具供養一切
諸佛菩薩善男子善變化天有香名曰奪意
若燒一九於七日中普雨一切諸莊嚴具

二人間有下指事別顯中有十種香初象
藏香具前本末十事一但語香名必有形
相二龍鬪為生起三興雲為出現四雨雨
為成就五金色為清淨六喜樂為安隱七
無病等為方便八慈心等為境界九意淨
為威德其業用一種義通前七十我知下
是根本本為菩提心故若就菩提心顯十

義者以菩提心香似如來藏因善惡相攻
而生若一發心興慈雲注法雨心所及者
令歸真淨得法喜樂離惑業苦展轉興慈
志願純淨餘之九香皆應具法喻之十畧
故或二或三摩羅耶者國名國多此香故

此即忍香瞋火不燒三即進香魔軍退散
次五如次是五分法身香九即稱法界香
先陀婆一名四實此宜用鹽香似此故十

忘能所香故名奪意餘三可知若就菩提心下二約
法似如來藏本覺真心性德圓備稱理發
心故似藏也二因善惡相攻而生即同因
龍鬪生故六波羅蜜經云善惡互相熏猶
如二象鬪弱者去無還妄盡無來去起信
云真如熏無明故能發心歇求三若一發
心下出現四靈法雨是成就五心所及下
清淨六得法喜樂即安隱七離惑業苦即
方便八長轉興慈即境界九志願純淨即
威德亦業用義通前七次五如次五分法
身者戒定可知三王及四兵皆騰空者慧
證空故四心念於佛脫五
欲故五集聽法是知見故

善男子我唯知此調和香法如諸菩薩摩訶
 薩遠離一切諸惡習氣不染世欲永斷煩惱
 眾魔罣索超諸有趣以智慧香而自莊嚴於
 諸世間皆無染著具足成就無所著戒淨無
 著智行無著境於一切處悉無有著其心平

等無著無依而我何能知其妙行說其功德
 顯其所有清淨戒門示其所作無過失業辯
 其離染身語意行

善男子於此南方有一大城名曰樓閣中有
 船師名婆施羅汝詣彼問菩薩云何學菩薩

行修菩薩道

時善財童子頂禮其足繞無量帀懇懃瞻仰
 辭退而去

爾時善財童子向樓閣城觀察道路所謂觀
 道高卑觀道夷險觀道淨穢觀道曲直

第二船師婆施羅寄不壞迴向寄不壞迴向者得不壞信千種善根而婆施羅者此云自在謂
 於佛法海已善通達於生死海能善運度
 於一切法深信不壞故名自在在樓閣城
 者由此迴向令菩提心轉更增長悲智相
 依而勝出故文中第一依教趣求先依教
 觀道於迴向道初得不壞故佛道為高餘
 皆是卑生死涅槃為夷險障無障為淨穢
 二乘為曲菩薩為直等佛道為高下此有十事五對疏但畧示其相而不言等者等於餘義具說觀相乃有多意一不壞相則五是可依五不可
 依二不壞性則不見高卑無夷險等是故
 經云不見一法是佛法者不見一法非佛
 法者故金剛云是法平等無有高下住正
 道者則不分別是邪是正三不見業惑以
 為所斷不見智慧以為能斷非有煩惱非
 離煩惱四不見生死為雜亂不見涅槃為
 寂靜生死涅槃二際無差五無大小三乘
 及一乘非我所故三性之及相變俱不
 壞則雖無高下不壞高卑無高為真高
 等一一契中上三即三觀意四以無所得

為萬方便一時具觀
一具一切方真觀矣

漸次遊行作是思惟我當親近彼善知識善
知識者是成就修行諸菩薩道因是成就修
行波羅蜜道因是成就修行攝衆生道因是
成就修行普入法界無障礙道因是成就修
行令一切衆生除惡慧道因是成就修行令
一切衆生離憍慢道因是成就修行令一切
衆生滅煩惱道因是成就修行令一切衆生
捨諸見道因是成就修行令一切衆生拔一
切惡刺道因是成就修行令一切衆生至一

切智城道因何以故於善知識處得一切善
法故依善知識力得一切智道故善知識者
難見難遇如是思惟漸次遊行

後漸次下趣求後位而興勝念謂菩薩道
因人得故即於菩薩法師得不壞信於中

先正明後徵釋可知

既至彼城見其船師在城門外海岸上住百
千商人及餘無量大衆圍繞說大海法方便
開示佛功德海善財見已往詣其所頂禮其
足繞無量帀於前合掌而作是言聖者我已
先發阿耨多羅三藐三菩提心而未知菩薩
云何學菩薩行云何修菩薩道我聞聖者善
能教誨願為我說

第二既至彼下見敬諮問見在海岸者若
佛法海以生死為此岸不捨生死故若生

死海以大悲修因而為此岸住大慈悲令

離因故

若佛法海者準下推勝乃有
多海舉其二餘例可知

船師告言善哉善哉善男子汝已能發阿耨
多羅三藐三菩提心今復能問生大智因斷
除一切生死苦因往一切智大寶洲因成就

不壞摩訶衍因遠離二乘怖畏生死住諸寂靜三昧旋因乘大願車徧一切處行菩薩行無有障礙清淨道因以菩薩行莊嚴一切無能壞智清淨道因普觀一切十方諸法皆無障礙清淨道因速能趣入一切智海清淨道因

第三船師告言下稱讚授法分二先讚問讚其發心後能問法文有九句前五能問果因後四能問因故云道因三昧旋者旋謂深復沉而不流二乘沉寂動八萬劫故能遠離是菩薩道

善男子我在此城海岸路中淨修菩薩大悲幢行

二善男子我在此下授已法界中二先標名體謂大悲超出為物所歸故

上

上

善男子我觀閻浮提內貧窮衆生為饒益故修諸苦行隨其所願悉令滿足先以世物充滿其意復施法財令其歡喜令修福行令生智道令增善根力令起菩提心令淨菩提願令堅大悲力令修能滅生死道令生不厭生死行令攝一切衆生海令修一切功德海令照一切諸法海令見一切諸佛海令入一切智智海善男子我住於此如是思惟如是作意如是利益一切衆生

後善男子我觀閻浮下辨其業用中二先

明於陸化生令知有海

善男子我知海中一切寶洲一切寶處一切寶類一切寶種我知淨一切寶鑽一切寶出一切寶作一切寶我知一切寶器一切寶用一切寶境界一切寶光明

後善男子我知海中下善知海相於海化
 生於中二初明善知後彰化成益今初此
 寶洲等生死法海義皆有之且約生死海
 釋文中略舉知五種事一知寶寶即是智
 故不入生死大海則不能生一切智寶於
 中有十二句一生死海中湛寂不動謂之
 寶洲二空空如來藏為寶處三恒沙功
 德皆寶類四佛性為寶種此上皆約本有
 次四約修成以淨戒頭陀等為能淨以緣
 起智為能鑽以發一切智心為出因聽聞
 為能作後四為實用謂三乘等器智慧有
 殊照理斷惑所用各別所緣境界萬品階
 差破愚顯明各各不等
 我知一切龍官處一切夜又官處一切部多
 官處皆善迴避免其諸難

二我知一切龍下即生死中瞋貪癡之三
 毒部多此云自生亦如夜又但不從父母
 生故喻多癡
 亦善別知漩澗淺深波濤遠近水色好惡種
 種不同

三亦善別知漩澗不即知心識相色無色
 等依識心定劫數淺深七識波浪染習遠
 近隨善惡緣心水色異色無色等者沈空
 滯寂即漩澗義無
 二萬即為淺色無晝夜殊劫數等身量則
 初最淺上上漸深未有無相
 皆識心定故為心識相也

亦善別知日月星宿運行度數晝夜晨晡晷
 漏延促

四亦善別知日月等者即能知時謂機之
 生熟如是時中宜修定慧等

亦知其船鐵木堅脆機關漩澗滑水之大小風

之逆順如是一切安危之相無不明了可行則行可止則止

五亦知其船即知萬行不同有方便為堅無方便為脆曾修為滑不曾則澀水之大小者謂生死有邊與無邊風之逆順者八

風四順四逆又謂修行有住與無住故若

開第三第五各有三事則并總具十

有方便為

堅等七地已說又謂修行有住無住者上約外境世之八風此約正修無住為順出離有住為逆又有住則順生死無住反此若開第三第五各三者中三者一淺深二波濤遠近三水色好惡五中三者一知其船鐵木堅脆機關溢滑二水之大

小三風之逆順此二各三為六并其餘三為九如是已下總結為十可行則行可止則止雖是總結義當一故

善男子我以成就如是智慧常能利益一切衆生善男子我以好船運諸商衆行安隱道復為說法令其歡喜引至寶洲與諸珍寶咸

第十

十四

使充足然後將領還閻浮提善男子我將大船如是往來未始令其一有損壞若有衆生得見我身聞我法者令其永不怖生死海必得入於一切智海必能消竭諸愛欲海能以智光照三世海能盡一切衆生苦海能淨一

切衆生心海速能嚴淨一切刹海普能徃詣十方大海普知一切衆生根海普了一切衆生行海普順一切衆生心海

一善男子我以成就下彰化成益既列十海則知前海準此應思前四自利後六利

第十

十五

他後三文顯

善男子我唯得此大悲幢行若有見我及以聞我與我同住憶念我者皆悉不空如諸菩薩摩訶薩善能遊涉生死大海不染一切諸煩惱海能捨一切諸妄見海能觀一切諸法

性海能以四攝攝衆生海已善安住一切智
海能滅一切衆生著海能平等住一切時海
能以神通度衆生海能以其時調衆生海而
我云何能知能說彼功德行

善男子於此南方有城名可樂中有長者名

無上勝汝請彼問菩薩云何學菩薩行修菩
薩道時善財童子頂禮其足繞無量而慇懃
瞻仰悲泣流淚求善知識心無厭足辭退而
去

爾時善財童子起大慈周徧心大悲潤澤心
相續不斷福德智慧二種莊嚴捨離一切煩
惱塵垢證法平等心無高下拔不善刺滅一
切障堅固精進以爲牆塹甚深三昧而作園
苑以慧日光破無明闇以方便風開智慧華
以無礙願充滿法界心常現入一切智城如

是而求菩薩之道漸次經歷到彼城內

第三無上勝長者寄等一切佛迴向以得

勝通無過上故等於諸佛更無勝故在可

樂國者由等佛迴向不見美惡皆得清淨

歡喜悅樂故文中第一可知寄等一切佛迴向者謂等

同三世一切如來能迴向道所迴向善故以得勝通下釋名此約得法釋等於下約寄位釋由等諸佛不見美惡者經云如是修學迴向道時見一切色乃至觸法若若若惡不生愛憎心得自在無諸過失廣大清淨歡喜悅樂離諸憂惱身心柔順諸根清淨是也

見無上勝在其城東大莊嚴幢無憂林中無

量商人百千居士之所圍繞理斷人間種種

事務因爲說法令其永拔一切我慢離我我

所捨所積聚滅慳嫉妬心得清淨無諸穢濁

獲淨信力常樂見佛受持佛法生菩薩力起

菩薩行入菩薩三昧得菩薩智慧住菩薩正

念增菩薩樂欲爾時善財童子觀彼長者為
 眾說法已以身投地頂禮其足良久乃起白
 言聖者我是善財我是善財我專尋求菩薩
 之行菩薩云何學菩薩行菩薩云何修菩薩
 道隨修學時常能化度一切眾生常能現見
 一切諸佛常得聽聞一切佛法常能住持一
 切佛法常能趣入一切法門入一切刹學菩
 薩行住一切劫修菩薩道能知一切如來神
 力能受一切如來護念能得一切如來智慧
 第二見無上勝下見敬諮問初見在城東
 者啓明佛日故處無憂林者同佛迴向無
 愛憎故商人等圍繞者佛為商主菩薩為
 商人法財外益功歸已故次爾時善財下
 設敬後白言下諮問稱名者聲名久聞表
 重法之器莫有聞故

時彼長者告善財言善哉善哉善男子汝已
 能發阿耨多羅三藐三菩提心善男子我成
 就至一切處菩薩行門無依無作神通之力
 第三時彼長者下稱讚授法授法中先標
 名體由無作無依故能徧至徧至是用廣
 無依是體勝無依者不依他故無作者難
 加行故
 善男子云何為至一切處菩薩行門善男子
 我於此三千大千世界欲界一切諸眾生中
 所謂一切三十三天一切須夜摩天一切兜
 率陀天一切善變化天一切他化自在天一
 切摩天及餘一切天龍夜叉羅刹娑鳩槃荼
 乾闥婆阿修羅迦樓羅緊那羅摩睺羅伽人
 與非人村營城邑一切住處諸眾生中而為
 說法令捨非法令息諍論令除鬪戰令止忿

競令破冤結令解繫縛令出牢獄令免怖畏
令斷殺生乃至邪見一切惡業不可作事皆
令禁止令其順行一切善法令其修學一切
技藝於諸世間而作利益為其分別種種諸
論令生歡喜令漸成熟隨順外道為說勝智

令斷諸見令入佛法乃至色界一切梵天我
亦為其說超勝法如於此三千大千世界乃
至十方十不可說百千億那由他佛刹微塵
數世界中我皆為說佛法菩薩法聲聞法獨
覺法說地獄說地獄衆生說向地獄道說畜
生說畜生差別說畜生受苦說向畜生道說
閻羅王世間說閻羅王世間苦說向閻羅王
世間道說天世間說天世間樂說向天世間
道說人世間說人世間苦樂說向人世間道
為欲開顯菩薩功德為令捨離生死過患為

令知見一切智人諸妙功德為欲令知諸有
趣中迷感受苦為令知見無障礙法為欲顯
示一切世間生起所因為欲顯示一切世間
寂滅為樂為令衆生捨諸想著為令證得佛
無依法為令永滅諸煩惱輪為令能轉如來
法輪我為衆生說如是法

二善男子云何下微釋業用釋中明至一
切處廣說法故文中先舉三千後如於此
三千下類顯十方

善男子我唯知此至一切處修菩薩行清淨
法門無依無作神通之力如諸菩薩摩訶薩
具足一切自在神通悉能徧往一切佛刹得
普眼地悉聞一切音聲言說普入諸法智慧
自在無有乖諍勇健無比以廣長舌出平等
音其身妙好同諸菩薩與諸如來究竟無二

無有差別智身廣大普入三世境界無際同於虛空而我云何能知能說彼功德行

第四謹已推勝中加清淨法門者徧至本為說法故即前所說後二可知

善男子於此南方有一國土名曰輸那其國

有城名迦陵迦林有比丘尼名師子嘖九申汝

詣彼問菩薩云何學菩薩行修菩薩道

時善財童子頂禮其足繞無量而慇懃瞻仰

辭退而去

爾時善財童子漸次遊行至彼國城周徧推

求此比丘尼有無量人咸告之言善男子此

比丘尼在勝光王之所捨施日光園中說法

利益無量眾生

第四至一切處迴向善友名師子嘖申者

舒展自在無不至故比丘尼者純淨之慈

合善徧故國名輸那者此云勇猛勇猛之力能使善根無不至故又以十度明義義當進故城名迦陵迦林者以義翻為相鬪戰時謂因鬪勝而立城故表此迴向願以信解大威力故廣大智慧無障礙故令修

善根無所不至義同戰時第四至一切處

願力令其善根所成供等遍一切故文中第一依教趣求言

勝光王捨施日光園者準律尼之頭陀多在王國藉外護故表因實際勝光令其善

根徧法界之園苑故並皆即智故有光名

時善財童子即詣彼園周徧觀察見其園中

有一大樹名為滿月形如樓閣放大光明照

一由旬見一葉樹名為普覆其形如蓋放毘

瑠璃紺青光明見一華樹名曰華藏其形高

大如雪山王兩眾妙華無有窮盡如忉利天

舒展自在無不至故比丘尼者純淨之慈

中波利質多羅樹復見有一甘露果樹形如
金山常放光明種種眾果悉皆具足復見有
一摩尼寶樹名毘盧遮那藏其形無比心王
摩尼寶最在其上阿僧祇色相摩尼寶周徧
莊嚴復有衣樹名爲清淨種種色衣垂布嚴
飾復有音樂樹名爲歡喜其音美妙過諸天
樂復有香樹名普莊嚴恒出妙香普熏十方
無所障礙

第二時善財童子即詣下見敬諮問中三
先見次敬後問前中二初見依後見正今

初有六一無漏林樹無漏法行而建立故

文中有八各有所表思之無漏林樹等者

園苑無漏法林品偈云總持之多是淨名佛道

樹覺意淨妙華解脫智慧果
園中復有泉流陂池一切皆以七寶莊嚴黑

梅檀泥疑積其中上妙金沙彌布其底八功

德水具足盈滿優鉢羅華波頊摩華拘物頭
華芬陀利華徧覆其上

二園中復有下明八解泉流八功德者謂

輕冷濡美淨而不臭調適無患八解之浴池定水澤

然滿布以七淨華
浴此無垢人等

無量寶樹周徧行列諸寶樹下敷師子座種

種妙寶以爲莊嚴布以天衣熏諸妙香垂諸

寶繒施諸寶帳閣浮金網彌覆其上寶鐸徐

搖出妙音聲或有樹下敷蓮華藏師子之座

或有樹下敷香王摩尼藏師子之座或有樹

下敷龍莊嚴摩尼王藏師子之座或有樹下

敷寶師子聚摩尼王藏師子之座或有樹下

敷毘盧遮那摩尼王藏師子之座或有樹下

數十方毘盧遮那摩尼王藏師子之座其一

一座各有十萬寶師子座周而圍繞一一皆

具無量莊嚴

三無量寶樹下敷法空座而隨法嚴異於
中有標列及結可知

此大園中衆寶徧滿猶如大海寶洲之上迦
隣陀衣以布其地柔輒妙好能生樂觸蹈則
沒足舉則還復無量諸鳥出和雅音寶栴檀
林上妙莊嚴種種妙華常雨無盡猶如帝釋
維華之園無比香王普熏一切猶如帝釋善
法之堂諸音樂樹寶多羅樹衆寶鈴網出妙
音聲如自在天善口天女所出歌音諸如意
樹種種妙衣垂布莊嚴猶如大海有無量色
百千樓閣衆寶莊嚴如忉利天宮善見大城
寶蓋遐張如須彌峯光明普照如梵王宮
四此大園下雜明諸嚴萬行非一故
爾時善財童子見此大園無量功德種種莊

嚴皆是菩薩業報成就出世善根之所生起
供養諸佛功德所流一切世間無與等者如
是皆從師子嚩申比丘尼了法如幻集廣大
清淨福德善業之所成就

五爾時善財下出其所因

三千大千世界天龍八部無量衆生皆入此
園而不迫窄何以故此比丘尼不可思議威
神力故

六三千下明果用自在

爾時善財見師子嚩申比丘尼徧座一切諸
寶樹下大師子座身相端嚴威儀寂靜諸根
調順如大象王心無垢濁如清淨池普濟所
求如如意寶不染世法猶如蓮華心無所畏
如師子王護持淨戒不可傾動如須彌山能
令見者心得清涼如妙香王能除衆生諸煩

惱熱如雪山中妙梅檀香衆生見者諸苦消滅如善見藥王見者不空如婆樓那天能長一切衆善根芽如良沃田在一一座衆會不同所說法門亦各差別

二爾時善財見師子下明見正報中四初

第十

三

總明徧坐勝德顯彰二別明所徧演法各

異三總結多類聞法發心四通顯所因釋

成自在今初婆樓那者此云水也此天能

滿人願故

昔云水天者總持
教中有此天也

或見處座淨居天衆所共圍繞大自在天子

而爲上首此比丘尼爲說法門名無盡解脫

或見處座諸梵天衆所共圍繞愛樂梵王而

爲上首此比丘尼爲說法門名普門差別清

淨言音輪或見處座他化自在天天子天女

所共圍繞自在天王而爲上首此比丘尼爲

第十

三

說法門名菩薩清淨心或見處座善變化天子天子天女所共圍繞善化天王而爲上首此比丘尼爲說法門名一切法善莊嚴或見處座兜率陀天天子天女所共圍繞兜率天王而爲上首此比丘尼爲說法門名心藏旋或見處座須夜摩天天子天女所共圍繞夜摩天王而爲上首此比丘尼爲說法門名無邊莊嚴或見處座三十三天天子天女所共圍繞釋提桓因而爲上首此比丘尼爲說法門名厭離門或見處座百光明龍王難陀龍王優波難陀龍王摩那斯龍王伊羅跋難陀龍王阿那婆達多龍王等龍子龍女所共圍繞娑伽羅龍王而爲上首此比丘尼爲說法門名佛神通境界光明莊嚴或見處座諸夜叉衆所共圍繞毘沙門天王而爲上首此比丘

尼爲說法門名救護衆生藏或見處座乾闥婆衆所共圍繞持國乾闥婆王而爲上首此比丘尼爲說法門名無盡喜或見處座阿修羅衆所共圍繞羅睺阿修羅王而爲上首此比丘尼爲說法門名速疾莊嚴法界智門或見處座迦樓羅衆所共圍繞捷持迦樓羅王而爲上首此比丘尼爲說法門名怖動諸有海或見處座緊那羅衆所共圍繞大樹緊那羅王而爲上首此比丘尼爲說法門名佛行光明或見處座摩睺羅伽衆所共圍繞菴羅林摩睺羅伽王而爲上首此比丘尼爲說法門名生佛歡喜心或見處座無量百千男子女人所共圍繞此比丘尼爲說法門名殊勝行或見處座諸羅刹衆所共圍繞常奪精氣大樹羅刹王而爲上首此比丘尼爲說法門

名發生悲愍心

二或見處座下別明所徧中有三十處分三初十六爲八部人非人等次二爲二乘後十二爲菩薩今初中先有七處爲天一爲淨居天說無盡者治彼那含求盡身智故三梵王普應但於已衆廣及二千爲說普門則無不應梵音清妙但是世間爲說法界勝流方爲淨妙三他化天令得出世淨心超世自在故四化樂樂具莊嚴不及善故五旋歸如來藏心則真喜足故六徧嚴法界方盡時分之樂七釋天耽欲甚故次八爲龍龍能通變耀電降莊嚴故九夜叉性好飛空害物故十乾闥婆衆能奏樂喜樂故上三亦四王衆意存八部故闕南西十一修羅善幻爲莊嚴故十二迦樓羅

動海怖龍故十三緊那羅是歌神以佛行
光明破其著故又頭有一角亦云疑神令
同佛覺離疑光明故十四摩睺羅伽多瞋
毒故上來八部除第一第七及夜叉衆摩
睺羅伽約對治說餘皆約隨便宜隨其世
能轉入出世故緊那羅衆通其二義第十
五一座爲人人行不善行設行仁義亦
非勝故故令起出世勝行十六一座爲羅
刹則是非人亦治多殘害故
或見處座信樂聲聞乘衆生所共圍繞此比
丘尼爲說法門名勝智光明或見處座信樂
緣覺乘衆生所共圍繞此比丘尼爲說法門
名佛功德廣大光明
次二爲二乘者聲聞智劣故緣覺修福止
百劫故緣起智光未能亡緣故

或見處座信樂大乘衆生所共圍繞此比丘
尼爲說法門名普門三昧智光明門或見處
座初發心諸菩薩所共圍繞此比丘尼爲說
法門名一切佛願聚或見處座第二地諸菩
薩所共圍繞此比丘尼爲說法門名離垢輪
或見處座第三地諸菩薩所共圍繞此比丘
尼爲說法門名寂靜莊嚴或見處座第四地
諸菩薩所共圍繞此比丘尼爲說法門名生
一切智境界或見處座第五地諸菩薩所共
圍繞此比丘尼爲說法門名妙華藏或見處
座第六地諸菩薩所共圍繞此比丘尼爲說
法門名毘盧遮那藏或見處座第七地諸菩
薩所共圍繞此比丘尼爲說法門名普莊嚴
地或見處座第八地諸菩薩所共圍繞此比
丘尼爲說法門名徧法界境界身或見處座

第九地諸菩薩所共圍繞此比丘尼為說法
 門名無所得力莊嚴或見處座第十地諸菩
 薩所共圍繞此比丘尼為說法門名無礙輪
 或見處座執金剛神所共圍繞此比丘尼為
 說法門名金剛智那羅延莊嚴

後十二為菩薩分三初一為地前說定慧
 之光次十為地上初發心者證發心也發
 十大願故五地妙華藏者華謂十種平等
 淨心故晉經云淨心華藏華藏者以真俗
 雙修於難得勝為因含藏故餘八可知後

一義當等覺說金剛喻定壞散塵習故既
 為等覺而說明此位非小言迴向者約寄
 位耳他皆倣此證發心者疏中隨難但釋
 二句今當釋二地三聚
 圓滿故三地修八禪故四地待無行無生
 行慧光故五地如疏六地般若現前遍照
 普得故七地有中殊勝修行修習一切菩提
 分故名普莊嚴八地得無生忍於三世間

皆悉自在得忍如空念念入法流故九地
 以無所得而為方便力廣偏增具足辯才
 演一切法為莊嚴故十地諸障
 已摧十度已滿三祇已圓故

善財童子見如是等一切諸趣所有眾生已
 成熟者已調伏者堪為法器皆入此園各於
 座下圍繞而坐師子頻申比丘尼隨其欲解
 勝劣差別而為說法令於阿耨多羅三藐三
 菩提得不退轉

第三善財童子見如是下總結多類聞法
 發心可知

何以故此比丘尼入普眼捨得般若波羅蜜
 門說一切佛法般若波羅蜜門法界差別般
 若波羅蜜門散壞一切障礙輪般若波羅蜜
 門生一切眾生善心般若波羅蜜門殊勝莊
 嚴般若波羅蜜門無礙真實藏般若波羅蜜
 門法界圓滿般若波羅蜜門心藏般若波羅

蜜門普出生藏般若波羅蜜門此十般若波羅蜜門爲首入如是等無數百萬般若波羅蜜門此日光園中所有菩薩及諸衆生皆是師子嚩申比丘尼初勸發心受持正法思惟修習於阿耨多羅三藐三菩提得不退轉

第四何以故下總顯所因釋成自在有二

一由能化具般若故二此日光下由彼所

化根已熟故

時善財童子見師子嚩申比丘尼如是園林如是牀座如是經行如是衆會如是神力如是辯才復聞不可思議法門廣大法雲潤澤其心便生是念我當右繞無量百千匝時比丘尼放大光明普照其園衆會莊嚴善財童子即自見身及園林中所有衆樹皆悉右繞此比丘尼經於無量百千萬匝圍繞畢已善

財童子合掌而住

二時善財童子下設敬於中三初觀勝發心次放光攝受後正申敬儀

白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說

三白言下問法

比丘尼言善男子我得解脫名成就一切智善財言聖者何故名爲成就一切智比丘尼言善男子此智光明於一念中普照三世一切諸法善財白言聖者此智光明境界云何
第三比丘尼言下授已法界中三初標名一切智者同佛智故二善財言下徵釋其體一念普照故三善財白言下辨其業用先問後答

比丘尼言善男子我入此智光明門得出生
一切法三昧王以此三昧故得意生身往十
方一切世界兜率天宮一生所繫菩薩所一
一菩薩前現不可說佛刹微塵數身一一身
作不可說佛刹微塵數供養所謂現天王身

第十

天

乃至人王身執持華雲執持鬘雲燒香塗香
及以末香衣服瓔珞幢幡繒蓋寶網寶帳寶
藏寶燈如是一切諸莊嚴具我皆執持而以
供養如於住兜率宮菩薩所如是於住胎出
胎在家出家往詣道場成等正覺轉正法輪
人於涅槃如是中間或住天宮或住龍宮乃
至或復住於人宮於彼一一諸如來所我皆
如是而為供養若有衆生知我如是供養佛
者皆於阿耨多羅三藐三菩提得不退轉若
有衆生來至我所我即為說般若波羅蜜善

第十

九

男子我見一切衆生不分別衆生相智眼明
見故聽一切語言不分別語言相心無所著
故見一切如來不分別如來相了達法身故
住持一切法輪不分別法輪相悟法自性故
一念徧知一切法不分別諸法相知法如幻
故

答中二先明通用後明智用前中亦一先
辨用所依謂由一切智能入王三昧故王
三昧者智論第七云一切三昧皆入中故
體即如如體本寂真智契此故名三昧
以一切智言有其二義一徧知三世一切
事故二對於種智名根本智知一切事皆
一實故以即權之實智契即事之實理故
一切三昧皆入其中又由王三昧體無不
徧故意生身隨類能成二往十方下辨能

依業用可知二善男子我見下明其智用

又前即差別智用今即無分別智用故觸

境無取智論第七一切三昧皆入中者論有喻云譬如大海謂若百川歸大海故又有人言王三昧者在第四禪故有人云佛三昧誰能知相切佛法一相無相無量無數不可知唯佛能知佛神足持戒尚不了知况復一切三昧釋曰此但次

耳勝

善男子我唯知此成就一切智解脫如諸善

薩摩訶薩心無分別普知諸法一身端坐充

滿法界於自身中現一切剎一念悉詣一切

佛所於自身內普現一切諸佛神力一毛徧

舉不可言說諸佛世界於其自身一毛孔中

現不可說世界成壞於一念中與不可說不

可說衆生同住於一念中入不可說不可說

一切諸劫而我云何能知能說彼功德行

善男子於此南方有一國土名曰險難此國

有城名寶莊嚴中有女人名婆須蜜多汝詣彼問菩薩云何學菩薩行修菩薩道

時善財童子頂禮其足繞無數匝慙懃瞻仰辭退而去

大方廣佛華嚴經疏鈔會本第六十七

音釋

廛直連切巖魚登切鬻余六切歟許救切

也市居也巖山峯也鬻賣也歟以鼻居

氣切胃胃古注鑽鑽作官切晡博孤切晷晷居

切日脆此此切物物澁所立切蹈徒到切於

影也脆易易切澁不滑也蹈徒到切於

依據切澁澁澁六切澁澁六切澁澁六切澁澁六切

失入切麝神夜切輓乳亮切與濕同麝歌名輓乘也

與濕同麝歌名輓乘也

與濕同麝歌名輓乘也

與濕同麝歌名輓乘也

大方廣佛華嚴經疏鈔會本第六卷之一 頌一

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子大智光明照啟其心思惟觀

察見諸法性得了知一切言音陀羅尼門得

頌一

受持一切法輪陀羅尼門得與一切衆生作

所歸依大悲力得觀察一切法義理光明門

得充滿法界清淨願得普照十方一切法智

光明得徧莊嚴一切世界自在力得普發起

一切菩薩業圓滿願

第五無盡功德藏迴向

由迴向力能成善無盡功德藏故

友名婆須蜜多者此云世友亦云天友隨

世人天方便化故國名險難者逆行非道

下位不能行故城名寶莊嚴者逆隨世行

能生無盡功德藏故第一依教趣求中二

先依教成益謂由聞一切智光故思修趣

入得二種益一得見實法性益出前實智

故二得了知下得權智益由前窮三世差

別智故

漸次遊行至險難國寶莊嚴城處處尋覓婆

須蜜多女

二漸次下趣求後位於中四一專心尋覓

城中有人不知此女功德智慧作如是念今

此童子諸根寂靜智慧明了不迷不亂諦視

一尋無有疲懈無所取著目視不瞬心無所

動甚深寬廣猶如大海不應於此婆須蜜女

有貪愛心有顛倒心生於淨想生於欲想不

應爲此女色所攝此童子者不行魔行不入

魔境不沒欲泥不被魔縛不應作處己能不

作有何等意而求此女

二城中下淺識致疑逆行難知故不自疑者貪順於悲障行劣故不同前二又於前二已調伏故此中不疑

其中有人先知此女有智慧者告善財言善哉善哉善男子汝今乃能推求尋覓婆須蜜

女汝已獲得廣^{頌一}大善利善男子汝應決定求

佛果位決定欲爲一切衆生作所依怙決定欲拔一切衆生貪愛毒箭決定欲破一切衆生於女色中所有淨想善男子婆須蜜女於此城內市廛之北自宅中住

三其中有人先知下深智讚教先讚後善男子婆須下教示所在市者喧雜北主於滅自宅即畢竟空寂謂在欲行禪處喧常寂故在市廛之北等

時善財童子聞是語已歡喜踊躍往詣其門

四時善財下依教往詣

見其住宅廣博嚴麗寶牆寶樹及以寶塹一

一皆有十重圍繞其寶塹中香水盈滿金沙

布地諸天寶華優鉢羅華波頭摩華拘物頭

華芬陀利華徧覆水上宮殿樓閣處處分布

門闔窗牖相望間列成施網鐸悉置幡幢無

量珍奇以爲嚴飾瑠璃爲地衆寶間錯燒諸

沈水塗以栴檀懸衆寶鈴風動成音散諸天

華徧布其地種種嚴麗不可稱說諸珍寶藏

其數百千十大園林以爲莊嚴爾時善財見

此女人顏貌端嚴色相圓滿皮膚金色目髮

紺青不長不短不麤不細欲界人天無能與

比音聲美妙超諸梵世一切衆生差別言音

悉皆具足無不解了深達字義善巧談說得

如幻智入方便門衆寶瓔珞及諸嚴具莊嚴

其身如意摩尼以爲寶冠而冠其首復有無量眷屬圍繞皆共善根同一行願福德大藏具足無盡時婆須蜜多女從其身出廣大光明普照宅中一切宮殿遇斯光者身得清涼

第二見其下見敬諮問見中先見休報畢

竟空中無德不具故廣顯其嚴後爾時下

見正報具有主伴德用

爾時善財前詣其所頂禮其足合掌而住白言聖者我已先發阿耨多羅三藐三菩提心而未知菩薩云何學菩薩行云何修菩薩道

我聞聖者善能教誨願爲我說

二爾時善財前詣下敬問可知

彼即告言善男子我得菩薩解脫名離貪欲際

第三彼即告下授已法界於中三先標名

離貪欲際者凡夫染欲二乘見欲可離菩薩不斷貪欲而得解脫智了性空欲即道故如是染而不染方爲究竟離欲之際

隨其欲樂而爲現身若天見我我爲天女形貌光明殊勝無比如是乃至人非人等而見我者我即爲現人非人女隨其樂欲皆令得見若有衆生欲意所纏來詣我所我爲說法彼聞法已則離貪欲得菩薩無著境界三昧若有衆生暫見於我則離貪欲得菩薩歡喜三昧若有衆生暫與我語則離貪欲得菩薩無礙音聲三昧若有衆生暫執我手則離貪欲得菩薩徧徃一切佛刹三昧若有衆生暫升我座則離貪欲得菩薩解脫光明三昧若有衆生暫觀於我則離貪欲得菩薩寂靜莊嚴三昧若有衆生見我頻申則離貪欲得菩

薩摧伏外道三昧若有衆生見我目瞬則離
貪欲得菩薩佛境界光明三昧若有衆生抱
持於我則離貪欲得菩薩攝一切衆生恒不
捨離三昧若有衆生啞我脣吻則離貪欲得
菩薩增長一切衆生福德藏三昧凡有衆生
親近於我一切皆得住離貪際入菩薩一切
智地現前無礙解脫

二隨其下顯業用於中先身同類現後若
有衆生下以法益生中有十種三昧皆隨
受欲便宜得斯甚深三昧思之

善財白言聖者種何善根修何福業而得成
就如是自在答言善男子我念過去有佛出
世名爲高行其王都城名曰妙門善男子彼
高行如來哀愍衆生入於王城蹈彼門闡其
城一切悉皆震動忽然廣博衆寶莊嚴無量

光明遽相映徹種種寶華散布其地諸天音
樂同時俱奏一切諸天充滿虛空善男子我
於彼時爲長者妻名曰善慧見佛神力心生
覺悟則與其夫往詣佛所以一寶錢而爲供
養是時文殊師利童子爲佛侍者爲我說法
令發阿耨多羅三藐三菩提心

三善財白言下得法因緣先問後答一寶
錢施者有二義一寶而能捨故得離貪二
一錢雖微以菩提心故成斯自在

善男子我唯知此菩薩離貪際解脫如諸菩
薩摩訶薩成就無邊巧方便智其藏廣大境
界無比而我云何能知能說彼功德行善男
子於此南方有城名善度中有居士名鞞瑟
胝羅彼常供養梅檀座佛塔汝詣彼問菩薩
云何學菩薩行修菩薩道時善財童子頂禮

其足繞無量帀慙慙瞻仰辭退而去
爾時善財童子漸次遊行至善度城

第六入一切平等善根迴向善友名鞞瑟
祇羅者此云纏裹義當包攝塔中包攝一
切佛故或云攝入攝諸善根入平等故城

名善度者無一善根不度到究竟故常供
佛塔者善根中最故未詳何緣偏供此塔
有云以塔中定有栴檀之座為欲普供無
盡佛故亦是一理文中第一依教趣求闕

無念法入一切平等善根迴向善友
者事理無違皆入等理故

詣居士宅頂禮其足合掌而立白言聖者我
已先發阿耨多羅三藐三菩提心而未知善
薩云何學菩薩行云何修菩薩道我聞聖者
善能誘誨願為我說

第二詣居士下見敬諮問

居士告言善男子我得菩薩解脫名不般涅
槃際善男子我不生心言如是如來已般涅
槃如是如來現般涅槃如是如來當般涅槃
我知十方一切世界諸佛如來畢竟無有般
涅槃者唯除為欲調伏衆生而示現耳

第三居士告下止授法界於中四一標名
不般涅槃際者般者入也窮諸如來不入
涅槃之實際故故出現品云如實際涅槃
如來涅槃亦如是二善男子我不生心下
顯體謂心契實際知佛常住三唯除下釋

疑並如出現品辨楞伽亦云無有佛涅槃
無有涅槃佛楞伽云無有涅槃佛等者即
是經初大慧讚於如來具知
三性以成三身初有四偈明通計依他謂
世間離生滅等十忍品已引今此即歎具
於圓成云一切無涅槃無有涅槃佛無有
佛涅槃遠離覺所覺若有若無有是二悉
俱離牟尼寂靜觀是則遠離生是名為不
取今世後世淨有二偈半大雲解云初一

得今了一如謂約無願觀以顯圓成無涅槃佛故無願矣初句謂色心等一切法中無得涅槃以一切法本性如故若待涅槃是斷常見滅法是斷證得是常次二句既無涅槃云何有佛故經云見斷煩惱而得成佛此則名為壞佛法者煩惱與佛性寂滅故三四句中所謂覺如故無有涅槃能覺如故無有得佛離覺所覺混同一如釋曰然上所解理則盡矣而消文未妙今謂初句遣所證涅槃次句遣能證之佛第三句無能所契合第四句總結所由離能所故皆無矣無即空義同一如矣次若有兩句明不生二見正顯圓成遠離見過前偈破執此顯不著初句人法是有無我是無二障是有無相是無涅槃及佛此則是有離覺所覺此則是無皆成見過義須離之故云是二悉俱離後一偈明牟尼正觀此歎世尊寂靜功德了一切法本來寂靜無有一法而是生者生見既亡不生豈有無生無滅故無可取亦無可捨非染非淨故

二世淨今初但引二句足證不般涅槃耳

善男子我開梅檀座如來塔門時得三昧名佛種無盡善男子我念念中入此三昧念念得知一切無量殊勝之事善財白言此三昧者境界云何居士答言善男子我入此三昧

隨其次第見此世界一切諸佛所謂迦葉佛拘那含牟尼佛拘留孫佛尸棄佛毗婆尸佛提舍佛弗沙佛無上勝佛無上蓮華佛如是等而為上首於一念頃得見百佛得見千佛得見百千佛得見億佛千億佛百千億佛阿庾多億佛那由他億佛乃至不可說不可說世界微塵數佛如是一切次第皆見亦見彼佛初始發心種諸善根獲勝神通成就大願修行妙行具波羅蜜入菩薩地得清淨忍摧伏魔軍成正等覺國土清淨衆會圍繞放大光明轉妙法輪神通變現種種差別我悉能持我悉能憶悉能觀察分別顯示未來彌勒佛等一切諸佛現在毗盧遮那佛等一切諸佛悉亦如是如此世界十方世界所有三世一切諸佛聲聞獨覺諸菩薩衆悉亦如是

四善男子我開下顯其業用於中二先辨
用所依亦是證前不涅槃義舉現見故佛
種無盡者佛種從緣起佛緣理生見理湛
然故見佛無滅以佛化身即是常身法身
故後善財白下問答境界

佛種從緣起佛緣理生者上句

是法華經下句是生公釋古有二釋並如前引今引生公正順經中佛種無盡之言其却是常身法身亦涅槃文涅槃二十三云又善男子斷煩惱者不名涅槃不生煩惱乃名涅槃諸佛如來煩惱不起是名涅槃所有智慧於法無礙是為如來非是凡夫聲聞緣覺菩薩是名佛性如來身心智慧遍滿無量無邊阿僧祇土無所障礙是名虛空如來常住無有變易名曰實相以是義故如來實不畢竟涅槃釋曰此皆明無永滅之涅槃則是常住真涅槃

善男子我唯得此菩薩所得不般涅槃際解脫如諸菩薩摩訶薩以一念智普知三世一念徧入一切三昧如來智日恒照其心於一切法無有分別了一切佛悉皆平等如來及

我一切衆生等無有二知一切法自性清淨無有思慮無有動轉而能普入一切世間雜諸分別住佛法印悉能開悟法界衆生而我云何能知能說彼功德行

第四謙已推勝推勝中長者雖知三世不

滅未能一念而知及能所平等

善男子於此南方有山名補怛洛迦彼有菩薩名觀自在汝詣彼問菩薩云何學菩薩行修菩薩道即說頌曰

海上有山多聖賢衆寶所成極清淨華果樹

林皆徧滿泉流池沼悉具足

六

勇猛丈夫觀自在為利衆生住此山汝應往問諸功德彼當示汝大方便

第五善男子於此南方下指示後友中先長行後偈頌以大悲菩薩衆尊重故偏加

於頌言海上有山者大悲隨順入生死海

而住涅槃山故即南印度之南

時善財童子頂禮其足繞無量帀已慇懃瞻仰辭退而去

爾時善財童子一心思惟彼居士教入彼菩薩

薩解脫之藏得彼菩薩能隨念力憶彼諸佛

出現次第念彼諸佛相續次第持彼諸佛名

號次第觀彼諸佛所說妙法知彼諸佛具足

莊嚴見彼諸佛成正等覺了彼諸佛不思議

業漸次遊行至於彼山處處求覓此大菩薩

第七等隨順一切衆生迴向善友名觀自在

在三業歸向必六通赴緣攝利難思名觀

自在由此能徧隨順衆生第七等隨順一切衆生善友者

謂以善根等心願益諸衆生故疏文有二一略釋名三業歸向如下列中六通赴緣者謂天眼遙觀天耳遙聞他心遙知神足速起宿命知其可度漏盡令其解脫攝謂

攝受利譚利樂並如下經由此下釋寄位名

在補怛落迦山者此云小白華樹山多此

樹香氣遠聞見必欣是隨順義又觀自

在者或云觀世音梵云婆盧枳底觀也溼

伐羅此云自在若云攝伐多此云音然梵

本之中自有二種不同故譯者隨異而法

華觀音品中云觀其音聲皆得解脫即觀

世音也若具三業攝化即觀自在故彼中

初語業稱名除七災二身業禮拜滿二願

三意業存念淨三毒而今多念觀音者以

語業用多故又人多稱故今取義圓故云

自在而法華下成觀音義即彼經最初答無盡意佛告無盡意菩薩若有無量

百千萬億衆生受諸苦惱聞是觀世音菩薩一心稱名觀世音菩薩即時觀其音聲皆得解脫釋曰上即總意亦徧身語若具三業下三成自在義亦彼經文初標故彼經下出三業相一初語業稱名除七災者經云若有持是觀世音菩薩名者設入大

水火不能燒由是菩薩威神力故其若為
 大水所漂稱其名號即得淺處其若有百
 千萬億眾生為求金銀瑠璃碼碼碼碼
 珊瑚琥珀真珠等寶入於大海假使黑風吹
 其船舫漂墮羅刹鬼國其中若有乃至一
 人稱觀世音菩薩名者是諸人等皆得解
 脫羅刹之難以是因緣名觀世音者皆得
 有人臨當被害稱觀世音菩薩名者彼所
 執刀杖尋段段壞下取意引一火不能
 燒二水不能漂三惡風不吹四刀杖段壞
 五惡鬼莫視六枷鎖離身七怨賊解脫二
 身業禮拜滿二願者謂欲求男便生福
 德智慧之男欲求女便生瑞正有相之
 女三意業存念淨三毒者若有眾生多於
 煙欲常念恭敬觀世音菩薩便得離欲若
 多真惠多癡准例上貪斯即三業歸向也
 彼經略舉若準下經及彼偈文危苦眾生
 多應時權救斯為自在今取下五結成自
 在上通相釋然觀即能觀通一切觀世是所觀

通一切世若云音者亦通所觀即所救一

切機皆云自在乃屬能化之用然觀即下

別釋觀即能觀者顯屬菩薩通一切觀者
 即智者意然彼經文繁博今取意釋謂三
 業歸依觀通心眼了見諸相而無所著微
 九體性空有無礙一切種智圓頓觀察故
 經云真觀清淨觀廣大智慧觀悲觀及慈
 觀常願常瞻仰無垢清淨光慧日破諸暗

能伏災風火普明照世間皆是觀義言世
 是所觀通一切世者世略有三謂三世間
 若山若水懸崖遠谷長難之處器世間也
 無量眾生即眾生世間亦觀佛會所有眾
 生常在一切諸如來所即是觀察智正覺
 世間從若云自在却局開所觀故然有能觀
 直就名言自在却局開所觀故然有能觀
 必有所觀不爾於何而得自在能所無二
 不壞能所一觀一切觀文中但有五段開
 無觀無不觀為真觀矣

第六禮辭第一依教趣求

見其西面巖谷之中泉流縈映樹林翳鬱香
 草柔輦右旋布地觀自在菩薩於金剛寶石
 上結跏趺坐無量菩薩皆坐寶石恭敬圍繞
 而為宣說大慈悲法令其攝受一切眾生善
 財見已歡喜踊躍合掌諦觀目不暫瞬作如
 是念善知識者則是如來善知識者一切法
 雲善知識者諸功德藏善知識者難可值遇
 善知識者十力寶因善知識者無盡智炬善
 知識者福德根芽善知識者一切智門善知

識者智海導師善知識者至一切智助道之
具便即往詣大菩薩所爾時觀自在菩薩遙
見善財告言善來汝發大乘意普攝衆生起
正直心專求佛法大悲深重救護一切普賢
妙行相續現前大願深心圓滿清淨勤求佛
法悉能領受積集善根恒無厭足順善知識
不違其教從文殊師利功德智慧大海所生
其心成熟得佛勢力已獲廣大三昧光明專
意希求甚深妙法常見諸佛生大歡喜智慧
清淨猶如虛空既自明了復爲他說安住如
來智慧光明

第二見其西面下見敬諮問先見有三初
見勝依正在西面者西方主殺顯悲救故
又令歸向本所事故二善財見已下彰見
之益以得勝念熏心故善知識者則是如

來者引至究竟同於佛故三爾時觀自在
下友垂讚攝大悲深厚隨順攝受故又令
本所事者本事即是阿彌陀今誦者今
先稱本師之名頂上化佛即是彌陀故
爾時善財童子頂禮觀自在菩薩足繞無數
匝合掌而住白言聖者我已先發阿耨多羅
三藐三菩提心而未知菩薩云何學菩薩行
云何修菩薩道我聞聖者善能教誨願爲我
說

二爾時善財下敬問可知

菩薩告言善哉善哉善男子汝已能發阿耨
多羅三藐三菩提心善男子我已成就菩薩
大悲行解脫門善男子我以此菩薩大悲行
門平等教化一切衆生相續不斷

第三菩薩告言下稱讚授法先讚後授授
中三初標名二我以此下總顯體相亦是

釋名平等教化即是大悲以同體悲故云

平等相續不斷即是行門又門即普門普

門示現曲濟無遺故又門即普門普門示現曲濟無遺故者以

普門字釋經行門普門之名即法華經觀音品目曲濟無遺謂之普從悟通神謂之

門天台智者說有十普一慈悲普二弘誓普三修行普四離戒普五入法門普六神

通普七方便普八說法普九成就衆生普十供養諸佛普此十一一稱實普周今經

下文業用之中略列十一門即十一普

善男子我住此大悲行門常在一切諸如來

所普現一切衆生之前或以布施攝取衆生

或以愛語或以利行或以同事攝取衆生或

現色身攝取衆生或現種種不思議色淨光

明網攝取衆生或以音聲或以威儀或爲說

法或現神變令其心悟而得成熟或爲化現

門類之形與其共居而成熟之

三善男子我住此下廣顯業用於中二先

約普門以顯業用後約大悲前中先總明

以上同如來妙覺真心故常在一切諸如

來所下與衆生同大悲體故普現一切衆

生之前普現即普門示現然大聖久成正

覺號正法明示爲菩薩義言等佛耳然大聖久

成正覺者即千手千眼陀羅尼經依無量壽經繼無量壽次當作佛號寶光功德山

玉亦迹後或以布施下別明普現之義有

十一句方法華經三十五應乍觀似少義

取乃多彼三十五應但是此中或現色身

及說法耳方法華經三十五應者即無盡

娑婆世界云何而爲衆生說法方便之力其事云何佛告無盡意若有國土衆生應

以佛身得度者即現佛身而爲說法一評

支佛三聲聞四梵王五帝釋六自在天王

七大自在天八天大將軍九毗沙門十小

王十一長者十二居士十三宰官十四婆

羅門十五比丘十六比丘尼十七優婆塞

十八優婆夷十九長者婦女二十居士婦

女二十一宰官婦女二十二婆羅門婦女

二十三童男二十四童女二十五天二十

六龍二十七夜又二十八乾闥婆二十九
阿修羅三十迦樓羅三十一緊那羅三十
二摩睺羅伽三十三人三十四非人三十
五執金剛神皆如初句次第義加以長者
居士宰官婆羅門共一即現婦女身而為
說法故人謂之三十二應理實四類各各
不同故妙音中云或現長者婦女身或現
宰官婦女身或現婆羅門婦女身明知四
類有四婦女身或現妙音中有轉輪王及菩薩
身又加地獄餓鬼畜生及諸難處皆能救
濟豈無彼身則三十五亦未為盡若開四
婦女各成二人以妾女別故則此已有三
十一矣明知觀音諸大菩薩各能萬類之
耳者以三十五應皆云即現其身而為
說法具如初一明女道是此二義耳

善男子我修行此大悲行門願常救護一切
衆生願一切衆生離險道怖離熱惱怖離迷
惑怖離繫縛怖離殺害怖離貧窮怖離不活
怖離惡名怖離於死怖離大衆怖離惡趣怖
離黑闇怖離遷移怖離愛別怖離冤會怖離
逼迫身怖離逼迫心怖離憂悲怖復作是願
願諸衆生若念於我若稱我名若見我身皆

得免離一切怖畏善男子我以此方便令諸
衆生離怖畏已復教令發阿耨多羅三藐三
菩提心永不退轉

二善男子我修行下約大悲行以顯業用
救諸怖畏故於中三初離世怖有十八種

初三約煩惱即是因怖餘皆約果縛殺貪

三不活開出黑闇已下皆五怖中事上約

所離二復作下即能離因念即是意三業

皆益故三我以此下令進大心方能究竟

離二死怖皆五怖畏中事者準十地論五

頌一一具頌此十八怖法華觀音偈中亦
不離此怖恐繁不引今略明五攝然五多
約果略由二因一邪智妄取我見愛著故
即不活惡名凡畏之因二善根微少即大
衆威德及惡道畏之因今此十八有通因
者然險道有二若世間險道即不活及死
畏攝若惡道因為險即是邪智熱惱有三
一失財熱惱不活畏攝二處衆熱惱即惡
名攝三毒熱惱即是畏因迷惑有二若迷
惑方隅等即衆熱惱不活畏攝若心迷惑

大衆畏因繫縛亦是不活畏攝殺害死攝
 黑暗遷移乃有二意現暗遷移皆不活攝
 惡趣黑暗三途遷移即惡道畏攝愛別離
 怖正唯死畏兼及不活怨憎會怖正唯惡
 道亦兼不活逼迫身怖死及不活逼迫心
 怖大衆威德及惡名攝其憂悲怖死及不
 活二畏之相亦通餘三即離因者謂三業
 歸依我之三業能令解脫今住正念即無
 我我所及
 邪智故

善男子我唯得此菩薩大悲行門如諸菩薩
 摩訶薩已淨普賢一切願已住普賢一切行
 常行一切諸善法常入一切諸三昧常住一
 切無邊劫常知一切三世法常詣一切無邊
 刹常息一切衆生惡常長一切衆生善常絕
 衆生生死流而我云何能知能說彼功德行
 第四我唯下謙已推勝久成正覺尚不失
 謙

爾時東方有一菩薩名曰正趣從空中來至
 娑婆世界輪圍山頂以足按地其娑婆世界

六種震動一切皆以衆寶莊嚴正趣菩薩放
 身光明映蔽一切日月星電天龍八部釋梵
 護世所有光明皆如聚墨其光普照一切地
 獄畜生餓鬼閻羅王處令諸惡趣衆苦皆滅
 煩惱不起憂悲悉離又於一切諸佛國土普

雨一切華香瓔珞衣服幢蓋如是所有諸莊
 嚴具供養於佛復隨衆生心之所樂普於一
 切諸宮殿中而現其身令其見者皆悉歡喜
 然後來詣觀自在所時觀自在菩薩告善財
 言善男子汝見正趣菩薩來此會不白言已
 見告言善男子汝可往問菩薩云何學菩薩
 行修菩薩道

第五爾時東方下指示後友於中二初後
 友入會從東來者後位如相智明方證故
 名正趣者正法徧趣化衆生故以智正趣

真如相故從空來者智體無依方契如故
至輪圍上者如依妄惑顯故足動界者以
定慧足除雜惡故同前會者不離隨順眾
生得如相故又以智會悲成無住故後時
觀自在下前友指示以在此會故闕禮辭
爾時善財童子敬承其教遽即往詣彼菩薩
所頂禮其足合掌而立白言聖者我已先發
阿耨多羅三藐三菩提心而未知菩薩云何
學菩薩行云何修菩薩道我聞聖者善能教
誨願為我說

第八正趣菩薩寄真如相迴向善友文中

具六初二可

知第八寄真如相善友者
謂善根即如成迴向故

正趣菩薩言善男子我得菩薩解脫名普門
速疾行

第三正趣菩薩言下授已法界分二先標

頌一

十七

名體十方無際故名普門頌一一念超多故云
速疾

善財言聖者於何佛所得此法門所從來剎
去此幾何發來久如告言善男子此事難知
一切世間天人阿修羅沙門婆羅門等所不
能了唯勇猛精進無退無怯諸菩薩眾已為
一切善友所攝諸佛所念善根具足志樂清
淨得菩薩根有智慧眼能聞能持能解能說
善財言聖者我承佛神力善知識力能信能
受願為我說

二善財言下顯其業用於中四一申問雖
有三問意在速疾二告言下顯深三善財
下承力請說

正趣菩薩言善男子我從東方妙藏世界普
勝生佛所而來此土於彼佛所得此法門從

彼發來已經不可說不可說佛刹微塵數劫
一一念中舉不可說不可說佛刹微塵數步
一一步過不可說不可說世界微塵數佛刹
一一佛刹我皆徧入至其佛所以妙供具而
爲供養此諸供具皆是無上心所成無作法
所印諸如來所忍諸菩薩所歎善男子我又
普見彼世界中一切衆生忍知其心悉知其
根隨其欲解現身說法或放光明或施財寶
種種方便教化調伏無有休息如從東方南
西北方四維上下亦復如是

四正趣菩薩言下正答前問於中五初答
得法處謂從自本智如來藏界普生萬善
本覺而來故行能速徧知一切法不離心
性萬行頓成二從彼發下答時久近三一
一念中下答處近遠以多時發多步則知

遠矣即是速疾四一一佛刹下顯其成益
五如從東下類顯十方
善男子我唯得此菩薩普疾行解脫能疾周
徧到一切處如諸菩薩摩訶薩普於十方無
所不至智慧境界等無差別善布其身悉徧
法界至一切道入一切刹知一切法到一切
世平等演說一切法門同時照耀一切衆生
於諸佛所不生分別於一切處無有障礙而
我云何能知能說彼功德行
善男子於此南方有城名墮羅鉢底其中有
神名曰大天汝詣彼問菩薩云何學菩薩行
修菩薩道
時善財童子頂禮其足繞無數而慇懃瞻仰
辭退而去
後三可

大方廣佛華嚴經疏鈔會本第六十一

音釋

翁鬱 翁烏孔切鬱於物
切翁鬱木成貌 遽其據切
疾也

一

十九

大方廣佛華嚴經疏鈔會本第六十八之二 頌二

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子入菩薩廣大行求菩薩智慧

境見菩薩神通事念菩薩勝功德生菩薩大

頌二

歡喜起菩薩堅精進入菩薩不思議自在解

脫行菩薩功德地觀菩薩三昧地住菩薩總

持地入菩薩大願地得菩薩辯才地成菩薩

諸力地漸次遊行至於彼城推問大天今在

何所人咸告言在此城內現廣大身為眾說

法爾時善財至大天所頂禮其足於前合掌

而作是言聖者我已先發阿耨多羅三藐三

菩提心而未知菩薩云何學菩薩行云何修

菩薩道我聞聖者善能教誨願為我說

第九無縛無著解脫迴向

第九無縛無著者謂不為相縛

不為見著作作用自在故名解脫善友名大天者現大身故

無縛無著智淨自在故名為天稱理普應

故名為大妙用難測故名為神在墮羅鉢

底城者此云有門謂有此無縛等微妙法

門為法師故初二可知

爾時大天長舒四手取四大海水自洗其面

持諸金華以散善財而告之言善男子一切

菩薩難可得見難可得聞希出世間於眾生

中最為第一是諸人中芬陀利華為眾生歸

為眾生救為諸世間作安隱處為諸世間作

大光明示迷惑者安隱正道為大導師引諸

眾生入佛法門為大法將善能守護一切智

城菩薩如是難可值遇唯身語意無過失者

然後乃得見其形像聞其辯才於一切時常

現在前

第三爾時大天下授已法界中二先授法
方便後正授所得今初現相讚友難遇令
欣入故長舒等者約事則發心難遇淨
而觀散華而供故約表謂展四無礙解手
取所證勝流相應法門先當自淨以洗身
心後因利他故云華散亦表四攝遠展攝
取四眾故
善男子我已成就菩薩解脫名為雲網善財
言聖者雲網解脫境界云何爾時大天於善
財前示現金聚銀聚瑠璃聚玻瓈聚磔磔聚
碼碯聚大綖寶聚離垢藏寶聚大光明寶聚
普現十方寶聚寶冠聚寶印聚寶瓔珞聚寶
璫聚寶釧聚寶鎖聚珠網聚種種摩尼寶聚
一切莊嚴具聚如意摩尼聚皆如大山又復
示現一切華一切鬘一切香一切燒香一切

塗香一切衣服一切幢幡一切音樂一切五
欲娛樂之具皆如山積及現無數百千萬億
諸童女眾而彼大天告善財言善男子可取
此物供養如來修諸福德并施一切攝取眾
生令其修學檀波羅蜜能捨難捨善男子如
我為汝示現此物教汝行施為一切眾生悉
亦如是皆令以此善根熏習於三寶所善知
識所恭敬供養增長善法發於無上菩提之
意善男子若有眾生貪著五欲自放逸者為
其示現不淨境界若有眾生瞋恚憍慢多諍
競者為其示現極可怖形如羅刹等飲血噉
肉令其見已驚恐惶懼心意調柔捨離冤結
若有眾生昏沈懶惰為其示現王賊水火及
諸重疾令其見已心生惶怖知有憂苦而自
勉策以如是等種種方便令捨一切諸不善

行修行善法令除一切波羅蜜障具波羅蜜令超一切障礙險道到無障處

二善男子我已成下正授法界中二先名體謂以六度大悲如雲覆潤如網羅攝故後善財下問答業用四攝攝生故先問後

答答中二先現寶令施教以檀攝後如我為汝下類餘通教及利行攝如是等言亦兼愛語同事

善男子我唯知此雲網解脫如諸菩薩摩訶薩猶如帝釋已能摧伏一切煩惱阿修羅軍猶如大水普能消滅一切眾生諸煩惱火猶如猛火普能乾竭一切眾生諸愛欲水猶如大風普能吹倒一切眾生諸見取幢猶如金剛悉能摧破一切眾生諸我見山而我云何能知能說彼功德行

善男子此閻浮提摩竭提國菩提場中有主地神其名安住汝詣彼問菩薩云何學菩薩行修菩薩道

時善財童子禮大天足繞無數而辭退而去後三段易知

爾時善財童子漸次遊行趣摩竭提國菩提場內安住神所

第十入法界無量迴向第十入法界無量迴向法界善根

迴向法界故善友名安住地神者地為萬法所

依即所入法界安住即入義在菩提場者

釋三

四

所入法界即得菩提之處故菩提是本前南有所表從本之南今攝末歸本之法界故不云南矣又地上證如亦同本故今迴向終故攝歸此文六有六第一依教趣求百萬地神同在其中更相謂言此來童子即

是佛藏必當普爲一切衆生作所依處必當
普壞一切衆生無明蔽藏此人已生法王種
中當以離垢無礙法繪而冠其首當開智慧
大珍寶藏摧伏一切邪論異道時安住等百
萬地神放大光明徧照三千大千世界普令
大地同時震吼種種寶物處處莊嚴影潔光
流遞相鑒徹一切樹葉俱時生長一切華樹
咸共開敷一切果樹靡不成熟一切河流遞
相灌注一切池沼悉皆盈滿雨細香雨徧灑
其地風來吹華普散其上無數音樂一時俱
奏天莊嚴具咸出美音牛王象王師子王等
皆生歡喜踊躍哮吼猶如大山相擊出聲百
千伏藏自然涌現時安住地神告善財言善
來童子汝於此地曾種善根我爲汝現汝欲
見不爾時善財禮地神足繞無數匝合掌而

立白言聖者唯然欲見時安住地神以足按
地百千億阿僧祇寶藏自然涌出告言善男
子今此寶藏隨逐於汝是汝往昔善根果報
是汝福力之所攝受汝應隨意自在受用

第二百萬地下見敬請法於中五初友見
稱讚旣云友見則已舍見友二時安住下
嚴處攝生以顯勝德三時安住告下許示
昔善引其問端四爾時下設敬陳請五以
足按下正示昔因

善男子我得菩薩解脫名不可壞智慧藏常
以此法成就衆生善男子我憶自從燃燈佛
來常隨菩薩恭敬守護觀察菩薩所有心行
智慧境界一切誓願諸清淨行一切三昧廣
大神通大自在力無能壞法徧徃一切諸佛
國土普受一切諸如來記轉於一切諸佛法

輪廣說一切修多羅門大法光明普皆照耀
教化調伏一切衆生示現一切諸佛神變我
皆能領受皆能憶持善男子乃往古世過須
彌山微塵數劫有劫名莊嚴世界名月幢佛
號妙眼於彼佛所得此法門善男子我於此

法門若入若出修習增長常見諸佛未曾捨
離始從初得乃至賢劫於其中間值遇不可
說不可說佛刹微塵數如來應正等覺悉皆
承事恭敬供養亦見彼佛詣菩提座現大神
力亦見彼佛所有一切功德善根

第三善男子我得下示已法界於中四一
標名體用謂一念之智冥乎法界則不可
壞此中則無所不生故名爲藏由賢位既
滿總會三賢爲入地之因故顯善財之福
常隨地神之智不壞是則昔因不失能入

證矣常以此下略明其用二善男子我憶
下別顯業用由智不壞故常憶等三乃往
古世下顯得法時處四我於此下總結純
熟

善男子我唯知此不可壞智慧藏法門如諸
菩薩摩訶薩常隨諸佛能持一切諸佛所說
入一切佛甚深智慧念念充徧一切法界等
如來身生諸佛心具諸佛法作諸佛事而我
云何能知能說彼功德行善男子此闍浮提
摩竭提國迦毗羅城有主夜神名婆珊婆演
底汝詣彼問菩薩云何學菩薩行修菩薩道
時善財童子禮地神足繞無數而慇懃瞻仰
辭退而去

後三段可知十迴向竟
爾時善財童子一心思惟安住神教憶持善

薩不可沮壞智藏解脫修其三昧學其軌則
觀其遊戲入其微妙得其智慧達其平等知
其無邊測其甚深漸次遊行至於彼城從東
門入佇立未久便見日没心念隨順諸菩薩
教渴仰欲見彼主夜神於善知識生如來想

顯三

七

復作是念由善知識得周徧眼普能明見十
方境界由善知識得廣大解普能了達一切
所緣由善知識得三昧眼普能觀察一切法
門由善知識得智慧眼普能明照十方刹海
自下大文第五有十善友寄十地位即分

十段第一婆珊婆演底夜神寄歡喜地寄初

歡喜地者初獲聖性具證二空能益自他生大喜故城名迦毘羅者

此云黃色往昔黃頭仙人依此處故黃是
中色表契中道故又此是佛生之城表初
地生佛家故婆珊者此云春也婆演底者

此云主當以於春時主當苗稼故謂顯初

入地能生長萬行護衆生故以於春時主當等者盛德

如春和暢發生故地上多見夜神者證智玄妙離

相破闇故下九天神準梵本皆是女神瞿

波亦女者地上證於同體慈悲女之狀故

第一依教趣求中先依前修證後漸次下

趣求後友於中先至時處從東門入者開

明之初顯入證之始故見日没者是夜神

故表分別見日皆已亡故後心念下生渴

仰心表分別見日皆亡者初地斷見惑即分別煩惱故

作是念時見彼夜神於虛空中處寶樓閣香

蓮華藏師子之座身真金色目髮紺青形貌

端嚴見者歡喜衆寶瓔珞以爲嚴飾身服朱

衣首戴梵冠一切星宿炳然在體於其身上

一一毛孔皆現化度無量無數惡道衆生令

其免離險難之像是諸衆生或生人中或生
 天上或有趣向二乘菩提或有修行一切智
 道又彼一一諸毛孔中示現種種教化方便
 或為現身或為說法或為示現聲聞乘道或
 為示現獨覺乘道或為示現諸菩薩行菩薩
 勇猛菩薩三昧菩薩自在菩薩住處菩薩觀
 察菩薩師子頻申菩薩解脫遊戲如是種種
 成熟衆生善財童子見聞此已心大歡喜以
 身投地禮夜神足繞無數帀於前合掌而作
 是言聖者我已先發阿耨多羅三藐三菩提
 心我心冀望依善知識獲諸如來功德法藏
 唯願示我一切智道我行於中至十力地
 第二作是念時下明見敬諮問於中二初
 見友依正於空見者城表教道空表證道
 宗說兼通如日處空故服朱衣者證智明

顯故法門星像不離一身如體化生作用
 不離一毛之性二善財童子見聞下設敬
 諮問宗說兼通者前已引竟即楞伽意故
 二種法通謂說通及自宗通說通者謂隨
 衆生心之所應為說種種契經是名說通
 自宗通者謂修行者離自心現種種妄想
 謂不隨一異俱不俱品超度一切心意
 識自覺聖境離因成故一切外道聲聞緣
 覺墮二邊者所不能知我說長名自宗法
 通釋曰謂初了唯心謂不墮下境界則滅
 超度一切下能取亦無自覺聖下止悟自
 心不由他悟離三量成故離因成一切外
 道下對他顯勝經結勸云是名自宗通及
 說通相汝及餘菩薩摩訶薩應當修學偈
 云謂我二種通宗通及言說說者授童蒙
 宗為修行者釋曰而前引竟今復重說前
 約證者能說故先明宗通今約從教修證
 故先明說通三亦前從根本起後得今從加
 行入根本文小異故第一疏中引前文今
 復引後古文說通宗不通如日被雲蒙宗
 通說亦通如日處虛空法門星象下此中
 法喻雙辯一身以表如體星象以表法門
 星象不離一身顯法不離如體下對亦然
 教化表於大用
 毛孔以况真性

時彼夜神告善財言善哉善哉善男子汝能

深心敬善知識樂聞其語修行其教以修行
故決定當得阿耨多羅三藐三菩提善男子
我得菩薩破一切衆生癡暗法光明解脫

第三時彼夜神下稱讚授法中二初稱讚
後善男子我得下授已法界於中三一標

名體二顯業用三得法久近今初一切衆
生癡暗者即所破二愚法光明者即是能
破二無我智又破衆生闇爲悲法光明是
智悲智具故其二愚二無我等並如地品

善男子我於惡慧衆生起大慈心於不善業
衆生起大悲心於作善業衆生起於喜心於
善惡二行衆生起不二心於雜染衆生起令
生清淨心於邪道衆生起令生正行心於劣
解衆生起令與大解心於樂生死衆生起令
捨輪轉心於住二乘道衆生起令住一切智

心善男子我以得此解脫故常與如是心共
相應善男子我於夜闇人靜鬼神盜賊諸惡
衆生所遊行時密雲重霧惡風暴雨日月星
宿並皆昏蔽不見色時見諸衆生若入於海
若行於陸山林曠野諸險難處或遭盜賊或
乏資糧或迷惑方隅或忘失道路惺惶憂怖
不能自出我時即以種種方便而救濟之爲
海難者示作船師魚王馬王龜王象王阿脩
羅王及以海神爲彼衆生止惡風雨息大波
浪引其道路示其洲岸令免怖畏悉得安隱
復作是念以此善根迴施衆生願令捨離一
切諸苦爲在陸地一切衆生於夜闇中遭恐
怖者現作日月及諸星宿晨霞夕電種種光
明或作屋宅或爲人衆令其得免恐怖之厄
復作是念以此善根迴施衆生悉令除滅諸

煩惱闇一切衆生有惜壽命有愛名聞有貪財寶有重官位有著男女有戀妻妾未稱所求多生憂怖我皆救濟令其離苦爲行山險而留難者爲作善神現形親近爲作好鳥發音慰悅爲作靈藥舒光照耀示其果樹示其泉井示正直道示平坦地令其免離一切憂厄爲行曠野稠林險道藤蘿所罣雲霧所闇而恐怖者示其正道令得出離作是念言願一切衆生伐見稠林截愛羅網出生死野滅煩惱闇入一切智平坦正道到無畏處畢竟安樂善男子若有衆生樂著國土而憂苦者我以方便令生厭離作是念言願一切衆生不著諸蘊住一切佛薩婆若境善男子若有衆生樂著聚落貪愛宅舍常處黑闇受諸苦者我爲說法令生厭離令法滿足令依法住

作是念言願一切衆生悉不貪樂六處聚落類二速得出離生死境界究竟安住一切智城善男子若有衆生行闇夜中迷惑十方於平坦路生險難想於險難道起平坦想以高爲下以下爲高其心迷惑生大苦惱我以方便舒光照及若欲出者示其門戶若欲行者示其道路欲度溝洫示其橋梁欲涉河海與其船筏樂觀方者示其險易安危之處欲休息者示其城邑水樹之所作是念言如我於此照除夜闇令諸世事悉得宣斂願我普於一切衆生生死長夜無明闇處以智慧光普皆照了是諸衆生無有智眼想心見倒之所覆翳無常常想無樂樂想無我我想不淨淨想堅固執著我人衆生蘊界處法迷惑因果不識善惡殺害衆生乃至邪見不孝父母不敬沙

門及婆羅門不知惡人不識善人貪著惡事
安住邪法毀謗如來壞正法輪於諸菩薩皆
辱傷害輕大乘道斷菩提心於有恩人反加
殺害於無恩處常懷冤結毀謗賢聖親近惡
伴盜塔寺物作五逆罪不久當墮三惡道處
願我速以大智光明破彼衆生無明黑闇令
其疾發阿耨多羅三藐三菩提心既發心已
示普賢乘開十力道亦示如來法王境界亦
示諸佛一切智城諸佛所行諸佛自在諸佛
成就諸佛總持一切諸佛共同一身一切諸
佛平等之處令其安住善男子一切衆生或
病所纏或老所侵或苦貧窮或遭禍難或犯
王法臨當被刑無所依怙生大怖畏我皆救
濟使得安隱復作是念願我以法普攝衆生
令其解脫一切煩惱生老病死憂悲苦患近

善知識常行法施勤行善業速得如來清淨十二
法身住於究竟無變易處善男子一切衆生
入見稠林住於邪道於諸境界起邪分別常
行不善身語意業妄作種種諸邪苦行於非
正覺生正覺想於正覺所非正覺想爲惡知
識之所攝受以起惡見將墮惡道我以種種
諸方便門而爲救護令住正見生人天中復
作是念如我救此將墮惡道諸衆生等願我
普救一切衆生悉令解脫一切諸苦住波羅
蜜出世聖道於一切智得不退轉具普賢願
近一切智而不捨離諸菩薩行常勤教化一
切衆生

二我於惡業下明業用中二先長行後偈
頌前中二先與救物之心二我於夜闇下
正明對緣救攝於中十門初一總明爲海

難下別顯今初有四種一夜等爲救時二海等爲救處三遭盜等爲所救四種種方便爲能救後九門別顯中文皆有二先救世苦令得世樂後以迴向大願令其究竟離苦得樂九中一救海難衆生二爲在陸地下救處陸衆生三一切衆生下救求不得及行山險衆生四救樂國土衆生五救著聚落衆生六救闇夜衆生七是諸衆生無有智下救惑業衆生八或病所纏下救八苦衆生九入見稠林下救惡見衆生

爾時婆珊婆演底主夜神欲重宣此解脫義承佛神力觀察十方爲善財童子而說頌曰我此解脫門生淨法光明能破愚癡闇待時而演說我昔無邊劫勤行廣大慈普覆諸世間佛子應修學寂靜大悲海出生三世佛能

滅衆生苦汝應入此門能生世間樂亦生出世樂令我心歡喜汝應入此門既捨有爲患亦遠聲聞果淨修諸佛力汝應入此門我目甚清淨普見十方刹亦見其中佛菩提樹下坐相好莊嚴身無量衆圍繞一一毛孔內種種光明出見諸羣生類死此而生彼輪迴五趣中常受無量苦我耳甚清淨聽之無不及一切語言海悉聞能憶持諸佛轉法輪其聲妙無比所有諸文字悉皆能憶持我鼻甚清淨於法無所礙一切皆自在汝應入此門我舌甚廣大淨好能言說隨應演妙法汝應入此門我身甚清淨三世等如如隨諸衆生心一切悉皆現我心淨無礙如空舍萬象普念諸如來而亦不分別了知無量刹一切諸心海諸根及欲樂而亦不分別我以大神通震

動無量刹其身悉徧徃調彼難調衆我福甚
廣大如空無有盡供養諸如來饒益一切衆
我智廣清淨了知諸法海除滅衆生惑汝應
入此門我知三世佛及以一切法亦了彼方
便此門徧無等一一塵中見三世一切刹亦
見彼諸佛此是普門力十方刹塵內悉見盧
舍那菩提樹下坐成道演妙法

頌三

十四

二偈頌中二十一頌分四初一頌法門名
體二有四頌舉因勸修即四無量三有十
頌顯果令入即六處殊勝四有六頌明業

用廣大

爾時善財童子白夜神言汝發阿耨多羅三
藐三菩提心爲幾時耶得此解脫其已久如
乃能如是饒益衆生其神答言善男子乃徃
古世過如須彌山微塵數劫有劫名寂靜光

世界名出生妙寶有五億佛於中出現彼世
界中有四天下名寶月燈光有城名蓮華光
王名善法度以法施化成就七寶王四天下
王有夫人名法慧月夜久眠寐時彼城東有
一大林名爲寂住林中有一大菩提樹名一

切光摩尼王莊嚴身出生一切佛神力光明
爾時有佛名一切法雷音王於此樹下成等
正覺放無量色廣大光明徧照出生妙寶世
界蓮華城內有主夜神名爲淨月詣王夫人
法慧月所動身瓔珞以覺夫人而告之言夫
人當知一切法雷音王如來於寂住林成無
上覺及廣爲說諸佛功德自在神力普賢菩
薩所有行願令王夫人發阿耨多羅三藐三
菩提意供養彼佛及諸菩薩聲聞僧衆善男
子時王夫人法慧月者豈異人乎我身是也

頌二

十五

我於彼佛所發菩提心種善根故於須彌山
微塵數劫不生地獄餓鬼畜生諸惡趣中亦
不生於下賤之家諸根具足無有衆苦於天
人中福德殊勝不生惡世恒不離佛及諸菩
薩大善知識常於其所種植善根經八十須
彌山微塵數劫常受安樂而未滿足菩薩諸
根

三得法久近中先興二問後還兩答答中
有二先答發心時節後答得法久近今初
有六初總顯本事因緣二時彼城東下明
初佛興世三蓮華城內下善友勸發四令
王夫人下正發大心五時王夫人下結會
古今六我於彼佛下發心成益
過此劫已復過萬劫於賢劫前有劫名無憂
徧照世界名難垢妙光其世界中淨穢相雜

有五百佛於中出現其第一佛名須彌幢寂
靜妙眼如來應正等覺我爲名稱長者女名
妙慧光明端正殊妙彼淨月夜神以願力故
於離垢世界一四天下妙幢王城中生作主
夜神名清淨眼我於一時在父母邊夜久眠
息彼清淨眼來詣我所震動我宅放大光明
出現其身讚佛功德言妙眼如來坐菩提座
始成正覺勸喻於我及以父母并諸眷屬令
速見佛自爲前導引至佛所廣興供養我纔
見佛即得三昧名出生見佛調伏衆生三世
智光明輪獲此三昧故能憶念須彌山微塵
數劫亦見其中諸佛出現於彼佛所聽聞妙
法以聞法故即得此破一切衆生闇法光明
解脫得此解脫已即見其身徧徃佛刹微塵
數世界亦見彼世界所有諸佛又見自身在

其佛所亦見彼世界一切衆生解其言音識其根性知其往昔曾爲善友之所攝受隨其所樂而爲現身令生歡喜我時於彼所得解脫念念增長此心無間又見自身徧徃百佛刹微塵數世界此心無間又見自身徧徃千佛刹微塵數世界此心無間又見自身徧徃百千佛刹微塵數世界如是念念乃至不可說不可說佛刹微塵數世界亦見彼世界中一切如來亦自見身在彼佛所聽聞妙法受持憶念觀察決了亦知彼佛諸本事海諸大願海彼諸如來嚴淨佛刹我亦嚴淨亦見彼世界一切衆生隨其所應而爲現身教化調伏此解脫門念念增長如是乃至充滿法界

二過此劫已下答得法久近於中二初總顯得法因緣後我纔見佛下正明得法於

中三初得方便三昧謂上見諸佛下化衆生次以聞法故下得此解脫後得此解脫已下廣顯業用

善男子我唯知此菩薩破一切衆生闇法光明解脫如諸菩薩摩訶薩成就普賢無邊行願普入一切諸法界海得諸菩薩金剛智幢自在三昧出生大願住持佛種於念念中成滿一切大功德海嚴淨一切廣大世界以自在智教化成熟一切衆生以智慧日滅除一切世間闇障以勇猛智覺悟一切衆生昏睡以智慧月決了一切衆生疑惑以清淨音斷除一切諸有執著於一切法界一一塵中示現一切自在神力智眼明淨等見三世而我何能知其妙行說其功德入其境界示其自在

第四謙推可知

善男子此閻浮提摩竭提國菩提場內有主
夜神名普德淨光我本從其發阿耨多羅三
藐三菩提心常以妙法開悟於我汝詣彼問
菩薩云何學菩薩行修菩薩道

第五指示後友云菩提場內者得無誤犯
由契理故理即菩提場友名普德者最勝
法界無德不具故淨光者正智證入離誤
犯之垢故即前淨月故云本從發心

爾時善財童子向婆珊婆演底神而說頌曰
見汝清淨身相好超世間如文殊師利亦如
寶山王汝法身清淨三世悉平等世界悉入
中成壞無所礙我觀一切趣悉見汝形像一
一毛孔中星月各分布汝心極廣大如空徧
十方諸佛悉入中清淨無分別一一毛孔內

頌

六

悉放無數光十方諸佛所普雨莊嚴具一一
毛孔內各現無數身十方諸國土方便度眾
生一一毛孔內示現無量刹隨諸眾生成種
種令清淨若有諸眾聞名及見身悉獲功
德利成就菩提道多劫在惡趣始得見聞汝
亦應歡喜受以滅煩惱故千刹微塵劫歎汝
一毛德劫數猶可窮功德終無盡

第六爾時善財下戀德禮辭於中二先以
偈讚表戀德之深於中十偈分四初四讚
身心超勝次三明大用無涯次二益物不
虛後一結德無盡

時善財童子說此頌已頂禮其足繞無量帀
慇懃瞻仰辭退而去

二時善財下作禮辭退

大方廣佛華嚴經疏鈔會本第六十二

音釋

哮吼

哮許交切 吼呼聲 悵惶 悵諸良切 懼也

穀

切 苦角

頌二

十九

大方廣佛華嚴經疏鈔會本第六十九 頗三

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子了知彼婆珊婆演底夜神初

發菩提心所生菩薩藏所發菩薩願所淨菩

薩度所入菩薩地所修菩薩行所行出離道

一切智光海普救衆生心普徧大悲雲於一

切佛刹盡未來際常能出生普賢行願漸次

遊行至普德淨光夜神所

第二普德淨光夜神寄離垢地善友義如

前說寄離垢地者謂真淨尸羅離於能起微細毀犯煩惱垢故文則具

六且分爲四第一依教趣求第二見敬諮

問第三稱讚授法第四戀德禮辭今初先

念前法有十一句初一念發心餘十念得

法

頂禮其足繞無數匝於前合掌而作是言聖者我已先發阿耨多羅三藐三菩提心而我未知菩薩云何修行菩薩地云何出生菩薩地云何成就菩薩地

第二頂禮下見敬諮問

夜神答言善哉善哉善男子汝已能發阿耨多羅三藐三菩提心今復問於菩薩地修行出生及以成就

第三夜神答下稱讚授法先讚後授

善男子菩薩成就十法能圓滿菩薩行向者

爲十一者得清淨三昧常見一切佛二者得

清淨眼常觀一切佛相好莊嚴三者知一切

如來無量無邊功德大海四者知等法界無

量諸佛法光明海五者知一切如來一一毛

孔放等衆生數大光明海利益無量一切衆

生六者見一切如來一一毛孔出一切寶色
 光明燄海七者於念念中出現一切佛變化
 海充滿法界究竟一切諸佛境界調伏衆生
 八者得佛音聲同一切衆生言音海轉三世
 一切佛法輪九者知一切佛無邊名號海十
 者知一切佛調伏衆生不思議自在力善男
 子菩薩成就此十種法則能圓滿菩薩諸行
 授中二先長行後偈頌長行中三第一正
 授法門第二謙已推勝第三指示後友初
 中二先總答所問後別示已法今初有標
 徵釋結釋中有十句初總餘別別中三是
 智法光明四放光利益五常光發焰餘可
 知餘別中三是智法光明者疏但隨難解
 知三今當重釋畧有二意一作總別釋初
 一總餘九別別中一觀外相二念內德三
 知所證四放光五常光六變化七圓音八
 名號九調生二約十身釋一菩提身二相
 好身三智身四法身五願身如賢首品毛

孔放光皆宿願故六福德身七化身八力
 持身圓音持法盡未來故九意生身隨意
 立名故十威熱身結云威力故十身
 並彰內外皆具若專念此何行不成
 善男子我得菩薩解脫名寂靜禪定樂普遊
 步

二善男子我得下別示已法於中二先標
 名體謂契理無著為寂靜止觀雙運為禪
 定正法樂住為樂大用無涯為普遊步
 普見三世一切諸佛亦見彼佛清淨國土道
 場衆會神通名號說法壽命言音身相種種
 不同悉皆明觀而無取著何以故知諸如來
 非去世趣永滅故非來體性無生故非生法
 身平等故非滅無有生相故非實住如幻法
 故非妄利益衆生故非遷趨過生死故非壞
 性常不變故一相言語悉離故無相性相本
 空故

後普見三世下廣顯業用於中四初明攀緣如實禪同如來清淨禪即寂靜業用次現法樂住禪即定業用三明引生功德禪

四饒益有情禪此二即普遊步業用初明攀緣

如實禪同如來清淨禪等者楞伽第二說有四禪經云大慧有四種禪云何為四謂思夫所行禪觀義禪攀緣如實禪如來禪云何思夫所行禪謂有聲聞緣覺外道修行者人無我自性共相骨瑣無常苦不淨相計著為首如是不異觀前後轉進想不除滅是名愚夫所行禪云何觀察義禪謂人無我自性共相外道自他俱無性已觀法無我彼地相義漸次增進是名觀察義禪云何攀緣如實禪謂妄想二無我妄想如實處不生妄想是名攀緣如實禪云何如來禪謂入如來地行自覺聖智相二種樂住成辦衆生不思議事是名如來禪故偈云凡夫所行禪觀察相義攀緣如實禪如來清淨禪釋曰配位有二師一云初凡小二至士地三八地已上四即佛地二大雲言亦初凡小二地信至迴向三即加行四即初地主佛地以證如故皆名如來若修觀者凡夫直用如來淨禪今此文小即以第三同於第四不用初二初是凡徹謂見佛法界即攀緣如義無取無入即

同如來清淨禪義又如來今初文中有標

徵釋標以見佛無著故寂靜釋云所以無

著者窮了如來之體性故文有十非大同

中論八不謂不去不來不生不滅為四其

非實非妄即是不常非遷非壞即是不斷

一相即非異無相亦非一文有十非大同

全同故名為大同而涅槃等多分全同以

其八不攝理盡故云全同耳初四全同六

合為四言非實非妄即是不常者常有二

義一虛妄計度生死有常今云非妄即非

常矣二者出世實法名常今云非實亦無

壞矣諸法實相中無實無非實故非遷非

壞即是斷者斷亦有二一世法遷移即

有斷滅二滅壞煩惱成於斷德今並非之

故不斷也又此十句標多約體釋多約用

意明體用皆無二故亦可總為五對體用

初不來不去即體用力四非遷壞即體

用性五非實虛即體用力四非遷壞即體

善男子我如是了知一切如來時於菩薩寂靜禪定樂普遊步解脫門分明了達成就增

長

二善男子我如是了下明現法樂住禪先
牒前起後

思惟觀察堅固莊嚴不起一切妄想分別大
悲救護一切衆生一心不動修習初禪

後思惟下正顯四禪初禪中思惟觀察即

是尋伺當對治支堅固莊嚴猶是尋伺之

相次不起一切妄想分別即所離障然世

禪但離欲惡不善今一乘深妙故離一切

妄想次大悲救護一切衆生即利益支謂

離自憂念衆生憂故生喜樂後一心下即

所依支謂彼二依止後思惟下正顯四禪

於四禪不同三地寄位四禪四禪不同即

為四別然大小雖異支林功德名數皆同

有十八支具如三地地論皆攝以為四類

一所以離障二對治支三利益支四彼二依

止三昧四中後三受說初禪已離憂受

今大悲救護頌三即憂衆生之憂五離憂合是
所離今念他憂却生喜樂故為利益
息一切意業攝一切衆生智力勇猛喜心悅
豫修第二禪

二禪中息一切意業即滅覺觀次攝一切
衆生是一心智力勇猛是內淨無覺無觀

次喜心悅豫是定生喜樂修第二禪即彼

二依止下三四禪準此二禪中等者然二

樂定初明滅覺觀即所離障次攝一切衆

生是一心者一心攝故然一心言是三地

經有故彼經云滅覺觀內淨一心無覺無

觀定生喜樂住第二禪然其一心是釋內

心義無覺無觀即是淨義具此二法名之

內淨又小乘內淨但是信心大乘內淨即

合三禪三支所成謂捨念正知此之三心

尚為喜覆力用未勝但能離外尋伺故合

為內淨今攝衆生

思惟一切衆生自性厭離生死修第三禪

三禪中初思惟一切衆生自性即捨念二

支謂捨離前攝生之喜於此捨中不失念

故厭離生死即慧樂二支謂正知生死不

可喜故厭離即得真寂之樂三禪中下然具五支捨念

喜樂定餘如前說

悉能息滅一切衆生衆苦熱惱修第四禪

四禪中二句通具三支謂苦喜憂樂皆是

衆苦熱惱於下苦中橫生樂故四受俱亡

故云悉能息滅即捨念清淨既無苦樂即

是中受四禪中者四禪有四捨念中受定今四支俱亡是所離障即捨念

清治為對治支既無苦樂即是中受為利盡支然其捨受世為利益出世望之亦是熱惱故舍疏云於下苦中橫生樂想既一切息滅則捨亦捨矣方是真捨餘如三地

增長圓滿一切智願出生一切諸三昧海入

諸菩薩解脫海門遊戲一切神通成就一切

變化以清淨智普入法界

三增長圓滿下引生功德禪遊戲神通即

普遊步義上來皆約一乘異於三地寄法

故乃至云普入法界

善男子我修此解脫時以種種方便成就衆

生所謂於在家放逸衆生今生不淨想可厭

想疲勞想逼迫想繫縛想羅利想無常想苦

想無我想空想無生想不自在想老病死想

自於五欲不生樂著亦勸衆生不著欲樂唯

住法樂出離於家入於非家若有衆生住於

空閒我為止息諸惡音聲於靜夜時為說深

法與順行緣開出家門示正道路為作光明

除其闇障滅其怖畏讚出家業歎佛法僧及

善知識具諸功德亦歎親近善知識行復次

善男子我修解脫時令諸衆生不生非法貪

不起邪分別不作諸罪業若已作者皆令止

息若未生善法未修波羅蜜行未求一切智

未起大慈悲未造人天業皆令其生若已生

者令其增長我與如是順道因緣乃至令成一切智智

四善男子我修此下明饒益有情禪種種方便無不饒益亦普遊步義文中三初令修四念處等觀次若有衆生下明作道因

緣後復次下令修四正斷

七念處等觀者念處觀者即無

常苦不淨無我等者等取十想與智度論第二十六十想大同故言十想者論云一無常想二苦想三無我想四食不淨想五一切世間不樂想六死想七不淨想八斷想九難想十盡想今有十三故云大同

善男子我唯得此菩薩寂靜禪定樂普遊步

解脫門如諸菩薩摩訶薩具足普賢所有行願了達一切無邊法界常能增長一切善根照見一切如來智力住於一切如來境界恒處生死心無障礙疾能滿足一切智願普能往詣一切世界悉能觀見一切諸佛徧能聽

受一切佛法能破一切衆生癡闇能於生死大夜之中出生一切智慧光明而我云何能知能說彼功德行善男子去此不遠於菩提場右邊有一夜神名喜目觀察衆生汝詣彼問菩薩云何學菩薩行修菩薩道

第二我唯下謙已推勝第三去此不遠下

指示後友去此不遠者同寄世間故菩提場右者依理發光義便易故喜目觀察者忍惡視物故云喜目發聞持光故云觀察爾時普德淨光夜神欲重宣此解脫義為善財童子而說頌曰

若有信解心盡見三世佛彼人眼清淨能入諸佛海汝觀諸佛身清淨相莊嚴一念神通力法界悉充滿盧舍那如來道場成正覺一切法界中轉於淨法輪如來知法性寂滅無

有二清淨相嚴身徧示諸世間佛身不思議
 法界悉充滿普現一切刹一切無不見佛身
 常光明一切刹塵等種種清淨色念念徧法
 界如來一毛孔放不思議光普照諸群生令
 其煩惱滅如來一毛孔出生無盡化充徧於
 法界除滅衆生苦佛演一妙音隨類皆令解
 普雨廣大法使發菩提意佛昔修諸行已曾
 攝受我故得見如來普現一切刹諸佛出世
 間量等衆生數種種解脫境非我所能知一
 切諸菩薩入佛一毛孔如是妙解脫非我所
 能知此近有夜神名喜目觀察汝應往詣彼
 問修菩薩行

後偈頌十三偈分三初十偈頌正授法門
 次二頌謙已推勝後一頌指示後友前中
 頌前十法文小不次初四如次頌前四法

五超頌第七六頌第六七却頌第五八頌

第十九頌第八十頌第九

時善財童子頂禮其足繞無數而慙懃瞻仰
 辭退而去

爾時善財童子敬善知識教行善知識語作
 如是念善知識者難見難遇見善知識令心
 不散亂見善知識破障礙山見善知識入大
 悲海救護衆生見善知識得智慧光普照法
 界見善知識悉能修行一切智道見善知識
 普能覩見十方佛海見善知識得見諸佛轉
 於法輪憶持不忘

第三喜目觀察衆生夜神寄發光地寄發光地

謂成就勝定大法總持 文具六段第一依

教趣求中二初依前友教念友成益

作是念已發意欲詣喜目觀察衆生夜神所

時喜目神加善財童子令知親近善知識能
生諸善根增長成熟所謂令知親近善知識
能修助道具令知親近善知識能起勇猛心
令知親近善知識能作難壞業令知親近善
知識能得難伏力令知親近善知識能入無
邊方令知親近善知識能久遠修行令知親
近善知識能辦無邊業令知親近善知識能
行無量道令知親近善知識能得速疾力普
詣諸刹令知親近善知識能不離本處徧至
十方時善財童子遽發是念由親近善知識
能勇猛勤修一切智道由親近善知識能速
疾出生諸大願海由親近善知識能爲一切
衆生盡未來劫受無邊苦由親近善知識能
被大精進甲於一微塵中說法聲徧法界由
親近善知識能速往詣一切方海由親近善

知識於一毛道盡未來劫修菩薩行由親近
善知識於念念中行菩薩行究竟安住一切
智地由親近善知識能入三世一切如來自
在神力諸莊嚴道由親近善知識能常徧入
諸法界門由親近善知識常緣法界未曾動
出而能徧往十方國土爾時善財童子發是
念已卽詣喜目觀察衆生夜神所
後作是念已下趣求後友得友加持於中
四一欲趣後友二時喜目神下得友加持
謂加令知近友之益三時善財童子遽發
下加所成益謂依前能加而起念故如次
以此十句對前十句四爾時善財下正明
趣後
見彼夜神在於如來衆會道場坐蓮華藏師
子之座

第二見彼下見敬諮問中但略明見已含敬請

入大勢力普喜幢解脫

第三入普喜幢下示已法界謂懸爲示相

義當答問於中三初標名體次顯業用後

第三

十

出所因今初無不攝伏爲大勢力徧稱群

機故云普喜摧伏高顯所以名幢

於其身上——毛孔出無量種變化身雲隨

其所應以妙言音而爲說法普攝無量一切

衆生皆令歡喜而得利益

第二於其身上下明業用於中三初顯無

涯之用次爾時善財見聞下觀用獲益後

爾時善財得此下慶益稱讚初中謂毛孔

身雲無有盡故於中二先出通說修行身

後復於一一諸毛孔下出演說本行身前

中三初總標亦是釋名

所謂出無量化身雲充滿十方一切世界說諸菩薩行檀波羅蜜於一切事皆無戀著於一切衆生普皆施與其心平等無有輕慢內外悉施難捨能捨

出等衆生數無量化身雲充滿法界普現一切衆生之前說持淨戒無有缺犯修諸苦行皆悉具足於諸世間無有所依於諸境界無所愛著說在生死輪迴往返說諸人天盛衰苦樂說諸境界皆是不淨說一切法皆是無常說一切行悉苦無味令諸世間捨離顛倒住諸佛境持如來戒如是演說種種戒行戒香普熏令諸衆生悉得成熟又出等衆生數種種身雲說能忍受一切衆苦所謂割截捶楚訶罵欺辱其心泰然不動

不亂於一切行不卑不高於諸衆生不起我慢於諸法性安住忍受說菩提心無有窮盡心無盡故智亦無盡普斷一切衆生煩惱說諸衆生卑賤醜陋不具足身令生厭離讚諸如來清淨妙色無上之身令生欣樂如是方便成熟衆生

又出等衆生界種種身雲隨諸衆生心之所樂說勇猛精進修一切智助道之法勇猛精進降伏魔冤勇猛精進發菩提心不動不退勇猛精進度一切衆生出生死海勇猛精進除滅一切惡道諸難勇猛精進壞無智山勇猛精進供養一切諸佛如來不生疲厭勇猛精進受持一切諸佛法輪勇猛精進壞散一切諸障礙山勇猛精進教化成熟一切衆生勇猛精進嚴淨一切諸佛國土如是方便成

熟衆生

又出種種無量身雲以種種方便令諸衆生心生歡喜捨離惡意厭一切欲爲說慚愧令諸衆生藏護諸根爲說無上清淨梵行爲說欲界是魔境界令生恐怖爲現不樂世間欲樂住於法樂隨其次第入諸禪定諸三昧樂令思惟觀察除滅一切所有煩惱又爲演說一切菩薩諸三昧海神力變現自在遊戲令諸衆生歡喜適悅離諸憂怖其心清淨諸根猛利愛重於法修習增長

類三

主

又出等衆生界種種身雲爲說往詣十方國土供養諸佛及以師長真善知識受持一切諸佛法輪精勤不懈又爲演說稱讚一切諸如來海觀察一切諸法門海顯示一切諸法性相開闡一切諸三昧門開智慧境界竭一

切衆生疑海示智慧金剛壞一切衆生見山
升智慧日輪破一切衆生癡闇皆令歡喜成
一切智

又出等衆生界種種身雲普詣一切衆生之
前隨其所應以種種言辭而爲說法或說世

頌三

十三

間神通福力或說三界皆是可怖令其不作
世間業行離三界處出見稠林或爲稱讚一
切智道令其超越二乘之地或爲演說不住
生死不住涅槃令其不著有爲無爲或爲演
說住於天宮乃至道場令其欣樂發菩提意
如是方便教化衆生皆令究竟得一切智

又出一切世界微塵數身雲普詣一切衆生
之前念念中示普賢菩薩一切行願念念中
示清淨大願充滿法界念念中示嚴淨一切
世界海念念中示供養一切如來海念念中

示入一切法門海念念中示入一切世界海
微塵數世界海念念中示於一切剎盡未來
劫清淨修行一切智道念念中示入如來力
念念中示入一切三世方便海念念中示往
一切剎現種種神通變化念念中示諸菩薩
一切行願令一切衆生住一切智如是所作
恒無休息

又出等一切衆生心數身雲普詣一切衆生
之前說諸菩薩集一切智助道之法無邊際
力求一切智不破壞力無窮盡力修無上行
不退轉力無間斷力於生死法無染著力能
破一切諸魔衆力遠離一切煩惱垢力能破
一切業障山力住一切劫修大悲行無疲倦
力震動一切諸佛國土令一切衆生生歡喜
力能破一切諸外道力普於世間轉法輪力

以如是等方便成熟令諸衆生至一切智

又出等一切衆生心數無量變化色身雲普

詣十方無量世界隨衆生心演說一切菩薩

智行所謂說入一切衆生界海智說入一切

衆生心海智說入一切衆生根海智說入一

切衆生行海智說度一切衆生未曾失時智

說出一切法界音聲智說念念徧一切法界

海智說念念知一切世界海壞智說念念知

一切世界海成住莊嚴差別智說念念自在

親近供養一切如來聽受法輪智示現如是

智波羅蜜令諸衆生皆大歡喜調暢適悅其

心清淨生決定解求一切智無有退轉

次所謂下別顯十度如次十度各有又出

以爲揀別其間深旨如理思之

如說菩薩諸波羅蜜成熟衆生如是宣說一

切菩薩種種行法而爲利益

後如說菩薩下類通餘法種種行法者神

通度生菩提分等神通度生菩提分等者以瑜伽有四菩薩行一

波羅蜜行上已廣竟故列下三

復於一一諸毛孔中出無量種衆生身雲所

謂出與色究竟天善現天善見天無熱天無

煩天相似身雲出少廣廣果福生無雲天相

似身雲出徧淨無量淨少淨天相似身雲出

光音無量光少光天相似身雲出大梵梵輔

梵衆天相似身雲出自在天化樂天兜率陀

天須夜摩天忉利天及其采女諸天子衆相

似身雲出提頭賴吒乾闥婆王乾闥婆子乾

闥婆女相似身雲出毗樓勒叉鳩槃荼王鳩

槃荼子鳩槃荼女相似身雲出毗樓博叉龍

王龍子龍女相似身雲出毗沙門夜叉王夜

又子夜又女相似身雲出大樹緊那羅王善
慧摩睺羅伽王大速疾力迦樓羅王羅睺阿
修羅王閻羅法王及其子其女相似身雲出
諸人王及其子其女相似身雲出聲聞獨覺
及諸佛衆相似身雲出地神水神火神風神
河神海神山神樹神乃至晝夜主方神等相
似身雲周徧十方充滿法界於彼一切衆生
之前現種種聲所謂風輪聲水輪聲火燄聲
海潮聲地震聲大山相擊聲天城震動聲摩
尼相擊聲天王聲龍王聲夜叉王聲乾闥婆
王聲阿修羅王聲迦樓羅王聲緊那羅王聲
摩睺羅伽王聲人王聲梵王聲天女歌詠聲
諸天音樂聲摩尼寶王聲
二出演說本行身中四一出能說之身二
於彼一切衆生下明演法之聲三以如是

等聲下顯所說之法四如是說時下彰
之益前二後一可知

以如是等種種音聲說喜巨觀察衆生夜神
從初發心所集功德所謂承事一切諸善知
識親近諸佛修行善法行檀波羅蜜難捨能
捨行尸波羅蜜棄捨王位宮殿眷屬出家學
道行屢提波羅蜜能忍世間一切苦事及以
菩薩所修苦行所持正法皆悉堅固其心不
動亦能忍受一切衆生於己身心惡作惡說
忍一切業皆不失壞忍一切法生決定解忍
諸法性能諦思惟行精進波羅蜜起一切智
行成一切佛法行禪波羅蜜其禪波羅蜜所
有資具所有修習所有成就所有清淨所有
起三昧神通所有入三昧海門皆悉顯示行
般若波羅蜜其般若波羅蜜所有資具所有

清淨大智慧日大智慧雲大智慧藏大智慧
門皆悉顯示行方便波羅蜜其方便波羅蜜
所有資具所有修行所有體性所有理趣所
有清淨所有相應事皆悉顯示行願波羅蜜
其願波羅蜜所有體性所有成就所有修習
所有相應事皆悉顯示行力波羅蜜其力波
羅蜜所有資具所有因緣所有理趣所有演
說所有相應事皆悉顯示行智波羅蜜其智
波羅蜜所有資具所有體性所有成就所有
清淨所有處所所有增長所有深入所有光
明所有顯示所有理趣所有相應事所有簡
擇所有行相所有相應法所有攝法所知
法所知業所知刹所知劫所知世所知佛出
現所知佛所知菩薩所知菩薩心菩薩位菩
薩資具菩薩發趣菩薩迴向菩薩大願菩薩

法輪菩薩簡擇法菩薩法海菩薩法門海菩
薩法旋流菩薩法理趣如是等智波羅蜜相
應境界皆悉顯示成熟衆生

又說此神從初發心所集功德相續次第所
習善根相續次第所修無量諸波羅蜜相續
次第死此生彼及其名號相續次第親近善
友承事諸佛受持正法修菩薩行入諸三昧
以三昧力普見諸佛普見諸刹普知諸劫深
入法界觀察衆生入法界海知諸衆生死此
生彼得淨天耳聞一切聲得淨天眼見一切
色得他心智知衆生心得宿住智知前際事
得無依無作神足智通自在遊行徧十方刹
如是所有相續次第得菩薩解脫入菩薩解
脫海得菩薩自在得菩薩勇猛得菩薩遊步
住菩薩想入菩薩道如是一切所有功德相

續次第皆悉演說分別顯示成熟衆生

三所說法中二先說本行十度行法後又說下類通所餘行法今初忍中惡作屬身惡說屬口禪中有六句一名體二資緣三造修四獲得五治障六起用下之五度句

雖多少例此可知般若中日約破闇雲約

演法藏顯包含方便中體性通事理趣

謂意趣後類通餘行中具四菩薩行思之

後類通餘行具四菩薩行者初菩提分法行以從初發心積集功德皆助菩提是菩提分二入諸三昧下即三昧行三得淨天耳下即神通行得菩薩解脫下成熟衆生

行結中云分別顯示成熟衆生

如是說時於念念中十方各嚴淨不可說不可說諸佛國土度脫無量惡趣衆生令無量衆生生天人中富貴自在令無量衆生出生死海令無量衆生安住聲聞辟支佛地令無

量衆生住如來地

四彰說之益

爾時善財童子見聞如上所現一切諸希有事念念觀察思惟解了深入安住承佛威力及解脫力則得菩薩不思議大勢力普喜幢

自在力解脫何以故與喜目夜神於往昔時

同修行故如來神力所加持故不思議善根

所祐助故得菩薩諸根故生如來種中故得

善友力所攝受故受諸如來所護念故毗盧

遮那如來會所化故彼分善根已成熟故堪

修普賢菩薩行故

二觀用獲益即證入法界於中三初顯證

因緣次則得下正明證入後何以下徵釋

所由

爾時善財童子得此解脫已心生歡喜合掌

釋三

十八

向喜目觀察衆生夜神以偈讚曰

無量無數劫學佛甚深法隨其所應化顯現
妙色身了知諸衆生沈迷嬰妄想種種身皆
現隨應悉調伏法身恒寂靜清淨無二相爲
化衆生故示現種種形於諸蘊界處未曾有

頌三

十九

所著示行及色身調伏一切衆不著內外法
已度生死海而現種種身住於諸有界遠離
諸分別戲論所不動爲著妄想者弘宣十力
法一心住三昧無量劫不動毛孔出化雲供
養十方佛得佛方便力念念無邊際示現種
種身普攝諸羣生了知諸有海種種業莊嚴
爲說無礙法令其悉清淨色身妙無比清淨
如普賢隨諸衆生心示現世間相

三慶益稱讚中十偈分四初一偈現說之
因次一現說之意次六現說體相皆即寂

之用後二總結現說無礙

爾時善財童子說此頌已白言天神汝發阿
耨多羅三藐三菩提心爲幾時耶得此解脫
其已久如爾時喜目觀察衆生主夜神以頌
答曰

我念過去世過於刹塵劫刹號摩尼光劫名
寂靜音

第三爾時善財下明出所因於中先與二
問後具二答於中先以偈答後會古今前
中總九十一頌分二前七十九頌答發心
久近後十二頌答得法時節前中有十復
次初寂靜音劫正是發心之時有三十一
頌分六初一偈總標

百萬那由他俱胝四天下其王數亦爾各各
自臨馭中有一王都號曰香幢寶莊嚴最殊

妙見者皆欣悅中有轉輪王其身甚微妙三十二種相隨好以莊嚴蓮華中化生金色光明身騰空照遠近普及閻浮界其王有千子勇猛身端正臣佐滿一億智慧善方便嬪御有十億顏容狀天女利益調柔意慈心給侍王其王以法化普及四天下輪圍大地中一切皆豐盛我時爲寶女具足梵音聲身出金色光照及千由旬

二有八偈顯其本生

日光旣已沒音樂咸寂然大王及侍御一切皆安寢彼時德海佛出興於世間顯現神通力充滿十方界放大光明海一切剎塵數種種自在身徧滿於十方地震出妙音普告佛興世天人龍神衆一切皆歡喜一一毛孔中出佛化身海十方皆徧滿隨應說妙法我時

於夢中見佛諸神變亦聞深妙法心生大歡喜一萬主夜神共在空中住讚歎佛興世同時覺悟我賢慧汝應起佛已現汝國劫海難值遇見者得清淨我時便寐寤即覩清淨光觀此從何來見佛樹王下諸相莊嚴體猶如寶山王一切毛孔中放大光明海

三有十偈明發心本事

見已心歡喜便生此念言願我得如佛廣大神通力

四一偈正顯發心

我時尋覺悟大王并眷屬令見佛光明一切皆欣慶我時與大王騎從千萬億衆生亦無量俱行詣佛所我於二萬歲供養彼如來七寶四天下一切皆奉施時彼如來說功德普雲經普應羣生心莊嚴諸願海夜神覺悟我

令我得利益我願作是身覺諸放逸者我從此初發最上菩提願往來諸有中其心無忘失

五六偈明發後之德

從此後供養十億那由佛恒受人天樂饒益諸羣生初佛功德海第二功德燈第三妙寶幢第四虛空智第五蓮華藏第六無礙慧第七法月王第八智燈輪第九兩足尊寶燄山燈王第十調御師三世華光音如是等諸佛我悉曾供養然未得慧眼入於解脫海

六有五偈轉值餘佛未得慧眼者未得十解正慧明故

從此次第有一切寶光刹其劫名天勝五百佛興世最初月光輪第二名日燈第三名光幢第四寶須彌第五名華燄第六號燈海第

七熾然佛第八天藏佛九光明王幢十普智光王如是等諸佛我悉曾供養尚於諸法中無而計為有

二天勝劫中有四偈半無而計為有者未解即心自性故餘之八劫偈數可知未解即心

自性者前劫未得十住自
分此劫未得十住勝進

從此復有劫名曰梵光明世界蓮華燈莊嚴極殊妙彼有無量佛一一無量眾我悉曾供養尊重聽聞法初寶須彌佛二功德海佛三法界音佛四法震雷佛五名法幢佛六名地光佛七名法力光八名虛空覺第九須彌光第十功德雲如是等如來我悉曾供養未能明了法而入諸佛海

三梵光明劫中未能明了法者未了十行真實行法故

次後復有劫名為功德月爾時有世界其名
 功德幢彼中有諸佛八十那由他我皆以妙
 供深心而敬奉初乾闥婆王二名大樹王三
 功德須彌第四寶眼佛第五盧舍那第六光
 莊嚴第七法海佛第八光勝佛九名賢勝佛
 第十法王佛如是等諸佛我悉曾供養然未
 得深智入於諸法海

頌三

三十二

四功德月劫未得善巧迴向深智趣佛智
 海故

此後復有劫名為寂靜慧刹號金剛寶莊嚴
 悉殊妙於中有千佛次第而出與眾生少煩
 惱眾會悉清淨初金剛齋佛二無礙力佛三
 名法界影四號十方燈第五名悲光第六名
 戒海第七忍燈輪第八法輪光九名光莊嚴
 十名寂靜光如是等諸佛我悉曾供養猶未

能深悟如空清淨法遊行一切刹於彼修諸
 行

頌三

三三

五寂靜慧劫未得地上二空真如清淨法
 故

次第復有劫名為善出現刹號香燈雲淨穢
 所共成億佛於中現莊嚴刹及劫所說種種
 法我皆能憶持初名廣稱佛次名法海佛三
 名自在王四名功德雲第五法勝佛第六天
 冠佛第七智燄佛第八虛空音第九兩足尊
 名普生殊勝第十無上士眉間勝光明如是
 一切佛我悉曾供養然猶未能淨離諸障礙
 道

六善出現劫未淨修道之障故

次第復有劫名集堅固王刹號寶幢主一切
 善分布有五百諸佛於中而出現我恭敬供

養求無礙解脫最初功德輪其次寂靜音次
名功德海次名日光王第五功德王第六須
彌相次名法自在次佛功德王第九福須彌
第十光明王如是等諸佛我悉曾供養所有
清淨道普入盡無餘然於所入門未能成就

忍

七集堅固王劫未得六地緣生深順之忍

未得六地深順之忍者
六地得上品順忍故

次第復有劫名為妙勝主刹號寂靜音衆生
煩惱薄於中有佛現八十那由他我悉曾供

養修行最勝道初佛名華聚次佛名海藏次
名功德生次號天王髻第五摩尼藏第六真
金山第七寶聚尊第八法幢佛第九名勝財
第十名智慧此十為上首供養無不盡

八妙勝主劫修最勝道者六地般若為勝

道故

八妙勝劫下無結說得之言合言未
得七地而前劫但云修行最勝道即

是已得
六地耳

次第復有劫名曰千功德爾時有世界號善
化幢燈六十億那由諸佛與於世最初寂靜
幢其次耆摩他第三百燈王第四寂靜光第

五雲密陰第六日大明七號法燈光八名殊

勝燄九名天勝藏十名大吼音如是等諸佛
我悉常供養未得清淨忍深入諸法海

九千功德劫未得八地淨無生忍故

次第復有劫名無著莊嚴爾時有世界名曰

無邊光中有三十六那由他佛現初功德須

彌第二虛空心第三具莊嚴第四法雷音第

五法界聲第六妙音雲第七照十方第八法

海音第九功德海第十功德幢如是等諸佛

我悉曾供養

十無著莊嚴劫四頌半但言供養者下明得法故又前次第皆言未得後後則已得前前思之亦可初劫已得初地未得第二乃至第九未得第十地第十劫中方得圓滿故其劫名亦順地義如文思之故其劫下疏家

復為一釋以初劫名寂靜音已得初地二天勝劫天即淨義亦順離垢三梵光順發光四功德月順離慧月有光明發光發故五寂靜慧順禪增故六善出現順善現故七集堅固王功用滿故已得方便不可壞故八勝妙劫順於不動無功用故九千功德法師位故十無著莊嚴智慧無著二嚴滿故

次有佛出現名為功德幢我為月面天供養人中主時佛為我說無依妙法門我聞專念持出生諸願海寂滅定總持能於念念中我得清淨眼悉見諸佛海我得大悲藏普明方便眼增長菩提心成就如來力
第二次有佛出現名為功德幢下答得法

時節中即前無著劫得此法也於中二初四偈得無功用之三三地謂八地無依大願九地滅定總持十地成如來力

見眾生顛倒執常樂我淨愚癡闇所覆妄想起煩惱行止見稠林往來貪欲海集於諸惡趣無量種種業一切諸趣中隨業而受身生老死眾患無量苦逼迫為彼眾生故我發無上心願得如十方一切十力尊緣佛及眾生起於大願雲

後八結成普賢行位於中三初四偈半牒

舉大心之始

從是修功德趣入方便道願雲悉彌覆普入一切道具足波羅蜜充滿於法界速入於諸地三世方便海一念修諸佛一切無礙行
次二偈半明成德之終

佛子我爾時得入普賢道了知十法界一切差別門

後一偈總結圓滿因果圓融初後該徹故入普賢道

善男子於汝意云何彼時轉輪聖王名十方

主能紹隆佛種者豈異人乎三六文殊師利童子

是也爾時夜神覺悟我者普賢菩薩之所化

耳我於爾時爲王寶女蒙彼夜神覺悟於我

令我見佛發阿耨多羅三藐三菩提心自從

是來經佛刹微塵數劫不墮惡趣常生人天

於一切處常見諸佛乃至於妙燈功德幢佛

所得此大勢力普喜幢菩薩解脫以此解脫

如是利益一切衆生

二結會

善男子我唯得此大勢力普喜幢解脫門如

諸菩薩摩訶薩於念念中普詣一切諸如來所疾能趣入一切智海於念念中以發趣門入於一切諸大願海於念念中以願海門盡未來劫念念出生一切諸行一一行中出生一切刹微塵數身一一身普入一切法界門

一一法界門一切佛刹中隨衆生心說諸妙

行一切刹一一塵中悉見無邊諸如來海一

一如來所悉見徧法界諸佛神通一一如來

所悉見往劫修菩薩行一一如來所受持守

護所有法輪一一如來所悉見三世一切如

來諸神變海而我云何能知能說彼功德行

善男子此衆會中有一夜神名普救衆生妙

德汝詣彼問菩薩云何入菩薩行淨菩薩道

第四謙已推勝並可知第五指示後友同

在證位故云於此會中起精進行爲普救

衆生智焰吉祥稱為妙德

時善財童子頂禮其足繞無數帀慇懃瞻仰

辭退而去

大方廣佛華嚴經疏鈔會本第六十九

音釋

嬪御

嬪毗質切 嬪御女侍也

寐寤

寐彌二切 寤息也 寤五故切 睡覺也

大方廣佛華嚴經疏鈔會本第七十 頌四

唐于闐國三藏沙門實叉難陀

唐清涼山大華嚴寺沙門澄觀撰述

爾時善財童子於喜目觀察衆生夜神所聞

普喜幢解脫門信解趣入了知隨順思惟修

習念善知識所有教誨心無暫捨諸根不散

一心願得見善知識普於十方勤求匪懈願

常親近生諸功德與善知識同一善根得善

知識巧方便行依善知識入精進海於無量

劫常不遠離作是願已往詣普救衆生妙德

夜神所

第四普救衆生妙德夜神寄焰慧地寄談

謂安住最勝菩提分法文但有五二三合

燒煩惱薪慧燄增故

故第一依教趣求中先修入前法後一心願得下趣求後友

時彼夜神為善財童子示現菩薩調伏衆生

解脫神力以諸相好莊嚴其身於兩眉間放

大光明名智燈普照清淨幢無量光明以為

眷屬其光普照一切世間照世間已入善財

頂充滿其身

第二時彼夜神下聞見法界即合二三謂

約善財則是見敬若約夜神所現即是解

脫業用便為默授法界若約二文開辨則

先明見敬諮問後答因緣方為正授法界

今依合科總分為四一現光加持二蒙光

獲益三三業敬讚四問答因緣今初調伏

衆生解脫即光所依是已法門名體可知

善財爾時即得究竟清淨輪三昧

第二善財爾時下蒙光獲益謂得三昧見

大用故於中二先得定謂三業六根皆離

障故云究竟清淨即淨智圓滿摧障為輪
故所見無礙

得此三昧已悉見二神兩處中間所有一切
地塵水塵及以火塵金剛摩尼衆寶微塵華
香瓔珞諸莊嚴具如是一切所有微塵

後得此下明見大用於中二先見用所依
處

一一塵中各見佛刹微塵數世界成壞及見
一切地水火風諸大積聚亦見一切世界接
連皆以地輪任持而住種種山海種種河池
種種樹林種種宮殿所謂天宮殿龍宮殿夜
叉宮殿乃至摩睺羅伽人非人等宮殿屋宅
地獄畜生閻羅王界一切住處諸趣輪轉生
死往來隨業受報各各差別靡不悉見
後一一塵中下明所見事於中三一所化

處二能化益三所化意前中二一總明處
類

又見一切世界差別所謂或有世界雜穢或
有世界清淨或有世界趣雜穢或有世界趣
清淨或有世界雜穢清淨或有世界清淨雜
穢或有世界一向清淨或有世界其形平正
或有覆住或有側住

二又見下別明塵中之刹趣雜穢等者轉
變向染淨故雜染清淨者染多故下句反
此一向清淨者對上一故初之二句乃是

總明

如是等一切世界一切趣中悉見此普救衆
生夜神於一切時一切處隨諸衆生形貌言
辭行解差別以方便力普現其前隨宜化度
二如是等下明能化益亦二先總明

令地獄衆生免諸苦毒令畜生衆生不相食
噉令餓鬼衆生無有飢渴令諸龍等離一切
怖令欲界衆生離欲界苦令人趣衆生離閻
夜怖毀此怖惡名怖大衆怖不活怖死怖惡
道怖斷善根怖退善提心怖遇惡知識怖離
善知識怖墮二乘地怖種種生死怖異類衆
生同住怖惡時受生怖惡種族中受生怖造
惡業怖業煩惱障怖執著諸想繫縛怖如是
等怖悉令捨離又見一切衆生卵生胎生濕
生化生有色無色有想無想非有想非無想
普現其前常勤救護

後令地獄下別顯於中先化五道後又見
一切衆生下明化九類

爲成就菩薩大願力故深入菩薩三昧力故
堅固菩薩神通力故出生普賢行願力故增

廣菩薩大悲海故得普覆衆生無礙大慈故
得普與衆生無量喜樂故得普攝一切衆生
智慧方便故得菩薩廣大解脫自在神通故
嚴淨一切佛刹故覺了一切諸法故供養一
切諸佛故受持一切佛教故積集一切善根
修一切妙行故入一切衆生心海而無障礙
故知一切衆生諸根教化成熟故淨一切衆
生信解除其惡障故破一切衆生無知黑闇
故令得一切智清淨光明故
三爲成就下明化意中爲成諸法通能所
化

時善財童子見此夜神如是神力不可思議
甚深境界普現調伏一切衆生菩薩解脫已
歡喜無量頭面作禮一心瞻仰
第三時善財童子見此下三業敬讚中三

初身心敬重

時彼夜神即捨菩薩莊嚴之相還復本形而不捨其自在神力

二時彼夜神下顯友自在

爾時善財童子恭敬合掌却住一面以偈讚

曰

我善財得見如是大神力其心生歡喜說偈而讚歎我見尊妙身衆相以莊嚴譬如空中星一切悉嚴淨所放殊勝光無量剎塵數種種微妙色普照於十方一一毛孔放衆生心

數光一一光明端皆出寶蓮華華中出化身能滅衆生苦光中出妙香普熏於衆生復雨種種華供養一切佛兩眉放妙光量與須彌等普觸諸含識令滅愚癡闇口放清淨光譬如無量日普照於廣大毗盧舍那境眼放清

頌

五

淨光譬如無量月普照十方剎悉滅世癡翳現化種種身相狀等衆生充滿十方界度脫三有海妙身徧十方普現衆生前滅除水火賊王等一切怖我承喜目教今得詣尊所見尊眉間放大清淨光普照十方海悉滅一切闇顯現神通力而來入我身我遇圓滿光心生大歡喜得總持三昧普見十方佛我於所經處悉見諸微塵一一微塵中各見塵數剎或有無量剎一切咸濁穢衆生受諸苦常悲歎號泣或有染淨刹少樂多憂苦示現三乘像徃彼而救度或有淨染刹衆生所樂見菩薩常充滿住持諸佛法一一微塵中無量淨刹海毗盧遮那佛徃劫所嚴淨佛於一切刹悉坐菩提樹成道轉法輪度脫諸羣生我見普救天於彼無量刹一切諸佛所普皆徃

供養

三爾時下口以偈讚二十偈半分二初偈
總餘偈別別中二初九偈半明光用無涯
後我承下述前蒙光獲益於中三初半偈
推功歸本次二偈半述得三昧餘述見大
用

爾時善財童子說此頌已白普救衆生妙德
夜神言天神今此解脫甚深希有其名何等
得此解脫其已久如修何等行而得清淨

第四問答因緣中二先問後答問中三一

問名前來標名集經者言故此方問二問
得法久近欲顯久修德遠故三問修因淨
治求入路故

夜神言善男子是處難知諸天及人一切二
乘所不能測何以故此是住普賢菩薩行者

頌云

六

境界故住大悲藏者境界故救護一切衆生
者境界故能淨一切三惡八難者境界故能
於一切佛刹中紹隆佛種不斷者境界故能
住持一切佛法者境界故能於一切劫修善
薩行成滿大願海者境界故能於一切法界
海以清淨智光滅無明闇障者境界故能以
一念智慧光明普照一切三世方便海者境
界故

後夜神言下答中二先歎深難說後我承
下承力爲說今初深相云何若約得時時
久遠故非久近故若約修因因行廣故若
通上二契理深故若約名說名如體用故
名者實賓難窮實故文有標及徵釋可知
我承佛力今爲汝說

後承力爲說中先長行後偈頌前中先標

許

善男子乃往古世過佛刹微塵數劫爾時有劫名圓滿清淨世界名毗盧遮那大威德有須彌山微塵數如來於中出現其佛世界以一切香王摩尼寶為體眾寶莊嚴住無垢光

頌四

明摩尼王海上其形正圓淨穢合成一切嚴

七

具帳雲而覆其上一切莊嚴摩尼輪山千市圍繞有十萬億那由他四天下皆妙莊嚴或有四天下惡業眾生於中止住或有四天下雜業眾生於中止住或有四天下善根眾生於中止住或有四下一向清淨諸大菩薩之所止住此界東際輪圍山側有四天下名寶燈華幢國界清淨飲食豐足不藉耕耘而生稻梁宮殿樓閣悉皆奇妙諸如意樹處處行列種種香樹恒出香雲種種鬘樹恒出鬘

雲種種華樹常雨妙華種種寶樹出諸奇寶無量色光周匝照耀諸音樂樹出諸音樂隨風吹動演妙音聲日月光明摩尼寶王普照一切晝夜受樂無時間斷此四天下有百萬億那由他諸王國土一一國土有千大河周匝圍繞一一皆以妙華覆上隨流漂動出天樂音一切寶樹列植其岸種種珍奇以為嚴飾舟船來往稱情戲樂一一河間有百萬億城一一城有百萬億那由他聚落如是一切城邑聚落各有無量百千億那由他宮殿園林周匝圍繞此四天下閻浮提內有一國土名寶華燈安隱豐樂人民熾盛其中眾生具行十善有轉輪王於中出現名毗盧遮那妙寶蓮華髻於蓮華中忽然化生三十二相以為嚴好七寶具足王四天下恒以正法教導

羣生王有千子端正勇健能伏冤敵百萬億
那由他宮人采女皆悉與王同種善根同修
諸行同時誕生端正殊妙猶如天女身真金
色常放光明諸毛孔中恒出妙香良臣猛將
具足十億王有正妃名圓滿面是王女寶端
正殊特皮膚金色目髮紺青言同梵音身有
天香常放光明照千由旬其有一女名普智
談妙德眼形體端嚴色相殊美衆生見者情
無厭足爾時衆生壽命無量或有不定而中
大者種種形色種種音聲種種名字種種族
姓愚智勇怯貧富苦樂無量品類皆悉不同
時或有人語餘人言我身端正汝形鄙陋作
是語已遽相毀辱集不善業以是業故壽命
色力一切樂事悉皆損減
後善男子下正說於中二先通答三問後

別答修行治淨問今初分三一答得法又
近二明發心之始三結會古今今初十段
一總舉劫刹佛興已略酬其又近二其佛
世界下通顯刹相三此界東際下別顯生
處四有轉輪王下明本生父母五其有一
女下明人生身六爾時衆生下衆生起惡
爲佛現因七時彼城北下佛興益物八時
普賢下明善友引導九時轉輪王女下明
德女修因十普智寶焰下聞經得益前六
可知

時彼城北有菩提樹名普光法雲音幢以念
念出現一切如來道場莊嚴堅固摩尼王而
爲其根一切摩尼以爲其幹衆雜妙寶以爲
其葉次第分布並相稱可四方上下圓滿莊
嚴放寶光明出妙音聲說一切如來甚深境

界於彼樹前有一香池名寶華光明演法雷音妙寶爲岸百萬億那由他寶樹圍繞一一樹形如菩提樹衆寶瓔珞周匝垂下無量樓閣皆寶所成周徧道場以爲嚴飾彼香池內出大蓮華名普現三世一切如來莊嚴境界雲

就第七佛興益物中三一明得道之場

須彌山微塵數佛於中出現

二須彌山下總顯佛數

其第一佛名普智寶燄妙德幢於此華上最初得阿耨多羅三藐三菩提無量千歲演說正法成熟衆生

三其第一下別明初佛於中七一總明成道

其彼如來未成佛時十千年前此大蓮華放

淨光明名現諸神通成熟衆生若有衆生遇斯光者心自開悟無所不了知十千年後佛當出現九千年前放淨光明名一切衆生離垢燈若有衆生遇斯光者得清淨眼見一切色知九千年後佛當出現八千年前放大光明名一切衆生業果音若有衆生遇斯光者悉得自知諸業果報知八千年後佛當出現七千年前放大光明名生一切善根音若有衆生遇斯光者一切諸根悉得圓滿知七千年後佛當出現六千年前放大光明名佛不思議境界音若有衆生遇斯光者其心廣大普得自在知六千年後佛當出現五千年前放大光明名嚴淨一切佛刹音若有衆生遇斯光者悉見一切清淨佛土知五千年後佛當出現四千年前放大光明名一切如來境

界無差別燈若有衆生遇斯光者悉能往覲一切諸佛知四千年後佛當出現三千年前放大光明名三世明燈若有衆生遇斯光者悉能現見一切如來諸本事海知三千年後佛當出現二千年前放大光明名如來離翳智慧燈若有衆生遇斯光者則得普眼見一切如來神變一切諸佛國土一切世界衆生知二千年後佛當出現一千年前放大光明名令一切衆生見佛集諸善根若有衆生遇斯光者則得成就見佛三昧知一千年後佛當出現次七日前放大光明名一切衆生歡喜若有衆生遇斯光者得普見諸佛生大歡喜知七日後佛當出現

二其彼如來下成道前相謂放光調機有十一重一一重中各有光明業用成益以

頌四

十一

益對名可以思準若約表法則前十爲次第十度光後一爲圓融十度光以此照心則自智出現

滿七日已一切世界悉皆震動純淨無染念普現十方一切清淨佛刹亦現彼刹種種莊嚴若有衆生根性純熟應見佛者咸詣道場

三滿七日已下動刹集衆

爾時彼世界中一切輪圍一切須彌一切諸山一切大海一切地一切城一切垣牆一切宮殿一切音樂一切語言皆出音聲讚說一切諸佛如來神力境界又出一切香雲一切燒香雲一切末香雲一切香摩尼形像雲一切寶燄雲一切燄藏雲一切摩尼衣雲一切瓔珞雲一切妙華雲一切如來光明雲一切

如來圓光雲一切音樂雲一切如來願聲雲
一切如來言音海雲一切如來相好雲顯示
如來出現世間不思議相

四爾時彼世界中下現相顯德

善男子此普照三世一切如來莊嚴境界大
寶蓮華王有十佛刹微塵數蓮華周匝圍繞
諸蓮華內悉有摩尼寶藏師子之座一一座
上皆有菩薩結跏趺坐

五善男子此普照下明成道依正

善男子彼普智寶燄妙德幢王如來於此成
阿耨多羅三藐三菩提時即於十方一切世
界中成阿耨多羅三藐三菩提

六善男子彼普智寶焰下始成正覺一成
一切成故

隨衆生心悉現其前爲轉法輪於一一世界

十四

十二

令無量衆生離惡道苦令無量衆生得生天
中令無量衆生住於聲聞辟支佛地令無量
衆生成就出離菩提之行令無量衆生成就
勇猛幢菩提之行令無量衆生成就法光明
菩提之行令無量衆生成就清淨根菩提之
行令無量衆生成就平等力菩提之行令無
量衆生成就入法城菩提之行令無量衆生
成就徧至一切處不可壞神通力菩提之行
令無量衆生入普門方便道菩提之行令無
量衆生安住三昧門菩提之行令無量衆生
成就緣一切清淨境界菩提之行令無量衆
生發菩提心令無量衆生住菩薩道令無量
衆生安住清淨波羅蜜道令無量衆生住菩
薩初地令無量衆生住菩薩二地乃至十地
令無量衆生入於菩薩殊勝行願令無量衆

生安住普賢清淨行願善男子彼普智寶跋
妙德幢如來現如是不思議自在神力轉法
輪時於彼一一諸世界中隨其所應念念調
伏無量衆生

七隨衆生心下轉正法輪於中三初總標

頌

十三

轉法二於一一下顯其成益於中初益凡

夫次益二乘後益菩薩菩薩中先成行後
發菩提心下成位菩提心是住位菩薩道
是行位淨波羅蜜是迴向位以大願海淨

治前度故後二句是等覺位三善男子彼

普智下結無間斷

後二句是等覺者不言
十地者上二句文十地

顯故餘位善
隱故別指耳

時普賢菩薩知寶華燈王城中衆生自恃色
貌及諸境界而生憍慢陵蔑他人化現妙身
端正殊特往詣彼城放大光明普照一切令

彼聖王及諸妙寶日月星宿衆生身等一切
光明悉皆不現譬如日出衆景奪曜亦如聚
墨對閻浮金時諸衆生咸作是言此爲是誰
爲天爲梵今放此光令我等身所有光色皆
不顯現種種思惟無能解了爾時普賢菩薩
在彼輪王寶宮殿上虛空中住而告之言大
王當知今汝國中有佛與世在普光明法雲
音幢菩提樹下時聖王女蓮華妙眼見普賢
菩薩所現色身光明自在及聞身上諸莊嚴
具所出妙音心生歡喜作如是念願我所有
一切善根得如是身如是莊嚴如是相好如
是威儀如是自在今此大聖能於衆生生死
長夜黑闇之中放大光明開示如來出興於
世願令於我亦得如是爲諸衆生作智光明
破彼所有無知黑闇願我所在受生之處常

得不離此善知識

第八善友引導中六一知機起惡二化現
妙身下現身超勝三時諸眾生下物機驚
怪四爾時普賢下告語佛與五時聖王女
下女發大心亦是入法之因

善男子時轉輪王與其寶女千子眷屬大臣
輔佐四種兵眾及其城內無量人民前後圍
繞以王神力俱升虛空高一由旬放大光明
照四天下普使一切咸得瞻仰欲令眾生在俱
往見佛以偈讚曰

如來出世間普救諸羣生汝等應速起往詣
導師所無量無數劫乃有佛興世演說深妙
法饒益一切眾佛觀諸世間顛倒常癡惑輪
迴生死苦而起大悲心無數億千劫修習善
提行為欲度眾生斯曰大悲力頭目手足等

頌四

古

一切悉能捨為求菩提故如是無量劫無量
億千劫導師難可遇見聞若承事一切無空
過今當共汝等往觀調御尊坐於如來座降
魔成正覺瞻仰如來身放演無量光種種微
妙色除滅一切闇一一毛孔中放光不思議
普照諸羣生咸令大歡喜汝等咸應發廣大
精進心詣彼如來所恭敬而供養

六善男子時轉輪王下父王詣佛於中四
一身處虛空二以偈讚引於中十偈初一
總勸次五偈釋勸後四偈結勸勝故應往

頌四

十五

爾時轉輪聖王說偈讚佛開悟一切眾生已
從輪王善根出十千種大供養雲往詣道場
向如來所謂一切寶蓋雲一切華帳雲一
切寶衣雲一切寶鈴網雲一切香海雲一切
寶座雲一切寶幢雲一切宮殿雲一切妙華

雲一切諸莊嚴具雲於虛空中周徧嚴飾到已頂禮普智寶皎妙德幢王如來足繞無量百千市即於佛前坐普照十方寶蓮華座

三爾時下廣興供雲四到已下至彼修敬時轉輪王女普智皎妙德眼即解身上諸莊

嚴具持以散佛時莊嚴具於虛空中變成寶蓋寶網垂下龍王執持一切宮殿於中間列十種寶蓋周市圍繞形如樓閣內外清淨諸瓔珞雲及諸寶樹香海摩尼以爲莊嚴於此蓋中有菩提樹枝葉榮茂普覆法界念念示現無量莊嚴毗盧遮那如來坐此樹下有不

諸佛出與次第又亦見彼一切世界一一皆有普賢菩薩供養於佛調伏衆生又亦見彼一切菩薩莫不皆在普賢身中亦見自身在其身內亦見其身在一切如來前一切普賢前一切菩薩前一切衆生前又亦見彼一切世界一一各有佛刹微塵數世界種種際畔種種任持種種形狀種種體性種種安布種種莊嚴種種清淨種種莊嚴雲而覆其上種種劫名種種佛與種種三世種種方處種種住法界種種入法界種種住虛空種種如來

頌四

十六

菩提場種種如來神通力種種如來師子座種種如來大衆海種種如來衆差別種種如來巧方便種種如來轉法輪種種如來妙音聲種種如來言說海種種如來契經雲既見是已其心清淨生大歡喜

第九德女修因於中三一嚴具奉佛表修
萬行向佛果故二時莊嚴下見佛現變表
因小果大故三既見是已下觀變獲益

普智寶燄妙德幢王如來為說修多羅名一
切如來轉法輪十佛刹微塵數修多羅而為
眷屬

第十聞經得益中三一佛為說經從總相
為名

時彼女人聞此經已則得成就十千三昧門
其心柔軟無有麤彊如初受胎如始誕生如
娑羅樹初始生芽彼三昧心亦復如是所謂
現見一切佛三昧普照一切刹三昧入一切
三世門三昧說一切佛法輪三昧知一切佛
願海三昧開悟一切眾生令出生死苦三昧
常願破一切眾生闇三昧常願滅一切眾生

頌

十七

苦三昧常願生一切眾生樂三昧教化一切
眾生不生疲厭三昧一切菩薩無障礙幢三
昧普詣一切清淨佛刹三昧得如是等十千
三昧已復得妙定心不動心歡喜心安慰心
廣大心順善知識心緣甚深一切智心住廣
大方便海心捨離一切執著心不住一切世
間境界心入如來境界心普照一切色海心
無惱害心無高倨心無疲倦心無退轉心無
懈怠心思惟諸法自性心安住一切法門海
心觀察一切法門海心了知一切眾生海心
救護一切眾生海心普照一切世界海心普
生一切佛願海心悉破一切障山心積集福
德助道心現見諸佛十力心普照菩薩境界
心增長菩薩助道心徧緣一切方海心一心
思惟普賢大願發一切如來十佛刹微塵數

願海願嚴淨一切佛國願調伏一切衆生願
徧知一切法界願普入一切法界海願於一
切佛刹盡未來際劫修菩薩行願盡未來際
劫不捨一切菩薩行願得親近一切如來願
得承事一切善友願得供養一切諸佛願於
念念中修菩薩行增一切智無有間斷發如
是等十佛刹微塵數願海成就普賢所有大
願

二時彼女人下正明聞益於中亦三初得
三昧益文有總別次得如是等下得大心
益即悲智等心後一心思惟下成大願益
上之三益即調伏衆生解脫三事皆調伏
之法故

時彼如來復爲其女開示演說發心已來所
集善根所修妙行所得大果令其開悟成就

如來所有願海一心趣向一切智位

三時彼如來復爲下顯發苦因

善男子復於此前過十大劫有世界名日輪
光摩尼佛號因陀羅幢妙相此妙眼女於彼
如來遺法之中普賢菩薩勸其修補蓮華座
上故壞佛像既修補已而復彩畫既彩畫已
復寶莊嚴發阿耨多羅三藐三菩提心善男
子我念過去由普賢菩薩善知識故種此善
根從是已來不墮惡趣常於一切天王人王
種族中生端正可喜衆相圓滿令人樂見常
見於佛常得親近普賢菩薩乃至於今示導
開悟成熟於我令生歡喜

第二善男子復於此前下明發心之始於
此前者即得法劫之前也顯前得法非無
因也

善男子於意云何爾時毗盧遮那藏妙寶蓮華髻轉輪聖王者豈異人乎今彌勒菩薩是時王妃圓滿面者寂靜音海夜神是今所住處去此不遠時妙德眼童女者即我身是我於彼時身為童女普賢菩薩勸我修補蓮華

頌四十九

座像以為無上菩提因緣令我發於阿耨多羅三藐三菩提心我於彼時初始發心次復引導令我得見妙德幢佛解身瓔珞散佛供養見佛神力聞佛說法即得菩薩普現一切世間調伏衆生解脫門於念念中見須彌山微塵數佛亦見彼佛道場衆會清淨國土我皆尊重恭敬供養聽聞說法依教修行

第三善男子於意云何下結會古今於中三初結會得法時身次我於彼時下結發心之始後次復引導下正結得法此方酬

其名即前三益

善男子過此毗盧遮那大威德世界圓滿清淨劫已次有世界名寶輪妙莊嚴劫名大光有五百佛於中出現我皆承事恭敬供養

第二善男子過彼毘盧下別答修行淨治前有聞法修行是得法之前此是得法之後於中二一別舉大光劫二善男子此世界下總顯諸劫今初分三初總明

其最初佛名大悲幢初出家時我為夜神恭敬供養次有佛出名金剛那羅延幢我為轉輪王恭敬供養其佛為我說修多羅名一切佛出現十佛刹微塵數修多羅以為眷屬次有佛出名金剛無礙德我於彼時為轉輪王恭敬供養其佛為我說修多羅名普照一切衆生根須彌山微塵數修多羅而為眷屬我

皆受持次有佛出名火燄山妙莊嚴我於彼時為長者女其佛為我說修多羅名普照三世藏閻浮提微塵數修多羅而為眷屬我皆聽聞如法受持次有佛出名一切法海高勝王我為阿修羅王恭敬供養其佛為我說修多羅名分別一切法界五百修多羅而為眷屬我皆聽聞如法受持次有佛出名海嶽法光明我為龍王女雨如意摩尼寶雲而為供養其佛為我說修多羅名增長歡喜海百萬億修多羅而為眷屬我皆聽聞如法受持次有佛出名寶燄山燈我為海神雨寶蓮華雲恭敬供養其佛為我說修多羅名法界方便海光明佛刹微塵數修多羅而為眷屬我皆聽聞如法受持次有佛出名功德海光明輪我於彼時為五通仙現大神通六萬諸仙前

頌四

十

後圍繞雨香華雲而為供養其佛為我說修多羅名無著法燈六萬修多羅而為眷屬我皆聽聞如法受持次有佛出名毗盧遮那功德藏我於彼時為主地神名出生平等義與無量地神俱雨一切寶樹一切摩尼藏一切寶瓔珞雲而為供養其佛為我說修多羅名出生一切如來智藏無量修多羅而為眷屬我皆聽聞受持不忘

次其最初佛下別顯其中經名說者當演

善男子如是次第其最後佛名充滿虛空法

頌四

二十一

界妙德燈我為妓女名曰美顏見佛入城歌

舞供養承佛神力踊在空中以千偈頌讚歎

於佛佛為於我放眉間光名莊嚴法界大光

明徧觸我身我蒙光已即得解脫門名法界

方便不退藏

後善男子如是下顯其最後

善男子此世界中有如是等佛刹微塵數劫一切如來於中出現我皆承事恭敬供養彼諸如來所說正法我皆憶念乃至不忘一文一句於彼一一諸如來所稱揚讚歎一切佛法為無量衆生廣作利益於彼一一諸如來所得一切智光明現三世法界海入一切普賢行善男子我依一切智光明故於念念中見無量佛既見佛已先所未得先所未見普賢諸行悉得成滿何以故以得一切智光明故

二總顯諸劫中三初總標次彼諸如來下得法修行後善男子我依下見佛行成

爾時普救衆生夜神欲重明此解脫義承佛神力為善財童子而說頌言

善財聽我說甚深難見法普照於三世一切差別門如我初發心專求佛功德所入諸解脫汝今應諦聽

第二偈頌四十一偈分三初二偈舉法誠聽次三十八偈頌前正說後一偈舉因勤修今初即頌前標許

我念過去世過刹微塵劫次前有一劫名圓滿清淨是時有世界名為徧照燈須彌塵數佛於中出興世初佛名智嚴次佛名法幢第三法須彌第四德師子第五寂靜王第六滅諸見第七高名稱第八大功德第九名勝日第十名月面於此十佛所最初悟法門從此後次第復有十佛出初名虛空處第二名普光三名住諸方四名正念海五名高勝光六名須彌雲七名法嚴佛八名山勝佛九名大

悲華十名法界華此十出現時第二悟法門
從此後次第復有十佛出第一光幢佛第一
智慧佛第三心義佛第四德主佛第五天慧
佛第六慧王佛第七勝智佛第八光王佛第
九勇猛佛第十蓮華佛於此十佛所第二悟
法門從此後次第復有十佛出第一寶燄山
第二功德海第三法光明第四蓮華藏第五
衆生眼第六香光寶七須彌功德八乾闥婆
王第九摩尼藏第十寂靜色從此後次第復
有十佛出初佛廣大智次佛寶光明第三虛
空雲第四殊勝相第五圓滿戒第六那羅延
第七須彌德第八功德輪第九無勝幢第十
大樹山從此後次第復有十佛出第一婆羅
藏第二世主身第三高顯光第四金剛照第
五地威力第六甚深法第七法慧音第八須

頌四

二十三

彌幢第九勝光明第十妙寶光從此後次第
復有十佛出第一梵光明第二虛空音第三
法界身第四光明輪第五智慧幢第六虛空
燈第七微妙德第八徧照光第九勝福光第
十大悲雲從此後次第復有十佛出第一力
光慧第二普現前第三高顯光第四光明身
第五法起佛第六寶相佛第七速疾風第八
勇猛幢第九妙寶蓋第十照三世從此後次
第復有十佛出第一願海光第二金剛身第
三須彌德第四念幢王第五功德慧第六智
慧燈第七光明幢第八廣大智第九法界智
第十法海智從此後次第復有十佛出初名
布施法次名功德輪三名勝妙雲四名忍智
燈五名寂靜音六名寂靜幢七名世間燈八
名深大願九名無勝幢十名智燄海從此後

次第復有十佛出初佛法自在二佛無礙慧
三名意海慧四名衆妙音五名自在施六名
普現前七名隨樂身八名住勝德第九本性
佛第十賢德佛

就頌正說中通頌得法久近及修行清淨
於中二先三十六偈頌最初一劫廣前長
行有百一十佛表十地等覺各以初佛爲
主餘九爲伴思之

須彌塵數劫此中所有佛普作世間燈我悉
曾供養佛刹微塵劫所有佛出現我皆曾供
養入此解脫門

後二偈頌前總顯諸劫亦表智滿行圓無
非佛故

我於無量劫修行得此道汝若能修行不久
亦當得

後一偈舉因勸修

善男子我惟知此菩薩普現一切世間調伏
衆生解脫如諸菩薩摩訶薩集無邊行生種
種解現種種身具種種根滿種種願入種種
三昧起種種神變能種種觀察法入種種智
慧門得種種法光明而我云何能知能說彼
功德行

三謙已推勝

善男子去此不遠有主夜神名寂靜音海坐
摩尼光幢莊嚴蓮華座百萬阿僧祇主夜神
前後圍繞汝詣彼問菩薩云何學菩薩行修
菩薩道

第四去此不遠下指示後友亦以證同又
禪依進發故云不遠禪故寂靜入俗演法
化物深廣故云音海然此神即普救之母

表真精進却從定生起心動念是妄非進

故餘可知表真精進却從定生真精進者離身心故非定無此

時善財童子頂禮其足繞無數匝慇懃瞻仰

辭退而去

大方廣佛華嚴經疏鈔會本第七十

頌四

三五

音釋

妹春珠切遞大計切垣兩元切陵陵切蔑刀切

妹美好也
海也蔑莫無切輕也

大方廣佛華嚴經疏鈔會本第七十一之一 頌五

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子於普救衆生妙德夜神所聞
菩薩普現一切世間調伏衆生解脫門了知

信解自在安住而往寂靜音海夜神所

第五寂靜音海夜神寄難勝地文中具六

第一依教趣求 寄難勝地者謂真俗兩智
行相互違合令相應極難

勝故

頂禮其足繞無數帀於前合掌而作是言聖

者我已先發阿耨多羅三藐三菩提心我欲

依善知識學菩薩行入菩薩行修菩薩行住

菩薩行唯願悲哀爲我宣說菩薩云何學菩

薩行云何修菩薩道

第二頂禮其足下見敬諮問

時彼夜神告善財言善哉善哉善男子汝能
依善知識求菩薩行善男子我得菩薩念念
出生廣大喜莊嚴解脫門

第三時彼夜神下稱讚授法於中先讚後

善男子我得下正授法界於中二先略標

名體準下有二意一化生遂志故生喜即

福德莊嚴二觀佛菩薩勝用故歡喜即智

慧莊嚴觀化既無間斷故喜亦念念出生

善財言大聖此解脫門爲何事業行何境界

起何方便作何觀察

後善財言下廣顯其相於中三初顯解脫

業用次明解脫所因後彰發心久近各有

問答今初先問有四一問所起業用二問

所行之境三問能起方便成上所起四問

能觀之觀成上所行

夜神言善男子我發起清淨平等樂欲心我
 發起離一切世間塵垢清淨堅固莊嚴不可
 壞樂欲心我發起攀緣不退轉位永不退轉
 心我發起莊嚴功德寶山不動心我發起無
 住處心我發起普現一切衆生前救護心我
 發起見一切佛海無厭足心我發起求一切
 菩薩清淨願力心我發起住大智光明海心
 我發起令一切衆生超過憂惱曠野心我發
 起令一切衆生捨離愁憂苦惱心我發起令
 一切衆生捨離不可意色聲香味觸法心我
 發起令一切衆生捨離愛別離苦冤憎會苦
 心我發起令一切衆生捨離惡緣愚癡等苦
 心我發起與一切險難衆生作依怙心我發
 起令一切衆生出生死苦處心我發起令一
 切衆生捨離生老病死等苦心我發起令一

切衆生成就如來無上法樂心我發起令一
 切衆生皆受喜樂心

後答中即分爲四初答起何方便以悲智
 雙運等心爲能起之方便二發是心已下
 答爲何事業正以化生爲事業故三復次

善男子我常觀察下答作何觀察謂觀察
 菩薩如來四又善男子此解脫無邊下答
 行何境界以無邊無盡甚深廣大能所不
 二爲所行境問中欲顯能所別故先問所
 成後問能成答中欲顯能所相成故隔句

相屬又由能起所故先辨能又觀察中雖
 有所觀意在能觀所行境中雖是所行而
 義兼能所故四問全別是以晉經行何境
 界名境界云何此則兼通分齊之境非但
 所觀

中欲下第二料揀於中有四初正通
 不次之訪初答第三二答第一三答

第四答第二故為不次今釋意云階中初二成於二故今答中以第三能成於初所成故先答第三次答第一以第四能成下二通伏難也難云隔句相對於理甚明而其二對問中何以先明所成答中何以先答能成故今釋云由能成所成先答能復應問言問中何以不先問能成故應答言問觀所成求能成故見果推因猶如四諦

疏不明者意易見故又觀察中下三通雜亂難謂有問言若以觀察為能成者何故答中有所觀耶所行之境是所成者何以境中有能成行耶故今答云觀察之中雖有所觀為成能觀如般若中雖有實相為成智慧所行境中若能若所皆是所行如諸菩薩行深般若能觀所觀皆所行矣四問全別下四結引證兼結彈古人古人以第一所起方便及第二事業皆答第一事業之問以其第三答觀察雙答第二第四

兩問以觀察境界不相離故以答第四行何境界却答第三起方便問若為此釋非但四答相不分明抑亦答不次第雜亂故疏釋竟今乃結云四問全別晉經中下引經正證所行境中有能行義謂若所知境唯是所行若分齊境即有能行是故疏云非但所觀以晉今初能起方便中有二十境界含能觀故今初能起方便中有二十心前十起上求大智心後我發起令一切

眾生超過下十心下化大悲心

發是心已復為說法令其漸至一切智地

第二答所作事業中有標釋結初標可知

所謂若見眾生樂著所住宮殿屋宅我為說

法令其了達諸法自性離諸執著若見眾生

戀著父母兄弟姊妹我為說法令其得預諸

佛菩薩清淨眾會若見眾生戀著妻子我為

說法令其捨離生死愛染起大悲心於一切

眾生平等無二若見眾生住於王宮采女侍

奉我為說法令其得與眾聖集會入如來教

若見眾生染著境界我為說法令其得入如

來境界若見眾生多瞋恚者我為說法令住

如來忍波羅蜜若見眾生其心懈怠我為說

法令得清淨精進波羅蜜若見眾生其心散

亂我為說法令得如來禪波羅蜜若見眾生

入見稠林無明闇障我爲說法令得出離稠林黑闇若見衆生無智慧者我爲說法令得般若波羅蜜若見衆生染著三界我爲說法令出生死若見衆生志意下劣我爲說法令其圓滿佛菩提願若見衆生住自利行我爲四說法令其發起利益一切諸衆生願若見衆生志力微弱我爲說法令得菩薩力波羅蜜若見衆生愚癡闇心我爲說法令得菩薩智波羅蜜

二所謂下別釋有三十七門分三初十五門隨其便宜以十度化治其十蔽於中初五門雙明捨戒以捨一切著則戒淨故後十心明餘八度而般若及願各有二門若見衆生色相不具我爲說法令得如來清淨色身若見衆生形容醜陋我爲說法令得

願五

五

無上清淨法身若見衆生色相麤惡我爲說法令得如來微妙色身若見衆生情多憂惱我爲說法令得如來畢竟安樂若見衆生貧窮所苦我爲說法令得菩薩功德寶藏若見衆生住止園林我爲說法令彼勤求佛法因緣若見衆生行於道路我爲說法令其趣向一切智道若見衆生在聚落中我爲說法令出三界若見衆生住止人間我爲說法令其超越二乘之道住如來地若見衆生居住城郭我爲說法令其得住法王城中若見衆生住於四隅我爲說法令得三世平等智慧若見衆生住於諸方我爲說法令得智慧見一切法
次色相不具下有十二門化無功德衆生令得佛因果功德見第一義

若見衆生貪行多者我爲彼說不淨觀門令其捨離生死愛染若見衆生瞋行多者我爲彼說大慈觀門令其得入勤加修習若見衆生癡行多者我爲說法令得明智觀諸法海若見衆生等分行者我爲說法令其得入諸乘願海若見衆生樂生死樂我爲說法令其厭離若見衆生厭生死苦應爲如來所化度者我爲說法令能方便示現受生若見衆生愛著五蘊我爲說法令其得住無依境界若見衆生其心下劣我爲顯示勝莊嚴道若見衆生心生憍慢我爲其說平等法忍若見衆生其心諂曲我爲其說菩薩直心

障

後貪行多者下十門但以對治門破其惑

善男子我以此等無量法施攝諸衆生種種

方便教化調伏令離惡道受人天樂脫三界縛住一切智我時便得廣大歡喜法光明海其心怡暢安隱適悅

三善男子我以此等下總結化意見物成益故大歡喜此即釋名中初意

復次善男子我常觀察一切菩薩道場衆會修種種願行現種種淨身有種種常光放種種光明以種種方便入一切智門入種種三昧現種種神變出種種音聲海具種種莊嚴身入種種如來門詣種種國上海見種種諸佛海得種種辯才海照種種解脫境得種種智光海入種種三昧海遊戲種種諸解脫門以種種門趣一切智種種莊嚴虛空法界以種種莊嚴雲徧覆虛空觀察種種道場衆會集種種世界入種種佛刹詣種種方海受種

種如來命從種種如來所與種種菩薩俱雨
種種莊嚴雲入如來種種方便觀如來種種
法海入種種智慧海坐種種莊嚴座

第三答觀察問中二先觀菩薩境界

善男子我觀察此道場衆會知佛神力無量

無邊生大歡喜

願五

七

後善男子我觀察此道場下觀佛勝用於
中三初結前生後知佛神力下義當生後
故

善男子我觀毗盧遮那如來念念出現不可

思議清淨色身既見是已生大歡喜又觀如
來於念念中放大光明充滿法界既見是已
生大歡喜又見如來一一毛孔念念出現無
量佛刹微塵數光明海一一光明以無量佛
刹微塵數光明而爲眷屬一周徧一切法

界消滅一切諸衆生苦既見是已生大歡喜
又善男子我觀如來頂及兩肩念念出現一
切佛刹微塵數寶燄山雲充滿十方一切法
界既見是已生大歡喜又善男子我觀如來
一一毛孔於念念中出一切佛刹微塵數香
光明雲充滿十方一切佛刹既見是已生大
歡喜又善男子我觀如來一一相念念出一
切佛刹微塵數諸相莊嚴如來身雲徧往十
方一切世界既見是已生大歡喜又善男子
我觀如來一一毛孔於念念中出不可說佛
刹微塵數佛變化雲示現如來從初發心修
波羅蜜具莊嚴道入菩薩地既見是已生大
歡喜又善男子我觀如來一一毛孔念念出
現不可說不可說佛刹微塵數天王身雲及
以天王自在神變充徧一切十方法界應以

天王身而得度者即現其前而為說法既見是已生大歡喜如天王身雲其龍王夜叉王乾闥婆王阿修羅王迦樓羅王緊那羅王摩睺羅伽王人王梵王身雲莫不皆於一一毛孔如是出現如是說法

次我觀毘盧下正顯有其十門

我見是已於念念中生大歡喜生大信樂量與法界薩婆若等昔所未得而今始得昔所未證而今始證昔所未入而今始入昔所未滿而今始滿昔所未見而今始見昔所未聞而今始聞何以故以能了知法界相故知一切法唯一相故能平等入三世道故能說一切無邊法故善男子我入此菩薩念念出生廣大喜莊嚴解脫光明海

後我見是已於念念下總結近結前之十

顯五

八

門亦遠結前觀菩薩境以所觀境皆稱性故於中先標喜成益後何以徵釋所由以能觀之大智稱法界之體相故所生信等等一切智

又善男子此解脫無邊普入一切法界門故

此解脫無盡等發一切智性心故此解脫無際入無際畔一切眾生心想中故此解脫甚深寂靜智慧所知境故此解脫廣大周徧一切如來境故此解脫無壞菩薩智眼之所知故此解脫無底盡於法界之源底故此解脫

顯五

九

者即是普門於一事中普見一切諸神變故此解脫者終不可取一切法身等無二故此解脫者終無有生以能了知如幻法故此解脫者猶如影像一切智願光所生故此解脫者猶如變化化生菩薩諸勝行故此解脫者

猶如大地爲一切衆生所依處故此解脫者
猶如大水能以大悲潤一切故此解脫者猶
如大火乾竭衆生貪愛水故此解脫者猶如
大風令諸衆生速疾趣於一切智故此解脫
者猶如大海種種功德莊嚴一切諸衆生故
此解脫者如須彌山出一切智法寶海故此
解脫者如大城郭一切妙法所莊嚴故此解
脫者猶如虛空普容三世佛神力故此解脫
者猶如大雲普爲衆生雨法雨故此解脫者
猶如淨日能破衆生無知闇故此解脫者猶
如滿月滿足廣大福德海故此解脫者猶如
真如悉能周徧一切處故此解脫者猶如自
影從自善業所化出故此解脫者猶如呼響
隨其所應爲說法故此解脫者猶如影像隨
衆生心而照現故此解脫者如大樹王開敷

一切神通華故此解脫者猶如金剛從本已
來不可壞故此解脫者如如意珠出生無量
自在力故此解脫者如離垢藏摩尼寶王示
現一切三世如來諸神力故此解脫者如喜
幢摩尼寶能平等出一切諸佛法輪聲故善
男子我今爲汝說此譬喻汝應思惟隨順悟
入

第四答所行境界問通二種境如言入法
界門即所觀境發一切智性心即分齊境
餘可準思文中分三初十門法說次猶如

類五

十

影下二十二門喻說以深廣相難可知故
後我今爲汝下一句總結勸修

爾時善財童子白寂靜音海夜神言大聖云
何修行得此解脫夜神言善男子菩薩修行
十大法藏得此解脫何等爲十一修布施廣

大法藏隨衆生心悉令滿足二修淨戒廣大
法藏普入一切佛功德海三修堪忍廣大法
藏能徧思惟一切法性四修精進廣大法藏
趣一切智恒不退轉五修禪定廣大法藏能
滅一切衆生熱惱六修般若廣大法藏能徧
了知一切法海七修方便廣大法藏能徧成
熟諸衆生海八修諸願廣大法藏徧一切佛
刹一切衆生海盡未來劫修菩薩行九修諸
力廣大法藏念念現於一切法界海一切佛
國土成等正覺常不休息十修淨智廣大法
藏得如來智徧知三世一切諸法無有障礙
善男子若諸菩薩安住如是十大法藏則能
獲得如是解脫清淨增長積集堅固安住圓
滿

第二爾時善財童子下明得解脫因中先

第五

十一

問後答答即十度爲因可知

善財童子言聖者汝發阿耨多羅三藐三菩提心其已久如夜神言善男子此華藏莊嚴世界海東過十世界海有世界海名一切淨光寶此世界海中有世界種名一切如來願光明音中有世界名清淨光金莊嚴一切香金剛摩尼王爲體形如樓閣衆妙寶雲以爲其際住於一切寶瓔珞海妙宮殿雲而覆其上淨穢相雜此世界中乃往古世有劫名普光幢國名普滿妙藏道場名一切寶藏妙月光明有佛名不退轉法界音於此成阿耨多羅三藐三菩提我於爾時作菩提樹神名具足福德燈光明幢守護道場我見彼佛成等正覺示現神力發阿耨多羅三藐三菩提心即於此時獲得三昧名普照如來功德海此

道場中次有如來出興於世名法樹威德山
我時命終還生此中爲道場主夜神名殊妙
福智光見彼如來轉正法輪現大神通即得
三昧名普照一切離貪境界次有如來出興
於世名一切法海音聲王我於彼時身爲夜
神因得見佛承事供養即獲三昧名生長一
切善法地次有如來出興於世名寶光明燈
幢王我於彼時身爲夜神因得見佛承事供
養即獲三昧名普現神通光明雲次有如來
出興於世名功德須彌光我於彼時身爲夜
神因得見佛承事供養即獲三昧名普照諸
佛海次有如來出興於世名法雲音聲王我
於彼時身爲夜神因得見佛承事供養即獲
三昧名一切法海燈次有如來出興於世名
智燈照耀王我於彼時身爲夜神因得見佛

願五

十二

承事供養即獲三昧名滅一切衆生苦清淨
光明燈次有如來出興於世名法勇妙德幢
我於彼時身爲夜神因得見佛承事供養即
獲三昧名三世如來光明藏次有如來出興
於世名師子勇猛法智燈我於彼時身爲夜
神因得見佛承事供養即獲三昧名一切世
間無障礙智慧輪次有如來出興於世名智
力山王我於彼時身爲夜神因得見佛承事
供養即獲三昧名普照三世衆生諸根行善
男子清淨光金莊嚴世界普光明幢劫中有
如是等佛刹微塵數如來出興於世我於彼
時或爲天王或爲龍王或爲夜叉王或爲乾
闥婆王或爲阿修羅王或爲迦樓羅王或爲
緊那羅王或爲摩睺羅伽王或爲人王或爲
梵王或爲天身或爲人身或爲男子身或爲

女人身或爲童男身或爲童女身悉以種種諸供養具供養於彼一切如來亦聞其佛所說諸法

第三善財童子言聖者下明發心久近欲

顯道根深故先問後答答中二先長行中

三初於餘刹海中發心修行二然後命終

下於娑婆界中修行得法三善男子汝問

於我下結酬其問今初分二先於第一刹

塵劫修後於第二刹塵劫修前中分五初

總顯刹海二此世界中下別彰時處三有

佛名不退下顯於初佛發心得定此即正

酬發心之問自此已去皆顯修行得法是

知先問亦舍問其得法久近神名具足等

者亦表五地入俗福智高勝故四此道場

中次有如來下略舉次前九佛五善男子

清淨光下結略顯廣此舉一劫之中刹塵數佛皆悉供事

從此命終還即於此世界中生經佛刹微塵數劫修菩薩行

二從此命終還即下於第二刹塵劫修行

界不異前故云還即劫時有異言歷刹塵

前雖數數命終今語前劫之末是知前普

光明幢劫即是大劫其中已含有刹塵數

小劫此中但明塵數小劫略無大劫之名

二文影略故下結云於二佛刹微塵數劫

中修菩薩行是則前段一如來與義當一

劫若以普光明劫爲刹塵之一此命終之

下結成刹塵之劫則闕二字故晉經言於

彼世界經二佛刹微塵數劫方順下文二

劫之言一劫已有刹塵之佛則佛彌多矣

二文影略者前有大劫之名略無小劫之數故應影取後文小劫此中但明小劫則數略無大劫之名故應影取前文大劫則共有二佛刹塵數劫若以普光明劫為刹塵之一者上以普光即是大劫於中已有刹塵小劫今為小劫之名積普光等小劫之數經佛刹塵言闕二字者合云從此命終還即於此世界中生經二佛刹微塵數劫故引晉經定有二字言佛彌多矣者向以普光為大大中有刹塵之佛今普光為

小劫一小劫中已有刹塵經二刹塵小劫之佛故佛彌多也

然後命終生此華藏莊嚴世界海娑婆世界值迦羅鳩孫默如來承事供養得三昧名離一切塵垢光明次值拘那含牟尼如來承事供養得三昧名普現一切諸刹海次值迦葉如來承事供養得三昧名演一切衆生言音海次值毗盧遮那如來於此道場成正等覺念念示現大神通力我時得見即獲此念念出生廣大喜莊嚴解脫

第二於娑婆世界修行得法中二先舉此

前三佛後次值毘盧下顯遇本師得今解脫則前所得望此皆因於中二先名體得此解脫已能入十不可說不可說佛刹微塵數法界安立海

後得此解脫已下明業用此中業用非獨事業良以前之四問皆業用故此通包

於中二初標所入海數良以前之四問皆業用者望於菩薩

解脫門故事業但是四中之一

見彼一切法界安立海一切佛刹所有微塵一一塵中有十不可說不可說佛刹微塵數

佛國土一一佛土皆有毗盧遮那如來坐於道場於念念中成正等覺現諸神變所現神

變一一皆徧一切法界海亦見自身在彼一切諸如來所又亦聞其所說妙法

後見彼一切下明海中所見展轉深細略

為四重一刹海中塵二塵中之刹三刹中之佛

又亦見彼一切諸佛一一毛孔出變化海現神通力於一切法界海一切世界海一切世界種一切世界中隨衆生心轉正法輪

四又亦見彼下佛毛變化於中二先通力演法

我得速疾陀羅尼力受持思惟一切文義以明之智普入一切清淨法藏以自在智普遊一切甚深法海以周徧智普知三世諸廣大義以平等智普達諸佛無差別法如是悟解一切法門

後我得下明夜神悟入於中有二一總顯能所悟

一一法門中悟解一切修多羅雲一一修多

羅雲中悟解一切法海一一法海中悟解一切法品一一法品中悟解一切法雲一一法雲中悟解一切法流一一法流中出生一切大喜海一一大喜海出生一切地一一地出生一切三昧海一一三昧海得一切見佛海

一一見佛海得一切智光海

二一一法門下明重重微細於中二先總顯十重後一一智光下別顯智光之用今初有十重一切顯無盡法門十中前五約所悟一法門者如般若一門中有多契經二隨一契經詮多深廣之法謂舍諸度等三隨一深法有多品類四隨一類中有多事法其一法含旨如雲五隨一根本法雲流出衆多支派後五約能悟可知一深法有多品類者如一施度有九門等四一類中有多事法者如一外施有多財寶

等五如一施
食有多支派

一一智光海普照三世徧入十方知無量如
來往昔諸行海知無量如來所有本事海知
無量如來難捨能施海知無量如來清淨戒
輪海知無量如來清淨堪忍海知無量如來

續五

十六

廣大精進海知無量如來甚深禪定海知無
量如來般若波羅蜜海知無量如來方便波
羅蜜海知無量如來願波羅蜜海知無量如
來力波羅蜜海知無量如來智波羅蜜海知
無量如來往昔超菩薩地知無量如來往昔
住菩薩地無量劫海現神通力知無量如來
往昔入菩薩地知無量如來往昔修菩薩地
知無量如來往昔治菩薩地知無量如來往
昔觀菩薩地知無量如來昔為菩薩時常見
諸佛知無量如來昔為菩薩時盡見佛海劫

續五

十二

海同住知無量如來昔為菩薩時以無量身
徧生刹海知無量如來昔為菩薩時周徧法
界修廣大行知無量如來昔為菩薩時示現
種種諸方便門調伏成熟一切衆生知無量
如來放大光明普照十方一切刹海知無量
如來現大神力普現一切諸衆生前知無量
如來廣大智地知無量如來轉正法輪知無
量如來示現相海知無量如來示現身海知
無量如來廣大力量海彼諸如來從初發心乃
至法滅我於念念悉得知見

二別顯智光之用者是第十一重但廣最
後一重功用無邊則類前重重不可盡也
於中初句總該橫豎後知無量如來下別
顯橫豎之中所知於中五一知如來因地
之行二知往昔超菩薩地下知佛因地之

位三知為菩薩時常見下知因地作用上

三知因四知無量如來放大光下知果用

五彼諸如來下總知因果

善男子汝問我言汝發心來其已久如善男

子我於往昔過二佛刹微塵數劫如上所說

於清淨光金莊嚴世界中為菩提樹神聞不

退轉法界音如來說法發阿耨多羅三藐三

菩提心於二佛刹微塵數劫中修菩薩行然

後乃生此娑婆世界賢劫之中從迦羅鳩孫

馱佛至釋迦牟尼佛及此劫中未來所有一

切諸佛我皆如是親近供養如於此世界賢

劫之中供養未來一切諸佛一切世界一切

劫中所有未來一切諸佛悉亦如是親近供

養善男子彼清淨光金莊嚴世界今猶現在

諸佛出現相續不斷汝當一心修此菩薩大

頌五

丈

勇猛門

第三結酬其問中三初結此前次及此劫

中下類顯未來及於餘界後善男子下結

勸修學

大方廣佛華嚴經疏鈔會本第七十一之一

音釋

寃憎寃於袁切枉也依怙怙侯古切依戀

著戀龍春切慕也姊將几切瞋瞋人切

怒而張目也懈怠懈古監切懶也稠林

稠直由闍障闍烏紺切醜陋醜昌九切惡

也切密也憍慢憍舉喬切恣也諂曲諂丑莢切

暢怡盈之切和也暢尺亮切通也

大方廣佛華嚴經疏鈔會本第七十二之二 頌六

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時寂靜音海主夜神欲重宣此解脫義爲

善財童子而說頌言

頌六

善財聽我說清淨解脫門聞已生歡喜勤修
令究竟我昔於劫海生大信樂心清淨如虛
空常觀一切智我於三世佛皆生信樂心并
及其衆會悉願常親近我昔曾見佛爲衆生
供養得聞清淨法其心大歡喜常尊重父母
恭敬而供養如是無休懈入此解脫門老病
貧窮人諸根不具足一切皆慙濟令其得安
隱水火及王賊海中諸恐怖我昔修諸行爲
救彼衆生煩惱恒熾然業障所纏覆墮於諸
險道我救彼衆生一切諸惡趣無量楚毒苦

生老病死等我當悉除滅願盡未來劫普爲

諸羣生滅除生死苦得佛究竟樂

第二偈頌有十偈分三初一誠聽勸修次

八正明昔行於中前四智行上供後四悲

心下救後一結行分齊

善男子我唯知此念念生廣大喜莊嚴解脫

如諸菩薩摩訶薩深入一切法界海悉知一

切諸劫數普見一切剎成壞而我云何能知

能說彼功德行

第四謙已推勝

善男子此菩提場如來會中有主夜神名守

護一切城增長威力汝詣彼問菩薩云何學

菩薩行修菩薩道

第五指示後友般若爲得佛之所特言菩

提場般若若現則善守心城及一切智城

萬行由生為增威力

爾時善財童子一心觀察寂靜音海主夜神

身而說頌言

我因善友教來詣天神所見神處寶座身量

無有邊非是著色相計有於諸法劣智淺識

頌六

人能知尊境界世間天及人無量劫觀察亦

不能測度色相無邊故遠離於五蘊亦不住

於處永斷世間疑顯現自在力不取内外法

無動無所礙清淨智慧眼見佛神通力身為

正法藏心是無礙智既得智光照復照諸羣

生心集無邊業莊嚴諸世間了世皆是心現

身等眾生知世悉如夢一切佛如影諸法皆

如響令眾無所著為三世眾生念念示現身

而心無所住十方徧說法無邊諸刹海佛海

眾生海悉在一塵中此尊解脫力時善財童

子說此偈已頂禮其足繞無量而慙慙瞻仰

辭退而去

第六戀德禮辭中初以心觀次以偈讚後

以身禮偈中十偈分四初一明因友得見

次二寄對顯勝次六當相顯勝後一總結

圓融

爾時善財童子隨順寂靜音海夜神教思惟

觀察所說法門一一文句皆無忘失於無量

深心無量法性一切方便神通智慧憶念思

擇相續不斷其心廣大證入安住行詣守護

頌六

三

一切城夜神所

第六守護一切城夜神寄現前地寄現前地者謂

住殊起智引無分別最勝般若令現前故

見彼夜神坐一切寶光明摩尼王師子之座

無數夜神所共圍繞現一切眾生色相身現

普對一切衆生身現不染一切世間身現一切衆生身數身現超過一切世間身現成熟一切衆生身現速往一切十方身現徧攝一切十方身現究竟如來體性身現究竟調伏衆生身善財見已歡喜踊躍頂禮其足繞無量布於前合掌而作是言聖者我已先發阿耨多羅三藐三菩提心而未知菩薩修菩薩行時云何饒益衆生云何以無上攝而攝衆生云何順諸佛教云何近法王位唯願慈哀爲我宣說

第二見彼夜神下見敬諮問可知

時彼夜神告善財言善男子汝爲救護一切衆生故汝爲嚴淨一切佛刹故汝爲供養一切如來故汝欲住一切劫救衆生故汝欲守護一切佛種性故汝欲普入十方修諸行故

汝欲普入一切法門海故汝欲以平等心徧一切故汝欲普受一切佛法輪故汝欲普隨一切衆生心之所樂兩法兩故問諸菩薩所修行門善男子我得菩薩甚深自在妙音解脫

第三時彼夜神下稱讚授法先讚發心之相後善男子我得下正授法界於中三初標名體二顯業用三辨法根深今初即事契理故曰甚深權實無礙蘊攝妙辯稱爲自在依此演法普應羣機是謂妙音

爲大法師無所罣礙善能開示諸佛法藏故具大誓願大慈悲力令一切衆生住菩提心故能作一切利衆生事積集善根無有休息故爲一切衆生調御之師令一切衆生住薩婆若道故爲一切世間清淨法日普照世間

令生善根故於一切世間其心平等普令衆
生增長善法故於諸境界其心清淨除滅一
切諸不善業故誓願利益一切衆生身恒普
現一切國土故示現一切本事因緣令諸衆
生安住善行故恒事一切諸善知識爲令衆
生安住佛教故佛子我以此等法施衆生令
生白法求一切智其心堅固猶如金剛那羅
延藏善能觀察佛力魔力常得親証諸善知
識摧破一切業惑障山集一切智助道之法
心恒不捨一切智地

二爲大法師下顯其業用於中三初總明
次別顯後結益初中二先十句彰法施之
德後佛子我以此等下顯法施之意

善男子我以如是淨法光明饒益一切衆生
集善根助道法時作十種觀察法界何者爲

頌

五

十所謂我知法界無量獲得廣大智光明故
我知法界無邊見一切佛所知見故我知法
界無限普入一切諸佛國土恭敬供養諸如
來故我知法界無畔普於一切法界海中示
現修行菩薩行故我知法界無斷入於如來
不斷智故我知法界一性如來一音一切衆
生無不了故我知法界性淨了如來願普度
一切諸衆生故我知法界徧衆生普賢妙行
悉周徧故我知法界一莊嚴普賢妙行善莊
嚴故我知法界不可壞一切智善根充滿法
界不可壞故善男子我作此十種觀察法界
集諸善根辦助道法了知諸佛廣大威德深
入如來難思境界

第二善男子我以如是淨法下別顯業用
於中三初釋甚深次釋自在後釋妙音初

中三初總標次何者下徵列列法界中十
種別義約十種行顯之以行必稱理理由
行顯故謂一無分量二無邊際三無齊限
四無涯畔五豎無斷絕餘可知後善男子
我作下結前觀益

又善男子我如是正念思惟得如來十種大
威德陀羅尼輪何者爲十所謂普入一切法
陀羅尼輪普持一切法陀羅尼輪普說一切
法陀羅尼輪普念十方一切佛陀羅尼輪普
說一切佛名號陀羅尼輪普入三世諸佛願
海陀羅尼輪普入一切諸乘海陀羅尼輪普
入一切衆生業海陀羅尼輪疾轉一切業陀
羅尼輪疾生一切智陀羅尼輪善男子此十
陀羅尼輪以十千陀羅尼輪而爲眷屬恒爲
衆生演說妙法

二又善男子我如是正念下釋自在義謂
總持權實故各就所持立名可知

善男子我或爲衆生說聞慧法或爲衆生說
思慧法或爲衆生說修慧法或爲衆生說一
有法或爲衆生說一切有法或爲說一如來
名海法或爲說一切如來名海法或爲說一
世界海法或爲說一切世界海法或爲說一
佛授記海法或爲說一切佛授記海法或爲
說一如來衆會道場海法或爲說一切如來
衆會道場海法或爲說一如來法輪海法或
爲說一切如來法輪海法或爲說一如來修
多羅法或爲說一切如來修多羅法或爲說
一如來集會法或爲說一切如來集會法或
爲說一薩婆若心海法或爲說一切薩婆若
心海法或爲說一乘出離法或爲說一切乘

出離法善男子我以如是等不可說法門為
衆生說

三善男子我或為衆生下釋妙音義於中

二先別明後總結今初有二十三句初二

約三慧後二十句為十對約廣略辨略而

言一者通理通事理一有者二十五有理

無二故事一有者同一有為故餘可思準

後我以如是等下總結二十五有理無二

惡趣梵王六欲五無想五那
故者偈云四洲四
舍四空并四禪義如前釋

善男子我入如來無差別法界門海說無上

法普攝衆生盡未來劫住普賢行善男子我

成就此甚深自在妙音解脫於念念中增長

一切諸解脫門念念充滿一切法界

第三善男子我入下結益中二先別結甚

深益由入無差別故住劫而不疲後我成

就下通結妙音自在總持故增長解脫妙
音故充滿法界

時善財童子白夜神言奇哉天神此解脫門

如是希有聖者證得其已久如夜神言善男

子乃往古世過世界轉微塵數劫有劫名離

垢光明有世界名法界功德雲以現一切衆

生業摩尼王海為體形如蓮華住四天下微

塵數香摩尼須彌山網中以出一切如來本

願音蓮華而為莊嚴須彌山微塵數蓮華而

為眷屬須彌山微塵數香摩尼以為間錯有

須彌山微塵數四天下——四天下有百千

億那由他不可說不可說城

第三時善財童子下辨法根深先問後答

答中二先辨初劫修行後從是已來下類

顯多劫成益今初分二一總舉刹劫言世

界轉者謂世界爲塵一塵一剎復末爲塵故亦猶無量無量爲一無量轉等若取迴轉形世界塵者何以偏取此形

善男子彼世界中有四天下名爲妙幢中有王都名普寶華光去此不遠有菩提場名普顯現法王宮殿須彌山微塵數如來於中出現

二善男子彼世界下別彰過佛於中四初總舉佛數與處

其最初佛名法海雷音光明王彼佛出時有轉輪王名清淨日光明面於其佛所受持一切法海旋修多羅佛涅槃後其三出家護持正法法欲滅時有千部異衆千種說法近於末劫業惑障重諸惡比丘多有鬪諍樂著境界不求功德樂說王論賊論女論國論海論

類六

八

及以一切世間之論時王比丘而語之言奇哉苦哉佛於無量諸大劫海集此法炬云何汝等而共毀滅作是說已上升虛空高七多羅樹身出無量諸色皎雲放種種色大光明網令無量衆生除煩惱熱令無量衆生發菩提心以是因緣彼如來教復於六萬五千歲中而得興盛時有比丘尼名法輪化光是此王女百千比丘尼而爲眷屬聞父王語及見神力發菩提心永不退轉得三昧名一切佛教燈又得此甚深自在妙音解脫得已身心柔輒即得現見法海雷音光明王如來一切神力善男子於汝意云何彼時轉輪聖王隨於如來轉正法輪佛涅槃後興隆末法者豈異人乎今普賢菩薩是其法輪化光比丘尼即我身是我於彼時守護佛法令十萬比丘

類六

九

尼於阿耨多羅三藐三菩提得不退轉又令
得現見一切佛三昧又令得一切佛法輪金
剛光明陀羅尼又令得普入一切法門海般
若波羅蜜

二其最初下別明於佛得法三次有佛興
下略舉次前百佛四善男子如是等下結
略顯廣二中分六一標佛現二彼佛出時
下父王出家三法欲滅下惡世過興四時
王比丘下滅過弘闡五時有比丘尼下王
女見聞發心得法即正答得法又近也六
於汝意云何下結會古今

次有佛興名離垢法光明次有佛興名法輪
光明髻次有佛興名法日功德雲次有佛興
名法海妙音王次有佛興名法日智慧燈次
有佛興名法華幢雲次有佛興名法燄山幢

王次有佛興名甚深法功德月次有佛興名
法智普光藏次有佛興名開示普智藏次有
佛興名功德藏山王次有佛興名普門須彌
賢次有佛興名一切法精進幢次有佛興名
法寶華功德雲次有佛興名寂靜光明髻次
有佛興名法光明慈悲月次有佛興名功德
燄海次有佛興名智日普光明次有佛興名
普賢圓滿智次有佛興名神通智光王次有
佛興名福德華光燈次有佛興名智師子幢
王次有佛興名日光普照王次有佛興名須
彌寶莊嚴相次有佛興名日光普照次有佛
興名法王功德月次有佛興名開敷蓮華妙
音雲次有佛興名日光明相次有佛興名普
光明妙法音次有佛興名師子金剛那羅延
無畏次有佛興名普智勇猛幢次有佛興名

普開法蓮華身次有佛興名功德妙華海次
有佛興名道場功德月次有佛興名法炬熾
然月次有佛興名普光明髻次有佛興名法
幢燈次有佛興名金剛海幢雲次有佛興名
名稱山功德雲次有佛興名栴檀妙月次有
佛興名普妙光明華次有佛興名照一切衆
生光明王次有佛興名功德蓮華藏次有佛
興名香燄光明王次有佛興名波頭摩華因
次有佛興名衆相山普光明次有佛興名普
名稱幢次有佛興名須彌普門光次有佛興
名功德法城光次有佛興名大樹山光明次
有佛興名普德光明幢次有佛興名功德吉
祥相次有佛興名勇猛法力幢次有佛興名
法輪光明音次有佛興名功德山智慧光次
有佛興名無上妙法月次有佛興名法蓮華

第六

十一

淨光幢次有佛興名寶蓮華光明藏次有佛
興名光燄雲山燈次有佛興名普覺華次有
佛興名種種功德燄須彌藏次有佛興名圓
滿光山王次有佛興名福德雲莊嚴次有佛
興名法山雲幢次有佛興名功德山光明次
有佛興名法日雲燈王次有佛興名法雲名
稱王次有佛興名法輪雲次有佛興名開悟
菩提智光幢次有佛興名普照法輪月次有
佛興名寶山威德賢次有佛興名賢德廣大
光次有佛興名普智雲次有佛興名法力功
德山次有佛興名功德香燄王次有佛興名
金色摩尼山妙音聲次有佛興名頂髻出一
切法光明雲次有佛興名法輪熾盛光次有
佛興名無上功德山次有佛興名精進炬光
明雲次有佛興名三昧印廣大光明冠次有

佛與名寶光明功德王次有佛與名法炬寶
蓋音次有佛與名普照虛空界無畏法光明
次有佛與名月相莊嚴幢次有佛與名光明
燄山雲次有佛與名照無障礙法虛空次有
佛與名開顯智光身次有佛與名世主德光
明音次有佛與名一切法三昧光明音次有
佛與名法音功德藏次有佛與名熾然燄法
海雲次有佛與名普照三世相大光明次有
佛與名普照法輪山次有佛與名法界師子
光次有佛與名須彌華光明次有佛與名一
切三昧海師子燄次有佛與名普智光明燈
善男子如是等須彌山微塵數如來其最後
佛名法界城智慧燈並於離垢光明劫中出
興於世我皆尊重親近供養聽聞受持所說
妙法亦於彼一切諸如來所出家學道護持

法教入此菩薩甚深自在妙音解脫種種方
便教化成熟無量衆生從是已來於佛刹微
塵數劫所有諸佛出興於世我皆供養修行
其法善男子我從是來於生死夜無明昏寐
諸衆生中而獨覺悟令諸衆生守護心城捨
三界城住一切智無上法城

三略舉四結廣及類顯成益文並可知

善男子我唯知此甚深自在妙音解脫令諸
世間離戲論語不作二語常真實語恒清淨
語如諸菩薩摩訶薩能知一切語言自性於

廣大

三

念念中自在開悟一切衆生入一切衆生言
音海於一切言辭悉皆辯了明見一切諸法
門海於普攝一切法陀羅尼已得自在隨諸
衆生心之所疑而爲說法究竟調伏一切衆
生能普攝受一切衆生巧修菩薩諸無上業

深入菩薩諸微細智能善觀察諸菩薩藏能自在說諸菩薩法何以故已得成就一切法輪陀羅尼故而我云何能知能說彼功德行

第四我唯知下謙已推勝中先謙已知一略顯四種業用若約妙音釋則不綺不離

間不妄不惡口如次配之若約甚深釋者頌六不與理合皆名戲論理外發言即是二語既與理乖則非真非淨反此可知後如諸下推勝知多

善男子此佛會中有主夜神名開敷一切樹華汝詣彼問菩薩云何學一切智云何安立一切衆生住一切智

第五指示後友分三初指後位次頌前法後善財得益今初開敷樹華者約事在香樹閣內故約位七地是有行有開發無相

住故

爾時守護一切城主夜神欲重宣此解脫義爲善財童子而說頌言

菩薩解脫深難見虛空如如平等相普見無邊法界內一切三世諸如來

出生無量勝功德證入難思真法性增長一切自在智開通三世解脫道

過於刹轉微塵劫爾時有劫名淨光世界名爲法燄雲其城號曰寶華光

其中諸佛興於世無量須彌塵數等有佛名爲法海音於此劫中先出現

乃至其中最後佛名爲法界燄燈王如是一切諸如來我皆供養聽受法

我見法海雷音佛其身普作真金色諸相莊嚴如寶山發心願得成如來

我暫見彼如來身即發菩提廣大心誓願勤求一切智性與法界虛空等

由斯普見三世佛及以一切菩薩眾亦見國王眾生海而普攀緣起大悲

隨諸眾生心所樂示現種種無量身普徧十方諸國土動地舒光悟含識

見第二佛而親近亦見十方刹海佛乃至最後佛出與如是須彌塵數等

於諸刹轉微塵劫所有如來照世燈我皆親近而瞻奉令此解脫得清淨

二頌中頌前法者臨去慇懃囑令修學故十一偈分二初二偈頌前體用餘頌顯法根深於中亦二初頌初劫後一偈頌類顯多劫前中三初三通頌初後次四別頌於初佛得法後一頌中間百佛及後結文

第六

七

爾時善財童子得入此菩薩甚深自在妙音解脫故入無邊三昧海入廣大總持海得菩薩大神通獲菩薩大辯才心大歡喜觀察守護一切城主夜神以偈讚曰已行廣大妙慧海已度無邊諸有海長壽無患智藏身威德

光明住此眾

了達法性如虛空普入三世皆無礙念念攀緣一切境心心求斷諸分別

了達眾生無有性而於眾生起大悲深入如來解脫門廣度羣迷無量眾

第六

七

觀察思惟一切法了知證入諸法性如是修行佛智慧普化眾生令解脫

天是眾主調御師開示如來智慧道普為法界諸舍識說離世間眾怖行

已住如來諸願道已受菩提廣大教已修一

切徧行力已見十方佛自在
 天神心淨如虛空普離一切諸煩惱了知三
 世無量刹諸佛菩薩及眾生
 天神一念悉了知晝夜日月年劫海亦知一
 切眾生類種種名相各差別
 十方眾生生死處有色無色想無想隨順世
 俗悉了知引導使入菩提路
 已生如來誓願家已入諸佛功德海法身清
 淨心無礙隨眾生樂現眾色
 三善財得益雖通由前文亦近由此於中
 先長行叙益後觀察下偈頌慶讚十偈分
 四初一讚福智超絕次四歎悲智甚深念
 念攀緣一切境不礙分別事故心心永斷
 諸分別常契理故又上句約觀下句約止
 即止觀雙運了達無性成無分別而起大

悲成上攀緣攀緣即分別耳不唯屬妄次
 四總顯德圓離障攝益後一成行入位
 時善財童子說此頌已禮夜神足繞無量市
 愍勤瞻仰辭退而去

大方廣佛華嚴經疏鈔會本第七十二之三

音釋

綺 去倚切 文縉也 薩婆若 梵語也此云一髻音計

輓 輓而充切 亦柔也

大方廣佛華嚴經疏鈔會本第七十二 頌七

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子入菩薩甚深自在妙音解脫

門修行增進往詣開敷一切樹華夜神所

頌七

第七開敷一切樹華夜神寄遠行地

寄遠行地

者謂至無相住功用後
透出過世間二乘道故

見其身 在眾寶香樹樓閣之內 妙寶所成師

子座上 百萬夜神所共圍繞 時善財童子頂

禮其足 於前合掌而作是言 聖者我已先發

阿耨多羅三藐三菩提心 而未知菩薩云何

學菩薩行云何得一切智 唯願垂慈為我宣

說

初二可知

夜神言善男子我於此娑婆世界日光已沒

蓮華覆合諸人眾等罷遊觀時見其一切若

山若水若城若野如是等處種種眾生咸悉

發心欲還所住我皆密護令得正道達其處

所宿夜安樂善男子若有眾生盛年好色憍

慢放逸五欲自恣我為示現老病死相令生

恐怖捨離諸惡復為稱歎種種善根使其修

習為慳吝者讚歎布施為破戒者稱揚淨戒

有瞋恚者教住大慈懷惱害者令行忍辱若

懈怠者令起精進若散亂者令修禪定住惡

慧者令學般若樂小乘者令住大乘樂著三

界諸趣中者令住菩薩願波羅蜜若有眾生

福智微劣為諸結業之所逼迫多留礙者令

住菩薩力波羅蜜若有眾生其心闇昧無有

智慧令住菩薩智波羅蜜

第三夜神言下授已法界於中四一顯法

行二立法名三明業用四辨根深今初亦是法門所作業用對先問行故總示其行未舉法門之名於中二先明安樂衆生行後善男子若有下利益衆生行令物斷惡修善故於中先總後爲慳吝下別顯十度

治十蔽障

善男子我已成就菩薩出生廣大喜光明解脫門

第二善男子我已成下立法名此有二意一望前稱已益物悲智之心故生大喜二

者望後照佛攝廣大悲智故生大喜

善財言大聖此解脫門境界云何夜神言善男子入此解脫能知如來普攝衆生巧方便智云何普攝善男子一切衆生所受諸樂皆是如來威德力故順如來教故行如來語故

學如來行故得如來所護力故修如來所印道故種如來所行善故依如來所說法故如來智慧日光之所照故如來性靜業力之所攝故

第三善財言下明業用中先問後答問中

以是業用分齊故云境界答中三初總標謂知佛攝生之智爲業用分齊二云何普攝下略顯普攝之相謂一切佛樂皆由佛得故知佛攝

云何知然善男子我入此出生廣大喜光明

解脫憶念毗盧遮那如來應正等覺往昔所

修菩薩行海悉皆明見

三云何知然下廣顯巧方便智先徵可知後釋意云我見如來從因至果大悲巧攝故知樂由佛生於中二先總明

善男子世尊往昔爲菩薩時見一切衆生著
我我所住無明闇室入諸見稠林爲貪愛所
縛忿怒所壞愚癡所亂慳嫉所纏生死輪迴
貧窮困苦不得值遇諸佛菩薩見如是已起
大悲心利益衆生所謂起願得一切妙寶資
具攝衆生心願一切衆生皆悉具足資生之
物無所乏心於一切衆事離執著心於一切
境界無貪染心於一切所有無慳吝心於一
切果報無希望心於一切榮好無羨慕心於
一切因緣無迷惑心起觀察真實法性心起
救護一切衆生心起深入一切法漩渦心起
於一切衆生住平等大慈心起於一切衆生
行方便大悲心起爲大法蓋普覆衆生心起
以大智金剛杵破一切衆生煩惱障山心起
令一切衆生增長喜樂心起願一切衆生究

竟安樂心起隨衆生所欲雨一切財寶心起
以平等方便成熟一切衆生心起令一切衆
生滿足聖財心起願一切衆生究竟皆得十
力智果心

後善男子世尊往昔下別顯於中亦二先
發善巧普攝之心後起善巧普攝之行前
中亦二先見發心之境沈苦集故後見如
是下正發救心令得滅道於中先並起慈
悲心後起觀察下雙運悲智

起如是心已得菩薩力現大神變徧法界虛
空界於一切衆生前普雨一切資生之物隨
其所欲悉滿其意皆令歡喜不悔不悋無間
無斷以是方便普攝衆生教化成熟皆令得
出生死苦難不求其報淨治一切衆生心寶
令其生起一切諸佛同一善根增一切智福

德大海菩薩如是念念成熟一切衆生念念
嚴淨一切佛刹念念普入一切法界念念皆
悉徧虛空界念念普入一切三世念念成就
調伏一切諸衆生智念念恒轉一切法輪念
念恒以一切智道利益衆生念念普於一切
世界種種差別諸衆生前盡未來劫現一切
佛成等正覺念念普於一切世界一切諸劫
修菩薩行不生二想所謂普入一切廣大世
界海一切世界種中種種際畔諸世界種種
莊嚴諸世界種種體性諸世界種種形狀諸
世界種種分布諸世界或有世界穢而兼淨
或有世界淨而兼穢或有世界一向雜穢或
有世界一向清淨或小或大或麤或細或正
或側或覆或仰如是一切諸世界中念念修
行諸菩薩行入菩薩位現菩薩力亦現三世

頌七

五

一切佛身隨衆生心普使知見

二起如是心已下起普攝行中亦二先別
明利益衆生行後善男子毗盧遮那下雜
明種種行前中三初舉攝生行體次以是
方便下明攝生本意後菩薩如是念念下

辨攝生周徧即廣大義

善男子毗盧遮那如來於過去世如是修行
菩薩行時見諸衆生不修功德無有智慧著
我我所無明翳障不正思惟入諸邪見不識
因果順煩惱業墮於生死險難深坑具受種
種無量諸苦起大悲心具修一切波羅蜜行
爲諸衆生稱揚讚歎堅固善根令其安住遠
離生死貧窮之苦勤修福智助道之法爲說
種種諸因果門爲說業報不相違及爲說於
法證入之處爲說一切衆生欲解及說一切

受生國土令其不斷一切佛種令其守護一切佛教令其捨離一切諸惡又爲稱讚趣一切智助道之法令諸衆生心生歡喜令行法施普攝一切令其發起一切智行令其修學諸大菩薩波羅蜜道令其增長成一切智諸善根海令其滿足一切聖財令其得入佛自在門令其攝取無量方便令其觀見如來威德令其安住菩薩智慧

二雜明種種行中二先明觀機彰苦集無涯後起大悲心下顯修行無量於中三初總明化益次爲說種種下別明化法後令諸衆生下總結化意

善財童子言聖者發阿耨多羅三藐三菩提心其已久如夜神言善男子此處難信難知難解難入難說一切世間及以二乘皆不能

知唯除諸佛神力所護善友所攝集勝功德欲樂清淨無下劣心無雜染心無諂曲心得普照耀智光明心發普饒益諸衆生心一切煩惱及以衆魔無能壞心起必成就一切智心不樂一切生死樂心能求一切諸佛妙樂能滅一切衆生苦惱能修一切佛功德海能觀一切諸法實性能具一切清淨信解能超一切生死暴流能入一切如來智海能決定到無上法城能勇猛入如來境界能遠疾趣諸佛地位能即成就一切智力能於十力已得究竟如是之人於此能持能入能了何以故此是如來智慧境界一切菩薩尚不能知況餘衆生

第四善財童子言下辦法根深先問後答答中二先歎深許說二乃往下承力正酬

前中二先長行亦二先歎深難知後承力
許說前中四一標難知非唯久遠難知抑
亦當時發心已得深法滿佛境故況無久
近相非常見聞故難信非聞慧境故難知
非思修故難解難入上皆心緣處滅故難
說者言語道斷故二一切下顯不知人三
唯除下揀去能知即善財之類四何以故
下徵釋所以以是佛境故權教菩薩尚不
能知況前劣耶

然我今者以佛威力欲令調順可化衆生意
速清淨欲令修習善根衆生心得自在隨汝
所問爲汝宣說

二然我今下承力許說

爾時開敷一切樹華夜神欲重明其義觀察
三世如來境界而說頌言

佛子女所問甚深佛境界難思剎塵劫說之
不可盡

後爾時下偈頌二十一偈分二初十九偈
頌歎深難說後二偈頌承力爲說前中四
初一偈頌標深難說

非是貪恚癡憍慢惑所覆如是衆生等能知
佛妙法非是住慳嫉諂誑諸濁意煩惱業所
覆能知佛境界非著蘊界處及計於有身見
倒想倒人能知佛所覺

二有三偈頌不知人

佛境界寂靜性淨離分別非著諸有者能知
此法性

三有一偈超頌前釋以是佛境故惑者不
知

生於諸佛家爲佛所守護持佛法藏者智眼

之境界親近善知識愛樂白淨法勤求諸佛
力聞此法歡喜心淨無分別猶如太虛空慧
燈破諸闇是彼之境界以大慈悲意普覆諸
世間一切皆平等是彼之境界歡喜心無著
一切皆能捨平等施衆生是彼之境界心淨
離諸惡究竟無所悔順行諸佛教是彼之境
界了知法自性及以諸業種其心無動亂是
彼之境界勇猛勤精進安住心不退勤修一
切智是彼之境界

其心寂靜住三昧究竟清涼無熱惱已修一

切智海因此證悟者之解脫

善知一切真實相深入無邊法界門普度羣
生靡有餘此慧燈者之解脫

了達衆生真實性不著一切諸有海如影普
現心水中此正道者之解脫

願七

八

從於一切三世佛方便願種而出生盡諸劫
剎勤修行此普賢者之解脫
普入一切法界門悉見十方諸剎海亦見其
中劫成壞而心畢竟無分別
法界所有微塵中悉見如來坐道樹成就菩

提化羣品此無礙眼之解脫

四有十四偈總頌揀去能知

汝於無量大劫海親近供養善知識爲利羣
生求正法聞已憶念無遺忘

毗盧遮那廣大境無量無邊不可思我承佛

力爲汝說令汝深心轉清淨

次第頌前佛力所護等恐繁不配說者隨

且

善男子乃往古世過世界海微塵數劫有世
界海名普光明真金摩尼山其世界海中有

佛出現名普照法界智慧山寂靜威德王善男子其佛往修菩薩行時淨彼世界海其世界海中有世界微塵數世界種一一世界種有世界微塵數世界一一世界皆有如來出興於世一一如來說世界海微塵數修多羅一一修多羅授佛刹微塵數諸菩薩記現種種神力說種種法門度無量衆生

第二承力正酬中二先長行亦二先正說後結會古今前中四初總顯發心時處佛與二善男子彼普光明下別舉本生時處三其中有王下明發心勝緣四時此會中有童女下正顯發心本事

善男子彼普光明真金摩尼山世界海中有世界種名普莊嚴幢此世界種中有世界名一切寶色普光明以現一切化佛影摩尼王

爲體形如天城以現一切如來道場影像摩尼王爲其下際住一切寶華海上淨穢相雜此世界中有須彌山微塵數四天下有一四天下最處其中名一切寶山幢其四天下有一縱廣十萬由旬一一各有一萬大城其閻浮提中有一王都名堅固妙寶莊嚴雲燈一萬大城周匝圍繞閻浮提人壽萬歲時

初二可知

其中有王名一切法音圓滿蓋有五百大臣六萬采女七百王子其諸王子皆端正勇健有大威力爾時彼王威德普被閻浮提內無有冤敵

三中有四初明大王治化即鐵輪王故云閻浮

時彼世界劫欲盡時有五濁起一切人衆壽

命短促資財之少形色鄙陋多苦少樂不修
 十善專作惡業更相忿諍互相毀辱離他眷
 屬妬他榮好任情起見非法貪求以是因緣
 風雨不時苗稼不登園林草樹一切枯槁人
 民匱乏多諸疫病馳走四方靡所依怙

二時彼世界下五濁為因感三災果壽命

短促即命濁資財下眾生濁不修下煩惱

濁任情下見濁劫濁則通

五濁為因感三災果者三災有二一三災謂飢饉疾疫刀兵謂七年七月七日止謂各是一七二大三災謂水火風壞於器界今此是前經文具云初明飢

以天不降澤故二多諸疫病即疾疫也

三馳走四方靡所依怙義兼刀兵然三災復有二義一約劫欲盡時人壽十歲等二

者少分往往多起

今此約少分災耳

咸來共繞王都大城無量無邊百千萬億四
 面周匝高聲大呼或舉其手或合其掌或以
 頭扣地或以手捶胸或屈膝長號或踊身大

願七

十一

叫頭髮蓬亂衣裳弊惡皮膚皴裂面目無光
 而向王言大王大王我等今者貧窮孤露飢
 渴寒凍疾病衰羸眾苦所逼命將不久無依
 無救無所控告我等今者來歸大王我觀大
 王仁慈智慧於大王所生得安樂想得所愛

想得活命想得攝受想得寶藏想遇津梁想
 逢道路想值船筏想見寶洲想獲財利想升
 天宮想

三咸來共繞下悲境現前

爾時大王聞此語已得百萬阿僧祇大悲門
 一心思惟發十種大悲語其十者何所謂哀
 哉眾生墮於無底生死大坑我當云何而速
 勉濟令其得住一切智地

四爾時大王下正明起行於中二先深起

大悲

先深起大悲者此悲心與第二地中集果多同初一總明謂三求眾生皆

摩無底生死淨
坑難免出故

哀哉衆生爲諸煩惱之所逼迫我當云何而
作救護令其安住一切善業

餘九爲別又分爲二初一解邪理外推求
總名爲邪機計世間常樂我淨起貪等惑
故令住
善業

哀哉衆生老病死之所恐怖我當云何爲
作歸依令其永得身心安隱哀哉衆生常爲
世間衆怖所逼我當云何而爲祐助令其得
住一切智道哀哉衆生無有智眼常爲身見
疑惑所覆我當云何爲作方便令其得決疑

見翳膜

餘八行邪於中別顯三求衆生即分爲三
初五悲欲求衆生初二悲有求衆生後一
悲邪梵行求衆生初二悲未得五欲追求生
五欲受用生過後二悲不共財衆生欲資
過前中即爲三別一悲不共財衆生欲資
身命爲生老等苦之所逼迫而不得安令
不著財則心安矣二悲受無財衆生內心
難滿恐得惡名怖失財利故令得佛因三
願七
十二

悲貯積財衆生不能了達財多揭
多名無智眼決其疑見即爲方便

哀哉衆生常爲癡闇之所迷惑我當云何爲
作明炬令其照見一切智城哀哉衆生常爲
慳嫉諂誑所濁我當云何而爲開曉令其證
得清淨法身

後中癡闇所迷下二門悲未得五欲追求
生過前三悲其所惑此二悲其造業前門
悲求後報造有漏善如夜暗行迷失道路
當示慧炬後門悲求現報造諸惡行慳已
所有嫉他勝已諂誑求財諸惑
濁亂若絕諸惡則法身清淨

哀哉衆生長時漂沒生死大海我當云何而
普運度令其得上菩提彼岸哀哉衆生諸根

剛彊難可調伏我當云何而爲調御令其具
足諸佛神力

第二長時漂溺下二門悲有求衆生前門
即道差別謂五道循環藏漂溺惑苦大
海故令昇彼岸後門即界差別謂眼等諸
根六塵等章不得自在無有出期以佛威
神引之
令出

哀哉衆生猶如盲瞽不見道路我當云何而為引導令其得入一切智門

第三以第十門悲邪梵行求衆生行不正道迷無我理隨逐邪見乃至九十五種別故引入智門上十悲中皆有所對能治畧以顯示餘如二地

作是語已擊鼓宣令我今普施一切衆生隨

四七

十三

有所須悉令充足即時頒下閻浮提內大小諸城及諸聚落悉開庫藏出種種物置四衢道所謂金銀瑠璃摩尼等寶衣服飲食華香瓔珞宮殿屋宅牀榻敷具建大光明摩尼寶幢其光觸身悉使安隱亦施一切病緣湯藥種種寶器盛衆雜寶金剛器中盛種種香寶香器中盛種種衣輦輦車乘幢幡繪蓋如是一切資生之物悉開庫藏而以給施亦施一切村營城邑山澤林藪妻子眷屬及以王位頭目耳鼻脣舌牙齒手足皮肉心腎肝肺內

外所有悉皆能捨其堅固妙寶莊嚴雲燈城東面有門名摩尼山光明於其門外有施會處其地廣博清淨平坦無諸坑坎荆棘沙磧一切皆以妙寶所成散衆寶華熏諸妙香然諸寶燈一切香雲充滿虛空無量寶樹次第行列無量華網無量香網彌覆其上無量百千億那由他諸音樂器恒出妙音如是一切皆以妙寶而為莊嚴悉是菩薩淨業果報於彼會中置師子座十寶為地十寶欄楯十種寶樹周而圍繞金剛寶輪以承其下以一切寶為龍神像而共捧持種種寶物以為嚴飾幢幡間列衆網覆上無量寶香常出香雲種種寶衣處處分布百千種樂恒奏美音復於其上張施寶蓋常放無量寶燄光明如閻浮金藏然清淨覆以寶網垂諸瓔珞摩尼寶帶

周迴闍列種種寶鈴恒出妙音勸諸衆生修
行善業時彼大王處師子座形容端正人相
具足光明妙寶以爲其冠那羅延身不可沮
壞一一肢分悉皆圓滿性普賢善王種中生
於財及法悉得自在辯才無礙智慧明達以
政治國無違命者爾時閻浮提無量無數百
千萬億那由他衆生種種國土種種族類種
種種形貌種種衣服種種言辭種種欲樂俱來
此會觀察彼王咸言此王是大智人是福須
彌是功德月住菩薩願行廣大施時王見彼
諸來乞者生悲愍心生歡喜心生尊重心生
善友心生廣大心生相續心生精進心生不
退心生捨施心生周徧心善男子爾時彼王
見諸乞者心大歡喜經須臾頃假使忉利天
王夜摩天王兜率陀天王盡百千億那由他

願七

一四

劫所受快樂亦不能及善化天王於無數劫
所受快樂自在天王於無量劫所受快樂大
梵天王於無邊劫所受梵樂光音天王於難
思劫所受天樂徧淨天王於無盡劫所受天
樂淨居天王不可說劫住靜寂樂悉不能及
善男子譬如有人仁慈孝友遭逢世難父母
妻息兄弟姊妹並皆散失忽於曠野道路之
間而相值遇瞻奉撫對情無厭足時彼大王
見來求者心生歡喜亦復如是善男子其王
爾時因善知識於佛菩提解欲增長諸根成
就信心清淨歡喜圓滿何以故此菩薩勤修
諸行求一切智願得利益一切衆生願獲菩
提無量妙樂捨離一切諸不善心常樂積集
一切善根常願救護一切衆生常樂觀察薩
婆若道常樂修行一切智法滿足一切衆生

願七

十五

所願入一切佛功德大海破一切魔業惑障
山隨順一切如來教行行一切智無障礙道
已能深入一切智流一切法流常現在前大
願無盡爲大丈夫住大人法積集一切普門
善藏離一切著不染一切世間境界知諸法
性猶如虛空於來乞者生一子想生父母想
生福田想生難得想生恩益想生堅固想師
想佛想不簡方處不擇族類不選形貌隨有
來至如其所欲以大慈心平等無礙一切普
施皆令滿足求飲食者施與飲食求衣服者
施與衣服求香華者施與香華求鬘蓋者施
與鬘蓋幢幡瓔珞宮殿園苑象馬車乘牀座
被褥金銀摩尼諸珍寶物一切軍藏及諸眷
屬城邑聚落皆悉如是普施衆生
後作是語已下廣行大施於中八一施令

彌布二其堅固下施會大敷三時彼大王
下施主超倫四爾時閻浮下施田雲集五
時王見彼下施心殷重六善男子其王爾
時下施願廣深七已能深入下施慧玄微
八不揀方下施時均普

時此會中有長者女名寶光明與六十童女
俱端正殊妙人所喜見皮膚金色目髮紺青
身出妙香口演梵音上妙寶衣以爲莊嚴常
懷慚愧正念不亂具足威儀恭敬師長常念
順行甚深妙行所聞之法憶持不忘宿世善
根流潤其心清淨廣大猶如虛空等安衆生
常見諸佛求一切智時寶光明女去王不遠
合掌頂禮作如是念我獲善利我獲善利我
今得見大善知識於彼王所生大師想善知
識想具慈悲想能攝受想其心正直生大歡

願七

十六

喜脫身瓔珞持奉彼王作是願言今此大王
爲無量無邊無明衆生作所依處願我未來
亦復如是如彼大王所知之法所載之乘所
修之道所具色相所有財產所攝衆會無邊
無盡難勝難壞願我未來悉得如是隨所生
處皆隨往生爾時大王知此童女發如是心
而告之言童女隨汝所欲我皆與汝我今所
有一切皆捨令諸衆生普得滿足

第四正顯發心本事中六一發心身德二

時寶光明女下正發大心同王心故三爾
時大王下王發攝言四時寶光明下女讚
王德五時彼大王下大王述讚六王讚女
已下施行攝持六中前三可知

時寶光明女信心清淨生大歡喜即以偈頌
而讚王言往昔此城邑大王未出時一切不

讚七

十七

可樂猶如餓鬼處衆生相殺害竊盜縱姪佚
兩舌不實語無義麤惡言貪愛他財物瞋恚
懷毒心邪見不善行命終墮惡道以是等衆
生愚癡所覆蔽住於顛倒見天旱不降澤以
無時雨故百穀悉不生草木皆枯槁泉流亦
乾竭大王未興世津池悉枯涸園苑多骸骨
望之如曠野大王升寶位廣濟諸羣生油雲
被八方普雨皆充洽大王臨廢品普斷諸暴
虐刑獄皆止措熒獨悉安隱往昔諸衆生各
各相殘害飲血而啜肉今悉起慈心往昔諸
衆生貧窮少衣服以草自遮蔽飢羸如餓鬼
大王旣興世粳米自然生樹中出妙衣男女
皆嚴飾昔日競微利非法相陵奪今時並豐
足如遊帝釋園昔時人作惡非分生貪染他
妻及童女種種相侵逼今見他婦人端正妙

嚴飾而心無染著猶如知足天昔日諸眾生
妄言不真實非法無利益諛曲取人意今日
羣生類悉離諸惡言其心既柔輒發語亦調
順昔日諸眾生種種行邪法合掌恭敬禮牛
羊犬豚類今聞王正法悟解除邪見了知苦
樂報悉從因緣起大王演妙音聞者皆欣樂
梵釋音聲等一切無能及大王衆寶蓋迴處
虛空中擊以瑠璃幹覆以摩尼網金鈴自然
出如來和雅音宣揚微妙法除滅衆生惑次
復廣演說十方諸佛刹一切諸劫中如來并
眷屬又復次第說過去十方刹及彼國土中
一切諸如來又出微妙音普徧閻浮界廣說
人天等種種業差別衆生聽聞已自知諸業
藏離惡勤修行迴向佛菩提

四女讚中三初標心淨次發口言後展身

頌七

十八

禮口言偈中五十二偈分二初二十五偈
總顯王德後王父下二十七偈顯王本生
前中有四初六偈明王未興時損次二偈
明王興世之益三有十偈翻損成德即翻
十惡四有七偈明依正難思

王父淨光明王母蓮華光五濁出現時處位
治天下時有廣大園園有五百池一一千樹
繞各各華彌覆於其池岸上建立千柱堂欄
楯等莊嚴一切無不備末世惡法起積年不
降雨池流悉乾竭草樹皆枯槁王生七日
前
先現靈瑞相見者咸心念救世今當出爾時
於中夜大地六種動有一寶華池光明猶日
現五百諸池內功德水充滿枯樹悉生枝華
葉皆榮茂池水既盈滿流演一切處普及閻
浮地靡不皆霑洽藥草及諸樹百穀苗稼等

枝葉華果實一切皆繁盛溝坑及埴阜種種
高下處如是一切地莫不皆平坦荆棘沙礫
等所有諸雜穢皆於一念中變成眾寶玉眾
生皆是已歡喜而讚歎咸言得善利如渴飲
美水時彼光明王眷屬無量眾僉然備法駕

頌七

十九

遊觀諸園苑五百諸池內有池名慶喜池上
有法堂父王於此住先王語夫人我念七夜
前中宵地震動此中有光現時彼華池內千
葉蓮華出光如千日照上徹須彌頂金剛以
爲莖閻浮金爲臺眾寶爲華葉妙香作鬚藥

王生彼華上端身結跏坐相好以莊嚴天神
所恭敬先王大歡喜入池自撫鞠持以授夫
人汝子應欣慶寶藏皆涌出寶樹生妙衣天
樂奏美聲充滿虛空中一切諸眾生皆生大
歡喜合掌稱希有善哉救護世王時放身光

普照於一切能令四天下闇盡病除滅夜叉
毗舍闍毒蟲諸惡獸所欲害人者一切自藏
匿惡名失善利橫事病所持如是眾苦滅一
切皆歡喜凡是眾生類相視如父母離惡起
慈心專求一切智關閉諸惡趣開示人天路

宣揚薩婆若度脫諸羣生我等見大王普獲
於善利無歸無導者一切悉安樂

後顯王本生中四初四偈明先王世末次
八偈明王興先相三有七偈正顯誕生四
有八偈生後之益

爾時寶光明童女以偈讚歎一切法音圓滿
蓋王已繞無量而合掌頂禮曲躬恭敬却侍
一面時彼大王告童女言善哉童女汝能信
知他人功德是爲希有童女一切眾生不能
信知他人功德童女一切眾生不知報恩無

有智慧其心濁亂性不明了本無志力又退修行如是之人不信不知菩薩如來所有功德神通智慧童女汝今決定求趣菩提能知菩薩如是功德汝今生此闍浮提中發勇猛心普攝衆生功不唐捐亦當成就如是功德

王讚女已願七以無價寶衣手自授與寶光童女

并其眷屬一一告言汝著此衣時諸童女雙膝著地兩手承捧置於頂上然後而著既著衣已右繞於王諸寶衣中普出一切星宿光明衆人見之咸作是言此諸女等皆悉端正如淨夜天星宿莊嚴

身體及王讚述等可知

善男子爾時一切法音圓滿蓋王者豈異人乎今毗盧遮那如來應正等覺是也光明王者淨飯王是蓮華光夫人者摩耶夫人是寶

光童女者即我身是其王爾時以四攝法所攝衆生即此會中一切菩薩是皆於阿耨多羅三藐三菩提得不退轉或住初地乃至十地具種種大願集種種助道修種種妙行備種種莊嚴得種種神通住種種解脫於此會中處於種種妙法宮殿

第二善男子爾時一切下結會古今

爾時開敷一切樹華主夜神爲善財童子欲重宣此解脫義而說頌言

我有廣大眼普見於十方一切刹海中五趣

輪迴者亦見彼諸佛菩提樹下坐神通徧十

方說法度衆生我有清淨耳普聞一切聲亦

聞佛說法歡喜而信受我有他心智無二無

所礙能於一念中悉了諸心海我得宿命智

能知一切劫自身及他人分別悉明了我於

鞠	也	咸	客	侯	切	戶
音	莖	庚	庚	切	皆	皆
也	戶	切	切	坑	獨	獨
匿	耕	切	切	切	獨	獨
隱	也	切	切	切	無	無
也	髮	切	切	切	弟	弟
唐	髮	切	切	切	凡	凡
捐	音	切	切	切	也	也
捐	須	切	切	切	聚	聚
徒	外	切	切	切	土	土
葉	日	切	切	切	也	也
也	萼	切	切	切	也	也
	內	切	切	切	僉	僉
	日	切	切	切	然	然
	蔡	切	切	切	廉	廉
	如	切	切	切	切	切
	壘	切	切	切	溝	溝
		切	切	切	坑	坑
		切	切	切	古	古

大方廣佛華嚴經疏鈔會本第七十三 頌八

唐于闐國三藏沙門實叉難陀 譯

唐清涼山大華嚴寺沙門澄觀撰述

爾時善財童子往大願精進力救護一切衆

生夜神所

頌八

第八大願精進力夜神寄不動地無功用

道任大願風普救護故寄第八不動地者謂無分別智以運

相續相用煩惱不能動故第一依教趣求畧無念法亦

表無功離念故

見彼夜神在大衆中坐普現一切宮殿摩尼

王藏師子之座普現法界國土摩尼寶網彌

覆其上

第二見彼夜神下見敬諮問然亦含二意

若約顯說則自此盡偈皆第二段至夜神

答言下方屬第三授已法界若約密授則

此現勝用已為授已法界善財發同善友

心便已得益義雖通二為欲順文且依前

判就文分三初見勝用次時善財童子下

設敬證入後爾時善財說此偈已下諮問

法要今初先總見所依

現日月星宿影像身現隨衆生心普令得見

身現等一切衆生形相身現無邊廣大色相

海身現普現一切威儀身現普於十方示現

身現普調一切衆生身現廣運速疾神通身

現利益衆生不絕身現常遊虛空利益身現

一切佛所頂禮身現修習一切善根身現受

持佛法不忘身現成滿菩薩大願身現光明

充滿十方身現法燈普滅世間身現了法如

幻淨智身現遠離塵闇法性身現普智照法

明了身現究竟無患無熱身現不可沮壞堅

固身現無所住佛力身現無分別離染身現
本清淨法性身

後現日月下別顯身相有二十四身初十
即應機攝化身次現一切佛所下六身是
應法成行身餘是離障契理身多隨內德

顯身差別見身了心

類八

二

時善財童子見如是等佛刹微塵數差別身
一心頂禮舉體投地良久乃起合掌瞻仰於
善知識生十種心何等爲十所謂於善知識
生同已心令我精勤辦一切智助道法故於
善知識生清淨自業果心親近供養生善根
故於善知識生莊嚴菩薩行心令我速能莊
嚴一切菩薩行故於善知識生成就一切佛
法心誘誨於我令修道故於善知識生能生
心能生於我無上法故於善知識生出離心

令我修行普賢菩薩所有行願而出離故於
善知識生具一切福智海心令我積集諸白
法故於善知識生增長心令我增長一切智
故於善知識生具一切善根心令我志願得
圓滿故於善知識生能成辦大利益心令我
自在安住一切菩薩法故成一切智道故得
一切佛法故是爲十

二設敬證入中四第一設敬陳禮第二於
善知下發增勝心第三發是心已下深證
懸同第四既獲此已下以偈慶讚初二可
知

類

三

發是心已得彼夜神與諸菩薩佛刹微塵數
同行

三中有標釋結今初由前起同已等十心
故得同善友等行通論同有四義一人法

無二與一切法界同二因果無二與一切諸佛同三自他無二與一切菩薩同四深淨無二與一切衆生同今云得彼夜神與諸菩薩同菩薩行則正是第三義兼餘三由見初故則不殊餘二方爲究竟之同良

以八地證無生理自他相作皆無礙故偏

此明同故下列中有無生忍今初由前起同已者疏文

有三初得同之因二同有四義下示同之相言由見初故不殊餘仁者謂由證見法界體同故上同諸佛下同衆生云不殊餘二則於菩薩爲究竟之同三良以八地下偏說此文明同之由

所謂同念心常憶念十方三世一切佛故同慧分別決了一切法海差別門故同趣能轉一切諸佛如來妙法輪故同覺以等空智普入一切三世間故同根成就菩薩清淨光明智慧根故同心善能修習無礙功德莊嚴一

切菩薩道故同境普照諸佛所行境故同證得一切智照實相海淨光明故同義能以智慧了一切法真實性故同勇猛能壞一切障礙山故同色身隨衆生心示現身故同力求一切智不退轉故同無畏其心清淨如虛空故同精進於無量劫行菩薩行無懈倦故同辯才得法無礙智光明故同無等身相清淨超世間故同愛語令一切衆生皆歡喜故同妙音普演一切法門海故同滿音一切衆生隨類解故同淨德修習如來淨功德故同智地一切佛所受法輪故同梵行安住一切佛境界故同大慈念念普覆一切國土衆生海故同大悲普雨法雨潤澤一切諸衆生故同身業以方便行教化一切諸衆生故同語業以隨類音演說一切諸法門故同意業普攝

衆生置一切智境界中故同莊嚴嚴淨一切
諸佛刹故同親近有佛出世皆親近故同勸
請請一切佛轉法輪故同供養常樂供養一
切佛故同教化調伏一切諸衆生故同光明
照了一切諸法門故同三昧普知一切衆生
心故同充徧以自在力充滿一切諸佛刹海
修諸行故同住處住諸菩薩大神通故同眷
屬一切菩薩共止住故同入處普入世界微
細處故同心慮普知一切諸佛刹故同往詣
普入一切佛刹海故同方便悉現一切諸佛
刹故同超勝於諸佛刹皆無比故同不退普
入十方無障礙故同破闇得一切佛成菩提
智大光明故同無生忍入一切佛衆會海故
同徧一切諸佛刹網恭敬供養不可說刹諸
如來故同智證了知彼彼法門海故同修行

順行一切諸法門故同希求於清淨法深樂
欲故同清淨集佛功德而以莊嚴身口意故
同妙意於一切法智明了故同精進普集一
切諸善根故同淨行成滿一切菩薩行故同
無礙了一切法皆無相故同善巧於諸法中
智自在故同隨樂隨衆生心現境界故同方
便善習一切所應習故同護念得一切佛所
護念故同入地得入一切菩薩地故同所住
安住一切菩薩位故同記別一切諸佛授其
記故同三昧一刹那中普入一切三昧門故
同建立示現種種諸佛事故同正念正念一
切境界門故同修行盡未來劫修行一切菩
薩行故同淨信於諸如來無量智慧極欣樂
故同捨離滅除一切諸障礙故同不退智與
諸如來智慧等故同受生應現成熟諸衆生

故同所住住一切智方便門故同境界於法
界境得自在故同無依永斷一切所依心故
同說法已入諸法平等智故同勤修常蒙諸
佛所護念故同神通開悟衆生令修一切菩
薩行故同神力能入十方世界海故同陀羅
尼普照一切總持海故同祕密法了知一切
修多羅中妙法門故同甚深法解一切法如
虛空故同光明普照一切諸世界故同欣樂
隨衆生心而爲開示令歡喜故同震動爲諸
衆生現神通力普動十方一切刹故同不虛
見聞憶念皆悉令其心調伏故同出離滿足
一切諸大願海成就如來十力智故
二所謂下列釋八十四同各有標名釋義
文相自顯
時善財童子觀察大願精進力救護一切衆

生夜神起十種清淨心獲如是等佛刹微塵
數同菩薩行

三時善財童子觀察下總結

既獲此已心轉清淨偏袒右肩頂禮其足一
心合掌以偈讚曰

我發堅固意志求無上覺今於善知識而起
自己心以見善知識集無盡白法滅除衆罪
垢成就菩提果我見善知識功德莊嚴心盡
未來刹劫勤修所行道我念善知識攝受饒
益我爲我悉示現正教真實法關閉諸惡趣
顯示人天路亦示諸如來成一切智道我念
善知識是佛功德藏念念能出生虛空功德
海與我波羅蜜增我難思福長我淨功德令
我冠佛繪我念善知識能滿佛智道誓願常
依止圓滿白淨法我以此等故功德悉具足

普為諸眾生說一切智道聖者為我師與我無上法無量無數劫不能報其恩

第四以偈慶讚十偈分三初八頌前發增

勝心次第頌前十句初六偈各頌一句第

七偈上三句頌第七下句頌第八第八偈

上半頌第九下半頌第十二有一偈頌前

深證懸同三一偈頌荷恩深重

爾時善財說此偈已白言大聖願為我說此

解脫門名為何等發心已來為幾時耶久如

當得阿耨多羅三藐三菩提

第三諮問法要前已觀解脫之用故不問

云何修行直徵名而已文有三問

夜神告言善男子此解脫門名教化眾生令

生善根

第三夜神告言下授已法界前即默授令

方言授於中二初答名問後答發心久近

所以不答第三成菩提者有二意故一顯

悲增如休捨說二顯久成示居因位故下

所救千佛尚已久成況能救耶故下所救千佛等者

法華經如來壽量品云我實成佛已來經無量無邊不可思議阿僧祇劫故前

中二先標名謂現身廣化令生諸善究竟

得佛故名為根

我以成就此解脫故悟一切法自性平等入

於諸法真實之性證無依法捨離世間悉知

諸法色相差別亦能了達青黃赤白性皆不

實無有差別

後我以成就下顯其業用謂契理之用故

用而無涯動寂無二於中三初明內契理

事初明內契理事者此義全同十通中一切色身智通前已廣說故但畧科總出其意今當重說由內證實故外現色所以起信論云問曰若諸佛法身離於色相者

起信論云問曰若諸佛法身離於色相者

云何能現色相答曰即此法身是色體故
能現於色所謂從本已來色心不二以色
性即智性故說名法身通一切處所現之
即色性故說名法身通一切處所現之
無有分齊隨心能示十方世界無量善
無量報身無量莊嚴各各差別皆無分
而不相妨此非心識分別能知以真如
在用義故釋曰彼雖約佛今此位極大
佛也次釋經文又此三段初明內契理
明色即空二明大用廣現色身者空即色

八

故後結深廣不礙悲故今初由了法界無
定實色舉體即空而非斷空中無色不
礙色故存亡隱顯皆自在故方能隨樂現
種種色故先明其內契事理經中先明證
實離相後雙了性相今初悟一切法自性
平等者此句總明云何平等次云入於諸
法真實之性故謂真實性中無差別相無
種種相無無量相萬法一如何有不等此
真實性依何立故復次明證無依法所謂
不依於色不依於空若萬法依空空無所
依今萬法依真真無所依即無依法門故
捨離世間世間即有種種差別斯則性尚
不立何況於相亦不依空立色亦不依色
立空亦無異無不異無即無不即不見不
絕強名內證後悉知諸法色相差別下
了性相初明了性相即空故後亦能了達
下此明了性相即空故又上句空中無空
下句空中無色又上句空中無空下句空
能容色又上句空中無色又上句空中無
下句空中無空無障無礙

第一三六册 大方廣佛華嚴經疏妙會本 一五·一五五七

而恒示現無量色身所謂種種色身非一色
身無邊色身清淨色身一切莊嚴色身普見
色身等一切眾生色身普現一切眾生前色
身光明普照色身見無厭足色身相好清淨
色身離眾惡光明色身示現大勇猛色身甚

難得色身一切世間無能映蔽色身一切世
間共稱歎無盡色身念念常觀察色身示現
種種雲色身種種形顯色色身現無量自在
力色身妙光明色身一切淨妙莊嚴色身隨
順成熟一切眾生色身隨其心樂現前調伏

八

九

色身無障礙普光明色身清淨無濁穢色身
具足莊嚴不可壞色身不思議法方便光明
色身無能映奪一切色身無諸闍破一切闍
色身集一切白淨法色身大勢力功德海色
身從過去恭敬因所生色身如虛空清淨心

八二三 龍藏

所生色身最勝廣大色身無斷無盡色身光明海色身於一切世間無所依平等色身徧十方無所礙色身念念現種種色相海色身增長一切衆生歡喜心色身攝取一切衆生海色身一一毛孔中說一切佛功德海色身淨一切衆生欲解海色身決了一切法義色身無障礙普照耀色身等虛空淨光明色身放廣大淨光明色身照現無垢法色身無比色身差別莊嚴色身普照十方色身隨時示現應衆生色身寂靜色身滅一切煩惱色身一切衆生福田色身一切衆生見不虛色身大智慧勇猛力色身無障礙普徧色身妙身雲普現世間皆蒙益色身具足大慈海色身大福德寶山王色身放光明普照世間一切趣色身大智慧清淨色身生衆生正念心

色身一切寶光明色身普光藏色身現世間種種清淨相色身求一切智處色身現微笑令衆生生淨信色身一切寶莊嚴光明色身不取不捨一切衆生色身無決定無究竟色身現自在加持力色身現一切神通變化色身生如來家色身遠離衆惡徧法界海色身普現一切如來道場衆會色身具種種衆色海色身從善行所流色身隨所應化示現色身一切世間見無厭足色身種種淨光明色身現一切三世海色身放一切光明海色身現無量差別光明海色身超諸世間一切香光明色身現不可說日輪雲色身現廣大月輪雲色身放無量須彌山妙華雲色身出種種鬘雲色身現一切寶蓮華雲色身與一切燒香雲徧法界色身散一切末香藏雲色身

現一切如來大願身色身現一切語言音聲
演法海色身現普賢菩薩像色身

二而恒下明大用無涯畧顯九十八種色
身并初後標結即為百身起信等論明八
地當色自在故此廣辨色身種種約其

類別非一約一類而多餘可思準一而恒下明無

涯大用若經中初句云而能示現無量色
身者標前起後故云而能由上空不礙色
故能現色又若以色為色不能現色今即
色非色故無不現又即空之色方為妙色
故躡上明色空不二成上真空不二而二
斯為妙色色空融即為真法界緣起無盡
即一現多起信等論明八地當色自在者
起信云四者現色不相應染依色自在者

能離故釋曰何以得知論是八地前有七
地後有九故言等論者等取瑜伽等即上
八地由證無生絕色累故得十自在
在十身相作如影普現皆色自在

念念中現如是等色相身充滿十方令諸眾
生或見或念或聞說法或因親近或得開悟
或見神通或觀變化悉隨心樂應時調伏捨

顯八

十一

不善業住於善行善男子當知此由大願力
故一切智力故菩薩解脫力故大悲力故大
慈力故作如是事善男子我入此解脫了知
法性無有差別而能示現無量色身一一身
現無量色相海一一相放無量光明雲一一
光現無量佛國土一一土現無量佛與世一
一佛現無量神通力開發眾生宿世善根未
種者令種已種者令增長已增長者令成熟
念念中令無量眾生於阿耨多羅三藐三菩
提得不退轉

三念念中現下總結深廣於中四一結所
作之業二善男子當知下結能現所因三
善男子我入下雙結寂用無礙四一一身
下結成深廣

善男子如汝所問從幾時來發菩提心修善

薩行如是之義承佛神力當爲汝說

- 第二善男子如汝所問下答發心久近中
- 二初歎深許說後正答所問前中三初牒問許說二善男子菩薩智輪下歎法甚深
- 三佛子菩薩智輪雖復下結承力說

善男子菩薩智輪遠離一切分別境界不可
以生死中長短染淨廣狹多少如是諸劫分
別顯示何以故菩薩智輪本性清淨離一切
分別網超一切障礙山隨所應化而普照故
二中先法說後喻明今初先標後釋釋中
先正釋本性約理離分別約智超障約所
斷後隨所應下釋妨既無長短今說長短
者爲利生故欲長則長顯法根深欲短便
短顯法超勝

善男子譬如日輪無有晝夜但出時名晝沒

時名夜菩薩智輪亦復如是無有分別亦無
三世但隨心現教化衆生言其止住前劫後
劫善男子譬如日輪住闍浮空其影悉現一
切寶物及以河海諸淨水中一切衆生莫不
目見而彼淨日不來至此菩薩智輪亦復如
是出諸有海住佛實法寂靜空中無有所依
爲欲化度諸衆生故而於諸趣隨類受生實
不生死無所染著無長短劫諸想分別何以
故菩薩究竟離心想見一切顛倒得真實見
見法實性知一切世間如夢如幻無有衆生
但以大悲大願力故現衆生前教化調伏佛
子譬如船師常以大船於河流中不依此岸
不著彼岸不住中流而度衆生無有休息菩
薩摩訶薩亦復如是以波羅蜜船於生死流
中不依此岸不著彼岸不住中流而度衆生

無有休息雖無量劫修菩薩行未曾分別劫數長短佛子如太虛空一切世界於中成壞而無分別本性清淨無染無亂無礙無厭非長非短盡未來劫持一切刹菩薩摩訶薩亦復如是以等虛空界廣大深心起大願風輪

契

十三

攝諸衆生令離惡道生諸善趣悉令安住一切智地滅諸煩惱生死苦縛而無憂喜疲厭之心善男子如幻化人支體雖具而無入息及以出息寒熱飢渴憂喜生死十種之事菩薩摩訶薩亦復如是以如幻智平等法身現衆色相於諸有趣住無量劫教化衆生於生死中一切境界無欣無厭無愛無恚無苦無樂無取無捨無安無怖

後喻顯有五一皎日隨時喻謂日體恒明
暎山出沒智無三世心障見殊二日輪現

影喻謂白日無來隨處隱顯智輪常寂機

見短長三虛舟運物喻菩薩無住攝生

四太虛無礙喻於菩薩無功益物五幻

化無真喻即用而寂然上諸夜神歎深

皆傲斯法喻然上諸夜神歎深皆傲斯法喻者然多問發心時之久近

而答智輪印體用故然斯五喻非無有義皆前已有故疏不釋

佛子菩薩智慧雖復如是甚深難測我當承

佛威神之力為汝解說令未來世諸菩薩等

滿足大願成就諸力

三結承力為說可知

佛子乃往古世過世界海微塵數劫有劫名

善光世界名寶光於其劫中有一萬佛出興

于世其最初佛號法輪音虛空燈王如來應

正等覺十號圓滿彼閻浮提有一王都名寶

莊嚴其東不遠有一大林名曰妙光中有道

場名爲寶華彼道場中有普光明摩尼蓮華藏師子之座時彼如來於此座上成阿耨多羅三藐三菩提滿一百年坐於道場爲諸菩薩諸天世人及閻浮提宿植善根已成熟者演說正法

第六

十四

二佛子乃往下正答所問先長行後偈頌前中三初善光劫中行因得法次日光劫內供佛修行後總結時處初中二先明最初佛所修證後轉生值佛修行前中三初古佛出興

是時國王名曰勝光時世人民壽一萬歲其中多有殺盜婬佚妄言綺語兩舌惡口貪瞋邪見不孝父母不敬沙門婆羅門等時王爲欲調伏彼故造立囹圄枷鎖禁閉無量衆生於中受苦

二是時國王下先王治化囹圄者周之獄名

王有太子名爲善伏端正殊特人所喜見具二十八大人之相在宮殿中遙聞獄囚楚毒音聲心懷傷愍從宮殿出入牢獄中見諸罪人杻械枷鎖遞相連繫置幽闇處或以火炙或以煙熏或被榜笞或遭贖割保形亂髮飢渴羸瘦筋斷骨現號叫苦劇太子見已心生悲愍以無畏聲安慰之言汝莫憂惱汝勿愁怖我當令汝悉得解脫便詣王所而白王言獄中罪人苦毒難處願垂寬宥施以無畏時王即集五百大臣而問之言是事云何諸臣答言彼罪人者私竊官物謀奪王位盜入宮闈罪應刑戮有哀救者罪亦至死時彼太子悲心轉切語大臣言如汝所說但放此人隨

第五

十五

其所應可以治我我爲彼故一切苦事悉皆
能受粉身歿命無所顧惜要令罪人皆得免
苦何以故我若不救此衆生者云何能救三
界牢獄諸苦衆生一切衆生在三界中貪愛
所縛愚癡所蔽貪無功德墮諸惡趣身形鄙
陋諸根放逸其心迷惑不求出道失智慧光
樂著三有斷諸福德滅諸智慧種種煩惱濁
亂其心住苦牢獄入廣胃網生老病死憂悲
惱害如是諸苦常所逼迫我當云何令彼解
脫應捨身命而拔濟之時諸大臣共詣王所
悉舉其手高聲唱言大王當知如太子意毀
壞王法禍及萬人若王愛念不責治者王之
寶祚亦不久立王聞此言赫然大怒令誅太
子及諸罪人王后聞之愁憂號哭毀形降服
與千采女馳詣王所舉身投地頂禮王足俱

作是言唯願大王赦太子命王即迴顧語太
子言莫救罪人若救罪人必當殺汝爾時太
子爲欲專求一切智故爲欲利益諸衆生故
爲以大悲普救攝故其心堅固無有退怯復
白王言願恕彼罪身當受戮王言隨意爾時
王后白言大王願聽太子半月行施恣意修
福然後治罪王即聽許時都城北有一大園
名曰日光昔施場太子往彼設大施會飲
食衣服華鬘瓔珞塗香末香幢幡寶蓋諸莊
嚴具隨有所求靡不周給經半月已於最後
日國王大臣長者居士城邑人民及諸外道
悉來集會時法輪音虛空燈王如來知諸衆
生調伏時至與大衆俱天王圍繞龍王供養
夜叉王守護乾闥婆王讚歎阿脩羅王曲躬
頂禮迦樓羅王以清淨心散諸寶華緊那羅

王歡喜勸請摩睺羅伽王一心瞻仰來入彼會爾時太子及諸大眾遙見佛來端嚴殊特諸根寂定如調順象心無垢濁如清淨池現大神通示大自在顯大威德種種相好莊嚴其身放大光明普照世界一切毛孔出香燄雲震動十方無量佛刹隨所至處普雨一切諸莊嚴具以佛威儀以佛功德衆生見者心淨歡喜煩惱消滅爾時太子及諸大眾五體投地頂禮其足安施牀座合掌白言善來世尊善來善逝唯願哀愍攝受於我處于此座

以佛神力淨居諸天即變此座爲香摩尼蓮華之座佛坐其上諸菩薩衆亦皆就座周匝圍繞時彼會中一切衆生因見如來苦滅障除堪受聖法爾時如來知其可化以圓滿音說修多羅名普照因輪令諸衆生隨類各解

時彼會中有八十那由他衆生遠塵離垢得淨法眼無量那由他衆生得無學地十千衆生住大乘道入普賢行成滿大願當爾之時十方各百佛刹微塵數衆生於大乘中心得調伏無量世界一切衆生免離惡趣生於天上善伏太子即於此時得菩薩教化衆生令生善根解脫門

二 三有太子下夜神修因於中亦三初明在家本事二結會古今三出家得法今初有十一悲救罪人正答發心之始榜笞捶擊也贖謂則足之流二臣議非理三請代囚命四臣執令誅言寶祚者祚位也易云聖人之大寶曰位五王后哀祈六王奪子志七太子確救八母請修因九正設施場十經半月下如來親救於中二時法輪下

如來降德三爾六一就戮時臨時太子下
敬申禮請四以佛申下就座談經言普照
因輪者謂令知善惡各自有因罪人惡因
所招太子善因當滿故五時彼會下廣益
當機六善伏下太子得法

官割願
大辟也

願謂則足者然
俗有五刑剗墨

善男子爾時太子豈異人乎我身是也我因
往昔起大悲心捨身命財救苦衆生開門大
施供養於佛得此解脫佛子當知我於爾時
但爲利益一切衆生不著三界不求果報不
貪名稱不欲自讚輕毀於他於諸境界無所
貪染無所怖畏但莊嚴大乘出要之道常樂
觀察一切智門修行苦行得此解脫佛子於
汝意云何彼時五百大臣欲害我者豈異人
乎今提婆達多等五百徒黨是也是諸人等

蒙佛教化皆當得阿耨多羅三藐三菩提於

未來世過須彌山微塵數劫爾時有劫名善

光世界名寶光於中成佛其五百佛次第與

世最初如來名曰大悲第二名饒益世間第

三名大悲師子第四名救護衆生乃至最後

名曰醫王雖彼諸佛大悲平等然其國土種

族父母受生誕生出家學道往詣道場轉正

法輪說修多羅語言音聲光明衆會壽命法

住及其名號各各差別佛子彼諸罪人我所

救者即拘留孫等賢劫千佛及百萬阿僧祇

諸大菩薩於無量精進力名稱功德慧如來

所發阿耨多羅三藐三菩提心今於十方國

土行菩薩道修習增長此菩薩教化衆生令

生善根解脫者是時勝光王今薩遮尼乾子

大論師是時王宮人及諸眷屬即彼尼乾六

萬弟子與師俱來建大論幢共佛論議悉降
伏之授阿耨多羅三藐三菩提記者是此諸
人等皆當作佛國土莊嚴劫數名號各各有
異

二善男子爾時太子下結會古今分四初

法八

結自身正酬發心之間二結大臣三結獄

十九

囚四結王屬並文處可知薩遮有也尼乾

不繫也裸形自餓不繫衣食故

佛子我於爾時救罪人已父母聽我捨離國
土妻子財寶於法輪音虛空燈王佛所出家

學道五百歲中淨修梵行即得成就百萬陀
羅尼百萬神通百萬法藏百萬求一切智勇
猛精進淨治百萬堪忍門增長百萬思惟心
成就百萬菩薩力入百萬菩薩智門得百萬
般若波羅蜜門見十方百萬諸佛生百萬菩

薩大願念念中十方各照百萬佛刹念念中
憶念十方世界前後際劫百萬諸佛念念中
知十方世界百萬諸佛變化海念念中見十
方百萬世界所有眾生種種諸趣隨業所受
生時死時善趣惡趣好色惡色其諸眾生種
種心行種種欲樂種種根性種種業習種種
成就皆悉明了

三佛子我於爾時下明出家得法各言百

萬義當彼時已得四地

千三地萬四
地百萬文

佛子我於爾時命終之後還復於彼王家受
生作轉輪王彼法輪音虛空燈王如來滅後
次即於此值法空王如來承事供養次為帝
釋即此道場值天王藏如來親近供養次為
夜摩天王即於此世界值大地威力山如來

親近供養次爲兜率天王即於此世界值法輪光音聲王如來親近供養次爲化樂天王即於此世界值虛空智王如來親近供養次爲他化自在天王即於此世界值無能壞幢如來親近供養次爲阿脩羅王即於此世界

值一切法雷音王如來親近供養次爲梵王即於此世界值普現化演法音如來親近供養佛子此寶光世界善光劫中有一萬佛出興于世我皆親近承事供養

二佛子我於爾時命終下明轉生值佛修

行畧列八佛通結一萬

次復有劫名曰日光有六十億佛出興於世最初如來名妙相山我時爲王名曰大慧於彼佛所承事供養次有佛出名圓滿肩我爲居士親近供養次有佛出名離垢童子我爲

大臣親近供養次有佛出名勇猛持我爲阿

脩羅王親近供養次有佛出名須彌相我爲

樹神親近供養次有佛出名離垢臂我爲商

主親近供養次有佛出名師子遊步我爲城

神親近供養次有佛出名爲寶髻我爲毘沙

門天王親近供養次有佛出名最上法稱我

爲乾闥婆王親近供養次有佛出名光明冠

我爲鳩槃荼王親近供養於彼劫中如是次

第有六十億如來出興於世我常於此受種

種身一一佛所親近供養教化成就無量衆

生於一一佛所得種種三昧門種種陀羅尼

門種種神通門種種辯才門種種一切智門

種種法明門種種智慧門照種種十方海入

種種佛刹海見種種諸佛海清淨成就增長

廣大

第二次復有劫下明日光劫中值佛修行
中三初總標舉次最初下別列十佛後於
彼劫下總結得法

如於此劫中親近供養爾所諸佛於一切處
一切世界海微塵數劫所有諸佛出興于世
親近供養聽聞說法信受護持亦復如是如
是一切諸如來所皆悉修習此解脫門復得
無量解脫方便

第三如於此劫下總結時處修行得法
爾時救護一切衆生主夜神欲重宣此解脫
義即爲善財而說頌言

汝以歡喜信樂心問此難思解脫法我承如
來護念力爲汝宣說應聽受

第二偈頌中有三十四頌分四初一頌承
力許說

過去無邊廣大劫過於刹海微塵數時有世
界名寶光其中有劫號善光
於此善光大劫中一萬如來出興于世我皆親
近而供養從其修學此解脫

次二頌古佛出興

時有王都名喜嚴縱廣寬平極殊麗雜業衆
生所居住或心清淨或作惡爾時有王名勝
光恒以正法御羣生

次一偈半先王治化

其王太子名善伏形體端正備衆相

時有無量諸罪人繫身牢獄當受戮太子見
已生悲愍上啓於王請寬宥

爾時諸臣共白王今此太子危王國如是罪
人應受戮如何悉救令除免

時勝光王語太子汝救彼罪自當受太子哀

念情轉深誓救眾生無退怯

時王夫人采女等俱來王所白王言願放太

子半月中布施眾生作功德

時王聞已即聽許設大施會濟貧乏一切眾

生靡不臻隨有所求咸給與

類八

三

如是半月日云滿太子就戮時將至大眾百

千萬億人同時瞻仰俱號泣

彼佛知眾根將熟而來此會化羣生顯現神

變大莊嚴靡不親近而恭敬

佛以一音方便說法燈普照修多羅無量眾

生意柔輒悉蒙與授菩提記

善伏太子生歡喜發興無上正覺心誓願承

事於如來普為眾生作依處

便即出家依佛住修行一切種智道爾時便

得此解脫大悲廣濟諸羣生

類八

三

於中止住經劫海諦觀諸法真實性常於苦

海救眾生如是修習菩提道

劫中所有諸佛現悉皆承事無有餘感以清

淨信解心聽聞持護所說法

餘頌夜神修因於中四初九偈半頌在家

本事次一偈頌出家得法三有二偈頌一

萬佛

次於佛刹微塵數無量無邊諸劫海所有諸

佛現世間一一供養皆如是

我念往昔為太子見諸眾生在牢獄誓願捨

身而救護因其證此解脫門

經於佛刹微塵數廣大劫海常修習念念令

其得增長復獲無邊巧方便

彼中所有諸如來我悉得見蒙開悟令我增

明此解脫及以種種方便力

我於無量千億劫學此難思解脫門諸佛法
海無有邊我悉一時能普飲

十方所有一切刹其身普入無所礙三世種
種國土名念念了知皆悉盡

三世所有諸佛海一一明見盡無餘亦能示

現其身相普詣於彼如來所

又於十方一切刹一切諸佛導師前普雨一
切莊嚴雲供養一切無上覺

又以無邊大問海啓請一切諸世尊彼佛所
雨妙法雲皆悉受持無忘失

又於十方無量刹一切如來衆會前坐於衆
妙莊嚴座示現種種神通力

又於十方無量刹示現種種諸神變一身示
現無量身無邊身中現一身

又於一一毛孔中悉放無數大光明各以種

種巧方便除滅衆生煩惱火

又於一一毛孔中出現無量化身雲充滿十

方諸世界普雨法雨濟羣品

十方一切諸佛子入此難思解脫門悉盡未
來無量劫安住修行菩薩行

隨其心樂爲說法令彼皆除邪見網示以天

道及二乘乃至如來一切智

一切衆生受生處示現無邊種種身悉同其

類現衆像普應其心而說法

若有得此解脫門則住無邊功德海譬如刹

海微塵數不可思議無有量

四次於佛刹下有十七偈頌總結時處得

法於中三初一畧標次三總會古今後十

三偈重頌末後得法深廣

善男子我唯知此教化衆生令生善根解脫

門如諸菩薩摩訶薩超諸世間現諸趣身不住攀緣無有障礙了達一切諸法自性善能觀察一切諸法得無我智證無我法教化調伏一切衆生恒無休息心常安住無二法門普入一切諸言辭海我今云何能知能說彼功德海彼勇猛智彼心行處彼三昧境彼解脫力

四善男子我唯知下謙已推勝

善男子此闍浮提有一園林名嵐毘尼彼園有神名妙德圓滿汝詣彼問菩薩云何修善

薩行生如來家爲世光明盡未來劫而無厭倦

第五指示後友嵐毘尼林此云樂勝圓光

昔有天女下生此處因以爲名表九地總持光明無不照故友名妙德圓滿者善慧

無缺故然此園在迦毘羅城東二十里是摩耶生佛之處又從九地當得受職是故今問生如來家時善財童子頂禮其足繞無量市合掌瞻仰辭退而去

大方廣佛華嚴經疏鈔會本第七十三

音釋

綺語 綺去倚切綺語謂綺麗之語也 圜園 圜音陵園獄名

械 械久切械胡懈切械桎梏也 榜笞 榜蒲庚切擊也笞起之切 臄

割 臄毘忍切割去臄也 保 力果切保赤體也 筋 音斤骨也

劇 竭戰切劇甚也 戮 音六殺也 罾 古縣切罾網也 祚 昨誤切祚祿位也 嵐

別 魚厥切別斷足也 誕 徒案切誕生也 貯 展呂切貯積也

